

近代中國史料叢刊續編第八十九輯
沈雲龍主編

皇朝政典類纂
席裕福
沈師徐輯

權征一

文藻出版社
有限公司
印行

近代中國史料叢刊續編第八十九輯
沈雲龍主編

皇朝政典類纂
席裕福
沈師徐輯

權征二

文藻出版社
有限公司
印行

近代中國史料叢刊續編第八十九輯
沈雲龍主編

皇朝政典類纂

席裕福
沈師徐輯

權征三

文藻出版社
有限公司
印行

皇朝政典類纂

近代中國史料叢刊續編 第八十九輯

目錄

皇朝政典類纂……權征一……	沈席師裕徐福輯
皇朝政典類纂……權征二……	沈席師裕徐福輯
皇朝政典類纂……權征三……	沈席師裕徐福輯
皇朝政典類纂……市易一……	沈席師裕徐福輯
皇朝政典類纂……市易二……	沈席師裕徐福輯
皇朝政典類纂……鑛政……	沈席師裕徐福輯
皇朝政典類纂……倉庫……	沈席師裕徐福輯
皇朝政典類纂……國用一……	沈席師裕徐福輯
皇朝政典類纂……國用二……	沈席師裕徐福輯
皇朝政典類纂……國用三……	沈席師裕徐福輯

皇朝政典類纂卷八十三

征權一

關稅關章

戶部貴州清吏司凡戶關之屬二十有四其課有正額有盈餘各以時報解期滿則以聞償其不足者有餘則各以其實解焉凡徵稅各定其口岸巡查亦如之禁其苛擾豫期送稅冊於部鈐印而給發焉凡稅關各頒其則鏤而樹於市令商自註於冊而輸課遂給以單稽其隱匿者越行者重則罪之輕則罰之凡貢物皆徵其稅惟外藩之貢物則不徵凡免徵者皆覈其實而驗放焉凡稅耗各徵其十之一經費皆出焉無耗則取諸盈餘凡貨物稽其犯禁者商船之出海者則給以照而驗其出入之期若食米綢緞鐵器皆限以制會典

凡各關貨物之稅有衣物稅有食物稅有雜貨稅各關皆準此四項以爲則惟左翼右翼專徵契稅牲畜稅崇文門坐糧廳天津關殺虎口歸化城臨清關淮安關濟甯關江海關西新關鳳陽關贛關北新關驪關打箭爐太平關梧州廠兼徵牲畜稅張家口臨清關兼徵車馱稅西新關兼徵船契稅經紀稅地租稅歸化城兼徵油酒鋪房稅太平關兼徵鹽稅木稅天津關山海關淮安關揚州關江海關浙海關北新關閩海關武昌關粵海關兼徵船料稅濟甯關兼徵鹽船船料稅惟九江關專徵柴料及鹽茶竹木稅凡衣物之屬以疋計以身計以卷計以筒計以件計以箇計以副計以條計以斤計以十雙百雙十頂百頂計食物用物及雜貨之屬以斤計以篋計以包計以箇計以擔計以塊計以件計以張計以罈計以石計以十套百套十把百把計牲畜之屬以口計以價計鹽以包計以引計茶以斤計竹木之大者以丈尺計小者以根計船料以桅封

計以釐計以梁頭計各按丈尺以起科限其年月與其往來之次數凡貨物之以車計以馱計以箱捆計者各準其斤數件數之限以起科其以船計者按其梁頭之寬深以準其貨物之多寡或祇徵船料或祇徵商稅或船料商稅並徵各視其土之所產用之所宜與價值之低昂程途之遠邇衝僻以爲差凡貨物之不徵稅者亦刊於則俾商民咸知之會典

工部都水清吏司凡木稅船稅貨稅各定其額與其盈餘 盛京木稅十五而取一滿會典

工關之隸於司者江蘇龍江關徵竹木及商船桶篋箱籃包裹等稅其分口有大勝關河定橋東關芮嘴和州含山大處大勝關徵收茶篋包捆稅河定橋徵收茶篋稅東關芮嘴和州含山等處徵收桶篋稅宿遷關徵竹木及船契船鈔捆包桶篋擔束稅其分口曰徐關徵貨物箱篋包件稅由開關專徵河餉上下水船俱徵隨船纜銀安徽蕪湖關徵竹木船料商貨篋箱桶米麥柴炭稅其分口有清弋新莊裕溪泥汊四處各徵竹木及包捆稅浙江南新關徵竹木稅其分口有魚臨美政安溪富新北新觀音板橋良畎籽種等處徵稅與正關同湖北荆關徵竹木及盆桶稅其分口曰田關徵稅如之吉林寧古塔輝發穆欽等處徵木稅會典

一各關徵稅科則責令該管官詳刻木榜懸立關口街市並責關令地方官將稅則刊刷小本每本作價貳分聽行戶頒發遵照倘該管官將應刊木榜不行設立或書寫小字懸於僻處掩以他紙希圖高下其手者該督撫查參治罪地方官將應刊稅則不行詳校致有舛漏或更扶同徇隱者並予嚴參

一各關商填循環稽考三簿令各關照依部頒冊式事由刊刷裝訂於面頁上鈐蓋關印銀差送部由部鈐蓋堂印給發其打箭爐監督令於領放時在都呈領事由冊式裝訂送部鈐印

一各關商民輸稅填寫收稅紅單二紙一給商人一送部察核其有不給紅單或納銀數多給票數少及私將紅單撤回多徵勒索者許商民首告究擬

一海洋貿易商船令報明海關監督及地方官該地方官嚴查確係殷實良民取其保結准其依式成造仍取其船主不得租與匪人甘結將船身烙號刊名查明在船人口與例相符填給執照於出口時呈官驗放若遇舵水偶有事故許該船戶就近召募出且保結赴該海關廳縣請照頂補掛號造冊回日銷號沿海貿易之船亦令於出口時驗照掛號回日覆驗銷號若有詭名頂替及違例多帶舵水人等汛口官盤查不實或別有勒捐失察情弊俱分別議處治罪

一各項商人出洋地方官查明真實姓名住居地方及往何洋貿易取其里鄰甘結給與印照守口官弁驗准放行仍載入稽考簿內其從外洋販貨進口者亦必詳查人貨訊明經由何洋概行註冊

一出洋小本商民因風信屆期不能回籍請照在福建省呈明廈門同知在廣東者呈明南海縣在浙江者呈明海關監督及乍浦海防同知該海關廳縣取具行戶船主保結給與印照行知該地方官備案回日仍赴原衙門銷照其舵水貨客有在番地賬目不清及別項事故者原給照衙門取具鄰船客商水手甘結移行地方官存案回日呈明繳銷

一由五虎門出口渡臺商民向在閩省置貨貿易不能赴原籍領照者責令行保出具保結并將置何貨物裝攬何船報明福防同知衙門就近給照放行

一由淡水內渡商民免其給照飭令取具行鋪認保開明姓名年貌籍貫由船戶持交管口員弁驗明放行

一渡海商民不由行保人等查明出結報明該管同知衙門給照掛驗私自偷渡者照私渡關津律治罪行保人等知情故縱者一體坐罪

一廈門商運船隻不許越赴泉州府屬之蚶江口渡載

一福寧興化漳州等府併廈門所屬沿海小港及臺灣府屬之淡水彰化嘉義鳳山所轄之各處小港均責成沿海各屬及守口員弁實力查禁如有拿獲無照船隻私渡者船戶照越渡緣邊關塞律治罪船隻入官倘有夾帶違禁貨物出口者各照本律分別治罪若文武官員有故縱失察情弊分別查參議處

一有照商船因風漂泊收岸者守口員弁驗明牌照放行

一閩省貼解頭船易滋偷漏承禁留造違者嚴行究治以上並則例

太祖高皇帝丁亥年與明通市於撫順清河寬奠驪陽四關口是時上招徠各路國勢日盛明亦遣使通好歲以金幣聘問我國所產東珠人參紫貂元狐狗狸獾諸珍異之物於撫順清河寬奠驪陽四關口互市以通商賈通考 互見內地貿易成例門

順治四年歸併荆關通惠河中河清江廠杭關蕪湖龍江等關於戶部通考 通典 通志

八年禮科給事中李人龍奏臣伏讀 聖諭朕灼知今日商民之苦著仍舊關設一員添設書裁去以後不得濫差是撤苦商之官以通商矣臣愚謂必力清從來積弊然後苦商之害除而商可通也其弊有五謹為皇上陳之其一有單書之弊商人報稅書手上單此常例也浸而分外需索傳費不貲少不遂意指勒詭捏高下其手為費反倍是以單書起家往往赤貧頓致巨富害商者一其二有盤貨之弊依按船隻驗明貨數

恐商人之漏報耳乃有奸書使役使費不足銖銖寸寸逐物搜翻巧爲擊訛捏成漏報害商者二其一有包攬之弊貨船未到棍徒經紀串通奸書騙迎商船包攬代納尤可恨者騙誘商人暗用私費及至包攬過關事情發覺遂爾拘貨入官責其漏稅犯法勢必打點營求哀懇招保在商人擁重貲跋涉艱辛而來僅可脫生 聖諭謂河沿一帶公然劫奪無異者莫此爲甚害商者三其一有關牙之弊貨物到關自然抽稅此定例也官報發 欽差大票差人遠出境外州縣招認關牙按季上稅年終換帖又有執牌舍人等棍假以尋稅爲名摻及田野種菜造酒肩挑生意總所不免 聖諭念及百物騰貴其弊正由乎此也害商者四其一有量船之弊船隻一到不論船之爲盈爲虛亂差惡役任意量船只借船料爲名雖篋篋之微稅亦不免苟有違阻卽行兇暴商人船戶吞忍輸納莫可誰何害商者五甚而往來官船所帶不過家眷行李亦水行之常耳動以查帶私貨爲名百端凌辱不論貨之有無加倍需索欲滿始肯開關放行其害又不獨商賈受之矣此皆從來因循縱容所致今宜立爲革除者乞 勅部申飭各關官員洗心滌慮嚴革夙害釐剔諸弊澄清河道則四方商民翕然嚮風絡繹而來自此物力優餘商通而 國裕矣伏乞 勅部申飭施行 皇

清奏議

九年題准各關差額設巡攔各製號衣腰牌以杜冒充會典事例

十年題准令各關差刊示定例設櫃收稅不得勒扣火耗需索陋規會典事例

十一年准科臣所奏清釐關弊戶科給事中杜篤祐條奏清釐關弊四事一裁吏役一查稅累一關差避原

籍一批文核對限期章下所司遵行通考 通志

皇朝政典類編卷八十三征權一 關稅

十三年奏准各關當堂設櫃設梁頭貨物條例商民親自填簿輸銀投櫃驗明放行隱漏者治罪如
役苛索民間小船往來衣服食物者該撫查察參處會典事例 通志

十四年題准關稅照部頒條例刊榜暨立關口便商輸納會典事例 通志

康熙五年議准刊刻關稅條例暨立木榜於直省關口孔道曉諭商民戶部議覆直隸巡撫王登聯
各省征收關稅條例甚屬繁多請刊刻木榜暨立關口並商賈往來之孔道徧行曉諭或例內有加
明白註出以杜吏役濫征之弊應如所請嗣後直隸各省設立關稅之處應多刊木榜昭示商民照
有不肖官吏於定額之外私行濫收者令該督撫不時查察據實題參依律治罪從之 通考

八年議准各關刊榜除去鈔貫字樣明載徵銀數目收稅單一様填寫二紙一留商人一送部查覈
九年御史徐旭齡奏今日民窮極矣所恃通財貨之血脈者惟有商賈乃今商賈以關鈔爲第一大
其故總由於官多役多事多有此三患故商賈望見關津如赴湯蹈火之苦也往者以地方官不
務改爲滿漢兼差所以杜絕姦蠹澄清科派也近見告訐關弊者如淮安關則有郭宗儀告曹有
關則有傅洪勳告丁世芳等或焚贖巨萬或人命干連見在告部行查是滿漢兼差本以恤商而
本以裕國而反致蠹國夫去弊者必清其弊之源止貪者必絕其貪之路今督理權關不過照額
難事或滿或漢止差一官足矣若必滿漢並差多官則多費多費則多加派其勢然也嘗見關差
出都門親友稱賀或饋酒食或送馬匹多寡隨丁盛治行裝其費已不貲矣及其在任過往知交
至於差回彌縫筵路酬答親友凡此費用無不取給於一差故與其多差一官而禁其貪不若少

省其費也伏乞 勅下該部酌議以後關差不論滿漢但擇廉幹官員止差一人承辦倘例則省一官即省千萬商賈之膏血矣至舊役盤踞屢經嚴禁而如故者各關既就近召募則此輩固情熟易於上下相顧如揚關舊役吳健之等已經科臣柯錕題參而淮揚關各役則仍無表裏作奸如曹我值即曹元吉之子賀森即賀爾植之子張公玉即張一躍之子夏永公即夏有奇之弟陳爾聯即陳在位之子有子供役而父在外收銀弟供役而兄在外需索不惟舊役不能禁一役反化爲二役矣繼由各關就近召募之弊也近見工部題參杭關吏類於經制之外私自召募典吏現在議處伏乞 勅下吏部將各關經制書吏從部召募確查果係殷實良民取其印結考取分撥不許各關私自召募則舊役可清而熟於作奸之根株絕矣又如漕臣帥顏保題請准關歸併而戶部復奉有各省相近之關令一處兼管之 旨然臣以爲關固當併而各關納稅之名色尤當併也即如准倉有正稅一稅由關由梁手本等項名色工部有抽單丈量加料等項名色板關有正鈔加鈔石頭等項名色合計三關名色不下二十餘項推之各關俱有因循積弊名色無不皆然抑知名色多則商賈易惑頭緒繁則需索易增伏乞 勅下督撫嚴查將各關各項名色盡行禁革通計稅額若干總歸一項刊石通衢務使商人易見易知更刻大字於上照數納稅加增分毫即係私派立行重懲則正項既明而額外之索詐杜矣如此則省官以清私派之根本省役以除作弊之爪牙省事以絕需索之徑路革積弊而聽商賈計無切於此也 奏 徐清獻奏疏

二十三年定開海征稅則例其海口內橋津地方貿易悉免抽分九卿等議覆戶科給事中孫嘉瑞言海洋貿易宜設立專官收稅應如所請得 旨海洋貿易創收稅課若不定例恐爲商賈累當照關差例差部院暨能

司官前往酌定則例嗣經郎中伊爾格圖酌定開海征稅則例奏請給與各關定例款項於橋道渡口征收稅課奉 諭旨向令開海貿易謂於閩粵邊海民生有益若此二省民用充阜財貨流通各省俱有神益且出海非貧民所能富商大賈懋遷有無薄征其稅不致累民今若照奉差郎中伊爾格圖所奏給與各關定例款項於橋道渡口等處概行征收何以異於原無稅課之地反增設一關科斂乎此事恐致擾民爾等傳諭九卿詹事科道會議具奏戶部等衙門遵 諭議覆福建廣東新設關差止將海上出入船載貿易貨物征收其海口內橋津地方貿易船車等物停其抽分并將各關征稅則例給發監督酌量增減定例從之通考

二十八年議定江浙閩廣四省海關徵稅之例戶部奉 諭旨近聞江浙閩廣四省海關於大洋與販商船運照則例征收稅課原未累民但將沿海地方採捕魚蝦及貿易小船概行征稅小民不便今應作何征收俾商民均益著九卿詹事科道會同確議以聞等經九卿等遵 旨以兩議覆奏一議錢糧無多應交地方官征收一議交與地方官則無專管之員應仍差官征收至海中船隻何者應免收稅惟候 聖裁得 旨採捕魚蝦船隻及民間日用之物併餉口貿易俱免其收稅嗣後海關著各差一員管理稅務通考

雍正二年諭各省兼管關稅之巡撫凡商賈貿易之人往來關津宜加恩恤故將關差歸併巡撫以巡撫為封疆大吏必能仰承德意加惠商旅也但各關俱有遠近口岸所委看管之家人賢愚不一難免額外苛求及勒取飯錢等弊稍不如意則縛送有司有司礙巡撫之面徇情枉法則商民無所控訴矣嗣後將應上稅課之貨物遵照則例逐件刊刻詳單印刷多張各貨店俱給一紙使眾人知悉其關前所有刊刻則例之木榜務令豎立街市使人人共見不得藏匿屋內或用紙掩蓋以便高下其手任意苛索立法如此自能剔除弊端但爾等

朕委任之重尤當仰體朕心遴選誠實可信之人以任稽查之責以期商民有益力爲稱職雍正內閣上
七年上諭各關開放船隻之處向例有部頒號簿以便稽查茲聞各關另設私簿徵收惟於報部之時始將號
簿挨日填造其意以水路船隻往來多寡不齊若據實填造則不能逐日有徵收之數目恐干駁查是以設法
勻派填造如此則領內全非實在數目與商船過稅串票毫不相符殊非政體且凡事據實則可以無弊作僞
則弊叢生今既係任意勻派填造則號簿亦爲虛設矣嗣後各關於部頒號簿務須據實填寫如無船隻過
稅之日亦卽註明不得仍蹈前轍如敢故違定行嚴加議處該部亦不得混行指駁致滋弊端雍正內閣上

乾隆元年定各省稅課則例頒示通行甘肅布政使徐杞奏言各省應納稅課例應刊刻木榜大書設立關口
使商賈一目了然經戶部議請通行各省臣遵卽通飭各屬大書設立并納稅串根與造報底冊逐一查對內
有比冊征收短少者亦有比冊浮多者更有比坊刻通行則例浮減不一有無不同者且有府與府異縣與縣
異一稅而數處各別者緣各屬並部頒則例各憑照破爛舊本按物收稅伏查甘省稅課除牙帖等項外有商
畜二稅內有過稅坐稅之分過稅係販往別地貨物應納過路之稅坐稅係置買別地貨物到店發賣卽爲落
地稅銀稅名不一輕重各別必須逐條刊刻大張曉諭方免濫收脫漏今甘省既失部頒條例輸納自無準則
未便因其相沿已久苟且從俗仰懇 敕部查照逐條抄發刊示通行部議應如所請行文甘撫將該省應征
各稅查照節年奏銷定數卽行刊刻木榜大張曉諭倘各該州縣陽奉陰違仍有濫收脫漏之處卽行指名題

參嚴加議處得 旨允行通考

五年奏准各關任滿但將一年徵收額稅繕本具題其或較上年多寡併因何短少緣由不必敘入本內令該監督等另摺具奏會典事例

又定各關需用冊檔照部頒冊式由頭刊刷裝釘成籍鈐蓋關印送部鈐印給發至在京新放監督令該員具呈請領事由冊式自行裝釘呈部印發會典事例

十二年諭關稅定有正額徵收缺少例應著令賠補若一人而兼管兩關者此關徵收有餘應准其抵補彼關不足之數再有短少令其賠補該部察覈各關稅銀均著照此辦理會典事例

十三年以米豆免稅市價未平仍依原額征收戶部議覆江蘇浙暨關監督圖拉條奏直省各關米豆稅銀歷來按額征收乾隆七年 皇上特恩寬商稅以平糧價乃自豁免以來奸商大賈惟知罔利不顧民艱近年各省米豆價並未少減甚且有比舊加昂者徒使奸商飽壘市僧居奇窮黎究未得沾實惠誠屬無益况現當軍需浩繁之際亦宜酌量籌辦應如圖拉所奏將直省各關米豆稅銀仍復舊額奉 諭旨依議朕降旨蠲免各關米豆稅銀本以食為民天關稅優免則市價可減是以不惜千萬正課為小民謀饗殫寬裕計當時內外臣工既有以但利商賈無益民生為言者概未允准朕意欲試行數年果否於民食有裨再行酌量乃數年來稅免而米豆之價不惟不減而昂貴時或有加明係奸商不知免稅之恩專利自封轉以有限之帑項肥三倍之業業無裨閭閻久宜仍復原額且地方偶有偏災即將該處關口應征米豆稅額加恩寬免則估舶聞風雲集市價自平阻儉不得居奇窮黎均沾實惠轉得操權自上朕意不專為蠲需起見也如既復之後奸商藉端長

信之利妨民該地方官卽應嚴行查察究處至准關因寬免米稅後係赫奏准加征船料今既征米稅仍循舊例行通考

二十八年准各關陋規久經革除恐日久相沿倘有未盡清釐應行裁定之項是以議令查明分別去留以清積弊據各關查明應留應革款目會同各該省督撫分晰奏報除武元城殺虎口贛關荆關九江關打箭爐慶關渝關八溝多倫諾爾潘桃口潯州梧州辰關崇文門左翼右翼中江等處並無陋規外其應留款內如西新關之飯食一款浙海關之件頭飯食一款閩海關之平餘罰料截曠三款粵海關之規禮擔銀併平罰料截曠以及舟車飯費等六款太平關之併封平餘一款淮安關之飯食罰倍二款坐糧廳之飯銀單錢票錢三款山海關之飯銀一款張家口之飯錢一款實因各該關口公用浩繁勢所必需商民日久相安並無苛累准其照舊存留至鳳陽關經牙一款係從前奏明之項准其留關充用仍嚴行查察毋令經牙潛行包攬以清弊竇又臨清關之米麥雜貨徵收貼併飯銀二款天津關之罰倍捆駁船隻銀錢三款武昌廠之順風錢文輸金銀兩三款南新關之算單寫單抄號蓋戳併各口書總錢文五款北新關之大關查驗各口查驗船書掛號單書寫單各錢文及罰倍銀兩五款揚關由關之看艙規費一款鳳關之起票驗照看艙三款胡納胡河之印戳制錢一款奉天牛馬稅之火耗飯錢二款皆係經費必需勢難裁減且數目零星不為苛擾准其存留但其中銀錢數目各有參差恐關役人等藉端影射漸滋他弊令各管關督撫監督指定徵收款目刊刻木榜豎立各關口岸俾來往商民咸知遵守又蕪湖關戶工幫貼飯費二款與應革款內江海關之駁票給單掛號油燭飯費看艙錢文五款揚關由關之給串票錢一款應按款裁革以免滋弊至現在報出銀兩於收稅款內均改充公

字樣以昭遵守備此次清釐之後各關仍有未經報出銀款及陽奉陰違格外多取情弊一經查出除該關人役從重治罪外並將失察之督撫監督等嚴加議處會典事例

五十二年奏准各關需用收稅冊檔如在京之崇文門左右翼於關期未滿一月以前飭令書吏赴部印發附近京城之坐糧廳天津關於關期未滿兩月以前愈差赴部印發其張家殺虎二口歸化城山海關於關期未滿三月以前愈差赴部印發又離京較遠之揚州江海淮安濟甯臨清北新浙海鳳陽蕪湖龍江九江贛等關統限關期未滿六月以前愈差赴部印發至離京最遠之太平粵海閩海等關限關期未滿九月以前差吏赴部請領備有請印遲延以致增用本關簿冊登填者照例嚴參會典事例

五十八年諭軍機大臣等據蘇楞額奏凡遇紅毛貨船進口與各國夷船一律丈量收稅等語前因英吉利遣使航海遠來輸誠納費是以格外加恩將攜帶貨物免其紆稅係指此次貢船而言外省辦事往往膠柱鼓瑟或因有此旨意存拘泥竟將該國別項貿易商船概行免稅轉致西洋各國心生冀望紛紛籲請一體免稅成何事體著傳諭蘇楞額務遵前旨固不可例外浮收亦不得於貢船之外概行減稅惟當按照定例收納以昭平允

聖訓

嘉慶二十年諭軍機大臣等各省關稅正額盈餘皆係久經酌定數目相沿徵解各關每屆期滿奏報徵收銀兩大約不甚相懸間有缺額次年得有羨餘仍可補足原額卽江南之西新海關揚關鳳陽蕪湖等關亦莫不然惟淮關濟甯兩關十餘年以來報短缺爲數甚多竟有積重難返之勢歲豐歲歉皆不足額殊不可解該兩關監督已非一任或因缺額降革或因賠項不能完繳呈報家產盡絕欠項繁累年復一年殊屬不成事體

漕揚蘇州爲著名繁富之區從前司榷稅者皆有盈無絀若謂米船客貨近年曾滿足不前揆之情理必無此事如謂兩關歷任監督悉皆昧良使蝕亦未必盡然關稅爲國用攸關該兩關如此疲敝不可不設法整頓百齡張師誠就近確查准開辦暨兩關近年短缺情形其受病之由實在何處應如何量爲調劑會同悉心妥議具奏若有侵蝕弊端由驛嚴參具奏勿稍欺飾 聖訓

禮親王云直省關稅以乾隆十八年奏銷冊籍稽之共四百三十三萬當時天下最爲富庶商賈通利後司事者冀久其在歲增盈餘至乾隆六十年加至六百四十六萬有奇故不免虧缺司事者重征以飽私橐虧缺數目仍歸正供銷算徒有賠補之名從無傾其私橐者至嘉慶十九年清盤關虧缺二十餘萬他稅稱具籍虧缺爲名日加苛斂以致商賈不前物價昂貴民大有損使輕其征收之款而覈其實入之數雖不及乙卯之豐亦必以乾隆癸酉爲則年銷年款國課不致虛懸貿易亦沾實惠誠上下兩便之術也

曠亭雜錄

道光三年諭內閣軍機大臣會同戶工二部奏各關賠補章程著各督撫就近察看情形應否照舊勻攤或仍遵新例各按各任賠補之處一併妥議具奏 聖訓

道光四年諭內閣據戶部奏各省關稅銀兩除本省扣充兵餉及部議准其動撥外餘俱解交部庫以供京營兵餉及一切經費請飭各督撫毋得自行指撥等語國家薄賦輕徭各項錢糧從不輕加銖黍歲入歲出俱有定額並非務爲封殖各省關稅銀兩解存部庫原以備庶政之需若任聽外省自行指撥在各關監督不過節省運費而庫項漸少歲支各款又將何項應用嗣後各省督撫如有迫不及待之項仍准其聲敘實在情形奏

明辦理其非迫不及待之款舉有需用或另籌開款或飭部酌撥毋得率行指撥關稅以符定制 聖訓
又申定權稅章程東華續錄

十一年諭內閣前因各關監督徵收稅課累年虧缺銀兩降旨嚴定章程不准於回旗後呈請繳銀扣俸均令依限完納限滿不完革職監追如監追後仍延宕不交即著永遠監追茲聞戶部單開嘉慶道光年間濟豐淮安兩關歷任監督徵收數目雖間有奏報多收甚屬寥寥而虧缺者甚多似此任意短少年復一年伊於胡底溯查嘉慶四年 欽定濟豐關盈餘銀二十三萬五千兩嗣於嘉慶九年加增銀一萬五千兩共銀二十五萬兩淮安關盈餘銀十一萬一千兩嘉慶九年加增銀二萬兩共銀十三萬一千兩今朕酌量裁減著將濟豐關盈餘銀減去二萬兩每年徵收銀二十三萬兩淮安關盈餘銀減去二萬一千兩每年徵收銀十一萬兩自此裁減之後不特將嘉慶九年加增之數全行減去并較嘉慶四年原定之數格外減少該監督等各宜感激朕恩共發天良認真徵收總期於新定數目有贏無絀方為不負委任儻或仍前玩視以致格外虧缺必將該監督等照前定章程分別革職監追及永遠監追嚴行懲辦決不稍有寬貸懷之慎之 聖訓

又 諭內閣戶部奏酌擬關稅賠繳限期以清課額一摺各關監督徵收稅課果能潔己奉公何至累年虧缺盈餘銀兩動逾萬數前經降旨酌減濟豐淮安二關稅額該員等尤當激發天良認真辦理茲據戶部奏稱各關徵收之員任滿時儻有以多報少或於虧缺之數以少報多即與侵蝕倉庫錢糧無異著責成各該督撫於該監督任滿時就近詳加察訪如有此等情弊立即嚴參革職送部監追照例治罪儻該督撫徇隱不奏別經察覺惟該督撫是問至賠繳短徵關稅銀兩嗣後除三百兩以下定限半年三百兩以上定限一年仍照承追

例限辦理外其銀數自一兩至五兩者予限二年五兩以上至二兩者予限三年二兩以上至五兩者予限六年五兩以上至十兩者予限八年十兩以上亦予限八年至一人而兩任三任各有虧缺如准其接續完交限期未免過寬著統計前後所虧銀數之多寡均照此次所定期限辦理經此次酌定限期之後該監督當知儆惕認真經理不得任意虧缺致干嚴辦除潛駐淮安龍江新九江南新北新等關五處照此限期辦理其餘京外各關及嘉慶四年盈餘定額之慶關等處如有虧缺關稅之員均於關滿奏報及題咨到部之日起各按銀數多寡分別限期久暫以歸畫一餘著照所議辦理並著該部纂入則例永遠遵行

聖訓

二十八年諭前據王植奏江廣漕船准帶竹木與舊奏懸殊請敕部覆一摺當交該部妥議奏茲據該部覆奏著仍照前署兩江總督陸建瀛漕運總督楊殿邦前奏所有漕船天篷竹木准其循照舊章高二尺而不計寬長總以天篷為度兩旁跨木亦照舊章各寬二尺而不計深長總以船身為度此外如有奸商影射及例外多帶情弊著責成各該糧道督飭各幫員弁認真查驗覈實結報並飭各關監督實力查丈以杜爭執而利漕運至各關歷年科算參差未經報部有案不可不畫一辦理以杜各弊著兩江湖廣總督江蘇安徽江西湖北湖南各巡撫會同漕運總督查覈明確準情酌理迅速妥議章程連銜會奏以為永遠遵行之制再漕船准帶土宜原為津貼體恤起見惟例外多帶既應查驗於未經開行之先尤宜嚴防其中途裝帶之弊著湖廣江西各督撫轉飭各該糧道實力查驗並開列艙口清單先期飛移各關俟糧船抵關時按單查驗認真辦理惟江西漕船抵關時每多連樁經過不候查驗藉口於限緊溜急每多夾帶著查照兩湖漕船章程到關暫停或

充迎查俾得嚴實稽查無誤謹行總當見船卽驗一驗卽行斷不准稍有遲延遺漏以速運務而重關稅尋江西巡撫吳文鎔奏漕船例帶土宜係開明貨色清單呈驗但未將何船帶何土宜分晰開列自應遵辦以杜例外多帶之弊至江西糧船較多船眾兼湖關南北兩岸河面狹窄不能排列候驗溯流迎查較為妥便查安徽銅陵縣屬大通鎮馬頭寬闊距蕪湖關百餘里應請卽於此處暫停候驗從之東華續錄

道光年間直省關稅表附

戶部貴州司二十四關

定額	道光二十一年	道光二十二年	道光二十五年	道光二十九年	留支歲出
崇文門	十萬二千七百七十三兩二錢三分三厘 十五兩銅斤水百六十六兩有奇 脚亦併入正額 盈餘無定額	十萬一千一百一十五兩五錢二分三厘 有奇	十萬三千一百一十七兩二錢七分 有奇	十萬二千三百三十二兩二錢二分 有奇	二萬五千一百三兩二錢五分
左翼	萬兩盈餘無定額	萬二千一百八十八兩一錢七分 有奇	七兩有奇	十八兩有奇	八千六百三十二兩六錢一分
右翼	萬兩盈餘無定額	萬一千二百兩 有奇	七兩有奇	十八兩有奇	二兩六錢一分
坐糧廳	萬二千三百三十三兩二錢三分三厘 十九兩有奇	萬二千三百八十八兩二錢二分 有奇	十三兩有奇	十九兩有奇	八千九百一十八兩九錢九分
淮安關	三十二萬八千二百五十五兩五錢二分 六百七十九兩七錢六分 有奇	二十五萬五千二百五十五兩五錢二分 九十四兩二錢四分 有奇	十九兩有奇	十九兩有奇	十四萬六千九百一十六兩九錢 一分 有奇

<p>濟寧關 四十萬一千二百七十七萬二千二百五十九萬九千三百三十二萬二千三百四十四萬二千二百四十八萬二千二百五十一兩有奇 五百四十四兩有奇 百八十二兩有奇 三百六十四兩八十兩有奇 四萬二千八百八兩四錢四分九釐</p>	<p>揚州關 十六萬三千七百六十八萬三千八百一十一萬八千七百八十一萬八千四百一十一萬八千四百一十一兩有奇 百九十四兩有奇 百八兩有奇 百五十二兩有奇 十九兩有奇 百五十三兩有奇 萬八千四百五十三兩六分一釐</p>	<p>蕪湖關 二十二萬九千二百七十七萬二千二百二十四萬八千二百七十七萬四千二百七十七萬四千二百三十九兩有奇 九百九十九兩有奇 九百四十七兩六百三十九兩一百七十七兩有奇 三百二十九兩四十三兩五錢三分</p>	<p>西新關 七萬四千三百四十二萬二千六百四十四萬千四百三十四萬千四百八十四萬千八百九十四萬千八百九十四兩有奇 七十六兩有奇 十二兩有奇 十七兩有奇 十一兩有奇 十二兩有奇</p>	<p>鳳陽關 十萬七千五百五十萬七千七百七十九萬六千四百七十九萬六千二百二十九萬六千三百二十九兩有奇 十九兩有奇 十九兩有奇 三十一兩有奇 七十八兩有奇 三兩有奇</p>	<p>江海關 六萬五千九百五十七萬七千四百四十七萬三千六百七十七萬九千八百七十七萬九千九百九十四兩有奇 八十兩有奇 六兩有奇 八十五兩有奇 二十一兩有奇 九十七兩有奇</p>	<p>天津關 六萬八千五百八十八萬三千六百八十八萬三千二百八十八萬二千五百八十八萬三千五百八十八萬四千八百七十九兩有奇 十六兩有奇 十八兩有奇 四十八兩有奇 二十八兩有奇 四十七兩有奇 四十九兩有奇 九十四兩五錢七分</p>	<p>臨清關 四萬八千三百五十五萬五千九百二十二萬五千四百五十五萬九千七百八十八萬五千四百六十八萬八千三百七十六兩有奇 七十六兩有奇 五兩有奇 三十六兩有奇 三十九兩有奇 四十一兩有奇 九十七兩一錢八分</p>	<p>九江關 五十三萬九千五百六十八萬二千五百五十三萬六千四百五十三萬七千五百五十七萬九千九百九十三兩有奇 二百八十一兩九百三十二兩八百十六兩有奇 百四十四兩有奇 十三兩有奇</p>
--	--	---	---	--	--	---	---	--

歸化城	張家口	山海關	粵海關	太平關	閩海關	浙海關	北新關	濟關
萬六千六百兩 又錢九千串	六萬五千六百兩 一兩有奇	十一萬一千六百兩 二十九兩有奇	八十九萬九千 六十兩有奇	七十二萬八千 七十五兩有奇	十八萬六千五百 百四十九兩有奇	七萬九千九百 八兩有奇	十八萬八千五百 十三兩有奇	八萬五千四百 七十兩有奇
二萬三千五百 六十五兩有奇	二萬四千九百 六兩有奇	八十六萬四千 十兩有奇	八十二萬五千 百二十四兩有奇	十三萬五千二百 百七十九兩有奇	十九萬九千四百 百六十五兩有奇	萬八千八百三 十九兩有奇	十八萬八千二百 百六十六兩有奇	九萬三千四百 八兩有奇
三十二萬三千 三十二兩有奇	二萬四兩有奇 如二十五年	六百六十七百 六兩有奇	二百四十四兩 有奇	十三萬五千二百 百五十三兩有奇	四十二萬七千四 百七十九兩有奇	七萬八千十八 兩有奇	十八萬八千二百 百二十五兩有奇	十一兩有奇 十四兩有奇
同二十一年	同二十一年	六萬七千七百 兩有奇	二百三十六萬 兩有奇	二十一萬八千六 百四十三兩有奇	十八萬五千九 百五十五兩有奇	如額	十八萬八千五百 百九十八兩有奇	九萬三千七百 七十一兩有奇
同二十一年	同二十一年	六萬千六百九 十五兩有奇	四百二十二萬九 千七百六十六兩 有奇	十一萬八千六百 四十三兩有奇	十九萬三千十 二兩有奇	如額	十五萬八千九 百五十五兩有奇	八萬五千三百 十四兩有奇
千一百八十八 兩三錢	二萬兩	四萬千四百九 十四兩一錢三分 七釐	八十萬七千七 百六十八兩六 錢二分三釐	萬五千六百十三 兩一錢六分四釐	十八萬六千十 二兩八錢八釐	儘數撥支	錢三分九釐	分四釐

工部五關

以上戶部貴州二十一年共徵	二十二	年共徵	二十五	年共徵	二十九	年共徵	共三百二十二
司二十四關額收三百九十一	收三百	三十八	收五百	二十三	收四百	四十萬	五千二百六
定正稅盈餘銀萬五千六百兩	萬五千	六百兩	萬五千	六百兩	萬五千	六百兩	有奇
三百九十八萬有奇	九十八	萬有奇	九十八	萬有奇	九十八	萬有奇	有奇
九千二百二十	九千二	百二十	九千二	百二十	九千二	百二十	有奇
三兩有奇又錢	三兩有	奇又錢	三兩有	奇又錢	三兩有	奇又錢	有奇
九千串	九千串		九千串		九千串		

定額	道光二十一年	道光二十二年	道光二十五年	道光二十九年	留支歲出
----	--------	--------	--------	--------	------

實徵	實徵	實徵	實徵	實徵	
----	----	----	----	----	--

龍江關

十一萬二千六	九萬五千七	百九十九	十萬九百兩	十二萬九百三
百七兩有奇	四十兩有奇	九兩有奇	奇	十七兩有奇

蕪湖關

十三萬六千八	十萬二千一	七萬五百四	十一萬七千一	十一萬七千八
百五十三兩有奇	兩有奇	七兩有奇	九十六兩有奇	十一兩有奇

宿遷關

五萬六千六百	五萬九千四百	五萬八千五百	二萬六千九百	二萬七千六百
八十四兩有奇	二十六兩有奇	四十三兩有奇	三十四兩有奇	四十八兩有奇

臨清關

八千三百七十	六千五百五	六千二百八	二十四年奏銷	七千四百五十
二兩有奇	兩有奇	九兩有奇	七千二百七	十三兩有奇
			一兩有奇	

南新關

四萬九千四百	三萬二百四十	如二十一年	如二十一年	如二十一年
六十九兩有奇	七兩有奇			

以上工部核銷二十一年共徵二十二

年共徵二十五年共徵二十九

年共徵各關額定正稅收二十九萬二

收二十四萬九收二十七萬二

收三十萬三千盈餘銀三十六

千五百八十九千九百三十六

千五百四十八三百六十六兩

萬三千九百八兩有奇	十五兩有奇	兩有奇	兩有奇	有奇
-----------	-------	-----	-----	----

通計戶工部額	合戶工各關本	合戶工各關本	合戶工各關本	合戶工各關本
定各關正稅盈	年徵收額稅盈	年徵收額稅盈	年徵收額稅盈	年徵收額稅盈
餘銀四百三十	餘四百二十萬餘	共四百五十三	餘共五百五十	餘共四百七十
五萬二千二百	七千六百九十	萬四百五十五	一萬四千四百	四萬四千八百七
八兩有奇	五兩有奇	兩有奇	十五兩零	十四兩零

遵會典首列戶部二十四關次工部五關以所載正額盈餘均為定額並列山西司紅册道光二十一年實徵數目有歸併各該省地丁項下奏銷者亦附載定額石渠餘紀

咸豐三年諭戶部奏關稅情形請照常辦理以裕課稅而杜弊端等語各關課稅向例俱按正額盈餘額定銀數徵收自本年二月逆匪竄擾江南浙粵淮安九江蕪湖鳳陽等關紛紛奏請儘徵儘解繼而崇文門臨清關亦援案奏請業經降旨允准惟各關距賊氛遠近不一情形亦各不同若概以儘徵儘解為詞漫無限制必致任意侵虧弊端百出著照部議嗣後各關均宜設法整頓仍遵額定稅數照常徵收不准以儘徵儘解違例奏請致滋流弊如將來虧短實屬有因著俟一年期滿奏報到時由戶部酌量情形分別奏明請旨覈辦東華續

四年諭內閣戶部奏請飭應賠關稅各員按限繳錢寬免成數一摺戶部現辦捐銅事宜係出自官生捐備尙可准其以錢鈔減成搭交至應賠關稅皆係各該員等虧欠帑項且所欠之數本係實銀豈能援照辦理內務府承辦工程雖有欠員認修寬免成數之案亦皆出自特恩並非著為成例若如該部所奏各欠員等既得以

折算減交又得邀恩寬免是徒爲欠員開僥倖之門於課幣轉形短絀該部既爲速催賠項起見著卽予限三箇月在京以奉旨之日爲始在外以接到部文之日爲始飭令應賠關稅各員一體完繳其銀解交戶部限滿完繳若干再由該部奏聞請旨概不得混入捐餉章程致滋冒濫其逾限不交各員仍著遵照舊章辦理 聖訓

十年命戶部右侍郎劉峴往奉天巡查海口會同盛京戶部侍郎倭仁妥議稅課章程東華續錄

光緒九年福州將軍穆圖善奏竊維徵稅之法在於擇地以設官相時以稅卡扼歧路以杜奸商之走漏循成憲以稽蠹吏之侵漁前因甯德縣轄開墾築堤經臣等奏將稅關移置東沖改白石爲驗卡建議之初外論不免異同堅持定見行之數月商舶往來一按稅則毫無例外取贏咸稱利便蓋皆宣揚 朝廷 恩德遵守戶部定章因之納輸日有起色此移關之驗也查原設關稅口岸十九處甯德白石爲北路之二甯德關移設東沖僅於白石填給照單於稅課猶多疏漏至以茶葉爲大宗甯屬白石一口向有徵收茶葉渡稅長徵福安所出之茶始因該處採辦內多茶胚茶梗體恤商艱每擔折收制錢六十文彼時出產有限類皆附入貨稅造報迨光緒初年所徵漸旺始行彙合折報按則科徵每擔徵銀一錢列冊報部有案自白石改爲驗卡福安茶葉不由東沖經過致有漏稅且查北路產茶逐年增旺非獨福安一縣統計福甯所屬五縣處處皆有茶商運茶按其地勢盡屬海濱港汊紛歧易滋繞越與西路延建等處絕無海口者不同非擇要移卡不足以杜偷漏臣晝夜焦思務求 國課得有裨益飭據東沖口委員佐領金生會同甯德縣知縣朱寶書察看海汊勘得離福甯府二百二十里之飛鸞地方爲北路茶商進省必由之路將從前白石徵過茶葉

渡稅處該處設立總卡稽徵實足扼五縣要衝查照常稅則例從其輕者不論粗細每擔徵銀一錢其餘雜貨亦照稅則減成折收經臣等聯銜示諭分飭各該地方官轉飭遵辦並飭福防同知王冕南傳諭各茶商毋許推延觀望臣等覆查卡由移置既非創設稅亦循舊並非重徵况屬扼要之區易漏私之弊當茲持籌支絀固不敢專求科斂罔恤民艱亦未便任聽奸人私營利蔽相應請 旨勅部核議示覆以便遵行

劉嶽雲光緒會計表附

十一年 十二年 十三年 十四年 十五年

常稅

二百四十萬九千二百六十三萬六千二百六十五萬八千二百七十萬九千二百六十萬二千二百九十三兩零千二百一十一兩八千五百二十八兩三百七十八兩零八百六十二兩八錢六分四釐零一錢四分三釐零錢二分零

十六年 十七年 十八年 十九年 二十年

常稅

二百六十四萬六千二百五十五萬八千二百五十二萬三千二百八十四萬四千二百七十七萬三千二百六十九兩一錢千四百一十一兩四千四百四十九兩三千三百七十四兩一千一百二十三兩五分四釐零三錢三分六釐零三錢三分六釐零八錢二分九釐零四分二釐

二十四年諭王毓藻奏覆陳籌餉事宜一摺據稱山東東海臨清兩關關稅前經提歸公項每歲八萬餘兩此外稅款較優各關請飭認真釐剔等語關稅為餉源大宗自應實力整頓涓滴歸公各關稅款應提充公者諒亦不少豈容經收之員任意侵匿著各該將軍督撫破除情面認真釐剔查有應行歸公之款儘數撥用據實報部倘再隱匿不報即行從嚴參處郵鈔

俞正燮征商論孟子言古之爲市有司者治之有賤丈夫罔市利始征商謂仁政本不征商商君則言重賦抑末鑿令篇云重關市之賦則農惡商商有疑情之心外內篇云末事不禁則技巧之人利市租太重則民不得無田食貴糶食不利而又加重征則民不得無去其商賈技巧而事地利矣按商賈民之正業易稱先王通商賈言虞夏使民懋遷有無化居周酒誥言率車服賈養父母可以樂飲建國若鄭不侵其業不得以爲賤又斥之爲末戰國士無恆產乃始發憤富入戰國策魯仲連云商賈之行不忍爲又有商君之策皆所謂橫徵疾苦妒富亦其識之未宏也周時太宰九職商賈阜通貨賄罔師任民任商以市事賈賄其征商也經入則九賦有關市山澤幣餘言門征其賈賄人斂歛總質糜罰之市布其無邸肆立持則肆長斂其總布又泉府有市之征布其經出則大府職以待賸服喪紀賜予廛人布入賸府至凶荒札喪則司市云市無征司關云國凶札則無關門之征譬農凶歲不取盈也孟子乃謂仁政關譏而不征市又不應不征或由不悉周法後人有經書不能讀折衷至當分持孟子商君之說或曰非仁政或曰抑末反本天理爛然使天理仁政兩者不能並立四民皆王者之人君臣之義無所逃於天地之間不應商賈獨以仁政不事君專以征科苛責農民上下相接以義商賈若是末則聖王循天理不得因末爲利若云重征以抑末則何如禁絕之乃反誘而征之哉楚漢兵爭農廢財在商賈漢雜用王霸欲商賈輸財不得其名直曰困辱之而已至桑宏羊竊商君之說始飾其辭曰富商大賈無所牟大利則反本而萬物不得騰躍鄭康成注關市山澤幣餘之賦云皆未作當增賦者若今賈人倍算夫聖人仁政固征農矣仁政獨不宜授田課植農桑而不征歛農豈亦未作罔利當征之使反本循天理凍餒歛然則不征商

非仁政征商非抑末也夫征商與征農其義一也癸巳類稿

馮桂芬罷關征議諺云關無善政今驗之而信過而不留散而無紀主關者不能一一臨視之也卽能之而丈量之不諳貨值之不別隱匿轉換之不可知雖視猶不視也於是乎寄耳目於一切之人自備從而吏胥而差役而拉練人等商吏不相識其居間人曰拉練千百輩之身家妻子攬食於一關矣聞粵海故事司關二人月支薪水各八百兩籤押四人半之餘執事及各小口長隨以千數有差此固非他關所有然浮費之多莫甚於關亦可想見至完稅之法試以所聞滄墅關一端言之運米百石者關吏教之報三十石驗過則云實米四十石應倍罰作八十石仍少完二十石若實報百石所費且不止百石其弊如此大抵田賦之數民之所出者二三而國之所入者一關稅之數民之所出者十而國之所入者一然而州縣浮收往往滋事而關稅則否者農心齊商心不齊也農不可他適不可徙業商可他適可徙業也農不能增其穫以償賦商能增其價以償稅也農之所謂二三者多加乎一之外商之所謂十者不甚加乎一之外也故關之弊不甚病商而轉以羸國承平既久生齒益繁需用益多通商益廣以理言之關稅宜倍增乃數十年來徵數日絀虧空日多轉不及曩時所定戶工二部四百六十萬之額通商各口在外其咎安在嘗閱英國財賦志略咸豐二年歲入四千八百餘萬內關稅一千八百餘萬又云六年歲入七千餘萬不言關稅若干一通事云七千餘萬中關稅之增最多夫彼國通商增廣固不止中華而中華實大宗彼增而我無增不惟無增而且益減何哉不實徵不實解也夫彼之能實徵實解者吾見之江海關矣貨物進口彼鬼役持帳來易找單即憑單令我役運岸不聞運單中所無之一物亦不聞自運一物亦有

奸商漏稅當別論夫以今日之夷餒若以吾吏吾商處之必十漏七八我亦無如何而彼不爲也於我關如此卽於彼關可知往嘗謂洋錢重七錢三分實紋六錢五分餘鉛八分中國行用輒當銀八錢以上其中國仿造者雖無鉛亦不行何則識其爲夷製卽可信其有實銀六錢五分若彼雜以銅鉛亦非我所能識別而彼決不爲是以通行侯官林文忠公造銀餅初亦使用未幾卽質雜市中析之爲零銀銀餅遂廢又今夷市我購彼貨先銀後貨彼購我貨先貨後銀其有寄販名目與貨後輒揚帆西去一年爲期贏縮惟彼所命者要之彼不能信我斷不敢與之交易而通商之局散矣夫子曰言忠信雖蠻貊可行不謂蠻貊能信我乃爲蠻貊所行可爲太息今觀於關務而益慨然於彼之能信我之不能信也夫我之不能信爲隱微深痼之疾非一朝夕之故驟欲其洗心革面斷有所不能莫若舉各關而盡撤之京門則復譏而不征之法以稅額入諸整捐以代各關責成地方官會同紳董治之整捐立法尙新依爲蠹者宜少卽亦散而無紀尙非過而不留卽有弊竇有蹤跡可尋有人證可指比之關政猶彼善於此特不得多設卡棚招引關蠹無關之名有關之實而已且整捐者市征也王制市廛而不征關譏而不征孟子言文王治岐關市譏而不征而周禮有關市之征是其法必始於殷之衰文王去之周公又行之春秋戰國無改管子霸形篇關譏而不征市廛而不賦是管子亦嘗云之孟子欲復文王之治以復古雖以周公之法而不謂然也卽今制固亦有關征無市征也落地稅以濟關征之窮非市征增整捐而關市並征矣整捐之弊恐將如宋陳遵之經制錢發彥國之細制錢流毒無窮擇一而廢之又曷可緩哉顯志堂集

皇朝政典類纂卷八十四

征權二

關稅崇文門 左翼右翼 通州分司 天津關 山海關 張家等口 龍泉等關口 多倫諾爾

崇文門額稅銀十萬二千一百七十五兩有奇盈餘無定數由監督自行奏 關凡直省商貨入京均分地道按數科稅照部頒現行條例徵收會典事例

一崇文門進城貨物每月初一十五准令商民照常過務投單

一崇文門稅課令本商自行完納若貨到而本商未至准店舖代報納課店舖漏課捐商分別究治

一崇文門查驗緞紗等物令各商預將丈尺報明隨手抽量一二疋不必逐件丈量致損客貨若有以多報少者將所報之貨俱照多者科算輸稅仍將客商治罪

一緞紗以袍料一身爲一疋褂料以三身作二疋其不足二身袍料仍按疋數科稅凡綢綾以二丈四尺爲

一疋此外有餘按尺加科如二丈五六尺兩頭有機頭者仍作一疋大絨繭綢綿綢以三丈爲一疋三丈之

外按尺加科

一商販綢緞紗羅綾絹凡係箱盛馱載者據報抽驗科算抽驗條例見前加納紅銀大紅加稅一倍桃紅加

稅半倍木紅不加醬綢每畝加紅銀二錢四分每騎加紅銀一錢二分

一燒酒到務照例納稅如有繞道至京一經察獲加倍懲罰并將奸商枷責

一貨物到關如經奏准比照者照舊辦理至例無明條又未奏定比例者概不准援引徵收

一經過崇文門舊衣免其徵稅舊貂皮襖同凡例載之袍襖衫裙悉指各色衣料其已成衣服不在稅例

一商人承拉寶泉局渣土在城內淘煉免其交納稅銀

一崇文門擊獲商人漏稅罰賠銀兩除一半賞給原擊人役外其餘一半歸入正項年滿彙行解部以上並

則例

康熙二年題准外國人帶進貨物崇文門不必收稅會典事例 通考 互見免稅類

五年題准嗣後崇文門貨物出門者免稅會典事例 互見免稅類

雍正六年諭崇文門查稅官員毋得稽留會試舉子借端苛索內務府總管常明奏報蘆溝橋邊 旨蓋造官

房安歇會試舉子工程告竣得 旨此朕體卹應試舉子之意俾其有旅次居宿之安而無盤查行李之擾並

令崇文門每年查稅官員實心奉行嚴飭巡察人役等毋得借端稽留額外苛索通考

乾隆十七年諭崇文門稽查課稅地面多係京營所轄卽著該管營汛官員分任巡查如有私收私放訛案併

官究白役情弊一併嚴拏懲辦會典事例

道光二年奉 諭御史許乃濟奏請嚴禁崇文門稅局需索蠹弊一摺所奏甚是各關徵稅科則責令該管官

詳刊木榜豎立關口街市並令地方官將稅則刊刷頒發定例本為詳備卽崇文門有商人漏稅議罰之條亦

自有一定章程豈容意為高下若如該御史所奏崇文門稅局於尋常行李往來不論有無貨物每衣箱一隻

勒索銀二兩四兩至八兩之多或偶然攜帶常用物件不知應稅科則一經查出輒以二十倍議罰卽有照例

開辦納稅者又以輸課無多仍百計刁難否則押赴官店守候不准放行京師為萬方輻輳之區乃經書役恣

意禁索苛及行旅若此不可不嚴申禁令著該監督遵照定例於崇文門及分口巡查之蘆溝橋東壩板橋海淀等處一律添設木榜仍著順天府刊刷科則定例每年頒發俾眾咸知並責成巡視五城御史隨時前往認真稽察如有濫行需索擾及行旅情事卽行據實參奏不得日久視爲具文務期革除積弊以懲闕蠹而便商旅則例

十五年諭內閣稽察崇文門稅務給事中薩霖等奏外國貢物及貢使行李應詳細開載印單護送人員按例支應車馬以便查驗而昭體制一摺外國貢使抵境各該督撫自應遵照定例揀員伴送填給勘合沿途查照到京時禮部轉行崇文門免稅驗放惟知照文內未將貢物與護送行李分晰開載各關無從稽覈沿途車馬亦不免濫行支應嗣後著沿途各督撫於貢使到境務將所有貢物及貢使行李詳細開載印單到京時禮部轉行崇文門隨卽驗放不准稍有稽留至護送人員應用夫馬舟車務須遵照品秩嚴飭首站轉傳各驛不得逾額濫支儻各該督撫填給勘合護送行李並不分別裝載令該貢使等守候稽延或致有影射夾帶等弊卽著該稽查稅務御史據實參奏至貢物到京應行免稅驗放如稅務人等有心抑勒需索並責成稽查稅務御史隨時查察據實嚴參以示體恤而杜冒濫

聖訓

咸豐元年諭內閣御史吳廷溥奏請查辦偷漏稅課等語據稱崇文門稅課以茶酒爲大宗茶販半從穆家峪等處繞越出口漏稅日多酒稅一項例不准由外局報稅近來奸民販私包串通崇文門差役海巡人等設立私局包攬偷漏以致稅銀減少必當嚴懲弊端力加整頓著步軍統領衙門順天府五城按照該御史所指各情並各處著名販私匪犯嚴行查辦務期仍遵舊例不得繞越偷漏以重課稅而除積蠹

聖訓

二年諭內閣據戶部遵旨議覆崇文門徵收貨稅向以茶酒煙布爲大宗近來酒稅日見虧短總因奸商雇覓貧民私運私背囤積隱賣漏稅日多則正稅日少著步軍統領衙門順天府將販運私酒各匪犯隨時一體查拏奏明懲辦至崇文門徵稅口岸向例在蘆溝橋東板橋海淀設役巡查道光十二年並二十三年復於密雲縣之穆家峪石匣順義縣之半壁店各地方添設稅局派員稽查既有例定口岸該商等自不容繞道巧避差役人丁亦不得越境私拏致滋流弊著崇文門監督遵照定例實力整頓隨時稽查毋庸輕議更張東華謹錄

十一年諭內閣御史洪昌燕奏請禁崇文門稅務需索條陳據稱往年崇文門正稅之外勒索無厭甚至會試舉子皆受其累各門送務本日或未及驗放所取尤多殊不足以惠安商旅各等語著崇文門監督嚴飭各門差役嗣後行李車輛到門不准任意勒索延不送務到務後於應行報稅之物隨時察驗不得稽留如查有差役在門任意勒索及棍徒冒充官人索要錢文立即嚴懲至鄉會士子照例准帶衣箱一隻如驗無應稅之項自應隨時驗放儻該士子等不知自愛夾帶私貨一經驗出仍著照例懲辦 聖訓

同治六年內閣侍讀學士鍾佩賢奏竊維徵收稅課向有定則本不准例外苛求伏讀道光二年 上諭嚴禁崇文門稅局需索盡弊 聖訓煌煌允宜永遠遵守臣聞近數年來崇文門於應徵稅課之外遇有送務車輛雖無貨物亦必索銀若外任及出差回京官員不論有無稅貨亦不論行李多寡輒量其缺分差使之肥瘠勒令交銀若干名曰報效卽候補候選之微員進京亦皆不免夫稅局之設有貨則納稅無貨則放行違例納稅何得謂之報效報效云者蓋本無應納之稅而強令輸銀之謂也在官員果有餘資報效亦固其分

但崇文門並非捐局納稅並非捐輸報效二字已非稅局所宜言然尙未聞擾及會試公車也近日竟有會試士子進京除隨身行李外別無一物並無衣箱到務後再三懇求查驗堅不允從仍每人勒索銀十餘兩及四五兩不等方准放行稍不遂意即留之官店更可異者甫抵城門而門上官役先勒取多金方許送務各該士子本多寒素跋涉數千里來京又當賊氛未靖時慮道梗或先期數月趕到候試或中途圍僻繞道前進川資旅費已屬不易何堪復受此擾累且 國家掄才大典多士踴躍觀光而若輩敢於 輦轂之下肆行婪索於政體大有關繫臣訪聞既確不敢緘默應請 飭下崇文門監督申明定例嚴飭官吏巡役人等凡遇送務車輛祇有行李並無貨物者立予查驗放行如敢留難勒指恣意需索查出按律懲辦其各城門向無收稅之責訛詐銀兩情殊可惡尤應一體嚴禁仍遵照道光二年 諭旨責成五城御史認真稽查如有前項情弊隨時參奏至稅局惟應接則收稅嚴查偷漏報效名目亦宜革除以杜影射侵欺之弊臣爲 剔除闕竇起見是否有當伏乞 聖鑒經世文續編

諭內閣候補內閣侍讀學士鍾佩賢奏請嚴禁崇文門稅局需索一摺崇文門設立稅局該監督等自應督飭委員按例徵收不准絲毫妄取若如鍾佩賢所奏近年以來每於稅課之外需索銀兩近日會試士子亦有勒銀十餘兩及四五兩不等並各城門官役先索多金方許送務等情是稅局需索例禁雖嚴該官役人等仍敢妄取苛及行旅朝廷培養士子體恤惟恐不周該官役竟敢違例婪索尤屬可惡不可不嚴行禁止著該監督等申明定例嚴飭官吏巡役人等凡遇送務車輛止有行李並無貨物者立予查驗放行如有留難勒指情弊即著查明懲辦並嚴禁報效名目各城門官役詐索銀兩即著一體禁止毋稍徇縱 聖訓

九年諭禁崇文門巡役亂索東進續錄

光緒十一年大學士寶蓋奏竊維崇文門徵收稅課係 國家維正之供正額盈餘均有定制京師爲萬方輻輳之區地稱首善惠商便民尤屬當務之急近來劣員猾吏盡役奸商因緣爲奸遂至上虧 國課下累民生爲害不可勝言亟宜設法整頓以重稅務而除積弊臣等謹酌擬十六條恭呈 御覽

一嘉慶五年欽奉 上諭各關稅局如再有訛索擾累等事從重治罪等因又道光二年欽奉 上諭嚴

禁崇文門稅局需索蠹弊等因應令該監督將 諭旨二道敬謹繕寫懸挂該衙門大堂俾資永遠遵守

一奏派宜擇本屬也向來正副監督到任後事皆責成奏派委員總理一切文則用印稿司員武則用印務參佐其人率以明白幹練心地端直者充選故能上顧 國家正課兼可鈐制驗貨家丁免滋流弊近來或參以親故等人以致堂官家丁狎熟牽掣種種弊端在所不免正本清源必自奏派委員始

一堂委宜戒濫派也奏派向止二員恐有別項差故則堂官派委員以佐之此項委員亦當以一二員爲是緣廉正樸實之品本不多觀而人多則牽制亦多近聞堂委之員多至十餘員或二十餘員不等非浮薄少年酒食徵逐卽艱窘末吏或喜事生風實於公務無益亟宜裁汰以端浮濫而杜撓亂

一各口宜擇妥員也崇文門向有分局例設於蘆溝橋東壩海淀半壁店南口穆家峪張家口等處派員駐守以慎分司需人既多勢不能盡取本屬明幹人員悉派稅差致曠本職故向來監督每擇素識之人量材器使然亦不容純用情面以私廢公且張家口東壩兩處中外商人紛錯於途查核甚非易事奸巧猾商藉端影射亟當詳遴明白曉事之員常川駐局中外茶商交涉倘有疑質卽稟明監督迅速行文總

理各國事務衙門詳察辦理不得漫任冗員有妨稅務

一 膳溝橋東場半壁店穆家峪海淀張家口等處口岸向設委員分駐稽察近年監督所派委員未能一律在局駐宿一切公事悉由家人書吏經手致滋流弊亟應申明舊章由監督飭令分司稅口委員輪班駐宿督同書役家人認真辦理以除積弊其各口委員每處祇需四員由正副監督各派二員庶免人浮于事

一 京城十三門向來監督但派家人書役分駐巡查惟各門距務較遠委員耳目難周致有勒索留難等弊擬請嗣後安定東直朝陽東便廣渠左安永定德勝西直阜成西便廣安右安十三門均由監督揀派廉勤人員每門二員輪班住宿稽查不准曠悞違者參處所有十三門委員應需飯食津貼銀兩由監督酌量籌給奏明辦理

一 海巡宜調營弁也海巡向用家丁世家大族世僕老練或不敢恣肆妄為近來仕宦之家僅多招募派一海巡惟知藉端滋擾得財賣放比比皆然未革偷漏之弊徒滋勒索之端營弁究係官屬儘可行文步軍統領衙門調取來署該衙門巡役清冊點交該弁該弁亦得海巡津貼當差並可勤奮矢志倘仍不得力卽由該監督自行參懲

一 光緒九年給事中樓譽普奏崇文門海巡請按名給發號衣腰牌嗣經該衙門奏稱若給予號衣腰牌轉恐持有官物四出招搖流弊更甚且於密查偷漏益多窒礙等語竊惟該巡役無號衣腰牌則恃無查考肆意妄為有號衣腰牌則奉官緝拿被擊者既不敢拒捕往擊者亦不敢詐擾至巡役藉詞密查實在

搜求攫取無所不為仍請 飭下該監督將巡役每名各給號衣一件並各給印花腰牌均寫明某門海
巡姓名有訛索者准商民指名稟究庶幾真偽可辨而棍徒竊役不得冒充如有偽造號衣服牌冒充巡
役者嚴行究辦其製造號衣服牌經費准由盈餘項下開銷至巡役向無額數散漫無稽莫可究詰擬請
飭下崇文門監督將巡役酌定額數每門若干名務上及十三門共若干名造冊咨報戶部查核嗣後
每屆年終造冊咨部遇有更換隨時咨報

一例載各關徵稅科則責令該管官詳刻木榜豎立關口街市又例載已革之稅槩行刊榜曉諭各等語
現在崇文門未將稅則及已革之稅刻榜豎立地方官亦未將稅則刊刷頒發以致商民無從周知亟應
申明舊例略加變通所有徵稅科則應由該監督認真詳刻木榜其例應免稅之貨逐款開明另刊木榜
一併懸掛稅務衙門門外及十三門暨各稅口並由該監督將商稅則例現行比例增減新例及免稅各
條刊刷成書於每年八月初三日監督到任後發給各行戶經紀一本使商民共見共聞其刊榜刷書經
費准由盈餘項下開銷

一例載乾隆四十九年奏定丁梨脆棗最下之物不過近京所產卽有與販亦止於肩挑背負嗣後應請
免稅銀庶近京小民不無所補等語嗣後除水梨係屬客貨仍照例收稅外至近京西山等處所產丁梨
毋論是否肩挑背負一律免其送務徵稅庸溝橋及各門亦不准私收稅錢飯錢違者懲辦

一例載各關商民輸稅填寫收稅紅單二紙一給商人收執一送部查察其有不給紅單或納銀數多給
票數少及私將紅單撤回多徵勒索者許商民首告究擬嗣後崇文門收稅擬請用三連票根一給商人

一存該衙門一送戶部以備稽查如有前項情弊一經商民首告照例究擬

一例載崇文門稅課令本商自行完納若貨到而本商未至准店鋪代報納課等語惟往往有數家之貨該行到務呈遞驗片只寫一家字號易滋弊端嗣後貨物報門無論數家共一貨車總須各分各單不得數家併作一單僅寫一家字號致涉牽混至各門每日送務手本亦須將各鋪字號一一分寫不准籠統以杜行戶影射漏課及巡役朦混誣拏等弊

一行次重責成也商賈納稅必由行次原為事期簡易責有攸歸乃日久相沿竟成作弊之首平日串通本處書吏臨事賄囑驗貨家丁賣放營私視為故事而該衙門所辦漏稅不過偶拏一二貧民或負私酒或賣鷄蛋者反為敲撲以示官威行次弊端反唇不問是當飭委委員隨時逐行詳查倘敢仍前作弊立予嚴懲毋稍輕縱

一崇文門拏獲漏稅客貨該委員過堂時並不言明罰銀數目輒先令畫供認罰追畫供後委員於原供內批罰銀至數百兩數千兩之多交坊羈押勒繳殊屬不成政體擬請飭下崇文門監督嗣後遇有應罰之案除按照例定倍數擬罰外務須先將應罰銀數示知該商並於內供寫明令其輪服畫供不得刑逼勒罰所罰既有限制庶商民力能呈交罰款亦不至虛懸無著每月實收罰款若干分列貨物款項案由分駐本稅銀若干罰款幾倍銀若干明示稅務衙門門首咨明戶部庶儆偷漏並有稽核

一崇文門照例驗貨納稅放行不准留難勒索嗣後每日各門送到行李貨物到務無論天晚必須當日驗完不准押送客店延至次日方驗違者即將委員監督參處

一崇文門監督到任向係出示曉諭嚴禁官店至每日務上未經驗完之行李貨物押送店內有押至數日之久者其孳種漏稅貨車有押至數十日之久者無官店之名有官店之實該店串通差役藉漁重利商民受累不堪爲歷年未除之積弊嗣後崇文門附近客店如敢容留務上交押之車准被押之人赴城喊控卽由該城御史將委員查明參處並將該店勒令封閉店商從嚴懲辦 以上各條或參核舊例或酌擬章程總之立法必先防弊任事尤貴得人應請 旨飭下崇文門監督隨時督飭委員認真辦理實事求是期於 國課民生兩有裨益所有酌擬崇文門稅務章程緣由謹恭摺具陳 仰 聖鑒 謹 奏

右崇文門

左翼右翼額稅銀各一萬兩盈餘無定數由監督自行奏 聞凡鑲黃正白鑲黃正藍四旗官兵人等置買田房由左翼驗契鈐印正黃正紅鑲紅鑲藍四旗官兵人等置買田房由右翼驗契鈐印計價每兩收稅銀三分牲畜之陳於街市者亦計價每兩收稅銀三分入店則按牲畜之大小徵收會典事例

乾隆四十四年奉 旨向來左右兩翼稅務除監督外並無跟隨辦事之員舊例未爲盡善嗣後兩翼監督應行更換時著總管內務府大臣選派賢能可信司官一員奏 聞隨該監督辦事照崇文門委員之例遇有監督出差等事卽可令該委員代爲照料稽查於權務更昭慎重會典事例

四十六年覆准旗人賣買房地如有赴大興宛平二縣私稅民契照違 制論仍令赴左右兩翼補稅換照如大興宛平二縣知情私准納稅亦照違 制律議處會典事例

嘉慶二年奉 旨左翼右翼著歸併一人管理會典事例

四年左右翼稅差期滿戶部題請更換又奉 旨左翼稅務著丹巴多爾濟去右翼稅務著孟住去嗣後均係奉 旨簡派二人會典事例

二十四年四月奉 旨右翼監督經徵二十三年稅務前據普恭於任滿時奏明計少收正額銀二千六百九十餘兩經戶部核明按照向例令前任監督哈豐阿及普恭二人照一年在任月日勻攤賠繳現既查明哈豐阿任內所收稅銀尙屬有贏無絀普恭接任後始行缺額所有短收稅銀二千六百九十一兩零全行著落落普恭賠繳嗣後崇文門及左右兩翼監督經徵銀兩均著一手辦理如有出差及降革事故仍著照常經理俟一年任滿令其自行核解若有病故及身罹重譴去任者著接任之員於接收交代時將前任所收銀數報明戶部遇有前任未經缺額後任始行虧短者即著落後任賠繳則例

右左翼右翼

通州分司 卽坐糧廳 額稅銀六千三百三十九兩二錢有奇盈餘六千兩凡水陸貨物按價值賤分別落地卽伏地起京計數科稅舊例計價科稅伏地貨每價一兩徵銀八釐起京貨每價一兩徵銀三釐乾隆四十一年更定新例 糯米按石牲畜按數油按斤麩按塊科稅均照部頒現行條例徵收會典事例
乾隆五十年奏准坐糧廳缺出止於六部郎中員外內揀放俾其保送御史會典事例

右通州分司

天津關 嘗爲河西務康熙元年改 額稅銀四萬八千一百五十六兩有奇盈餘二萬兩凡往來商貨正稅各按出產地道計數科稅照部頒現行條例徵收船稅按梁頭徵銀拆船照兌買河船加倍科稅 河西務民駁船運

糧抵通倉徵糧料雍正二年改於通州徵收乾隆二年免稅 會典事例

閩廣販貨進口之洋船按原定章程減半納稅如貨物一百觔只按五十觔收稅每銀一百兩按七六折扣收銀兩由本地赴奉天販運米石進口之海船每糧一百石江浙乍浦上海販貨進口之沙船每貨物一百觔均按七六折扣收稅銀兩例

雍正八年題准天津關向來收稅一兩加戰耗一分八釐船料一兩加戰耗五分八釐著永行禁革 會典事例
十二年題准天津關稅務歸長蘆鹽政管理 會典事例

乾隆二年長蘆鹽政兼管天津關稅務奉奏言天津關稅務除各處口岸征收稅銀外更有離關寫遠之油酒稅銀一項向例按季差役給發印票分往東安武清香河永清寶坻及寶坻新分之鹽河縣各城鄉地方挨查油酒鋪家每鋪收錢多寡不等伏查東安等六縣相距津關自八十里至一百四十里不等所有油酒鋪家及本地居民不比過關商販且時歇時開額無一定該差持票連出勢必苛求勒索擾累無窮雖相沿日久實屬例請將天津關按季差役分往東安等六縣查收油酒稅銀之處永行停止戶部議准得 旨允行通志
二十六年奏准天津關有偷漏者按稅加罰三倍一半賞給巡獲人役一半充公會典事例

二十八年飭天津各關口稅則畫一辦理戶部議覆天津關監督達色奏稱各關分設口岸原以防奸商之邊道漏征其一切稅則自應遵照大關部頒條例畫一征收以免避重就輕之弊今天津苑口等十三口岸每貨百觔每布百疋較大關稅則互異自應俱按津關部頒則例改正征收以昭畫一從之通考

三十七年覆准河西務查驗重運漕船起撥租細貨物歲計在例帶土宜一百二十六石數內免其權課其額

外多帶之貨仍照例徵稅會典事例 互見免稅類

右天津關

山海關額稅銀六萬一千六百四十二兩有奇盈餘數目由監督自行奏 聞凡陸路往來及海洋進口商貨均分地道按斤疋件副箱雙包撥料稅有論車馱者各因其物照部頒現行條例徵收會典事例

康熙三十三年設立山海關差專員管理稅務通志

三十四年定山海關每年稅額銀二萬五千兩通考

四十六年議准山海關外金州牛莊等處交與監督巡察越關漏稅所得贏餘作為定額通典

五十四年覆准山海關夏秋霪雨商賈阻滯洋船來者寥寥以致錢糧不足再議州所屬沿邊等口近年姦商漏稅著展限一年令監督親身赴關九關臺喜峯等口巡查所得贏餘銀作為額稅缺額錢糧亦令補足會典事例

又議准九官臺清河松嶺子等處交山海關監督巡察收稅增課銀三千兩通典

五十九年議准橫城地方設口收稅交與山海關監督兼管增稅銀千兩作為定額會典事例

雍正五年引 見山海關稅差奉 旨嗣後內府八旗俸深官不必論內府旗分惟論俸開列會典事例

九年題准山海關之西北石門寨等處梨稅准其每包減稅一半止納三分以卹窮民將各稅徵收火耗酌定以每兩扣耗二錢其二錢二分者減去二分二錢五分者減去五分會典事例

乾隆三十二年覆准岫巖城所屬之鮑家馬頭等七口岸海船商稅歸山海關監督設局抽收會典事例

三十五年覆准歸併山海關之鮑家馬頭等七口岸海船商稅以一千三百九兩有奇作為定額會典事例

三十六年覆准山海關所屬之喜峯口於附近地方官內酌委佐雜一員駐劄稽查徵收會典事例

四十一年奏准山海等關一年之內搜獲人參至二十斤珠子至四兩者巡查人等賞銀二十兩每參二十斤珠四兩遞加賞二十兩該管官議敘若搜查不力致私帶過關者官查議役責處會典事例

嘉慶四年諭御史德新奏請酌增山海關稅口贏餘一摺據稱山海關新奉減定贏餘四萬九千四百餘兩較歷年所解短至二萬五千餘兩恐贏餘既有定制未必儘收儘解徒損國帑而肥吏胥請將山海關贏餘再增二萬兩其餘各處仿此酌增餘者儘收儘解等語所奏殊屬非是朕於本年降旨將各處關稅贏餘量為核減原以加惠商民俾資寬裕並非使收稅官吏藉為沾潤侵蝕地步況山海關稅務每年全視海船所到多寡為徵收贏縮若遇海船少到年分即不能多有贏餘此等情形朕在藩邸時知之甚悉該御史前任山海關監督時徵解贏餘七萬五千八百餘兩亦係適值收稅豐旺年分豈得援為常例如司權務者果有不肖劣員因贏餘減有定額任意徵多少報藉肥私窠者科道等得有風聞原可指名劾奏而朕一經察出亦必將此等貪黷之人按入已多少之例治罪然亦不肯因一人一處有此弊端即將各處贏餘仍行概增數目且朝廷政令所出原示人以公信今贏餘既已減定通行豈有行之未久輒因該御史一言又復紛更之理德新所奏近於言利殊非朕體卹商民之意著將原摺擲還但該御史既有此奏恐各省關稅因定制較寬不行儘數報解者亦所不免著通諭各省管理關務各員自贏餘減定不行比較之後固不得稍事苛收倘遇徵收豐旺之時仍當核實辦理儘收儘解亦不得以贏餘業經減額將多收稅銀隱匿不報徒飽官吏私窠有損國帑倘有前項情

弊一經科道劾奏及朕有所訪聞必當從重治罪則例

咸豐九年諭軍機大臣等御史曹安奏山海關稅課風聞被已滿吏捐職之常召棠與貼書王亭午在沒溝營牛莊等處盤踞把持串通大關櫃書王休蔭應文光與咸豐五年經部駁捏造免稅銷冊之楊慶表裏爲奸朋儼分肥等語現當庫款緊要整飭稅務之始豈容不肖吏胥肆行盤踞視爲利藪如果屬實大干法紀著成保會同該關監督按照所參各情嚴密查拏究辦以除積蠹而重稅款

聖訓

又諭內閣誠明奏稅課被劫請飭嚴拏一摺據稱奉天牛莊解往山海關稅銀二萬九千餘兩行至寧遠州二台子屯地方路過騎馬強盜多人劫去盈餘銀一萬六千一百八十餘兩耗羨銀一千二十餘兩請飭嚴拏等語稅課爲國帑所關所有經過地方該文武宜如何小心防護茲據奏稱被劫銀兩竟至一萬七千餘兩之多實非尋常疏忽可比盛京將軍玉明兼管奉天府府尹倭仁奉天府府尹景霖均著交部議處並著該將軍等遴選委員並飭地方官一體嚴拏賊盜務獲從重懲辦其經過地方之疏防文武各員均著查明嚴參以重帑項

聖訓

十年諭內閣恆福奏請於山海關地方試辦抽捐一摺山海關爲東三省往來要道商賈絡繹著照所請即照奉天法庫門現辦章程酌量辦理所有貨車標銀應收捐項按照稅關日報造冊彙解其糧食車輛馱子等均照所議設立公所並設局收捐以免偷漏該督卽飭該管地方官隨時體察認真稽查總期商賈樂從胥吏無從滋弊方爲妥善

聖訓

同治三年諭內閣前因英元奏山海關監督任內短徵銀兩與鳳安無涉請將部議令鳳安攤賠之款仍由英

廷月文其頁

關稅

八

元賠繳諭令戶部查議具奏茲據該部奏稱各關管關人員向例無論兩任數任統以一年為期備有短少各按在任月日攤賠惟嘉慶二十四年崇文門左右兩翼遇有前任未經缺額後任始行虧短即著落後任賠繳奉有諭旨咸豐四年殺虎口短徵銀兩亦係按日覈計並不將前後任牽算亦經辦有成案查英元接收交代摺內曾經奏明鳳安代徵一百三十五日移交均屬數額是短收新徵贏餘銀兩係英元接徵後始行虧短自應援照成案准如所請辦理等語各關短徵稅銀如第按任期攤繳恐後任恃有前任分賠轉滋弊竇所有英元在山海關監督任內短徵新增贏餘銀一萬八千三百八十三兩內議令鳳安攤賠之六千餘兩著照部議責令英元於限內照數完繳毋庸令鳳安分賠嗣後山海關及張家口殺虎口關期任期暨代徵名目悉仍其舊惟應徵稅課在凡在此次奉旨以後交議者無論經徵代徵均按在任月日覈計毋庸按年統算以歸畫一而杜牽混並著纂入則例永遠遵行此外各關仍不得援照辦理 聖訓

右山海關

張家口稅銀二萬兩殺虎口稅銀一萬六千九百十九兩九錢五分有奇盈餘數目由監督自行奏 聞潘桃
口稅銀 乾隆二十年改歸多倫諾爾同知經徵其六小口稅歸通永道徵收 七千九百二十八兩有奇胡紉胡
河稅銀二千一百四兩有奇靈古塔輝發穆欽等處稅銀三千四十九兩有奇伯都訥等處稅銀一千二百八
十五兩有奇凡牲畜計價值每兩收稅銀三分貨物分地道照部頒現行條例徵收會典事例
順治四年定張家口等處關口開塞事宜戶部兵部奏差理事官科奎鍾固自張家口起西至黃河止察得張
家口關門迤西黃河迤東共一千四十五里共應留察一百四十四座故明時得勝堡一口係察哈爾總司

出入之路河保營係鄂爾多斯部落茶鹽交易之處以上二口俱已堵塞又差理事官滿都戶等自張家口起
由至山海關止察得張家口迤東山海關迤西其二千四百四里共應留臺四百一十七座山山口龍井關口
西常峪正關口潘家口冷口俱係捕魚網戶耕種往來之路密雲迤後石塘嶺正關口係民間運木之路昔戶
部於此按枚抽稅以上應留關口共六處外如常峪口獨石口龍門所口墻子嶺口黃崖口羅文峪張家口劉
家口桃林口界嶺口一片石口以上十一關口俱已堵塞得 旨河保營既為鄂爾多斯部落交易鹽茶之地
與董家口俱准開餘如議通考

十八年定張家口殺虎口兩翼稅額張家口稅額每年一萬兩殺虎口稅額每年一萬三千兩兩翼稅額每翼
一年六千兩通考

雍正四年議准游牧處應解皮毛仍令張家口監督運送至京所需車價在節省銀內動支據齊駁減造冊報
部統年於考覈案內題銷會典事例

六年覆准民間耕馱需用騾馬匹往歸化城換買准由殺虎口經過納稅如有違例禁阻卽行題參會典事
例

十三年引 見殺虎口監督奉 旨嗣後應出小差俸深官不必令其在部掣籤著與保送官一同引見會典
事例

又議定張家口居庸關已經收稅之各貨無得於宣府重徵設居庸關稅課大使一員戶部議准兵科給事中
尙德疏奏關稅事宜一宣化府為南北通衢凡有貨物已經張家口居庸關上稅過府之時張家口監督復委

家人書吏照數重收以致小民肩挑背負無不邀攔收稅民情甚爲不便且家人書吏征多報少究非實裕國課嗣後南北商貨若已在張家口居庸關上稅者請敕部定例宣府不許重征刊刻木榜堅立各門如有違禁橫征者嚴加參處一居庸關收稅之所離張家口三百餘里監督勢難躬親每差親信家人協同書役攜帶印單收稅而家人識見卑鄙輒爲關役利誘私用小票隱漏偷肥嗣後請委附近州縣不時查考但昌平延慶二州離關稍遠請設立稅課大使一員給以鈐記令收商稅銀兩按月轉解監督仍令竊息近歲稽查照宣府之例民間零星日用之物免其抽稅如有攖勒商民侵漁滋事者亦嚴加參處均應如所請從之通考

又議准靈古塔地方商人換得貂皮等物報明該處大臣回來起票時俱填入票內所過關口查驗課稅如不報明偷藏越過查出從重治罪物件入官會典事例

乾隆元年覆准張家口居庸關向無火耗其書役飯食等項准照崇文門之例車馱貨物過稅收取飯錢以資養贖會典事例

二年奏准殺虎口肩擔背負攜帶篋篋筴帚鞋襪麥麩等物免其輸稅其輿販積成車馱捆擔者仍照例輸納會典事例 互見免稅類

二十六年覆准鐵器一項殺虎口於商販出口時詳細查明如係農具及民間日用器物按則徵稅將名色件數註於票內令商持票赴口驗放仍令監督將應行禁止與毋庸禁止之物刊榜曉諭會典事例

二十八年覆准古北口設立稅局交張家口監督稽徵嚴防透漏如進口牲畜在多倫諾爾等處報明納稅者毋庸徵若未納稅照例收課其外藩蒙古王公台吉等來京所帶騎馱馬駝口食羊隻例應進口之項毋令

關役藉端滋擾至張家口商販到關鐵器照殺虎口之例准其紉稅出口會典事例

又奉 旨將古北口稅局撤去嗣後張家口商貨遠越私行者仍准派役稽查會典事例

二十九年奏准開通靈魯邊口令殺虎口監督稽查徵收稅課會典事例

三十年置准靈古塔放票之年額稅銀九百十有二兩木稅額銀百五十八兩伯都訥額稅銀二百七兩拉林

額稅銀七十二兩阿爾楚喀額稅銀百三十八兩會典事例

又裁藩桃口監督缺所有稅務歸併張家口監督管理通考

五十四年奏准張家口正稅銀兩全數留為賽爾烏素臺站官兵俸餉等項之用其不敷銀兩再於贏餘銀內

留存一併移交該都統衙門以備支放會典事例

咸豐六年諭軍機大臣等前因張家口監督慶文奏請將朝陽村商貨先行照例納稅一摺當交戶部查議具

奏茲據該部奏稱道光二十九年都統雙德等奏請將朝陽村貨物歸入市圍一體納稅經該部議駁有案應

仍遵照舊章俟貨物進口時嚴密稽查照例收稅所有該監督請將朝陽村鋪戶販貨到村時先行納稅之處

應毋庸議等語張家口市圍商人由恰克圖販貨進口時先行納稅係道光五年定例並無朝陽村收稅之事

自未容輕易更張惟該監督原奏內稱朝陽村鋪戶開設至二十餘家半係市圍分設若不令其納稅則將來

市圍鋪戶紛紛遷至該處開設恐有稅之處俱成無稅張家口歷任鉅虧未必不由於此等情該監督所奏是

否因該商人等在朝陽村囤貨即可繞越他處銷售偷漏稅課抑或旬通口內胥役私行進口致有漏稅著穆

隆阿慶昫秉公查訪應如何變通辦理或應仍照舊章設法稽查力除偷漏之弊著卽據實奏聞總期於國課

商情兩無窒礙毋得稍涉遷就 東華續錄

八年諭內閣給事中鳳寶等奏張家口應添季簿藉端推諉請旨懲辦一摺張家口新增貨稅係部議奏准籍入則例之案自應照例另請季簿以憑覈對經鳳寶等屢次移催該監督竟以並無疏漏亦無牽混無須另請季簿等詞藉端推諉殊非慎重課稅之道前任張家口監督崇運著交部照例議處並著新任監督崇筠遵照各關之例另請季簿與戶部商填簿一律辦理毋許再有稽延 聖訓

又 諭軍機大臣等有人奏張家口總稅書王式如稅書閻琇森段培魯任吉安杜昭淑及稅役王玉田等通同舞弊勒增稅銀凡由口納稅過關者仍照口票重徵稅銀名曰調劑並捏稱軍需浩繁出有告示一切貨物例應稅錢者改收實銀例應稅銀者額外多增一二錢不等稍有不遂即看守強逼無錢交納者勒將貨物作質放行以致布疋米糧牲畜及一切雜貨堆積關外南北商賈裹足不前各等語蠹吏把持稅務擾累商民實屬大干法紀張家口地近京畿於稅課亦甚有關繫著慶祺迅派委員前往該處將王式如等及稅役王玉田等按名查拏到案審訊從嚴懲辦此外如有包攬納稅及侵漁肥己之人並著詳悉根究嚴辦該監督崇筠是為知情故縱何以毫無覺察並查明參奏以除積蠹而重稅則 聖訓

同治二年諭內閣殺虎口監督俊達奏請嚴禁奸商繞越由地方官協查並禁東西邊口私行出入貨物各一摺殺虎口徵收稅課向以邊牆及黃河為界商人載運貨物例須由赴殺虎口驗稅不許繞越別路私走至附近黃河之托克托城地方設有黃甫川稅局凡殺虎口應徵稅貨由黃河順流而下者均應赴黃甫川稅局驗稅後方准入陝其由陸路進口之牲畜貨物如由托克托城赴陝運渡黃河西岸者即由殺虎口起票歸托克

托城木稅局驗票放行近來奸商多由托克托城黃河東岸藉詞西渡偷漏關稅總由地方官不肯協同查拏所致著德齡克多爾濟沈桂芬嚴飭該地方文武協同該監督所派差役實力稽察嚴拏偷越以重稅課毋得視為具文至山西沿邊各口自殺虎口起東一帶至新平口止西一帶至陝西神木口止皆係應禁牲留貨物私行出入之路近來各邊守口弁兵多不在彼班稽查以致奸商屢有繞越偷漏之案實屬玩懈著沈桂芬張集馨轉飭所屬文武地方官自殺虎口起東邊一帶至新平口內除得勝口照例徵稅甯寧口嚴稽過貨外其西邊一帶至陝西神木口止所有私行出入貨物牲畜均著嚴行禁止並飭守口弁兵常川駐守實力盤查毋得仍前玩忽

聖訓

包世臣云張家口戶稅額有驢馬一條而兵部例禁民間畜養驢馬戶兵兩部例既歧出商民何從遵守又私參入口例禁極嚴而上海關則例第一條即載人參一斤稅銀四兩收稅治罪理宜畫一予故備為之說以俟有心民命之君子採擇焉

安吳四種

右張家等口

龍泉紫荆獨石等關口額稅銀四千七十五兩有奇係落地稅地方官隨時酌收無定例 會典事例

右龍泉等關口

多倫諾爾額稅銀二萬一千五百三十六兩有奇係落地稅地方官隨時酌收無定例 會典事例

多倫諾爾陸運木稅商運克什克騰山場木植水運進潘桃口納稅由工部考核陸運進張家口獨石口由多倫諾爾同知徵收每年額解戶部銀五百七兩六錢二分如有贏餘儘收儘解則例

乾隆二十五年覆准多倫諾爾地方派員徵收皮張等物落地稅銀會典事例

二十八年覆准多倫諾爾雜稅歲以萬六千八百五十八兩有奇作為定額如有贏餘儘收儘解會典事例

三十一年以潘桃口木稅令多倫諾爾同知管理直隸布政使觀音保奏大河口地方距張家口五百餘里張家口監督不無顧此失彼之虞可否將稅務就近交多倫諾爾監督或交多倫諾爾同知兼管抽收工部議以領票商人係多倫諾爾居民該同知身在地方撫綏勸導商情易協應請將潘桃口木稅事務交于多倫諾爾同知征收從之通考

三十八年諭向來多倫諾爾同知專管水旱木稅另設監督一員管理該處一切落地雜稅今思該同知既管木稅則雜稅亦當歸其兼管何必另設專員著自明年正月為始將多倫諾爾監督之缺即行裁汰其所管一切雜稅俱著多倫諾爾同知管理會典事例

右多倫諾爾

皇朝政典類纂卷八十五

征楮三

關稅 奉天牛馬稅 鳳凰城中江 臨清關 工部臨清關 歸化城 江蘇海關 游擊關 淮安關

揚州關

奉天牛馬稅額和銀四千兩凡旗民買幼牛馬駝驢計價一兩收稅銀三分驢每頭收小數錢七百文以制錢三十二文為一百每羊收稅銀五分豬計價每千錢收小數錢三十文遊豬謂販來者收小數錢百文鬪豬謂自畜者收小數錢九十文會典事例

雍正五年題准奉天牛馬稅差向例於 盛京五部將軍衙門郎中員外郎主事內俸深者委用惟是本地俸深人員未必盡能稱職嗣後奉天牛馬稅差於在京部院衙門俸深官內各選一人保送開列引 見差往令其儘收儘解如有徵多報少等弊即題參議處會典事例

十一年諭奉天牛馬稅差嗣後更換不必派應得小差之俸深人員著各部通行揀選引見會典事例
乾隆十五年定 盛京城牛馬稅正額銀四千兩盈餘銀一千餘兩內除監督盤費銀二百六十兩其餘盈餘銀兩作奉天民官養廉之用會典事例

光緒十年奉天將出邊書奏竊查本年三月二十九日接准 欽差吏部尚書徐桐刑部左侍郎薛允升來咨 奉 部查辦奉天事件奏稱遼陽以稅課盈餘為每年辦公之用舊章相沿已久勢難一律裁革惟市賣牛馬等稅每門錢五千作銀一兩收市錢五百文按照時價係屬十分稅一以及每年派差分赴鄉屯查稅名

曰海查既任聽旗民舉報漏稅往往查傳十餘家僅止二三家應罰未免過於擾累誠恐他城亦所不免等情光緒十年三月十八日奉 上諭著該將軍府尹會同盛京戶部將各城稅務章程詳加釐定奏明辦理等因欽此欽遵知照到奉奴才慶裕裕長到任後當即會同奴才啟秀揀派委員分赴各城將各項牲畜稅務確查具報旋據先後查明分款開單稟覆前來奴才等按款覆查所有漏稅罰錢一節現經查明各城均無勒罰情弊海查一節現經查明各城或於每年年底派差分赴村中催令報稅或隨時派差查催均無海查名目惟遼陽城守尉衙門於每年秋後查照向章派差分赴四集鎮油粉豆腐客店查催牲畜稅課該商民等按照歷年包納之數呈繳是否與置買牲畜實數相符稅局從不查問是卽所謂海查遼陽稅課與各城不同之情形也其買賣牛馬驢頭稅課一節現經查明廣甯益本牛莊鐵嶺華州錦州熊岳復州金州等九處均以買價東錢五千作銀一兩收稅銀三分餘另有票錢牙紀多寡不等與遼陽之以錢五千作銀一兩收錢五百不收票錢牙紀錢者不甚懸殊開原以六千作銀一兩收稅錢四百文岫巖昌圖甯遠鳳凰城新民廳中前所中後所均以買價十千作銀一兩收稅自三分至六分不等另有票錢牙紀錢亦多寡不等統計此項稅錢以遼陽等十處爲較多至於藉稅則以岫巖甯遠復州金州中後所中前所爲較多羊稅則以甯遠中後所中前所爲較多此遼陽收稅與各城或同或不同之情形也檢查戶部則例奉天一省獨無稅則爲衙門所收牲畜稅課有始自康熙年間者有始自乾隆年間者有不知始自何年者年久相承各有定章於此而欲勒歸一轍如准其最少之數恐此後各處徵收必難足額如欲以酌中爲斷照向來少收各款均須加增法愈改而弊愈滋自不如仍令各循其舊以免紛歧卽如斗秤釐捐各城收支數目均有不同

當日創辦之時原屬因地制宜固不獨稅章爲然徐桐等查辦稅務並未議令改爲一律想已見及於此此項稅課除照額報部外盈餘藉以津貼辦公並開支薪水工令房租心紅紙張等均爲必不可少之款徐桐等摺內聲明稅課盈餘爲每年辦公之用舊章相沿已久勢難一律裁革自係確論至稅課十分取一以及派差海查並漏稅罰錢各節經徐桐等奏奉 諭旨飭令詳加釐定奏明辦理奴才等亟應欽遵會核以籌定章而免漏弊伏查各城收稅既無勒索情弊亦無海查名目應請毋庸置議遼陽稅局向有海差雖非核實納稅之法惟每年納稅一次較之勒索上稅紛紛稽查者尙覺簡易商民相安已久無關弊竇且遼陽所屬之劉二堡南北兩堡商民數百家每逢單日卽有集市買賣牲畜每年固不下百餘匹僅包納東錢一百七十千合銀不過十七八兩油粉豆腐客店均飼羣豬每家每年多則宰豬百餘口少亦七八十口僅包納東錢十千合銀不過一兩較之核實納稅甚爲輕減若必禁止海查不准包納不惟恐滋煩擾且稅錢轉致加增商民必受其累似不必嫌海查包納之名而貽增稅擾民之慮惟遼陽所收牛馬驢頭稅課以買價東錢五千作銀一兩收東錢五百係屬十分稅一爲應行酌減之款其廣甯等九處亦以東錢五千作銀一兩雖每兩稅錢不及五百而另有牙票等錢與遼陽不相逕庭亦宜一律酌減以昭公允查奉省自馬稅銀內有按照東錢六千一百合銀一兩解部之款奴才等公同商酌擬將遼陽等十處收稅折銀章程通改爲六千一百合銀一兩每兩照例收稅銀三分其願交錢者准按時價折錢投稅各從其便第以銀兩解部均須庫平庫色且解銀運費亦爲必不可少之款而薪水辦公又宜籌及擬令於正稅三分之外酌收稅銀二分以一半添補平色一半作爲飯食公用此外一切名目悉行刪減永不准再收一文免致變本加厲其各行

牙稅在商取用應聽買賣各主酌給未便官為隨課徵收仍將辦理漏稅章程照例申明以杜胥役借端滋擾至抽發等處所收牛馬驛稅向以十千合銀一兩開單向以六千合銀一兩按其每兩所收稅銀均較新章為輕請仍其舊如蒙 俞允 等即會同出示曉諭使各城永遠遵守倘有額外多收違例勒罰即行從嚴懲辦庶稅務均有定章而稽徵可免流弊經世文編編

右奉天牛馬稅

鳳凰城中江額稅銀三千二百九十四兩凡朝鮮國貢使往還與內地客商互相貿易不拘何項貨物內地商人計價一兩收稅三分朝鮮人免稅會典事例

雍正六年諭鳳凰城中江稅務向來皆係城守尉等官管理但此處係外國交易之地關係緊要現今盛京五部司官均係朕簡選補授之人嗣後著盛京五部侍郎於五部司官內揀選奏請點出管理一年更代會典事例 謹按通典通志在二年此從會典

又題准 嗣後中江稅差一年差滿更代令 盛京戶部照例揀選保舉送部引 見恭候 欽差會典事例

十一年定鳳凰城中江稅由監督徵收其稅羨銀二千五百兩准作奉天民官養廉之用會典事例

乾隆十二年題准中江稅銀酌定每年以三千二百九十四兩作為額徵如朝鮮貿易一年四次之外有多交次數儘收儘解其貿易貨物令該城守尉守邊門官造冊報部管理稅務仍就近委 盛京五部司官監收凡所需用歲給銀二百兩於火耗銀內動支會典事例

十八年奏准 盛京中江稅差令該將軍侍郎於本處及由京補放司員內各揀一員擬定正陪送部引 見

會典事例

白鳳凰城中江

臨清關額稅銀三萬七千三百七十六兩有奇盈餘一萬一千兩凡商貨按部頒現行條例徵收會典事例

康熙五十三年以臨清關稅務交巡撫征收奉 諭旨臨清關錢糧每至缺額皆由地方積棍串通作弊所致

不必派遺監督著交該巡撫收稅通考

雍正五年題准臨清關徵收米麥稅銀照濟寧關之例筭量計石每擔納銀二分二釐雜糧照原額每擔一分

一釐船戶應納正糧仍照舊徵輸會典事例

乾隆七年諭山東臨清關向徵銅補商補相沿已久報部則統名之為船料前撫臣改為計石上稅而將銅補

商補歸入石頭徵解是名革而實存也今朕既降旨蠲各省米糧之稅此項亦應一體加恩概行豁免會典事

例 通考 互見免稅類

又題准臨清關所屬之德州魏家灣尖塚樊廠等處口岸准其照舊設立以便巡查會典事例

二十九年更定臨清關商稅征鈔名色山東巡撫崔應階奏稱臨清關稅務自雍正六年部頒則例各項貨物

應征稅銀俱開征鈔幾貫字樣如緞疋每疋鈔二十八員船料每丈鈔七十五員如此等類分別數千百條僅

于則例尾頁註明鈔每一貫折銀三釐一毫七絲三忽字樣一時慮難明晰商客過關不能通曉則例即目觀

則例亦不知幾十萬貫需銀若干必須按數折算經書有意模糊藉此可啟多收侵沒之弊臣愚擬將商稅論

鈔論貫之數槩行刪去其各項貨稅照每貫折銀若干核定應征銀若干確數載入例冊送部較正刊刻木榜

設立關口庶商客易遵經晉不致弊混從之通考

右臨清關

山東臨清關板開稅銀四千五百七十二兩有奇盈餘銀三千八百兩貨船過關止收船料不徵貨稅自北往南者名為盛育每船紙價銀六錢自南往北者名為短載按船頭丈尺每尺徵銀一錢七分船抵臨清先赴大關納稅然後抵關俟糧船經過隨行不得越漕散板會典事例

順治十八年議准暫停臨清板開稅務交與北河分司管理會典事例

乾隆元年覆准臨清板開稅每年以四千五百七十二兩七錢四分為定額會典事例

五年以馭板開稅務歸併臨清關管理先是山東巡撫岳溶奏稱臨清州有二關一為戶部關係巡撫衙門管理收稅解交戶部一為工部板開關報納短載紙價稅銀係管河道管理收稅由河道總督奏銷解交工部各船既向大關報納貨稅船料似無庸一地兩關經河道總督議奏請將工部一關裁去其應征銀兩移歸臨清大關征收從之通考 謹按會典事例在元年此從通考

右工部臨清關

歸化城乾隆二十六年增設額稅銀一萬五千兩錢九千串盈餘一千六百兩凡商販貨物按賦科稅者為多有按斤件箱疋張箇雙擔科稅者牲畜按數油酒銷房分上中二則按年科稅土默特蒙古牲畜稅每價銀一兩收制錢八文均照部頒現行條例徵收會典事例

乾隆二十六年覆准歸化城出產油酒煙三項與皮張雜貨稅銀及土默特牲畜稅錢歸併殺虎口按則抽收

會典事例

及初准歸化城適中之地設立總局收稅於東西南北四處各設柵欄一座派役稽查其緩遠城歸化城和林格爾并克托城薩拉齊西包頭曜都審八十家子等處設立蒙古筆帖式二員併安設書役抽收四項牲畜稅

錢會典事例
三十一年覆准歸化城稅務派理藩院司員徵收會典事例

三十三年覆准歸化城出產油酒煙皮張等項及關東等處發來商貨從草地行走未經殺虎口徵稅者俱爲口外土產歸化城按則抽收其內地一切雜貨販運出口經由殺虎口經過稅銀到歸化城入銷零星發賣者不再重徵若貨物運抵歸化城以後商販車載馱運又販往他處售賣者則無論土產與外來貨物均於出柵時按則收稅至民間零星日用物件如布止一二疋煙僅兩三包者不在收稅之例嚴查家人膏役無許苛擾

會典事例
三十四年覆准歸化城歸山西巡撫兼管選派道府賢員按年更替會典事例

三十五年覆准歸化城徵收雜稅銀兩併牲畜稅錢以銀一萬五千兩錢九千串作爲正額其餘銀一千五百四十八兩有奇錢一百三十七串有奇作爲贏餘會典事例

四十一年覆准歸化城徵收稅銀四棚之外商販多有送道偷越責成該處營弁於巡防之便在和林格爾東白塔兒二處查察如有偷漏拿送管稅道員查辦會典事例

右歸化城

江蘇海關額稅銀二萬三千九百八十兩有奇盈餘四萬二千兩凡商販內地貨物出洋及販外洋貨物進口者按斤疋箇件連副雙隻條把包蠶木按根按團板按塊科稅船料每出洋科稅一次梁頭一丈以外至二丈每尺徵銀一兩二丈以外每尺二兩貿易捕魚船每年徵收二次梁頭一丈以內每尺徵銀一錢五分一丈以外每尺二錢二分五釐折收分數安南商船進口出口均七折徵收東洋商船進口六折出口不論貨物徵銀百二十兩閩廣商船三月至八月進出均七折徵收九月至二月進出均五折徵收山東關東商船並各口貨稅均八折徵收優免分數安南關東山東商船均優免十分之一東洋閩廣商船均例免五分優免五分乾隆二年定 會典事例

雍正七年奏准江海關所屬廟灣口稅歸淮安關管理其徵收條例仍照江海關之例並將廟灣口一年應徵商稅額徵贏餘數目移咨准關考覈 會典事例

乾隆十九年覆准江海關之任家狼山二港商船每因沙漲難行准大汛港設役分巡所收稅銀歸任家港報 會典事例

道光元年上諭內閣孫玉庭等奏查議海關茶船出口情形仍請照例納稅放行一摺江省江海關向准茶葉出口運往北省銷售嗣因防其載往閩廣禁止販運上年經該撫奏請弛禁而給事中孫世昌又以事多流弊請仍飭禁茲據該督等詳查江海關出口茶船與閩廣浙省之船可以利涉深洋者不同舵水人等又不能請習南洋沙線勢難偷越自係實在情形著照舊例凡北起山東天津奉天等處茶船仍准其納稅放行其向由內河行走輸稅者著照舊禁止出洋不容紊越該督等即飭知管關道員認真稽查凡遇商販出口船隻查明

給與關牌和單行知所往口岸嚴密查驗如有攜帶違禁貨物偷漏出洋之事卽行截拿治罪若守口員弁私行縱放一併嚴參懲辦勿得視為具文 聖訓

咸豐八年諭內閣何桂清等奏請將關和暫增額外盈餘銀兩儘收儘解一摺前經何桂清等奏江海關稅每年於正額盈餘外約可加增額外盈餘銀十二萬兩撥充軍餉不作永遠定額茲據奏稱此項額外盈餘自七年六月起至本年五月底止一任期滿共收銀十萬餘兩撥與奏明約定數目計有短絀委因地用兵貨乏來源路多阻滯尙非稽徵不力此項額外盈餘銀兩著准其儘收儘解以昭覈實 東華續錄

同治六年陝甘總督左宗棠奏江海關協甘餉向係每月一萬兩嗣經戶部續撥銀三萬兩江海關仍祇照舊解濟并未遵照部撥之數上年十一月間臣請 寄諭其江海關每月應濟甘餉並著曾國藩李鴻章郭柏蔭嚴飭該監督按月解濟按季具奏欽此迄今江海關仍未遵解前督督臣李鴻章亦并未奏明停解應請 敕下兩江督臣江蘇撫臣飭該監督照原撥解銀數按月全解並據臣具奏臣此次不得已而籌借洋款洋商候信甚殷亟須定局未及候江蘇覆奏已照江海關原撥解銀數指借銀每月三萬兩如江蘇一時不能遵撥則江甯協甘月餉除歸浙江每月解銀一萬兩外尙有應解甯夏將軍穆圖善軍餉銀一萬兩陝甘督臣軍餉銀一萬兩共計二萬兩亦可按月撥交江海關抵還欠款不虞缺少穆圖善現已奉 旨暫督陝甘總督臣未接督篆以前應解甘餉自當由臣分別撥解必不膜視謹奏伏乞 聖鑒施行 左文襄奏議

右江蘇海關

濟寧關額稅銀十九萬一千一百五十一兩有奇盈餘二十五萬兩凡商船貨物有載量作擔料稅者雍正六年定大梁頭船前後量面廣腰廣底廣與深長因乘加五算活梁頭江駁船量兩邊齊釘花與深長因乘加五算活梁頭江肥船量闊搭一邊放一邊與深長因乘加五算活梁頭內江船量闊兩邊齊釘花與深長因乘加四算正江小欄水船量闊兩邊齊釘花與深長因乘加四算小江肥船量闊搭一邊放一邊與深長因乘加四算正江擺江船量闊兩搭不放與深長因乘加三算外江船量闊頂一邊搭一邊如焦湖采石四川三處船量闊搭一邊放一邊齊釘花與深長因乘均加三算山船前後兩艤深兩艤量闊與長乘加三算山船前後兩艤深居中量闊與長乘加三算山肥船在桅前量一寬與深長因乘加三算太湖船量闊兩搭不放與深長因乘加三算新太湖船量闊在桅門搭一邊放一邊與深長因乘隨深加算三尺起至三尺五寸深加三算三尺六寸起至四尺五寸深加四算四尺六寸以上加五算劃灘邊板光福尖頭船同前艤量隨深加算扁淺划灘船量闊兩搭不放鹽關頭船裝米貨量闊兩搭不放與深長因乘加四算米麥豆每擔徵銀四分稍穀大麥四折蠶豆每擔五分豆餅八折麻菜餅七折各貨視其貴賤自加三至對折鐵算每擔徵銀四分至七分一錢一分一錢二分有按擔料稅者各貨視其貴賤以包捆箱筒籃筐塊角雙單筒段之多寡斤數之重輕合擔每擔徵銀自四分至八分一錢一分一錢二分布計足典衣計包帽靴帶計箱計盒計斤合擔每擔徵銀二錢二分綳緞絲絳絨繭計斤合擔每擔徵銀二錢六分其奇零雜物計數計斤徵稅有差會典事例
 濟寧關貨船到關先聽本商報稅於過關後逐一查量放行其有報少報多者照漏稅例辦理則例
 康熙二十六年濟寧關監督征收溢額之罪戶部題請嚴關監督彙額任內除征收正額外溢額一兩一錢

2024/9/18 8.0M

2A

二百九十六兩零得 旨設立關權原欲稽查奸究照額征收桑額征收額課乃私封便民權以致擾害商民
該衙門嚴加議處通考

雍正四年蘇州織造兼理漕關稅務郎中高斌奏查漕關有邵伯鎮江二處樑頭大船據樑頭者本是船戶並非客商專裝豆貨名爲加補料部定則例一丈八尺樑頭納料六十七兩三錢裝豆二千九百八十二石計算每石徵銀二分六釐如所裝有逾此數按石另補鈔銀名爲外加船戶日久弊生將船隻改造長大實可裝三千五六百石至四千石不等者臣於到任之後察知其弊逐船數量有比所報多豆三五百石不等者臣將量出豆貨遵照部定則例丈八樑頭納料六十七兩三錢除去應裝豆石外其多餘之豆照例每石二分六釐照數加補俱彙入庫內是既與部定則例相符而此項船隻仍准其通行無阻乃樑頭船戶不得遂其所欲竟刊貼匿名詞帖詆毀以洩私忿臣職分當爲之事苟有益於國課商民自甘任怨不辭但有此一事是臣不能善於料理致生謗毀若不奏明有干欺隱之罪爲此瀝情冒瀆 聖聰併將帖內事由另摺備述與所貼匿名原帖一併密呈 聖覽雍正 硃批奏疏

五年奏准漕關嗣後徵收大梁頭船裝載豆貨活梁頭船裝載米貨均令籤量計石收銀四分其細緞每擔輪稅銀二錢六分以七十五斤爲一擔布每擔輪稅銀二錢五分以百二十疋爲一擔桐油一擔輪稅銀一錢二分至各色貨各樣船應徵條例並令刊刻木榜曉諭商民會典事例

又撥准漕關豆稅舊例丈八梁頭納銀六十七兩三錢小販每石七分近來丈八梁頭有改造深寬者令循例簽量多者依數每石二分六釐遞加其過船倉限槽餘豆亦每石二分六釐小販改每石四分會典事例

蘇州織造兼理漕運關稅務郎中高斌奏
二月十二日已滿一年共收稅銀三十一萬
兩零除第一第二第三三季額稅銀一十四
萬零稅銀四萬七千七百八十七兩零併盈餘
雍正 硃批奏疏

六年諭高斌將漕運關現行徵收則例據實
各關將各處現行徵收則例徹底清查據實
行毋得陽奉陰違虛應故事倘經接任之員
乾隆四年漕運關監督海保於離關數百里
上令兩江總督及江蘇巡撫查核題報督
前祇設崇禎等三橋望海等七港守巡應任
不及後又添設板橋等二十九處雍正八年
五處巡捕今查見在口岸三十八處有原報
覆設其南北角各執巡艇一隻各處口岸暫
稅房亦不許混指偷漏至於本地土貨非捆
無論多寡不和得 旨照所請行通志

六年覆推濟甯關之黃埠墩裁撤會典事例

九年餘各省奏報開課核實辦理奉 諭旨江南濟甯關乾隆六年十一月至七年十一月稅銀缺少一案經戶部行查巡撫覆奏稱係按月計算未經減少並無絲毫欺隱等語朕之裁減各關稅課並免米麥稅銀無非惠念商民之至意從前有旨盈餘減少戶部不必過於苛察惟令督撫就近查奏乃自有此旨之後各處所報盈餘無不減少者而督撫之查奏亦不過虛應故事並無實力查出略有異同者故自減免稅課以來米豆價仍昂貴而於商民未見有益於稅課日見有虧用頒此旨通行訓飭朕既寬免稅課數百萬兩之多豈較量此些小盈餘之數各督撫及司稅官員毋錯會朕意以報增盈餘為念嗣後務須核實辦理無欺無隱不得視為具文通考

二十七年御史趙佑奏竊照軍機大臣等遵 旨議覆江蘇藩司安寧奏江廣等處商船會濟關而遠走海關避重就輕有違定制應令嚴飭查禁一摺奉 旨依議欽此臣從邸抄詳閱之下知安寧意在增加海關稅則而該督撫亦曾以此奏請而 諭旨俱不允行仰見我 皇上恤商便民量同覆冒重 國課而抑澆風意至善也臣職在微末何敢於已奉 俞旨之後復行妄瀆惟是再三細繹商賈小人趨利若鶩苟可避就秋毫無爭然使貨船不由濟關濬行海洋其中實有偷漏正稅別干洋禁之處即為情重所不容今仍收口報緝不過七折對折稍分輕重關口雖有異同 國課會無彼此固不必過為區別也伏思海關稅則雖輕濟關本不為重 皇上愛民如子諸商久樂輸將必不以正額為嫌而舍河內之垣直就外洋之紆迴甘冒風濤不測之險撻厥所由誠見各關陋習往往客船報緝一切火耗飯食丈量稅票諸弊費家人巡攔藉端

需索中飽分肥欲壑難滿而漕關爲東南衝會乃其尤甚商賈翹望規避非避正類需索也海關於此等商船或諸項索費稍減亦未可定是以商船會往漸至日多今既顯懸禁令海口定有專途商船勢無他徙更胥勒索恐益滋弊合無仰懇 天恩勅下該督撫監督等確遵定例實力詳查將漕關需索陋習嚴行禁止使浮費不致多求則商船自然駢湊若第禁其海洋出入似尙非正本清源之道也 皇清奏議

又准江蘇撫臣所奏清釐漕關積弊四條戶部覆准江蘇巡撫陳宏謀條奏清釐漕關近日情形清釐積弊四條一漕關向有鋪戶代客完稅包攬居奇節經禁革乃旋革旋復陽奉陰違現且派定地方如江西湖廣上河下河船由何處開來稅由何鋪戶包納與在關之家人書役通同一氣遂致正稅串改罰項舞弊無窮應請將包攬鋪戶盡行列榜禁革仍令商人自行完納按簿親填一各處關口貨船抵關官役到船簽驗按則納稅方許過關惟漕關先不簽驗多寡聽其自報納稅之後船已過關方始簽驗名曰倒住因而鋪戶奸商僥倖漏稅營求免罰分肥者亦復不免嗣後貨船到關令委員帶同丈量人役查驗簽量令其赴關納稅給票之後始准過關以杜偷漏一江南各關口俱有坐關之員遴委任雜半年一換惟漕關委員四人向係久管不換相習日久漸滋弊竇應請嗣後將漕關委員已過半年卽遵照乾隆十七年前撫臣莊有恭原奏更換不得任其戀缺致啟弊端一督撫于關稅監督原應相助爲理惟是每月所征關稅數目各處監督均不咨明督撫乃至缺稅交查事在一年之後客商四散簿籍難憑多寡之數無從稽核應令督關監督按月知會督撫仍於年滿奏報時將一年總收數目統行咨會至龍江淮安兩關歸兩江總督稽查漕關歸蘇州巡撫稽查辦理庶就近查責成益專於關務更有裨益從之通考

三十一年奏准濟甯關稅照稅倍罰會典事例

三十六年奏准濟甯關於白芨設立稅口凡自蘇販往靖如通泰之南貨祇許赴福山一路販運以便稽查其北來貨物有收白芨口者准其納稅進口會典事例

光緒二十二年諭內閣朕因濟甯關近年關稅短絀昨於阿爾邦阿來京召對時詢以一年關稅致絀之由據奏內河關稅向比海關例課爲重近年海洋平靜各商船多由海運經行既關船身寬大多載貨物兼可少納稅課以致內河例課多不能足額等語商船出海販運其所帶貨物應准出洋與不准出洋者本有定例如茶葉米石等項皆干嚴禁原不能悉聽商船之便不行查察徑自放行著通諭海關省分各督撫嚴飭管理關稅之員於商船到口時驗其所帶貨物除例准出洋者令其納課放行外其例不准出洋貨物一槩截留不許出口如管關之員貪得稅餘私行賣放者一經查出卽行參處庶內河外洋各守章程不致此盈彼絀以平權務以杜弊端 聖訓

道光十五年諭軍機大臣等有人奏江蘇濟甯關爲通商要道向有標禮並查船謝儀及上派下派押差渡夫拔單交稱接籌等項名目疊經飭禁並未革除近有丈量科臺更沈培本係該關附近著名地棍迫充丈量遂勾通內外弊端不作因該關向有罰料一項其所罰銀兩向以一半分給丈量等爲貼補飯食之需一半留爲織造辦公之用此例原爲偷漏商人而設近來商船到關家丈量悉聽沈培主持無論果否漏稅任意丈量指爲以多報少無船不罰無罰不多有不服者輒行鎖繫因罰料一項並無印票僅有大關籤單不過以微末委員標明所罰數目籤單又隨發隨繳商人無憑控訴且以少罰多並無底冊不畏稽查遂致恣其勒索其商賈

之狡黠者多給使費不但可免重罰即應完之正課亦可以多報少其良善者不復貨物少而文量多而重罰且隨其後商情畏罰貪利良善者無不習爲狡黠偷漏不可勝言虧額稅之課銀肥吏胥之強索似此蠹吏把持誤公肥己必應嚴行究辦著林則徐會同松桂嚴密訪查如有前項劣跡即將沈培按律嚴懲毋稍寬縱至商船偷漏自應照例罰料其應如何給與印票另立簿據隨同報填室簿一併報部著妥議章程奏明辦理以杜弊端而昭數實 聖訓

同治四年諭李鴻章奏濟甯尚未設關請援案暫緩徵稅另行籌款辦運一摺蘇州織造所管濟甯關自咸豐十年被賊焚燬後至今尚未建署開關前任織造文燧見任織造錫祉設法就巡徵稅子口過多商情未協且所徵之稅較之釐卡捐數多寡大相懸殊自應相時變通以期功歸實際著照李鴻章所請准其援照杭州江甯各關停徵之案將濟甯關一體暫停徵稅俟蘇省防軍盡撤南北商貨流通卽行奏明復舊制其華續籌光緒五年兩江總督沈葆楨奏竊准戶部咨附奏濟甯等關照舊開徵等因三月初一日奉 旨依議欽此並鈔錄原片知照前來查開關窒礙情形經會同藩馬新貽李宗羲劉坤一張樹聲迭次奏明所言至矣盡矣然皆謂迫於時勢暫以權宜從事非敢謂舊章之可廢而部議之可違也卽臣等於光緒元年十二月初三日奏龍江西新辦等關萬難開徵一摺奉 旨著照所請戶部知道欽此摺末本聲明將來京外撥款稍鬆釐金酌量可減便當察度情形請復關稅蓋成憲極當遵守部臣具有見聞臣等當籲緩之時原冀有勉副 聖慮之一日今歷時已逾五稔部臣始申前議所以體卹疆吏者不可謂不至倘疆吏僅只圖苟安且夕不幾喪盡天良且各關一日不開於臣等尤多掣肘卽如織造奉 旨傳辦各款向係取諸關稅今則不

能不索款於臣等空文往復下筆增慚既不能使織造爲無米之炊亦不能責藩司以點金之術此臣等准
部咨後所以思之累月極情恪遵部議匪勉奉行躊躇至今乃決然知其不可者也利害具於前摺者不敢
以之再瀆 宸聰第彰往所以察來請以已開之淮關言其梗概淮關額徵盈餘合計三十六萬四千有奇
其地未經兵燹亦並未停徵卽今昔異形當相去不甚懸絕且去通商口岸尙遠洋票較他處爲稀監督皆
世受 國恩未有不仰體時艱且以考成爲重者乃綜終歲所得僅三四萬金不過稅額十分之一而商民
舉訴謂向非子口之地亦遷役環伺予以私費徒資中飽且踵事求增若計較錙銖便貽漏稅之罪身家爲
之破請釐定關卡舊址使商民知所適從臣等無辭焉以謝之也而監督函咨則謂奸商繞越愈遠愈巧地
方官遇此等案輒以土產土銷爲解不肯結實懲辦致關稅積成巨虧縱荷 天恩寬免八成實賠二成已
爲子孫無窮之累臣等亦無辭焉以謝之也淮關猶且如此況能江西新濬暨久湮沒於瓦礫之中正關分
卡均有一定規模繕造經營三處非數十萬金不可卽使如淮關徵數幸得十分之一積累年所入不足以
償工程之費所裨於 國計者幾何矣 沈文肅政書

右濬關

濬安關額稅銀二十萬五千四百七十九兩有奇盈餘十二萬一千兩凡商貨計據科稅者爲多有計疋塊副
件駄捆者各因其物自徵銀一分至三兩均按部頒現行條例徵收船稅有整單分單二項整單按船之大小
梁頭四尺徵銀六錢四分五尺八錢六尺一兩六錢一次輪稅給票准其往回照驗以一年爲滿分單據載貨
之多寡梁頭四尺徵銀一錢六分五尺二錢六尺四錢六尺有半八錢凡過關皆稅船大載少者按貨計算自

北南下者載貨二三石亦納四尺分單無貨者免徵○北鈔梁頭每尺二錢五分長山白洋新河後湖四分
凡商貨按船足條件徵收船稅梁頭三尺五寸徵銀四錢五分五釐四尺六錢四分五厘八錢六尺

一兩六錢七尺一兩九錢八分四釐八尺二兩四錢九尺二兩八錢五分一丈三兩六錢六分七釐一丈四
兩四錢二尺六兩丈三尺七兩八錢丈四尺九兩三錢三分四釐丈五尺十有二兩五錢丈六尺十有四兩

九錢三分四釐丈七尺十有七兩丈八尺十有八兩買捕魚船每年徵收二次梁頭一丈以內每尺徵銀一錢
五分一丈以外每尺徵銀二錢二分五釐豆每石徵銀四分小麥芝麻雜糧每石徵銀二分大麥粟稷蕎麥每

石徵銀五釐○淮倉清江蘇均淮關兼管商貨亦計擔科稅為多有計船足塊件者自三毫九釐至三錢八分
大釐均按部頒現行條例徵收會典事例

康熙六年議定淮安關及直省各關稅務俱委專員管理戶部議覆河南道御史徐浩武疏言江南淮海道專
管海防地方事務俱停其兼管其淮安關稅等項亦應委員管理應如所請并行文直隸各省將各關事務俱

委專員管理從之通考
五十八年議准淮安關稅務於兩河同知內差一人管理通志

六十年議准淮安關稅交江蘇巡撫管理戶部議覆署理河道總督事陳鵬年疏言淮安關稅經河臣趙世顯
於康熙五十八年題請歸併總河衙門令襄外河同知一員管理臣思河員職守緊要不可暫離勢難兼管惟

務請別差部員或歸併附近衙門帶管應如所請將淮安關稅交與江蘇巡撫管理從之通考

雍正元年以額外御史慶元管理淮關稅務時兼管稅務趙世顯征收錢糧多使飽賺之項 上以淮安關課緊要著慶元查明即授慶元額外御史管理稅務三年通考

二年覆准淮安關仍差部員通典

又戶部議覆准關稅銀缺額著落經收官員追賠奉 上諭前已將各關加增銀兩俱行裁去此項虧缺銀兩若係虧缺原額即著落追賠若係虧缺加增銀兩應行豁免著察明請奏雍正內閣 上諭

六年題准淮關每年首二季額銀仍差吏役管解其第四季額銀及一年存庫彙解並贏餘銀自雍正六年為始當季滿之時咨報蘇州巡撫委官解部會典事例

十三年上諭聞江南淮安板開地方有土棍人等開立寫船保載等行由該縣濫請司帖合夥朋充為客商之擾累曾經該關差追帖禁止而土棍等仍改易姓名盤踞淮關上下凡南河北河西河三路豆米貨船內有重載至關口僱覓小船起刺者土棍等輒恃強代僱任意勒索使用不饜不休客商甚為苦累每每觀望不前此得之朕傳聞者著督撫再行確查倘果有此等情弊即嚴懲禁止毋得視為具文嗣後布政司衙門亦不得濫給牙帖若他處關口有似此作弊者著該管督撫一體查禁雍正內閣 上諭

乾隆二年免淮安沿河口岸等處經過米糧雜物納稅奉 諭旨今冬挑潯淮揚運河大工齊舉所有員役人夫不下數十萬日用薪米食物所需甚多恐將來物價漸至增長查淮關則例除本地所收米麥雜糧不收稅課其外來客商販賣者按石征收舊例如此朕思目下興工之時若裁去一分稅銀自可平減一分物價於沿河居民及在工夫役均有裨益著管理淮安關稅內務府員外唐英將淮安大關并沿河口岸經過之客販食

米豆麥雜糧以及煤炭薪柴等物悉免稽查不必納稅俟明年工竣之後照舊征收又聞河南固始縣素稱產米之鄉每年客販運至清江浦地方卸賣其價必賤今運口築壩固始米船不能直達清江浦而相近清江有老壩口地方可以卸賣將此地米稅亦照淮關之例暫行寬免通考

八年免准關監督私免稅銀賠項准關監督伊拉齊私自免征酒麵絹粉等稅銀部議應令賠補 特旨免之通考

十二年題准淮安關之廟灣口船鈔向係按季彙差赴阜寧等五縣協催憑差役按戶秤收難免勒索嗣後令各州縣就近徵收接季解關會典事例

十三年奏准淮關裝運米豆等免稅船過關凡滿二百石以至千石之外應報納整單者照例量明梁頭尺寸每尺科以船銀二錢五分單每尺科船鈔銀三錢三分照各船實在梁頭權數契以九折折准尺寸一律計算徵收其未滿二百石僅有二三十石及一百八九十石者准照渡船並小契半鈔大契半鈔之例數滿二十石為渡二徵鈔銀二錢三十石為渡三徵銀三錢四十石為渡四徵銀四錢五十石為渡五徵銀五錢六十石至九十石為渡六徵銀六錢如滿百石除徵鈔銀六錢外再報小契一張納銀六錢如百有十石至百五十石除納小契外納鈔銀八錢如百六十石至百九十石契銀按梁頭二錢五分一尺科徵外納鈔銀一兩至自上而下之船有由淮關分口之長山白洋新河後湖四處例先徵收北鈔餘糧今大關辦改收契鈔並非重覆並廟灣口例徵梁頭銀均照舊徵收又過關應稅貨船並無駛運偷漏情弊未便照米豆等免稅船加徵應仍照整單分單舊例徵收准其來回一載年滿再行別擬會典事例

二十年題准淮安關流均口移駐溼河地方徵稅會典事例

二十六年奏准淮安關增設石礮稅口徵收錢糧仍入海關報解會典事例

又奏准淮安關每貨百石愈多十石以上者除正稅外仍罰一倍多二罰二多三罰三會典事例

同治十一年停江蘇淮關傳辦活計東華續錄

包世臣青口議云直隸海州三屬壤地之廣東西至二百七十里南北至三百五里雖有山水侵佔營窳錯雜及丘鹵不毛約去其半此外可稼之土麥地稻田雜糧豆地各居其一近奉查辦新淤居民漸知貴穀重土生殖益繁其土產糧豆醃豬鹹魚向來販賣暢銷處所皆在蘇松因地屬淮關關境出境土產例由三營草灣一帶陸運黃赴淮關報鈔往南銷售其需用紙張布疋棉花各種南貨例亦應由淮關報鈔渡黃陸運赴海唯贛榆一屬三面環山一面距海中無內河於乾隆五年經總督郝公奏明准該縣豎石由青口出海對渡劉河赴上海關納稅其豆油豆餅魚肉各貨如有夾帶出口者為透私若赴兩船隻回空時攜貨回贛亦屬違禁應遵行在案然海州三屬集鎮百數以青口鎮為最大海沐各鎮所用布疋紙張等物皆由青口轉販青口行銷又以油坊為最大油與豆餅皆屬奉禁出口之貨然從未見其陸運赴淮則其由海來往不問可知蓋產貨者農而運賣者商若遵例繞淮南下陸路近者百餘里遠者二三百里又係村莊小道不通大車計其運脚浮於買本是以賄縱偷漏習為故常刁劣生監串通竊役以收規包送為攬載截河攔船為禁載每至爭奪馬頭兇狠不殊梟匪竊謂青口設禁但為海贛兩屬棍徒兵役之利斂於淮關漏卮毫無裨益查戶部則例載奉天省黃豆山東省青白二豆福建省及江蘇之贛

榆縣豆麥雜糧豐收之年准商民由海運往鄰省及附近州縣發賣均令報明地方官給與印照到關查驗是奉天山東各貨南來北往係屬隔省例尙准由海通行況海屬與蘇松係屬本省又他省往南船隻皆須經由鷹遊門內洋橫過青口而本地各貨乃不准其流通既無關於海禁小民不明大義焉能免其欺誑檢從前郝公原案亦以此意立言贛榆豆石始得奉准對渡如當事心切民瘼以今昔情形不同援引戶例除嚴禁透漏硝磺之外凡他省奉准流通者海屬概與照例於淮關分口內裁移一處在青口設立印派淮關委員前來駐劄惟關監督統轄准宿海三關每關各有一筆帖式協辦關務名爲委員輕減火耗加意招徠使棍徒不能把持商民無所疑慮則流通日廣固足裕課便民惟試看伊始不能定額未便多設書役巡攔港汊查海沫之貨皆由州城外之臨洪口出入應卽由州立柵設簿按船發票准其沿海到青口關納稅其由青口完課進臨洪口者亦卽赴柵驗票其州境之响水口泖子口等處均由州派役巡香堵截至贛邑沿海港口稍可透漏之處亦由縣派役巡堵總歸青口如此嚴密巡查則於稽防越之中卽寓申明海禁之意似於關權地方均爲有益然前於乾隆五十七年間總督書公會議於海疆適中之地設立關口經常領道以爲青口設關則東豫各商公然取巧便可繞越揚由兩關致虧稅額通窳沮止查揚關徵收稅課以豫東貨物爲大宗常年豫東豐稔餅豆遊行揚由稅額便自充足青口現未設關長年透漏亦與揚稅無補況豫東大宗之貨斷無在黃河捨舟盤繞青口以越揚由之理是揚由額征贏餘殊不關青口之設關與否也若謂南來紬布各貨經由青口揚稅又細不知京莊濟甯之貨例由運河北上現奉奏明查禁浦口六合盤旱繞越是淮揚南雜貨稅止有盤旱之弊並無出口之虞至青口

本有巡檢一員專緝口內係海州營中軍守備巡轄口外係東海營巡轄又去贛榆縣治不過十里無庸更設移駐員弁以節糜費近年各關爭額牽掣貽誤者多矣故備論青口形勢使人人共知其於淮關有益云安吳四種

右淮安關

揚州關額稅銀九萬二千七百九十一兩有奇盈餘七萬一千兩凡商船貨物按包捆篋箱箚摺駝分別精細合梁頭丈尺科稅瓜洲關揚關兼管凡商船貨稅有由關過壩操餉撫餉會典事例

康熙五十五年議准瓜洲稅課司每年額徵稅銀向徵貿易小民此後停其徵收令揚州府同知代為捐解並造入該同知經徵由關額稅內別款清解如該同知再於商民私徵該撫卽行題參其稅課大使既無徵收之責著令裁去會典事例

雍正四年以瓜洲由關稅務交兩淮鹽政經營通志

乾隆元年題准揚州關所過邵伯船裝載豆稅准其每石照舊完稅一分其滕家壩落地稅銀就近歸泰州徵收仍附入揚州關考覈會典事例

四十二年奉諭戶部奏查核揚關征收稅銀較雍正十三年短少三萬二千六百餘兩請著落經營之道員應括賠補一摺因命軍機大臣交戶部查該關歷年盈餘之數較雍正十三年多寡若何今聞單開各年盈餘數目惟乾隆十四十七兩年較雍正十三年有贏無絀其餘各年則節次短少並非始自近年各關稅課盈餘例與上屆相比較朕御極之初本不知各處所收關稅多寡之數因諭部臣卽以雍正十三年為準使胥吏不

政例外苛求監督不能征多報少且使每年比較不致歲漸增加減無所底止實於體恤而民之中寓司關稅者不致作弊剋減之意並非因雍正十三年關稅獨多使各關稅必足其數也乃行之未久部臣因各關奏報盈餘較雍正十三年有贏者居多若置上屆於不問恐監督以比舊已多即可從中侵隱易滋流弊請仍與上屆相比較又復通行日久昨歲考核淮關鳳陽關較上屆廢形短絀因令復照雍正十三年比較則所短之數更多自係辦理不善今揚關亦復節年短少且通計短少最甚者惟此三關若因此而徧及諸關未免窒礙且恐無識之徒疑朕於關稅必欲從其多者相核實不知朕體恤商民之本意矣朕有意於帑項增多則不三次通免天下錢糧其所增益不較此百倍乎又思乾隆二十八年臨清關征收盈餘較二十七年短少朕曾諭戶部令與二十五六年再行比較嗣經部臣奏稱該關盈餘之數雖較上屆少銀三萬餘兩而較之五六兩年尚多銀一萬五千餘兩即予免議蓋稅課盈縮率由於年歲豐歉因難免參差不齊而通計三年即可得其大概若多寡不甚懸殊原可無庸過於拘泥此法最為平允嗣後各關征收盈餘數目較上屆短少者俱著與再上兩年復行比較如能較前無缺即可核准若比上三年均有短少再責令管關之員賠補彼亦無辭夫朕以雍正十三年為標準者本屬美意今既有此求全之毀嗣後此例不必行所有揚關本年比較盈餘交該部照此例另行核議具奏通考

咸豐十年江蘇巡撫徐有壬奏揚關所轄白塔等口一年稅銀提充軍餉 上諭曰戶部查議具奏著年復一

行任意挖欠短少倘復成何事體 聖訓

右揚州關

卷終

皇朝政典類纂卷八十六

征權四

關稅西新關 工部龍江關等處 鳳陽關 蕪湖關 工部蕪湖關 九江關 贛關 福建海關 閩

安關

西新關舊係西新龍江二關西新隸戶部龍江隸工部相隔二十里康熙二十八年合為一關以免商民守候額稅銀四萬一千三百七十六兩有奇盈餘三萬三千兩凡水陸舟車所載貨物經由江寧府各城門口岸者都稅司收出城稅龍江江東朝陽聚寶四司收進城稅均分別貴賤按斤科稅有按箇件條把連副箱隻船擔者各因其物又龍江江東二司收進城夏布稅按疋聚寶通濟等六門酒稅按畝抽分廠太平神策等五門下關趙溝王溝浦口江浦烏江石碛等口岸牛驢羊豕稅按數又茶引所收進城茶稅按細茶中茶其茶芽月鈔北城四季餘四城春冬按月都稅等五司各行經紀納鈔按季皆照部頒現行條例徵收會典事例
康熙二十四年覆准西新龍江二關各設專官課稅仍照各部銷算會典事例

雍正六年定龍江西新二關稅務歸江寧織造兼管會典事例

乾隆元年革除龍江西新關衙規驗票等項銀兩戶部覆准兩江總督趙宏恩等奏稱龍江西新關務舊有衙規茶果照驗單票等項在正額盈餘加一火耗之外應令一概革除如織造衙門承辦各項差務養廉不敷准在盈餘內支存一萬兩酌量動用每年將動用款項並餘存銀兩報解內務府查核從之通考

四年湖北巡撫晏斯盛奏竊本年二月督臣那蘇圖以龍江西新各關稅務一時乏人委臣暫行代管臣查關

稅事務至瑣至細而大賈經營小販度活土產人工洪纖之物併屬生計其間有積弊相沿事出理外悖皇上之恩意失權稅之本源傷理財之大體當請一一釐正者敬陳如左

一則例內開江關西關稅鈔照現行則例徵收耗羨在內新關除五城地租其餘稅鈔均耗羨在內等語查雍正六年監督關務隨赫德修定則例將火耗併入正項奏准遵行但所定則例內各稅款比之順治十四年 欽定則例每正銀一兩屢次增加至輕者二錢至重者二兩有零如工稅桶簍內舊茶磁器木杓魚桶等項舊則二分初次加耗二釐二次又加耗六分一釐如青柳木稅舊則每根銀二錢五分初次加一耗二分五釐二次加二耗五分五釐三次加平每兩五分如杉木稅舊則每根七釐初次加耗七毫二次加二耗一釐五毫四絲三次加平每兩五分如戶稅白絲舊則每百斤四錢五釐後增加七耗二錢八分三釐五毫耗羨屢增鑿鑿如此此河臣高斌前任督關時刊發則例所以於各稅項下俱載明耗羨在內而新關稅鈔又聲明除五城地租也嗣是乾隆元年奉文各關除正額盈餘加一火耗之外其餘巧立名色一槩革除不得多取等因是龍江西新各稅併入正項徵收之耗羨既經奉文自應如川省榆關之裁去加四只取加一方與奉 旨之案不悖而江寧各稅於則內原增耗羨之外又增加一飯食查飯食卽照單錢之別名非單錢之外商賈又肯另加飯食也乃前督臣織造臣原奏內指稱此項爲商賈給付之耗羨飯食不知耗羨係隨正在官之項而非給付吏書之項是耗羨飯食兩者必不可併爲一項其時部臣洞悉其非行文駁查迨回奏內將耗羨指爲地租之三百餘兩而飯食係各商賈給付議留則明與則例所載除五城地租外各稅鈔均耗羨在內之語顯然相悖而又於正項盈餘火耗之外另立加一

飯食名色毋怪乎輿論相傳以各關俱蒙 皇恩減免而龍江西新三關獨被加增也再查近年該
餘較之雍正元二等年增之五倍此皆商民脂膏抑亦司權者有意爲之以多餘爲稱職此未知 皇上
之心而不覺其自入於腴例也伏懇 皇上申諭各關正額不至虧欠盈餘不爲侵隱據實報銷不必以
日增爲能則拔本塞源而門務亦光明正大矣

一則例內開江關西關稅銀照現行則例市平徵收新關除五城地租外其餘均照市平徵收等語查順
治十四年則例內稅款與現行則例輕重懸殊之處皆包有平砵在內如工稅桶篋蔴茶磁器木杓魚桶
等項正耗皆三八下平青柳杉木稅每兩包部砵五分惟五城地租一項與地丁錢糧相同另收部砵此
現行則例所以各稅項下皆載明市平徵收而新關稅鈔又聲明除五城地租也查江寧市平較部頒司
砵每百兩輕二兩而部頒關砵又較部頒司砵每百兩輕三錢是市平較關砵每百兩應輕一兩七錢每
一兩應輕一分七釐民間蠅頭分釐必較則例內已包有平砵則一切徵收自應竟用市平而市平或輕
重不齊卽以一分一錢至十百兩遵照部砵分出小砵另減分釐錢兩以合市平俾零星小販得沾分釐
之惠而大商大賈亦服平砵之公矣

一則例內丈量磚後深闊長短層次底面算法共爲精密俱係實在並無虛數查龍江關丈量有連天連
水連人之口號此皆虛浮權算商賈不甘之語訪之連天之說在傳之面因水之深見尺加寸見丈加尺
高量虛數故稱連天其連水則因鴨口所到無水之處虛深二尺八寸是以水爲本故稱連水其連人則
因牌邊無水之處飛寬三尺以虛爲實故稱連人以無形之深高虛闊均爲實在科徵雖稅可有盈餘而

商賈難言輸服 國家理財久有常經溢額尙行裁減豈肯於青天白日之中無木生木而科斂於虛無之地夫商家之措貸如種戶得田完稅之則例無異田地之科則而量木之爬竿又同丈畝之弓口名別義同均屬不可浮溢況稅有正額有盈餘併有耗羨又何堪算入虛無也是以實算實一定之理而或者謂牌如船底旁淺中深故以爬口作算然爬口甚長已及中深之處則旁之淺者愈增深數而中深之二尺八寸更多溢數矣又謂牌多下闊上窄使果有之則何不以窄闊相乘長其牌數而獨以闊爲準且何以知其闊必三尺也況前爲牌如船底則下窄上闊又與此所謂下闊上窄者兩相反也至於平面高出見尺加寸見丈加尺則竟無可解說此丈量之所以當據實在也再木牌之中川楚所販有青柳木一項其稅三十倍於杉木雖稅納之數並無判數之例今丈量之法計木若干以十分科算凡川楚之牌雖無青柳在內例得於杉木雜中判開青柳若干或三分或四分或五分隨意多寡可以高下其手大滋弊竇此又嘗定以畫一之數不得隨意判斷者也再則例內有招木藥木零木名色皆可數明根數照則實科乃算法亦用虛派每牌三項各二十五根照牌深數遞加並不問其多寡有無亦屬無名再則內有梓木一項附牌而行以防黏攔大者每根五分五釐四毫四絲次者每根四分一釐五毫八絲原應點明牌數分別上次科納乃丈量不點數不分別槩以五分五釐上稅或一百根加至五六百根遞增八九百至千餘根不等卽無笨木者亦必加出匹五百根尤屬虛幻此均當改正駁實者也

一出城進城之人不盡富商大賈其或物件最少單人獨貨如布一疋鞋襪靴一二件帽數頂扇數把雞鴨數雙及雞鴨蛋數十枚等類手攜目賭並無藏掩且多窮民謀生之計與商人之負販賣利者大相懸

殊應請寬免徵收稅銀則小民尤沾實惠也

一現行則例應加釐正也查各貨物例內俱以銀數多寡分類客商難於尋考應將服食器用分析門類以類相從而載其銀數於下庶幾查揣可知一尋即得至如稻籬箕撮簸皆農家之用雞鴨猪狗雜毛短髮皆糞田之需又秧鞋蒲鞋草鞞涼鞋布條脚帶掃帚苗帚竹篾竹篾扇料舊篋子碎布頭半截磁皮茶種茨菇荸薺櫻桃葡萄甘蔗蘿蔔冬瓜青白梨雞鴨蛋皆窮人度活之物又失風破船板尤屬患難之餘資此均當不入稅款者也又出城貨物有入城曾經稅過者貨賣未完出城又照入城例投稅此則重複收徵亦當刪除者也又如下關零油例載四錢為一雙今皆不用磁邊改用小雙所盛之油約與磁罐相等當以四小雙為一石今以兩小雙為一石此與則例不符而未經開明者也又如牛馬尾與冰片麝香同稅牛羊角與犀角同稅又同一燕窩海參等貨而聚寶胡陽兩司與龍江一司不同稅此又參差

不倫所當正定者也

一五城地租當歸上元江寧兩縣輸納也查關稅止徵貨物而地丁則屬有司章程一定催科有方偶遇災歉減賦蠲租皆得均沾 恩澤或其地之荒熟不一墾廢不常可以隨時詳請分別輕重多寡時日緩急以定催徵自此項併入關稅則歲有定額額有定限限有不足則差役滋擾甚者地已別售而租仍本戶無可稽考且或歲遇大歉 皇仁大澤一切地丁皆得邀免而五城地租無可寬貸即如上年以及本年上下兩江兩沐 恩免而該地不在其內雖荒月可以酌量緩徵而應蠲之數不得與地丁一例今計此項地租僅一千七百一十四兩三錢八分五釐七絲在關在縣均屬錢糧而與佃民實有未便應請該

開劃交上江兩縣照民賦催徵歸入地丁一例奏報并查明上年及本年應免之數同民賦一例蠲免則皇恩無處不到而窮佃亦永遠沾被矣

前明范文夾編龍江西新則例序曰夾編至此未嘗不嘆民生之無遺利也凡日用零雜之物無不藉而權之其病在細夫三十稅一制其善也卽折鈔法行時以毫計始止二算未爲過徵迨六毫議定已三倍稅矣繼以新餉倍加又六倍稅矣其病在重賢者雖不能免於例內亦不宜增於例外蓋有慨乎其言之今查順治十四年之例折中酌定足爲法守至雍正十三年定例取廢增之耗盡併例內徵收則已屬無可復加之數是例外之加一誠可以已而例內有所減無多足便窮民者應併請 皇上仁恩敕行酌減則閭閻出入被澤靡涯矣 經世文編

同治四年兩江總督曾國藩奏竊江甯城外向設兩關曰龍江曰西新例由織造兼司權務并徵城門進出貨稅每年額徵龍江工關稅銀暨銅斤水腳銀五萬七千六百七兩零盈餘銀五萬五千兩西新戶關稅銀暨銅斤水腳銀四萬一千三百七十六兩零盈餘銀三萬三千兩共徵止餘銀十八萬六千九百八十三兩有奇除開支關署應銷各款外照例將所徵銀兩按兩季解京自咸豐三年江甯城陷織造退處江北計兩關舊徵稅課十有二年逮同治元年五月曾國荃駐軍雨花臺楊岳斌彭玉麟水師分布江面二年攻克九洲上下游貨物漸通乃在距城西南數十里之大勝關設卡抽厘爲湊發各營軍餉之用上年六月江甯克復後十一月舉行鄉試商民稍稍安集又在城中添辦門釐專給上江兩縣耕牛籽種之用他事不准動用分毫凡此兩處釐金之所收卽昔年兩關稅課之所出也然地方元氣過傷商民疲困城中試辦一月旋卽

改爲半釐月僅收錢一千餘串大勝關尙能月收錢三四千串至正月則收數較少不過收錢一千五百餘串若運撤卡設關斷不能足額徵之數相去懸遠加以衙署多所開銷胥吏從而苛索并恐所徵不敵釐卡之數臣查上年杭州北新等關開辦之後徵解寥寥經左宗棠專摺奏停仰蒙俞允江甯蹂躪日久其凋敝較杭州爲尤甚而城門進出皆須收稅更恐商民聞風裹足有礙於招集流亡之政應請援照浙省奏案暫無庸開關徵稅俟城市復業各商賈借來由臣體察情形再行奏請設關以復舊制曾文正公奏稿

諭內閣會國藩奏請將龍江西新兩關暫緩開設一摺所奏切中地方利弊江甯蹂躪日久商民疲困正宜休養生息以培元氣若開關既於國課無益而關差巡役人等轉得肆意誅求勢將商民生畏裹足不前於招集流亡之政殊有礙礙著松瑞將龍江工關西新戶關均暫緩設立俟商賈復業再由會國藩奏請設關以復舊制 聖訓

右西新關

龍江關稅銀四萬六千八百三十八兩銅斤水脚銀一萬七百六十九兩有奇盈餘銀五萬五千兩商船桶簍箱籃包捆等項並竹木長徑丈尺寸分點明實數照部頒條例徵收○大勝關龍江分口徵收茶簍包捆稅河定橋龍江分口徵收茶簍稅與大勝關同東壩茨嘴和州含山龍江分口徵收桶簍稅會典事例
宿遷關稅銀四萬八千八百八十四兩盈餘銀七千八百兩商船捆包桶簍擔束併竹木大小根段照部頒條例徵收○徐關宿關分口按貨物箱簍包件斤數照則徵稅會典事例
瓜儀由開河餉銀七千六百六十六兩有奇歲解江南河庫會典事例

雍正三年更定委員管理宿遷關及由關稅務例工部議准河道總督齊蘇勒奏言准徐道一官有經營徐邳宿遷一帶黃運兩河之責地方遼闊工程浩繁且駐劄清江與宿遷關相距二百餘里不惟難以稽察而遇河工緊急之時更不能分身兼顧恐於公事有誤請將宿遷關收稅事宜 敕令督撫擇就近賢員以司其事再揚州江防同知既管瓜州一帶江工又收由關稅課亦難兼顧應請一例飭委別員俾同知得專力修防應如所請得 旨宿遷關著交與年希堯兼管由關稅課著該撫遴選就近地方賢員管理通考

六年撥准龍江關歲編工稅銀四萬六千八百三十八兩應給各役工食銀一百八十六兩向於額數內動支報銷裁燈夫二名巡役十名歲減工食銀彙入正稅年終解部充餉會典事例

十年議准徵收瓜儀由關河餉銀嗣後令該管道員照依各關之例赴部請領親填簿冊船戶據實登填期滿題報考覈會典事例

十一年覆准宿遷關所管豐沛蕭場四縣應徵陸地稅銀照依現收稅銀則例刊刻曉諭遴選幹辦書役前往彼地據實徵收不得稍有侵隱所收稅銀彙同該關徵收稅銀照例按季解部期滿具題考覈該監督不時嚴行稽查無致徭役徵多報少刻意苛索苦累商民如有此等情弊一經查出嚴行究治仍令該地方官將稅老土豪人等嚴行禁革不得盤踞把持以社包收侵隱之弊並令將各屬經徵陸地等稅徹底清釐飭該地方官照數儘收儘解如有土豪包收情弊一概嚴行禁革儻經管官希圖通同侵隱照例參究會典事例

又覆准瓜儀由關徵收河餉嗣後於原額之外如有溢收准其報解戶部備有缺少在徵解戶部項下之撫增等餉銀內照數補足會典事例

乾隆元年議准裁宿遷關額徵石價銀八百一十兩會典事例

四年准江蘇撫臣所奏以兩淮鹽政管理瓜州由開稅務揚州鈔關及瓜州由開稅務自歸併巡撫例於道府內遴員代管是年以揚州知府高士鑰查災辦賑未能帶管權務撫臣奏鹽政近在同城稽查便易可否照織造管關之例就近令其帶管于權務實有裨益從之通考

六年覆准龍江關徵收木稅嗣後水平橫量陣面如中高一尺邊低一尺將高低折實除還一半止以五寸科算永禁飛量之法會典事例

又議准宿遷關徵收鹽浦蕭碭等四縣陸稅仍舊改隸該縣徵收解歸藩庫奏銷扣除四縣陸稅銀二百九十六兩以存銀四萬八千八百八十四兩爲每年定額徵收報解會典事例

十年禁止宿遷關通船一載征稅之例宿遷關舊有通船一載之例如船實能受載百擔而所裝之貨乃在七十擔以下者仍照現徵之數按擔征收若有數滿七十擔者遂撥通船一載之例令輸百擔錢糧其船隻之受載數百擔以至千餘擔者所裝貨物雖有多寡之殊而稅銀俱按此例征收至船頭船梢及平版上跨俱爲別除不入簽量見數之內卽有貯貨於此者亦不征其稅至是監督倭赫奏稱近有狡黠船戶每計貨船已滿七分卽將貨物分貯頭梢上跨以避一載之例而奸猾吏胥亦伺船貨之在七分上下者卽高下其手以逞其隱漏勒索之技應如所請將散裝貨物不拘頭梢船跨悉照成包成捆貨物一例簽查見數按擔征收將通船一載之例卽行禁止從之通考

又議准瓜儀由開徵收河餉一年期滿改歸蘇州巡撫題報考覈所收銀解交總河衙門以備河工之用會典

事例

道光十五年諭據奏准關管理宿遷分口之書吏康景山張紹盤踞多年每遇監督派往家人勾串一氣卽例有一定之額徵船料亦必加三倍徵收巨吸食鴉片俾晝作夜商旅船隻到口卽日多不驗放守至次日又須未刻方能查驗並有守至二三日者著林則徐會同那崑查明究辦不得稍事顛預經此次飭查之後兩關積弊儻不能實力剔除別經發覺或被科道糾參惟該撫暨該關監督是問 聖訓

二十四年八月裁江甯龍江關查驗木植稅局 東華續錄

二十五年復江蘇儀徵抽收江廣漕船米稅例 東華續錄

右工部龍江關等處

鳳陽關額稅銀九萬一百五十九兩有奇盈餘一萬七千兩凡水陸舟車所載貨物各分水旱稅徵收正陽大關水稅船貨按梁頭丈尺○臨淮正陽分口水稅按船之桅封卽桅倉丈尺自七尺起至一丈八尺止桅封一丈徵銀二兩二錢 原額一錢五分康熙二十五年增銅斤銀加倍每增減一尺各增減銀三分四十五年因銅斤水脚不敷增至今數每增減一尺各增減銀三分八尺以外至九尺者入九尺桅七尺至八尺者爲小販自正陽來滿料船帶有駁船駁貨者亦照桅封例報納船料小販糧食不足桅封者論石徵收豫斛一石徵銀三分落地貨已經別口納稅者每石徵銀八釐未經別口報稅者徵銀二分上流已報船料至此起卽由陸路他往或本地小商裝煙葉蘇木等貨往亳州報納者每船止徵船料銀五錢三分若本地糧食裝載卽照正陽梁頭例徵收林黍大麥照米七折稻穀五折不足梁頭之小販每石徵銀三分旱稅凡陸路往來貨物視其貴賤

各按歇摺箱包隻及按斤按件徵收其零星船貨不足梳封及米糧等船帶來雜貨竹木與陸路貨至此落地發賣者均照旱稅之例徵收至鳳陽府城落地貨因非通衢免徵康熙五十五年定○長淮正陽分口水稅自亳州裝來不足船料五錢三分及自正陽懷遠裝來各貨布按落地卸載換車他往過載別商轉販餘按箱包按斤竹木按種按件徵收康熙三十四年定本地糧食裝載照正陽梁頭例黍秫大麥稻穀折米與臨淮同不足梁頭之小販每石徵銀二分旱稅陸路貨止經本口不往別口報稅及水路貨載往亳州稅不足船料五錢三分並裝往正陽小販均照臨淮旱稅之例○盱眙正陽分口水稅貨船照正陽梁頭原額並加五銅斤之數糧食船自臨淮以下未經別口報稅者照關下裝船梁頭合石之數不徵加倉不足梁頭之小販及落地發賣者每石徵銀一分五釐已經正陽等處報稅者免徵如下准船轉販徵一過載每石銀一分若遠道由潤溪者盱眙小口照本口梁頭例小販每石徵銀二分從正陽載來山麻及油照旱稅例有下准船轉販亦照梁頭例小販麻三十捆以內每捆徵銀一分油二十隻以內減旱稅之半其從正陽等處載來雜糧及麻茶餅麵照旱稅徵收不徵船料從臨淮以下不經別口報稅者並徵船料下准回船載貨者亦照旱稅之例旱稅按箱匣包隻歇摺及按斤按數徵收有遠僻路由潤溪者稅同○亳州正陽分口水稅凡水陸貨物別口止報船料者至此按箱匣包捲筒篋歇摺斤件徵收已報細稅者免徵本口發賣者徵落地稅○懷遠正陽分口水稅貨物糧食照關下裝船梁頭例徵收滿料外有餘石及不足梁頭之小販每石徵銀二分本地賣載實載小販每石一分旱稅相近集場未經別口報稅貨物照正陽旱稅之例若過往商船止於譏察免徵○蚌埠正陽分口與懷遠例同足梁頭者照關下裝船梁頭例滿料外有餘石及不足梁頭之小販每石徵銀二分若載往亳州報

細稅者止徵船料銀八錢八分其南來貨物由此雇船往正陽並正陽貨船進此口者因正陽止報船頭又按包捲箱簍捆摺及按斤按數竹木按簿徵收康熙二十一年定過往商船正於譏察免徵會典事例

康熙二十一年定鳳陽關差六部滿官一人收稅例向例鳳陽會徵收 通典

五十五年以鳳陽關稅務交巡撫征收戶部奏請更換鳳陽等關監督 上諭大學士等曰各關監督所欠錢糧甚多未派之先俱願前往及到任之後額稅必欠此皆多帶人役征收過刻之故昔南新關有一監督問巡撫王度昭錢糧如何不致缺額王度昭告以從寬征收斷不欠缺後果如其所言鳳陽關額稅著交與該巡撫征收餘缺俟朕另派通考

雍正七年奏准鳳陽關所轄之正陽關商船以豫斛三百石為滿料關下裝船以五百石為滿料多餘者為加倉不足梁頭者為小取光州雜貨以擔計稅菴篷竹木以件計稅臨淮長淮照梁頭例盱眙等本處裝載照關下例臨淮樁封船鈔每丈納銀二兩二錢每增減一尺各增減稅銀三分並令將各口條例刊榜曉示會典事例

乾隆四年奏准鳳陽關稅務照崇文門山海關之例於各衙門保舉及俸深官內開列具題請 旨簡用一年差滿更代其臨清江海蕪湖嶺浙海荆太平等關仍交巡撫兼管會典事例

十四年題准鳳陽關於青陽鎮併宿州境之符離集設口徵稅蔣家壩河口設口稽查會典事例

十九年奏准鳳陽關設立稽查之濉河口移駐虹縣南關徵收納課之青陽鎮改駐濉河口會典事例

右鳳陽關

蕪湖關額稅銀十五萬六千九百十九兩有奇盈餘七萬三千兩凡商船貨物滿載者分加料平料下料三等
按梁頭丈尺徵收加料貨物○金柱口蕪湖分口照例徵收每稅一兩加銅斤並水腳銀四錢○裕溪蕪湖分
口照例徵收每稅一兩加銅斤並水腳銀一錢六分○泥汊蕪湖分口江廣上流商貨就便入此口輪稅者其
應加銅斤水腳銀照大關之例近地出產之貨每稅一兩加銅斤水腳銀四錢河南及本省廬鳳出產之貨南
行入江可避大關如轉至此口輪稅每稅一兩加銀一錢六分會典事例

康熙五十八年 敕查江西湖廣糧船無得夾帶貨物致妨權政戶部議覆蕪湖關監督赫昌疏言蕪湖關缺
少錢糧因江西湖廣糧船二千餘隻每年過關旗丁任意將貨物滿載船尾拴札木筏不令查驗請令兩省糧
道於本處糧船載米起運後親身先行到關查驗放行如有裝載貨物木筏盡行入官庶於糧船無誤而關課
亦不致多闕應如所請令總漕於湖廣江西二省漕船載米起運後令各該道至上流漢口吳城馬頭親身稽
察仍嚴飭押運官弁每船照定例除土宜六十石外如有違例多載及拴札木筏過關者將貨物入官該管道
及押運官弁一併題參治罪從之通考

乾隆七年覆准蕪湖關之東河口凡兩數以內之貨稅就近在該口稽徵兩數以上之貨稅仍赴大關完納會
典事例

右蕪湖關

工部蕪湖關稅銀五萬五千五百三十兩銅斤水腳銀一萬四千六百十六兩有奇盈餘銀四萬七千兩每年
解漕造銀一萬八千七百七兩竹木牌筏及商貨盤篋箱桶包捆散倉滿載照部頒條例徵收○清弋口蕪湖

關分口正稅一兩徵銅斤水脚銀四錢新莊口正稅一兩徵銅斤水脚銀四錢裕溪口正稅一兩徵銅斤銀一錢泥汊口正稅一兩徵銅斤水脚銀四錢小商竹木牌後進口發賣者稅過五兩至十兩徵銅斤銀一兩水脚銀八錢會典事例

乾隆十二年諭昨據工部具奏蕪湖工關較去年短少行令查覈業已降旨依議今日戶部議稱蕪湖戶關贏餘較去年有餘毋庸置議等語此案工關贏餘雖較上屆不足其戶關較上年贏餘之數足數抵補如將有餘者毋庸置議不足者再行查覈於考覈功過之意未合卽行查覈亦徒多往返登答工部再行查覈之處不必行嗣後著該部照此辦理如一人而兼兩關其比較上年贏餘之處均有不足再令該督撫據實查覈會典事例 通典 通志 謹按通考同則例在十四年

右工部蕪湖關

九江關額稅銀十七萬二千二百八十一兩有奇盈餘三十六萬七千兩凡官商鹽茶有徵客商貨物除竹木輪稅外餘皆無徵惟科船料船分各類均量寬深及長以別號數以定稅之重輕將銀數填註印單實貼各船後倉並用火印鈐烙船板以備下次過關稽查雍正九年定 會典事例

康熙二十一年移九江權關於湖口縣先是給事中雅齊祿條奏請將九江權關移於湖口地方九卿兩議並奏 上命畫一定議尋九卿議覆暫移九江關於湖口收稅以一年所得爲定額如有不便具題另議從之通考

附錄王懷宏請罷湖口關復九江關疏竊惟 國家之本計惟財與賦財賦之充足在鹽與酒我 皇上

額項額租之 詔屢減額外之徵數十年來農工商賈無不仰戴 皇恩固已淪肌浹髓乃有不費內府之金錢不損 朝廷之額課 綸音一下各省歡呼則莫如湖口之仍歸九江關之爲善也夫昔日之設關九江者因上有龍開河官牌夾下有老鸛塘白水港俱可停泊多船冬夏不涸無波濤洶湧之危輪將甚便此誠利 國利民經久不易之善地也後以江西東下亦應納稅曾移湖口此一時權宜之計耳初未計及湖口一縣地處下流乃江湖兩水交會之衝又有上下鐘山巉巖峭壁插入江中既已設關遂成商船納稅必泊之地止有虹橋一港水漲之時大船僅容數號小船僅容數十隻倘水涸船多不得已盡泊江外大風暴起巨浪滔天欲求入口而不得欲求渡關而不能故其患不可勝言此湖口斷斷不宜設關之明效也或謂自江西出湖以下江南自江南入湖以上江西恐有漏稅之弊不知九江一關征船而不征貨丈尺已定稅無可匿 臣查大姑塘去九江四十里在湖口之內仍係泊船之地應聽部司委員在彼收稅彙繳關庫以給票爲憑至各省出湖船隻大姑塘收稅者九江驗票放行各省進湖船隻在九江納稅者在大姑塘驗票放行則兩處自無漏稅之慮矣年來風濤時起沉溺疊見商情以積久而不得伸差員以時費而不敢請此 臣所以不得不代爲請命也倘荷 允行則往來舟楫無傾覆之虞東西商賈無漂沒之苦既於額設 國課一無所虧又於貿易民生皆得其便乃經久無弊之良圖也 謹按此奏當在康熙朝

雍正元年覆准九江關仍自湖口移歸九江其不由九江經過之江南江西往來商船於大孤塘別設口岸照例徵收令江西巡撫選賢能官二人一駐劄九江一駐劄大孤塘湖廣往江西船若在九江納稅至大孤塘即

驗票放行江西至湖廣船在大孤塘納稅至九江即驗票放行如有重徵苛勒等弊該撫不時稽查題參會典事例

二年移江西湖口權關於九江口分設口岸於大姑塘時江西巡撫裴律度清釐湖口盈餘奏請解部 上以爲數過多則必額外剝削商民乃 諭關稅多少係於年歲豐歉本難預定倘不及之年不可定求足數通志

乾隆四年諭江西九江關稅務著內務府員外郎管理會典事例

三十四年議准九江關木牌到關向由保家引領完稅應全行禁革令商自納以杜串通滋弊仍派員督看商人親填印簿設立兩聯串票一給商人一存本關以便查對並飭該監督毋許於經制書役之外濫用白役會

典事例

又覆准九江關每正稅一兩准徵平餘銀一分以爲添補飯食巡役費需之用毋得於一分之外藉名多索會

典事例

四十五年覆准九江關之西二十里有汶河一處名二套河即大江之支流向有土埂二條阻截舟楫如夏月水漲漫溢土埂細小木把從此偷越自宜隨時相機設法稽查如非水漫之時仍從其舊毋許藉此添派官役多設一口致滋紛擾會典事例

同治元年江西巡撫沈葆楨奏竊臣疊准戶部咨九江關應解咸豐十一年暨同治元年分京餉案內共稅銀

四十萬兩迅飭委員管解等因查九江關自咸豐三年粵匪竄踞金陵商船稀少經前監督義奏奏 上

諭現在軍務未竣商旅未能暢行自係實在情形所有九江關應徵本年稅銀准其暫行儘徵儘解俟軍務

告竣後卽按照常額徵解欽此旋以九江府城被擾遂並無稅可徵至八年克復當經前撫臣善齡以江路梗阻商販寥寥請俟下游肅清再行開關奏奉 諭旨所請著不准行迅將實在情形辦理亦不准儘徵儘解欽此嗣於咸豐十一年正月間由部提撥十一年分九江關應徵稅銀二十萬兩節經前監督文恆護監督蔡錦青以並未開關徵稅無從撥解緣由先後呈明戶部旋經戶部奏參欽奉 諭旨查取九江關監督職名交部嚴加議處並准部咨以該監督呈報該關逼近賊氛商賈裹足是否實在情形抑係藉詞延宕並有無隱匿侵吞情弊飛咨遵照前奉 諭旨迅速查明奏明辦理等因伏念京庫餉需如此其急凡在臣子孰敢稍存膜視惟是九江關稅例向以木排爲大宗船料淮鹽次之茶竹又次之此外別無應稅之貨嘉慶道光年間必木稅一項逾其全額之半加以各項方能數額自咸豐三年木排被匪焚掠殆盡歷今十載從未聞有販運木排過關者江西兩湖向食淮鹽自淮運梗阻江西先改食浙鹽繼改食粵鹽湖廣改食川鹽皆不由九江經過間有小販無照之淮鹽行銷並不暢旺至逐日來往船隻多係裝運兵勇軍械卽有商販爲數無幾覈計現徵船釐每月收錢數千串較之昔年船料十不及一茶竹出產本少而稅則復極輕徵所徵並不逮釐金之數該關每年應徵正額盈餘共銀五十三萬九千兩有奇何從集此巨款此該監督所報未能開關尙非藉詞延宕之實在情形也至船釐一項原因九江甫經克復善後防堵在在需費省庫無可分撥不得不因地爲糧又以克復九江之楚軍已於湖口二套口等處接貨抽釐勢難於數十里之內令商販重疊完納乃議於船戶所得船價酌量抽收所收之款按月具報除本地善後防堵動用外儘數解歸省城牙釐總局轉撥大營軍餉此船釐本與關稅無涉該監督並無隱匿侵吞之實在情形也竊思關稅爲

國家正賦未便久懸第九江正額盈餘至五十餘萬迥非他關之比而所稅僅竹木鹽茶船料五項又非他關之比若必責以如額徵收短絀卽著落賠補不特金陵未復淮引萬難疏銷川省羣盜如毛木植無從辦運卽使上下游全數肅清而長江自洋商通後華商幾於無利可圖日後開關稅課必不敷甚鉅一經覈算參革隨之參革不已繼以籍沒籍沒不已繼以監追前任如此後任復然徒煩刑章無裨 國帑此該監督等所以不能不長慮却顧者也臣熟籌再四與其必符定數致開關遙遙無期不如酌量變通徵一分卽得一分之用可否仰懇 天恩准其仍遵咸豐三年 諭旨暫行儘徵儘解俟軍務告竣後卽按照常額徵解出自 逾格鴻慈如蒙 俞允應請 飭下該監督嚴剔關稅積弊所收稅款隨時報部聽候提撥毋得以多報少自外 生成至未准開關徵稅期內先後奉撥京餉銀四十萬兩實係無從報解其船釐一項本與關稅無涉應由牙釐總局彙案詳銷各清各款以杜牽混理合將查明九江關實在情形並籌變通辦理之處恭摺具陳伏乞 聖鑒沈文肅公政書

光緒二十六年江西巡撫德壽奏據九江關監督明徵查覆該關徵收常稅每正銀百兩向徵雜項銀二十九兩內除例准支銷之耗羨平餘積平飯食傾鎔折耗管庫委員庫丁辛工關書辦公心紅紙張飯食外覆計該監關督辦公經費一款每年約可得銀一萬一二千兩惟例支不敷之款如解餉水脚修理船隻旗幟號衣之類悉於辦公經費內提出津貼又有攤捐華泰洋行本息及生童膏獎育嬰義塾善舉各捐項亦皆取給於此又洋稅洋藥稅釐項下運解京餉川資每萬兩照章報銷銀二百兩該關實給銀一百二十兩計每萬兩可節省銀八十兩以現年解京餉數計之每年約可節省銀一千餘兩合於辦公經費洋稅洋藥稅釐

項下運解川資兩項極力撙節每年報効銀一萬兩

右九江關

贛關額稅銀四萬六千四百七十一兩有奇盈餘三萬八千兩凡商船貨物分上水下水視其貴賤按斤件擔
隻其竹木計根鐵鍋計合科稅又有臨關例較正稅減則徵收又稅銀一兩五錢以上者爲正稅係足色平一
兩五錢以下者亦爲臨關零稅係九三色市平會典事例

雍正二年題准贛關稅銀每年呈報內部就近充餉會典事例

右贛關

福建海關額稅銀七萬三千五百四十九兩有奇盈餘十一萬三千兩凡商船出洋及進口各貨按斤科稅者
爲多有按疋件條把筒塊各因其物分別貴賤徵收船稅按梁頭丈尺會典事例

閩海關歲收贏餘銀兩儘數留於福建藩庫以備支放兵餉之用則例

康熙二十四年覆准福建沿海無篷桅捕魚船稅仍聽地方官徵收其有篷桅船聽監督照例徵收梁頭稅課
沿海要口均撥哨船衛役巡查會典事例

二十五年敕閩海抽稅仍依定例督理閩海稅務戶部郎中瑚什巴疏言閩省商賈貿易無丈船抽稅之例請
照粵關一例丈抽至貿易船隻原在某關印烙給照准出海口者別關不得私留仍令各回本關庶人數軍器
各有稽查而奸宄不敢影射得旨凡收海稅官員因係創行設課希圖盈溢將出入商民船隻任意加征以
致病商累民亦未可定著嚴加申飭務令恪遵定例從公征收無溢無苛以副朕軫恤商民至意所請不准行

通考

二十八年減免閩海關稅額永著為例閩海關監督嚴遠禮奏閩海關稅額逐一確查分晰應免稅銀共六千四百九十四兩有奇著爲則例永遠遵行從之通考 互見免稅類

五十七年定免廈門關經過商船增稅之例閩浙總督覺羅滿保疏言各省往來臺灣船隻經臣題明必令到廈門盤驗護送但查從前自臺灣往各省貿易船隻俱從外洋直至停泊之處赴本處海關輸稅至於中途經過之所不便一貨兩征嗣後各省商船遵例必到廈門盤驗除收泊廈港貿易者照舊報稅如收泊江南浙江各省貿易者仍聽其彼處海關報稅其中途經過之廈門關稅免其增添下所司議從之通考 互見免稅類

雍正四年浙閩總督高其倬奏竊查閩省泉漳二府向資臺米以濟民食自朱一貴變後巡臺御史恐其運出接濟洋盜又恐聽民搬運以至臺灣米價騰貴或生事端遂禁止不許過海泉漳之民有米無米在所不顧不知臺灣地廣民稀所出之米一年豐收足供四五年之用民人用力耕田固爲自身食用亦圖賣米換錢一行禁止則囤積之米廢爲無用既不便於臺灣又不便於泉漳究竟泉漳之民勢不得不買臺灣之民亦勢不能不賣臺禁雖嚴不過徒生官役索賄私放之弊臣查開通臺米其益有四一泉漳二府之民有所資藉不苦乏食二臺灣之民既不苦米積無用又得賣售之益則墾田愈多三可免泉漳臺灣之民因米糧出入之故受脅勒索之累四泉漳之民既有食米自不搬買福州之米福民亦稍免乏少之虞至開通米禁有須防之處二端亦不可不加詳慮其一恐泉漳之民任意搬買或致臺灣米貴查臺地一年豐收足供四五年之食嗣後應於冬成之時詳加確查若臺灣豐熟卽開米禁倘年成歉薄卽禁止販賣雖年歲稍豐而

一時偶有米貴情形臣亦卽隨時查禁必不敢疏忽滋事其一恐買米之船接濟洋盜查海洋之中劫米爲盜者頗多買米爲盜者實少閩地歷來諸臣既于此總總過計臣亦不敢不於此詳細周防嗣後泉漳之民過臺買米者俱令于本地方報明欲往臺買米若干載往某處販賣取具聯保詳報臣等衙門卽飛行臺灣及所賣之府縣兩處稽查如有不到卽係偷賣必嚴懲聯保究出本船之人盡法重處如此查防自不致接濟洋盜矣味和堂集

八年題准嗣後閩海關徵收海船梁頭稅銀如船戶有抗欠不完於考覈冊內註明報部存案一面行文原籍追完解交接任監督彙解如該州縣推諉遲延照依督催雜項錢糧之例參處會典事例

乾隆三年諭福建海關稅務著將軍管理會典事例

七年覆准閩海關之南山邊一口免其徵稅只留巡哨稽查其客商於銅山自報不實不盡之貨統歸石碼口秤驗照例徵收會典事例

十年題准福建臺灣一府產米素饒泉漳諸府多仰給於臺粟今商漁船搬運過多以致漳泉諸府失所接濟嗣後商船每船止許帶食米六十石於出鹿耳門之先令臺防同知查驗有多帶者分別責懲餘米就地起賣儘不能驗明致有夾帶至入口盤出或別處發覺者將該同知照例分別米穀多寡議處其沿海港汊紛歧難免偷漏令地方文武官弁實力巡查禁會典事例

又諭免福建浦城關稅缺額銀兩奉 諭旨朕聞福建浦城關稅從前題定額征收二千七百餘兩後于乾隆三年更定稅則委員監守一年以爲定額缺少銀五百四兩零嗣後連年短征蓋因該關長脚難於履覓以致

商貨稀少經征各員無力墊補遂成懸欠著將此項稅銀加恩豁免其乾隆三年以後節年缺額銀兩一併加恩免其賠解該部即遵諭行通考 互見免稅類

十二年改溪雅稅館於懸鐘地方並定舫仔頭船之禁先是福州將軍新柱奏請將溪雅稅館移至懸鐘經戶部行文撫臣周學健議稱溪雅地方遠距懸鐘三十里稅館設在溪雅船隻俱泊懸鐘在關則有鞭長莫及之虞在商則有乘機偷漏奔走守候之弊部覆議如所請將溪雅稅館准其改設懸鐘又該將軍奏稱廈門等處有奸民匿造舫仔頭船雙蓬雙艙傍用四槳非商非漁專為包攬偷漏貨物請行飭禁經戶部行知該撫議覆請嗣後舫仔頭船式樣永行禁止所有現在之船毋許加用四槳多添舵水并十船編甲互結部議應如所請從之通考

十七年覆准福建甯德縣稅口移駐酒嶼會典事例

十九年奏准廈門所轄玉洲稽查舊館移駐石美就近稽查會典事例

二十七年奏准閩海關之南臺口所轄地方遼闊於長樂縣陳唐港水次蓋房派役駐劄巡查會典事例

四十七年奏准嗣後外夷商船到閩海關其裝載貨物照粵海關則例徵收會典事例

四十九年奏准福建蚶江口原屬海關泉州稅口管轄商民出入販運船經泉州既已徵輸蚶江一口止設員役稽查不復科稅會典事例

又覆准福建泉州府晉江縣屬之蚶江口臺灣府彰化縣屬之鹿仔港設口開渡其廈門商運船隻仍照舊編記冊檔出入掛驗不許越赴蚶江渡載蚶江商漁船隻出口責令蚶江通判驗明編號掛驗放行如有違例偷

渡人照不符及次獲禁收等項查辦究治若文武官員故縱失察分別參處至鹿仔港海口出入船隻令鹿仔港同知查察會典事例

五十五年覆准五虎門港淺礁多到口船隻因距南臺較遠多係駛進閩安口停泊令閩安鎮稅口徵稅給單由五虎門出口船隻責成南臺稅口稽徵給單經過閩安鎮口覆驗放行至進口船隻所置貨物有運往他處者聽商民於納稅時報明數目填註紅單定限一月以內免其重徵其有逾限出口或限內將原報貨物搬運別船均徵出口稅銀卽限內出口船隻單外添摺之貨仍照例納課令商登入親填簿送部考覈會典事例五十六年諭閩海關贏餘稅銀嗣後不必解部卽著留於福建藩庫以備支放兵餉之用至各省內如有似此地丁銀兩不敷支放兵餉者其有關稅省分應解稅銀亦著照此辦理該部卽詳細查明分別應留應解之項行知各省一體遵照會典事例

嘉慶六年覆准閩海關徵收二八添平銀兩永行革除會典事例

道光二十七年諭軍機大臣等向來閩海關徵收課稅從無短缺乃自近年以來據報徵收數目每不足額是否數數未能認真稽覈或用人不當致有偷漏等弊或任聽胥役串通蒙混種種侵蝕恐皆不免著劉韻珂據奉此旨隨時留心密加訪察如查有前項情弊卽行據實具奏斷不准稍涉瞻徇該奏遵查閩海關稅務雖分大口而廈門一口向居稅額之半廈門販海之船有透北過臺出洋廣撥四項貨船自五口通商以後洋船所販之貨卽係出洋廣撥兩項船隻所販之貨以致出洋廣撥二船收帆歇業洋稅日增常稅日絀擬將洋船所占華商進口洋貨棉花布匹出口雜貨等稅撥歸閩海關常稅徵報其洋船進口噸錢出口茶葉湖絲各稅仍

歸洋稅徵收下戶部議尋議洋稅撥歸常稅恐洋稅所徵無幾請令於每年洋稅項下撥補常稅銀若干兩酌定數目奏聞從之東華錄

右福建海關

閩安關額稅銀一萬七千三百五十五兩有奇係落地稅地方官隨時地酌收無例 會典事例

康熙二十年覆准閩安落地稅令福州府同知徵收會典事例 互見落地稅

右閩安關

皇朝政典類纂卷八十七

征權五

關稅 浙海關 北新關 工部南新關 武昌廠 工部荆關 湖南辰關 夔關 工部渝關 打箭爐

浙海關額稅銀三萬五千九百八兩有奇盈餘四萬四千兩凡商船出洋及進口各貨按斤按疋科稅者為多有按個件副隻條把筒塊者各按其物分別貴賤徵收 大關出口入口貨稅例每百斤作八十斤凡貨按疋竹木按根塊同散倉貨物丈量深寬及長因乘加算計斤科稅其安南東洋貨稅例每百斤作六十斤七十斤科稅其作八十斤者與閩廣貨同均九折徵收 湖頭渡及象山古窰小港滙海等口與大關出口入口例同散倉貨丈量計斤如之糧倉船按梁頭丈尺梁頭四尺五尺每寸徵銀五釐六尺以上每寸遞加一釐至滿丈每寸徵銀一分一釐丈一尺以上每寸又遞加一釐至丈有五尺每寸徵銀一分五釐如糧倉進寧波府照前例八折徵收 頭圍口稅例紗羅綢布每疋作六十疋土絲每百斤作六十斤又各色雜貨每百斤往寧紹台溫者照本關例山長江往廣閩者照北新關例 乍浦稅例進口貨物有百斤作八十斤者有連包篋筒八折至對折者木稅杉木按船不按根木枋沙板按塊銅稅紅銅每百斤作六十斤熟銅器按斤東洋貨惟紅銅照本條餘貨七折安南貨八折閩廣貨八折及雙九折單九折徵收出口貨物有計實數徵收者有按斤八折按疋七折八折徵收者箇件同 江埠白橋家子等口稅例出口貨物每百斤往本省者作九十斤往閩省者作八十斤進口貨物每百斤均作八十斤散倉貨物丈量乘算每百斤亦作八十斤徵收 温州瑞安平陽等口稅例進口貨物每百斤作六十斤出口貨物往本省者每百斤作八十斤往閩省者每百斤作六十斤徵收

竹木計根同惟大杉木十根作七根松板十丈作九丈木炭千斤作九百斤 船稅凡出洋買捕船梁頭四尺五

尺每寸徵銀一分六尺以上每寸遞加二釐至滿丈每寸徵銀二分二釐丈一尺以上每寸又遞加二釐至丈

有五尺每寸徵銀三分丈六尺每寸三分四釐丈七尺丈八尺均每寸四分採捕漁船各口岸不同視其大小

納漁稅銀自二錢至四兩四錢八分免稅例凡魚鮮類十有九條四百斤以上者徵稅四百斤以下者免稅燒

柴木炭炭屑千斤以上者徵稅千斤以下者免徵蠟蝗等十有五條無論多寡均免稅 會典事例

康熙二十三年議准浙江沿海貿易收稅例九卿等議覆工部侍郎金世鑑疏言浙江沿海地方請照山東諸

處見行之例聽百姓裝載五百石以下船隻往海上貿易捕魚預行稟明人數至收稅之處交與該道計貨之

貴賤定稅之重輕按季造冊報部應如所請從之通考

三十四年覆准浙海關於寧波府設立衙門將沿海巡邏哨船內特撥二十船召募衙役於各口巡查會典事

例

又覆准浙江定海縣設海關衙署並設紅毛館一所令監督往來巡視一年差滿將所徵稅銀作為定額會典

事例

乾隆十六年免浙省各關口米稅奉 諭旨浙東府屬兩澤愆期該撫預籌民食請弛海禁著照所請江閩二

省商販赴浙屬之溫台寧處四府者准其暫開海禁仍令該撫飭屬給予印票沿途實力稽查嚴禁奸商等借

端偷買透漏其浙省各關口並著加恩免征米稅以示招徠務俾商販流通米糧充裕該部遵諭運行通考

直隸免稅例

二十二年更定浙江海關洋船稅例戶部覆准閩浙總督喀爾吉善兩廣總督楊應琚奏稱設關分權原以裕課通商而因地制宜亦須權衡公當如外洋紅毛等國番船向俱收泊廣東少至浙江是以浙海關稅則略而不詳今自乾隆二十年以來外洋番船收泊定海會粵就浙歲歲來寧若不將比較則例更定章程必至私扣暗加不特課額有虧亦與番商無補臣等悉心會商將粵海關征收外洋船隻入口出口貨物現行徵稅則例及比例規例併外洋船出口貨物估價利征各冊逐一查核除比例一冊緣天下之物類繁多稅則未能備載以此例彼此照征收原無軒輊其規例一項原係從前陋例嗣經查出歸公征收報解以上二項浙海關舊照征收均毋庸另議增減惟正稅一項未便仍照粵海關科則一例征收蓋向由浙江赴粵販買之貨今就浙置買稅餉腳費俱各輕減而外洋進口之貨分發蘇杭亦屬便易該番商既比在粵貿易獲利加多則浙海關之稅則自應酌議加征其中有貨物產自粵東原無規避詭飾等關稅課者悉仍舊則概不議加正稅之外仍照加一征耗其粵海關估價一項係將該商出口貨物估計價值按資本一兩征收銀四分九釐名為分頭今應遵照辦理但如湖絲磁器茶葉等各種貨物現就浙江時值多與粵海關原例不符似應按照時值增估更定其中有時價相符者仍循其舊至船隻樑頭之丈尺及貨物進口出口之擔頭悉照粵海關則例征收奉 諭旨依議此摺內所稱若不更定章程必致私扣暗加課額有虧與商無補等語尙未深悉更定稅額本意向來洋船俱由廣東收口經粵海關稽察征稅其浙省之甯波不過偶然一至近來奸牙勾串漁利洋船至甯波者甚多將來番船雲集留住日久將又成一粵省之澳門矣於海疆重地民風土俗均有關係是以更定章程曠曠稍重則洋商無所利而不來以示限制意並不在增稅也 通考

右浙海關

北新關額稅銀十二萬三千五十三兩有奇盈餘六萬五千兩凡貨物皆按數按斤視其貴賤分別科稅間有搜攬艇把束者均照部頒現行條例徵收會典事例

北新關之姚石陡門松木古蕩南北中塘三處口岸每年五六兩月絲市該監督報明督撫派役稽查准其在額定地方巡查外來私受高順絲舫若有於並非鈐轄境內借名查稅滋事及將民間原不售賣之絲舫指爲漏稅或於查絲外藉端帶查別項土貨擾累鄉民者並行究治千秋嶺一處派役常川住守巡查絲舫貨物押赴大關納稅仍不准查徵本處土貨則例

乾隆七年覆准北新關經過米船准其照舊徵收梁頭課銀不必計石科稅其空船過口亦照舊免其納科會典事例

二十六年奏准北新關匿漏稅貨查獲量罰一二倍會典事例

三十六年覆准北新關關之開口城南務二處各設巡船二隻查察偷出鼈子門貨物其上江船隻驗有海關稅單者不得重徵千秋嶺一處派撥單書巡役常川住守查驗貨物絲斤押赴大關查辦仍不准徵本處土貨會典事例

四十五年戶部議杭州織造徵瑞言北新關收稅舊例每煙百舫稅銀四錢六分酒十罈約計二百舫稅銀二分今部頒則例刪併兩項並每百舫稅銀四錢均有窒礙應如所奏仍照舊例辦理從之通考

咸豐六年杭州織造兼管北新關稅務屢連奏現屆一年期滿徵收關稅按額補足 諭曰汝能按額補足甚

屬可嘉以後實力爲之又奏兩關稅銀准咨協濟本省防費請將餘存銀兩辦運 諭曰續徵餘存者先儘辦
運並催運庫趕解津貼其藩庫籌撥尾數暫留支本省防費俟防務稍鬆再行接濟 聖訓

十年諭有人奏杭州北新關爲商賈輻輳之區近來弊竇叢生自南關至北關穿城二十餘里河流狹小脚吏
棚爲五日十日滿限之例故使笨船閣擁貨船不得速行一經滿限雖南關已經報稅北關仍復重徵自北而
南亦如之以致行商裹足等語杭城甫經收復籌餉之要自以通商爲第一若如所奏重徵苛斂悉飽私商
販不通於兩關餉糈大有關係著王有齡卽飭該關監督嚴密訪查如有前項弊端卽行嚴拏懲辦 東華續錄
又 諭內閣前因給事中唐王森奏杭州北新關弊竇叢生商賈裹足等情當經諭令王有齡飭該關監督嚴
密訪查具奏茲據王有齡奏稱北新關設有南北二口凡南路已經輸稅之貨行至北口若過限五日重復徵
收載在志書並非奏准定例書役往往藉此詐贓又各關口過往行人攜帶用物其應納稅不過三分者向准
免稅其後漸有併計納稅之事皆由陸家埠良山門螺蛳埠草橋門等處營口家人及巡攔人等索詐留難大
爲行旅之害等語杭州北新關爲商賈往來要道稅課有常豈容胥役家丁恣意譎詐該關監督嚴密稽查
將過關五日十日之限一概刪除其零星貨物仍照定例不過三分者概予免稅以便商民經此次明定章程
之後如再有重徵併計藉端譎索等弊除書役家人從重治罪外朕必將該監督嚴加懲處 東華續錄
十一年杭州織造恆起奏報到任日期 諭曰隨時整飭勿得藉口商販不通致虧稅項 聖訓
同治三年浙江巡撫左宗棠奏竊照杭州北新關向設武林門外其水旱城門及附城水陸要口均設稅卡每
年額征正餘稅銀十七萬二千六百餘兩銅銀水脚銀一萬五千三百餘兩本年二月省垣克復前織造鶴

和奏明備三月後再設關試辦嗣於七月十一日啟關迄今已逾三月征數寥寥而釐稅亦形減色推究其故因向來關書巡役視爲利藪藉端刁索任意抽收商民久已視爲畏途茲當公私艱竭之餘遽行設關書役故應復明以致商賈裹足不前咨怨更甚迭據各商呈控以釐捐與關稅雖同爲商所應納然輸於釐局者無留難詐索之煩輸於關口者有守候捐勒之害臚列十款備陳苦況臣知其情狀非輕咨商織造恆延擬以釐金抵現收關稅會暫奏停關口征收以順輿情恆延以事非定制未免爲關吏所持不敢運決臣維杭州省垣向稱繁富自經兵燹彫敝不堪至今市肆蕭條未能復業卽設法招徠徠期速復舊規若令竭澤而漁各懷疑畏不但百貨翔貴商賈無利可圖卽此子遺之民生事艱難必致益形窘感此固事理之不容坐視者也然使關稅能如前暢旺下有所損而上果有所益臣亦何敢擅議更張乃自八九月正當關期暢旺之時而該關口極力搜羅所得稅項每月不過三千數百兩而止卽照此數率算一年所獲亦不過四五萬兩而虧欠正餘各款常在十萬以外是暫時復設關口下有所損而上並無所益亦何樂而爲此乎臣與在省司道從長集議謹擬於浙江各屬釐捐項下按月劃撥錢一萬串解交織造爲採辦一切工料之需另撥銀一千兩津貼織造司庫庫使等辦公及該衙門書吏匠役紙張飯食各項用費其向解部科飯食卽於每月撥解錢一萬串內由織造酌量解給計每年釐局共撥解錢十二萬串市價約合銀九萬兩又津貼銀一萬二千兩以抵關稅較該關現征銀數已加倍從於該關公私均有裨益嗣後如餉需稍裕釐捐有餘尙可量爲加撥以補正額統俟軍需一律告竣釐捐停止再復舊制辦理庶關釐不致並舉商民得以稍紓亦用其一緩其二之義也如蒙 俞允卽請飭下杭州織造速將關口各稅一概暫停毋聽關書懇懇

別生枝節庶關稅得歸有著而杭州商民永戴 皇仁於無極矣 左文襄奏議

諭內閣左文襄奏請將北新關暫緩開設按月由商捐酌撥以抵關稅一摺所奏切中地方利弊浙省
深正宜休養生息以培元氣若任令關書巡役人等擅作威福肆意誅求於國課毫無裨益而閭閻苦
殊非體恤商賈之道著恆延將北新關暫緩開設關口各稅一概暫停抽收毋得任聽關書等徇愚別
聖訓

右北新關

浙江南新關稅銀三萬二百四十七兩有奇每年額解杉木料銀四千七百八十二兩有奇額解漕造
四千四百四十兩凡商販竹木板枋十分取一照部頒條例折色徵收松花楠木及雜木按徑圍板按
竹按筒驗量杉梢榲溪平頭按五尺竿下圍約尺寸以錢大小長短得中分別等次估定價值漁臨美
富新北新觀音板橋良畎妝糲古蕩等十小關均而新分日 照正關例分權零星竹木會典事例

雍正五年浙江巡撫李衛奏管理南新關王鈞補足額稅奉 上諭大凡關稅缺額例應題參處分其
員有設法彌補者乃係自顧考成期免參罰無具題聲明之例今李衛將王鈞彌補情節具題不合但
浙江地方公事曾有効力之處今又將缺額關稅補足著交部議敘後不爲例雍正內閣 上諭

七年覆准南新關徵收竹木正關之外分設漁臨美政安溪富新北新觀音板橋良畎妝糲古蕩十小
零散竹木向例差役在口就近收稅每年頒發商人親填簿冊一本存於正關同各小關收數一總彙
年滿送部考覈各小關分設地方距正關遙遠於正關號簿之外增設小關印簿十套分給就近登填

民遠赴正關會典事例

十二年覆准南新關徵收稅課分解藩司杉木料銀四千七百八十二兩五錢俟該關徵收期滿之日照例解交司庫委官附解戶部會典事例

右工部南新關

武昌廠額稅銀三萬三千兩盈餘一萬二千兩凡商船貨物按梁頭丈尺科稅會典事例

乾隆二年覆准武昌廠務不必專委武昌府同知照各省之例於就近道府廳官內遴選經管一年期滿題明更代仍於限滿之時將徵收正額盈餘數目具題考覈會典事例

六年議定武昌廠關口岸稅額并除宗關收稅耗羨戶部議覆湖廣總督那蘇圖奏武昌廠關正額盈餘之外所收口岸銀兩並正額盈餘項下征收加一耗銀先於雍正十年據撫臣咨報征收餘銀二千九百餘兩今據奏稱每年征收共計銀一萬餘兩除例應支銷外每年約可餘銀七八千兩是較之歷年報收銀數盈餘幾及加倍即將此項為地方辦理利濟軍民之事如標營兵丁應建營義倉厥武昌漢陽應設義渡船隻管關之員既徹底報出亦應酌給公費至各關口岸銀兩因非正項既不收耗則宗關同一口岸自不應獨收耗羨應據督臣所奏准其免收從之通考

五十四年覆准武昌關贏餘銀兩暫停解部留為湖北省文職養廉之用將來養廉存款充裕仍解部交收會典事例

右武昌廠

湖北荆關稅銀一萬三千三百六十三兩有奇又銅斤水脚銀三千七十六兩溢額銀五百八十兩有奇竹篾盆桶正耗銀六百六十七兩有奇盈餘銀一萬三千兩凡商販竹木板枋按徑圍地產料材船計色目梁頭尺寸照部頒條例徵收船料正稅一兩加耗銀一兩五錢南竹木正稅一兩加耗銀四分川竹木正稅一兩加耗銀三錢過江木料正稅一兩加耗銀一錢九分六釐川花板桐正稅一兩加耗銀四分田關荆關分口照則收稅會典事例

順治十五年題准荆州關差部司收稅會典事例

康熙四十七年定荆關稅務工部差官管理會典事例

雍正七年移湖北荆州徐關於田家洲更名田關從湖北巡撫馬會伯請也通考

十一年題准荆關徵收竹木鈔稅所給商票照船稅一例換用聯二串票飭令將應完鈔銀開載照票給商過關根案截存繳部會典事例

乾隆三十七年議准荆關試收竹篾盆桶稅銀六百六十七兩有奇作為定額會典事例

五十一年議准湖北荆州郝關及郝支關裁汰另設越市口更名越關楊關移設調賢口更名調關會典事例

道光二十一年諭內閣前因裕泰奏請將湖北荆州改設關口俾免繞越偷漏一摺當降旨交部發議茲據工部奏請酌量移設以裕稅課著照所議准其將周正關移設柳家集地方改名柳關周支關著改為柳支關自此量為變通商販無從繞越竹木稅課不致偷漏仍著該督飭令該道認真稽查徵稅如有盈餘儘數報解試行一二年後有無成效據實具奏其周老嘴地方關口著即裁撤備有藉名影射之弊嚴行參辦以昭嚴實

嘉慶五年奉

右工部荆關

湖南辰關稅銀一萬二千五百兩閏月加九百兩盈餘銀三千八百兩松杉木板杉枋及雜木雜木枋等項均按木計價每銀一兩徵稅三分鹽每包徵稅銀一釐大壩會典事例

雍正九年覆准辰關木稅以一萬二千五百兩為定額如遇閏月加九百兩每年請領部印循環轉將該商姓名木植數目年月日期飭商親填一年期滿送部考覈會典事例

嘉慶五年奉 諭祖之望奏辰州府商稅自署知府李大霽接管以來於新定贏餘原額外每月尚有贏餘銀自千餘兩至七百兩不等據實報出計一年限滿約可收額外贏餘一萬數千餘兩等語各處關稅贏餘經上年酌量刪減後於定額贏餘之外免其逐年比較以示體卹但司權各員因贏餘定有額數於足額之外未必儘收儘解或任意欺隱藉肥私竇實難保其必無今李大霽據實報出尙屬體面著交部議敘並著通諭嗣後各處所徵關稅贏餘銀兩如較新定額數實有加增即當據實報出朕必加恩甄敘倘稍有隱匿徵多報少一經發覺必將該管之員照監守自盜律治罪其辰州府商稅從前節年經徵贏餘之數事屬已往官非一任著加恩免其查辦則例

十二年奏准辰關每年徵收加一耗銀二千七百七十餘兩向例開銷在關書役辛工飯食外餘銀解司充公並不報銷應請即以嘉慶十二年為始將此項耗銀除應給該關書役人等辛工飯食等銀七百九十兩有奇作為定額支銷其餘一千九百八十兩零儘數歸入額外盈餘項下作正報撥會典事例

咸豐九年湖南巡撫駱秉章奏竊查辰州府例征關稅向於南北城外分設木關按照稅則征收凡貴州及本省沅州永順一帶販運木植出江皆經由此地故原設木關統以辰州爲筦鑰歷來木商唯徵客費本豐厚江西次之本省又次之而木牌則以杉木爲大宗其餘杉枋杉板及雜木稅亦甚微至於販運來源以沅水上游爲最旺向於交界之蛇口屯集紮成木牌經辰州南關納稅永順一帶多產雜木經辰州北關納稅定例每年額征木稅正額銀九千二百四十五兩額定盈餘銀三千八百兩額外盈餘銀一萬一千四百一十一兩七錢三分七釐又另立鹽關每年額征正稅銀三千二百五十五兩共應征銀二萬七千七百一十一兩七錢三分七釐又兩項應隨征耗羨銀二千七百七十一兩一錢七分三釐七毫此辰州關向來辦理情形也道光年間西木植難於轉運關稅漸減迨咸豐二年逆氛竄擾武漢旋踞江南東道不通徽商裹足江西遭賊蹂躪商販亦稀二三四五等年稅務短絀尤其自六年以來武漢九江先後克復江路漸次肅清辰州木稅漸有起色節經臣督同藩司嚴飭辰州府認真征收以杜侵漁該關之稅較前雖有增加仍難足額臣查辰郡居楚西上游幅員遼闊所屬山谷幽深產饒竹木設關辰州祇能收沅水上游一帶木植之稅而辰關下游一帶所產木植遺漏既多且上游木植多於春漲時暨由山谿零星浮送出山至下游水寬溜緩之處編紮木牌亦非辰關稽察巡攔所能遍及透漏既甚課稅漸虧額難以征收則舊章須求通變當此軍需浩繁待餉孔亟之時凡可稍益軍儲自應廣爲籌議臣與藩司再四商酌思求整頓之方莫如擇地移關較爲周妥查常德西南踞城四十里河汊及德山一帶地方實辰常各屬下游總匯之區木牌均於此停泊若將辰州木關改移此地徵收木稅足杜繞越之弊唯辰州關木稅向歸辰州府征收木關既移設下游

在常德地界既非辰州府所能兼顧亦非常德府所能監收現擬一面奏請一面遴委道府大員親赴常德河嶽德山一帶地方移設木關監收仿照湖北新關章程儘收儘解先行試辦二三年俟征有成數再定額征之數其徵收科則仍照辰關向辦章程巡攔仍用辰關人役以資熟手至書巡工食向在耗羨項下支銷卽大小委員薪水亦可在耗羨內動支如此酌予變更或可稍資裨益現擬移設木關只因圖扼匯地方以免偷漏並非添卡重徵與湖北新關木稅來路毫無窒礙惟辰州木關向不兼收竹牌稅課湖南西路上游一帶產竹尚多今木關既移設下游自應併將竹牌彙入木稅項下一律抽收毋庸另定稅額至辰州鹽關無須移改地方應仍由該府照舊征收伏候 聖明酌奪訓示施行 肅文忠奏議

右工部辰關

夔關額稅銀七萬三千七百四十兩有奇盈餘十一萬兩凡商船貨物均分地道照部頒現行條例徵收米豆雜糧均每石徵銀四分其船之大小照依淮關梁頭尺寸科稅會典事例

雍正三年定川省船料報稅飭禁沿途地方官借端需索川陝總督岳鍾琪疏言川省運販米船向無船料客商或夾帶私鹽違禁之物無可稽查而沿途地方往往借端需索請照淮關船料尺寸則例抽報料稅所輸無幾稽查其便至米船出川地方官如有勒索稽留者該督撫指名題參從之通考

六年定夔州府收稅派差監督一員戶部議覆四川巡撫憲德疏言夔州關稅向委夔州府知府監收請於己酉年爲始照濟甯淮關例派差監督一員征課按年遴員更換應如所請從之通考

七年諭從前夔關稅務因無一定章程是以司稅之人得以高下其手任意欺隱以飽私囊經周彬接管以來

釐剔弊端諸事漸得清理至於奉行之初條款未能盡一卷冊稍有稽遲亦勢所不免若因此不得已之細故遂將實心任事之員參劾解任則其爲冤抑降昇辦理夔關稅務瑣屑不知大體前伊奏摺中曾經參劾周彬朕已批示申飭憲德身爲地方巡撫是非可否當有定見不應隨聲附和今但據降昇咨稱文檔不符冊籍遲延遂將周彬參奏解任殊非大臣公平察吏之道周彬不必解任若果有侵欺作弊之處俟降昇確實查出具奏之後再降諭旨雍正內閣 上諭

十二年定四川夔關商稅以見在奏報七萬三千七百四十兩爲定額其米稅額難定令該撫不時稽察飭監收官盡收悉解時以黔省永甯縣併歸四川 詔將永甯稅裁革止留敘永關稅其錢糧一切俱照川省例行

按永甯縣與敘永屬同處一城從前屬隸四川縣隸貴州各設稅口徵收鹽茶等課至是縣併屬省止留應稅

通志

右夔關

四川渝關稅銀五千兩商販木植以徑圍尺寸覈估本價每兩稅銀三分按則徵收會典事例

康熙四十六年題准渝關設於城外北岸兩河合流之處全川江水總匯洶涌迅急木植抵關難於停泊更易乘流私越直下江楚偷漏稅課應於渝關上流牛角沱及慶郡西坪地方分設巡關船役凡抵關木植均灣泊牛角沱點明數目圍圍尺寸赴關照例徵收給發完單始准運放完稅時卽令商人於循環簿內親自填註奏銷時申齎駁轉其販賣下楚之木牌均於慶州西坪地方驗票放行如有偷漏夾帶查究補完會典事例

五十年復准四川渝關木稅照四十七年四千七百五兩九錢三釐之數作爲定額徵收會典事例

雍正十一年覆准川省渝關木稅設關之始並未請有部頒詳細則例杉木柏木估本稅銀大小尺寸均無一定未免輕重之偏今若將各號木植覓照所值之價估本收稅恐商人不能多獲利益應請留其有餘照各號圍圓尺寸較原估本量加三四成按則科算每銀一兩取稅三分會典事例

又覆准渝關木商運木到關均赴川東道衙門報驗完納給與完單聽其發賣其有江楚商人販賣已稅之木者均將完單投繳換給照票於夔州府西坪地方設巡關船役驗放但道路遙遠稽查難周書巡人役難以憑信著於夔州府通判奉節縣知縣內詳委一人就近驗放如無照票及夾帶漏稅者照例究治重慶以下所過木植無多令該管州縣查驗具文給商齋投納稅給與照票一併交該員查驗會典事例

七年免乾隆三四兩年渝關缺額追賠銀兩四川巡撫碩色奏重慶渝關木稅與別項雜稅不同抵渝木料皆伐自深山窮谷年豐水漲則木筏順流而下一歲之中可以發數年之木若遇歲旱水涸不能漂出則已伐之木常積於深溝淺溪未能到渝是年歲之旱澇不齊木料之多寡難定則稅銀盈縮亦理勢之必然也渝關木稅自乾隆二年三年皆不敷原額奉部行追而乾隆五年時值米賤水漲木多稅盈扣此補彼更有盈餘奏請免其賠補從之通考 互見免稅類

右工部渝關

打箭爐米糧稅儘收儘解盈餘二萬兩凡商稅一應貨物均分地道按數科稅照部頒現行條例徵收舊例照地方賦稅之例每兩徵銀二分乾隆四十一年更定新例 會典事例

康熙四十一年選官傅喇嘛監督打箭爐貿易喇嘛達木巴色爾濟郎中舒圖員外鐵圖等往打箭爐地方監

替貿易 上諭以移文第巴令彼速遣大喇嘛來監督貿易其稅銀不取於彼就我國商人征之不可專以稅

額為事互見市糶考 通考

雍正元年題准四川打箭爐稅差由部院保送戶部帶領引 見恭候差遣會典事例

六年題准四川打箭爐徵收雜稅照地方徵稅之例每兩收稅三分會典事例

乾隆七年禁草爐地裏塘等處私收畜稅打箭爐地方公出雅納二卡向有達賴喇嘛使人收稅并于裏塘等處收取鞍之錢每年約得稅銀不過六七百兩雍正三年欽奉 諭旨每年賞給達賴喇嘛茶葉五千斤班禪額爾得尼茶葉二千五百斤并運茶脚費銀二百兩今將收取鞍子錢停止隨經達賴喇嘛將在裏在爐收稅之堪布等一併撤回嗣於雍正十三年達賴喇嘛自泰寧回藏後有留住惠遠廟之徒弟帕朋喀庫圖克圖羅卜藏格降復寧人於公出雅納二卡收取番民所賣驢馬牛羊稅銀四川巡撫碩色請 敕達賴喇嘛將私收畜稅之處永行禁革并在爐之藍占巴等一併撤回部議應如所奏得 旨允行通考

四十二年戶部言打箭爐界近邊隨嗣後稅差請照山海等關之例於宗人府正副理事官及各部院郎中員外郎等官內揀選保送庶於稽務彈壓有裨得 旨允行通考

四十六年復准打箭爐收稅親填簿令四川總督照例委員送部鈐印給發會典事例

嘉慶六年諭四川打箭爐每年徵收稅銀著以二萬兩作為定額如有贏餘儘收儘解備定額數內或有短少著落管關之員賠補會典事例

右打箭爐

皇朝政典類纂卷八十七終

皇朝政典類纂卷八十八

征權六

關稅 廣東海關 太平關 梧廠 濠廠 附奉天吉林等處 蒙古等處 新疆等處

廣東海關額稅銀四萬三千五百六十四兩盈餘八十五萬五千五百兩凡商船出洋進口貨物按斤科稅者為多有按丈疋個件者各因其物分別貴賤徵收 外洋貨物有現行條例未載者按貨值貴賤比例徵收 船稅

東洋第一等大夾板船長七丈四五尺闊二丈三四尺長闊相乘得十有八丈徵稅銀千四百兩第二等夾板

船及烏白艚船長七丈餘闊二丈一二尺長闊相乘得十有五丈四尺稅千一百兩第三等長六丈餘闊二丈

餘長闊相乘得十有二丈稅六百兩第四等長五丈餘闊一丈五六尺長闊相乘得八丈稅四百兩康熙二十

四年題准酌減二分西洋一等二等三等夾板船均照東洋船例徵收 西洋第一等船原徵銀三千五百兩第

二等船原徵銀三千兩第三等船原徵銀二千五百兩康熙三十七年均改照東洋例 本省出洋發各外國等

大船分為四等一等闊二丈二尺長七丈三尺以上每丈徵銀十有五兩二等闊二丈長十丈以上每丈十有

三兩三等闊一丈八尺長六丈以上每丈十有一兩四等闊一丈六尺長五丈以上每丈九兩第一等出海貿

易香料艚船以上均長闊相乘算每尺三錢第三等出海艚船一年兩次徵收以八尺起科至一丈二尺每

尺科銀五錢一丈三尺以上至一丈七尺每尺科銀八錢一丈八尺以上至二丈二尺每尺科銀一兩一錢均

每尺遞加五分第四等沿海貿易艚船一年兩次徵收五尺至七尺九寸每尺三錢算不加自八尺起比照

鹽船例遞加科算沿海民間日用糊口貿易小船免徵如興販大洋者照例徵收其裝載瓦石灰硯殼釘罈稻

穀柴炭草料豬牛雞毛等項補半料會典事例

一粵海關稅務著督撫一體稽查倘有情弊卽隨時參奏其每月到關船數若干所載貨物粗細各若干詳細查明按月造冊密行咨報戶部俟一年期滿戶部將督撫所報清冊與監督所報清冊核對如查有不符卽行參劾

一廣東省額徵地丁銀兩支放兵餉不敷之數在於粵海關歲收贏餘銀內酌籌撥給以上並則例

康熙二十四年酌減洋船丈抽之例監督伊爾格圖奏言粵東向有東西二洋諸國來往交易係市船提舉司征收貨稅明隆慶五年以夷人報貨奸欺難以查驗改定丈抽之例按船大小以爲額稅西洋船定爲九等後因夷人屢請量減抽三分東洋船定爲四等我朝未禁海以前洋船請粵照例丈抽但往日多載珍奇今係日用雜物今昔殊異請於原額之外再減二分東洋船亦照例行至江浙閩廣俱經開海若不畫一恐啟外夷趨避之端應照粵省量減此等丈抽船隻裝載回國或因風水不順飄至他省查驗印票卽便放行其四省印烙船隻往外國貿易者亦照此例從之通考

三十七年減廣東海關額稅奉諭旨廣東海關收稅人員搜檢商船貨物槩行征税以致商船稀少關稅缺額且海船亦有自外國來者如此瑣屑甚覺非體著減額稅銀三萬二百八十五兩著爲令通考

雍正十一年題准廣東瓊州等口所收稅銀俟季滿具文解交粵海關監督庫內沿途經過地方撥兵護送解稅盤費於羨餘項下按程支銷會典事例

乾隆元年奉諭朕聞外洋紅毛夾板船到廣時泊於黃浦地方起其所帶礮位然後交易俟交易事竣再

行給運至輪稅之法每船按梁頭徵銀二千兩左右再照則徵其貨物之稅此向來之例也乃近來夷人所帶之礮聽其安放船中而於額稅之外將所攜置貨見銀別徵加一之稅名曰繳送亦與舊例不符朕思從前洋船到廣既有起礮之例此時仍當遵行何得改易至於加增繳送稅銀尤非朕加惠遠人之意著該督察照舊例按數裁減並將朕旨宣諭各夷人知之則例

二十五年議除粵海等關一切規禮名色戶部覆准兩廣總督李侍堯等奏言查粵海關外洋本港商船貨物出入向來除按照例征收船鈔之外另有官吏家人通事巡役人等規禮以及分頭擔頭等項銀兩節經奏報歸公而則例冊內仍照從前開報各項名色分別臚列誠於體制未協茲彙併核算統作進口出口歸公銀兩各若干將一切規禮火足開倉驗倉放倉押船貼寫小包等各色悉行刪除改正至丈量領牌原與收稅章程無礙毋庸過更易其分頭擔頭等項統作一條造報至於各口規則皆查明歷年收稅冊檔分別等次開造以杜弊竇又查省城大關以及虎門潮州雷州瓊州各口向有書役家人收作飯食舟車等費悉作歸公造報統俟核覆奏准刊刻頒發各口永遠遵守繁冗既刪名目亦正洵足清稅款而杜弊端應如該督等所奏悉行更定仍將更定條款刊榜曉示畫一征收從之通考

四十三年奏准粵海關稅銀總以關期報滿六個月內迅速奏解如有遲延即行駁參會典事例

四十五年諭粵海關經徵課稅向來原祖洋船之多少貨物之粗細以定贏絀非濳匿等關徵收內地貨物者可比嗣後該部查驗粵海關徵收課稅即以該年之船隻貨物覈實考查毋庸照各關例將上三屆比較會典

事例

四十七年覆准嗣後外洋夷船進口貨物應納粵海關稅銀照舊於回帆時輸納出口貨物稅銀令保商代置貨物時隨貨扣清先行完納會典事例

四十九年奉 旨留京辦事王大臣議覆福康安舒常等鑒酌粵省洋行事宜一摺內稱洋貨內珍珠寶石等項抽稅易於偷漏應令新任監督等悉心籌酌以期永久無弊等語國家撫御外洋不貴異物每歲番民與內地洋行交易貨物均霑利益原所以體恤夷商至洋貨內珍珠寶石等項並無需用之處向來粵海關抽稅亦屬無多況此等物件本難定價易至居奇且便於攜帶隱匿勢難保無偷漏分肥否則過於吹求若設法嚴禁逐項搜查實屬不成事體現在京師及各處關隘商稅則例內本無此項稅課不如聽商人等自行交易免其收稅則該弊悉清更無庸多為防範嗣後粵海關珍珠寶石概不准徵收稅課著為令則例 互見免稅類

嘉慶十八年奉 諭據德慶奏查辦關務情形一摺粵東洋商承保稅餉向來僅憑一二商人保舉准充旋因虧折疲乏拖欠逋逃弊竇叢滋著照該監督所請准於各行商中擇身家殷實居心誠篤者選派一二人令其總辦洋行事務率領眾商公平整頓其所選總商先行報部存案遇有選充新商時即責令通關總散各商公同聯名保結專案咨部如有黜退報明註銷並於每年滿關日將商名通行造冊送部以備稽考則例

道光十年諭軍機大臣等李鴻賓等奏妥議酌減夷船進口規銀一摺各國夷船來粵貿易於船鈔貨稅之外另有進口規銀一項原與正餉不同據該督等查明懇請為變通著照所請嗣後各國夷船進口規銀做照康熙二十四年酌減洋船鈔銀二分之例將一二三等各船規銀均減去十分之二以示體恤東華續錄
十四年上諭軍機大臣等盧坤奏查辦粵海關商欠餉銀大槩情形一摺前據中祥奏徵清新舊關餉已未完

銀數並查明商欠餉款至二百六十餘萬兩之多當降旨交盧坤確切查明據實具奏茲據奏稱向來洋行例
歇有將該商餉欠查辦攤賠之案道光四年以後麗泉等五行相繼閉歇現商代賠欠項多至二百餘萬兩又
值比年洋貨滯銷以致拖欠餉項與中祥所奏尚屬相符關餉催繳起解例有定限不得藉口攤賠轉致徵
解遲延現經該關監督彭年奏請將欠數最多之商人梁承禧李應桂革去職銜同其餘欠餉各商均勒限三
個月完繳已於具奏後繳過銀十一萬二千八百兩零所有未完銀兩仍著上緊嚴追勒令於限內掃數全完
不准稍有帶欠儼逾限完不足數即按欠數多寡分別正雜查抄追賠務使帑項均歸有著至前任監督中祥
等於道光十年奏裁起解之限原期較舊例更爲提早乃竟無一年全完何以欲速反遲攤賠本爲清源之道
各商攤賠之數多寡亦不盡一有無偏枯著該督詳察確查會同現任監督彭年通盤籌畫設法妥議章程據
實具奏務俾商力不致日疲餉欠不致懸宕辦理方爲妥善 聖訓

十七年諭鄧廷楨等奏請復承商舊例一摺粵東洋商自嘉慶年間設立總商經理其選充新商責令總商
商聯名保結後因夷船日多行戶日少照料難周易滋弊竇是以量爲變通准以股戶自請充商暫行試辦停
止聯名保結之例茲據該督等查明見在招補缺商已復舊額足數辦公自應仍復舊例以示限制嗣後該商
遇有歇業或緣事黜退者方准隨時招補此外不得無故添設一商亦不必限年試辦以歸覈實其承商之時
貴令通關總散各商公同慎選股實公正之人聯名保結專案咨部著充並著該督等隨時查察毋許該總商
等仍蹈從前推諉斷惡習俾保充者務求覈實而走私漏稅諸弊亦實有攸歸以裕課餉而杜奸私東漸維

二十年前上諭軍機大臣等現在英吉利國貿易業經降旨停止所有粵海關每年例進貢物三次呢羽鐘表件如有不能齊全之處著該監督卽行據實具奏不必多方購求尋粵海關監督豫堃奏呢羽等物出自蘭西等國者亦堪服用 上諭曰現在雖能照舊呈辦設或日久有變動之處仍應遵奉本年諭旨不必設購求以副朕事務覈實之意 聖訓

二十八年徐廣縉奏英人見與佛蘭西構釁粵關收稅日形短絀因進口貨物較多漸形壅滯洋商又多折並因該洋人等構釁無暇兼顧貿易前此英人求進廣州城經善英與德庇時以二年後爲約來春計已見在英國更換文翰臣仍當相機辦理 東華續錄

尚治三年諭議政王軍機大臣等內務府戶部奏遵議毛鴻賓等奏粵海關例解廣儲司公用銀兩力難批請於各海關均勻分解一摺廣儲司公用銀三十萬兩例由粵海關按季批解未便率改舊章且各關撥款屬繁多若再令添解鉅款勢必藉詞推諉於要需毫無實際著照該衙門所議該關欠解二年京餉銀十萬仍著照舊報解其陳欠京餉銀四十萬兩著准其暫緩籌解其應解廣儲司公用銀兩仍著如數解交內務兌收以重庫款 聖訓

又 諭議政王軍機大臣等前據總管內務府大臣奏粵海關欠餉共鉅請飭部妥議章程當經諭令戶部速妥議具奏茲據奏稱粵海關指撥一切款項該監督如能移緩就急將各處要款陸續勻解亦何至積欠累至於此極且戶部於上年奏停洋稅親填簿及題本案內行令各關從第一結起按季造具四柱清冊送乃該關奉文以後迄今年餘應解之款既不認前等措應造之冊又復置若罔聞等語毓清於應解要款既

徵收短絀爲詞屢催罔應至於四柱清冊造報之遲速與餉項之盈絀毫無關涉何以遲至年餘亦復並未報
備似此敷衍因循實堪痛恨著毛鴻賓督同毓清將該關近年收支各款迅速查明第一結以前實存若干向
第一結起每結四柱各若干截至新任監督師曾接任之日止分結造具清冊卽行送部並著師曾將接收實
存若干於到任後迅速奏報以憑查覈儻該前後任交代稍有不清卽著兩廣總督據實參奏其常洋兩稅如
有分析常稅應如何定額一併查明戶部前奏趕緊奏明辦理不准稽延

聖訓

五年諭軍機大臣等前因左宗棠奏粵海關收稅請由督撫設法籌辦當諭令戶部議奏茲據奏稱該關積弊
已深歷任總督監督縱不至盡屬肥己亦難保不受家人丁書之蒙蔽今左宗棠奏聞每歲不下二百萬兩與
該關奏報銀數大相懸殊請飭兩廣總督廣東巡撫查明辦理等語粵省軍務日久未竣籌餉之難該督撫監
督等亦所深悉豈容任聽家人丁書羣相吞食視爲故常而應嚴行查辦著瑞麟郭嵩燾嚴密查明該關各口
實在收稅數目以及蒙蔽情形妥議章程限三個月內詳細奏明再由該部酌覈辦理

東華續錄

又諭內閣前據戶部議覆左宗棠奏粵海關收稅銀數與該關奏報懸殊請飭該督撫查明辦理一摺當經
諭令瑞麟等查議具奏茲據瑞麟蔣益澧奏稱粵海關收稅事宜從前曾改隸將軍督撫等官經理自乾隆十
五年以後始專設監督著爲成例未易輕議更張至該關額徵總數從前貨物歸併一口不及九十萬兩近來
五口通商每年徵稅總及百萬兩但能嚴查偷漏隱匿等弊稅務自可日有起色體察目前事勢似不必改由
督撫辦理等語所奏自係實在情形粵海關稅務較繁該監督特膺簡任宜如何激發天良力圖報效乃家丁
蒙蔽書吏侵吞積弊相沿較他處爲尤甚若不極力整頓涓滴歸公稅課安有起色著該監督嚴行鈐束力禁

侵漁查明各口收數駁實清楚不得稍有隱漏並著該省督撫隨時明查暗訪如仍有書吏家丁通同弊竇該監督以多報少情事卽著據實嚴參從重懲辦此外各關監督及兼管關稅之督撫均須認真稽覈釐剔弊竇毋得仍蹈從前積習稍涉含混 聖訓

方東樹粵海關志序例云周官冢宰掌建六典六曰事典以富邦國以任百官九職任萬民六曰商賈阜通貨賄九賦斂財賄七曰關市之賦小宰均節財用以八成經官府曰聽取予以書契聽賣買以質劑聽出入以要會九府掌受貨賄幣賦皆慎其出入之用司徒設十官治市以教商各掌其責債之事司門正貨賄舉其犯禁之財物司關掌國貨之節司貨賄之出入掌其治禁司馬九法曰施貢分職制畿封國設儀辨等諸禁均守比小事大掌固分其財用受法以通守政職方氏掌夷蠻閩貉之人民與其財用制九服之貢各以其所有懷方氏掌來遠方之民致方貢致遠物而送迎之合方氏掌達天下之道路通其財利訓方氏掌道四方之政事與其上下之志誦四方之傳道形方氏掌制地域使小國事大國大國比小國匡人掌達法則使無敢反側以聽王命擇人掌誦王志以巡天下之邦國而語之秋官大小行人司儀行夫環人象胥掌客掌訝掌交諸職大抵於九經皆屬懷柔之政故終其詞曰以諭九稅之利九禮之親九牧之維九禁之難九戎之威觀周之設官所以制財用綏邦國者何其若是之繁重周詳也自漢初與南粵通關市自是以後肇開九郡舟車輻輳矣而海舶猶未通也 據班志有譯長與應募者俱入海市所至國皆稟食爲編蠻夷賈船轉送致之亦利交易是中國商賈入海往市而夷舶未來也 海舶通市起於隋唐之際而盛於宋元明宋初置市舶司以知州兼使元置市舶提舉司衡其職守不過與茶鹽坑冶大

使同倫明亦置三市舶司而以中官主政洪惟我朝馭外控內法制嚴明粵海設關以來或兼轄以大吏或監督以親臣皆簡自欽命崇其體統口岸譏察責諸舟師給照引水釐諸澳丞撫綏撥取籌略大計主之督臣與周之大官大小維繫相與流通之意同條共貫蓋聖主立法體大思精後先同揆有迥非前代之所及者今當纂輯關志之始竊仰窺創制之精發明斯義用以等百王而垂範焉宋潛說友撰臨安志載詔令於首然冠以前朝非尊王之義惟鄭居中等政和五禮新儀首列御筆指揮最為足法今用其例恭載列聖謨訓為諸蕃通貢通使專由粵省而戒飭者用昭國家綏南懷遠設官制用之大法兼示一書之限斷為國家一統之盛超邁前古諸蕃外國效順納款雖在萬里視道如咫尺會同有館職貢有闕非一隅之志所宜侈載惟其貢道所經例由粵東者於其國土民姓封號來貢歲月及昔由粵省而後改由閩省者悉撮大略以著粵關職至其事例詳載大清會典不復備錄其來貢之國盡以國朝為限斷若事在前朝及歷代者各具史志別為前載一門

貢與市相因既嘉其君之嚮風亦給其民之求欲內地無須外洋之貨稅外洋必資內地之物用許之通市所以俯順夷情包容愛育覆轍之無私也故凡通市之國名來市之年載交市之事例互市之貨物以及夷船之制度數額皆臚於此篇至蕃夷往澳雖事始前明而現行無改與歷代市舶不同且為關市之根本故不以入前事而載於此篇之首

周禮設司市十官因市而設官有市則必有所以治之也兼領專設之改差文武職司之分任品秩儀制之差等及大小總口設員委員之添裁胥吏非役之數額悉載此篇其遷除去任之歲月入官職表

官以治其政令然非商不能成其交易十三行商名號緣始與夫事例條件以及商人報効 恩賞品銜悉載此篇至通事之名色於周官卽象胥之職於漢名譯長譯傳語言爲蕃漢交易不可少之用然究非官司故不以入設官篇而附於此

有市卽有貨物有貨物斯有權估權估低昂無憑立之科則俾有一定之制斯上下不惑宋初立法至輕其後屢以抽解太重致形陳奏元世祖時凡隣海諸郡與蕃國互易舶貨者以十分取一歲者十五分取一明洪武詔海舶市易皆免征永樂時西洋刺泥國等來朝附載諸貨與民互市有司請征稅不聽其後立法率至十抽其二萬曆季年中官李鳳增粵稅二十萬粵商苦累求免不得我 朝損益酌中凡則例之所開載歷有增除溯自乾隆五十一年清理關務條奏事宜以後邇年復有改易今以現奉嘉慶年新修 會典及戶部則例關冊爲准

既設稅額則有課額課額有增有羨道光十四年前總督盧公坤奏比較近年粵海關徵銀歲多至一百六十餘萬兩有奇而商民晏如外夷懽欣感悅爲振古所未有此皆由 列聖深仁厚澤涵濡培塿招撫懷來所致雖於 國帑大數無增毫末而貨阜貨通均安無患固理人制用大經也參價搭解每歲發運解京事例悉附此

周官理財諸職皆謹其要會出入不獨職歲職內司會司書也前科則課額皆以經其入也若夫祿俸工食存留支給之數內除澳門同知香山縣丞及武職營弁歸布政司奏銷皆定有均節之式事關奏報旬稽不可不當至若捐助軍需工程災荒善舉一切在經費之外者雖用數之侈亦不可不紀其實存備稽

考

會典及戶部則例於關市一類皆載有禁令誠以利之所在弊竇朋興不可不申嚴法制然如走私漏稅官侵吏蝕等弊要皆各關通例非粵海專條粵海所嚴禁如夾帶華人與違禁貨物出洋及販賣鴉片拖欠夷賬兵船駛入內港皆外海洋禁之大者以其關於外蕃比事善輯一以歸於市舶其在內民夷雜居良莠混處或澳夷滋事或漢姦勾引陰唆煽惑恣爲不法在在皆須防範是故出入有譏去來有定種種明文懸爲令甲不特俾夷商海賈懷避天朝法度恪謹毋違亦以戢內地商民使知劃一刑章森嚴難犯雖其職事望之疆吏地方有司而實爲本關專責固當特著爲一門矣

有一官司則有一建置其時其地不可不詳識也凡廉署務所建於設關之初省城大關澳門總口及各岸口前山寨文武官廨十三行夷館礮臺神廟等凡因關市而建置者總爲一篇以別於地方及營伍之制

粵關所轄之地各郡縣皆有把截隘口不獨省城大關及海舶所來與夫前山濠鏡黃浦虎跳門等地苟迷其方向則溝壑莫辨各爲地圖俾開卷而千里如在几席焉

凡志書皆分史體史有紀志表傳地志有圖表志傳今爲權志有表有圖無所爲傳而歷任官司在位名數先後之次雖在檔冊而稽覈爲繁惟著爲官表斯一覽易顯

著書固宜知有限斷而不得其事蹟之本末則得失何據而稽而事蹟本末有在於前朝者不得不溯其由來今立前載一門爲凡有涉於貢市之本末者則載之然亦無取繁稱寡要闕入冗長也

志乘之書爲紀人物故有列傳而其傳多即採之列代正史政書非地乘之比於法不得立傳苟事績有可紀論議有可採亦略採其事入於此篇至於諸蕃往澳垂三百年長子孫恭牧命其風俗物產語言文字誠亦不可不紀然究於權政無關且印氏澳門紀略既著爲專書此志不願載此雜錄一門爲實關係權政而無門可附者入焉 經世文續編

光緒十三年兩廣總督張之洞奏竊臣等承准軍機大臣字寄光緒十年七月二十六日奉 上諭有人片奏肇慶府黃岡稅廠吏書巡役皆以厚資謀充該府收受規費等因欽此當經臣等行司逐一認真查辦因防務倥急委員往查久無確切情節駁令覆查並因案牽涉前任藩司添委肇陽羅道潘駿猷查覆又先後密委候補道李蘊 奏留差遣河南候補道朱壽鏞山西偵探委員直隸州知州陳占鰲通判徐敦詒降補知縣楊光銓鹽大使周志端迭赴肇潮兩府分別密加訪查互相印證密札藩臬兩司查核擬茲據署布政使蕭韶按察使于蔭霖署督糧道李蘊肇陽羅道潘駿猷河南候補道朱壽鏞會同稟覆前來臣等參考覆核詳加酌定查原奏內稱肇慶黃岡稅廠每年收稅十餘萬兩報解者祇三萬餘兩各節查黃岡稅廠卽黃江稅廠只徵西江下水貨物從前徵收稅餉遞年約銀八九萬兩不等並無收至十餘萬兩之多而每年應解正稅銀一萬二千八百兩院司養廉三百八十餘兩羨餘銀一萬五千九百五十兩片 奏加徵盈餘銀二萬兩橋羨銀一兩兩共銀五萬九千餘兩有闕之年加增羨餘銀一千七百餘兩共銀六萬九百餘兩卽從前加增盈餘橋羨兩項止六成已不止報解三萬餘兩之數且尙有該廠緝私勇餉雇夫工食賞犒平水火耗解費等項費用並有肇慶端溪書院經費肇慶綠營操演山藥費向釐卡巡丁口糧分攤科場經費歲

備景福園幫費皆出自該廠稅餘此等多年舊案爲數實屬不貲該府紹榮到任後嚴懲包攬募勇巡緝所用查廠之人復能誠實出力以故日有起色光緒十一年收至十萬餘兩原額內有片 奏加徵盈餘銀二萬兩補羨銀一萬兩係嘉慶年間增加自咸豐元年粵匪滋事正稅短絀加徵盈餘及補羨銀兩向多不報 嗣至四成同治八年加至大成光緒九年升任藩司剛毅飭令解足七成俟一年以後察看情形再行稟辦亦經該府遵辦是該府已將正餘解足並非止解三萬餘兩又原奏內稱若所謂黑錢辦用錢包攬錢乃類 外剋剋商人者並有入櫃錢乃署役侵蝕正稅者尙不在內各節查黑錢一項係簽子手勾通商人少報貨 稅所得名曰黑錢此無定款亦無定數此項卽一名入櫃款也包攬一項乃無業地棍熟識書役巡丁扛攬 納稅名曰包攬係從中取利亦無定數此兩項本爲該府所力禁者甚不致任聽侵蝕正稅惟辦用錢一項 實爲累商藥材雜貨按稅每兩收三四錢至五六錢不等木料茶葉每兩七錢柴炭每兩多至一兩四錢此 廠書役所得者每年共約收銀九萬餘兩又有原奏未及之官燕頭一項按稅每兩抽三四釐至七八釐一 分不等此官房幕友及總房散房家丁所得者每年共約銀五千餘兩又有原奏未及之船頭錢一項米船 每隻一千三百文穀船六百墟艇錢一項分大中小號各數百不等此兩項係充官廠雜用者每年共約銀 五六千兩又該廠徵稅係收洋銀內有彌補平餘火耗解費銀兩名曰三六平餘該廠書於應補平水各項 之處有額外加平一錢四分至二錢六分三錢一分不等此廠書所得者亦原奏所未及每年共約銀一萬 七八千兩以上各項瘡弊相沿由來已久數目散碎難稽商賈亦不深明其故紹榮到任以來並無該廠徵 收上控之案該府雖未能摘發杜絕尙不至有心庇護又原奏內稱黃江廠書吏巡攔皆費厚資承充該府

既受多金不得不代爲庇護聞從前書役承充五年先納用禮銀五萬元前年冬間朱姓承充加至八萬五千元而每年節禮約四千兩廠費約五千兩尙不在內巡役則每名值千兩係私相授受官祇收堂禮百金各節查該廠書吏照例五年充補一次現在書吏朱安係於光緒九年九月內奉札供役其巡攔人役六名簽子手額設四十名向來陋習書巡於承充之時有繳納規費之事其規費係合廠書巡統核朋湊合計充規並幕友家丁司道府縣房費及一切雜費共須六七八萬元不等並非廠書一人卽納此巨款至節禮堂禮向來亦有此名目大率各項收受與否視乎官之貪廉並無一定又該廠尙有簿規火燭兩項均由廠書按日供備非官所得合計週年所費甚鉅尙不止原奏廠費之數原奏所謂廠費並無其名當係卽指此項肇慶府知府紹榮素行尙屬謹飭查無收受各項規禮之事又原奏內稱該府每年除藩署陋規三千兩前藩司剛毅不肯收受飭令解足溢額銀一萬兩充公該府勉強試辦敷衍塞責各節查該府早午聞有每年解繳藩司季規銀三千六百兩近已停止多年若值承充之年尙有廠書繳納藩署規費三千兩之事收否亦無一定視乎藩司惟事須數年一週升任藩司剛毅在粵日適值關書承充未收此項令該府將加徵盈餘橋渡兩項照額完解其光緒九年分之項該府卽已遵解似無敷衍塞責情節易圖在藩司任內未值承充其並無規費自不符言綜而論之黃江一廠存餘各項僅銀六萬兩左右該府照例完解外以之開支各項公用尙屬從容而書巡淨收勒索至逾正稅一倍實爲有累商民其中尤以充規爲百弊之根每遇廠書將滿之年各色吏胥商民集股謀充視如質產其爲賤商蠹稅勢有必至理有固然今欲兼收利國利民之益必宜斷以拔本塞源之計故欲去浮勒非盡革書巡之充規廠費各項規禮不可欲除規費非盡除廠

書知欄名目年限不可欲免謀充索費尤非改革另設委員承辦不可不然雖使裁規革費書吏必仍盤踞把持別立勒索名目甚至串濫漏稅該府必仍不免上司之誅求種種之浮費誠恐仍將襲舊收規聽其滋弊且該廠距府城三十里該府不能親往稽察但委之幕友家丁斷不能透悉商情決發吏弊溯查同治五年前廣東撫臣蔣益澧奏改太平關章程委員試辦革除書吏各項人役名目使費至今宿弊一清自應仿照辦理擬請將黃江稅廠以後改委府廳一員前往試辦駐廠稽徵將廠書簽子名目裁除改用司事准募巡丁可以隨時更換革不准幕友家丁干預稅務並不准有官房總房散房名目並給三聯印票分別存發報查按月開報將所有每年商民之額外加平辦用錢官釐頭船頭錢墟艇錢黑錢包攬錢共七項槩行禁革至該廠向有花押小票錢每貨船一隻銀一錢卽梧關之紅單錢差艇看船錢每船一百文挂號錢每船一百文收旗錢每船三十文均係下水此數項略與梧關同爲數甚微以資散役差艇雜用應准均仍其舊敢有別立名目違章私收者從嚴懲辦其出自該廠書吏之充規一併槩行禁革違者與受一律從嚴處並將裁革核定數目章程榜示該廠十里內外勒石水陸通衢商民共見永遠遵行其所收稅項除原有之正稅羨餘片 奏加徵盈餘橋渡四項務令照額解足外其餘悉數歸公儘數解省至該廠庫夫司事巡丁薪工賞犒撥船陸勇口糧等項所需實繁擬按稅項之數酌提一成以爲廠用惟肇慶向有端溪書院經費綠營操演山梁經費向照卡巡兵口糧分攤科場經費歲修福園幫費碍難刪除且該府及肇陽羅道辦公無資亦應仿照太平關章程籌給公費均於向有之三六平餘項下分別撥節勻撥支給不得傷及稅款通計此後商賈過肇慶者每年可省銀十二萬餘兩除稅廠改歸委員試辦候 旨遵行外現已先飭將

各項浮收各種規費一律即日裁除此案原查委員山西直隸州知州陳占薰籍隸潮州府悉本省商情又無官場惡習迭次查諸弊均能自任勞怨得以纖悉無遺現即委令前往暫行幫辦以免書吏把持違抗久擾商民以後如委辦之員果能稽徵有效較之舊額正稅羨餘加徵盈餘補羨四項原數加至一倍擬即奏懇 恩施照異常勞績給予獎勵此肇慶黃江稅廠遞年盈絀現在定章整飭積弊之實在情形也又原奏所稱張聯桂前在潮州府任內將東關稅釐減輕以致洋紗煙絲悉由汕頭來往東關輸納一節查潮州府東關祇徵落地雜稅並不抽釐至洋紗販自外洋煙絲產自福建永定等縣汕頭未開口岸之先洋紗係由會城派東江而上至惠州府龍川縣屬之老隆司水陸並運分抵潮州府屬揭陽縣嘉應州屬各縣銷售煙絲出產之處本與潮州府城一水相通從前商販或順流徑下過府關抵汕頭由海道分運各處或中途卸折入嘉應州境派流至長樂縣陸運越岐嶺以達老隆司換船沿東江而下趨省會其時東江之白沙地方尙未設有釐廠迨夫釐廠既設汕頭口岸亦開華洋貿遷四通八達於洋紗之專銷於潮惠嘉兩屬者煙絲之不專銷於廣東省城者大抵由汕頭口出入經過潮州東關同治九年潮州府知府何慶齡稟經督臣瑞麟批准東關完稅照則稽徵洋紗一項昔則東江有水陸並運之煩今則汕頭有一葦可杭之便煙絲一項昔則踰嶺入江而祇注粵省一處今則順流出口而分售沿海各區難易因殊趨避自審所有洋紗煙絲兩項經由東關非因減輕稅項而然張聯桂前在潮州府任內委無減則徵收之事又原奏內稱東關餉有定額添收洋紗煙絲兩項則祇入私囊一節查潮州府徵收商稅每年應解正額銀六千九百四十二兩稅羨餘銀一萬二千三百五十九兩商稅都飯銀二千七百八十四兩火耗銀二百零八兩加增盈餘銀二

萬兩有闕之年加增稅銀一千三百七十九兩部費銀二百九十兩共銀四萬三千八百餘兩加以補足
洋銀平水解費需銀五萬餘兩又該廠各卡勇糧工食紙燭賞犒之費每年約需銀一萬餘兩此外地方公
用爲數甚多該府歷係遵則徵收照數完解查潮州東關收稅舊以茶葉白麻魚紙爲大宗近十餘年來茶
麻無復徵收魚紙日形短絀綢緞槩行透漏各項廣貨報稅者亦其稀少茶麻等項短收之稅專賴花紗銷
路較廣以補之夫率遞年徵收銀八九萬餘兩不等較之三年以前所增無多較之嘉慶道光年間沙船盛
行營金未設民豐稅旺之時則遠有未逮張聯桂去任後近年潮關情形大致相同至該廠向無朋充鉅規
及辦用等項與肇慶不同應仍照舊章辦理此潮州府東關稅項本關互有盈絀無關弊賣之實在情形也
臣等覆查肇慶稅廠之旺由於近年桂境商賈流通紹榮稽徵得法而然地方公用取給該廠稅餘者甚多
潮州稅廠之旺由於花紗煙絲乘輪改道所致又須抵補他項短收肇慶府年額解銀六萬兩潮州府年額
解銀四萬三千餘兩其餘除彌補平水火耗項費外以解廠用及地方公用之需計肇慶於正額外已加羨
餘又增加徵盈餘又加橋羨較之舊制已加解三次潮廠於正額外已加商稅羨餘又加盈餘較之舊制已
加解兩次竊思賦稅一項原有定額果其報解無虧即使略有餘饒亦爲法之所不禁此等羨外之羨餘外
之餘留爲地方及本屬辦公原可率循其舊第粵省現當庫儲匱乏防務孔艱將雜項公用逐一撥節津補
防需未始非以爲濟公之法查肇慶府向解之加徵盈餘橋羨二項共三萬兩合計歷年實解六成尙短銀
一萬二千兩自升任藩司剛毅任內始令全解然原詳僅令試解一年再行察看情形亦非定案今擬改革
委員常年將此一萬二千兩解足其光緒十年十一年之加徵盈餘各二萬橋羨各一萬均已飭照數接續

將是至兩額正餘四項以外如有所餘悉數歸公此係將向來各項地方公用改支備款並將該府用度極力裁省騰挪而出每年儘數解省約可於額外解銀三萬兩內外以充海防經費飭潮州府將該屬一切公用自行設法撙節竭力積微自光緒十二年春奉為始每年於額外解銀二萬兩以充海防經費合計此兩項共約銀五萬兩應併名為額外節省防費每年按四季批解督後局專為充支海防經費無論何事不得挪用定以十年為限十年之內不得無故輒請減免十年之後如果商貨銷路實有變遷再當體察情形能否定額奏明辦理一面嚴飭肇慶府暨幫辦委員遵照裁定新章辦理盡草規費嚴懲索擾並飭潮州府不得因會解節省費於例外多徵病商似可分別辦理兩廠增解之數固於防費可稍資貼補而肇慶改章亦除苛斂顯以蘇息商賈即隱以保全正項稅釐尤為目前要務湖北荆宜施道前潮州府知府張聯桂查無減收入私情事應請毋庸置議肇慶府知府紹榮經徵黃江廠稅業已遵解足額查無收規庇護情事其於該廠書巡多取累商未能飭查禁絕本屬不合惟積弊相沿非止一在且現擬改章委員試辦應予從寬請旨將該府紹榮革職仍留本任以觀後效肇陽羅道潘駿猷近在同城未能覺察亦有不合惟此次查出各撥係該道會同訪查稟聞尚與始終含糊者有間自應一併從寬請旨將潘駿猷交部察議仍責成該道以後將肇慶稅廠實力督察力杜弊端所有查明肇慶二府稅項倘無收規入私情事現將肇慶稅廠改章恤商請將該府道分別做處併令兩廠增解額外節省防費銀兩緣由謹合詞恭摺覆陳

張宮保啟書

十五年兩廣總督張之洞奏請臣前於光緒十三年六月內查明肇慶府黃江稅廠積弊改章辦理一年期滿撥收加倍將該廠委員陳占鰲照尋常勞績奏請獎勵並聲明此項溢銀每年約五萬兩又橋渡及加徵盈

餘項內盡令解足一萬二千兩共六萬二千兩並潮州府稅廠新增節省銀二萬兩三項共八萬二千兩解交善後局名爲額外節省防費一併留作買礮專款並續經奏明肇慶稅廠于照解四項正額外每年能將新增各款大萬二千兩解足應照尋常勞績請獎均奉 旨允准各在案前據肇慶府稅廠委員山西補用道陳占鰲稟稱自光緒十三年五月二十二日起至十四年五月二十一日止第二次一年期滿共收正稅盈餘等銀十萬二千七百七十四兩八錢九分二釐又由桂皮地稅項下劃還正稅銀七千三百十二兩四錢一分二釐合共徵銀十一萬八千七百七十四兩三錢四分四釐除支不及一成廠用外連撥還桂皮地稅實解繳司局銀十萬一千三百二十四兩二錢二分一釐六毫除照章解足四項正額外共溢解銀四萬二千一百九十兩又橋渡及加增盈餘項內勒令解足之一萬二千兩亦係新增應撥入併計合共解新增銀五萬四千一百餘兩又據稟稱自光緒十四年五月二十二日起至十五年五月二十一日止第三次一年期滿共收正稅盈餘等銀一十一萬八千一百三十三兩六錢一釐七毫又由桂皮地稅項下劃還正稅銀四千二百五十八兩八錢七分九釐共徵銀一十三萬二千三百九十二兩四錢八分七釐查肇慶府稅廠每年應解正稅銀一萬二千八百兩院司養廉銀三百八十餘兩羨餘銀一萬五千九百五十兩加增盈餘銀二萬兩橋渡銀一萬兩共額解銀五萬九千一百三十餘兩現計徵銀一十二萬二千三百九十餘兩係屬加倍有餘除廠用於原定一成數內撥節支用不及一成外連撥還桂皮正稅實解繳司局銀一十一萬九千七百七十四兩六錢六分四釐除四項正額外共溢解銀五萬一千八百四十餘兩連橋渡及加增盈餘項內新章勒令解足之一萬二千兩併計已浮於新增大萬二千餘兩之數等情前來伏查肇慶府黃江稅廠改革以來於

今三載初次一年期滿業經徵收加倍乃第二次期滿核計二千兩之數僅短銀七千餘兩臣恐該委員等日漸懈弛疊復加倍有餘多於新增六萬二千兩之數該委員陳占燾始各款批飭照案一併存作買礮專款外據廣東海防善後局前來臣查鹽課稅釐第三次一年期滿徵收加倍該委員陸續請獎合無仰懇 天恩俯准將山西儘先補用道陳占燾官保政書

右粵海關

太平關兼太平遇仙二橋滄光一廠額稅銀五萬二千六百七
物分上水下水視其貴賤按斤件包籃花器按籃筒科稅內餘
二釐料銀每貨百斤上水徵銀四釐下水二釐均歸入正稅古
水徵銀八分下水二分均抵充全書雜稅起解又有遇仙橋上
橋減免齊收例亦分上水下水按斤件科稅又有滄光廠稅例
減以上各因地宜均照舊例徵收又太平遇仙兩橋比照蘇州
例權甚輕重量增者四十一條改減者二十九條照舊徵收去
補其大小貴賤徵收鹽稅每一引日徵軍餉九錢包稅一錢四

同治五年諭內閣將待選奏查明太平關稅務積弊請裁撤書吏家丁派戶幫辦並將巡撫等衙門陋規全
革除一摺所辦甚屬認真各省關稅絲毫均關國帑若果管理之員潔清自矢認真經理何至動形短絀茲據
蔣益澧所奏廣東太平關額徵銀兩歷年虧短遞有加增而各衙門陋規及家丁書吏侵漁甚多積習相沿味
堪痛恨卽著照該撫所請所有經徵太平關之家丁書吏永遠裁革由該撫派委廉能之員幫同南韶連道管
理其巡撫衙門月費等項並文武各衙門規費南韶連鎮總兵薪水均著一併裁撤歸公試辦一年再由該撫
察看情形酌定章程奏明辦理經此次整頓之後儻有巧立名目暗中侵蝕等弊並著該撫嚴行參辦此外各
省關務均著該管督撫監督等實心清釐務令積弊悉除稅課日有起色毋得復蹈故轍任意虧短致干重咎

聖訓

七年諭軍機大臣等蔣益澧奏改辦太平關稅收支確數及徵收洋稅數目各摺片廣東太平關稅務經蔣益
澧奏明改辦後一年期滿共徵正額贏餘銀十八萬九千八百餘兩又江海關代徵絲稅紋銀四萬二千九百
餘兩較之額定數目不惟不虧並且大有加增嗣後卽可按照此次辦法覈實徵收涓滴歸公以杜中飽著瑞
麟李福泰督飭南韶連道實力奉行毋得始勤終怠以致夙弊復生儻此後正稅贏餘再有短絀卽將該道及
各委員據實參著落賠補該關稅務業已辦有眉目嗣後卽責成該道一手管理毋庸再派知府幫辦其太
平等四分繳委員仍由巡撫遴選委員派充一年交替由該道隨時稽察所有徵收各貨稅則比照條款著卽
開列清單咨照戶部備案 聖訓

右太平關

梧州額稅銀五萬四千六百二十一兩有奇盈餘七千五百兩凡商販貨物均分地道計數科稅照部頒現行條例徵收乾隆四十一年定壽慶同 會典事例

潯廠額稅銀三萬八千六百六兩有奇盈餘五千二百兩 會典事例

廣西省潯州梧州兩廠每年徵收額外贏餘銀兩內協濟本省兵餉銀六萬兩留支潯梧兩處書院膏火巡卡等項銀四千餘兩 則例

雍正四年議准廣西梧州二府稅銀令該撫將實在徵收之數詳悉察覈委廉能官監收每月儘收儘解一年之後視收過稅銀於舊定解額外贏餘若干據實定議具奏 會典事例

八年另准廣西梧州兩廠酌定歲額每年梧州徵收銀四萬六千八百二十八兩有奇潯廠每年徵收銀三萬四千一百三十一兩三錢有奇除於此一廠徵收額內撥給各官養廉歲終別冊報部外實存銀二萬八千四百九十九兩三錢有奇作為正額至此內有每年兼收米穀稅銀歲有豐歉則稅亦有多寡務令儘收儘解據

實具題 會典事例

乾隆十三年以廣西梧州等府稅務歸該管道員查核戶部議覆廣西巡撫鄂昌奏粵西梧州二府關稅及桂平南慶等府富川賀縣懷集等縣各雜稅銀兩皆為湊充兵餉及支給通省大小各官養廉之用向係該管府縣自行征收分別正額盈餘按季造冊解司並無專事稽查抽收之員則疎漏自不能免查粵西梧州左江右江三道俱有統轄地方之責且其該管之府州縣例應按季巡歷一切稽查甚屬便易應請將各處稅務分隸各道就近稽查桂林平樂蒼梧三府并富川賀縣懷集三縣俱係蒼梧道所轄其稅務即隸蒼梧道稽查南

靈府係左江道所轄其稅務即隸左江道稽查潯州慶遠二府係右江道所轄其稅務即隸右江道稽查飭令各府將逐日抽收貨稅銀兩數目按月造報該轄道查核并於按季巡歷之時親赴收稅之所飭取存廠抽收底簿與月報冊逐一核對應如所請從之通考

十七年奏准廣西梧州潯州二廠徵收稅銀委員試收一年除正額外得贏餘銀一萬七千三百三十四兩有奇嗣後即以試收之數爲衡會典事例

光緒十二年兩廣總督張之洞奏竊臣之洞於光緒十年六月承准軍機大臣字寄閏五月初七日奉 上諭有人奏廣西梧州關稅加費過多請飭永遠全裁等語又有人奏廣西積弊太深亟宜剔除一摺等因欽此當經臣之洞咨會前廣西撫臣潘鼎新據實查明會奏迭次札飭西布按二司會查各在案潘鼎新迄無一字咨覆西兩司覆稱潘鼎新於光緒十年奏明梧州關公費降交省局久未准抄摺咨會臣秉衡在臬司任內以粵專察急奉 旨駐龍辦理後路事宜旋蒙 恩命暫護撫篆又奉光緒十一年六月十八日 上諭張之洞奏廣西被水成災擬籌賑款一摺等因欽此經臣秉衡先後提充賑款一面恭錄轉行署廣西布政使慶雲署按察使沈康侯查辦其梧州一案經臣等迭次委員密訪復加確查會同西藩臬兩司核議稟復去後茲據復稱查原奏內稱梧州府關稅自咸豐七年後加抽經費爲招集鄉勇保衛地方起見凡往來貨物於正稅銀一兩外加抽銀一兩每年合計約加抽銀四五萬兩均收銀而不給票肆意侵漁無從查考加徵過多請飭永遠全裁一節查梧州關加抽經費實係咸豐初年匪徒肆擾前任梧州府知府陳瑞之募勇剿捕經費無出集商籌議按貨抽捐以供勇費竟有稅費相等者有費多於稅者 後賊平勇少而經費如

故商人屢以爲言乃減去稅數之半先設分局十二處陸續裁撤光緒六年復將木作分局裁去或由粵東會館經費局抽收或由水旱兩關帶抽茲經委員改裝易服前往向來往商民分投密訪或伴作商賈赴關納稅或潛搭貨船觀其收費並傳訊該局司總梁寶琛等暨平碼頭商董聚興公昌聚豐信全昌等調集水旱關暨各帳簿書巡等私簿互相參核計該府每年所收經費約銀十萬兩有奇實無三十萬至五十萬之多該州自兵燹後正稅未能足額卽以經費撥補又廣西巡撫藩臬鹽道衙門辦公不敷歷年於橋關經費項下撥解公費此款早年出自稅餘後因兵興稅絀改在經費內動支從前係每年三萬兩此外雖有節壽之說收與不收視乎上司光緒十年減爲二萬二千兩裁去節壽餘作該府路勇兩營及護關扒船之餉費惟查歷年經費之數官收雖不過十萬有奇而商人所費實不止此吏胥巡役家丁地棍船戶浮收包吞皆所不免雖無檔冊可稽追出書巡分銀底帳及船戶木商充經費底簿按月核計全數約略可知約計每年大率收銀十七萬兩實爲商民巨累此外尙有因頭一款爲原奏所未言及此款係由書吏算船估稅而起定例權算米數豆麥各船之法以長一丈廣一丈深五尺爲五因一因五千斤五因共作二萬五千斤餘貨二三因至七八因不等皆有定則書吏欺愚商賈如米則謂例應七因今私讓爲六因應納使費若干故曰因頭商人懇囑關吏不令報足十成甘于稅外私納規費名爲讓減一因實已暗增一因先則商人利其隱漏繼則關吏遇事多求既屬病商亦兼蠹稅計暗加因數每年約銀二萬兩私得因頭每年約銀五萬兩係書巡幕丁所得又有外費一款係書巡府差人等所得每年約銀六千餘兩又有現費一款乃上下水零星貨物若缸瓦掛碎爆竹彩錢筆竹木梢等款皆例不收稅之物係查船巡丁所得每年約銀五千兩又有

柴火銀一款乃無稅無費之物每柴一束收錢一文係充該廠日用每年約銀一萬三千兩合而計之正稅尙屬有限而商賈於正稅之外所費至二十餘萬商民怨苦實不能堪羣羣縱橫人思染指情弊之深至斯而極查該廠經書七名算房七名銀房十名卽官銀匠巡役四十四名內正總四名亦稱鐵子手亦稱尺手書巡皆五年一換經書算房銀房及正總更換時各納充費一千兩上下不等此條最爲諸弊之根查梧州一區既有例設稅廠又有釐金總局又有經費局一日之內三次權徵百金之貨完至什一實爲病商苛政且經費一局商民費至二十餘萬兩 國家並不能用其分文尤出情理之外况徵斂愈重商賈愈困趨避走漏勾串影射愈多省西稅釐大局將不可問自應將經費一項卽行裁免抽收以蘇疲商而保正餉並將該府所募勇丁兩營全數裁撤以節糜費由西省另派防營駐梧巡查彈壓令該府於經收正稅自行竭力稽徵不得藉口缺額別圖彌補從前該廠徵解稅項係前後遞推牽搭淡旺不均或淡月而所解極多或旺月而所解甚少應改令按照定額計日攤解以免藉口賠累此後該廠徵稅俱按定則估算不准浮加一因其餘吏役私收之因頭分費現費等項一律嚴除永免商累並刊給三聯印票分別存發報查其廠書巡役充規槩行禁革惟根蒂不除弊端決不能斷應將廠書算房銀房鐵子手尺手等名目年限一槩革除廠中查船核算繕寫記簿俱改用司事鐵子手尺手改募巡丁現無報部額缺充滿年限卽可隨時另募隨時革換庶可杜賄充禁索之弊惟向來各項人等仰給此廠者不下數百家此次裁除太鉅若不酌籌飯銀限一定數必致另開需索勾難之弊防不勝防甚至包串漏越轉虧正款擬令按正稅之數每兩止許收飯銀五分分給司事巡丁一切人等統在其內不准多取分毫亦不准別立名目查梧州釐局尙有商捐三江緝捕

一項及鹽包小釐一項以養護商扒船每兩五分每年約銀一萬二千兩現經臣秉衡飭將此項緝捕俸委員勇役扒船概行裁撤另派水師扒船巡護緝捕鹽包捐項概行免交計以此項抵稅廠飯銀之處每年商民尙可少納銀七千餘兩此外貨船一隻有紅單銀一錢有掛號錢上水一百文下水二百文有收旗錢三十文皆徵役差艇所得爲數甚微應准均仍其舊又查上項所開柴火銀一項銷路甚廣取之甚微積之甚鉅無稅無費尙不致爲商民之累此項一萬三千兩卽遵旨提充公用查西省鄉闈經費例銷止一千九百餘兩不敷甚鉅向係由各州縣派捐銀一萬四千餘兩其餘由外籌補各屬瘠苦難支應卽於此項內按年提銀七千兩解存司庫備支科場經費以後各州縣應攤闈費立案永遠免派至舊日院司道公費二萬二千兩原係辦公之需臣秉衡及司道等均未提作私用惟現既停抽經費不宜累及該府惟有極力撙節擬裁減一萬六千兩卽以柴火銀餘款六千兩分季交善後局分充巡撫藩臬鹽道各衙門辦公之需並將此次裁革減定各項數目榜示該廠十里內外並勒碑水陸通衢人人共見永遠遵行計稅費均按例定因法徵收一項裁減約二萬兩經費一項官私裁除約十七萬兩因頭一項裁除約五萬兩外費現費兩項裁除約共一萬二千兩緝捕俸款鹽包小釐兩項限抵充飯銀外裁減約千餘兩通計此後商賈過梧州者每年約可省銀二十五萬兩若有浮收勒索逾於定章之外者被人告發或經查出嚴行參辦並嚴禁梧州府永遠不准餽送上司節壽如有私送私收者與受均一律參處臣等覆查此次飭查各節以梧州經費爲最要此事前曾經言官論及此次奉發片一摺皆論此事其爲病商厲民亦可想見此次臣之洞委員往查書巡等許以重賄加以恐嚇該委員堅拒不聽因遂造言傾陷希冀撤回臣等察知狡謀不爲所動

然則積弊之深澈查之難更可概見現經裁撤經費局革除廠書籤手裁減公費禁止節壽改章之案勒石永當可於恤商保餉均有裨益至光緒十年梧關存公費臣秉衡與西藩臬兩司鹽道俱係存局存公並未移作私用臣秉衡上年先已奏明提作賑撫水災之用在案十一年臣秉衡等公費亦已遵旨提解再此件因臣等六次委員密查始得查核詳實會商定章是以覆奏較遲合併聲明張宮保政書

右橋廠潯廠

乾隆三十年更定吉林等處征收稅額戶部議吉林等處稅銀自乾隆十六年題定吉林額征馬畜雜稅銀一千六百五十兩木稅銀三百七十七兩寧古塔額征稅銀二百八十兩遇放參票之年征稅四百五十兩伯都納額征稅銀二百七兩至拉林阿爾楚喀二處乾隆二十五年奏准試收每年征收稅銀二百四十五兩不等今據吉林將軍恆魯奏以吉林寧古塔生齒日繁貿易益盛派委旗員協同同知徵收稅銀較多于前分別酌定稅額應如所請吉林雜稅以一千七百八十兩為額木稅仍三百七十兩寧古塔添收木稅以一百五十八兩為額雜稅每年儘收儘解遇放參票之年以九百十二兩為額伯都納稅銀仍以二百七兩為額拉林稅銀定以七十二兩為額阿爾楚喀稅銀定以三百三十八兩為額從之通考

咸豐十年諭內閣前因劉岷等會議奉天海口變通收稅章程當交戶部議奏茲據該部奏稱酌擬加增稅額四條著照所請所有奉天所產黃豆餅照例收稅此外包頭油鹽稅銀由行棧交該關各口稅書承收除該關每年正額贏餘之外加銀八萬兩作為贏餘解部回贖成該監督於本年八月新關期起按季解京如有虧短勒令照數賠補再有多餘儘收儘報其船規一項原定稅銀太輕著將各船隻照原徵銀數各加一倍以咸

嘗八年報部稅數作爲正額此外再加一倍作爲贏餘由各口岸造冊詳報盛京將軍等彙總奏報除留支各
項外其餘悉數解部如有虧短著落經徵之旗民地方官賠補至各項貨物經過內河各口岸定爲每石徵銀
四分以咸豐八年歸公銀數作爲正額再加一倍作爲贏餘此項銀兩以錢一串抵銀一兩搭放盛京官兵俸
餉如徵收不能足數亦著落經徵之員賠補其由河滄字號小船著照未逾式船使一體報店交納船規十七
兩除牛莊一口辦理商捐其餘各海口均著盛京將軍飭旗民地方官查照辦理其大小牛船亦照漁船一律
加倍收稅並另委委員常川在彼實力稽察如有無票私船卽行拿辦經此次明定章程之後著該將軍等隨
時認真查察嚴拏偷漏並責成該監督及旗民地方官務照新章如數徵收如有短絀卽照關稅定例勒限追
賠備徵收足數外再有贏餘卽行報部由部奏請獎敘如有額外私自加增擾及商民立卽從嚴參辦以副朕
裕課恤商至意 聖訓

附錄鄧慶麟請飭整頓稅課章程以安商民疏稿再臣查各省關津卡目徵收課稅均有奏定額規原不
容違例私徵剝削商民現聞吉林長春廳所屬之農安堡爲該處之巨鎮團練一切全賴衆舖戶襄辦防
堵嚴密爲馬賊之所畏從不敢向該處肆掠原設有巡緝人役以備稽查偷越前因惡役肆行訛詐擾害
商民幾激成事變經合屬紳耆鄉保公稟吉林將軍查照例案嚴札該廳遵辦吉林廳收稅章程在城內
設局收稅不准丁役下鄉藉端詐財是以商民相安地方肅清訟端漸息乃於去歲夏間忽有丁役百餘
人執持器械聲稱巡稅蜂擁至堡將大小舖戶以及居民所有貨物無論會否輸稅均勒令重復上稅又
詐以偷漏之例勒罰十分倍不等種種刁難商民不堪其虐聚行歇業買賣不遵國防隨散馬賊卽乘機

焚搶乞丐流民亦趁勢劫奪致使肆市一空不能復業是巡役之爲害視賊盜爲尤甚也當此多事之秋務以安靜爲本詎可任聽羸役詐索貽害商民而紊法且如此積弊恐到處皆然當不止該廳一處如是也請 旨飭令吉林將軍暨各省收稅處所剴切曉諭務使照章收納不得違例誅求嚴禁家丁胥役黑白巡役藉差訛詐得賄私放諸弊庶商賈安而課稅亦旺矣經世文續編

右奉天吉林等處

順治初年定蒙古王公台吉等每年徵收所屬有五牛以上及有羊二十者並收取一羊有羊四十者准取二羊雖有餘畜不得增取有二羊者准取米六鍋有一羊者准取米一鍋其進貢會盟游牧嫁娶等事視所屬至百戶以上者准於什長處取一牛一馬之車有三乳牛以上者准取乳油一肚有五乳牛以上者准取乳酒一餅有百羊以上者准增取氈一條濫徵者罪之會典事例

乾隆十四年軍機大臣議覆署理總督陳大受奏復八溝西街商稅應如所請其東街仍歸地方官抽收二年後將斗秤一項稅銀給與蒙古 上諭曰八溝東街斗秤之稅從前曾經地方官徵收後仍令蒙古自行料理嗣將西街稅務停止其東街各稅亦經停止今因牙僧擾累商民該督督奏請復行抽收西街商稅於東街稅務軍機大臣等議歸地方官抽收於試收二年之後所有斗秤一項給予蒙古所議固屬妥協然於朕惠養蒙古之心猶有未愜著將東西街稅一例具令地方官抽收亦不必待二年以後卽將東街所收各項稅銀無論斗秤按其多寡每歲全行賞給扎薩克等以資伊等養贍之用伊等既得餘息自必均霑惠澤以副朕優賚

外藩之意 聖訓

十七年奏准八溝東西二街稅銀於乾隆十四年奏准交地方官徵收東街所徵各項稅銀每年賞給喀喇沁扎薩克王等養贍窮乏蒙古今該扎薩克呈報東西二街租銀該地方官徵收多寡不一請將賞給東街稅銀仍照舊例交該旗自行徵收其事難行惟是各處收稅均設專官經理今八溝初定收稅章程交地方官永遠辦理二街稅銀難免參差蒙古人亦不能遵服應將地方官徵收之處停止於本院司官內簡選幹員擬定正陪引 見前往徵稅所收稅銀於十分內賞給該旗二三分以爲養贍蒙古之用會典事例

又議定八溝定額每年應徵稅銀一萬一千五百十二兩六錢連歷任盈餘銀數銷除書役人等工食熱河曹靈等八寺香燈傾鎔解費銀兩外餘剩銀兩內賞給喀喇沁扎薩克王十分之二喀喇沁扎薩克公十分之一其餘銀兩解交戶部龍鬚門額徵銀一百七十五兩八錢二分四釐此二處係莊頭之地所徵正額及盈餘銀兩內開除書役人等工食傾鎔解費外餘銀解交戶部會典事例二十一年額准烏蘭哈達三座塔司官照八溝之例兼司權稅事務會典事例

又定塔子溝每年額徵稅銀五千九百八十二兩零八分五釐四毫大城子額徵銀二百三十五兩一錢七分七釐連歷任盈餘數銷除書役工食及熱河扎什倫布廟香燈傾鎔解費銀兩公岔曼額徵銀二百八十一兩七錢四分三道河額徵銀一百二十兩零五錢此二處不支書役人等工食開除傾鎔解費銀兩外餘剩銀兩並歷任盈餘銀兩內賞給喀喇沁扎薩克塔布囊十分之二分半由該員支給餘銀解交戶部烏蘭哈達額徵銀一千八百三十七兩九錢八分一釐八毫連歷任盈餘銀數銷除書役人等工食傾鎔解費銀兩外餘剩銀兩內賞給翁牛特扎薩克王十分之三由該員支給餘銀解交戶部三座塔額徵銀一千四百四十七兩

零四分五釐木頭城子額徵銀三百七十四兩三錢三分廿家子額徵銀一百七十兩零三錢五分連應任盈餘銀數銷開除差役人等工食傾銷解費銀兩外餘剩銀兩內賞給土默特扎薩克貝子十分之三由該員支給除銀解交戶部以上徵稅除各該處支銷各項不得開除傾銷解費外其實解交戶部及賞給該扎薩克銀兩內每百兩准銷傾銷解費銀五兩會典事例

咸豐十一年諭內閣戶部奏遵議蒙古四稅請仍飭覈實經理等語蒙古四稅加增稅額從前雖因各處道路梗阻辦無成效現在地方均已靜謐此係奏准應徵之稅豈得畏難推諉著熱河都統嚴飭各該稅員察看各該處地方情形認真經理隨時整頓如稅務漸有起色卽行覈實加增仍由該都統議定章程奏明辦理

右蒙古等處

乾隆二十四年定葉爾羌喀什噶爾二處貿易抽稅例回部商稅舊制凡本地回民往外貿易帶回物件者抽稅十分之一外處回民販來物件抽稅二十分之一于乾隆二十四年經定邊將軍兆惠奏聞仍照舊例辦理是年又據參贊大臣舒赫德奏稱葉爾羌喀什噶爾二處牲畜價貴請減收商稅分數奉 旨允准嗣是本地貿易帶回之牲畜改爲抽稅二十分之一其緞布皮張則十分抽一外番商人販來牲畜改爲抽稅三十分之一其緞布皮張則二十分抽一若牲畜貨物不及抽分之數馬一匹抽一騰格大牛一頭則二十五普兒小牛一頭半之大羊一牽稅十二普兒小羊一牽亦半之雜項物件視其值之貴賤折收騰格普兒回地錢名曰普兒以銅爲之五十之數爲一騰格至乾隆二十八年駐劄喀什噶爾大臣永貴奏布嚕特回民到烏什貿易物

件請照喀什噶爾之例收稅報可通考

二十八年定關展地方收稅例關展辦事部中德爾格奏關展吐魯番魯克沁等處地方凡售買馬匹牲畜照內地例給票每銀一兩上稅銀三分奉 旨照所請行通考

二十九年定烏嚕木齊市易上稅例駐劄烏嚕木齊大臣旌額理奏烏嚕木齊地方買賣馬匹牲畜請照關展之例俱行給票每兩上稅銀三分奉 旨允行又阿克蘇地方奏買賣牲畜亦照此例每普兒一百文收普兒三文報可通考

嘉慶十九年諭軍機大臣等松筠等奏吐魯番回眾交糧當差頗覺苦累必須量為調劑該處地方宜種木棉近來種植甚廣再有南路皮張商販雲集每因自相交易時滋訐訟莫若官為經紀按則徵稅在於城鄉適中之區設立經紀數名給與官秤設票評價每兩徵收三分仍招股實良民詳請給帖責成該同知經理試收一年得有成規再行定額所有抽收稅銀每年撥出十分之三由該同知分給四佐領回子並軍臺當差回子以濟困乏其餘稅項解歸道庫以充經費等語吐魯番種植棉花均係回子地畝出租招種若即在產花之區抽收稅銀恐滋紛擾如於商販經由處所如嘉峪關等處酌量抽稅事或可行高杞係烏嚕木齊都統見署陝甘總督著詳細查明此項棉花與南路商販皮張從前嘉峪關等處曾有稅額並體察吐魯番回眾如何苦累情形驟增此項花稅有無紛擾之處不妨寬以時日務計議周妥據實具奏 聖訓

道光九年諭那彥成等奏請重申抽收外夷稅課定例一摺回疆自開關以來曾經奏定章程外夷貨物入卡貿易每三十分抽稅一分原非重科特藉以稽察各夷出入慎重邊防立法本為至善乃近年以來各城大臣

往往因外夷懇求免稅卽量准減免且有全行免稅者殊屬不知大體著通諭喀什噶爾葉爾羌烏什各城大臣嗣後各夷入卡販易務當遵照舊制每三十分抽稅一分無論何處部落概不准絲毫減免如各城大臣濫行減免稅課著該參贊大臣據實參奏備參贊大臣有減免情事著伊犁將軍及各城大臣據實參奏均照違制例交部嚴加議處毋得日久玩視以肅法令東華續錄

咸豐八年喀什噶爾辦事大臣裕瑞等奏擬添設茶葉雜貨等稅諭曰試辦一年有效再行抵經費之用惟應時時嚴查不准徵多報少以杜弊端 聖訓

同治二年諭議政王軍機大臣等景廉奏體察徵收過稅情形並酌擬現辦緣由一摺內地商回運貨至喀什噶爾既在經過之阿克蘇及喀什噶爾兩處納稅若於巴爾楚克再添過稅則物價騰踊商民裹足勢必各城稅課皆形短絀況巴爾楚克地極偏小貨物難售商賈每因盤費不足將貨物扣留暫押作抵隨後持錢取贖多有怨言在喀什噶爾遞字稟訴既據景廉查明情形諸多窒礙著卽停止徵收以順商情而顧全局至葉爾羌加增正稅商民既皆樂從且於喀什噶爾運販行銷亦無窒礙既經該參贊按照英蘊等原議徵收清單酌量減裁並派員詳立章程出示曉諭試辦著卽照所擬辦理葉爾羌等城均係邊疆要地英蘊等前在該處辦理各事諸多未善景廉務當隨時查察將英蘊任內弊端加意釐剔力求整頓至巴爾楚克加增正稅之處商民是否樂從現在辦理情形如何和闐稅課是否可照葉爾羌一律加徵均著景廉查明辦理 聖訓

右新疆等處

皇朝政典類纂卷八十八終

皇朝政典類纂卷八十九

征榷七

關稅各關盈餘 各關口岸 各省關差 鋪面稅戶捐附 落地稅

康熙三十八年停罷各關正額外加增盈餘銀兩奉 諭旨向因軍需繁費關差官員欲於正額外以所得盈餘交納充用今思各官孰肯自捐私橐必仍行苛取商瘠民困職此之由著將加增銀兩一概停罷通考

雍正元年詔部臣核減各關贏餘于是將淮安北新南新鳳陽天津臨江江海浙海荊州等九關加增贏餘悉

行裁去通志

乾隆六年飭各關盈餘增減據實造報考核具題奉 諭旨各省關稅定有正額而儘收儘解日有盈餘此不

過杜司權者侵蝕之弊並無有累於商民也但各省年歲之豐歉不同貨物之多寡亦異其盈餘原不能年年

畫一近見各關報滿之時如盈餘浮於上年則部中不復致議如減於上年之數則部中即行駁查司權者惟

恐部駁必致逐歲加增年復一年將何所底止苦累商民事有必然之勢朕思關稅盈縮相去本不致懸殊若

乙年所報盈餘之數稍不及甲年原可不必駁查若過於短少亦必有情由惟應令督撫確查則地方實在情

形自難逃於公論總之查核過嚴則額數日增其害在於眾庶查核稍寬則司權侵蝕其損在於國帑此中輕

重固有樞衡著大學士會同該部詳議具奏經部臣議定嗣後各關盈餘銀兩如與上年數目相倣者戶部即

行者核具題如本年所報盈餘與上年數目大相懸殊令各該督撫就地地方實在情形詳細確查如無侵蝕等

弊據實聲明覆奏倘該督撫查奏不實扶同徇隱別經發覺將該撫等一併交部議處著為定例通考

十四年奏准各關徵收贏餘銀除各關監督向由自行奏 聞者仍照舊例辦理其例應報部者該監督於年滿時比較上屆若有短少即報督撫確查該督撫出結會奏所有比較上屆短少銀數即於各該督撫監督名下追賠再關稅考覈定例收稅官欠不及半分者降一級留任欠半分至一分以上者降一級欠二分以上者降二級欠三分以上者降三級欠四分以上者降四級皆調用欠五分以上者革職原因正額短少是以分別議處今贏餘雖與正額有間若不酌定處分恐致懈弛嗣後比較上屆短少不及一分者免議外其一分以上者罰俸一年二分以上者罰俸二年三分以上者降一級留任四分以上者降一級調用五分以上者降二級調用仍令按照條例徵收不得藉端滋弊工部所管各關亦一例辦理會典事例

又 諭關稅贏餘一以雍正十三年徵收數目爲定額嗣後正額有缺者仍照定例處分其各關贏餘成數視雍正十三年短少者該部按所定分數議處永著爲例會典事例

十八年諭各省奏報關稅贏餘數較上屆短少部議皆交督撫查明情由從未有查出侵蝕情節據實參劾者章奏往返竟成故套朕思關稅時贏時絀勢所不免若無故短少或任意侵肥該督撫自應隨時奏聞治罪如果無情弊何必重複聲明致滋案牘嗣後各省奏報關稅贏餘數目該部核覆時毋庸復交督撫查奏會典事例

又奏准關稅贏餘較上屆短少無幾者本部隨奏覈結較上屆短少大相懸殊者令該監督將該年情形據實奏報如無故短少任意侵肥本部即行參劾仍照數追賠其工部所管龍江等關亦一例辦理會典事例

二十二年奏准嗣後各關徵收贏餘銀兩較上屆數目大相懸殊者令該監督按照該年情形據實奏報即交督

撫委員赴關嚴查若有微多報少情弊立即揭參若果儘收儘報出結聲明具詳由督撫確查具奏其督撫管
理各關亦互相查勘辦理如戶部覈對稅冊經徵數目果屬相符即行准銷有未符者再為指駁詳查至督撫
並不實力稽查及有扶同徇隱情弊查出參處仍將短少銀兩著落按數分賠會典事例

四十一年諭前因各關贏餘參差不齊恐每年逐漸加增無所底止曾經降旨以雍正十三年成數為准承以
折衷之制俾不致多寡懸殊其法最為妥善乃行之未久部臣復因各關奏報贏餘大概較多於前謂仍以上
屆數目為比較遂無成式可循以致遞行短少此部臣辦理之未善也嗣後各關考覈務照雍正十三年之數

比較會典事例

四十二年諭各關稅課贏餘例與上屆相比較朕臨御之初本不知各處所收關稅多寡之數因諭部臣即以
雍正十三年為准使胥吏不敢例外苛求監督不能徵多報少且使每年比較不致歲漸加增加減無所底止
實於體恤商民之中寓司關稅不致作弊剋減之意並非因雍正十三年關稅獨多使各關稅必足其數也乃
行之未久部臣因各關奏報贏餘較雍正十三年有贏者居多若置上屆於不問恐監督以比舊已多即可從
中侵隱易滋流弊請與上屆相比較又復通行日久昨歲考覈准關鳳陽關較上屆屢形短絀因令復照雍正
十三年比較則所短之數更多自係辦理不善今揚關亦復節年短少且通計短少最甚者惟此三關若因此
而徧及諸關未免窒礙且恐無識之徒疑朕於關稅必欲從其多者相覈實不知朕體恤商民之本意矣若朕
有意於帑項增多則不三次通免天下錢糧其所增益不較此百倍乎又思乾隆二十八年臨清關徵收贏餘
較二十七年短少朕曾諭戶部令與二十五六年再行比較嗣經部臣奏稱該關贏餘之數雖較上屆少銀

三萬餘兩而較之二十五六年尚多銀一萬五千餘兩即予免議蓋稅課贏縮率由於年歲豐歉固難免多
差不齊而通計三年即可得其大概若多寡不甚懸殊原可毋庸過於拘泥此法最爲平允嗣後各關徵收贏
餘數目較上屆短少者俱著與再上兩年復行比較如能較前無缺即可覈准若比上三年均有短少再責令
管關之員賠補彼亦無辭夫朕以雍正十三年爲准者本屬美意今既有此求全之毀嗣後此例不必行會典
事例

四十五年諭各關缺少贏餘稅額定例令其按數賠繳原所以杜侵蝕之弊但如濟寧海揚長蘆等關監督養
廉本優又多留任接管則以其盈積墊補缺少尙可不致賠累然其中有實因商販稀少並非經徵不力者朕
尙爲加恩令其減數著賠至一年報滿之小差養廉本屬無多所值又豐歉不一若以贏餘短少輒令折變房
產既非所以示體恤將來差員轉不免視爲畏途甚或有豫虞賠墊更別生病商累民之事流弊亦不可不防
既以其經理不善量示懲警亦只須將其任內養廉按數追出不准賞給亦足蔽辜嗣後此等一年稅差俱照
此辦理儻監督等恃有此旨輒敢徵多報少則督撫等具有耳目卽當據實嚴參從重治罪會典事例

五十七年諭各省年歲豐登糧價平減商販自然絡繹關稅正當增贏斷無因稔收轉致稅額短絀之理前次
淮揚等關短少贏餘卽以豫東等省因旱漕收豆麥南下者少爲詞今荆關贏餘短少又藉詞於糧價平減船
隻短少則歲繳固絀歲豐亦缺必如何而後可豈司權務者因關稅短少而轉望繳收有是理乎各省督撫皆
受朕厚恩簡任封圻遇有關繫錢糧重務自應各矢天良平日嚴密稽查勿任胥吏舞弊以致虧短或因水旱
不登稍有短絀之處原不妨據實直陳何必藉詞年歲轉成虛飾殊非事君以誠之道嗣後該督撫等於關稅

等務務宜詳慎確駁以資入告勿任屬員朦混稟報率行轉奏會典事例

嘉慶四年上諭關向來各關徵稅於正額之外將盈餘一項比較上三屆徵收最多年分如有不敷即著經徵之員賠補以致司權各員藉端苛斂而賠繳之項仍未能如數完交徒屬有名無實因思各關情形不同所有盈餘數目自應酌中定制以爲駁實而示體恤已於戶部所奏各關盈餘銀數清單內經朕查照往年加多之數分別駁減自此定額之後儻各關每年盈餘於新定之數再有短少即行著落賠補如於定數或有多餘亦即儘收儘解其三年比較之例著永行停止至工部船料竹木等稅除渝關盈餘向無定額及由關等關並無盈餘外其餘亦經分別減定嗣後即一律辦理毋庸再行比較 聖訓

又諭各省管理關務各員自贏餘減定不行比較之後固不得稍有苛收儻遇徵收豐旺之時仍當覈實辦理儘收儘解亦不得以贏餘業經減額將多收稅銀隱匿不報儻經科道覈奏及朕有所訪聞必當從重治罪會典事例

又諭各處關稅贏餘經上年酌量刪減後於定額贏餘之外免其逐年比較以示體卹但司權各員因贏餘定有額數於足額之外未必儘收儘解或任意欺隱藉肥私橐實難保其必無著通諭各處嗣後所徵關稅贏餘銀兩如較新定額數實有增加即當據實報出朕必加恩甄敘儻稍有隱匿徵多報少一經發覺必將該管之員照監守自盜律治罪會典事例

五年上諭內閣上年將關稅盈餘酌加裁減原以體恤行旅加惠商民在各關監督等自當體朕恤商惠民之意不敢於正稅之外復有勒索擾累之事而所派之巡役家人等難保無肆意苛求藉稽查稅務之名妄行勒

捐情弊現在蘆溝橋廣靈門經管稅局人役竟有訛索過往行人銀錢等事業經分別懲治鞏毅之下尙敢如此其餘各直省關稅種種積弊不問可知該監督等所管稅口不止一處於稽查稅務一節不能不另派胥役家人等分任其事務當諄切曉諭不許例外訛索仍應時加察訪嚴行管束以絕弊端嗣後京外各關稅局除隨時密訪外或別經告發或被人指參如再有訛索飯錢擾累商旅等事不獨將所派之巡役家人等從重治罪並將各關監督一體嚴辦示懲不稍寬貸 聖訓

九年諭浙海關酌減盈餘額數著定爲四萬四千兩揚州關酌減盈餘額數著定爲七萬一千兩鳳陽關酌減盈餘額數著定爲一萬七千兩西新關酌減盈餘額數著定爲三萬三千兩九江關酌減盈餘額數著定爲三十六萬七千兩濟甯關酌減盈餘額數著定爲二十五萬兩淮安關酌減盈餘額數著定爲十二萬一千兩其餘各關仍照嘉慶四年盈餘定額徵收會典事例

道光十年諭內閣前因各省關稅每多徵不足額降旨令戶部會同內務府分別功過妥議章程具奏茲據查明各關稅課有歷來有贏無絀及從前間有短絀近年尙能足額及歷屆均屬虧短者請將應徵盈餘銀數以大成作爲額內以四成作爲額外覈其溢額細額分別功過著照所請除歷係有贏無絀各關無庸置議外其歷年缺額及間有缺額各關各按應徵盈餘銀數以六成作爲額內盈餘遇有短少著落賠繳仍按額內盈餘短收分數照舊例議處以四分作爲額外盈餘遇有短少著落賠繳免其處分如應徵盈餘足額之外復有溢收亦按其分數照新定章程給予議敘以昭平允至各關虧短之由固云今昔情形不同然奸商之偷漏繞越丁役之賣放侵吞在所不免該監督等務當嚴加約束認真查察無任仍前弊混並著各該省督撫隨時密爲

查訪如有前項情弊據實嚴參懲辦毋稍徇隱 聖訓

右各關盈餘

一崇文門本門徵稅蘆溝橋東壩板橋海淀設役巡查

一左翼本衙門徵稅安定東直朝陽廣渠左安永定六門設役巡查

一右翼本衙門徵稅德勝西直阜城西便廣寧右安永定七門設役巡查

一坐糧廳稅口通州東西南北四門楊官店洪仁橋浮橋張家灣新河口崔家樓東嶽廟南北鴉房徵收稅銀驛公橋止收糧稅水南設役巡查其稅課仍歸新河報解

一天津關稅口苑口東安永清楊村蒙蔡村河西務王擺張家灣三河獨流海下徵收稅銀東馬頭西馬頭東沽西沽三岔河稍直口楊柳青設役巡查

一山海關稅口本關則大關東西南北四門馬市海口則中後所錦州牛莊蓋州熊岳復州南金州岸口則青河門九官臺松嶺子梨樹溝新開門界嶺冷口鐵門關董家口羅文峪劉家口潘家口橫城九門徵收稅銀喜峯口派委佐雜一員查察徵稅太平寨馬蹄峪桃凌口大毛山義院口箭桿嶺白楊峪白土廠寬灘牛頭岸背陰鋪設役巡查鮑家馬頭尖山子沙河子英納河青堆子大孤山紅旗溝徵收海船商稅

一張家口稅口邊口通橋居庸關徵收稅銀東門南門馬市水門古北口設役巡查

一殺虎口稅口南門河口黃甫川邊口黃甫川城內朔平府東門西門南門北門馬市徵收稅銀靈營口設役巡查

一歸化城總局徵收稅銀東西南北四柵欄派役稽查和林格爾東白塔兒責委文武員弁乘便就近查察漏越其歸化城綏遠城和林格爾托克托城薩拉齊西包頭崑都崙十八家子等處設立蒙古筆帖式二員并將役徵收牲畜稅錢

一奉天牛馬稅差在本處城市徵收稅銀

一盛京鳳凰城中江稅差二八月馬市在中江地方收稅朝鮮人貿易在鳳凰城邊門徵收稅銀

一臨清關稅口德州魏家灣尖塚樊村廠徵收稅銀

一江海關稅口大關劉河吳淞七丁白茆徐六涇福山黃田瀾港孟河任家港小海口呂四石莊施翹河新

開河營沙頭滌缺口黃家港俱徵收稅銀內黃家港稅銀改於過船港徵收仍歸黃家口報解其鄂家港黃家

港支口衙前港天生港龍潭港瀾港支口官河頭小海口支口狼山港大汛港任家港支口俱設役巡查

一濟寧大關福山徐六涇七丁港徵稅崇福竹青龍華望亭烏溪大渲吳塔港南北角新塘長蕩石堰橋南

塘河北塘河猪總巡大浦京汎太湖東灘太湖西灘王莊楊尖毛塘橋嚴塘莊橫塘橋陸墜九里橋許寶市

橋南河橋無錫南橋顧二房廊下上下橋查橋婁齊門宛山蕩荷花池三江營設役巡查

一淮安關稅口天妃口移駐二井地方外河口草灣口永豐口周開口仲莊口廟灣口長山口新河口白洋

口後河口輒東口流均口移駐山陽涇河地方下一鋪徵收稅銀軍餉口清江口上一鋪烏沙河口岸中

漣水溝西灘二場龍王廟高良湖蔣家壩清河縣治裏頭閻孫家堂毛家宅清溝益林魏家灘楊家廟二山

子各河設役巡查海關之廟灣口新溝口臘隴口佃湖口以上四口稅銀原隸江海關奏歸淮安關報解石

口徵收稅銀新河匣子港小關子板溝設役巡查宿關之東關西關徐關鳳隸宿關美陽淮安關
收稅銀馬湖大塘河設役巡查

一揚州關大關由關中開徵收稅銀便益門芒稻河邵伯鎮白塔河儀徵關設役巡查

一龍江工關大關稅口支口六處雙關守口北河守口老鶴夾巡口西江守口龍王廟守口高埭頭守口下

關稅口大勝關稅口河定橋稅口青龍山稅口儀徵稅口查收糧船空重二三月餘撥回支口二處樓樹溝

巡口二套守口東關稅口支口四處梅渚巡口定埠巡口固城巡口七橋巡口芮嘴稅口支口八處塘溝

口小丹陽鎮專巡河北洪藍鋪巡口新橋守口分收芮嘴零星貨稅雙橋渡巡口獅子樹巡口練城溝巡口

亮陡門巡口和州稅口在南門外支口七處赤埭壩守口分收和州零星貨稅石跋河巡口楚下河巡口白

渡橋守口分收和州零星貨稅黃山寺巡口西梁山巡口裕溪河巡口含山稅口在蓮槽鎮支口五處銅城

關守口分收含山零星貨稅青溪專巡河北雍家鎮專巡河北林頭專巡河北東關專巡河北徵收工稅西新

戶關聚齊門守口兼收新關稅課太平門守口兼收新關稅課通濟門守口兼收新關稅課神策門守口兼

收新關稅課洪武門守口朝陽門守口三山門守口石城門守口鳳儀門守口定淮門守口龍潭稅口兼收

工關稅課上方橋係朝陽司驗貨收稅處所新關抽分廠稅口烏江稅口坐落烏江鎮分收和州零星稅課

石磯稅口觀音門稅口浦口稅口江浦稅口王溝稅口趙溝稅口徵收戶稅

一鳳陽關稅口本關正陽鎮臨淮長淮懷遠新城蚌埠州盱眙泗溪青陽鎮移駐避河口符離集徵收稅

銀溜口十里城何家窪舊縣上洪渡夾山口市兒上白龍王廟雉河集二山子明光紅廟雉河口移駐舊紅

南關蔣家壩河口設役巡查其自來橋北塔集西高廟劉家集三界寺桂家營徵收油坊餅稅銀於開榨時
差役巡查

一蕪湖關稅口金桂清弋新莊裕溪泥汊徵收稅銀東河兼收大關零星稅課內河南北浮橋下關櫓港洲
港西江大信裕工設役巡查

一九江關稅口大關姑塘口徵收稅銀龍開河北關清江口老鶴塘八里江白石嘴扶山馬家灣梅家洲龍
華寺設役巡查二套河向有土埂阻截舟楫如遇水漲漫溢臨時相機設法稽登其非水漫之時毋得添派
官役致滋擾累

一贛州稅口東西兩關徵收稅銀本城東西南建春湧金五門儲潭設役巡查

一北新關稅口城中城北江漲臨平西溪安溪東新打鐵鵝音板橋良畝良馬橋司口大家橋徵收稅銀正
陽候潮草橋清泰太平良山武林錢塘湧金清波十門德勝壩新河壩江口赤山埠富陽上陌趙家務知足
天螺螭埠銀杏埠龍口潮神廟千秋嶺設役巡查城南關口二處江面設船巡查其姚石陡門松木古蕩南
北中塘每年縲市派役巡查

一浙海關稅口大關古窰小港湖頭渡象山瀝海頭圍乍浦家子口江埠白橋温州瑞安平陽徵收稅銀鹽
浦邱祥王家路健跳鹽村設役巡查

一閩海關稅口南臺廈門泉州涵江安海鎮山石碼閩安鎮寧德移駐舊嶼沙埕福寧白石司劉五店雲霄
詔安移駐舊鎮鎮楓亭江口港尾渡徵收稅銀館頭江南橋東谷廈門港古浪嶼排頭門石滸玉洲移駐

石美法石馬頭山東石三江小山杜潯羅源鷺嶼牛頭道東冲陳塘港南山邊設役巡查蚶江口止許員役稽查不准科稅

一武昌廠遊湖關徵收稅銀宗關朝關白關漢關紅關設役巡查漢口 每年冬間派役稽查糧船出關即行停撤土壩老虎嘴橋口 每年夏秋水漲派役巡查水退撤回按時派役巡查

一粵海關稅口大關瓊州海口總口潮州總口甲子總口梅葉總口海安總口峽門總口樂會清瀾鋪前陵水崖州沙荖儋州萬州北黎北礮臺荖埠澄海潮陽黃岡東隴靖海神泉烏墩平海汕尾陽江兩家灘雷州廉州欽州江門徵收正稅規銀溪東雙溪汕頭南陽卡路達濠後溪海門烏塘樟林揭石湖東墩頭芷茅隘鋪總巡西礮臺佛山東礮臺黃浦虎門紫泥市橋鎮口徵收規銀稔山飯門白沙博賒南樵對流田頭鋪龜山口大馬頭娘媽閣南灣關設役巡查

一太平關口岸本關遇仙橋沿光廠按日輪收稅銀

一礮關打箭爐稅銀統由本關徵收無稅口

一梧廠潯廠稅銀統由本關徵收無稅口 以上並則例

乾隆六年清查外省關權私增口岸奉 諭旨外省關權皆久經該督撫就近稽查除現設口岸報部有案者照舊設立外其有私行增添之口岸逐一詳查題報應留者留應革者革此番清查之後司權之員若再有違例苛索者胥役巖處官吏嚴參該督撫不行查察經朕訪聞必於該督撫是問至清野北新二處係江浙大關尤為緊要交與楊超曾德浦照此稽察辦理通考

嘉慶十七年奉 諭據百齡奏請令關稅監督派委所屬筆帖式司庫等官分司查報等語各關口徵收稅課例有分設口岸該監督等向來祇派家人長隨前往分駐率同書吏徵收難免串通隱漏以多報少等弊近年課稅短少未必不由於此該省管理關務之江寧蘇州兩織造及淮安關監督衙門各有額設司庫庫使及筆帖式等官該員等品秩雖微究係職官以之分辦公務較為得力嗣後該監督各於所屬內揀員分派所司稅口督同書役家丁驗貨納稅逐日登記報查如書役家丁弊混該員即詳明監督懲辦倘該員等通同舞弊經該監督查出據實參奏重懲設遇錢糧短絀除監督照例罰賠外並將該委員一併議處以嚴稽核而昭責成則例

右各關口岸

順治元年題准專差戶部漢司官一人照例撰給專 勅精微批文會典事例

二年定蕪湖等關抽分例工部奏言蕪湖杭關龍江荊州清江五處每年例抽稅銀計十二萬九千六百三十

一兩四錢有奇請差本部官抽分從之通考

八年戶工二部十九處關津每關專差戶部漢軍官一員督管稅務嗣後增設滿洲官一員漢軍官一員關差

員數遞增書吏多行不法甚至沿河盤貨商賈畏縮不前上深知其弊著仍舊每關設官一員其添設者悉行

裁去通志

十一年題准關差一年為滿凡到任回部均量地遠近限定日期崇文門限前官任滿第二日到任本任滿第

二日回部河西務限六日臨清關二十日淮安關五十日揚州關五十五日西新關六十二日蕪湖關鳳陽關

陽關六十七日濟墅關七十一日北新關九江關八十六日贛關百有十日太平關一百三十五日違者覈參

會典事例

康熙四年恩准各關稅均交地方官管理崇文門歸治中天津關歸天津道龍泉各關口歸井陘道紫荊各關口歸直隸守道臨清關歸東昌道押運廳歸通薊道居庸關歸昌密道西新關歸江鎮道蕪湖歸池太道揚州關歸驛傳道濟甯關歸蘇常道淮安關歸淮海道北新關歸浙江布政使荆關歸荊州府同知九江關歸九江道贛關歸吉南贛道太平橋歸南雄府知府遇仙橋洽光廠歸韶州府知府徵收稅課兩翼張家口殺虎口仍差戶部滿官會典事例

八年戶科給事中蘇拜言關稅一差改隸外府佐貳各官俱有專掌且身為地方官畏懼上司希圖足額必致增派商民請仍差滿漢司官專理乃命以關稅多者簡差各部院賢能司員稅少者交地方官徵收于是定張家口殺虎口照舊差戶部司員濟甯關蕪湖關北新關九江關淮安關太平橋揚州關天津關西新關臨清關簡差各部院滿漢賢能司員其提運廳居庸龍泉紫荊荊州贛州各關仍交地方官管明年裁江南西新關戶部差併歸龍江關工部江南蕪湖關工部差歸併本關戶部通志

又定部員關差掣籤例戶部議覆御史黃敬璣疏言各省關差缺出於部曹中選用賢能止可為一時破格之舉行之既久恐有營求之弊請照舊例換資俸掣籤應如所請關差缺出將六部俸深官員咨送掣籤其差過之員不准重差從之通考

十一年更定關差員數減戶部工部關差員數照鹽差例不論滿洲漢軍漢人序俸掣籤每關差司官一員筆

帖式一風通考

十三年以江南鳳陽等三處倉關事務歸併地方官管理江南總督阿席熙疏言鳳陽倉額稅本折錢糧歸併鳳陽府知府管理正陽關稅歸併通判管理臨淮關稅發大使征收停差部員部議應如所請得旨允行通

考

十六年題准各關額稅銀二萬兩以上者仍照前例議敘萬兩以上者額稅全完紀錄一次溢額半分以上加一級一分以上加二級一分半以上加三級二分以上加四級三分以上以應陞先用數多者遞准加級會典

事例

十七年定關稅足額者不准議敘會典事例

二十三年覆准六部司官仍照前差遺外其餘衙門應均分差遺宗人府理事官副理事官主事內閣侍讀起居注主事都察院經歷都事共四十二人作一分督捕郎中員外郎主事太僕寺員外郎共五十人作一分理藩院郎中員外郎主事大理寺寺正光祿寺署正共五十七人作一分各照六部司官論俸差遺其各衙門筆帖式亦應均差以吏科國子監歸吏帖部額內共筆帖式一百十有三人太常寺鴻臚寺戶科中書科登聞鼓院歸禮部額內共筆帖式一百十有六人鑾儀衛起馬注歸兵部額內共筆帖式一百十有四人內閣中書歸宗人府額內共一百三十人大理寺光祿寺禮科兵科詹事府通政使司欽天監歸理藩院額內共筆帖式一百五十人太僕寺刑科工科翰林院歸督捕額內共筆帖式一百五十一人都察院歸工部額內共筆帖式一百三十九人亦按年分差遺會典事例

二十五年停止抽稅溢額議敘之例先是康熙四年罷抽稅溢額議敘之例至十四年題准各關欠不及半分者一級留任餘照前例全完者紀錄一次溢額每千兩者加一級至五千兩以上者以應陸缺先用十六年題准各關額稅二萬兩以下者仍照前議敘二萬兩以上者額稅全完紀錄一次溢額半分以上加一級一分以上加二級一分半以上加三級二分以上加四級三分以上以應陸缺先用數多者遞准加級十七年定關稅足額者不准議敘至是 上以各關差苛取溢額希圖議敘而採買銅勛價值不敷恐累商人令大學士等傳集舊任關差各員問明四季造冊送部果否有益據舊任關差各官並稱部定銅勛價值六分不敷採買其各差造冊四季報部不如改令差滿之日一并彙送奉 諭旨國家設關權稅必征輸無弊出入有經庶百物流通民生饒裕近來各關差官不恪遵定例任意征收託言辦銅價值浮多四季解冊需費將商人親填部冊改換塗飾既已充肥私橐更圖溢額議敘重困商民無裨國計朕思商民皆我赤子何忍使之苦累今欲除害去弊必須易轍改絃所有見行例收稅溢額卽陞加級紀錄應行停止其採辦銅勛定價既已不敷作何酌議增加其四季達部冊籍應俟差滿一次彙報嗣後務令各差潔己奉公實心釐剔以副朕體下恤商至意如或仍前濫征侵隱藐玩不悛作何加等治罪至銅價既議加給額稅應否量增俱著九卿詹事科道詳議具奏尋議關差各官希圖議敘託言銅價浮多不遵定例任意苛征今酌議加增銅價俾其議敘卽於各關部定則例原額外酌量與派著爲定額以爲採買之費以康熙二十四年爲始如有例外苛索征多報少將商人親填簿單捏造改易被參察出從重治罪至見在關差各官雖有溢額俱不准議敘并停其四季所報部科簿單總候任滿彙報從之通考

又 敕關差缺額處分御史教拜條奏關差缺額處分例輕以致拖欠日重應嚴定處分則例並賠補限期
上曰關差缺額處分自有定例若法令太嚴必致苦累商賈所奏無益不准行通考

三十年覆准在京內外共關差二十六處左右兩翼張家口殺虎口古北口掃桃口六處不差漢官崇文門等

二十差應差各部院衙門滿漢官將多寡數目計算勻差內務府官照前作二分漢官作二分各部院衙門滿

洲蒙古漢軍司官及筆帖式按八旗作八分每次將俸深官各咨取二人公同契覈差遣會典事例

五十五年議准嗣後各省關差一年差滿缺欠錢糧題請展限補缺額者交與該部照溺職例革職其所欠銀

交與該旗著落家產追賠如有遲滯不將任滿回京日期於兩月前具呈考察及收稅冊籍不交納者將出差

官暫停陞轉俟考察具題完日方許照常陞用會典事例

六十一年敕各省稅務悉交地方官監收總理事務王大臣奉 諭旨往年稅差官員公弊無虧而羨餘又足

養贍家口兼及親族近日則不然率多虧帑獲罪公私均屬無益 皇考洞鑒其故每將稅務交與地方官督

理各省已居其半嗣後稅務悉交地方官監收歲額之外所有羨餘該撫奏聞起解應賞給者再行賞給至雍

正元年正月戶部等衙門議定濟甯揚州龍江蕪湖湖口蕪關太平橋粵海閩海等九關稅務應照淮安天津

等關例交與各該撫令地方官兼管從之通考

雍正元年諭嗣後稅務交與地方官監收於錢糧地方均有裨益著議奏欽此遵 旨議定淮安等九關均交

與巡撫委官兼理外嗣後九江濟甯揚州西新蕪湖太平橋粵海浙海九關停其遣官亦交與該撫令地方官

兼管所收稅銀照例解部崇文門無地方官可交仍差內務府官山海關差仍將部員論俸開列左右兩翼古

北口潘桃口殺虎口 盛京渾河即胡納胡河等處均係小差仍照例差遣部員會典事例

五年奉 旨收稅監督差於六部官員內操守好者每部保送一員內務府保送一員會典事例

十二年令直省督撫稽察各關權務奉 諭旨直省關稅監督於地方官原不相統轄一切呼應不靈而大小口岸甚多監督一人勢難分身兼顧雖選委書役公同親信家人稽查收放而地方文武各員以爲無與已事並不協力或轉挾私意則姦商之隱漏地棍之把持督撫或不關心監督動則掣肘不獨於稅務無補卽於地方亦難免擾累嗣後凡有監督各關著該督撫兼管所屬口岸飭令該地方文武各官不時巡查如有縱容滋擾情弊聽該督撫參處至監督徵收稅課及一切應行事宜仍照舊例遵行不必聽督撫節制如此庶既有專司仍無歧視於稅課商民似均有裨益嗣據監督毛克明奏稱粵東海關地面遼闊事務繁多洋商胥吏以及地方勢豪引誘串通弊端百出監督一官難於稽查防範不若就近歸於督撫兼管則通省文武軍民均受統屬節制不敢欺公玩法再令京員掌管監督印信監收錢糧則稅務肅清而弊端可杜疏上照所請行通考

乾隆二年以臺臣條奏各省稅務宣示內外臣工奉 諭旨御史舒赫德奏請將各省稅務歸併旗員管理不知國家設立關隘原以查察奸宄利益商民並非爲收稅之員身家之計也若以旗員貧乏而差遣之是導之使貪矣朕日以砥礪廉隅訓勉臣工尙恐其不能遵奉而可以謀利之見爲之導乎且各省委辦稅務率多道府等官並無滿漢之別如滿洲有任道府而廉潔自愛者何嘗不可派委而必定以爲例乎朕御極之初圖理探問以此奏總理事務王大臣亦以爲可行朕並未俞允後此陳奏者紛紛朕概不准行亦未交議今舒赫德又條奏及此可將朕旨宣示於外使咸知朕意通考

十二年奏准凡崇文門左右兩翼張家口殺虎口山海關等處稅差例係宗人府六部各保一人內務府保送二人同入旗內府俸深官一併開列題請 簡用至用完保送之人再行各衙門咨取惟是稅有大小各官才具不同嗣後若保送官用至剩二三人時除所剩人員衙門無庸咨取外應行文別衙門令其保送俟各關差滿一併開列引 見會典事例

十五年奏准各關管理稅務無論兩任三任均令扣足一年為滿其管關一年零數月者將一年贏餘奏報零月歸於下屆統俟扣足一年再行彙奏其各任所徵贏餘較之成數無虧及此任徵多能抵補彼任短少者均無庸議備彼任短少而此任所餘之數不能抵補者止將短少之員諍處如各任所徵銀數皆少者皆照例議處如前任所徵稅課果係實力稽查儘收儘解令接任之員出具並無捏飾印結送部其已經出結以後接任不得復將短少緣由推諉前任備接任官員查出前任果有徵多報少侵蝕等弊即據實參奏如扶同徇隱發覺將出結之員一併交部議處 見會典事例

二十七年諭嗣後各關差委筆帖式三年期滿即送內務府帶領引見候朕降旨酌量留京分別錄用所需接委人員仍由內務府另揀奏明更換為令 見會典事例

三十三年諭各省關稅務及織造兼管者皆經朕簡派前往並無管轄大員若尋常稅口由各該衙門保送司員引見派往者該堂官相屬既違無從查察自應另派所在大員兼管留心稽覈以重責成如該監督有侵蝕情弊參處後不能完項者即著落該管大員代賠嗣後如何派令大員就近兼管及設法稽查之處著各該衙門詳晰定擬具奏欽此遵 旨詳定各關稅課除例係各該將軍督撫鹽政織造管班及 特旨簡派專員前往

管理者毋庸另議至山海關張家口八溝塔子溝三座塔烏蘭哈達多倫諾爾交直隸總督兼管稽查虎口歸化城交山西巡撫兼管稽查 盛京牛馬稅中江稅二處交 盛京戶部侍郎兼管稽查坐落廳交倉場侍郎兼管稽查打箭爐交四川總督兼管稽查荆關交湖廣總督兼管稽查會典事例

三十五年諭向來各省鹽政關差一年任滿例由該部院題請更換而關差內間有自行奏請並不經部辦理者究非體制嗣後除將軍督撫鹽政織造兼管各關仍由該將軍等照例自行題奏外其九江粵海等關將屆一年期滿並著一體報部聽該衙門具題請旨著為令會典事例

三十八年覆准嗣後關差精微批文永行停止各關監督應給 勅書者由戶部請給仍給與劄付令其赴任由外調任之員止具文請領 勅書向例不請 勅書者均一體給劄會典事例

四十五年諭向來各部院司員保送稅差等項每有將曾經得差人員未隔數年復行保送不知在京滿漢司員人數本多此等得項較優之差自應令其均霑普及若出差未久復予保送則從未得差者未免多有向隅嗣後保送此等差使之司員其已經派過者著於十年後方准再送如堂官等違例濫混保送經朕查出及被人參奏卽照徇庇例議處著為令會典事例

又 諭向來荆關打箭爐兩處征收稅務俱派部院司員前往管理一年報滿更換但派往之員人地生疎又或經理不善往往易致缺額按例既不可不令其賠補而該員等因一二年小差以致折變房屋賠繳官項非所以示體恤雖該員等賠項每加恩豁免而於帑項公務究屬無濟所有此兩處稅務由京派員前往之處竟可不必其業經派往者俱著撤回嗣後著交該督撫照臨清等關之例派委委員奏明管理會典事例

咸豐十年諭內閣戶部奏監督交代與例不符等語各關監督定例以一年為期其未及一年離任者所有徵收稅項交後任接徵扣至一年期滿分晰彙報山海關監督烏勒洪額因前任監督未滿一年輒以抵任日期起算覈與定例不符且關期與任期不同烏勒洪額擅自更張殊屬不合著交部議處仍令照例接徵扣至一年期滿分晰徵收數目覈實奏報以符定例 聖訓

右各省關差

京師九門以外開設鋪面者分別等則令大興宛平二縣徵收稅課戶給由單按季完納如有新開者令地總隨時報縣給單歇業者卽行繳銷倘有徵多報少情弊查出參處九門以內鋪戶供潑水墊道之役不徵稅課 則例

康熙二十八年題准江甯民間鋪面歲輸房號廊鈔等銀悉行豁免會典事例

乾隆十七年停止大宛二縣鋪面行稅三年編審之例改爲按年徵收戶部議覆直隸總督方觀承等奏稱大興宛平二縣鋪面行稅舊例分別上中二戶按則徵收三年編審一次原以杜隱漏之弊惟是編定之後如遇該年鋪面減少則將下戶陞作中戶中戶陞作上戶加徵稅銀以符前數商民不無苦累如遇該年鋪面增多稅亦因之而多而報解仍止此數徒供官吏之侵蝕欲行稅之徵收皆歸實在誠莫若於鋪面之開閉隨時考核應請於每年二月令該二縣將各行鋪親身查點一次分別資本充裕者列爲上戶照例歲徵銀五兩稍次者列爲中戶照例歲徵銀二兩五錢並於由單內填註明白地方官祇須按鋪給單按單收稅無俟假手吏胥紛紛查報應如所請從之 通考

二十八年將軍明瑞奏准伊犁商民來集漸多城外尋地自備修房按照房間大小定數收稅頭等房每間三錢二等房每間二錢三等房每間一錢嗣於二十七年將軍舒赫德具奏酌定條規摺內一鋪房稅契宜變通立法刊刻契紙編行以資查考一買賣房產宜設立房牙責成查考一現在所有白契應示諭盡行呈官請稅各款當經軍機大臣議准施行迄今鋪店房間開闢無常每年約徵銀一萬二三千兩零多寡不等 新疆識

略

又定哈喇沙爾地方鋪面收稅例駐劄哈喇沙爾大臣達桑阿奏該處商民開設鋪面共四十間量大小作為三等收稅從之通考

嘉慶十年議准烏里雅蘇台科布多塔密爾二處鋪房如有開閉及租銀增減按月報部備查會典事例咸豐六年諭軍機大臣等慶祺等奏會籌商戶日捐試辦情形請飭吉林籌辦一摺盛京兵餉待用孔殷庫款支絀該將軍等見擬商賈鋪戶則量其生意大小分析等第按戶逐日捐東錢數十文至一千餘文不等兩月以來辦理已有成效此項捐輸本屬權宜之計既據該將軍等奏稱該商樂從自應照擬辦理俾盛京兵餉稍資接濟惟不可稍有抑勒致拂輿情總期商賈樂輸庶可行之久遠東華續錄 互見內地釐金

附錄同治年間給事中王憲成請裁戶捐鋪捐片軍興以來需餉浩煩設立各項捐輸名目其取之民者若釐捐若戶捐若鋪捐幾於竭澤而漁今江省肅清而瘡痍滿目子遺之民尙未復業要在去其疾苦而予以生機故近日廷臣有裁撤各省分設釐局之奏夫釐局分設卡座星羅棋布害及行旅害不及屠者也若戶捐則計畝捐錢鋪捐則換鋪捐錢委員旁午期限促迫無不受其害者在軍務喫緊之時勢非得

已且地方未遭兵燹民力尙可勉強支持若經賊寇擾之後農田多半荒蕪牛種均須措辦而猶計畝捐錢析及錙銖窮民其何以堪是戶捐不可不裁也至於蕩析離居之衆甫歸田里屋宇草創開設鋪面生意甚微如仍挨鋪捐錢多方剝削諸物益加昂貴民間度日更覺艱難是鋪捐不可不裁也蓋戶捐鋪捐之當裁更急於釐捐矣可否 飭下部臣核議以蘇民困伏候聖裁 卹鈔

右鋪面稅 戶捐附

一甯省徵收落地稅銀在府州縣城內者照例徵收其在鄉鎮村落者全行禁革經徵各官有於額外苛索及將已經禁革之稅私徵累民者從重治罪

一甯省徵收落地稅銀均令將應徵稅則條款於收稅處所刊刻木榜懸示通衢並將已革之稅概行刊榜曉諭

一山東省濟南等府屬徵收商茶課程牛驢牙雜稅銀德州濟寧州徵收落地稅銀儘收儘解

一山西省壽陽縣張淨鎮段王邨冀木邨下廂邨段照邨定襄縣芳蘭鎮緞布疋棉花木板油勛鐵勛及在城貨物照例抽收

一河南省各屬額徵老稅牙帖稅銀其有行戶歇業者卽行開除

一江西省豐城餘干建昌德化四縣均徵牙行牛稅新建鄱陽餘干浮梁德化五縣均徵牙稅吉安等處盈餘銀除裁減外其餘照舊徵收牙行鋪戶消乏隨時減除

一福建省上杭縣河稅每年額徵銀三千二十二兩有奇遇閏加增歸入閩竹稅款徵收

一浙江省温州府屬每年額徵落地稅銀二百七十六兩一錢七分四釐有奇盈餘儘收儘解温州郡城關
廂徵收青靛紅糖明礬香菸紅花柏油釘鐵煙葉綢緞花布板木稅銀儘收儘解處州府屬額徵落地稅銀
一百一十二兩五錢七分有奇盈餘儘收儘解龍泉縣下河口額徵銀四百兩濟橋額徵銀二百三十兩盈
餘儘收儘解

一湖北省安陸府府市及大鄉鎮豐樂河轉斗灣石碑洋梓路楊集鄒家嘴朱家埠舊口草廟丁公廟龔家
集唐港茶園屯多寶灣永隆河南河下洋港沙洋李家市后港石灰橋馬良積玉口小江湖開口灘口聶家
灘等二十七處荊州府城內外沙市草市襄陽府樊城鄖陽府西關徵收落地稅銀儘收儘解

一四川省徵收落地過道稅銀儘收儘解廣元縣商販活豬稅銀照舊徵收

一雲南省普洱武定麗江三府額徵普洱茶武定杉板麗江茶引照舊徵收

一貴州省貴陽興義等各府州屬茶烟黑香木耳花椒籐篾數至百斤者照例徵收遵義府過關牲畜仍有
抽稅釐稅儘收儘解遵義修文過渡抽稅不得兩岸重徵以上並則例

順治二年禁革陝西省落地稅銀通考

四年議准嚴禁州縣借落地稅銀名色及勢宦土豪不肖有司設立津頭牙店擅科私稅會典事例

康熙二十年覆准閩安落地稅令福州府同知徵收會典事例 互見閩安關

雍正四年題准各省地方落地稅銀交與各該撫除每年徵收正額外果有贏餘儘數報部會典事例

七年以核實落地稅銀申飭各省大小臣工奉 諭旨朕卽位以來屢有臣工條奏各處地方官征收落地稅

銀交公者甚少所有盈餘皆入私囊雍正三年又有人條奏廣西梧州一年收稅銀四五萬兩銀一萬一千八百兩潯州一年收稅銀二萬兩止解正項銀二千六百兩應令該撫查核據實抽收稅銀之處俱據實奏報等語隨經九卿議令各省督撫遴委幹員監收一年之後視其盈旨朕思孟子言治國之道首稱取於民有制所謂有制者卽一定額征之數也若課稅之屬無則官吏得以高下其手而閭閻無所遵循卽如從前各處稅課經地方官征收有於解額之外至數十倍者既無一定之章程則多寡可以任意其弊不可勝言屬員既已貪取上司必至苛私胥吏必至橫索日積月累漸有增加之勢豈非生民之隱患乎朕是以允從條奏所請及九督撫委員監收以定科則其征收不及舊額者亦令奏聞降旨裁減年來報出盈餘之處朕皆作各官養廉之需或爲百姓公事之用使官員用度有賴自不妄取民財使地方公用有資卽非以小民財物仍用之於民間不令飽貪官汚吏之慾壑而已乃聞外省中多有奉行不善者之善政而庸劣有司借歸公之名或肥身養家或爭多鬪勝以致肩挑背負之微物皆征收稅又不悉心稽查民間苦於擾累自諭到通行之後倘仍有如此者必從重治罪決不寬貸通考八年前上諭向來各處落地稅銀大半爲地方官吏侵漁入己是以定例報出稅銀四百兩者准報漸多吏部請旨定議報出稅銀八百兩者准加一級多者以此計算年來地方官員皆知守課皆隨收隨報不敢侵隱其報出之數每倍於舊額祇恐將來不無冀倖效之之人希圖優敘擾累小民且落地稅銀非正項錢糧有一定之數可比侵蝕隱匿者固當加以處分而爭多鬪

議敘亦當與以處分其作何定議並如何議敘加級處分之處著吏部戶部悉心妥議具奏雍正內閣 上諭
十三年奉 旨朕聞各省地方於關稅雜稅外更有落地稅之名凡緩鋤箕帚薪炭魚蝦蔬菜之屬其值無幾
必查明上稅方許交易且販於東市既已納課貨於西市又復重征至於鄉村僻遠之地有司耳目所不及或
差胥役征收或令牙行總繳其交官者甚微不過飽姦胥吏之私窠而細民已重受其擾矣著通行內外各
省凡市集落地稅其在府州縣城內人煙湊集貿易衆多且官員易於稽查者照舊征收不許額外苛索亦不
許重複征收若在鄉鎮村落則全行禁革不許貪官汙吏假借名色巧取一文著該督撫將如何裁革禁約之
處詳造細冊報部查核倘奉旨之後仍有不實心奉行暗藏弊竇者朕必將有司從重治罪該督撫並加嚴議
此旨可令各省刊刻頒布務令遠鄉僻壤之民共知之嗣以淮關監督年希堯於徐州所屬四縣之落地稅例
應地方官征收者改爲關額征收私添稅口并市集買賣微物亦勒令上稅得 旨交該督撫嚴查究審并飭
行查明該縣落地稅之應征者歸地方官征收應革除者仍卽遵 旨革除通考

乾隆四十一年議准山東每年徵收落地商稅銀萬一千四十一兩七錢有奇會典事例

又議准四川每年額徵落地過道稅銀二萬三千五百二十九兩有奇會典事例

同治二年兩江總督曾國藩奏咸豐十一年十二月接准戶部來咨廣東巡撫覺羅耆齡奏抽收茶葉落地稅

一案經該部核議具奏請 旨奏飭下湖南湖北江蘇安徽江西浙江福建各督撫詳細查明各本省產茶
及設立茶莊處所妥議章程奏明辦理奉 旨依議欽此並鈔錄原奏咨照到臣查江西自咸豐九年詳定
章程分別茶釐茶捐兩宗每茶百斤除境內抽釐銀二錢出境又抽釐銀一錢五分有零外向於產茶及設

立茶莊處所勸辦茶捐每茶百斤捐銀一兩四錢或一兩二錢不等填給收單准照籌餉事例彙齊請獎歷經分別辦理在案臣於咸豐十年五月將江西全省釐務奏明充臣軍餉仍照舊章辦理因捐釐銀數既多如再徵收落地稅民力恐有未逮此遲遲未辦之緣由也本年三月二十二日據九江關署監督蔡錦青詳稱遵照戶部奏准飭將鹽茶竹木四項統徵關稅已於三月二十日啟徵等情前來臣查江西茶葉運至九江有洋商華商之分洋商既完子口半稅固不抽釐華商既納潯關正稅亦未便再令完釐而茶捐一事多不請獎全係移獎戚友流弊百出是釐捐二者均不能不改弦更張應照戶部奏准章程徵收落地稅臣即於六月初一日刊發告示於義寧州開辦落地稅新章惟原奏內稱大箱淨茶六十七斤徵收稅銀一兩四錢二五箱淨茶二十五斤徵收稅銀七錢未經揉細之茶胚每百斤徵稅銀一兩四錢等因科則稍重臣復分別核減參酌茶捐向章定以每茶百斤義寧州等處徵銀一兩四錢河口鎮徵銀一兩二錢五分概充臣營軍餉由臣刊發稅單護票委員經收或業戶自行完納或茶莊代為完稅領單及至茶葉發販時統由茶莊繳銷稅單華商換給護票洋商即憑運照販至各處銷售除華商完納九江關稅洋商完納子口半稅外經過江西安徽各卡驗明放行概不准需索絲毫資費如此辦理與戶部之原奏總理衙門之條約一一符合稅單雖係茶莊經手稅銀實係業戶所出與商販絕不相干洋商不得藉口於子口半稅而禁中國之業戶不完中國之地稅華商既免逢卡抽釐亦免致紛紛私買運照冒充洋商似不失為持平之道所有江西遵辦茶葉落地稅緣由謹會同江西撫臣沈葆楨附片駁奏會文正公奏稿 互見茶法

右落地稅

卷終

皇朝政典類纂卷九十

征權八

關稅禁令 免稅

一江蘇省海州沐陽出產黃豆等貨概不准從青口行走繞由海運責令海州沐陽文武員弁輪赴青口同

淮關監督派役巡查

一安徽省鳳陽潁州一帶出產豆餅例應由洪澤湖載運南來赴淮關投稅毋許徑走臨淮關抄路南下巧

避漏稅淮關監督遴派妥役渡湖巡查以杜越漏

一江蘇省丹陽常州無錫等處路通太湖南北往來雜貨從此偷越各該地方官幫同濬縣關監督一體查

擊究治

一豫東販赴蘇松一帶銷賣之豆雜等貨例由濬縣關緝稅其有由甘泉縣之六間盤入通州泰州內河繞

至滕家壩等處分割出江并從通州泰州鹽河之任家港出口直達上海及販進京口之貨物繞至江陰縣

之黃田港出口直至上海希圖漏稅者均令各該地方官稽查嚴禁并於黃田港添設巡船駐守緝查毋得

隱漏

一重運糧船拭滯整關向不籤查押運員弁齊帶印票按船准帶土宜貨物一百五十擔之數掛驗不准逾

額多裝賣成運弁嚴禁丁舵人等不許包攬偷漏查出官參丁處

一商貨須直赴關口按例輸稅陸路不許遠避別口水路不得私走支河若有船戶夥夫包送希圖漏稅等

將奸商船戶等分別究治地方官並予議處

一怡克圖庫倫等處商販皮張及牛羊馱馬令多倫諾爾同知查請明白於票內註明赴張家口照例納稅
進關不准違越古北口致滋透漏若並非商販只帶馬數匹羊數隻進古北口者聽其自便亦不得概行禁
阻

一江北江廣江寧等處貨船赴蘇杭者均進京口歸滄壁關報稅福建浙江關東錦州山東登萊等處貨船
及本省通州土物由海對渡者均進劉河上海等口歸江海關報稅倘有將應赴滄關貨物繞道由海關納
稅者查出治罪

一閩廣江西貨船從長江直下蘇州松江等處者令赴北新關報稅蘇州松江等處商客載貨往閩廣等處
者北新浙海二關任其投納稅銀若從海關澈浦納稅過蔡子門從長江行走者北新關不得重稅倘奸商
偷過應行之路查獲從重治罪

一六合縣額設驛行八戶江浦縣額設驛行四十二戶不准額外添設如有於額設驛行之外私行添設及
勾串大宗船貨違例盤陸北上偷漏正稅者嚴拏究治

一廣東省商漁船出口由道府派委幹員查驗如有私夾帶米糧火藥出口者即行會同拏解該州縣審
辦仍將委員優加獎勵如有得賄縱漏及在令家人跟役等藉端訛詐擾累及本地無賴民人誣捏挾仇首
告一經查出即行加倍懲治

一青海蒙古在西寧及丹噶爾口置買鐵鍋鐵鐵杓等器併耕種犁頭鞍轡什件令將所買數目報明該

處將弁及辦理青海事務大員查核填明照票聽其出口數多者酌量減除

一玉舒等處番人准置買鍋犁其餘鐵器一概禁止

一殺虎口張家口商民攜帶鐵鍋農具日用之物准其出口令各該監督於到口時詳細查明按則徵稅將名色件數填註票內令該商持票赴口驗放若守口員弁勒指刁難該監督卽行查報至廢鐵料有關打造軍器者仍行嚴禁

一商夷船隻將內地黃金紅黃銅筋銅器私取出洋者照鐵貨私出外洋律治罪關汛文武員弁失察者該處賄縱者治罪若官弁兵役借端勒指一併分別議處治罪

一凡鐵筋鐵貨廢鐵令海關監督嚴禁出洋其有變賣與商漁船隻潛出外洋者照筋數多寡分別治罪沿海文武員弁奉行不力及徇私故縱者議處沿邊近邊各關隘俱照此一律辦理若係內地商民轉相買賣地方文武員弁及關津兵弁借端索詐計贓治罪

一各處洋船出口准帶煮食鐵鍋其有額外多帶鐵鍋出洋者照廢鐵出洋例治罪沿海樵採船隻每船止准帶鐵鍋一口每人止准帶斧筋一把在船人數不得過拾人令地方官於照內註明出入查驗若有夾帶出口及進口缺少者均嚴行究治官役徇縱一併究處

一商人販運貂皮等物經過關口應納稅者照例納稅應查驗者驗明放行遇有隱匿私越者照例治罪物件入官守口員弁亦不得違例率掣致擾商旅

一密古塔地方商人貿易皮張俱令報明該處都統填給照票過關時聽官查驗照例納稅隱匿私越者從

重治罪物件入官

一客商漏稅照律治罪貨物一半入官若所漏之稅爲數無多分別議罰免其究治 天津關按稅罰三倍
滄州關照稅倍罰 淮安關漏稅者每貨百石簽多五石者只令補足正稅免其加罰簽多十石以上者
除補足正稅外仍罰一倍多二罰二多三罰三 北新關凡鄉民攜帶零星應稅貨物稅銀不過數分至一
錢有餘者令其補納正稅或量罰一二倍 閩海關所漏之稅止數錢至一兩者倍罰其稅一兩以上至三
兩者三倍其稅三兩至五兩者五倍其稅五兩以上者照律辦理 粵海關核計正稅在五錢以上者加罰
一倍一兩以上者加罰兩倍二兩以上者加罰三倍三兩以上者加罰四倍四兩以上者加罰五倍五兩以
上者將貨物一半入官充公一半補稅如走漏免單摺雜等貨核計銀數在五錢以下者止令完納正數若
在五錢以上者均加罰一倍

一海船到岸即將貨物盡實報官抽分若停歇不報及雖報而不盡不實者分別治罪貨物入官

一凡商賈到關先取官沿號單備開貨物憑官引引照貨起稅如到關不引引者同匿稅法

一嘉峪關玉石漏稅核計正稅在五錢以上者加罰一倍一兩以上者加罰兩倍二兩以上者加罰三倍三
兩以上者加罰四倍四兩以上者加罰五倍五兩以上者將貨物一半入官一半補稅若銀數在五錢以下
者止令完納正稅免其加罰

一崇文門商人漏稅視其價值輕重酌加四五倍議罰或遇有積慣犯私屢次犯案者加至二十倍爲止以
上並則例

天命十一年定漏稅私商之罪奉 諭旨通商爲市國家經費所出應任其交易漏稅者罪之若往外國交易亦當告知諸員勒私往者罪之通考

順治六年嚴禁各關差收稅例外多徵戶部奉 諭旨設關徵稅原寓譏察奸宄之意非專與商賈較錙銖也爾部行文各關滿漢官員以後俱照原定則例起稅如有徇情權貴放免船隻乃於商船增收或希充私案例外多徵以病商民者一經查出定行重處通考

九年題准各關差不許留用保家委官等項名色會典事例

十年題准禁關役包攬報單會典事例

十一年覆准各關納銀數多給票數少者許商民首告議處會典事例

十三年題准巡關船如有指稱內外官及旗下人夾帶私貨者該關官報部參處會典事例

康熙二年定盤詰糧船關口地方戶部議撥漕運總督林起龍條奏漕運重船原令各關盤詰夾帶私貨但關口甚多處處盤詰必多誤運應如所請止於儀真瓜州淮安濟寧天津等五處地方嚴加盤查又運丁舊例每船許帶土宜六十石恐南北關司概作私貨查每船土宜載在議單應仍許帶以恤運丁勞苦從之通考

四年題准各關不許復用舊役會典事例

又嚴禁各關違例收稅及遲延捐勒之弊奉 諭旨各省關鈔之設原期通商利民以資國用近聞各處收稅官員巧立名色另設戥秤於定額之外恣意多索或藉稱漏稅挾詐過往商民或將民間日用瑣細之物及衣服等類原不抽稅者亦違例收稅或商賈已經報稅不令過關故意遲延捐勒遂其貪心弊端甚多難以枚舉

嗣後凡地方收稅官員俱著洗心滌慮恪遵法紀如有前項情弊在內科道官在外督撫嚴察參奏從重治罪如督撫不行參奏別經首發卽治該督撫以徇縱之罪通考

十一年副都御史李贊元奏竊惟 國家取民原有定制故田賦而外設有關稅固所以取商賈以資正供亦所以抑逐末而稽奸宄斷未有市民交易非與販而亦稅及織毫者也我 皇上夙夜靡違日以加惠元元爲念蠲租有 詔私征有禁近且以墾荒定以十年起租是於正供之中亦時寓一存恤至意乃有不奉經制借名科斂積棍滋其擾害竊役恣其賤削事若相習害乃爲大敢爲我 皇上切陳之臣查權關之設也稅課稅務諸司皆征其本地出產與夫興販雜貨或船裝車載或列肆造作原係商賈自當遵例輸助 國用至若日中爲市各相交易所賣者不過布帛菽粟是其口食雞豚牛驢是其蓄養卽布帛花絹以及蔬菓等項無非肩挑背負圖升合以餬口初非營營逐末興販者可比乃有奸民惡棍串通衙蠹借雜稅名色在於該地方官賄營行帖執照有所爲斗子秤子牙行經紀集頭保長等項名雖不一大率以硃票印信爲護身符券凡民間斗米耕牛隻雞尺布無不擄取用錄以故落地有稅空舟有稅甚至於搜囊發篋且遍及於窮鄉下邑茶儲固所不免屠戶亦在必征究竟雜稅報上儘有幾何而窮民之膏髓罄銖不遺稍有不遂卽指爲漏稅誰復敢起而與之辨論者近日山東巡撫張鳳儀疏參魚台知縣談紹泰貪婪三款而沿途盤索客貨科斂稅銀已居其二則其未見之奏章者又不知其凡幾矣昔王安石以呂嘉問爲市易使行坊郭錢白地錢等法鄧俠謂其察及雞豚負水給薪擔粥提茶皆遭荼毒垂之史册亦足爲戒況乎不奉 朝廷明例敢於借名行私官役通同棍蠹交橫故其弊牢固而莫可解彼此盤結而不得上達聞有上官出示嚴禁

亦不過以照額征收爲詞而亦未得悉知其擾害至此也昔曹參入代蕭何屬其舍人曰勿擾吾獄市事雖行於一方未始不可行之於天下言雖出於一時未始不可行之於後世方今刑獄繁令商賈義 皇上再三慎重獄情濫而市廛井里之大害尤當嚴爲釐剔者也查故明洪武諭戶部言奸臣稅天下貨物及於織未朕甚恥焉自今凡軍民嫁娶祭祀臘迎送儀物及自織造染練布帛與買已稅之物雜具擔挑蔬菜魚肉果食非與販者毋得稅此在已征者尙思禁革況我 國家原未定稅及此安可聽其公行兩國忌耶邇來裁併關隘省革差餘無非爲商民受累而直省各官役人人可以抽稅處處可以爲關不幾大冒我皇上愛民恤商之感心乎伏乞 勅部嚴行在內在外痛禁前弊凡服食器用等項非係與販者不得借名苛索除鄉村應役地方外再有私給行帖執照擾害百姓者發覺之日官作何處分役作何究治嚴定條例務使市肆不擾細民安業無吁嘆愁嗟之聲有優游作息之樂 皇恩普被又不獨在民間貿易已也

文編

十二年禁直隸各省官吏無得私稅市貨通考

二十八年嚴飭各處權關毋得稽留商民奉 諭旨朕舟行所至諮詢過關商民每不難於輸納額稅而以稽留關次不能速過爲苦權關官員理宜遵奉屢頒諭旨恤商惠民豈可反貽之累自今應力除積弊凡商民抵關交納正稅卽與放行毋得稽留苛勒以紓苦累違者定行從重處分通考

四十九年諭各關請展限者甚多此皆伊等圖利並無益於公事此後將題請展限者永行停止如有題請者

該部嚴察議奏會典事例

皇朝政典類編 卷九十七 征權八 關稅

五十五年嚴各關監督題請展限之禁戶部題奏定例各關監督一年限滿更替邇來以錢糧虧空爲辭題請展限者甚多嗣後有似此者請照溺職例革職從之通考

雍正元年諭各關差官員國家之設關稅所以通商而非以累商所以便民而非以病民也朕撫御寰區加惠黎庶惟恐民隱不能上達近聞樞關者往往寄耳目於胥役不實驗客貨之多寡而止憑胥役之報單胥役於中未免高下其手任意勒索飽其欲者雖貨多稅重而蒙蔽不報者有之或以重報輕者亦有之不遂其欲雖貨少和輕而停滯關口候至數日尙不得過是以國家之額稅聽猾吏之侵漁以小民之脂膏飽奸胥之窟壑司其事者竟若罔聞知乎又聞放關或有一日止一次者江濤險急河路窄隘停舟候關於商民亦甚不便嗣後樞關者務須秉公實心查驗過關船隻隨到隨查應報稅者納稅卽放不得在胥役作弊勒索阻滯以副朕通商便民之意至於崇文門收稅及分派各處查稅之人亦有多方勒索分外苛求之弊京師爲四方輻輳之地行李絡繹宜苛刻滋擾監收者尤當不時稽查杜絕弊端爾等若不遵諭有經朕訪聞定行重治其罪重正內閣 上諭

三年諭理藩院邊關城門收稅雖關國用但祇令來往貿易商人納稅其請安進貢之蒙古等並無收稅之例今聞將伊等餘帶馬匹乘載口糧之車輛及買去之茶葉勒令停止私行收稅并索取零星物件又聞有奸惡商人希圖隱匿稅專僱蒙古車輛偷載商貨出入者甚多此皆守口旗員及收稅官不嚴束胥役之故也爾衙門可行文該管官員嚴行禁止雍正內閣 上諭

乾隆二年以關稅既輕物價未減申 諭各省督撫奉 諭旨據原任江西巡撫俞兆岳奏報乾隆元年九江

蘇州兩關稅課盈餘銀兩較前任共減收九萬有餘此事交與該部及新任巡撫岳溶查核奏聞朕前因各省關稅於正額之外每多無名之費恣意科索苦累商民是以降旨釐剔弊端將應行減除者概令禁止全在督撫大臣等督率司權之員潔己奉公實力遵行以副朕輕徭薄賦加惠商民之至意今就江西一省言已少收銀十萬兩推之各省則約計百有餘萬矣如果商民得沾實惠卽更逾此數亦朕所樂聞有何吝惜但從來關稅稅務與百物價值原係相爲表裏如果關稅減輕則物價亦必平賤若稅輕而價仍不減是各關所減課銀商民並未沾被恩澤徒飽吏胥之囊橐耳我 皇考臨御以來澄清吏治凡此等官使吏蝕之習久已弊絕風清今督撫諸臣如不能稽察屬員被其朦混則庸懦無能有忝封疆之任若或已身稍存染指則名節有虧朕一經擯斥之後斷不復加錄用也可將此旨傳諭各省督撫令其各行稽察深自警省若錯會朕釐剔弊端竊富於民之意又欲多報贏餘以致商民受困識見鄙陋其罪更不可追矣通考

五年嚴禁扣名討關積弊戶部議覆御史陸升燧奏稱會典內開過關船隻如有指稱內外官員及旗下商人夾帶私貨者該關報部參處是權關定例遵行已久近復有執持科道名帖赴關免稅者查京員科道等官供職京師自無經營貿易之理卽或子弟偶有在外經商者豈容捏寫父兄名帖計關希圖濫漏恐在外奸商或捏名影射希免稅料亦未可定應通行管關各督撫監督嗣後在京及在外官員眷口船隻過關除無貨物照常驗放胥吏人等毋得任意需索外如有假捏京員科道名帖或有京員子弟執持父兄名帖計關夾帶貨物希圖免稅者遵照定例查參如明知瞻徇一併議處從之通考

七年諭朕惟惠養萬民之道以輕徭薄斂爲先自御極以來於蠲租減賦外豁除各省關稅不下百萬又令將

稅課規條刊刻木版通行曉諭不許額外徵收宜其商民均霑惠澤行旅各安牧圉乃近聞各關過往商旅尙不能普被恩惠怨聲噴噴究其由來皆因司權之家人胥役巧立名色重賦徵收勒索弊端百出不飽其欲則逗遛不肯放行大爲行旅之害是國家徒有減稅損上之德而商民未受減稅益下之恩無知者尙曉曉於稅課之重所謂不揣其本而齊其末卽使再減數百萬額稅用是以往朕知其於商民仍屬無益也夫司權官員一任家人胥役肆橫無忌漫無覺察商旅其何以堪朕思督撫有稽查通省之責凡屬地方利弊何一不當留心懲剔而關稅弊竇若此朕在京尙有所聞督撫身在本省豈竟一無聞見乎總因視非己事故爾漠不關心耳嗣後著該督撫嚴行訪察遇有此等弊端立卽嚴拏重究如司權官員瞻徇袒護亦卽據實奏聞不得視爲具文以奉旨之後一查卽可了事務期實力稽查俾商民永無苦累庶朕再有所聞或被科道指實參奏朕惟該督撫是問會典事例

十二年敕內地人民往暹羅造船未載回米糧者倍罰船稅大學士伯張廷玉等議覆福建巡撫陳大受奏閩省赴暹羅買米造船運回請給印票進口之日繳銷仍另給牌照歸澳安插蓋往暹羅造船本爲買米而設如或該商並無米石載回只造船而歸者應令倍罰船稅示警得旨允行通考

二十七年嚴禁權關漏稅積弊大學士公傅恆等議兩江總督尹繼善等奏言各關權務定有則例凡一應官民船隻但有應行納稅貨物俱循照定則征收其計關陋習久經嚴禁但行之日久不無懈弛應再行各關監督實力奉行至各省貢物船隻關口向不查驗其閒家人船戶不無藉端私攬客貨冀圖漏稅情事該督等請將貢物開單用印文知會關口查驗此外貨物均令納稅亦應如所請辦理從之通考

又 諭英吉利商伯爾等以絲斤禁止出洋夷貨艱於成造懇代奏酌量准其配買情詞迫切前因出洋絲斤過多內地市值翔踊是以申明限制俾裕官民織維然自禁止出洋以來並未見絲斤價平亦猶朕施恩特免米豆稅而米豆仍然價踴也此蓋由於生商日繁物價不得不貴有司恪守成規不敢通融調劑致遠夷生計無資亦堪軫念著照該督撫等所請循照東洋辦銅商船搭配綢緞之例每船准其配買土絲五千斤二靈湖絲三千斤以示加惠外洋至意其頭靈湖絲及綢綾緞疋仍禁止如舊不得影射取戾會典事例 互見 海船通商互市條規門

又奏准夷商配帶絲斤內准絲織緞片數照八折計算統在八千斤數內不許額外多帶會典事例

三十四年奉 諭自來硫磺出入海口俱有例禁原因硫磺係火藥所需自不便令其私販若奸商以內地硫磺偷載出洋或外來洋船私買內地硫磺載歸者必當實力盤詰治罪乃定例于洋船進口時亦不許其私帶殊屬無謂海外硫磺運至內地並無干礙遇有壓艙所帶自可隨時買備於軍資亦屬有益何必於洋船初來多此一番詰禁乎嗣後於海船出口時切實稽查不許仍帶硫磺以防偷漏之弊違者究治其各省洋船入口禁止壓帶硫磺之例概行停止著為令通考

甘汝來請除煩苛權稅疏竊查商賈通有無以便民司市實貨賄以足賦故關津有過路之稅鎮集有落地之稅酌其所獲利息之多寡不過十取其一以充賦課下不病商上可益 國由來久矣自有司奉行不善往往浮收過取而贏餘之數以出近日則視贏餘多寡為議敘是以監督有司悉力苛索多方取盈甚則不問則例有無定額總藉口於贏餘無出而誅求不已毛髮無遺嗟茲商旅何堪剝削況其病不獨在商也商

增一分之稅卽物長一分之價而民受一分之害是所謂贏餘者非富商之資本實窮民之脂膏也我 皇
上愛惜黎元德洋恩溥於田房契紙一項已荷革除深爲民便臣竊以爲商稅一項亦可準此意而略爲整
定謹將臣耳目所及不便於商民者敬陳之一權稅不宜重複也查一省之內每有設關數處者原因各有
出入要口不得不層層稽查非爲已稅者越數百里而復徵也乃浙江兩廣等處節節皆關一關甫權一關
又徵此甚非立關之本意實奉行之不善也請嗣後凡貨物經過如初關已稅卽給票爲信他關祇驗票放
行毋得重徵苛勒一米穀之稅應豁免也查食爲民天非他貨可比各省原無米穀稅例惟廣西各關獨征
之故廣東獨受米穀昂貴之害其餘鹽關淮關等處雖不徵米穀之稅但俱照船隻尺寸則例抽報料稅亦
仍是米穀徵稅也夫米爲窮民所必需之物土窄人稠之地或偶有水旱之鄉皆仰資於鄰省苟增一關之
稅銀卽長一層之米價曷若蠲此毫末之稅項而令小民受飽飫之惠乎請嗣後凡米穀船到關止稽查有
無夾帶私鹽違禁等物概停其徵收稅銀船料則小民沾無窮之實惠矣一沿海捕魚船隻不應輸餉也查
邊海之地遍處汪洋居民惟有採捕魚蝦藉以活命其船則用單桅不能出洋貿易向例祇於本縣給照稽
其出入並不輸稅近聞各海關監督雖單桅船隻亦令請領關牌同雙桅出海貿易之船一體輸鈔此無論
輸鈔之多寡卽請領關牌一次已需規例四五六兩嗟此窮漁奚能堪此請 勅令海疆督撫查明單桅魚
船概免領牌輸餉庶海濱貧民得有生計不至困迫爲盜則官與商民又胥享安靜之福矣一魚鰲鴨單之
稅宜盡蠲也凡近海貧民資生無業有用竹筴取魚者有於埠頭養鴨者閩廣之閒悉按筴按埠徵稅而窮
民之生計益感矣此項稅銀無多原無裨於 國計而極有害於貧民應請盡蠲除以甦民累一各關之飯

錢宜軍也商旅到關未開正稅先索飯錢嘗見貨物無多之客商其所費飯錢竟有數倍於正稅者請勅令各省督撫及各關監督務嚴飭胥役凡商旅到關止檢則例徵收正稅概不許需索飯錢如再有不法之徒剝削商民督撫監督若罔聞者許科道不時糾參嚴加議處以上數條皆臣見聞所及灼知其甚有病商民故敢不避煩瑣冒昧瀆陳是否可採伏乞 睿鑒施行 謹奏 文鈔 謹按此奏當在乾隆初年

嘉慶五年奉 諭上年將關稅贏餘酌加裁減原以體卹行旅加惠商民在各關監督等自應仰體朕卹商惠民之意不敢於正稅之外復有勒索擾累之事而所派之巡役家人等難保無肆意苛求藉稽察稅務之名妄行勒索情弊現在蘆溝橋彰義門經管稅局人役竟有訛索過往行人銀錢等事業經分別懲治鞏毅之下尙敢如此其餘各省關稅種種情弊不問可知該監督等所管稅口不止一處於稽查稅務一節不能不另派胥役家人等分任其事務當諄切曉諭不許例外訛索仍應時加查訪嚴行管束以絕弊端嗣後京外各關稅局除隨時密訪外或別經告發或被人指參如再有訛索飯錢擾累商旅等事不獨將所派之巡役家人等從重治罪並將各關監督一體嚴辦示懲不稍寬貸 訓例

十三年諭內閣曹師曾奏稽查關口嚴守邊牆以杜偷越一摺邊口設立關隘原以嚴稽查而慎出入若匪徒等攜賊偷越遠颺率指稱邊牆坍塌處所無從覺察即免該管官處分設職守口隘官兵有時疏於防範竊匪徑由關口偷越事後發覺亦得任意推諉殊非慎重邊防之道著該督飭令該管官不時嚴密巡查毋任疏懈

嘉訓

十九年奉 諭關市之設所以通商便民成法極爲詳備近日該管官奉行不實日漸廢弛各關口應立之稅

課木榜並詳單小本均不豎立刊刻商賈不知稅例多誤任聽家人吏役額外抑派多收少報虧課病商滋弊至各省牙行亦不按年清查率多頂冒朋充甚或假託官差多方苛索俱應隨時查禁著通飭管理稅務衙門及直省地方官申明例禁實力奉行勿任奸胥市僧勾串欺朦以除積弊則例

道光三年諭內閣給事中清安等奏整飭關務以澄弊源一摺各關正額盈餘例有常數近年徵收虧短緣積弊未能悉除凡關津市鎮地方往往有惡棍把持索役盤踞及牙行鋪戶人等相緣為奸包攬商賈串囑在關家人書吏以重報輕以多報少通同掩飾漏利分肥甚至納賄私放偷漏隱匿皆所不免嗣後各關務須實力整頓訪懲奸宄包攬等弊嚴行約束家人書吏毋得稍有徇縱俾權務胥歸覈實以裕課項 聖訓

又諭內閣軍機大臣會同戶工二部議奏徵收關稅一摺各關稅課之贏絀由商賈之多寡而裕課必先恤商恤商必先除弊乃近聞各關奸丁蠹吏勒徵賣放及以正作罰上下分肥加之奸商偷漏繞越糧船包攬夾帶百弊叢生虧短日甚轉藉口年歲歉薄商貨短少試思商民貿通有無往來絡繹斷不致逐年大相逕庭總由經徵各員任聽丁胥人等例外橫徵通同舞弊以致商人裹足不前於稅務大有關係著各省督撫將各關因何虧短及商貨如何流通查明妥議章程具奏並著漕運總督嚴禁糧船夾帶毋致有妨正課各關監督務當激發天良無得假公濟私盡飽囊橐即將各口岸家人大加裁減嚴行約束如有仍前耗費藉端擾累情事由該督撫據實嚴參毋稍徇縱如奸商有偷漏等弊亦即懲辦以儆刁風 聖訓

十二年戶部議准協辦大學士兩廣總督李鴻賓等奏外夷各國均已產鉛請暫停白鉛出洋一摺得有依議粵東濱臨大海通洋河道甚多見在白鉛停止出洋誠恐日久疏於防範以致奸商販運復有偷漏營私等弊

no. 887 16 1/2

5

著該督等嚴飭關津要隘地方各官督印結送部查覈並酌定稽查章程報部覈辦以垂永久而杜弊端

續錄
十四年諭內閣御史鄭世任奏請嚴禁各關積弊據稱各關監督攜帶家丁混令分稽小口小則需索飯錢大則得規賣放又書役盤踞各關客貨到關倩人包攬名曰包戶亦曰攬頭實則本處地棍結交該關書吏代為說合其稅銀即交書吏代納串通巡捕簽量人等以多報少查部頒商人親填簿原為防弊而設近則視為具文各關小口竟有將應納貨稅減半賣放並不交官名為小進缺額之由大率因此又客貨到關按則納稅無難立時覈辦近聞外省各關竟有貨船到岸遲至五六日及七八日始行簽量者難保無勒索刁難情事又各關稅課按期起解定例極為周密近查粵海關道光十二年至十三年關稅尚未解到銀九十六萬八千一百餘兩新舊延壓難保無那掩情弊等語惟稅為經費所關豈容積弊叢生致形虧短若如該御史所奏各種弊端不可不嚴行飭禁著各關監督嚴密訪查無論大關小口所派家丁務擇誠幹可用者方准酌留仍令各口輪流更替備查有情弊立即嚴行懲辦毋稍姑容其客商大小貨載概令押送大關照例報稅親填稅簿以杜侵隱貨物到關隨到隨驗免收稅課即飭放行毋許留難阻滯至粵海關報解稅銀何以未解到銀至九十六萬八千一百餘兩之多必須上年稅項全數解清後始准將本年稅銀按關期滿後三箇月內起解以免積陳壓新之弊其各關稅課亦著依限起解毋許遲逾經此次飭諭之後各關監督等務須激發天良認真稽察以期稅課日裕各弊肅清備再有前項弊端一經發覺朕必從重嚴懲決不寬貸

又諭軍機大臣等有人奏粵商近增私稅拖欠夷錢請明定章程杜絕弊端等語外夷與內地通商本係天

旨明定其頁

八

朝體恤所有應納稅課果能按額徵取自必樂爲輸納日久相安若如所奏近來粵商頗多疲乏官稅之外往往多增私稅奸人又於其中關說牟利層層剝削甚有官商拖欠夷錢盈千累萬以致釀成釁端是粵商等假託課稅名目任意勒索無怪激生事變卽如本年英吉利律勞卑等將兵船闖入內河未必不因粵商等多方婪索心有不甘著盧坤等確切查明儻有前項情弊立卽從嚴懲辦毋稍徇隱著悉心籌議將應如何稽覈之處妥立章程據實具奏

東華續錄

又諭盧坤等驅逐洋面躉船並申禁內地匪徒勾結販運鴉片

東華續錄

詳見洋藥稅

十七年諭御史朱成烈奏銀價昂貴流弊日深請飭查辦一摺所奏甚是銀錢價值兩得其平方於國計民生均無窒礙近來錢價日賤自係紋銀不足所致推原其故固由於風俗奢侈耗於內地而禁煙一物貽害尤甚耗銀尤多若如所奏廣東海口每歲出銀至三千餘萬福建浙江江蘇各海口出銀不下千萬天津海口出銀亦二千餘萬一入外夷不與中國流通又何怪銀之日短錢之日賤也前據鄧廷楨奏擊獲出洋紋銀業有旨將出力各員弁量加鼓勵並准其將所獲之銀全數充賞惟所擊之數尙不及百分之一且此等奸民情變百出難保不因廣東查擊甚緊遂賄與浙閩諸處交通巧爲透漏是一處之擄擊不足戢衆奸之偷越著由隸山東江蘇浙江福建廣東各省督撫並海口各監督嚴飭所屬文武員弁統於沿海要隘處所隨時隨地認真稽查遇有出洋快蟹等船務當實力巡查儻敢裝載紋銀妄冀偷漏出洋立卽設法截擊按律懲辦毋稍輕縱除將獲銀兩全數分別充賞外並著查明實在出力各員弁據實保奏請旨鼓勵如有疏縱亦卽嚴參懲辦該督撫受恩深重具有天良當思紋銀出洋於國計民生大有關係惟當同心協力不分畛域處處堵緝周密卽

有奸民何從施其伎倆若經此次諄諭之後仍復奉行不力致有奸民更胥包庇私運出洋不行查拏者別經
覺不特將沿海各員弁從重治罪定將該督撫等嚴行懲處決不寬貸東華續錄

又諭昨因沿海各口岸紋銀出洋於國計民生關係非細已降旨嚴飭沿海各督撫認真查辦該督撫等均
受朕厚恩自必共矢忠勤力加整頓但思錮習已久非破格示以勸懲驟難挽回嗣後如該督撫等仍視爲具
文並不實力查辦必當從嚴懲處其沿海文武員弁巡緝不力甚至共役包庇奸民勾串仍有偷漏卽著該督
撫嚴參加等治罪如海口文武員弁果能實力堵緝或連獲數起或破除巨案卽著該督撫據實保奏朕必施
恩破格升用以示獎勵自此次諄諭之後該督撫等各竭誠體國務絕弊源勉副朕力挽頽風至意東華續
錄

又諭軍機大臣等鄧廷楨等奏諭逐躉船並籌議拏辦窰口走私章程一摺據奏英吉利等國躉船貨船近
年藉詞避風駛入內洋見已諭飭洋商傳諭該國領事將伶仃等處洋面寄泊躉船概行遣令回國毋許仍前
寄泊逗留並飭總商等俟躉船開行回國卽行稟報查考其快蟹一項業已淨盡而走私匪艇名目尙多實與
窰口奸徒均屬難容已飭道府標鎮協營嚴督所屬巡邏查緝等語夷船停泊內洋尙給偷漏爲粵省之積弊
該督等諭飭以後該領事是否遵奉見在躉船會否開行務須確實查明令其全數回國無稍逗留如敢將就
了事日後經朕訪聞或被人糾參朕惟該督等是問至各項走私船隻尤須設法嚴禁期於根株盡絕亦不得
因偶有獲案遂謂驅除已盡仍貽弊竇也東華續錄

又諭內閣御史董宗遠奏請飭各關監督認真稽查稅務一摺惟稅爲國家經費所關各監督理宜認真辦

理嚴絕弊端以安商旅而裕稅課若如所奏監督坐樓家人串通胥役每逢商賈至關百般需索一不遂願延擱多時始肯驗放甚至行旅往來並無應行報稅之物亦必強索喧嚷更有近關土豪冒充巡攔於不應巡查地方擾民需索又聞蕪湖九江等關瀕臨大江奸書竊役勾通商私行賣放是各監督自耽安逸任聽家丁胥役人等朋比分肥通同一氣以致額徵銀兩往往虧缺不可不嚴行查辦以絕弊端著各關監督前除積習實力稽查約束家人嚴防竊役務將種種弊竇隨時杜絕毋受欺蒙並著各該督撫等嚴飭所屬地方官留心查察倘有近關土豪及無賴匪徒於不應巡查之處假託巡攔名目藉滋擾累一經查出卽行按名嚴拿從重懲處毋稍徇縱 聖訓

胡興仁征夷船進口硝磺稅銀議道光二十三年閏七月初七日邸報 欽差兩江總督耆英等在廣東附片具奏征收夷船進口硝磺稅銀一摺據稱各國洋船壓舵之鹹沙可以煎濾成硝因例無免稅明文各國夷商均在外洋私售無賴匪徒卽指爲違禁貨物查擊生事議嗣後每硝一擔征收三錢其出口硝磺仍應嚴禁等語查鹹沙難免回潮以之壓舵似非淡沙石塊之比難保不損壞船板卽煎濾成硝在夷船進口之時尙是鹹沙並非硝磺亦未便以未成硝之沙責其納稅且鹹沙煎硝尙在何處地面若係由該國煎成在外洋私售則直謂之硝磺不得謂之鹹沙若到內地始煎則何以又在外洋私售如鹹沙可以成硝則是濱海之地無處非硝又何需乎內地之硝磺不需內地之硝磺則向來硝磺出洋之禁何以立法甚嚴今既明立章程征進口之硝稅則硝在船中是出是入礙難分辨竊恐以進口二字朦混影射名爲征鹹沙進口之稅實以弛硝磺出洋之禁其弊不可勝言自來內地奸商私販硝磺非賣與洋船

卽查與外夷從不聞外洋有硝載入內地是以例無完稅明文如果海岸之鹹沙皆可成硝則奸商雖爲漁利起見亦有身家既無重利可圖何必冒險私販此議一行是尙資私販之名今遵公販之例以未成硝之沙科稅有硝之名無硝之實殊非體恤外夷之道洋船瞬息千里守口員弁果能一一稽查保無有出洋之船夾帶硝磺者乎既明收進口之稅則難禁出洋之硝所得不償所失流弊正自無窮若有意俯就外夷則是授人以柄釀禍無涯向止粵東一省今則福州廈門甯波上海一律照辦從此外夷之硝磺不可勝用矣彼有所贏則此有所絀 國家收稅無幾受患深厝火積薪當防其漸經世文續編

咸豐二年諭軍機大臣等御史梁紹獻奏請查沿海各關走私積弊一摺國家設關徵稅權衡貨力制有常經在各該將軍督撫及各關監督等嚴察弊端庶期稅務日有起色若如該御史所奏廣東江蘇各海口均有內地奸民串通夷商走漏貨稅近年疊經查出走漏茶葉之案均有在官人役及巡船頭人扶同舞弊至洋參細段糖食等貨近來報稅尤少似此藐法走私暗虧國課於稅務大有關礙著各該將軍督撫及各關監督等按照摺內所指各情認真查辦事關交涉外夷辦理之法先在嚴查內地商民杜絕弊端俟夷商無可藉口斷不可稍涉張皇別生枝節 東華續錄

九年諭軍機大臣等勝保翁同書奏請飭各路統兵大臣及各省督撫嚴禁偷販私硝等語據稱參將李世忠詳稟逆匪橫行皆由私硝接濟並指出大江南北水陸口岸各要隘奸商通匪偷販各情亟應嚴行查禁以杜私售惟見在用兵地方蔓延數省隘口過多私硝販運之處斷絕非易其各省會及著名鎮市商賈輻輳之所尤應詳加盤詰除山西等處產硝之地嚴禁私硝出售外其各路軍營及用兵省分非有統兵大臣及該督撫

委辦解送印文知照者概不准擅行採買其經過關津隘卡如無印文護票者即著查拏懲辦儻有不肖官吏私行賄放者察出嚴行治罪軍營兵勇如有偷漏硝磺火藥接濟賊營者即以軍法從事著官文德興阿和春勝保曾國藩張芾傅振邦等及各直省督撫嚴定章程實力盤禁毋稍鬆懈至所呈該參將原稟太平關無爲州等處粵逆日收稅銀爲數甚鉅並著和春何桂清等嚴飭地方員弁於東壩一帶曉諭商民不准在太平關等處販賣貨物使該逆收稅日少無從接濟米糧以冀制賊死命是爲至要

東華續錄

十年諭軍機大臣等有人奏各關稅課本有定則近因洋藥收稅關津處所多設海役巡查往往一衣一履之需報罰至盈千累百且有得錢賣放之事稅款仍難足額其弊各關皆然而杭關爲尤甚請明定罰款章程無任督吏舞弊等語奸商偷漏例應議罰然使任聽吏胥高下其手則徒爲行旅之累而於國課仍無裨益著羅遵嚴按照所參情節嚴密查訪如杭州各關實有以罰款爲名肆行舞弊之事即著嚴參懲辦以儆其餘至罰款章程應如何明行榜示使胥吏無從影射之處並著該撫實心整飭毋得視爲具文以安商旅而蘇民困

聖訓 互見洋藥稅

同治九年諭內閣御史劉國光奏請飭嚴禁各關稅衙門留難需索等語前據丁日昌奏本年江蘇應試諸生關關抗稅當降旨嗣後鄉會試文武舉貢生監人等赴京赴省應試概不准包攬客貨私鹽等項原因不肖士子借考漁利不得不嚴行查禁但恐該吏役等假公濟私於該士子所過關津釐卡皆以查稅爲名藉端訛詐藉無爲有需索不遂任意留難致令各士子沿途節節阻滯貽誤場期殊非朝廷優待士林之意著各省督撫嚴諭各關卡官員凡鄉會試文武舉貢生監人等除有勾串牙商包攬客貨恃衆抗稅情事仍應行辦外其照

例隨帶衣箱食物等件該吏役等不得任意留難如有需索情弊准該士子赴該管衙門呈訴將該吏役等從重懲辦如該管官有意袒護並著該督撫一併查參其尋常往來之人如無夾帶貨物亦應迅速放行不得藉端留難以安行旅 聖訓 互見釐金禁令門

光緒二十五年內閣奉 上諭前因各省關稅釐金積弊太深亟宜力籌整頓特諭大學士軍機大臣六部九卿會議具奏並據軍機大臣等逐條議覆請旨施行綜核諸臣兩次會議所奏尙屬切實可行各省經徵關稅釐金之員積習相沿工於舞弊著各就地方情形切實考核責成司道監督及局員等將現在收數無論爲私爲公凡取諸商民者一併澈底清查卽由該管將軍督撫詳細鉤稽悉心綜核究竟裁去陋規中飽之數若干酌量提歸公用之數若干勒限三個月擬定章程專案奏報其外銷款項應准臚列報部以昭核實所有水陸總分各局卡應如何因地制宜官紳並委著該將軍督撫體察情形酌量辦理 邸鈔 互見釐金禁令門

右禁令

一凡赴鄰省採買倉糧及撥運賑濟米穀該督撫於給發委員信牌內填明所買所撥數目經過關口驗實放行免徵稅課其所僱船隻仍納過關船料卽責成採買撥運各原省之布政司於給發船戶僱價內照則核數扣除知會各關免其重納

一江蘇省本省撥運倉穀兵糧賑米僱募民船官定水脚內並無應輸船料過關時糧稅船料一併免徵以上並則例

順治元年豁免明季各項稅課虧欠通考

皇明政典原庫 卷七下 征權八 關稅

又免各直省關津抽稅一年通考

康熙二年准外國人帶進貨物崇文門概免納稅會典事例 互見崇文門

五年准崇文門出京貨物概免納稅會典事例 互見崇文門

二十四年免外國貢船抽稅福建總督王國安疏言外國貢船請抽稅令其貿易部議應如所請得 旨進貢

船隻若行抽稅殊失大體且非朕柔遠之意悉免之通考

二十八年免琉球國接貢船隻稅課琉球國中山王尙貞疏言舊例外國進貢定數三船船中貨物免其收稅

今琉球進貢止二船尙有接貢一船未蒙免稅請照例免收以足定數下部議覆准行通考

又減免閩海關稅額通考 詳見福建海關

四十七年免暹羅國貢使所帶貨物征稅禮部題暹羅國貢使所帶貨物請聽其隨便貿易并免征稅以示柔遠之意從之通考

五十七年免廈門關經過商船增稅之例通考 詳見福建海關

六十一年免暹羅國運米收稅奉 諭旨暹羅國人言其地米甚饒裕價值二三錢即可買稻米一石朕諭以

爾等米既甚多可分運米三十萬石至福建廣東甯波等處販賣此米係官運不必收稅通考 互見禮部置

市

雍正二年免暹羅國運米壓船貨稅暹羅國王入貢稻種果樹等物并運米來廣貨賣廣東巡撫年希堯以

聞 上嘉其國王不憚險遠進獻稻種果樹等物最為恭順運來米石令地方照粵省時價速行發賣其壓船

隨帶貨物概免征稅通考 互見書部互市

六年福建巡撫常賚請聽暹羅夷商來往廈門貿易照例征稅運米至江浙閩廣各關者亦如之得 旨米穀不必上稅著爲例通志 互見書部互市

乾隆元年以江南水災免各關米麥額稅戶部議准御史王文瑋條奏江南被水各屬皆係濱江瀕河之地轉運甚易應請特頒 諭旨敕部查明隣近災屬之關口將米麥等額稅以奉文之日起暫行寬免兩月扣算期滿照舊征收但江省水路乃南北通衢商販往來絡繹不絕誠恐米船過關免稅之後商人隨處售賣不至被災地方應令該督撫轉飭管理關務各員凡有米船過關即詢明該商如果前往被災各邑售賣者免其納稅給與印票責令到境之日呈送該地方官鈐蓋印信以便回空查銷如有免稅米船偷運別省并未到被災地方先行糶賣者將寬免之稅加倍追出庶商販流通市價不致昂貴疏上得 旨依議速行通考

二年奏准殺虎口肩擔背負攜帶箕筐筥筥鞋襪麥麩等物免其輪稅會典事例 互見張家等口

又免天津臨清二關糧稅船料總理事務和碩莊親王允祿等議准四譯館少卿蔣炳疏奏雨澤愆期正需糧米若將關稅暫免俾商賈趨利輓輸源源接濟甚屬有益應如所奏將天津臨清等關裝載米麥豆穀雜糧之車輛船隻到關驗明並無夾帶私貨即令放行暫免其抽稅并免其交納船料毋得藉端稍有留難阻滯俟得雨後行文征收從之通考

三年暫免臨清天津二關米豆納稅及通州張家灣登陸處所落地稅銀奉 諭旨上年畿輔之地收成歉薄米價日漸昂貴今聞近省商賈米船陸續漸至所當格外加恩俾其踴躍從事著將臨清天津二關米豆之船

免其納稅至通州張家灣等登陸處所舊有米豆雜糧落地稅銀亦著免征俟一麥收成之後米價平減再照舊例征收并嚴禁不肖官吏暗中需索等弊以副朕通商惠民至意嗣因二麥有收經督臣覆奏開徵復因沿河地方被水米價加昂海運既開商販雲集將內河前項米糧各稅一併暫停征收並江南浙江歉收之處俱免其收稅通考

又諭今春因直隸米價昂貴朕特頒諭旨將天津臨清二關及通州張家灣馬頭等處米稅寬免徵收商賈聞風踴躍往來販運民食無缺已有成效嗣因二麥有收經管理天津關報部行直督察覈隨經督臣覆奏照例開徵在案近因沿河地方被水較重附京一帶米價加昂現在又開海運商販必多仍應免輸稅銀以示鼓勵著將內河前項米糧各稅一併暫停徵收俾商賈爭趨雲集於畿輔民食自有裨益卽速行文督臣等知之會典事例

又以江南米船過關免稅給照繳銷之法行知各處關差時江蘇歲旱歉收凡商販米船前往被災各邑給照免稅者到境鈐印回空驗銷難免守候稽延請關監督海保與巡撫許容議詢明運往災邑米船行知該邑印官到境申報至所給過關免稅照票不必鈐印聽其隨便回空繳銷並以面商辦理之處奏聞奉 旨覽海保所奏與許容商酌辦理之處甚是各處關差凡有商販米船至被災之州縣者俱照此例行至於商船先報前往某州縣若此地販運者多米糧足用卽不妨轉移隣邑總之歉收之地乏食之民皆吾赤子不容歧視也考

四
諭上年江安兩省歲旱歉收朕調賑兼施多方籌畫並令豁免米糧賦稅俾商販流通源源接濟於地方

其有裨益續經該督奏請將淮安揚州濟寧鳳陽等關免徵米稅俟乾隆四年麥熟時停止朕降諭旨允其所請今屆麥熟之期聞各屬雨澤尙有未曾霑足之處且上歲歉收之後米價一時未能平減若商販稀至仍恐民食艱難著將上下江各關口米稅照舊免徵俾商賈踴躍從事則米船衆多價值自平而民食有賴俟本年九月米穀盛行之時再照定例徵收會典事例

六年免官辦米穀過關稅銀戶部議覆署理兩江總督楊超曾奏言設關之意不專在於取盈蓋以準百物之權衡而平其市價故歷來但有征商之令而不兼及於官物況米穀一項係民間食用所必需發帑採買原爲接濟民食起見與商賈之射利逐末者不同今既征其船料又責其完納稅銀取之司庫以輸關庫此繼彼盈國課毫無增益應如該督所請將各屬委員採買賑濟及糶三補倉米穀經過各關稅口仍照臣部題准之例止納船料可也疏上如議行通考

七年諭國家設關稅定其則例詳其考覈凡以崇本抑末載諸會典著爲常經由來已久其米豆各項向因商人販賤鬻貴是以照例徵輸第思小民朝餐夕飧惟穀是賴非他貨物可比關口徵納米稅雖每石所收無幾商人藉口額課勢必高擡價值是取之商者仍出之民也朕御極以來直省關稅屢次加恩減免又恐權吏額外浮收刊立科條多方訓飭每遇地方歉收天津臨清濟寧蕪湖等關口商販米船概給票放行免其上課皆以爲民食計也但係特恩間一舉行未能普遍夫以養民之物而權之稅轉以病民非朕已溺已饑之懷也今特降諭旨將直省各關口所有經過米豆應輸額稅悉行寬免永著爲例俾米穀流通民食充裕懋遷有無者不得藉以居奇小民升斗之給不致有食貴之虞以昭朕惠養黎元之至意至各關口徵收則例不一有徵

商稅者有徵船料者有商稅船料並徵者今既蠲免米稅其船料一項若不分明確著為條規恐致混淆滋弊應如何辦理之處著該部詳查妥議具奏會典事例

又諭朕愛養黎元特沛殊恩將關權米豆等稅悉行蠲免以為充裕民食之計但船料一項議論不一現發

九卿會議尚未覆奏朕思此事並無難辦之處向徵船料者應照例徵收向不徵船料者豈可因免米豆之稅而轉加徵船料可即速行文各關知之欽此遵旨議定將向例徵收空船料銀者遇有裝載米糧過關其應

納料銀照依空船料銀之數納料如本係空船及按年抽單納課者仍照舊例徵收會典事例

又奏准麥石稅課一體免征署福州將軍兼管閩海關事務策楞奏豆稅既經免征部文並未指明麥石字樣應

否一體免奉諭旨自應一體免征下所司知之通考

又免暹羅國商船貨稅十分之三福建將軍兼管閩海關事務新柱奏報本年七月內有暹羅國商人方永利一船載米四千三百石零又蔡文浩一船載米三千八百石零并各帶有蘇木鉛錫等貨先後進口查該番船

所載米石皆不足五千之數所有船貨稅銀未便援例寬免得旨該番等航海運米遠來應可嘉雖運米

不足五千之數著免船貨稅銀十分之三以示優恤通考

又諭山東臨清關銅補商補概行豁免通考詳見臨清關

又免乾隆三四兩年渝關缺額追賠銀兩通考詳見渝關

八年諭行在內閣朕軫念民艱以米糧為民食根本是以各關米稅概行蠲免其餘貨物照例徵收至於外洋商人有航海運米至內地者尤當格外加恩方副朕懷遠之心上年九月間暹羅商人運米至關朕曾降旨免

徵船貨稅銀聞今歲仍復帶米來閩貿易似此源源而來其加恩之處自當著爲常例著自乾隆八年爲始嗣後凡遇外洋貨船來閩粵等省貿易帶米一萬石以上者著免其船貨稅銀十分之五帶米五千石以上者免其船貨稅銀十分之三其米聽照市價公平發糶若民間米多不需糶買卽著官爲收買以補常社等倉或散給沿海各標營兵糧之用俾外洋商人得霽實惠不致有糶買之艱該部卽行文該督撫將軍等并宣諭該國王知之 聖訓 互見禮部互市

十年豁免福建浦城關稅缺額銀兩通考 詳見福建海關

十一年免暹羅國商人船貨稅銀十分之二福州將軍新柱奏報本年七月內有暹羅國商人先後載米入口皆不足五千石之數並各帶蘇木鉛錫等貨所有船貨稅銀未便援例寬免奉 旨該番等航海運米遠來慕義可嘉雖不足五千之數著加恩免其船貨稅銀十分之二以示優卹通考

又江蘇布政司安靈請復米稅略言自免米糧稅後弊竇叢生國課日少而米價之貴更增於前 上以商賈乃無知愚人宜先化導不遽允通志

十二年免失風洋船官買銅筋稅課福州將軍新柱等奏商人陳天元船隻遭風銅筋全數交官照部定價值收買仰懇免其銅稅從之通考

十三年諭朕降旨蠲免各關米豆稅銀本以食爲民天關稅優免則市價可減是以不惜千萬正課爲小民謀饗煖寬裕計當時內外臣工屢有以但利商賈無益民生爲言者概未允准朕意欲試行數年果否於民食有裨再行酌量乃數年來稅免而米豆之價不惟不減且昂貴時或有加明係姦商不知免稅之恩專利自封轉

以有限之帑項肥三倍之囊橐無裨閭閻允宜仍復原額且地方倘有偏災即將該處關口應徵米豆稅額加
恩寬免則估船聞風雲集市值自平馴僮不得居奇窮黎均沾實惠轉得操權自上朕意不專為軍需起見也
如既復之後姦商藉端長價弋利妨民該地方官即應嚴行查明究處至淮關因寬免米稅後該監督奏准加
徵船料今既徵米稅仍循舊例行令各該監督暨地方官明悉出示曉諭毋令胥役陽奉陰違致滋弊竇會典
事例

又以東省歉收特開海運接濟免收米稅山東巡撫準奏本年五月內經大學士高斌等以東省之登萊青
三府地處東隅別無河道連年歉薄不但民間絕無蓄藏即倉儲亦因賑濟鮮有積貯請將奉天米石聽商民
糴買由海運往山東售賣流通商販權宜補救誠為目下萬全急務欽奉 諭旨允行今赴奉天販運各商陸
續抵東請將此項米石行令免徵稅銀飭地方官遵照辦理從之通考

十六年免浙省各關口米稅通考 詳見浙海關

二十一年諭上年江浙二省歉收屢經降旨截漕賑卹令該督撫等多方撫綏惟是該省收成既歉米粒市價
自必昂貴全賴商販流通源源接濟所有江浙二省各關口應徵米豆額稅俱著加恩暫行免徵至秋收後照
例輸納該部遵諭速行會典事例

三十二年諭今歲河南各屬被水成災已屢降恩旨籌辦撫綏但米糧充裕尤須商販流通著將江南江西山
東湖北等省商販米麥雜糧船隻查係運往豫省災地糴賣者經由赴豫各關加恩免徵糧稅俟明年麥熟後
仍聲明停止會典事例

又免湖北撥運豫省米石回空船料奉 諭旨湖北撥運豫省米石抵豫交卸後原船回過各關例應輸納船料但各船戶回棹時如已攬載客貨其船料自當征收若僅原船回空船戶未免拮据著加恩免其征收船料以示優卹嗣是二十三年復奉 特旨以川米原船回空時如查無攬載者一體加恩免其征收船料通考

二十三年覆准江西湖南四川等省撥運豫省米石之回空船隻一體免其納料會典事例

又議准賑運災地米豆經過各關荷蒙 恩旨免納稅料原期商販流通以裕民食但既經免稅勢必立法稽查以杜姦商藉名影射等弊而領票驗票繳票之際或經理未善致守候照驗有需時日胥役藉端需索在所不免商人又以票中註明往營之地中途不得就便他售因而卻顧不前災地米糧轉少是以卹災免稅之鴻恩啟需索稽遲之弊竇欲通商而轉以累商欲便民而民轉受其不便免稅一事於災地實無裨益嗣後應仍照舊收稅在各商自屬循例輸納並非額外增益而米價翔貴之區商販聞風雲集自然源源運糶於商無阻而民食亦資接濟會典事例

二十五年覆准回空糧船除麥子不准攜帶批數外其各項土宜總以六十石批數免其輸稅如有多帶按則徵收會典事例

二十七年議准暹羅國上年貢物沈溺免其補進復遣探貢船呈請代謝 天恩所有壓艙貨物因多霉爛准其先行發賣免徵稅銀會典事例 互見藩部互市

三十七年准河西務查驗重運漕船例帶土宜免其輸稅會典事例 詳見天津關

四十九年免粵海關珍珠寶石等稅通典 詳見廣東海關

嘉慶四年諭向來漕船准帶土宜一百二十六石例不報稅著再加恩准其多帶土宜二十四石共足一百五十七石之數會典事例

道光十二年諭長齡等奏卡外諸夷進卡貿易懇恩一體免稅等語見在霍罕免罪通商並邀恩免稅其貿易諸夷事同一律嗣後葉爾羌喀什噶爾卡外各部落暨布噶特等進卡貿易著加恩一體免稅以廣仁施而示體恤東華續錄

又諭璧昌等奏烏什所屬之布噶特等進卡貿易可否免稅等語烏什卡外所屬之布噶特等接壤邊卡均極恭順所有進卡貿易之人著加恩一體免其納稅東華續錄

二十四年諭內閣程喬采奏遵查暹羅接貢船隻請照成案辦理一摺暹羅國正副貢船所載貨物向免捐輸至接貢船隻並無免稅之例惟念該國恪守藩封輸忱效順自應格外優卹以示懷柔著准其仿照琉球國成案嗣後暹羅國接貢使京旋之正貢船一隻隨帶貨物免其納稅其餘副貢船隻或此外另有貨船仍著照例收納以昭限制 聖訓

咸豐二年諭內閣常大澂奏請免商販米稅等語所有四川江西二省商販米船運往湖北荊州武昌漢陽等府售糶經過各關均著免米稅俟軍務完竣再行照常徵收東華續錄

三年諭內閣黃宗漢奏請將商販米船免稅等語浙省現當災歉之後又值長江有警商販鮮通民間之食堪虞自應設法招徠以期接濟所有各省商人持照運米赴浙者無論河運海運經過水路各關口均著免其納

稅以廣招徠而裕民食 聖訓

右免稅

臨新文與領錄 參 征權八 口稅

十六

皇朝政典類纂卷九十終

皇朝政典類纂卷九十終

皇朝政典類纂卷九十一

征權九

參務 山場 額課 開採事例 巡防 禁令

原定八旗分山採參彼此不得越境

開採參山在坐落附近吉林寧古塔之烏蘇里綏芬羅拉米瑪延山英額嶺東山黑龍江之蒙古嶺山又附近
盛京之額爾敏哈爾敏等處無關風水地方每值開採該將軍年前奏辦或應歇山亦確數具奏凡烏蘇里
綏芬等處開採事宜由吉林寧古塔承辦額爾敏哈爾敏開採事宜由 盛京五部侍郎奉天府府丞內每年

欽派一員會同將軍副都統辦理則例

康熙二十三年奏定嗣後八旗俱往烏蘇里等處採參其分山各入之例暫行禁止會典事例

四十八年議定寧古塔瑯彥窩哩別派綏哈河伊拉莫河等處地方所產之參專備 上用不准常人採挖會

典事例

雍正八年奏准烏蘇里綏芬等處參山開採二年停歇一年其停歇之年在額爾敏哈爾敏地方開採會典事

例

十年議准烏蘇里綏芬寧古塔等處分年採參又寧古塔綏哈河伊拉莫河綏河山雅滿山自康熙四十八年
禁止採取至今二十餘年嗣後寧古塔五處分爲一年烏蘇里綏芬分爲一年會典事例

乾隆十年奏准額爾敏哈爾敏地方附近禁山其二道江即額和訥音關 長白山風水未便令其開採

皇明文獻通考卷九十一 征權九 參務

嚴行飭禁會典事例

二十三年奏定向來烏蘇里綏芬地方創參二年歇山一年其歇山之年額爾敏哈爾敏仍行官票今額爾敏哈爾敏官票禁止已經數載請將烏蘇里綏芬放票事件暫停一年次年或令二處並行試放仍俟試辦一年後如有應行增減之處再行斟酌定議具奏會典事例

又奏准二道江創參處所距長白山百有餘里創夫採參不過深至一尺似與風水無礙不必禁止又京距吉林甚近二處可同放參票會典事例

四十七年奉旨吉林伯都訥等處著於次年起歇山一二載嗣後創採數年即歇山一次會典事例

又奏准盛京額爾敏哈爾敏參山嗣後請創採二年歇山一年會典事例

又奏准吉林所屬大山烏蘇里綏芬小山羅拉米瑪延英額嶺請自四十九年起各放票二載嗣後大小山林輪換歇山會典事例

又奏准綏芬烏蘇里等山內有二千餘里綏芬係寧古塔所屬須由陸路前往烏蘇里係三姓所屬須由水路前往入春以後令該處副都統分路搜查於所至之極處各懸新牌換回舊牌嗣後歇山之年均照此辦理會典事例

五十八年奏准黑龍江所屬蒙古魯山歇山已經數載仍應放票是年即由吉林羅拉米瑪延參票內填寫放給次年再請領票會典事例

五十九年奏准烏蘇里綏芬及英額嶺兩路分年開創按查看情形妥為籌辦會典事例

嘉慶七年奏准吉林毋馬歇山仍照舊開採會典事例

道光二十二年吉林副都統果陞阿奏遵齊產參山場專竣回任得旨所查情形若何有無弊竇一屬不及無怪乎年來吉林所進之參甚覺不堪想參務廢弛極矣東華續錄

西清黑龍江物產記云齊齊哈爾東北山中亦產人參以路隔紅眼哈姆人不致過紅眼哈姆淤泥地也人行輒陷萬無生理野鳥亦不敢落昔年有盜採者紅眼哈姆既凍去將化還率以俄倫春為前導否則路徑易迷虎狼害尤不測黑龍江外記

右山場

戶部山取清吏司掌參課之政令會典

原定王以下公以上許遣壯丁於烏喇地方採參効力勤勞大臣亦許遣壯丁採參會典事例

一盛京吉林寧古塔等處各項信票均於上年封印前差員赴部請領於次年正月內領到由該將軍等據例定創夫票額放給詳見創夫票數專條儘數行銷並令水陸兼行及時入山創採放創信票繳部銷燬

一盛京等處原額參票五千張除乾隆五十五年酌減二千張嘉慶六年酌減五百張外計每年額發參

票二千五百張額爾敏哈爾敏俱在內回山照票二千五百張引參護牌四張又吉林寧古塔等處原額參

票四千張除乾隆五十五年酌減一千張嘉慶六年酌減二千張外計每年額發參票一千張烏蘇內里

芬五百張英額嶺東山三百張羅拉米瑪延山一百八十張蒙古魯山二十張回山照票一千張原額護牌十

二張除嘉慶六年酌減四張外計每年額發護牌八張如各該處行放漸多不敷散放仍令該將軍等據實

報部添給

一吉林寧古塔伯都訥阿勒楚喀三姓等五處每年額頒參票一千張以八百九張為放給劄夫額數嘉慶四年奏減五十六張現以七百五十三張為率其餘部頒票二百四十七張係備逾額行放之用所餘截角

送部

一盛京所屬之遼陽錦州寧遠金州復州岫巖義州開原 興京鳳凰城牛莊廣寧鐵嶺蓋州承德縣等十五城每年額頒參票二千五百張以一千九百四十六張為放給劄夫額數嘉慶四年奏減一百九十四

張現以一千七百五十二張為率其餘部頒票七百四十八張係備逾額行放之用所餘截角繳部

一烏蘇里綏芬英額嶺東山羅拉米瑪延山蒙古魯山探參劄夫每夫四名給入山信票一張回山餘參照票一張共給進關引參護票四張

一額爾敏哈爾探參劄夫每夫一名給入山信票一張回山餘參照票一張共給進關引參護票一張

一吉林管轄之烏蘇里綏芬羅拉米瑪延山英額嶺東山每夫四名繳信票一張核收參二兩按六張核計共收參十二兩內以十兩為官參以二兩為公用嘉慶十五年酌定每信票一張准帶炊爨人五六名免其

按名交參此外再有多帶之人即作為餘夫於票尾注明姓名各給印照一張每名核收參五錢又每票一

張收銀四兩給與保票人其票房餘夫亦每名給保票人銀一兩

一盛京管轄之額爾敏哈爾探收官參每夫一名回繳信票一張核收參五錢按十二張核計共收參六兩內以五兩為官參以一兩為公用每票一張准帶炊爨人四名各給腰牌一面每年更換稽查

料銀一分八釐共需銀一百五十七兩六錢八分每年參務冊內報銷又每票十二張收銀六兩給與口票人

一 盛京吉林等處各參局核收公用參劬與額收官參一例解交內務府其 盛京參局應需公用按每參一兩支給銀五兩吉林參局應需公用按每參一兩支給銀十五兩於備貯銀內動支仍由 盛京戶部領回歸款

一 商參不准自帶入關凡烏蘇里綏芬羅拉米瑪延山英額嶺東山商參起程之時按密古塔至奉天路程合每參一劬令交關稅車腳銀四兩又按奉天至山海關到京路程合每參一劬令交關稅車腳銀二兩額爾敏哈爾敏商參起程之時按 盛京至山海關到京路程合每參一劬令交關稅車腳銀四兩均官商僱車護送

一 護票內將官參商參各數並進關人夫花名粘單鈐印換站引護進關該監督照票驗放已稅之參不得再稅有原處漏稅夾帶影射者仍究

一 盛京吉林等處各口催收參票之時將劬夫餘參鬚泡丁參葉等項秤定數目連劬夫姓名籍貫年貌註於回山照票之內按程判定月日令赴官局呈驗照額揀選上等好參填給護票解送至京所餘之參仍俟內務府將官參選驗成色足額知照該將軍副都統後方准作為商參官加印封填給護票護送進關售賣 如解京官參碎小成色不足由內務府調取商參到京查驗辦理

一 劬夫按票交參不能足額者以每參一兩折價五十兩之數按欠着追劬夫力不能完者落保人賠交如參票遺失官參全未交納者亦以每參一兩折價五十兩按欠數在保人名下勒追凡所追欠項限一年完

繳限滿無完承追官照雜項錢糧例講處如創夫保人事後實無家產奏明請豁以上並則例

順治五年議定停止大臣採參會典事例

康熙二十三年奏定舊例親王壯丁一百四十名郡王壯丁一百名貝勒壯丁八十名貝子壯丁六十名鎮國公壯丁四十五名輔國公壯丁二十名奉國將軍壯丁十八名奉恩將軍壯丁十五名每名給票一張採參以護衛為長無護衛派包衣為長遣往時由盛京協尉官兵帶往採取八旗內有買參販賣者由戶部給票令買參之人前往盛京開原等處收買不准於採參處買取每票一張人不准踰四名馬牛不准踰十匹共給票三千一十九張會典事例

三十六年議准八旗王貝勒貝子公等領票採參咨送山海關秤量參數計定額之外所得之參該監督照例收稅又八旗買參販賣者持該旗印結咨送戶部戶部給票持赴稅官記案出山海關入關時該監督照數查明收稅會典事例

四十八年奉旨令烏拉打牲滿洲等採參每年交送一十斤其餘作價會典事例

又諭採參人照驛引給予參引所得之參分為三分兩分交戶部發崇文門監督變價一分交盛京將軍衙門按時價折給採參兵丁其折價之參仍送戶部作價會典事例

又議定每引一張例參十兩滿洲人等初次採參引數難以豫定待試採一年酌量各處所得參數再行議定引數由戶部領予萬斤參引盛京將軍所屬發給四千斤參引寧古塔將軍所屬亦如之烏拉打牲總管所屬發給二千斤參引所用參引並所得參數俱著奏明會典事例

雍正元年奉 旨採參雖經嚴禁盜挖究不能除與其肆令盜挖莫如定制收課欽此隨議定烏蘇里綏芬等處有自備資斧採參者無論旗民每票交 上用參二兩五錢徵收銀十二兩每參二斤徵收稅銀二兩五錢汪清等邊外額爾敏哈爾敏厄赫諾爾薩音諾股等附近地方有願自備鞍馬採挖者每票交 上用參二兩五錢亦徵銀十二兩無力之人不能遠採免其交參仍徵收銀六兩每參一斤仍徵稅銀二兩五錢十人一長五十人一領首互相連保將領票人數姓名旗分佐領住居註冊按冊收稅共印票一萬二千張 盛京六千張額爾敏哈爾敏等處二千張吉林烏拉寧古塔四千張會典事例

乾隆九年奏准參票一萬張內額票改為六千張交商辦理會典事例

又奏准參票改為官辦嗣後官雇劄夫於各項備存銀內幫給劄夫銀兩每票交參十兩外將所得餘參六兩抵還幫給劄夫以及各項公用款項其每票所收參六兩仍解交內務府以作抵補之項除官參商參外所獲餘參仍聽劄夫變賣再支給參票仍照舊刷印一萬張內額票六千張將三千五百張交 盛京將軍其一千五百張交吉林將軍一千張交寧古塔副都統會同派往各官辦理其餘四千張 盛京存貯二千張吉林存貯一千張寧古塔存貯一千張備用會典事例

十年議定 盛京吉林寧古塔三廠商買官票餘參前赴參局呈明交紙紅票銀兩先令劄夫議定價值始赴參廠呈明字號參數查對相符本廠登記俟其賣完俾集商人復行查對收稅票銀將商人姓名及所買參斤泡丁蘆葦數目填寫紅單用印包封入櫃雇車交委解人員分撥起解其有未及賣完者俱在二撥起解如未經赴廠呈明登記雖係正票餘參查獲亦應入官免其紉稅會典事例

十四年准打牲烏拉每年額交人參三千兩計本年所交僅八百三十五兩缺額太多據將軍奏稱從前採參均壯丁二百名兵丁百名同採兵丁不識路徑有壯丁率領方能無誤本年祇令兵丁前往是以缺額如此之多應如所請於現設採參驍騎三百名內裁去百名增委採參丁二百名共四百名各給票一紙仍照三千兩之額令每人暫交人參七兩五錢試採一年多則議賞少則再議具奏會典事例

二十一年議定凡採取官參之人各給印票上三旗人用戶部內務府印下五旗人用戶部印該管主編號給票以便稽查會典事例

二十三年議定 盛京吉林陸路參票三人領票一張帶歇三分米六市斗水路參票亦係三人領票一張帶小船一隻米一石八斗每票俱收參六兩銀六兩所收銀兩給與保票之人所收之參以五兩交官一兩作為公用仍將公用參與官參全行解交內務府查收其公用參一兩折銀五兩由 盛京戶部領回還項會典事例

四十二年奏准吉林頒發官票二千五百張以二千張暫為正票以五百張暫為餘票盛京塔子官票一千五百張以一千張暫為正票以五百張暫為餘票於四十三年起試放三年如有正票之外多放餘票者即予議敘如正票不能放完者即參奏治罪至三姓伯都訥阿爾楚喀三處放票應照每年銷票之多寡以定實成三處副都統令其儘力銷放劄夫回山時實力督催仍將放票多寡之處開單具奏會典事例

四十七年議定 盛京吉林寧古塔三處每年部發參票照各省繳鹽茶殘引之例俟各處解到之日隨時捆包秤定開明斤數移交內務府會典事例

五十五年奉 旨每年行放參票雖難以豫爲定額亦未便支領過多去年領票五千張僅放票二千二百三十餘張著交該部嗣後給發參票交各該處每年所需之數十分之內多備二三分辦給毋得餘剩過多欽此
遵 旨議准 盛京等處參票五千張酌減二千張回山照票五千張亦酌減二千張吉林等處參票四千張酌減一千張回山照票四千張亦酌減一千張會典事例

嘉慶六年奏准酌減 盛京吉林二處參票自嘉慶七年爲始 盛京等處酌減五百張發給二千五百張回山照票二千五百張護牌四張吉林等處酌減二千張發給一千張回山照票一千張護牌十二張酌減四張發給八張如行放漸多報部請添會典事例

又奏准吉林放票五百張內減票三十五張印票三張寧古塔放票二百一十張內減票十四張印票一張作爲定額會典事例

八年奏准吉林寧古塔二處參餘銀兩量爲調劑擬以上等餘參收銀十七兩四錢中等餘參收銀十三兩四錢下等餘參收銀九兩四錢會典事例

十四年奏准吉林餘參較多請量爲減收參餘銀兩每上參一兩收銀十四兩中參一兩收銀十兩次參一兩收銀六兩如遇餘參少出之年仍請照舊增收以二十兩作爲定額會典事例

十五年奏准吉林參票以四百六十五張作爲定額會典事例

又奏准嗣後好參進崇文門每兩微六扣銀二錢七分中等參每兩微六扣銀一錢八分平常參每兩微六扣銀九分按季造冊報部查駁會典事例

十六年諭嗣後盛京吉林寧古塔等處應解官參著以人參七成泡丁三成爲準照數收解該將軍督辦毋任局員等稍滋弊混致有短缺會典事例

又諭向來吉林動用參餘買補額參係爲官參交不足額而設上年商買餘參多至數倍是所產土如果廣募創夫何至官參短絀轉向商人購買足額其中卽難保無影射情弊嗣後該將軍等於官參須遵照奏定章程實心經理不得恃有參餘買補轉致官參短絀自干咎戾也會典事例

道光四年諭內閣富俊奏籌議散放三姓參票一摺吉林三姓地方額定參票從前因每年放不足額十三張移播理春試放以致寧古塔放票情形拮据辦理本末平允嗣經富俊奏准將前票仍歸三姓復有請給津貼名目第各城票張不少若紛紛效尤成何政體嗣後著責成承辦參務之員將額票不得藉詞接濟和圖津貼 聖訓

十年諭內閣福克精阿奏酌擬辦理吉林寧古塔臥票參價銀兩一摺吉林寧古塔參票內有臥票向頭等於年前先交官參俟來春參商購買餘參時抽收銀兩茲據該將軍查明道光八年吉林臥票因前來購買麗頭等又不能及時交納飭令赴蘇售賣以致輾轉拖延始歸原款本年寧古塔臥票三十一價銀八千一百三十六兩已照新改章程豫爲發給其吉林臥票一百十五張自未便先行發給以致延著照所請除寧古塔臥票業經發給麗頭外其吉林本年臥票仍照向例令麗頭等於年前先交官春參商起程時一面發給參價卽便抽收參餘歸款以市庫項 聖訓

咸豐七年諭軍機大臣等景浩奏燒商無力交納票錢現均關閉請旨遵辦一摺吉林燒商交納票錢

以糶藉以抵充俸餉近年鋪家較少票錢轉增以致商力拮据難以交納若竟聽其關閉則應支俸餉既恐無
蓄而糧食以停燒壅滯於農民生計亦有妨礙自不若將票錢減歸原額於官民均有裨益惟該商戶日形寥
落減收之後能否無誤輸將著景濟督飭廳員體察情形如果諭令復業於原額十萬八千吊之數不致再有
短缺卽先行曉諭該商仍行復業嗣後應如何酌收票錢以舒商力之處著景濟妥議章程具奏 聖訓
八年諭軍機大臣等有人奏吉林長春兩廳燒鍋津貼參票每年額交課錢十萬八千吊嗣因局員增課八萬
一千吊該商等力不能支紛紛歇業復經奏歸原額而該商等仍因無力完繳從前額外欠款於去歲全行關
閉而十萬八千吊之原額竟無著落等語燒鍋津貼稅課攸關如因催追欠款轉致額課無著不如酌量免其
補交使該商等仍復舊業於課款不致全虧著景濟體察情形卽行查明妥爲辦理 聖訓

右額課

一吉林散放參票承總攬頭不出鋪戶民戶之外或自出己身或代官雇募但勞其力勿損其財俾攬頭人
等咸知安心應役令將軍副都統等於放票時廣示招徠嚴查攬派重法創懲
一吉林參票向係燒鍋幫辦應量其資本之盈絀定給票之多寡如該局員等從中取利散票多寡不均或
創夫交參時局員等任意加重平兌責成該將軍等實力稽查如有前項情弊嚴參究辦
一吉林參局掌關防協領一員幫辦協領一員佐領二員公同經手錢糧事務按年輪派一員解參赴京每
屆三年除四員內解過參勛者卽行更換外仍留未經解參者一員以資熟手至次年更換
一吉林參局借項必由銀庫給發銀庫出納必移戶司備案該將軍副都統等責令所屬參局銀庫戶司三

處協領互相稽查如一處滋弊將互查失察各員一併議處

一參局每年 欽派五部侍郎一員准於該管部分內揀派本處明白參務司官一員入局隨同辦事至辦事協領一員定爲三年一換佐領二員定爲二年一換其有操守清廉辦事諳練者奏明酌留咨報戶部內務府查覈

一燒鍋人等承領參票所需爐頭令局員同地方官出具保結准携帶刨夫入山採刨參勛盡數封送到局如有熟參走漏被獲訊係何攤頭名下之多即指名鎖解交 盛京刑部治罪攤頭交納官參足額餘參准令售與商人交不足額令賠補如挾參逃逸通行緝拿照偷盜官參例治罪原保官議處其有經理不善者責令局員會同地方官另行招募不必限定額數總期辦理無誤

一烏蘇里綏芬等處水陸進山開採烏蘇里綏芬羅拉米瑪延山英額嶺東山每夫四名給信票一張並將票尾餘夫每名一律給予腰牌印照陸路刨夫每夫准帶馬騾一匹水路陸路各准帶市斗口米陸斗額爾敏哈爾敏每夫各給信票一張腰牌一面陸路刨夫每夫准帶獸子一個市斗口米陸斗水路三人合用小船一隻合帶口米一擔八斗凡刨夫例帶馬騾去日印烙注册回日按册查對原給信票印照腰牌回日當官銷燬

一刨夫進山於例帶食米之外不得私帶米石籽種耕種過冬烏鎗網犬並禁攜帶違者治罪以上並則例康熙二年奏准採取官參由工部將山名人名造册給予執照遣往令邊門章京親身驗放將人數出何處邊門採取之處由該部官繕明豫咨奉天將軍定日給予執照照數驗放出邊會典事例

又奏准三旗包衣採參人採獲之參由盛京戶部咨送戶部將斤數繕明印記咨送山海關城守尉過秤放入會典事例

四十八年議定盛京採參滿洲兵每人豫給盤費銀五兩靈古塔滿洲兵烏拉打牲滿洲兵每人豫給銀四兩所得之參分別美惡折給銀兩有不獲參者將盤費銀兩交該管官追取會典事例

又議定滿洲壯丁等採參給予參引將所得之參分爲三分二分交送戶部發崇文門監督訪時價定擬由戶部奏聞變價一分交送盛京將軍衙門按時價折給採參之人會典事例

乾隆三十年奏准商人承買刨夫餘參自靈古塔至盛京仍照舊例每斤收銀四兩代爲納稅並支給看參飯食車價等項需用如有餘剩合計數目多寡先將辦給官兵各款斟酌辦理不得越例開銷如有節省餘剩者卽補還原動款項會典事例

三十八年奏准盛京監放參票司員例給行裝銀三百兩其沿途公費等項共需銀七百餘兩實屬浮費請於五部侍郎府尹府丞內每年欽點一員會同將軍辦理其京員停其派往會典事例

四十一年奏准嗣後吉林靈古塔二處會辦之京員亦照盛京之例停其派往所有散票收參等事交該處將軍等飭屬籌畫辦理會典事例

四十二年奏准刷給吉林等處參票向例於每年開印後委員赴部請領至三月內始到吉林四五月後始行放竣領票後置辦衣具口糧爲時過迫多有遲誤請改於封印前委員赴部請領正月可到吉林二月內卽可放竣會典事例

又奏准 盛京等三處送到之參十成之中以六成爲度渣末泡丁止准四成選至七成卽將該承辦官員等各紀錄一次選至八成各紀錄二次選至九成以上者各加一級不及六成將承辦官員等各罰俸六月五成者罰俸一年四成者罰俸二年三成者降一級留任二成者革職留任其官員等議至降革者將該將軍副都統交部議處會典事例

四十八年諭據慶桂奏擊獲吉林等處私行挖參人犯永璋因朕恭謁 祖陵前往辦理供應事宜是以見未及此著將慶桂奏摺抄錄寄永璋閱看並著伊派委幹官兵于遼參山廠通衢要隘及山谿僻處嚴行搜緝近年封廠停採原期護養參苗令其滋長今吉林等處擊獲私挖人犯至百餘名之多是有封閉之名而無其實反令不肖之徒得以倖獲何若仍行放票開採之爲愈也著自明年爲始仍行放票開採通考

五十九年奏准嗣後吉林散放參票每年准借創丁銀三萬兩俟創夫出山之日卽於所得餘參變價先行按數扣還借項如實在交不足數再准其在商捐項下補足於創夫出山兩月限內全行繳還年清年款仍於歲底報部其窩古塔近年放票不能及數嗣後查照吉林章程辦理至商捐名目應改參餘銀兩從前每一兩收銀八兩至二十三兩不等此後總不得過每兩二十兩之數創夫出山力不能完官欠者准動參餘銀兩歸補其放出額票設遇創夫實有事故不能出山及官參交不足數廳頭無力賠繳者亦用參餘銀兩量補足會典事例

道光四年諭據軍機大臣會同戶部堂官議覆松筠等奏參務章程一摺所議是吉林參務節經立定章程而廳頭創夫尙形苦累自應量爲調劑所有綏芬烏蘇里產參山場住山過冬創夫著准其仍復舊規辦理並令

各攬頭舉熟習劊夫令在蘇城蘇子海訥思屯呢滿口等處尋採按額交上等好參挑贖餘參方准賞給售賣如有成色蒙混情弊卽著落賠換重責示懲其每年留山劊夫不得過每票人數之半如有事故該攬頭於放參票前註冊更換責成押票章京隨時稽察儻潛行透漏從重究治稍有疏縱將該員等分別議處並著守卡弁兵查驗勿任黑人夾帶私參以昭嚴密至松筠等奏請在小綏芬雙城子達場河一帶屯田墾種以供劊夫糧食耕植採參本難兼顧辦給農具殊形繁費且道里遼遠官兵稽察難周尤恐別滋事端轉啟奸民窩藏寄頓等弊著無庸議富俊覆奏劊夫攬頭等苦累情形請援照嘉慶初年參餘銀兩每兩酌減六七兩以十三四兩抽收以裕商力及屯兵交倉糧石糶價不敷原奏四錢之數並著察看情形據實詳晰具奏東華續錄

陸齊額吉林物產記領票曰攬頭挖參曰劊夫市稱爲烏金行所住曰票房子領票進山謂把兒頭每票一張發給腰牌四個卡倫驗明放行帶領十餘人爲一棚從前放票于有餘張漸因出參較少採取愈難歷任將軍以次奏減至數百張放票有定額放不足數官有處分票有出山票規燒鍋票臥票之分每領出山票一張例給接濟銀二百兩秋後交參二兩併原領接濟銀一併交官不准場欠燒鍋票每張亦交參二兩出於燒鍋商人每票一張交京錢五百串包給攬頭劊夫代爲交參又有未經放出之票謂之臥票用餘參銀兩分派攬頭買補臥票額參交官每年十月間將軍副都統督率局員挑揀四等參五等參裝箱派參局協佐領進貢謂之頭邦參挑贖餘參准攬頭劊夫掛號變賣有蘇州山西參商來買者亦有攬頭劊夫自赴蘇州去賣者將軍當堂過秤給票派員送至山海關驗票進關謂之二邦參無票曰黑參擊獲照例治罪吉林向無收取參餘名目因乾隆五十九年劊夫場欠虧空庫項數十萬兩經欽

差大學士福康安等審明奏定餘參一兩批收號銀不得過二十兩彌補虧空謂之參餘相沿至今遂爲定例除買補臥票類票之外盈餘銀兩抵充兵餉吉林外記

右創採事例

一每年冬間盛京將軍奏請 簡派副都統二員帶同官役實力搜查如有拏獲潛匿創夫在山過冬者官兵每拏獲一次報明將軍記名積至五次官員以應陞之缺選用兵丁以應得之缺拔補其搜獲私參每參一兩以八錢入官二錢充賞每參一錢折給銀五錢

一拏獲私參大起案犯應卽隨案具奏其拏獲小起案犯或並未獲犯山內亦無栽種秧參及創挖私參等弊俱於查山事竣將經過各處查緝情形按年彙奏一次

一鄂爾歡地方舊卡倫一座應移於鄂爾歡之西南黃地此外於舊卡倫爲遠處所添設卡倫二十座卽在吉林所屬官兵內添派

一吉林伯都訥拉林阿勒楚喀三姓等處各卡倫改用將軍印花先時發交各卡倫以備粘封參包并注明各卡倫名目張數另立號簿核對於交參時查驗並將三家子臺座粘貼印封改歸俄和木卡倫辦理其臺座止准押送回山創夫概不准粘貼印封如創夫敢有繞越卡倫私往莊屯改包飛遞者照私參例治罪

一創夫不往所指山林開採私採禁山或私賣信票別路飛遞者查拏治罪每年於附近參山處所派令詳蹤章京分路巡察其吉林寧古塔三姓阿勒楚喀伯都訥等處兩卡適中之地安設木橋卡倫兵丁輪流掛牌如遇拏獲黑人私參詢明由某處出入卽知係某卡地方將某卡官兵治以失察之罪各處應設卡倫不

准私減守卡各員於創夫進山出山時按名造冊呈送以出山進卡之夫與出卡進山之數兩相核對如有
藏匿人數指名搜獲坐卡官兵擊獲黑人及搜獲私參者按照 盛京章程積至五次官員陞用兵丁拔補
每獲參一兩八錢入官二錢充賞每賞參一錢折給銀五錢如有追捕不力及得贖故縱者分別嚴議治罪
一奉天巡在海口私參每年由該將軍奏請 欽派盛京侍郎一員隨帶協領一二員前往搜查所獲參劾
具奏解京將該侍郎及協領等議敘其山東海口責令登萊青道會同登州鎮總兵巡緝如擊獲私參報明
山東巡撫具奏解京將該鎮道議敘並將派查奉天海口之侍郎協領等議處

一搜查烏蘇里綏芬大山 欽派副都統二員於每年春季創夫未進山時各帶協領一員兵二百名分往
各處搜查秋季押同創夫出山仍各留協領帶兵一百名住山防守並於沿途安設臺站留兵五十名以備
擊獲黑人逐臺遞解次年春季撤回其吉林甯古塔琿春三莊等界小山俱派各協領分帶兵丁於創夫出
山後前往各處搜查所有隨同副都統春季入山秋季撤回之官兵給予三月俸餉留山過冬防守之官兵
給予半年俸餉派查小山之官兵給予兩月俸餉均於稅課項下動用報銷以上並則例

康熙二年奏准每年四月八月採參時應行派兵巡捕著交鎮守直隸奉天等處將軍奉天府尹直隸順天等
八府一體嚴行傳布會典事例

十年奏准鳳凰城露哈新城 興京等四處駐有官兵安設邊界巡察私挖人參等弊鳳凰城章京三員兵九
十六名 興京章京三員兵四十七名相距四百餘里此兩處各駐章京二員兵五十名自 興京至開原邊
牆盡界三百餘里令駐章京二員兵五十名將此三處兵丁內設領催四名分派地方照前覓其創溝樹立界

木不時追蹤緝捕會典事例

十六年議准奉天出派領催一名兵十四名 興京出派領催一名兵十四名均於八月二十日往夾木產地
方巡查自夾木產至英額往返緝擊其至夾木產之日於樹上編記鳳凰城官兵亦至夾木產查蹤各照編記
爲界會典事例

四十五年議准 盛京古河卡倫一座官一員兵二十七名觀音嶺卡倫一座官一員兵十名永甸卡倫一座
官一員兵二十名土門卡倫一座官一員兵二十名長嶺子卡倫一座官一員兵二十名會典事例

四十八年奉 旨令烏拉打牲滿洲等採參其採參處如遇漢人一概緝捕會典事例

五十一年議准 盛京三柵口卡倫佐領一員兵二十名費德里卡倫驍騎校一員兵二十名薩哈連浪土卡
倫牛叢章京一員兵二十名費德里薩哈連浪土之閭卡倫驍騎校一員兵二十名此四卡倫著副協領稽察
會典事例

五十二年議准鳳凰城城守尉每年出派官二員領催二名兵十八名於二月初五日至露哈所屬古山子樓
房安設卡倫一座遼陽城守尉每年出派官二員領催二名兵十八名至 興京界和羅嘉產邊門所屬肥

玉臺二處安設卡倫一座 興京城守尉出派官二員領催二名兵十八名至囑三和羅佛鈕安設卡倫一座
石頭城湯保城係鳳凰城所屬之地出派官二員領催二名兵十八名設卡倫一座稽察出入俱於七月內更
換會典事例

六十年議准開原出派官二員領催二名兵十八名出英額邊門 興京出派官一員領催一名兵九名出

興京城邊門遼陽城守尉並隨帶領催一名兵四名又出汛員三名領催三名兵二十七名出喜嘉木產邊門熊岳出派官二員領催二名兵十八名復州出派官二員領催二名兵十八名岫巖出派官一員領催一名兵九名鳳凰城出派官一員領催一名兵九名俱出靉哈邊門每官跟役四名著一卡之領催兵丁作為跟役均於七月十五日遣往會典事例

雍正元年奉 旨著將兀卡議裁欽此遵 旨議定輝發三桐等處所駐卡倫請行裁撤其柳葉軍勒根邊臺官兵仍加嚴肅並查明烏喇吉林一帶所設卡倫應駐劄者令其駐劄應除者均行裁撤拉林馬匹等處向來禁止不准挖參仍令官兵駐卡嚴查緝捕跟蹤獵獸烏蘇里綏芬等處仍著密古塔官兵駐卡嚴查緝捕會典事例

又奏准自山海關東北六十里之綴子山起至鳳凰城沿邊共一千八百餘里隨口十二大門三小門每大門著章京一員筆帖式一員兵三十名駐守每小門著門官一員筆帖式一員兵十名駐守臺卡丁夫一里餘著派一名共臺丁一千五百名沿邊二十里間可耕之處分臺丁二三十名不等兩邊口間安臺二三四五座不等設寨挖壑自五原堡南至英額汪清嘉纏愛漢鳳凰城柳條邊口七百餘里每門著官兵看守一里餘著派臺丁一名共六百餘丁兩邊口間安臺二三四五座不等會典事例

乾隆十年定每年十二月特派協領一員官三員兵三十五名於河道稽查領票挖參人夫多挾米粒至河水解凍時撤回會典事例

四十七年奏准專派總統查擊之官兵與各卡倫官兵酌定懲賞以分功過會典事例

又奏准歐山之年嚴飭參山附近邊門文武官員於各邊門設一木牌開寫本處門名交與緝緝兵丁各持照牌赴至交界當面查換仍將書換照牌交該門官員查驗真偽並令該門官員不時親赴往返巡查會典事例

又奏准巡查卡倫以及坐卡官兵給發照牌輪流更換並令具結呈報各該副都統協領等每月彙具加結咨報將軍衙門會典事例

又奏准歐山之年秋令出派管轄番役官員於四柳條邊門另派官兵於城牆周圍緊要隘口等處分往查拏會典事例

嘉慶十五年諭福疆阿等奏請派侍郎巡查海口私參一摺已派宗祿去矣至另片所稱酌度總會地方請令撤出之侍郎前往駐劄等語查省海口共有二十餘處地面既屬遼闊各處皆可透漏私參奉派之侍郎揆次查閱固不免顧此失彼之虞若專在總會處所駐劄緝拏則姦徒蹤跡無常更恐巧於趨避殊非嚴密緝捕之法自不若隨時相度緊要地面往來移駐令姦徒無可揣測自然疑懼不前仍分派協領各員於各海口梭緝巡查一有拏獲卽嚴行辦理並督飭稽查海口旗民地方各官實力緝拏令將稽查情形具文呈報隨時考覈其有拏獲私參等項究明係何處偷越卽將失察之該管官嚴參示懲俾各處咸知認真緝查庶足以儆姦商而杜透漏至該侍郎移駐巡查之期亦不必過於久遠約駐兩三月後便可回任飭令各該處官員毋稍疎懈可也會典事例

又奏准參山隘口設立卡倫原爲稽查出入創夫以杜黑人混雜不准私減並令守卡各員於創夫進山時查驗腰牌印票按名點放出山時仍造冊呈報以出山進卡之夫與出卡進山之數兩相覈對會典事例

薩齊額吉林卡倫記 二道河 額赫穆 得恩澤 額發 以上四卡倫官兵每月更換一年不撤換之
恩時該處卡倫以下各處恩時卡倫俱每月更換不盡同此三個頭子 拉法 烏里
駝哈 舒爾哈 平頂山 荒溝 額赫穆屯 推博地 綏音 瓜勒察 額爾溝 倒木溝
無勒薩木溪 海清灣 道光元年奏議依吉甯深改設以上十六卡倫官兵每月更換三月一日領夫
入山以前出派十月一日領夫出山以後按日領之額克什讓特備辦卡倫以下各處額克什讓特備
辦卡倫俱奉設多撤回此國恩時該處卡倫俱每月更換不盡同此三個頭子 拉法 烏里
右巡防

原定採參之人越界採取者以偷盜論參還原主越境採取者參與人商俱入官其主罰俸有差不知情者免
議為首之人擬一百餘皆准竊盜論參入官會典事例

一官參到局先令局員認看倘有秋參攪雜係何界何人所交即將該地方官并稽查官參處種參之人治
罪該將軍等公同挑選官參足額各按各界分包粘貼印花派員解京其餘仍准令商人認買到京後如再
挑出秋參不計多寡查係何界所種仍將該地方官稽查官及局員等革職提調該將軍等降調種參之人
治罪其挑出秋參撥助餉於該攬頭名下遺繳解京如無好參責令攬頭賠交參價解京如攬頭不能交
納責令承辦之員代賠 照兩淮交價之例每兩交銀四百兩五等參每兩交銀二百兩嘉慶十五年
奏准應賠銀數每季一兩減去銀五十兩

一解京官參內如有秋參將軍副都統府尹並協領佐領均議處著賠侍郎保會辦之員一併議處酌減攤

賠其侍郎所派之司官及通判祿係失於辨認除應得處分外免其分賠以示區別

一栽種秧參地方責成該將軍副都統府尹派令各該地方文武官不時嚴密稽查具結呈報如有失察偷種及知情縱容等情弊即將該地方官查參照例分別降革稽查之員未經查出或扶同徇隱與地方官一體參處栽參之人照例究辦該將軍等自行查出免其處分倘被別人告發一併照例議處

一創夫因有缺參折交之例輒敢隱參交銀者查出治罪所隱之參入官

一辦參官於出放創夫信票時不核明保人家產任聽濫保致事後追項無著者承辦官予以處分

一貢欠創夫暗囑不貢欠創夫代為併包携帶餘參及黑參人方經盤獲他票創夫認為同夥者承辦各員訪察得實即照私參例治罪並將該管官從嚴議處

一各莊屯如有飛包過付窩藏黑人者除窩家照例治罪外將該管之萬山達里長審明是否知情分別治罪其有收買參秧及偷創參秧貨賣者查拏訊實後俱一體按律治罪以上並則例

順治十五年議准旗下人偷採人參者枷一月鞭三百牲畜及所得之參一併入官官民家下人有犯其主知情者本犯枷一月鞭三百參與人畜皆入官其主問偷盜之罪不知情者免議本犯枷兩月鞭一百牲畜財物入官若其主知情詐稱不知者加等治罪家人入官奉天等處民人有犯者枷一月責四十板人畜財物入官蒙古錫伯瓜爾察等處人有犯者交理藩院議處會典事例

康熙十五年議准旗人越境採參已得者將出財之主並為首之人皆擬絞監候開拏投部不准自首為從係旗人枷一月鞭一百係奉天等處民人枷兩月責四十板物畜入官內地民人並妻入官奴僕偷採其主

知情者旗人鞭八十民責三十板偷採之人枷一月鞭一百人與畜俱入官若其主知情詐稱不知者旗人鞭一百民責四十板不知情不坐本犯枷兩月鞭一百物畜入官若未得參者出財之主並為首之人係旗人枷兩月鞭一百民不分奉天內地皆枷一月責四十板同妻一併入官餘照前例會典事例

十九年議准凡違禁偷採人參仍照康熙十五年定例治罪為從之人各枷兩月係旗人鞭一百民人責四十板其邊外居住山海衛所屬兵民及盛京直隸山東沿海處所有偷載人參貿易者照偷採人參例治罪會典事例

雍正五年奏准每丁應交人參缺額一兩以下者鞭五十二兩以下鞭一百二兩以上枷四十日鞭一百如每旗應交人參合計缺額六斤以上二十斤以下者督催之領催珠軒頭目各鞭八十二斤以上三十斤以下各鞭一百缺額更多者各鞭一百革去領催頭目降充壯丁三旗應交人參缺額二十一斤以上三十斤以下督率之翼領驍騎校各罰俸餉兩月更有缺額者以二十斤為一倍每一倍罰俸餉兩月缺額至一斤者各降一級罰俸餉一年會典事例

九年奏准偷採人參財主及為首之人所放人至百名以上所收參至五百兩以上者仍照舊例擬絞監候人

不滿百名參不滿五百兩者杖一百流三千里會典事例

乾隆九年定稽察參山積弊事宜舊例商人領票辦參每票一張一人兩畝前往創採而領票之人早已雇夫

出口每票一張或三四人五六人不等經奉天將軍奏稱與其應伊私雇人夫任意創採不若嚴定人數給發

腰牌請嗣後每領官票一張准其三人出口一人守歇炊爨兩人入山創採給發腰牌三面以別真偽至包攬

飛參之棍徒應與產礦山場棍徒潛行偷挖約練接濟夥同分利者同科請嗣後拿獲包送飛參之人亦照此律究治惟是邊門所轄鞭長莫及難以防範如威遠堡邊門路通寧古塔黑龍江兩省商賈車輛往來不絕又如英額江清二門雖無車輛出入多有馬馱私運至蘇麻爾河兩門並應添派巡緝在各屬員內調補三年更換戶部議覆俱應如所奏從之通考

十一年奏准打牲吉林寧古塔三姓黑龍江等處出派官兵挖取官參並採取樺皮以及催交貂皮修理船隻等差各項人等所帶口糧鐵鍋帳房等數目行令酌量定擬帶往不得令其多帶仍將所定數目嚴交卡倫官兵查驗放行儻有仍前夾帶物件接濟私挖人參等弊即將不能查出卡倫官兵照例治罪會典事例

又奏准七姓赫哲人等在烏蘇里口附近居住恐有射利容留偷參之人接濟糧米等弊自當定其賞罰如有拿獲者即將物件給與拿獲之人合計所獲人數折合銀兩布疋等物獎賞如仍有容留等弊將應給賞物裁汰仍將容留之人交該鄉長等責懲至獎賞應需銀兩即在紅票銀內動用會典事例

又議定三姓琿春等處商人官兵領票赴寧古塔船廠地方購買物件令其開明數目有違禁攜帶米石什物賣與偷創之人易換人參者該將軍查明米不及五十石什物值銀不及五十兩俱杖一百徒三年若逾前數俱發附近充軍旗人及官兵有犯加民人一等治罪其巡緝官兵知情故縱與本犯同得賊者以枉法從重論失察者兵丁照山海關搜獲參珠不力例治罪其明知偷創奸匪而容隱在家不行告捕減罪人一等治罪會典事例

又定索倫達呼爾越界至松阿里烏拉地方私帶米糧等物賣給創參人者照無引私鹽律計米數多寡分別

定擬吉林烏拉有越界私帶米糧情事令吉林烏拉將軍一體查拏照例定擬會典事例

又定凡旗下另戶正身潛匿禁山過冬創參照不分己未得參杖一百例加等治罪其審有人參數過於本罪者照定例以次遞加仍免刺字其民人旗下家奴人等除照例治罪外無論己未得參者俱刺面民人交地方官嚴行管束如再逃往禁山亦加一等係逃下家奴人等發往拉林給與移駐種地滿洲為奴會典事例

十三年奏准南海德克登機等處過冬官兵本年停止派往仍派官兵跣跡巡察南海等處於七月內起程前往俟創夫出山後過行跣跡搜獲嚴查靈古塔三姓副都統率領官兵於五月間起程前往會典事例

二十四年定拏獲創參賊犯如有身充財主雇人創採及積年在外逗遛已過三冬者不論參數多寡俱發雲貴兩廣煙瘴地方若並無財主一時烏合各出資本及受雇偷採或隻身潛往得參者均杖一百流三千里未得參者杖一百徒三年代為運送米石者亦如之旗人有犯同民人一體辦理犯應軍流者銷去旗檔係旗下家奴發駐防兵丁為奴會典事例

又定旗民人等偷創人參人至百名以上參至五百兩以上者為從係民人發雲貴兩廣煙瘴地方旗人銷去旗檔同民人一體發遣家奴發駐防兵丁為奴均於面上刺字販參人犯查明參數照財主頭目偷創人參例減一等治罪免刺至創參人犯被獲治罪後復逃往禁山各加一等問擬係旗下家奴即發黑龍江等處給與披甲人為奴會典事例

二十七年奉 旨嗣後查拏私行買賣飛參人等查出銀兩如在一百兩以內毋庸入官即分賞原捕之人如在一百兩以上分作三分二分入官一分分賞原捕之人其出力奮勉人等作何分別賞賚之處著將軍自行

辦理永爲定例會典事例

五十八年諭吉林境外非盛京卽黑龍江地方有偷換人參者均著枷號兩月滿日杖一百發遣煙瘴地方以示警戒會典事例

嘉慶四年奉 旨私創人參之案祇係隻身潛往向例不論參數多寡概擬滿流未免無所區別此後計贓論罪以昭平允欽此遵 旨議准旗民人等偷創人參如並無財主一時烏合各出資本及受雇偷採或隻身潛往得參者俱按其得參數目一兩以下杖六十徒一年一兩以上至五兩杖七十徒一年半十兩杖八十徒二年十五兩杖九十徒二年半二十兩杖一百徒三年二十兩以上至三十兩杖一百流二千里每十兩遞加一等罪至流三千里爲從及未得參者各減一等代爲運送米石者杖一百私販照私創人犯減一等治罪得參人犯首從照例刺字未得參及私販人犯俱免刺餘皆照前例會典事例

十五年諭盛京吉林寧古塔一帶環繞長白山爲本朝發祥之地產毓人參實惟瑞草二百年來附近山場創採日多必須遠歷深山方能採獲佳品亦事理之所有至種參一項以偽亂真殊干例禁乃近年各該處辦解官參竟有攙雜秧等形狀雖覺腴潤而性味實蕪現據內務府參奏此次驗收官參係會同稽察御史令各該解員眼同拆封並添傳經紀鋪戶人等認看盛京票參四十八斤十二兩內堪用參十三斤四兩泡丁十五斤八兩外存秧參十八斤十二兩及帶鉛泡丁一斤四兩吉林票參五十九斤七兩五錢內堪用參一斤十二兩泡丁十八斤十五兩三錢外有秧參三十七斤十三兩二錢帶鉛泡丁十五兩寧古塔票參十七斤十二兩八錢內堪用參八斤十二兩泡丁六斤十二兩九錢外有秧參一斤十四兩九錢帶鉛泡丁五兩等語寧古塔秧

參餉一石有餘盛京已十屆其六吉林至好參轉不及一成又盛京四等以上參六斤內亦有秧參二斤吉林四等以上參三斤二兩大枝參十兩竟全係秧參該將軍等不能認真查察均有應得之咎其挑出之秧參及帶鉛炮丁著交原解官發回著落該將軍等照數更換補解如不能足數即著照兩淮交價之例分別四五等及炮丁定價解銀歸款會典事例

又論此項駁回官參該處既交商變價其不敷銀兩自應著落分賠且俟餘參解到時有無可以驗收之參再將該處應賠銀數降旨飭交至秧參一節本干例禁近詢之曾在奉天大員俱云移養參秧不知起自何年不但在本山培養並有沿及附近山場之處本日該將軍奏摺內亦有此語此等積弊竟係明目張膽毫無畏懼該將軍等豈得諉為不知若不嚴行查禁則以偽亂真必致正參日少尙復成何事體嗣後當隨時查禁如有移秧培養之處即行實力嚴拿毋得泄泄干咎會典事例

陸音額吉林物產記云例載參票如十分之中承放官員短放不及一分者罰俸六個月一分以上者罰俸一年二分以上者降一級留任三分以上者降二級留任四分以上者降三級留任五分以上者實降一級調用若該管大臣不行查催各城有短放參票三分以上者將軍副都統等罰俸六個月四分以上者罰俸一年五分以上者降一級留任例載私養參秧照私人參例辦理又例載一時爲合各出資本及受雇採或躉身潛往得參者俱按其得參數目一兩以下杖六十徒一年一兩以上至五兩杖七十徒一年半一十兩杖八十徒二年爲從及未得參者各減一等吉林外記

右禁令

征權十

雜稅額徵 木稅 採捕東珠貂皮 酒醋

一各省地方官徵收落地雜稅凡大鄉巨堡載在誌內者均令照額徵收將各集各行每年所收稅銀造冊報部其有徵多報少者嚴加治罪欺隱稅銀加倍審追

一盛京牛莊蓋州熊岳復州金州岫巖六城年額蠶繭稅銀六千六百九十三兩有奇按年造冊報銷如有多餘儘數報解又奉天 盛京各城雜稅每年額徵銀五千二百八兩五錢七分吉林雜稅額徵銀一千七百八十兩木稅額徵銀三百七十兩寧古塔雜稅額徵銀九百一十二兩 如不放參票之年商賈稀少儘收儘解三姓雜稅額徵銀一百九十兩伯都訥雜稅額徵銀二百七兩又所屬拉林雜稅額徵銀七十二兩阿勒楚喀雜稅額徵銀一百三十八兩鐵嶺縣雜稅儘收儘解

一直隸省雜稅儘收儘解

一安徽省雜稅銀儘收儘解

一浙江省雜稅儘收儘解

一福建省雜稅每年額徵銀二千七百二十兩五錢五分九釐

一湖南省雜稅儘收儘解

一河南省老稅每年額徵銀三千五百九兩九錢六分三釐有奇盈餘正額銀六萬五千四百九十五兩三

錢四分七釐有奇新增額稅銀一萬六千五百九兩三錢九分三釐有奇活稅儘收儘解

一山東省雜稅儘收儘解

一山西省雜稅額徵銀一十八兩二錢九分九釐

一甘肅省雜稅落地稅儘收儘解

一四川省雜稅每年額徵銀三千四百四十七兩六錢七分有奇遇閏加徵銀三百七兩九錢五分五釐有

奇

一廣東省雜稅每年額徵銀四萬九百三十一兩三錢三分有奇

一廣西省雜稅每年額徵銀九千九十七兩七錢二分八釐有奇遇閏加徵銀四百九十六兩三錢七分桂

林府公費銀裁歸正稅銀每年一百六兩平樂府裁減知府養廉歸入正稅銀每年五百兩舊額盈餘銀九

千九百八十四兩一錢七分一釐遇閏加徵銀二百八十二兩六錢七分四釐

一貴州省雜稅每年額徵銀一萬二千五百三十三兩五錢七分三釐有奇遇閏加徵銀一千二兩一錢七

分二釐有奇遵義府仁懷縣二處雜稅儘收儘解以上並則例

康熙元年題准直省雜稅照正賦例依限奏銷違者照例參處會典事例

六年免廣東雜稅四千兩有奇廣東巡撫王來任請免粵東雜稅四千有奇以聽民困部議不准 上特允之

通考

十六年題准雜稅錢糧均照正賦考成會典事例

雍正七年諭稅課之屬無顯然額徵之數則官吏得以高下其手而閭閻無所遵循卽如從前各處稅課經地方官徵收有於額解之外多數倍者且有多至數十倍者既無一定之章程則多寡可以任意其弊不可勝言屬員既已貪取則上司必致苛求官員既已營私則胥役必致橫索日積月累漸有加增之勢而難於稽查豈非民生之隱患乎是以令各省督撫遴委賢員監收一年以定科則其徵收不及額額者亦令奏聞降旨裁減若該督撫等果能督率有司奉行盡善將一年所收者悉行奏聞不及額數者請旨減免則賦有常經萬民共受其福矣會典事例

乾隆十一年定 盛京各城雜稅定額四千八百十六兩五錢五分惟鐵嶺縣雜稅無定額儘收儘解會典事例

四十一年議准陝西雜稅每年額徵銀三萬四千五百五十八兩二錢有奇會典事例

又議准山東每年徵收雜稅銀六千四百八十三兩有奇會典事例

王慶雲曰事有其細已甚而關民生之利病者故雜稅不可以無紀雜稅有牙稅有木稅煤稅有契稅凡官牙定之以額擇其人輸稅領帖以充牙行民間懋遷有無評物價以助市政若瓜果菜蔬日用之物私立牙行名色者禁之騰禁州縣於定額之外私添牙帖及胥役冒充爲民害凡邊外木稅康熙間特准商人於殺虎口外大青山採木輸稅入口二十四年定山西緜穆山木稅時議給與蒙古山價既可爲貧乏養贍之資而材木運入內地又可供官民興作之用蓋口外諸山前代爲匠石不經之地蓄積既久菁華日獻視內地庇縱葺斧者相懸萬萬自樵蘇不足而煤利興久之遞開遞竭乾隆初特准開熱河八溝等

處煤窖又定山東海寧立一察戶民地以地主爲戶官地以領帖輸稅之人爲戶禁不得雇用外地人夫以防流弊四十六年以煤價昂貴准於西山擇地開採又秦會典凡買田租房必用布政司契尾自田文鑄創爲契紙契根之法書吏實錄爲彙雍正十三年勅禁之乾隆初乃復契尾之法凡活契典業不在內稅之例後又定契價千兩以上者送道府稽查卽現行事例若應城之石膏稅大宛二縣之鋪面行稅殺虎口之農器稅烏魯木齊之鋪面圍圍稅凡以稽查出入少取之而無害於民至於無名之征朝開則夕革夕閉則朝革如 開國時免錢塘仁和間架房丹徒丹陽馬折銀江陰青浦養牛稅廣東雜稅雍正時除京師琉璃瓦兩廠民屋計標輸稅免黔省邊疆各山場小稅乾隆間除近海單桅漁船稅天津蘆灘課園廣竹筴取魚埠頭養鴨稅江蘇沿城構屋地租廣東加增埠租漁稅又免泰山及湖北太和山香稅浙江玉環漁船塗稅 歷朝以來苟有以便民惟恐不及而未嘗稍有恠惜蓋織悉不可備書第記所見之大略如此石渠餘記

右類徵

盛京渾河卽呼納呼河大凌河小凌河六周河太子河清河營紅河大莊河碧赫河歸河遼河艾河曹河各項木植十五取一以備 三陵陸續取用其不堪應用者隨時變價大凌河折銀交部大木每根徵山分銀六分小木計價一兩二錢徵山分銀六分徵木植多寡不齊無定額會典事例

康熙五十三年議准呼努呼河等處木植抽分差奉天都院司官一員管理工部議覆 盛京工部侍郎員和諾疏言呼努呼河等處商人所辦木植於十五根之內抽取一根請派 盛京各都司官一員抽分一年

差清更換應如所請從之通考

雍正元年定渾河水稅交旗官協領一員會同奉天府治中徵收每十五抽一備 盛京工部之用其十四根照例稅銀每兩三分清河遼河太子河愛哈河韓河大凌河小凌河六州河水稅交各地方城守尉會同民官徵收每十五抽一折銀並所收之稅俱解交渾河稅官會典事例

乾隆二十一年准 盛京大那祿等山場招商砍木納稅 盛京侍郎清葆奏寬奏大那祿等九處山場請勘限三年仍給各商領票砍木納稅至三年期滿仍將九處山場撥給台丁砍木如台丁內有不願領票者照例招商承領輸納稅課得 旨允行通考

三十年奏准 盛京抽存木植凡過各工取用如木植尺寸不符卽令該監督等會同丈量折改給發如長徑丈尺實在懸殊難以折改始准動項採買渾河稅口抽分木植查明不堪工程應用者照例變價會典事例

三十一年定 盛京木場丁辦商辦之制 盛京有砍木山場曰大那景曰東昌溝曰鶯窩背曰梨樹溝曰小夾河曰那爾吐曰鍋鏢峪曰大石湖曰英額河砬子向由臺丁領票砍科以資生計乾隆八年將軍阿蘭泰以搭橋商人拖項無完請將各場酌撥商辦以清欠項二十四年將軍清葆請將各場撥還臺丁如臺丁不願承領募商砍伐科稅二十七年因鶯窩背臺丁承辦貽誤募商另充慮見成效至是臺丁復以爲請工部尙書託恩請定章程經大學士等詳以丁辦現有誤公之案而商人多費資本開就山場承辦尙無貽誤若因臺丁覬覦遽爾撥還設將來或需募商必致裹足不前請將商辦之大那景等三場仍歸商辦如無商辦卽令大邊衙門將股實臺丁保送承領丁辦之梨樹溝等六場仍歸丁辦如無丁辦卽行募商從之通考

五十六年奏准渾河稅口徵收陸運木板照依水運抽分之例每十五塊抽分一塊以備工程應用會典事例

同治六年停熱河圍場試辦木稅東華續錄

右盛京木稅

吉林所屬輝發穆欽等處木稅十分取一免徵山分銀其木植變價額銀三百七十兩 寧古塔木稅銀一百五十八兩 三姓木稅銀一百二十八兩會典事例

右吉林木稅

潘桃口今改設大河口稅銀六千四百四十五兩有奇又加增枋櫓等項稅銀二百四十一兩有奇木植十分取一均按長徑尺寸取價折徵歲解工部節慎庫 古北口稅無定額儘徵儘解 通永道額徵板木船客稅銀七千一百十五兩有奇現在無塞稅 盈餘銀三千九百兩又大小口木稅銀一千二百兩會典事例

乾隆三十年潘桃口所管大小口改歸通永道征收通志

嘉慶七年諭額檢奏密雲縣徵解木稅不敷定額懇請覈實辦理一摺該縣管理古北口抽分事宜每年應解木稅原以一千十二兩零定為歲額今據稱該處商販寥寥無人領票辦課山場砍伐既久近年以來只有小民在附近各山採取柴薪照例輸課每歲不過三四十兩至五六十兩等語自係實在情形除嘉慶二年至六年止應解稅銀仍在歷任知縣名下照數勒完外嗣後此項木稅自嘉慶七年為始著即照徵收雜稅之例儘收儘解不必定以額數仍著該督責成該道府等隨時稽察毋得以多報少致滋弊混密雲縣距京甚近儘一經查出必將該令等懲處不貸其該縣原領監督關防印著繳銷會典事例

包世臣密雲稅口說予歸入西山覽檜栢大鐘諸勝遂徧獨石邊牆沿檜白二河東至密雲意欲散瞻
車陵入界百餘里借宿民家路近 青椿山中無民居可借宿乃返沿途皆高嶺巨石山間有小溪溪旁
安設水磨不下三十座皆磨栢根爲香末以貨於都密雲城外有稅口專收木稅起自前明詢之主者云
都中松楸各器具皆出於此考此山場外距 青椿百餘里內與接界本和伯相福大農私業自嘉慶四
年查抄入官歸併 風水山由馬蘭鎮總兵及守 陵王貝子督率弁兵管轄 青椿以內民有搗斫
入傷樹木者罪卽殊死且自抄入之後並未與 風水山分別輕重立有明條則小民偶有觸犯勢必歸
風水山矣內一例查辦其山場北邊邊牆此外更無寸草尺木可供斫伐者斫伐人多而日深勢必延
及 青椿又地險無水路伐樹者皆用斫平胸斫斷乃斧其枝斷其皮燒而烘乾之每一樹止取板一塊
亦難保無延燒放荒之禍烘乾後乃以人負騾駝至白河紮碑頂關上稅稅口止知征收錢糧不復請其
來歷商民皆視爲上稅正貨豈知其身犯大禁耶似宜奏撤此口明示科條以免罔民之慘 安具四種
右直隸潘桃口等處木稅

殺虎口稅銀七千二百兩歸化城落地木稅四百四十六兩木植十分取一照部價折銀解交節慎庫松板每
折見方一尺長一丈以外價銀二錢五分長一丈以內價銀一錢六分五釐七毫不徵雜木松木松楸照潘桃
口古北口徵收 武元城木稅銀一千二百三十一兩有奇盈餘銀一千二百六十九兩均照部價折銀每兩
三分徵收會典事例

康熙二十八年准內地商人往殺虎口外伐木入口販賣驗放輸稅工部議覆山西巡撫倭倫疏言殷實商人

願往殺虎口外大青山等處採木者請令其赴部具呈給票守口官兵驗明放行輸稅入口販賣查殺虎口外從無伐木之例應將該撫所請毋庸議得 旨內外之民俱屬一體大青山木伐賣商民均爲有益著照該撫所請行通考

乾隆二十四年定山西穆納山徵收木植稅課山西穆納山木植久經封禁該處奸商藉此射利潛行偷砍地方胥吏需索勒索每滋弊端 上命戶部郎中英廉會同巡撫塔永寧前往各山溝逐細履勘具奏產木山場共有四十七處屢經砍伐而可用之材尙多但山場荒僻路徑叢雜與黃河磴口處處相接可通水運亟應仰遵 諭旨寬弛其禁招商砍伐按料給與蒙古山價既可爲養贖窮乏蒙古之資材木運入內地又可供官民興作之用謹將招商開採設口稽查各事宜逐一詳議一稅口宜互相稽查也查穆納山木植運至山口卽就山口驗量鑿用稅廠斧印派附近駐劄之薩拉齊協理通判兼司辦理至上游磴口木植必用查漢庫連磴口與托克托城河口兩處匯集或就近由陸路發往歸化城抑或竟由水路赴殺虎口河堡營轉運各處售賣請於兩處各設立稅口責成各該駐劄之通判經營並令歸綏道專司稽查以專責成一稅課山價宜彙同徵收分別解給也查從前議定商人認買穆納山木植每料長七尺厚七寸寬一尺交官價二錢八分今運送稍艱請酌中定以每料收木稅銀一錢二分至山價一項乾隆十七年奏定每料給與一錢今應仰體裨益蒙古之恩旨每料酌增二分亦以一錢二分酌給行知烏喇特札薩克差員赴歸綏道衙門領回養贖所屬窮乏蒙古每兩隨稅耗銀一錢以爲吏役飯食巡船紙張之用一商人工丁宜定數約束以免滋擾蒙古也今酌議召募殷實諳練者爲商總其散商或三四人或五六人不得過六名之數每商一名其名下砍運工丁不得過一

百名給與該商人印照指定山溝分編字號在山伐運一稅廠應按時分別開停也查穆納山木植非藉黃河水運不能致遠黃河每年十月立冬冰合至三月清明後冰泮方能行運兩處稅口卽以酌定啟閉日期通報至開採數年之後大木無有所有商丁自應概行查逐出山以免逗留滋事從之通考

右山西殺虎口等處木稅

原定王以下公以上許遣壯丁於烏拉地方採捕東珠貂鼠等物會典事例

順治二年定烏拉打牲壯丁每一名歲徵貂皮十有五張會典事例

四年題准上好東珠重八分者每一分折貂皮十張重七分五釐及七分者每一分折貂皮九張重大分五釐及六分者每一分折貂皮八張自五分五釐至一分者每一分折貂皮五張每五釐折二張半照數計算重五釐東珠折貂皮二張珍珠每一分折貂皮一張不足半分小東珠俱作珍珠此外顏色有帶東珠酌量折算獐獐獐頭號每張折貂皮六張二號折貂皮五張三號折貂皮四張四號折貂皮三張水獺皮頭號每張折貂皮三張二號折貂皮二張半三號折貂皮二張半四號折貂皮二張四號折貂皮一張半五號折貂皮一張末等每二張折貂皮一張豹皮頭號每張折貂皮五張二號折貂皮四張三號折貂皮三張虎皮頭號每張折貂皮四張二號折貂皮三張三號折貂皮二張四號折貂皮一張狐皮每張折貂皮二張狼皮頭號每張折貂皮三張二號折貂皮二張末等折貂皮一張貉皮每二張折貂皮一張小毛貂皮每二張折貂皮一張豺狼皮每張折貂皮一張上好灰鼠皮每二十張折貂皮一張小毛灰鼠皮每二十五張折貂皮一張虎斑鷓鴣翎芝藤鷓鴣翎每副折貂皮二張鷓鴣翎每副折貂皮一張凡皮翎損傷者不許解送每年打牲壯丁夏季停止一月每名除貂皮二張冬季

停止一月每名除貂皮三張會典事例

又議准東珠重八分以上至一錢每一分皆折貂皮十張會典事例

七年定停止宗室公採捕東珠貂鼠等物會典事例

四十年覆准烏拉打牲壯丁連幫丁每一名額取貂皮二十張爲數過多又因二等有光無光東珠折算貂皮以致議處嗣後停止折算除無光東珠及珍珠不入正額外現有珠軒頭目三十三名定爲每珠軒額徵一等二等有光東珠十六顆歲徵東珠共五百二十八顆會典事例

雍正十一年奉 旨河中蚌蛤較前稀少其所取頭等東珠酌量作何准抵尋常東珠之處會議具奏欽此遵旨議定嗣後將打牲烏拉採送東珠除無光東珠及珍珠不入正額外其上三旗四十二珠軒下五旗三十四珠軒所採東珠一等者每顆准抵尋常東珠五顆二等者每顆准抵尋常東珠四顆三等者每顆准抵尋常東珠三顆四等者每顆准抵尋常東珠二顆其尋常東珠每顆仍以一顆計算會典事例

乾隆十五年奏准採蜜丁三百名停止採蜜改編爲十二珠軒每珠軒額徵東珠十六顆每歲額徵東珠一百九十二顆會典事例

十九年諭收撫之烏梁海五百八十五戶向屬準噶爾時每丁歲納貂皮六張今加恩減去二張止納貂皮四張其來年應納之數亦著寬免會典事例

又奉 旨嗣後舊將上年送到東珠數目比較具奏會典事例
三十二年議准採蜜丁一百五十名改令採捕東珠歲徵東珠八十顆會典事例

三十三年議准打牲烏拉現有六十五珠軒卽作爲定額永不設會典事例

道光四年諭三姓等處出產貂皮各商先往承買若在吉林完納稅銀程途較遠易滋偷漏著准其就近在三姓副都統衙門納稅領票進關售賣其稅銀卽存貯副都統衙門庫內抵充該處官兵俸餉該副都統仍嚴加稽察儘收儘解咨報該將軍查覈俟試收三年再以多收年分定爲稅額如有任意勒捐浮收卽著嚴參懲辦

聖訓

右採東珠貂皮

康熙二十八年飭禁 盛京多造燒酒糜費米糧奉 諭旨近聞山海關外盛京等處至今無雨尙未播種萬一不收運維艱朕心深爲憂慮且聞彼處蒸造燒酒之人將米糧糜費頗多督戶部侍郎賽弼漢前往奉天會同將軍副都統侍郎等嚴加禁止旋以奉天府尹王國安 陛辭復 申諭之通考

雍正十一年諭聞得陝西之三原涇陽咸陽渭南富平等縣燒鍋各以千計其餘州縣亦皆有之朕思燒鍋既多必將糧食耗費甚屬無益但恐遽令禁止又滋煩擾爾可寄信與署撫史貽直等令其悉力籌畫若禁止不致累民則禁之爲便抑或多方勸諭令其醒悟不期禁而自止是惟封疆大臣斟酌行之不可強迫東華錄

署理陝西巡撫史貽直奏爲欽奉 上諭事伏查燒鍋一項西北各省所在有之祇因小民圖利往往舍本逐末臣自前歲蒞任卽檄行所屬地方各官不時查禁在案兩年以來各處燒鍋已減去十之七八臣欲思杜燒鍋之原當嚴造燒鍋之禁民間每于麥秋之後不以積儲爲急務而以晒麵爲生涯所費之麥不可數計惟嚴禁造麵則燒鍋不禁而自止矣然陝省糧食之耗散不僅由于本省之燒鍋而在于晉商之販回陝

省每遇豐收之年則督省官商豫將資本散給于西鳳之農民農民貪取目前之見價不顧日後之盈虛一
至糧食登場悉聽商搬運以致糧食耗費蓋藏空虛臣稔知各種情弊見于今歲麥收之後遍行出示劃
切曉諭毋許民間私自造麵更于商販運之要路委員前往稽查不許糧食私取出境見今陝省糧食可
免耗費之虞惟是黎民艱於生理往往日用之需以爲餬口之計倘本地糧食充裕百姓藉燒鍋以覓微利
亦屬謀生一道若欲概令禁止則誠如 聖諭不無煩擾臣仰體 天心惟當因時酌宜視年歲之豐歉審
民力之盈虛或出示嚴禁或多方勸諭務使閭閻有蓄儲之需草野有資生之策庶于國計民生均有裨益
矣 史文靖奏疏

乾隆三年直隸總督孫嘉淦奏伏讀 上諭河北五省燒酒盛行特以飲少輒醉其價易售人皆樂其便易故
造之者多則是造酒之由 皇上既知之矣又讀 上諭燒鍋之禁有司陽奉陰違黠悍富民用其資財串通
胥役敢於觸禁肆行則是禁酒之弊 皇上亦既知之矣知其造之多而禁之難而猶斷然必禁者蓋以造酒
之家類皆富民而非貧民之生業禁酒而存米穀則富民不過暫緩於一旦而貧民將享樂利於無窮此所以
斷然禁之而不疑也臣之愚昧則以爲燒酒之禁無論禁之而滋擾擾之而終不能禁借令禁之不擾而能永
禁其貧民之生計米穀之蓋藏不惟無益而且有所損臣請詳言之望 皇上鑒宥而採擇焉夫所謂作酒釀
以麩穀者爲黃酒言之也黃酒之麩必用小麥其米則需糯粳秫黍此皆五穀之中最精且良糜之誠爲可惜
若白酒則用高粱而佐以豆皮黍穀穀糠之類其麩則用大麥大黍與高粱非朝夕所常食而糠殼等項本屬
棄物雜而成酒可以得重價其糟可以喂六畜此乃化無用爲有用非作無益而害有益也他若棗柿葡萄等

類皆可燒酒乃天地自然之利不需米穀而成今欲禁燒酒而併禁黃酒則無以爲祭祀賓客養老之用誠有所不可若不禁黃酒而止禁燒酒則使天下巨萬億兆飲燒酒之人皆轉而飲黃酒飲燒酒四兩而醉者飲黃酒二三斤而不足則黃酒之沽必什倍於前而小麥糯黍之費不可以數計矣省大麥高粱之釀且賤者而倍費小麥糯黍之精且貴者此臣所謂無益於蓋藏者也至小民之生計則豈特口食已哉必將以釜甕爨而以鐵耕百工之所爲皆需以粟易之而又有稅糧之徵衣服鹽蔬之用婚姻疾病喪葬之費非糶五穀無由得也故粟太貴則病末太賤則傷農得其中而後農末俱利故農有歉荒亦有熟荒計十年之內歉歲三而豐歲七則粟宜有所洩非但積之不用而已今北五省之地不種高粱則無以爲薪席屋牆之用種之而用其糶稗則其顆粒宜有所售賣燒鍋既禁則富民不買高粱而貧民之高梁雖賤而不售高粱不售而又必需酒則必賣米穀以買黃酒向者一歲之內八口之家賣高粱之價可得七八兩今止二三兩矣買白酒之費不過二三兩今買黃酒則費七八兩矣既已所入少而所出多又加以糶糠穗穀之類堆積而不能易錢園林果木之實腐朽而歸於無用牛羊豬鵝等畜艱食而不能肥臍自然之利皆失則日用所需惟糶米麥糶之而售則家無蓋藏糶之而不售則完納稅糧以及衣服婚喪之用皆絀此臣所謂有損於生計者也且夫小民之趨利如水就下此非政刑所能防也利所在雖賞之而不爲利之所在則禁之而愈甚燒鍋禁則白酒少酒少則價必貴價貴則私燒之利什倍什倍之利之所在則民以性命爭焉私鑄銅錢私造賭具罪至斬絞軍流而民猶或犯無他爭利故也今私燒白酒則將定以何罪乎我皇上大聖至仁斷不忍以飲食細故而置民於大辟則其罪必不比於私鑄造賭罪輕於彼而利有甚焉欲民之不犯難矣

不得已也而重官吏之處分官長處分則查拏中商小賈類皆失業而豪富之家高牆深院查拏之所不至
敢於觸禁則富民益獲漁利之益貧民不勝其欲而思效之將改造其器而變易其法於是乎釀醋之益皆
可以釀醋蒸飯之甌皆可以蒸酒有司奉令不謹則賄縱而分其貲財奉令過謹則橫拏而傾其身家不靈
惟是而已夫醋盆飯甌則何家不有哉一家之盆甌偶爾犯法則萬家之盆甌盡屬可疑將炊爨之民比戶
可以查拏日用之物隨手可以訛詐公庭無非許酒之訟而囹圄亦不能容犯酒之人矣孟子曰君子不以
所養人者害人本爲小民之生計而滋擾如此則立法不可不慎也臣之愚昧以爲燒鍋之禁或宜於歉歲
而不宜於豐年歉歲粒米維艱則大麥高粱之類亦可以療飢禁之誠爲有益但止可禁於成災之地而各
處不必通行亦但可善爲勸導暫爲封貯而不必壞其器具而加以刑罰至豐年米穀足食則大麥高粱之
類原非朝夕常食之物自宜開通酒禁使官吏無由需索而民間亦得出其不急需之顆粒無所用之糶糠
轉移售賣以佐不時之費則上下不擾而百姓自享盈寧之慶矣望 皇上爲斯民熟計之也孫文定公奏
疏

又 諭據江蘇巡撫楊永斌奏稱嚴禁躑躅一事朕思從前民間製造躑躅器具皆費工本今既禁止躑躅理
應將器具聽民變價或改造別用庶幾稱便若概行封貯則前此製造之費盡歸無用殊非體恤商民之意辦
理未爲妥協至稱未奉禁之前有造成之陳躑躅朕不知伊所謂奉禁者指何時而言朕禁躑躅之旨久已頒行而
尙有如許未售之躑則可見地方大吏有司接到前旨不過視爲具文並未實力遵奉矣至今歲二麥如果豐
收則除民家食用外或應勸民間積貯或應發官價採買必實有一番布置乃於地方有益豈可禁止販賣遂

可寤事耶大凡大臣經理國家之事如有不便於民者卽當據實陳奏朕不難收回成命其實有裨益於民者便當實心遵奉見之施行雖經數年或數十年常如一日乃以朕斟酌降旨之事而該督撫等輪勃略爲料理未久卽有憊心再久漸至棄置豈必待朕每事每年再三提命而後知警省耶在朝廷固無此政體而在封疆大臣亦不當如此存心今因楊永斌之奏並諭各省督撫知之東華續錄

直隸總督孫嘉淦奏本年六月初八日面奉 上諭嚴禁鹽麴一事仰見我 皇上聖明遠燭勸恤民隱之至意臣愚昧之衷苟有所見不敢不據實敷陳伏查禁麴之令蓋因禁酒而起以爲麴者酒之原也嚴禁鹽麴則可不耗麥而裕蓋藏且麴既不販則可少造酒以省五穀此議禁之本意也乃自立禁以來奉行不力者既視爲具文而陳麴之貯所在多有力於奉行者則又毀器具拆坊肆封麴塊查販國官旁午於道路役索詐於鄉村如江蘇巡撫楊永斌之所爲蓋在在皆是也 皇上亦既知其擾累而惻然有所不忍矣夫使擾累於一時而可有益於異日則不必爲目前之姑息而贖長久之至計乃臣再四思之而知其無益於民也今夫五穀之產燥濕異宜惟麥爲南北所通種普天率土種麥之田十居七八每遇豐年所收最廣而性不可以久貯今夏之麥至明夏而遂變近濕則蟲蛀近風則蛾飛再過一夏則成霉再過一夏則成灰雖謹藏之不能救也收廣而難貯於是乎口食之餘亟思糶賣以佐日用之需顧家家糶之則買之者寡矣於是乎豐年之麥價賤而不售富商大賈乘民之急而賤收之收之既多而無處轉販於是乎運糶爲其質輕而可以行遠也此雖商賈漁民以逐利然而農民實利其麥之得有所售而可以濟急故彼此相安振古至今而未有改也今取商民之故業一旦而禁之不惟毀器封麴商賈之資本盡虧且民間有餘之麥將如何售

賣乎一麥豐收比戶足食本地之民既不購買謂已禁商賈不來賤夫力穡無暇遠販於是乎衣服婚喪日用之需皆細加以稅銀之徵麥熟為期麥不可售則糧無由完既有損於民生兼有虧於國計積之歲月而蓄聚變化為烏有並無益於蓋藏此雖 皇上鴻仁遠沛發官價以採買而庫帑有數豈能盡補民間之滯積且貯之倉而必不能久則是民急暫紓而官累無窮亦非無弊之道也再查鹽課坊肆惟河南江蘇為多各省皆取資焉夫使禁一省之鹽課而果能減各省之造酒亦何妨苦一方以利天下而有所必不能者則以鹽之為物家家必用之亦家家能鹽之向特二省之價賤耳賤者既不可得則自鹽之而自用之所必然也勸禁雖嚴不能禁人之自鹽則是向也總鹽於兩省今也分鹽於四方向也總於麥賤之鄉今也總於麥貴之地所耗之麥猶是此數而使麥貴之處因鹽而愈貴麥賤之處因不鹽而愈賤商賈既已失業而於民人毫無所裨則是徒為此紛紛也至於禁販運查囤積則尤有所不可夫糶粟麥以完稅糧此有司所蔽扑而督也裕蒸藏以備荒歉此功令所諄復而導也顧販運之與糶賣事異而形同囤積之與蒸藏名殊而實似禁販運必併阻其糶賣查囤積將並稽其蒸藏則官吏之侵漁何極而百姓安所逃此法網乎天下農民幸逢 皇上至誠昭洽迄用康年廣貽來牟以樂我黎庶乃日食之餘不能售賣以濟用商賈收之則以為鹽課而嚴拿之富戶收之則指為囤積而訛詐之民自糶之又指為販運而需索之力絕其流通之路使內困於日用外迫於追呼束手而待其麥之青變婦子愁嘆不覺豐年之樂而反以為苦此則仁人君子所當急為轉移者也夫為政自有大體富民自有常經輕徭薄賦以留其財緩刑息役以舒其力約法省令以杜其擾安靜而養之歲月以俟之將自躋於家給人足之盛斷未有峻其禁令易其本業多其侵漁

而可以富民者也臣願 皇上廣運如天之明勿搖於二三之說深知寬大簡易之一久洞悉科條法禁之無益凡所謂禁酒之令禁麪之令禁販運窩國之令一切洗滌盡與蠲除使三民得以懋遷有無商賈得以阜通財貨百姓各享自然之利官吏永無奢擊之擾天休滂至民氣和樂此則蕩平正直之王道久安長治之要術也孫文定奏疏

又酌定北五省燒鍋醃麪之禁總理事務王大臣等奉 上諭禁止燒鍋一事朕從前降有諭旨因孫嘉淦條奏復令王大臣九卿集議續經兩議具奏朕又降旨令其確議今思禁止燒鍋乃關係民生日用之事督撫大臣所當悉心籌畫者著交直隸河南山東山西陝西等省督撫具奏仍下原議之王大臣等會議該議民間私開燒鍋耗費糧食向經屢行禁止我 皇上廣詢博訪察兩用中令河北五省督撫各就地方民生日用之情形據實陳奏有請仍照舊例查禁者有請宜寬於豐年而嚴於歉歲者有請不必禁止者有請永行嚴禁者有請嚴禁肆行醃麪與販者皆體民之情因地之宜以各抒所見也伏查直隸總督疏內以燒酒之禁宜嚴於歉收之年稍寬於豐裕之歲本地釀造與零星造麪者毋庸禁止其麥麪燒酒槩不許出境如肆行醃麪與販者應行嚴禁并稱富商大賈之興販既絕則本地之所銷自少河南巡撫以行法宜因乎地而立禁先清其源豫省酒多自造比戶皆然請免零星製麪之查禁而廣收多釀販賣者應行嚴禁醃麪不行燒鍋可以漸減甘撫以甘省並非產酒之區毋庸嚴禁陝撫則以爲陝省俗儉民間祭祀慶弔等事不得已而用酒若禁燒酒而用黃酒則專用米穀細糧轉於民生未便況臨邊地冷兵民藉以禦寒勢難槩禁惟醃麪開行違販者嚴加禁止陝督則以爲燒鍋當禁而不可以必禁禁之所以節流寬之所以去擾惟歉年自宜禁令加嚴其醃麪開行

違販者宜嚴行禁止山西巡撫以晉省燒鍋可寬於豐年應禁於歉歲小民自宜遵守至山東巡撫因本歲二麥偶早嚴禁燒鍋願餉下有毀藉釀具者有改業者有自行出首者亦已行之舊有明諭臣等公同詳辦因地制宜者國法之備因時立法者王政之經王制有曰修其教不易其俗齊其政不易其宜謂凡居民服食器用之不能盡一也燒鍋一事各省之情形不同所以各省之陳奏亦不能盡一各就其土俗民情熟籌酌據實陳奏自必確有所見較之懸虛懸擬者自爲親切應照所請卽令各於本省因時制宜實力奉行以觀成效至於釀餉一項係燒酒盛行之源釀餉多則私燒必廣有損蓋藏且富商巨賈肆行釀餉廣收販運易於查拿不致滋擾禁之以清其源裨益甚大各省督撫陳奏衆論僉同均無異說亦應如該督撫所奏凡富商巨賈廣收麥石肆行釀餉大開燒鍋者嚴行禁止但該督撫等所請治罪之處均未盡一查違禁私燒者向例俱照律杖一百今將釀餉販運之處嚴行禁止如仍一體懲治實不足以示儆應將廣收麥石肆行釀餉者杖一百枷號兩個月其官員處分應照吏部議失察之地方官每一案降一級留任失察至三案者降三級卽行調用官吏有賄縱等弊照枉法律計贓論罪從之

講政大臣兵部尙書訥親奏竊臣伏見我皇上惠愛黎元湛恩溥博因已無違弗屆矣乃復念養民之道莫先於厚生耗穀之多常因於造酒特頒諭旨令臣等將北五省私釀燒鍋者如何治罪並官員如何嚴加處分之處卽行定議具奏續緣孫嘉淦請弛酒禁我皇上好問好察資始資生虛懷之誠亙古未有臣伏思臣等從前所議但議以不宜嚴禁並未將解禁燒鍋徒滋紛擾無益於穀米之處明明具奏今伏願上諭禁止燒鍋一事爾等九卿兩議具奏其大指皆以燒鍋當禁朕前所降諭旨爲是而以孫嘉淦陳奏爲

非夫泛論燒鍋當禁而不宜開通則固朕旨是而孫嘉淦之言非矣且亦無庸朕之癡癡是有矣何則此久經禁止而未開之事復何庸更張耶朕以法久不行視爲虛文故欲嚴禁以重穀而孫嘉淦則以爲雖行嚴禁不能積穀而反於民間不無紛擾滋弊是兩說不可並行者也今觀王大臣所奏尙不無回護朕旨之處殊非朕虛衷求言期於利用厚生之意卽如一議內稱燒酒之害最甚本宜嚴禁但加重本犯之罪條嚴定官吏之處分恐小民無知犯法吏胥緣以爲奸於民情有所未便應照已行之成法爲之懲治等語一議內稱燒鍋本犯仍照舊例治罪應將官員處分分別定例其業經成造之燒酒仍准其售賣等語據此則禁止仍屬虛文但嚴官例之處分而本犯之治罪如舊則造酒之人既無所畏懼而官員或轉以干涉考成多方回護仍於禁約無益況成造之酒仍准售賣則奸民私造者皆以沽賣陳酒藉口遷延歲月雖禁猶不禁也何用王大臣之兩議爲哉能直指利弊或欲行嚴禁燒鍋則必詳議查察之法以爲端本澄源之論若以爲比戶搜查轉行滋擾則朕旨可以收回如此兩議朕自然就其中酌一是者而行之斷不因執己見也今兩議名爲兩而實則一不過向來如是禁止今則添一官員處分耳試思於嚴禁燒鍋一節以裕米穀爲有益乎爲無益乎王大臣皆 皇考簡用之人不得爲是兩可遷就之論尙其詳酌事理或應行嚴禁或因時制宜必期於民生日用之間有利無弊斯稱朕咨訪之意其各抒己見或一議或兩議皆可欽此 臣敢不分晰情事條達以 聞伏念嚴禁燒酒法到令行如果民不滋擾而閭閻穀米漸次盈溢日積月累自登康阜此固急宜嚴加禁約以爲端本澄源之政者也獨是奉行之下擾者日見其擾嚴者未見其嚴燒酒依然不斷而滋擾終無盡期 臣請約略爲我 皇上敬陳之夫燒鍋一事屢經嚴禁終未能禁止者雖因有司奉行不

善其勢實有不能盡除其弊以絕其根也何則蓋私開燒鑪之利甚重而易售小民惟利是圖必以性命爭焉法令一出務須比戶搜查挨家盤詰鄉地鄰里每月取其甘給以爲並無私燒之証雖如此嚴禁私燒之家反得借此倍獲重利而平民終日徒受官吏搜查盤詰之擾也緣私燒之家多係奸商富戶因其貲則交通胥役以爲管運恃有高牆曲戶以爲藏匿又不肖官吏所在容有或受苞苴而忘公或畏考成而曲護陽奉陰違明知故縱此所以滋弊而不能絕其根也設使廉吏不可以干求良牧不可以朦混而胥役人等從無不貪財者奸商串挽分肥富戶勾通漁利一遇查拏之信則預爲之密遞收藏代爲之設法遮飾矣卽云官吏胥役悉皆奉公守法而嚴禁之後燒酒價必騰貴逐錐刀者不但豪富夥爲爭先卽中商小賈亦相倣效且必多方潛匿售賣其弊暗滋而仍不能絕其根也至已經造成之燒酒不立限以期之則因循悠忽藉口遷延賣無了時立限以期之則地方有大小之不同出入有多寡之不一概立一限則濶而無紀勢不能行若分晰立限又必挨家逐戶細細盤詰搜查騷擾愈不可勝言矣造成之酒在限內則公然明賣在限外則暗地潛沽惟見煩擾而究不能絕其根也若謂嚴禁之法不論賣酒買酒人等悉嚴定以科罪官員重以處分以冀除絕私燒夫私燒之家治罪本不足惜但私買之人不可指屈有私買之人必不能無私燒之家有私燒之家定以罪條私買者脫然無累則法不均若竟將私買之人亦定以罪條則北五省犯酒禁之罪民居八九矣此又勢難科罪者也既難科罪則買者仍買賣者仍賣其弊日滋而終不能絕其根也試卽以罪論原私燒之心經營買賣不過求利之意如私宰耕牛者然非同強盜光棍窮凶極惡有劫奪害人心者可比焉難以重罪科之也不以重罪科之則民鮮畏而多犯伊等罪不致刑辟故輒敢以身試之賣者熙熙

買者擾攘善禁之而滋擾擾之而仍不能禁者也然使禁之雖不無滋擾而民間穀米終能充裕久而蓄藏自饒此又急宜嚴加禁約將本犯重以科罪官員重以處分卽滋擾於一時猶可收億萬年豐亨之樂但嚴禁燒酒日復一日年復一年民間常食之穀米實不能加多久久不能積裕其故何也蓋直隸山東等省以高粱豆皮穀殼米糠并粟柿葡萄皆可以造酒以大麥菴豆作麵蒸之而成並非黍稷粟民間常食之穀米禁燒酒之所積裕惟高粱大麥並豆皮米糠粟柿等項而已矣夫豆皮等類固爲民間棄而不食者也至於高粱有粗細二種其種之細者較之他穀皮極厚質極粗舂之竟日尙難入口故富戶多食粳米老米貧民多食稷米粟米卽極貧之民情愿日食粟米薄粥不肯日食高粱也會作燒酒而外則以之喂驢馬牛而需其力以之飼鷄鴨而取其肥餘更無所用之至於大麥民於初熟時間或食之此後則糶賣以爲日用之費亦非常食之穀米此二者蓄雖多無與於百姓饗殮之計裕之誠非急務臣思我皇上嚴禁燒酒原欲使北五省菸粟如水火也嚴禁而徒滋擾乎民無補於穀嚴禁復何益耶況燒酒一經嚴禁民必多做黃酒民必多飲黃酒做者多則穀米愈加糜費而家無積穀飲者多則銀錢愈加銷耗而家無餘資嚴禁燒酒洵無益也然諸酒皆能爲害而燒酒倍之臣伏讀 上諭小民日營其生稍有錙銖輒以縱飲爲快無裨於喪祭賓客老疾之用而適以取譴譴角鬪之媒 天語煌煌誠明燭萬里洞鑿人情也今夫士農工賈耽於酒者往往惰荒職業曠廢天時亂人性情誤人正事或且忿爭以成鬪毆涉訟禁之尙有踰此者則愈無忌憚此所以 列聖相傳遵行而弗替也據臣愚見嚴禁燒酒既無關於積裕穀米徒滋紛擾臣竊不能禁似無庸另爲設議臣請嗣後禁止燒酒仍仰遵定例照舊奉行各該地方官務須實心實力辦理因時

年歲之不齊因人情而區畫或時當誠飭或時當勸諭隨地制宜期於妥協俾民自知勉勵相與共遵功
令再販賣燒酒向來稅有定額夫既禁其私燒則欲除其違禁之弊若復收其官稅似仍取其違禁之端禁
止之合難以並行嗣後燒酒額稅並請停納臣恭逢我皇上育物如天求言若渴謹將嚴禁燒酒徒滋紛
擾無益於穀米無裨於民生日用之處分晰情節明白奏聞 皇清奏議

陳兆崙上鄂相國論酒禁書昨奉 旨發議尙書孫公請弛酒禁一疏蒙虛衷下詢向聞尊誨云弊中有
利利中有弊爲地方大吏者毋輕言興利除弊老謀至計心不能忘孫公所奏開燒鍋一事其言實有類
於是願先生察之孫公以高粱祇堪供造酒之用推論禁止之弊謂於生計有損此說誠矯枉過當夫使
果重其罰而立致其效則家有蓄藏巷無羣飲豈非爲治者之至願而無纖毫之弊哉若愚見所慮者在
萬萬不能禁止耳何也天下承平日久狃於休養之樂彼安知耗穀之患而但以爲大欲所在日用之常
故聚賭私鑄之奸未必人人能之時時爲之造酒則事習而工省毋論資本多寡皆可隨分收息嘗往來
經齊魯燕趙間五里十里之垓三家四家之村曠蕩蕭條一無所有惟燒酒鷄卵則家蓄而戶聚爲其寒
冬置子於懷兩人合衣而下無襦袴者股戰而顛醜非一人也至於縛草爲亭呼客駐馬招之立應歡然
探囊何者酒不費錢而溫如挾纊故也其他赤脚老嫗裸體童男扶路叫號一錢莫與所遜於亭中人者
不過數升資本而前已狼狽若此夫此村垓之民豈皆有力能爲燒鍋者哉而既禁燒鍋則未有安此此
輩之所而此輩固滿於齊魯燕趙間矣若其有力之家業於是者寬游其生於平日驟峻其法於一時其
勢不出於抵死觸禁不止而此抵死觸禁之人又滿於河北五省中矣夫弊有積重而不可返利有至美

而難以興者尙書慮之於禁止之後以利爲害愚則慮之於中禁之時未有利而先見害似宜一思而再思也方今君相一德動發帑金數逾鉅萬一切賑濟蠲免不煩再計尤加意近畿各道屢飢疾苦此時民氣和樂自不待言似不宜求治過急而稍損其樂生之心或更需之數年之後使彫敝日起則民氣固而令無不行也以上所列聊備輿誦伏惟鈞裁而賜以訓示也紫竹山房文集

五年禁畿輔燒鍋釀麴耗費糧食御史齊軾奏稱今秋收穫較往歲爲豐畿輔盈窳視外省爲更盛惟是商賈營集嗜利多人而麴藥一端耗糧最甚雖禁令已經詳定而農場多粟必樂於聚財倘奉行一有廢弛則以酒屠奇者必以糧覓利竊見近日京師九門每日酒車銜尾而進市價甚賤爲數年來所無是必網利之富賈販酒者故其價大減亦必附近之州縣私燒者衆故車載日盛也應請 敕下近省督撫轉飭所屬地方恪遵定例實力稽查奉 諭旨齊軾所奏甚是秋成豐稔之時正宜講求民間儲蓄之計善孫嘉淦轉飭所屬地方官窮緝治罪不得姑容至於零星沽賣者不必過爲深究倘因降此旨將二三無力小戶查拏以爲塞責之具致使閭閻滋擾而奸商巨販轉以納賄於官吏而脫然事外貌法公行則州縣官之咎更不可追可傳諭直隸及隣近省分一體遵行通考

十四年禁運販紅麴紅糟并分別治罪輕重例福建布政司承憲奏言釀麴一項久奉禁止但麴原以麥製造故直隸山東河南江南等省產麥處所造麴者多至於閩省種麥原屬稀少民間造酒不用麥麴而以米爲之其名紅麴蓋麴價較之米價昂昂小民於秋收之際不知珍惜每多製造紅麴以圖厚利訪得古田屏南永安平和等邑并汀邵二府各屬縣是處俱有歲耗甚多又聞建安縣之南臺里地方專以上號食米製造紅麴凡

造紅麴者又必先買紅糟方能造麴歷來雖經飭禁無如趨利之徒仍多不遵請以民間零星自用者免其查禁如多爲製造船裝運販者槩行禁止如運販五百觔以內及廣收米石製造運販一千觔以上者分別治罪紅麴變價入官地方官失察賄縱俱論如法疏入下部議行通考

咸豐二年刑部尙書恆春等覆奏囤積私酒人犯請仍照原擬辦理得有著照所擬辦理嗣後如再有囤積過數者必應嚴懲東華續錄

十年諭內閣戶部奏請將燒鍋稅銀赴部交納等語直隸省燒鍋稅銀前經戶部奏明令該商在戶部呈交迄今日久仍有在該州縣交納已領印收而稅銀並未解部者並有商戶等在部完交該州縣仍復縱差需索節經該部據商戶控告咨交直隸總督等衙門親提訊究延不咨覆實屬不成事體著直隸總督順天府尹迅將此等侵匿稅課擾累商賈各員確切查明嚴行參辦並著轉飭直隸藩司通飭各屬將燒鍋商戶清册限一月內先行造報並令每年六箇月造報一次儻再遲延即將該藩司參處嗣後此項稅課不准在各州縣交納悉令赴戶部兌收其地方稍違者彙齊赴部代交如該州再有私收商稅侵匿需索等弊卽著該部從嚴參辦以重稅課而安商賈東華續錄

光緒十六年諭御史崇齡奏災區甚廣請停燒鍋以蘇民困一摺本年大雨成災糧價昂貴各處燒鍋耗糧甚多誠恐有妨民食著直隸總督嚴飭各屬停止燒鍋一年以平糧價而濟貧民 邸鈔

直隸總督李鴻章奏竊臣准部咨本年七月初五日奉 上諭御史崇齡奏災區甚廣請停燒鍋以蘇民困一摺等因欽此轉行一體欽遵查禁在案茲據口北道吉順宣化府知府汪守正稟稱宣屬十州縣並張理

獨石多倫三廳本年夏秋雨調勻秋收可望豐稔無一災饑之區民間向食夜麵小米爲大宗至所產苦高粱一項味苦而蹇人不能食向來專供燒酒之用燒鍋就地購取實係無妨民食該道屬統計鍋戶數百家如今停歇一年不特窮民坐失生計且恐商戶貪利私燒吏役藉端訛索爲害非淺關外地方遼闊查不勝查辦不勝辦即使飭禁徒成虛文難收實效現值天津河間保定等處水災極重賑款難籌擬援照光緒十二年奏案免其停燒分別資本大小每戶酌捐數十金計可得銀二萬兩內外解津分撥濟賑於災民殊有裨益等情請奏前來臣查燒鍋之禁乾隆年間直隸督臣孫嘉淦屢疏剴切上陳以爲無益有損初謂宜於歉歲而不宜於豐年繼且奏稱身親辦理乃知是書生謬論飢饉之餘民無固志失業既衆何事不爲歉歲難禁似更甚於豐年等語孫嘉淦一代名臣久任畿疆體察民情極爲真切原疏具在可覆按也況口北道屬一府三廳僻在山北年穀順成並無災歉與他屬情形迥異所產苦高粱另是一種人不能食專用釀酒更與他處地產不同據該道府確切查明該屬燒鍋於民食毫無妨礙應請免其停燒仍令按戶酌捐解津助賑以拯災黎其應納本年課銀並令照數赴部完交不準拖欠

李文忠奏議

包世臣云古之用酒有三以成禮以養老以養病非此而用酒則謂之荒酒尙書酒誥言之最切竊謂周公以忠厚立國明德慎罰而羣飲者卽執拘以歸於周似乎太苛自往來吳越齊豫之郊見荒郊野稔莫非酒店切倚悲譎莫非醉民然後嘆周公立法不爲過嘗以蘇州一府推之而知酒之爲害不可勝言蘇州共轄九縣爲天下名郡然合九縣之境南至平望北至望亭西至廣福鎮東至福山截長補短不過方百七十里名城大鎮山水所占五分去二得產穀之土方百三十里每方一里爲田五百三十畝方百

三十里共計田九百十萬畝蘇民精於農事故常收米三石麥一石二斗以中歲計之畝米二石麥七斗抵米五斗當歲產米二千三百萬石蘇屬地窄民稠商賈雲集約計九屬有人四五百萬口合女口小口牽算每人歲食米三石是每歲當食米一千四百萬石加完糧七十萬石每歲仍可餘米五六百萬石是五年耕而餘二年之食且何畏於凶荒然蘇州無論豐歉江廣安徽之客米來售者歲不下數百萬石良由槽坊酤於市士庶釀於家本地所產耗於酒者大半故也中人飯米半升黃酒之佳者酒一石用米七斗一人飲黃酒五六斤者不爲大量是酒之耗米增於飯者常七八倍也燒酒成於高粱及大小高粱一石得酒三十五觔大麥四十觔小麥六十餘觔常人飲燒酒亦可觔餘是亦已耗一人兩日之食也以蘇州之稠密甲於天下若不受酒害則其所產之穀且足養而有餘其他地廣人稀之所謂酒耗穀於明者其弊如此安吳四種

馮桂芬重酒酤議云酒禁由來已古禹疏儀狄酒誥懲羣飲周官司醴禁以屬游飲食於市者漢初羣飲者罰金武帝時桑宏羊始權酒酤而酒禁廢惟武侯治蜀禁酒嚴道無醉人餘不聞焉王應麟謂權酤之害甚於魯之初稅畝無他食爲民天酒爲食靈統五穀約之以升粟成酒一斤有半爲率統萬民約之以十人而一飲飲亦一斤有半爲率是十人而糜十一人之食也億萬衆必有十分之一受其饑者如之何不禁然而不能禁也大凡民間日用飲食起居貿易一切細故相沿已久習爲故常者一旦欲反之雖臨之以天子之尊威之以大辟之重亦終於不行不考古事不采近聞不達人情物理或任性或恃才皆不知其不可禁不知其不可禁而禁之適所以擾之而迄無以禁之雍正間嘗禁銅先定三品以上準用銅

器嗣又改爲一品乾隆初尙書海望疏以禁銅不效請弛禁亦嘗嚴酒禁乾隆初孫公嘉淦奏罷之疏中言直隸省一年中被繫者千數百人不勝其株累而釀酤如故世宗朝當鼎盛之時整齊嚴肅中外則若宜可以令行禁止然而不能禁斯不能禁矣皆前事之師也又何論近年煙禁乎愚竊以爲如酒者止宜重酤以困之釐捐本抽百分之一獨酒可令頓酤十之零酤二十之舞弊倍其罰經三四釐捐而酒值倍矣使貧者不能不節飲尤貧者不能不止飲但得減釀一分卽多若干米亦卽多活若干人有利無弊者也至收捐有效宜量減五穀棉布之捐尤宜廣戒飲之論加釀酒之律宴饗之事爲之節制沈酒之人勿登薦剡使天下曉然知上意之所在庶其有瘳乎至孫疏有云不釀酒則梁粟聚地轉以病民猶之言賭場妓館貧民轉移執事賴以得食成何議論邪是無足辨顯志堂稿

右酒酤

皇朝政典類纂卷九十三

征權十一

雜稅茶法

一浙江省歲額恭辦 上用黃茶二十八簍恭辦 陵寢黃茶 內廷黃茶共九十二簍由辦引委員於所

收茶引買價內勸辦於歲額茶引時恭解

一茶引鑄銅板每十年題交寶泉局換鑄

一江蘇等十省茶引各限預年請領年辦年銷若壟積遲滯者該管官及商人一併處分直隸奉天山東山

西河南福建廣東廣西等省不領茶引

一江蘇省額額茶引一萬五千道

一安徽省額額茶引八萬七千八十道 內原額茶引六萬九千九百八十道嘉慶三年入額茶引一萬七千

一百道餘引二萬四千四百道 內原餘引一萬五千一百道嘉慶十二十六十八等年陸續加增九千三百

道

一江西省額額茶引二千九百三十八道 內原額茶引二千六百二十八道嘉慶三年入額茶引三百道

一浙江省額額茶引一十四萬道餘引七萬道

一湖北省額額茶引二百四十六道

一湖南省額額茶引二百四十道

一甘肅省額領茶引二萬九千五百六十大道內原額茶引二萬八千七百六十六道嘉慶十一年入額茶引八百道

一四川省額領茶引一十三萬三千零四十五道內原額茶引一十一萬四千七百四十八道嘉慶二三年奉准補入額茶引一萬四千三百零六道餘引五千道

一雲南省額領茶引三千道

一貴州省額領茶引二百五十道

一江蘇省茶引一萬五千道由吳縣張清巡檢司荆溪縣湖汶巡檢司給商行銷引七千道由江寧茶引所大使給店坐銷引八千道其行銷引地遠近悉聽商便

一安徽省茶引八萬七千八十道由潛山太湖歙縣休寧黟縣宣城寧國太平貴池青陽銅陵建德蕪湖六安霍山廣德建平十七州縣給商行銷地方仍聽商便正餘引同

一江西省茶引二千九百三十八道由徽商及本省州縣小販分別行銷徽商引茶運售湖廣省小販引茶運售各本籍州縣

一浙江省茶引一十四萬道由布政司委員給商其引茶或行蒙古地方或行內地省分聽商報明行銷

一湖北省茶引二百四十八道由建始縣給商照赴奉節縣行銷引一十八道由咸寧嘉魚圻崇陽通城興國通山七州縣給商戶經紀坐銷引二百三十道

一湖南省茶引二百四十道由善化湘陰瀏陽湘潭益陽攸縣安化邵陽新化武岡巴陵平江臨湘武陵桃

灤龍陽沅江十七州縣轉給行戶坐銷

一甘肅省茶引二萬九千五百六十六道由西寧莊浪甘州三茶司發商銷引二萬八千一百九十六道又

甘州茶司增添引八百道內由西安鳳翔漢中同州四府商銷引一百三十二道又由榆林府改撥引九百道

又陝西延榆綏道甘肅靈夏道發銷引五百七十道內靈夏府商銷引二百七十道靖邊定邊二縣陝西

神木同知各銷引一百道

一四川省茶引十三萬三千零四十五道由本省各州縣並打箭爐松潘廳行銷腹引一萬五千九百零七

道邊引九萬二千三百二十七道又天全州茶商由打箭爐行銷土引二萬二千一百一十一道所領餘引

值正引額外暢銷即以抵行

一雲南省茶引三千道由麗江府給商赴鶴慶州中甸番夷地方行銷

一貴州省茶引二百五十道由懷仁縣分里給商赤水里載引一百一十八道二耶里載引一十九道吼灘

里載引一十五道小溪里載引五十八道土城里載引四十道赴四川永寧縣行銷

一直隸奉天河南三省到境商茶各由經過關口輪稅不科引課

一江蘇省行銷坐銷茶引按徵紙價外聽商經關輪稅配茶之始不起徵課銀

一安徽省行銷茶引按徵紙價外聽商經關輪稅配茶之始不起徵課銀歙縣茶牙魚納茶稅銀四錢三分

一二釐入地丁項下奏銷不在引課款內

一江西省行銷茶引按徵紙價外每銷一引徵茶課銀一錢五分共額徵茶課銀四百四十兩零七錢行茶

到關仍行報稅 瑞昌縣 煙膏 茶課米折正脚銀一十八兩七錢九分有奇 德化縣 歲於茶店徵收茶稅正脚銀五十八兩三錢有奇 通關 加徵銀四兩八錢有奇 各隨地丁項下報解不在按引徵額之內

一 浙江省行銷茶引給商買運每道令交買引價銀一錢 茶稅由關報納所交引價官按每引扣解茶果並盈餘銀四分二釐八毫共歲解內務府銀六千兩 又補辦餘引七萬道應交引價並扣茶果盈餘等項銀兩俱與正引同值餘引銷額無定其銀數亦視銷數多寡按年核收報解尚有每引價銀五分七釐二毫為茶辦黃

茶及備解紙價飯銀并引館經費茶箱竹篾解費之用 內每引扣茶果解費銀九釐八毫零加平銀一釐一毫零及辦解黃茶價銀八釐五毫零解費銀五毫九絲零又請引紙紙飯銀三釐六毫零加平銀費路費銀四釐二毫零又引館經費銀九釐一毫零及茶箱竹篾銀一釐七毫其餘編說飯銀每引七毫節省盈餘銀每引

一分六釐四毫零俱按年同解費經費箱篾等銀餘剩之數一體入冊報撥 凡歲解茶果等銀如少銷額引萬道准免解銀四百二十八兩五錢有奇每增銷引萬道加解盈餘銀一千兩

一 福建省武夷山茶商人販運經過關口照則輸稅在省不科引課

一 湖北省茶引除按徵紙價外坐銷引二百三十道每引徵茶稅銀一兩行銷引十八道每引徵茶稅銀二錢五分徵茶課銀一錢二分五釐共額徵茶稅課銀二百三十六兩七錢五分行茶到關仍行報稅 均州

荆門鍾祥等州縣小販茶葉由牙行按勸報稅銀一釐八毫就作落地稅儘解不在按引徵額之內

一 湖南省坐銷茶引按徵紙價外每銷一引徵茶稅銀一兩共額徵茶稅銀二百四十兩

一 山東省牙帖茶稅濟南府額徵銀八兩 歷城縣額徵銀一兩四錢 壽張縣額徵銀三兩六錢 濟寧州商茶

到境每細茶百觔抽稅銀一錢粗茶百觔抽稅銀五分均作雜稅彙解

一山西晉對商茶每百觔收稅銀二錢汾陽縣額徵茶稅銀一十六兩二錢四分統作雜稅報解

一甘肅省行銷茶引按徵紙價外西寧莊浪甘州三茶司 承辦原額改徵等引一萬八千九百九十六道商

行引茶每引一百觔內應交官茶五十觔以一本九折計算嘉慶二十一年奏定 共額交一成本色茶一萬

四千四百九十八觔每筵兩封十觔共合十四萬四千九百八十觔額交九成改折銀七萬八千二百八十

九兩二錢又靈夏道延榆綏道額引五百七十道每道徵銀三兩九錢 共額解茶價課銀二千二百二十三

兩又蘭州道西莊甘三司共應交養廉充公等銀四萬二千兩零 陝西省興安漢中二府屬內西鄉縣屬戶

茶課銀二百七十九兩七錢六分一釐有奇興安州屬戶茶課銀四十九兩九錢七分八釐有奇漢陰縣屬戶

茶課銀五十兩九錢一分一釐有奇紫陽縣屬戶茶課銀一百二十七兩三錢四分六釐有奇石泉縣屬戶茶

課銀二十五兩三錢二分八釐有奇每釐另款徵解不在接引徵額之內

一四川省行銷茶引按徵紙價外腹引邊引土引每道各徵茶課銀一錢二分五釐共額徵茶課銀一萬六

千二百九十三兩一錢二分五釐腹引每道徵茶稅銀二錢五分邊引每道徵茶稅銀四錢七分二釐土引

每道徵茶稅銀三錢六分一釐共額徵茶稅銀五萬五千五百三十七兩一錢六分五釐 餘引課稅隨年報

解

一廣東省樂昌縣歲徵國戶茶稅銀一十兩五錢長寧縣歲徵茶園墟稅銀六兩統作雜稅報解

一廣西省土販茶稅照該省廠則徵收分別廠稅茶稅報解

一雲南省行銷茶引按徵紙價外每引徵茶稅銀三錢二分共額徵茶稅銀九百六十兩

一貴州省行銷茶引按徵紙價外赤水里徵課銀四錢一分三釐二厘再徵課銀二錢三分五釐吼灘里徵課銀八分五釐小溪里徵課銀八錢八分八毫土城里徵課銀八分共額徵茶課銀一兩六錢九分九釐有奇又每引各徵稅銀二錢五分共額徵課稅銀六十二兩五錢以上並則例

茶引舊式○戶部爲茶法事陝西清吏司案呈照得各省茶法題准各項事例已經通行遵奉訖所有引目條款合行開列鑄造銅版印刷引目給付茶商收執照茶前去發賣施行須至引者一茶引每引無論精羅連包照茶百斤爲一引給半印引目引價納完隨即發引照例不許溢額一客商販茶不許茶引相離違者即同私茶與私鹽同罪一經過關津批驗所依例照驗將引由截角別無夾帶方許放行一茶至各省府州縣往賣者即赴該地方官驗明截角發賣一僞造茶引者處斬籍沒當房家產告捉人賞銀二十兩一出國茶主將茶賣與無引客人與販者杖六十原價入官一行茶地方某省某府某州縣某街某營堡等處

現行茶引式○戶部爲茶法事陝西清吏司案呈照得各省茶法題准各項事例已經通行遵奉訖所有茶法例款合行開列鑄造銅版印刷引目給付客商收執照茶前去發賣施行須至引者一凡犯私茶者同私鹽法論罪如將已批驗截角退引入山影射照茶者以私茶論一官給茶引付產茶府州縣凡商人買茶具數赴官給銀給引方許出境發賣每引照茶一百斤茶不及引者謂之畸零別由帖付之量地之遠近定以程限於經過地方執照若茶無由引及茶引相離者聽人告捕其有茶引不相當或有餘茶者並聽擊問賣茶畢即以原給由引赴往賣官司告繳該府州縣俱各委官一員專理一私茶有與販夾帶五百斤者照現行私鹽例押

發充軍一做造假茶五百斤以上者本商併轉賣之人俱問發附近地方充軍若用戶竊頓一千斤以上者亦照例發遣不及前數者問罪照常發落一行茶地方江寧省安徽省浙江省江西省雲南省湖北省湖南省陝西省四川省貴州省會典事例

順治初年甘肅定易馬例每茶一籠重十斤上馬給茶十二籠中馬給茶九籠下馬給茶七籠會典事例

三年免茶馬增解額數茶馬稱額一萬一千八百八匹自故明崇禎三年增解二千匹所增馬匹究竟年年虛額無濟軍需茶馬御史廖攀龍奏請永行蠲免從之通考

七年定陝西茶引從部頒發例巡視茶馬御史吳達疏言陝西茶引明季係茶馬御史自行印發故引有大小之分又有大引官商平分小引納稅三分入官七分給商之例今引從部發俱應照大引例官商平分以爲中馬之用報可通考

康熙四年覆准雲南北勝州後改永北府今又改永北廳開茶馬市商人買茶易馬者每兩收稅銀三分該編詳造交易細數番商姓名每年題報會典事例

又覆准四川茶增行邊腹引一萬一百五道會典事例

七年定蒸茶馬御史歸甘肅巡撫辦理會典事例

十四年題准茶馬事宜每年八月造冊彙報會典事例

二十六年欽奉 恩詔豁免福建茶課會典事例

二十九年議准四川產茶漸茂用茶漸廣增行二千四百二十三引會典事例

三十四年敕遣專官管理茶馬事務戶部議覆刑科給事中袁元佩條奏馬政事關緊要洮岷諸處額茶三十餘萬籠可中馬一萬匹陳茶每年帶銷又可中馬數萬匹查茶筋中馬甚有裨益應將額茶中得之馬給營驛外其餘馬每年交秋將數千匹送至紅城口等處牧放得 旨茶馬事關緊要著遣專官管理通考

三十五年飭准打箭爐番人市茶貿易四川巡撫于養志遵 旨會同烏斯藏喇嘛管官等查勘打箭爐地界裏番人藉茶度生居處年久且達賴喇嘛曾經啟奏准行應仍准其貿易理藩院議准從之通考

三十六年差部員管理茶馬事務會典事例

四十二年題准陝西額行茶二萬七百九十六引發西甯莊浪洮岷河州四司通番易馬內有八百餘小引售西安鳳翔漢中三府人民供食後因大引漸次裁減現今止留小引百餘三府地方人民不足食用今於小引原額內預五百引給商行茶每引徵茶五籠每籠折銀四錢共徵銀一千兩會典事例

四十四年停止巡視茶馬官員歸甘肅巡撫兼管先是三十六年專差部員管理茶馬事務至是年復歸巡撫兼管因招中無幾西甯等處所徵茶籠停止易馬將茶變價折銀充餉至雍正九年奏准五司復行中馬之法每上馬一匹給茶十二籠中馬一匹給茶九籠下馬一匹給茶七籠俟一年之後計所收馬匹即留甘省軍營之用或馬數甚多分撥河南山西就近喂養十年奏准中馬之法應見馬給茶至十三年仍復奏明停止通考五十五年覆准浙江省每年例銷茶十四萬引商人有願備本銀及水脚銀兩將每年應辦黃茶解交 內庫著給與執照領引置茶過關投稅均如舊例其存剩餘引按年赴部繳銷會典事例

五十八年准理塘巴塘地方買運茶筋議政大臣等議覆都統法喇疏言蒙古地方及西藏人民皆藉茶養生

松潘一路茶價甚賤青海一帶積茶必多應暫行禁止俟其懇請時再酌定數目令其買運至打箭爐外最近者爲裏塘道官招攝合營官造具所管番寨戶口清冊酌量定數許其買運巴塘以外亦照此例其打箭爐一路當視番情之向背分別通禁應如所奏從之通考

雍正五年題准浙江省產茶獨多銷引數倍他省行銷最遠輾轉與販商無定人應專設商人二名每作自滿紙價銀四百六十二兩於藩司衙門詳給咨批赴部交納請頒額引到浙呈送布政使司挂驗轉給存貯俟各商販茶齊全赴北新關輸納稅銀管引商人每年辦解各 陵寢需用黃茶及供應 上用黃茶 內廷需用黃茶會典事例

八年奏准陝西行茶定例每引一道運茶百斤准帶附茶十四斤今請加耗茶十四斤如有多帶照私鹽例罪會典事例

又覆准甘肅收貯茶封照依時價發出變賣飭令各司半月一報備有驟長驟落亦卽據實報明並責成各道員稽查七監所費仍將所報市價按季具結報部變價銀造冊奏銷會典事例

又定川茶征稅例奉 諭旨川茶皆論園論樹以定稅額夫茶樹有大小不同園地有廣狹不一若槩以園樹之數爲額未爲允當應將茶稅照勛兩收納方得其平著該撫詳請經戶部議准四川撫臣憲德疏言川省行茶原額新增共邊腹土引八萬五千三百四十四張納課銀四百二十四兩計算每勛止紙課銀四兩九忽零實屬太輕今該撫定以每勛一盤二毫五絲令各商人在於茶價銀內扣存卽隨引稅赴地方官照數完解所釐甚爲妥協應令該撫將前項權課銀一萬六千六十八兩按年造入奏銷冊內具題查核再查陝西行茶例

定每引一道運茶百觔每茶一千觔准帶附茶一百四十觔如有夾帶即以私茶論罪今該撫請加耗茶一十四觔如有多帶照私鹽例治罪地方官有故縱失察者照失察私鹽例處分仍令該撫將行茶商人姓名並產茶州縣權課細數造冊報部得旨允行通考

十年准預頒四川省行茶引張隨時給發四川巡撫憲德疏稱川省行茶原以部引為憑自應請引行運但口外番彝貿易多寡內地州縣無從查考或見番客雲集茶觔易售方請增引如必候部頒發則番客已去各商未免畏阻不前請於額頒之外預頒茶引五千張收貯巡撫衙門俟有請增州縣一面題報一面即將部引給發下部議行通考

十三年奏准甘肅停止以茶中馬會典事例

又題准雲南商販茶係每七圓為一筒重四十九兩徵收稅銀一分今每百斤給一引應以茶三十二筒為一引每引收稅銀三錢二分於十三年為始頒給茶引三千飭發各商行銷辦課作為定額造冊題銷會典事例
乾隆元年題准甘肅應徵新茶自乾隆元年為始准其每茶一籠折交銀五錢照數徵收俟陳茶銷至八分之後應否改折本色再行酌議具題又新茶雖經改折陳茶銷售猶難將西甯莊浪洮岷河州甘州五司庫貯陳茶每封減價銀二錢嚴飭司茶各官上緊變賣取結送部會典事例

二年覆准江西額銷茶引三千紙今南昌等三十二縣地不產茶並無商販領引辦課應停給茶引七百十二紙除課銀一百六兩八錢紙價銀二兩三錢七分九毫會典事例

六年酌減四川松潘地方行茶邊引戶部議覆四川巡撫碩色奏請酌減松潘茶引一案查川省松潘地方行

茶引原額一萬三千七百六張已儘足行銷原無茶引不敷買食之處後因天全州土商濫請增給土引以致積滯經前撫臣楊勳題准改撥各州縣代為分銷維時成都等縣商人因松潘修城之時番民集聚備工茶勛易銷定為常額是以成都縣撥銷土引六百張彭縣八百一十一張瀘縣三千六百張崇寧縣一百八十張石泉縣一百六十二張安縣二百六十四張俱改照邊引納稅於松潘行銷年來城工告竣番民陸續回巢茶勛漸至壅滯應如所請將成都等縣積引量減四千四十九張併課稅銀兩一併照數開除從之通考

又准甘省官茶辦交本色先是甘省官茶因停止招中馬匹節經該撫題明將官茶改徵折色陳茶定價發變俟各司銷存至六十萬封上下題徵本色至是護撫徐杞以各司銷存庫茶止九十二萬餘封迨新茶辦運到甘陳茶接續分銷可存六十萬封上下請仍令商人辦交本色從之通考

八年豁免川省茶引未完銀兩奉 諭旨前因川省松潘引多茶壙故將天全州之積引改撥成都彭瀘等縣行銷每年空繳引張賠納稅課官商交累乾隆六年朕降旨開除成都彭瀘三縣積引四千四十九張并課稅銀二千四百一十七兩二錢從乾隆七年為始官商俱受其益惟是乾隆七年以前之羨餘截角尙屬拖欠成都彭瀘三縣均有未完銀兩川省茶商資本微薄無力復完舊項朕心軫念著將所有三縣舊欠悉行豁免

考

又以四川建始縣改隸湖北施南府舊行茶十八引隨帶湖北每引徵稅銀二錢五分課銀一錢二分五釐共六兩七錢五分會典事例

十三年議准湖南原頒茶引於奏銷後將殘引按數催繳送部會典事例

又奏准甘肅應徵茶封嗣後每年以二成徵收本色八成徵收折色會典事例

又議准甘肅商人領引照茶每茶百斤准附茶十四斤以五十斤為官茶交甘省官庫以五十斤為商茶商人

運甘自行發賣其附茶亦聽商人自賣會典事例

又議准甘肅各商行銷引張於領引後前赴湖南收買茶斤運回甘肅由陸路者自河南陝州驗引移送瀘關

秤盤截角給單發運葦昌由水路者自襄陽府驗引截角經過新安白河紫陽等州縣驗引由漢中軍糧同知

接引秤盤每封截用關防將茶引截角發給由單即催本商運至甘肅交與葦昌茶廳盤驗明白將引截角給

單照拈定司分行銷其引或交官茶或交折色各該司照收後將引仍各截一角其殘引隨奏銷交部又靈夏

商人由浙江買茶運至瀘關亦照例驗畢直運本地行銷榆林府商人販湖廣安化茶由水路至襄陽府驗截

引角由陸路入山西境至汾州府河西驛由陝西綏德州查驗茶封轉運榆林府赴葦榆道今改延榆綏道衙

門秤驗給商行銷其運過殘引由葦榆道繳銷又神木同知衙門額引二百道係歸官辦銷差人赴湖廣襄陽

府買茶驗引截角運回本地行銷每年請領新引即將舊引投葦榆道衙門轉繳會典事例

又議准江西額額茶引內徽商領引一千三十五道赴饒州餘干縣販往湖廣行銷每於赴司兌課給引之復

知照九江關驗明截角鈐蓋墨記仍給該商收執俟次年請領新引時呈繳殘引彙行解部其餘引張分發各

屬聽本地小販赴各本籍州縣領引兌課就近行銷賣竣將引繳本州縣截角鈐記呈司彙繳會典事例

又議准四川茶引由本省經過州縣盤驗截角至行打箭爐之邊引土引由榮經縣屬之小關山天全州之蔡

門關盤驗截角行松潘廳之邊引由茂州汶川縣盤驗截角所有行殘各引均於奏銷時附繳會典事例

又議准雲南茶引頒發到省轉發麗江府由該府按月給商赴普洱府販買運往鶴慶州之中甸各番夷地方行銷其稽查盤驗由邱塘關並金沙江渡口照引查點按則抽稅其填給部引赴中甸通判衙門呈繳分季彙報未填殘引由麗江府年終繳司會典事例

又議准貴州仁懷縣之赤水里載引一百八道二郎里載引十九道吼灘里載引十五道小溪里載引五十八道士城里載引四十道由縣給商於該五里吧茶由猿猴地方設役挂驗再令合江縣盤查由合江水路赴敘永廳報稅至永寧縣行銷其銷過殘引仍令各商繳縣彙齊送部會典事例

二十四年准甘肅五司茶封搭放各營餉戶部覆准甘肅巡撫吳達善奏言甘省交庫茶封日積酌議設法銷售經前任布政司明德酌請每封或定價銀六錢運赴甘省安三處變價三年以來僅銷茶一萬餘封現在各司庫貯茶尙有一百四十餘萬封宜亟爲籌畫檢閱舊案康熙三十七年因甘司茶封無馬可中貯庫年久經督理茶馬事務內閣學士錢齊請於五領俸餉馬乾之內銀七茶三搭給今五司存貯茶封自應照此辦理惟是甘省滿漢各營每年需茶若干難以懸揣自乾隆二十五年春季起令其按季自行酌定茶數總以一二三成搭支銀兩在於司庫請領卽於附近五司處支給從之通考

二十五年奏定洮河二司茶封歸甘莊二司辦理戶部議覆甘肅巡撫吳達善奏言甘省茶課向爲中馬而設故每年額引二萬七千二百九十六道內分西司九千七百一十二道坐落西寧府洮司三千三百道坐落岷州河司五千一百三十二道坐落河州莊司五千一百五十二道坐落平番縣甘司四千道坐落蘭州府今中馬之例久停在甘莊二司係各處衝衝西河二司附近青海常有銷售之路惟洮司地處偏僻土瘠民貧故該

司商銷茶飭歷年俱告改別司售實惟交官茶封仍交洮庫往往積至數十萬封始請疏銷臣查甘莊二司地處衝衝播用收支均屬近便應如該撫所請將洮司額額茶引改歸甘莊兩司給商徵課俟洮司庫貯茶封搭銷完日卽行裁汰疏上如議行嗣於乾隆二十七年以河司雖附近青海蒙古而一切交易俱在西寧從不一赴河州其情形與洮司無異亦行裁汰其額引五千道併歸甘莊二司通考

二十七年奏准甘肅庫貯官茶過存積過多則改徵折色如庫貯無幾則復徵本色自乾隆七年至二十七年茶封壅積所有商人應交二成官茶每封徵收折價銀三錢俟陳茶銷完再收本色其每引八成改折茶四十斤其附茶五斤九兩零並無課項若仍按年如數配運愈積愈多難免停本虧折將每引一道止配茶十五封原額茶課照舊交納至應交二成本色官茶已改議折價毋庸再運俟茶斤疏通再照舊額增復會典事例

又議准甘肅庫存茶封每封作價銀三錢仍以一二三成按季搭放滿漢各營俸餉至新疆地方每年共需茶二萬七百餘封屢覓牲畜運解除自各司至甘肅沿途設有官車輓運毋庸攤算腳費外其自肅州運至各處將腳費攤入茶本之內在於領茶官兵月支鹽茶銀內扣還會典事例

陝甘總督楊應琚奏伏查甘省五司庫貯官茶其最陳者起於乾隆七年現今尙存一百一十八萬二千餘封陳陳相因艱於售變誠如 聖諭必須通盤核計妥籌辦理始可冀公私交有裨益臣隨將現在應 會備查原案確訪情形務期籌辦妥協另行具奏緣由亦經恭摺奏覆奉下 硃批一面以籌計疏銷固須官爲調劑而茶務積累已深亦須面詢商人始可得其肯要行文蘭州布政使調取商頭怡緒遵等來肅面加細詢并以甘省滿漢各營自定議搭餉以來已奉行兩載有餘兵丁是否俱有餘利不致抑勒勉強並此外

應如何設法調劑又札行布政使吳紹詩兼理茶務之沈峴道武快護臨洮道增福寶滿漢各營詳細稽查
具覆至新疆地方當此生聚漸煩物產豐裕之時茶解一項自所必需但各處每歲應需茶若干暨應作何
攜帶分貯俾日久積少成多之處亦經札詢各處辦事大臣查明定議茲准據口內口外各處陸續具覆前
來臣復詳考案據通盤核議臚列條款恭呈 聖鑒 一官茶應改征折價也謹按甘省額設茶引二萬七
千二百九十六引每引行茶一百觔交官中馬五十觔中馬五十觔聽商自賣外帶附茶十四觔為運脚之
費以每五觔為一封合計交官茶二十七萬二千九百六十封商人自賣正附茶三十四萬九千三百八十
八封康熙四十四年因中馬例停需茶無多議將應交官茶改收折價每封繳銀二錢其商人仍准每引全
配正附茶一百十四觔嗣於康熙六十一年因庫茶無幾議將每引交官茶五十觔仍收本色乾隆元年復
因庫茶存積較多議改折色每封增銀一錢共收折價銀三錢其折價茶封不准配運商人止每引配正茶
五十觔並附茶折半減為七觔共以五十七觔行銷迨乾隆七年又議將折價仍收本色十三年復以庫茶
銷變維艱酌情將應交本色官茶以二成徵收本色八成改徵折色每封仍收價銀三錢商人除交二成官
茶每引十觔共茶五萬四千三百九十二封外其自賣之茶仍止准每引配運正附五十七觔連二成本色
附茶一觔六兩零共止配運正附茶三十一萬八千八百七十七封乾隆二十一年前撫臣吳達善以康熙四
十四年改徵折價之時原係聽商按引全配迨乾隆元年以後遽將折價茶封不准配運遂致商力疲乏
帑項懸久奏准將每引八成改折茶四十觔附茶五觔九兩零俱照康熙四十四年之例聽其全行配售以
紓商力計每年應增配茶二十四萬八千九百三十九封此歷年徵收本折暨商茶增配之原委也是甘省

庫貯官茶向例如遇存積過多則請改徵折色如庫貯無幾復請徵收本色原係隨時權衡調劑期於公私交有裨益今五司庫內自乾隆七年至二十四年已存積至一百五十餘萬封經前撫臣吳達善於二十四年奏准每封作價三錢搭放兵餉當奉行之始兵丁領獲茶封尙有餘利今行之二年有餘已搭放過茶四十萬餘封現在市肆官茶日多價值漸減兵丁無利可圖率皆不願領是以尙貯存茶一百一十八萬二千餘封連巴里坤哈密存貯茶六萬八千餘封共茶一百二十五萬餘封一時遽難銷售今伏讀 諭旨兵丁果有餘利則官茶不無損價若官茶但利疏銷又豈能抑勒兵丁勉強從事其中必無兩利俱存之理欽此仰見我 皇上無微不至以現在滿漢各營暨口外各處辦事大臣查覆實在應需茶封數目統計每年亦僅能銷茶十餘萬封非十年之久不能全數疏銷且每年商人又增配茶二十四萬餘封商茶既多官茶自必益加壅滯其按年應交二成官茶若仍聽其照常交納勢必至陳茶銷售無幾新茶又相繼堆積疏通無日尋變堪虞臣悉心酌議莫若將商人應交二成官茶五萬四千餘封暫停交納照例每封折價銀三錢俟陳茶銷售將完再請徵收本色庶清源即可溯委庫貯陳茶自當漸次疏銷矣 一商茶應准其減配也查甘省茶法商人每引交茶五十觔無論本折回係額課此外尙有捐助茶規官禮等項查出充公銀三萬九千餘兩亦係按年交納無殊正供至商人自賣茶封每引自應配正茶五十觔連附茶共止配售三十餘萬封該商等即以配售三十餘萬封之茶完納前項應需之課其乾隆二十一年前撫臣吳達善奏准增配茶二十四萬八千九百三十九封原係例外加增以紓商力並無課項第茶封既已加增則湖南採買價值亦即較前昂貴迨運至甘省又有庫貯官茶搭放兵餉遂至市價日減商茶亦須賤售該商等不特餘利無

幾而連年配運之茶兼亦多有積滯此後若仍按年如數配運勢至愈積愈多難免停本虧折是以該商等呈請前撫臣明德情願將前項增配無課茶酌減配八萬餘封以期易於銷售俾商本不致停滯至有課茶封仍係照常行銷則應輸課項自應照例完納緣明德原奏內未及詳晰敘明致蒙 睿訓今臣復細詢商頭怡緒連等據稱地方食茶民番大概止有此數而茶觔歷久行銷應售價值亦爲民番所稔知今官茶商茶既各有壟積欲同時一體疏銷除減配之外別無良法前請減配茶八萬餘封爲數尙少於事無濟今酌中籌計查商等自乾隆十三年定議二成八折交收以來除交官二成本色茶封外應配自賣有課正附茶三十一萬八千八百七十七封連乾隆二十一年 奏准增配無課茶二十四萬八千九百三十九封共應配茶五十六萬七千七百五十六封核計每引一道應配茶二十四封四觔今情願每引一道正配茶十五封內應酌減無課茶一十五萬八千三百十六封共止配茶四十萬九千四百四十封至二成本色茶封現既酌議改徵折價自亦無庸配運如此則茶商行銷較易不致停本賤售而課項又係照常完納且商茶既減則官茶亦易銷售實於公私交有裨益等語臣復札行布政使吳紹詩等細加確核據稱該商等所稟情詞實係公私兩便事屬可行仍俟茶觔疏通之日另請照舊配運等因稟覆前來臣應請俯如所請辦理以利疏銷 一陳積茶封應請召商減售也查各司俱有陳積茶封而惟洮司爲最多該司地處偏僻艱於銷售曾經前撫臣吳達善於乾隆二十五年 奏准將此後應交銀茶俱改歸甘莊二司交納其從前存積陳茶俟搭餉完日即將洮司裁汰無如該處附近止有兩營額設官兵無幾自定議搭餉以來止搭放過茶九千餘封現今庫內尙貯存乾隆七年至十八年陳茶二十三萬餘封計非數十年不能搭完而此項茶封約

值銀十餘萬兩如聽其再行存貯勢至日漸霉變 帑項虛懸是以乾隆二十六年前撫臣明德 奏請照現在搭餉每封三錢之價召商售變以期漸次疏銷部議酌中核定行令每封以四錢發賣等因惟是官茶名爲黃封色淡味薄向不如商附黑茶之易於銷售今又存貯多年色味更不如前若不量減價值勢至領買無人且今自有搭放之例民間於二年之內又添官茶四十萬餘封茶愈多而價愈減兵丁領獲茶餉食餘零買或錢或糧彼此交易總不出每封三錢之價而召商變賣則以每封四錢發售價值既貴成色又低商民無利可獲現皆裹足不前故自准到部咨以後迄今並未售變一封若不另行定議則召商變賣仍屬有名無實臣詳加酌核應請仍照前撫臣明德原議每封定價三錢召商變賣至甘莊二司存茶尙非過多口外所需向由該二司撥運無庸議銷外河西二司共存茶六十餘萬爲數較多除陸續搭餉外如該處商民有情願照搭餉三錢之價前赴各司領買者亦准其一體交價售變如此則陳茶廣爲疏通不致積久霉沓齊於 帑項有裨 一內地新疆應一體搭放也查乾隆二十四年前撫臣吳達善 奏准茶封搭餉案內聲明自二十五年爲始令滿漢各營自行酌定茶數每封作價三錢於餉銀內以一二三成搭放等因價值既爲適中兵丁獲沾惠濟今自搭放兩載以來兵丁雖因市價漸減不願多領然自行食用之茶亦在所必需臣移行甘省滿漢各營查明每年實在需用茶共十二萬餘封具覆前來此皆按照營分之大小兵丁日用之多寡酌茶司道之遠近及該處銷售之難易各從兵便據實定議並無稍有勉强應請按季照數搭放以廣惠澤至新疆地方現在生聚漸煩米糧蔬果物產在在豐裕惟茶餉一項尙須取資於內地誠知聖諭各處應用自屬多多益善臣隨令各處辦事大臣查明每年共需茶二萬七百餘封又准伊犁等處辦

專大臣等咨稱新疆地方遠近不一軍臺駝馬額設無多若於遞送文報之外再令轉運茶封必致勞傷疲乏恐難兼顧不若僱覓牲畜陸續運飭分貯令官領買其本脚價銀即在官兵月支鹽菜銀兩內隨時坐扣在官兵雖稍出脚費然較之商賣價值尚賤於官兵既多利益 幫項不致虛糜而臺馬亦可免傷斃添補之煩等因移覆到臣伏查新疆商賣茶價現准各處咨覆大概每封需銀二兩四五錢並二兩上下不等今官茶運至新疆各處除自各司至肅州沿途陸續輓運毋庸僱覓牲畜攤算脚價外自肅州運至各處如僱覓牲畜轉將脚費攤入茶本之內於領茶官兵月支鹽菜銀兩內扣還核計應需本脚較之買自商賣既多減省而臺馬又不致勞傷實於公私有益自應如伊犁辦事大臣等所議辦理至將來如遇有換班官兵出口亦應令其隨便酌量攜帶庶運費並可節省再巴里坤哈密現在貯存茶六萬八千餘封所有新疆需用之茶自應先儘此一處就近撥運俟撥運將完再由內地各自運往如此則內外銷售事易集而利亦普矣

皇清奏議

二十九年議准商販引茶行銷江蘇地面者各屬於茶市畢後將商運到境查明茶引相符驗對過關墨記收引截角送司繳部其赴外省行銷引張徑聽各關截驗毋庸咨追殘引會典事例

又議准安徽商販引茶各州縣於茶春時印給茶牙循環號簿將茶商姓名籍貫引茶數目經由關津住賣處所逐一註明該州縣於本境聖臨地方委員盤驗每茶市畢該茶牙將原發印簿呈縣造冊同原領送司查覈其行銷已殘引張無論本省外省概予免追會典事例

又免追浙省行銷順天茶筋殘引舊例浙省行銷茶引令各商過關輸稅截角統俟茶筋售完之日將所執殘

引交原發衙門送部查銷嗣據閩浙總督楊廷璋奏報浙省行銷口外等處引張歷經收稅截角更由崇文門
截去中間實無影射情弊請將口外殘引免其繳部內地殘引即在行茶處所催繳復據侍郎兼管順天府尹
錢汝誠等奏稱浙省乾隆二十三、四等年行銷順天茶引共一萬九千餘道自准浙省咨後即經照例查追迄
今日久大半多無著落推原其故實緣行茶與行鹽不同商無一定地任遷移殘引多隨客散查究無根難以
追繳嗣後浙省行銷京城茶引應令崇文門於截去中間時即將所截引心彙齊送部查核其殘引一體免追
以省擾累從之通考

三十一年奏准浙江每引一道商交買價銀一錢額解茶課等銀照舊辦理會典事例

又奏准浙江裁除引商名目所有應辦黃茶即令承辦委員親身解部順領新引會典事例

三十四年奏准甘省官茶前經議令全行折價今庫貯陳茶無幾請復徵一成本色茶封以供本省併新疆各
營官兵俸餉之用會典事例

三十七年戶部議前任總督阿爾泰奏南川縣地方產茶盛茂每年除配額引之外尚有餘積請自今始增茶
額引一百張照例徵收課稅應如所請從之通考

三十八年戶部議四川總督劉秉恬等覆奏請嗣後三雜谷等處土司買茶以千觔為率使僅敷自食不能私
行轉售從之通考

嘉慶十年諭優什布奏詳議茶商定續章程一摺據稱招商承引繼以行銷辦課為重近年茶課既無貽誤請
仍照舊章辦理等語商人承領引張向由地方官出結嗣因承充乏人由州縣查明出結再由各衙門駁轉詳

報層層滋擾守候需時致有停引誤課之事自應仍照舊章責成總商稽查該眾商等有無頂冒令其造具確實籍貫引數清冊取具清供甘結由蘭州道行文該原籍地方官查明詳覆移知布政司衙門存案毋許一人跨占兩籍方足以杜假冒濫混之弊此次商人馬起鳳既經查明無捏報頂充情事伊現寄籍西靈卽令改入西靈籍貫其各茶商如有似此遷移跨籍者均著令一體改正會典事例

十六年題准浙江每年額銷茶引十四萬道因銷引壯盛額額引自不敷配給每年額額之外請添七萬道俟額引銷完接銷餘引或有存剩次年再銷其解支各款均按向辦章程至起解黃茶及茶果等銀於年內委員起解運京會典事例

十七年議准甘肅交納官茶從前酌定一成本色九成折色今庫貯茶封盈餘請自十七年爲始全徵折色按年造冊奏銷會典事例

道光三年諭內閣果勒豐阿等奏烏里雅蘇台地方請准商民仍循舊規馱載馱茶前赴古城兌換米麪一摺前據那彥成奏定新疆行茶章程經戶部議覆烏里雅蘇台科布多馱茶不准侵越新疆各城售賣茲該將軍等查明該處各項商賈及蒙古人等所食口糧向係商民等馱載茶貨前赴古城兌換其古城商民亦常川販運米麪來營兌換馱茶赴西路一帶售賣此項馱茶係由歸化城張家口請領部票交納官稅販運來營貿易迄今六十餘年均係以貨兌貨向不使用銀兩今一旦全行禁止該處數十萬蒙古民人餬口無資必致失所均係實在情形惟是新疆一帶既爲官茶行引之區若照舊規儘數運往究恐充斥官引自應量爲籌畫以裕蒙古民人生計著照所請准其令商民等每年馱運馱茶七千餘箱前赴古城兌換米麪如有不敷令其添辦

雜貨銀兩添補採買以資接濟仍照例給發印票祇准該商等前往古城兌換米麪不准另往他處售賣嚴飭軍營兵部司員等詳細登註號簿照數給發不准逾額仍飭管理街廳員弁時加訪察如有私行夾帶情弊立即查拏照私茶科罪並著烏嚙木齊都統就近詳察西路各處情形籌辦務期銷售茶封兩無滯礙

聖訓

四年諭內閣慶祥等議奏新疆茶運請仍循舊章一摺前因新疆各城茶運該將軍等請酌添行銷引張經戶部奏令照陝西甘肅之例添在新疆地方令商人承領照茶輪課當即降旨交該將軍會同陝甘總督各處大臣查明妥議茲據慶祥等確駁情形酌籌具奏新疆回夷口食茶糧最關緊要自乾隆年間通商以後歷久相安未便率更成例且各城並無土著殷實之戶遽令承充官商必至運課兩誤古城一處所駐官兵僅止二千居民數亦無幾斷不能銷售輒茶至七千餘箱茶糧既不流通商貨因而滯塞殊於夷民日用有礙著照所請准令北路運售雜茶之商民照舊運售嚴禁私行夾帶附茶並在北路總口古城地方設立稅局由陝甘總督派員前往抽分稅課查驗茶箱聽其售賣所收稅銀責成鎮迪道於年終解歸甘肅蘭州茶商彙報以稅抵課每箱以一百斤為率俟試行三年再行定額其古城納稅若干著戶部覈定具奏北商專行雜茶至附茶仍由甘肅茶商照常運銷以符定制無庸另於新疆立商增引致滋紛擾

聖訓

咸豐五年閩浙總督王懿德奏閩省商茶擬請設關徵收下戶部速議尋議奏閩省崇安等州縣為產茶盛旺之區自閩省暫開海禁運道便捷各商赴閩愈多所請附省扼要處所及界連粵東浙江等處分設關卡徵收茶稅應請准其照辦專款存儲三月奏報一次聽候部撥試辦一二年後奏明定額永遠遵行從之東華續錄福建巡撫呂佺孫奏竊照閩省商販茶葉向不預給執照征收課稅自道光二十九年直隸督臣訥爾經額

以商人販運閩茶官私莫辨請由產茶之崇安縣給發執照經過關隘驗稅放行嗣因出產茶葉不備崇安一處近來茶商多係散赴各縣購買繞道出販復經督臣王越德請自咸豐三年爲始凡出茶之沙縣邵武建安甌甯建陽浦城崇安等縣一概就地征收起運茶稅由各該縣給照販運先後奏奉 敕部議准在案前歲因粵匪竄擾江楚茶販不前深恐藉茶餬口之人失業生事奏准暫弛海禁各路茶販均運茶至省售買不從向日輪稅各關經過非特本省崇安等處關稅日減並恐浙粵江西等省關稅亦無不漸形短絀臣上年履任之際自江西河口入閩取道崇安沿途體察卽已略知大概到省後每於接見僚屬及地方紳士時悉心諮訪竊稱自開海禁以來閩茶之利較從前不啻倍蓰蓋自上流運省由海販往各處一水可通節省運費稅銀不少是以商利愈厚正賦轉虧若不設法變通亟加整頓何以抑逐末而裕 國課況現在粵逆尙未蕩平兵餉軍需重煩籌畫前奉部議征收房店各租因閩省情形不同未能照議舉辦茶乃閩地所產類於嶺海之鹽茶商身擁厚貲什一取盈初無所損且徵諸販客不致擾累貧民完自華商無慮糾纏夷稅以天地自然之利爲 國家維正之供迥非添設科條加增田賦者比 臣等督同在省司道再三審度計維征收運銷茶稅一法爲裕課均商善政惟是閩省之茶各府屬均有種植不止崇安數縣現在既開海禁商民趨利若鶩無不販運來省若於各處分征稅課不特漫無稽攷且恐狡獪之徒百計繞越希圖偷漏必在附省扼要處所設立關口並添設驗卡擬定課則頒給印照嚴立法制以憑稽核卽界連江西浙粵堪以販茶出省各處亦應一體設立關卡加增稅課俾免趨避請自咸豐五年爲始凡有販運茶斤概行徵收運銷茶稅所徵稅銀專款解存司庫報部留支本省兵餉惟創行伊始多寡未能預料應俟試征一二年

後再行比較定額經世文續編

六年諭扎拉芬奏伊犁地方出產茶斤商民人等採取售賣擬酌徵商稅一摺自係爲裨補經費起見惟此種茶斤恐不自今日始行出產向來何以並未議及收稅其每年計產茶斤若干約收稅課若干該將軍尙未能知其數見擬試行收稅務須詳加體察如果與情稱便並無窒礙再行妥議章程具奏伊犁地處邊陲民間貿易多與外夷交涉儻行之或有流弊不可規目前之小利而貽患於後日也東華續錄 謹按伊犁等處茶務向爲西北貿易大宗今以關涉權稅者入此類其口外賣買則入藩部互市至於俄人及各國運銷事例散見海船通商門

十年諭內閣戶部奏閩省茶稅延不奏報請旨飭催一摺福建省徵收茶稅前經戶部奏准令將所繳課銀專款存儲每屆三月奏報一次並節次隨案奏催勒限奏報迄今仍未據該督撫奏報有案以致無憑查覈實屬遲延難保無侵漁中飽情弊著慶端瑞環迅即遵照該部前奏速行造報毋稍徇隱並先行查取遲延各職名送部覈辦該督撫當嚴飭各稅員認真經理將所徵稅銀封存聽候部撥不得以辦理軍需爲詞任意開銷儻再含混宕延即著該部查明參奏 聖訓

同治二年兩江總督曾國藩奏咸豐十一年十一月接准戶部來咨廣東巡撫覺羅耆齡奏抽收茶葉落地稅一案經該部核議具奏請 旨奏飭下湖南湖北江蘇安徽江西浙江福建各督撫詳細查明各本省產茶及設立茶莊處所妥議章程奏明辦理奉 旨依議欽此並鈔錄原奏咨照到臣查江西自咸豐九年詳定章程分別茶釐茶捐兩宗每茶百斤除境內抽釐銀二錢出境又抽銀一錢五分有零外向於產茶及設立

茶莊處所勸辦茶捐每茶百斤捐銀一兩四錢或一兩二錢不等填給收單准照餉事例彙齊請獎歷經分別辦理在案臣於咸豐十年五月將江西全省厘務奏明充臣口餉仍照舊章辦理因捐銀數既多如再徵收落地稅民力恐有未逮此遲遲未辦之緣由也本年三月二十二日據九江關署監督蔡錦青詳請遵照戶部奏准飭將茶竹木四項絲微關稅已於三月二十日啟徵等情前來臣查江西茶葉運至九江有洋商華商之分洋商既完子口半稅固不抽釐華商既納漕關正稅亦未便再令完釐而茶捐一事多不請獎金係移獎戚友流弊百出是釐捐二者均不能不改更張應照戶部奏准章程徵收落地稅臣即於六月初一日刊發告示於贛寧州開辦落地稅新章惟原奏內稱大箱淨茶六十七斤徵收稅銀一兩四錢二五箱淨茶二十五斤徵收稅銀七錢未經揀細之茶每百斤徵稅銀一兩四錢等因科則稍重臣復分別核減參酌茶捐向章定以每茶百斤贛寧州等處徵銀一兩四錢河口鎮徵銀一兩二錢五分概充臣營軍餉由臣刊發稅單護票委員經收或業戶自行完納或茶莊代為完稅領單及至茶葉發販時統由茶莊繳銷稅單華商換給護票洋商即憑運照販至各處銷售除華商完納九江關稅洋商完納子口半稅外經過江西安徽各釐卡驗明放行概不准需索絲毫資費如此辦理與戶部之原奏總理衙門之條約一一符合稅單雖係茶莊經手稅銀實已業戶所出與商販絕不相干洋商不得藉口於子口半稅而禁中國之業戶不完中國之地稅華商既免逢卡抽釐亦免致紛紛私買運照冒充洋商似不失為持平之道所有江西遵辦茶葉落地稅緣由謹會同江西撫臣沈葆楨附片覆奏會文正公奏議 互見落地稅

兩江總督曾國藩批徽寧池三府屬洋莊茶引捐釐章程十條四年

一皖南設立茶引局由皖南道督辦由安慶牙釐總局綜理省中派員駐局經管所有引票捐票釐票俱用三聯票式本部堂刊發牙釐總局移交皖南道轉發徽甯池三府屬產茶縣分各商成箱後在該縣報明請引照繳引銀捐銀釐銀公費銀隨時填票給付各地方官不得於三票之外多取絲毫所收銀兩隨時解皖南道聽候撥用各縣按月申報牙釐省局皖南道茶引局查核

一茶引定以司馬秤每觔合庫秤十六兩八錢按十六兩八錢庫秤淨茶一百二十觔爲一引箱皮不計各商請引時報明洋茶花色箱數箱內淨茶觔兩統計成引報明後該縣親身點箱抽查如有偷漏照釐金章程補交正項引銀捐銀釐銀公費另加三倍議罰如有重觔一律照加罰罰款以二成充餉以一成留卡給賞

一徽川向章定以每引收茶釐銀三錢茶捐銀六錢公費銀三分此外運出徽境逢卡抽釐現在定章仿照餉章程統歸辦茶之地一處完釐應卽核計加增每引定繳正項引銀三錢公費銀三分捐銀八錢釐銀九錢五分共應繳銀二兩零八分如徽屬出江西之茶應由景鎮饒州吳城湖口等卡經過卽不抽釐甯池等屬出長江之茶應由華陽鎮安慶大通荻港等卡卽不抽釐但驗明釐票查明箱數一律放行如箱數不符照章加罰該三處採辦洋茶如不在以上各卡之內不得持此票爲憑應聽各卡抽釐其應完內地子口半稅由該商條約章程完納概不在此數內

一皖南茶引局省城牙釐局及該縣承辦茶務均需辦公經費准就公費每引三分釐金每引九錢五分之內牙釐總局扣留二分皖南道扣留二分該縣扣留四分作爲辛紅紙張書役飯食等費

一向章茶捐准其請獎此次每引加捐二錢共計八錢仍悉照向章填給捐票俟茶開運後各商將捐照呈繳安慶牙釐總局照籌餉例一律核獎換給實收

一洋莊熟茶亦按照十六兩八錢庫秤一百二十觔成引扣算所有茶引茶捐茶釐均照章抽取

一小販袋裝毛茶售與各洋莊向不請引亦無茶捐名目經過附近各卡應照十六兩八錢庫秤每一百二十觔抽厘錢一百文其零星不及石者應免抽釐以恤小販

一茶釐概歸皖局抽收江西經過各卡由本部堂咨明江西撫部院札行總局輪飭各該卡驗票放行不重抽釐抽捐又婺源一縣現歸左撫部院設卡抽收應一併咨明照辦以歸畫一其婺源茶所得引捐釐各項銀兩由皖省糧臺另撥還左撫部院糧臺備抵

一向來內地客商販運行銷內地備茶箱茶及建德向有西商採辦北口茶不照此例所有應完徽州茶引茶捐茶釐應由皖南道查明舊章並察看情形酌議章程詳候核奪

一核定章程應出示曉諭徽寧池三府屬商民遵照並通飭經過江西安徽各卡照驗放行會文正妥

雜著

安徽知縣何潤生徽屬茶務條陳

一徽屬種茶者名曰山戶出茶之盛衰關乎人工之勤惰者半關乎天時之呵護者亦半縱人工培植惟勤設遇冬今天氣太寒樹本受傷來年茶葉即難茂盛摘茶之時若逢陰雨過多茶質亦損山戶零星其茶竄於螺司聚有成數然後賣於行號螺司者山中販戶之俗稱也

一徽屬產茶以婺源爲最每年約銷洋莊三萬數千引款休謫次之績溪又次之該四縣每年共計約銷洋莊四五萬引均係綠茶祁門每年可銷洋莊一萬餘引專做紅茶各該縣中又以婺源北鄉所產者爲上品紅茶祇有一色綠茶內分三總名曰珠茶曰雨前曰熙春熙春內分四等曰眉正曰眉熙曰副熙曰熙春雨前內分五等曰珍眉曰鳳眉曰蛾眉曰副蛾曰芽雨珠茶內分五等曰蝦目曰麻珠曰珍珠曰寶珠曰芝珠各名色中以蝦目珍眉爲最上之品鳳眉麻珠次之眉熙珍珠蛾眉又次之寶珠副蛾副熙更次之最下乘者芝珠芽雨熙春三等皆爲洋莊均內用錫罐外裝彩漆板箱箱分三名曰二五雙箱連罐計重不過十一觔有奇曰三七箱連罐計重不過十二觔有奇曰大方箱連罐計重不過十五觔有奇三七箱高一尺四寸闊一尺二寸二五箱比三七箱小一碼大方箱比三七箱加一碼皆有準式每箱可裝細茶四十餘觔粗茶三十餘觔徽茶內銷不及十分之二二專用篋袋盛儲茶朴茶梗茶子茶末居多也一茶以一百二十觔成引每引完正課錢二錢公費銀三分釐捐銀九錢又公費銀五分另捐輸銀六錢共銀一兩八錢八分現名之爲落地稅上年因日事需餉每引暫加捐銀三錢六分悉由皖南茶局統收分解至公費八分內以三分歸各分卡收濟局用以一分解歸徽府作彈壓辦公經費其餘四分悉歸總局一切開支公用款休謫之茶均由新安江行運抵浙境之威坪首卡每引抽收釐捐二錢光緒二十一年爲始加抽銀八分又另抽稅關稅銀一錢杭引課銀三分四釐再由威坪運過浙江紹興府屬始達寧波逢卡驗票不復重抽抵寧後即在寧波新關每百觔預完出口全稅銀二兩五錢設運至杭州過塘徑由嘉興內河直抵上海又須每引加納浙江塘工捐銀五錢以故各商會過杭之捷徑而繞行寧紹之遠

達蓋爲此耳婺源洋莊綠茶祁門洋莊紅茶均由鄱陽湖行運抵江西之姑塘關每百觔完常關稅銀二錢六釐規費銀七分抵九江新關仍須預完出口全稅銀二兩五錢此洋莊茶現在完納課釐稅捐之定章也至內銷如茶朴茶子茶末等類不完落地總稅惟逢卡抽釐而已過屯溪釐卡每百觔抽釐錢一百文街口釐卡抽釐錢一百文浙之威坪釐卡抽釐錢三百餘文駿東館釐卡抽釐錢一百五十餘文杭屬釐卡抽釐錢三百餘文嘉屬釐卡抽釐錢一百五十餘文此內銷本地茶抽收釐金之定章也

一光緒十七年分徽屬紅綠茶共銷八萬五千四百餘引十八年分銷八萬六千三百餘引十九年分銷八萬九千四百餘引二十年分銷八萬七千五百餘引二十一年分銷十一萬此近年來銷洋莊茶之實數也

一前三四年中各茶商稍沾微利如上品之蝦目珍眉等茶每百觔向可售銀八十餘兩近亦售銀五十餘兩而去年僅售銀四十餘兩如下乘之芝珠芽雨熙春等茶每百觔向可售銀十五六兩及十二三兩不等而去年僅售銀八九兩及六七兩而已山價廉而售價高則獲利較豐去年山價不廉行號開設太多炮製未能純美爭先售賣又復不少因而百無一人可沾餘潤甚有坐本全虧者果能同行協力認真揀選販運一切均有定規即可獲利此近來茶商盈絀利鈍獲利不獲利之原委也

一遵查粘鈔內開劉中書陳外郎條陳各利弊及補救之方語語皆真條條可法若必飭商議妥而後行決無創興之日緣商人中深明大義者十不獲一况茶務非鹽務可比銷無定地商無定人有利則趨之失利則避之往往各圖利便各各己資主議大局者祇知大公而與議者每執己見非官爲主持力全大

商不為功也

一徵屬素產綠茶綠茶名色不一機器能否製造茫無把握招商購置力多不及承辦無人傳聞漢口現有置備機器製造茶軋者大都宜於紅茶若能派令茶師密赴印度得其製法果於綠茶相宜再行試辦至機器係專為商號炒焙壓製之用於山戶採採人工兩不相關自無彼此不安之理也

一設立茶政局事權歸一明定章程用得其人眾商自願商務振興可拭目以待第恐局自為局而商自為商則無益矣若能舉熟諳商情實心任事掃却官場習氣洞知利弊者為之局員庶乎其可或上海立一分局必須招致現在開設茶棧四人為司事優給辛資予以勸懲始妥查徵茶運抵春申素投由茶棧轉售於西商此棧並不存儲茶箱專為代客買賣緣該棧東夥人等素識西商兼曉茶務又能賒付水脚借濟資本故售得百元抽洋二分以充棧費又上海另有茶業公所不問茶事每百觔專收洋一分充為所用今既立局則該公所可裁各商運茶到滬責令赴局掛號由局酌派司事代售如須賒付水脚借濟資本由局籌應將來即在售茶價內計利扣還至素出商之棧費二分所費一分仍照舊收以二分充局用以一分獎犒各司事設局用不敷可於茶局四分費內勻均撥用局員辦公薪水宜從豐厚功過宜嚴司事不可濫用私人胥役只供驅叱不準稍加事權也

一頒行茶引折更定數不準溢額以運到之先後按批挨銷各節命意在保護茶務恐各商漫無限制任意爭設跌價搶先有虧血本事固可行第其中不無窒礙如鹽之能定額請引者因煎有定額產有定例商有定名銷有定岸計口授食不難按滋生之冊約略概其大數况又權自我操而茶則非是山戶之種

植不一其人年歲之豐歉決難預計倘茶豐而引少茶將無可銷之路或引多而茶歉引又爲廢棄之端斯殆小焉者也緣產茶之區非僅中國而銷茶之處又屬外洋既不能逆料出產之多寡又不能計彼行銷之暢滯此所以難於頒引定額論者謂一經改引即須按年認課又須預完捐釐商力不支決不能行等議以爲無須請引之詞要皆皮毛其說耳至按批挨銷原爲跌價爭售而設遵以行之誰云非善第其中亦多未便因緣茶名目不一人之嗜好不同西商有喜購此種花色者有喜購彼種花色者有先到之花色尙未行銷者有後到之花色已可暢銷者既不能強令照購則斷難責令挨銷也就其不可遵行之中而擬一可以保全之策莫若仿泰西準商專利章程爲便查徵屬茶商率多散漫無稽世守其業者固有之而逐年更易其人者亦復不少如商本重大開號已久尙知顧全大局認真據製冀保本號聲名西商以信爲主往往見素有聲名牌號之茶箱運到逆知其貨不甚駁雜即願高價受買彼素無聲名者則不能故同一花色而價判低昂且見各商急宜自修自保惟商情不一人心莫測每有微本新商一見本棧牌號不利行銷每詭其所謀暗盜他人牌號標判茶箱妄存冀倖減跌爭售不一而足敗壞市面莫此爲甚亟應飭局查明各產茶之地額定商棧之數由官給發印照定其牌號始準開設自此次招定以後只准報歇不准私添該商等所立牌號准其專利若干年如在專利年限內有他人盜其牌號者准稟官比例治罪似此則各商等知無他人可與爭衡亦無他人可以添設必能各自振作各保聲名各加講究各圖利益庶可挽回於萬一既額定商棧必須舉一總商或隨局辦公或在公所經管規條兼以聯絡官商聲氣稽覈各商製茶優劣則官與商無隔閡之情商與商有爭自琢礪之意欲杜盜牌號之弊又應

仿照鎮江抽收桐油捐按補粘印花一法若茶已成箱由各商報由總商向局請發印花填定本商牌號不准預請空白不經局書之手不准局使需索硃費違即稟究將所請印花粘貼各本號茶箱箱面運抵上海由局對驗印花清照是否相符設有冒名一望便知立予懲治自無盜人牌號之慮可期各自認真交易未始非補救之一得也

一設小輪拖帶茶船以免風雨阻滯誠爲茶商趕幫行運之要策查徽府所屬六縣惟婺源祁兩邑地接江西所銷洋莊茶船必取道於鄱陽今既由該省紳士稟請援照內河成案分設小輪行駛該茶船自可一律拖帶毋庸更議行見該二縣茶商受占利涉永無望塵不及之虞其餘四縣毘連浙省洋莊茶船必須取道於徽之新安浙之嚴陵富春等江再達錢江新安至嚴陵計程四百餘里內不下百餘灘小輪萬難創設惟所幸灘雖多尙無更舟起駁之勞由嚴陵而抵錢江計程二百餘里乘風即速無風猶可施繆亦無十分阻滯之憂惟行走紹興內河則必須抵義橋搬運過塘及致曹娥仍須過壩不數里又過百官壩數易其船由百官抵餘姚歸屬復有河清橫山馬車陡門等壩堰不一而足由是始至寧波及到甯上棧下棧裝載海輪甫抵滬濱下輪存棧種種煩難因爾茶箱每多破損不獨修整需工抑且易起西商挑剔之隙似此徵茶成本較重於他處而獲利實不易易苟准徵茶由杭嘉河內載運抵申則前項苦境胥於是免仍照舊給各卡章程驗票放行洵爲體卹徽商之根本其不敢徑由杭嘉行運者實爲過杭必須加納塘工捐銀以故各商舍所易而就所難商之較及錙銖出於不得已耳伏思塘工捐款固爲正用第現在海塘大工早經告竣所有歲修月修等費亦復無多該省前已議有的款可以挹注況此項塘捐雖有

征茶之虛名久無抽收之實濟咨請停止應無不可之理何則方今 朝廷亟以振興商務垂念商艱為第一要義凡食毛踐土者又當仰體 宵旰焦勞之至意為業茶黎庶一洗積習而空之庶幾保此利源孰云非是論者謂一准徽商徑由杭嘉內河用小輪拖帶到申則寧之新關即少出口洋稅議由改歸皖局代收撥解寧關等語恐未盡妥查出口洋稅雖歸關督經理實則稅務司主持之非通商口岸不能派設稅司且出口轉稅單非由稅司簽字不能照驗放行因難代收其稅至洋關稅單西語曰拍司論者又謂恐徽茶准由杭嘉行運難免奸商夾帶內銷之茶混雜其間然內銷之茶與外銷之茶判若天壤外銷洋莊箱罐裝演成本極重色味又屬兩途內銷裝儲盡屬篋袋炮製異宜况洋莊在徽起運即須完納落地總稅內銷各茶逢卡抽釐若舍釐之輕而就稅之重愚者弗為兼之茶船過卡例須查驗驗明單係洋莊與落地茶引相符始準放行設有夾帶仍可令其照章完釐雖有夾帶亦奚裨也總之洋莊茶非完出口全稅孰有拍司稅司不准裝載出口法至嚴矣又准徽茶改行杭嘉內河徑運申江必須在江海新關完納出口洋稅得有拍司該茶商到申方能售賣何庸慮及洋稅之偷漏也各關出口稅則向無輕重亦無趨避况洋稅係儘征儘解之款又非若本關常稅各關督有包征賠累之責可比且茶之出口洋稅不完於寧海關即須完於江海關毫無區別也

一徽屬產茶各縣向無山捐箱捐名目現在亦無善堂書院各項外銷捐款惟婺源縣書院每年膏火銀四百兩屯溪翼堂每月經費銀六十兩係由茶局於所收落地總稅內提撥分給院堂充作公用歷經遵辦在案遵查部議飭將茶捐外銷款目立予全裁候比次查照條陳切實核議分別舉行試辦一二年如

果難有把握即將該省所收茶釐數目奏請核減以成興復茶務之盛舉等因在大部統籌兼顧洞知華茶非減輕成本不利行銷因爾先准全裁外銷捐款以試其端若果行無把握仍准奏減捐釐原不欲遇事累商致廢茶務仰見苦心孤詣足令中外商民歡聲雷動一齊俯首但徵茶現無外銷捐款莫可議減與其俟試辦一二年難有把握再行核減勢必衰敗更甚所謂臨渴掘井何如未雨綢繆第今當公款支絀之時又烏可妄議求減應否先將上年每引暫加之捐銀三錢六分一款及浙省威坪卡每引續增之捐銀八分一款或予量減或予全裁使各商暫甦喘患責令精研採製暢其銷路奪回利源將來不再核減亦屬曲突徙薪之請能舒一分商力即暢一分銷路疏銷之法不外減輕成本裕課之方不外體念商艱也抑更有請者如茶朴一項本屬內銷之物前經茶局仿照洋莊茶式提捐落地總稅一二成每年計引無多論者謂恐奸商偷運充作洋莊意固周矣第洋莊與內銷裝潢迥別斷難混淆查茶朴係茶中渣滓所值無多能於揀淨茶即純品各商因揀出茶朴仍須提完一二成總稅貪利小商往往怠於提揀茶品未能純美茶價即難增色亟應減免茶朴提引之稅俾可責令認真挑選之工未始非精益求精整頓之一策也

一查各商將茶裝箱後赴局報捐局中必提出一箱令其拆口去茶稱驗箱體輕重如一箱有若干觔則衆箱準此爲法名曰去皮凡行過關卡均如斯辦法在當局以爲簡便實則各商已苦煩苛須知洋莊茶箱本有定式無所高下此後各箱須遵定式頒行各關卡箱凡三等曰二五雙箱去皮若干觔曰三七箱去皮若干觔曰大方箱去皮若干觔永爲去皮定章即免提箱過稱之煩較更簡便至應完出口洋稅之

關仍尋補提箱去皮事既無礙於大局而隱便商民實非淺鮮如江西姑塘常關連皮收稅及沿途各局卡司巡緝索等弊疊經該商等控奉督憲批飭查禁有案無如日久難免玩生且更換一員則後來各司巡茫然不知前禁率多故愆復萌莫若將禁令勒石各關卡處所則人人得觸目警心從此百弊悉除是亦曲體下情之一道也

皇朝賦典類編卷九十四

征權十二

鹽稅軍餉 漕運 田房稅契 牙帖商行書鋪 鋪面圍圍 依通考舊例計鋪面大小者入關稅
奏開國生運者入雜稅

江蘇鹽地科銀草麥蘆籽粒等地每畝五釐至一錢五分一釐不等籽粒蕩灘熟低等田每畝一分至一錢五分一釐不等密蘆每畝三分至六分不等稀蘆每畝一分五釐至四分不等墾划塘每畝一分至二分不等草泥水光籽粒水影荒白塗水窪等灘每畝一釐至三分八釐不等計蘆地四萬四千七百九十七頃九十八畝六分零課銀十五萬三千二百兩八錢有奇安徽蘆地科銀草荻草麥市熟等地每畝一分至三錢三釐七毫不等上中下等熟田每畝一分至一錢不等密蘆每畝三分五釐至六分六釐不等稀蘆每畝二分五釐至五分二釐不等水低等蕩每畝一釐至二分九釐不等草泥水等灘每畝一釐至一分不等蘆墩每畝五分七釐墾划每畝一分水套每畝四分白沙每畝四釐計蘆地二萬七千七百六十二頃五十六畝四分零課銀五萬三千四十七兩四錢二分有奇江西蘆地科銀上地每畝三分至三分五釐中地每畝二分至二分五釐下地每畝一分五釐密蘆每畝三分稀蘆每畝二分上草地每畝二分中草地每畝一分五釐下草地每畝一分熟塘每畝一分草場地每畝六釐計蘆地四千四百十六頃九十七畝零課銀六千五百三十三兩八錢九分有奇湖北蘆地科銀密蘆每畝三分二釐至三分四釐稀蘆每畝自六釐至二分二三釐不等中蘆田每畝二分五釐下蘆田每畝七釐上則麥地每畝一分八釐至二分三釐中則麥地每畝一分八釐下則麥地每畝一分三

皇朝賦典類編卷九十四 征權十二 雜稅

鹽中地並中熟地每畝二分五釐熟地每畝二分三釐及二分五釐基地每畝一分二釐至三分三釐五毫不
 等草場湖蕩中草場下草等地每畝各六釐草場下草場每畝各三釐計鹽地一萬七十一頃三十一畝
 零課銀一萬六百六十三兩三錢有奇湖南鹽地科銀上熟地每畝九釐至一分九釐下熟地每畝八釐三毫
 至一分零釐地每畝五釐稀鹽地每畝二釐及三釐成熟地每畝八釐三毫至一分四釐八毫六絲七忽不等
 籽種地每畝九釐六毫八絲九忽基地每丈科銀五分其按畝科徵者每畝一分至一分九釐不等計鹽地二
 千四百五十七頃十畝一分零基地四百六十五丈五尺課銀一千五百九十四兩二錢八分有奇會典事例
 順治二年以寺臣條奏鹽政傳旨訓飭太常寺典簿王文言條奏江南長江一帶菽鹽數千餘里中多腴地
 乞遣臺臣部臣以次清查立為鹽政以充國用得旨江南初經歸附治平急務惟在安民王文言何得借端
 冒利不准行邊考

三年差滿漢部員管理鹽政會典事例

四年定鹽課五年丈量例工部奏言計臣王永吉按臣秦世禎以鹽政歸併有司誠以丈量僅提等弊重為民
 擾也但各州縣正項錢糧尚虧定額恐鹽課零星分散遺欠日多今後鹽課應仍歸主事管理每五年一丈量
 止丈新漲新坍之地漲者增額坍者開除不漲不坍毋得丈量以滋騷擾報可通考

七年令各省督撫選委屬官將沿江蘆洲舊額新漲詳查報官如有徇情隱漏將該督撫一併議處會典事例

八年發運鹽課改歸州縣徵收彙解司庫報部會典事例

九年鹽課復差部員管理鹽課會典事例

又覆准蘆州每五年丈量一次止丈新漲新坍地增額開除如無坍漲不得重丈滋擾會典事例

十八年准巡按御史條奏蘆課六弊戶部議覆巡按江甯御史何可化條奏蘆課六弊坍沒之賠累宜豁收解

之耗費宜革彙強之隱佔宜清州晉之飛灑宜禁佃蠹之侵欠宜究蠲免之條例宜博俱應如所請從之通考

又清查各省蘆政工部議覆工科給事中王曰高條奏蘆政利弊四款一嚴催徵以懲積欠一親踏勘以核實

數一按地形以清課額一酌久任以專責成俱應如所請得旨江南江西湖廣每省差滿漢司官各一員嚴

行清查通考

康熙二年免崇明縣加徵蘆課江甯巡撫韓世琦疏言崇明縣大糧田九千六十頃五十畝零除正賦外復徵

蘆課銀八千三百八十餘兩實係一田兩賦亟請蠲豁部議應如所請從之通考

四年奉旨蘆課停差部員令地方官徵收會典事例

八年覆准復差部員管理蘆政會典事例

十年准江南江西湖廣等省蘆課錢糧歸併地方官管理戶部奏江南江西湖廣蘆課錢糧原係地方官按畝

徵收轉解監督衙門與各關差監督親收商稅者有別請嗣後停止差遣部員將蘆課錢糧歸併地方官管理

從之通考

十二年覆准蘆課銀未完大小各官或初參或滿限期參者皆照准徐等倉錢糧未完官員初參及限滿例參

處准徐等倉錢糧初參經徽州縣官欠不及一分者停陞督徵欠一分者罰俸六月欠二分者罰俸一年欠三

分者降俸一級欠四分者降俸二級欠五分者降職一級欠六分者降職二級欠七分者降職三級欠八分者

參問或與員參問參心十日 征權十一 雜稅

降職四級以上皆令戴罪徵收停其陞轉完日開復欠九分十分者皆革職布政使知府直隸州知州欠不及一分者停陞督催欠一分者罰俸三月欠二分者罰俸六月欠三分者罰俸一年欠四分者降俸一級欠五分者降俸二級欠六分者降職一級欠七分者降職二級欠八分者降職三級欠九分者降職四級以上皆令戴罪督催停其陞轉完日開復欠十分者革職巡撫欠不及一分者停陞督催欠一分二分者罰俸三月欠三分者罰俸六月欠四分者降俸一級欠六分者降俸二級欠七分者降職一級欠八分者降職二級欠九分者降職三級以上皆令戴罪督催停其陞轉完日開復欠九分十分者降一級欠九分十分者降一級調用欠不及一分並署印不及一月者免議又被參後州縣官限一年內全完如原欠不及一分一年內不全完者降三級調用欠三分四分一年內不全完者降四級調用欠五分六分一年內不全完者降五級調用欠七分八分一年內不全完者革職布政使並管錢糧道員知府直隸州知州限半年全完如原欠不及一分限半年內不全完者罰俸一年欠一分二分限半年內不全完者降三級調用欠三分四分限半年內不全完者降四級調用欠五分六分限半年內不全完者降五級調用欠七分八分以上限半年內不全完者革職巡撫限二年內全完如原欠不及一分二年內不全完者罰俸一年欠一分二分二年內不全完者降二級調用欠三分四分二年內不全完者降三級調用欠五分六分二年內不全完者降四級調用欠七分八分二年內不全完者降五級調用欠九分十分二年內不全完者革職其接徵接催官均以到任之日爲始接徵州縣官亦限一年接催布政使道府直隸州知州限半年接催巡撫限二年催完如不完題參之日照現在未完分數以

初參例處分至帶徵積年拖欠錢糧之大小各官不與經徵官一例處分限二年內全完如二年內不全完均按定例照各分數處分會典事例

二十三年詳准丈量蘆洲地令選委賢能正印官不許用佐貳官如有借稱丈量需索累民者督撫指參會典事例

二十九年覆准清理蘆洲地畝停止差委道府等官均聽各該州縣親履清丈於部文到日爲始限半年之內通行丈量明白造冊具題會典事例

又覆准蘆洲地五年一丈悉用印官親行經理並從前積逋酌期帶徵會典事例

乾隆四年覆准蘆洲田地五年一丈爲期既久姦猾乘強之徒或移邱換段或匿冊改名不免弊竇嗣後坍塌地畝一遇業戶具報該地方官隨即親詣勘明注冊通詳立案俟屆五年清丈之期將冊卷檢交委勘道員據冊稽查履勘明確照例升除會典事例

十六年覆准向例蘆洲大丈屆期之年均於十月舉行而丈竣之期例內未經指定牧令等官輒多藉故稽遲嗣後屆大丈之年責令州縣務遵定例於十月水涸後將坍塌清勘明確限歲內造冊詳報所委道員於開印日督同履丈定限四月內完竣移司彙送於六月內詳題備仍因循違限即行分別參處至坍塌地畝嚴飭州縣逐一確查入冊道員詳細查覈備州縣草率消員查出參如有扶同一併分別議處該督撫不即題參節內按限查覈將該督撫一併參處會典事例

二十年定蘆洲地畝冊戶以次撥補之例江西巡撫胡寶泉奏言蘆洲地畝坍塌常補制五年丈量一次漲

陸圻除嗣於乾隆十三年經部定議凡有坍塌洲地卽令業戶報官勘明註冊立案遇有淤漲按照報冊先後以次撥補倘有餘剩新淤官地召民認墾按則陸科通行遵照惟是蘆洲有有課無課之分凡濱江洲地先由水影次變沙灘又次爲泥灘爲草場爲草坦至於漸積成洲然後納課計自水影以至成洲必經數十年或十餘年之久其成洲頗費工本及遇塌卽必屆大丈之年始行除課若有淤漲之地自應按照報冊先後俾復其業以完課額至於水影沙灘之地原無工本可費是以例不陞課卽有坍塌自不在撥補之列乃有奸猾之徒因定例未經分晰指明往往以無課之沙灘等項混爭撥補請嗣後將有課之洲報冊者挨順先後彙爲一冊按次撥補庶課額既定訟端可弭經部議覆應如所請凡濱江新漲之地查原舊有課之洲報冊者次第撥補至於水影沙灘等項雖稱未經陞課但小民承認多年希圖成業一遇坍塌既不得與有課冊戶一例撥補主撥補餘剩之地若不量爲准撥恐失業之戶未肯甘心彼此復啟爭端情理殊未平允應令嗣後新漲地畝除儘有課冊戶補足之外尙有餘地卽將無課冊戶按照報冊先後酌量撥補再有餘剩始行召墾仍嚴行各冊戶安分息爭一聽官撥分別辦理疏上得 旨如議行通考

咸豐二年戶部議准署浙江巡撫椿壽疏報富陽象山樂清三縣開墾沙地七頃五十二畝有奇照例升科從之實產積餘

右廬課

一 盛戶漁票共三百二十二張每張徵稅銀五錢額徵漁課銀一百六十一兩 伯都訥地方魚網十八張每網一張徵稅銀二十兩拉林地方魚網十張蒙古等魚網十二張作爲開散滿洲并蒙古乾糧不收稅

俱定限界不得逾越打漁違者治罪魚網入官變價

一江蘇省蘇州藩司所屬額徵漁課銀八百一十四兩八錢四分七釐有奇又解費銀二兩八分六釐有奇遇閏加徵銀二十四兩四錢六分三釐有奇解費銀一錢五分二釐江甯藩司所屬額徵漁課銀九百五十八兩八錢四分八釐有奇遇閏加徵銀四十七兩八錢七分二釐有奇

一安徽省額徵漁課銀六千九百一十二兩一錢八分一釐有奇遇閏加徵銀三百八十一兩九錢二分一釐有奇又帶徵閏月銀一兩七錢二分八釐有奇額徵錢一萬二千七十五文遇閏加徵錢七百五十六文一分

一江西省額徵漁課銀二十三兩九錢三分一釐又腳耗銀二兩八錢七分一釐有奇漁油銀四兩七錢八分一釐

一福建省漁課銀兩儘收儘解歲無定額

一湖北省額徵漁課銀九百六十八兩九錢二分一釐有奇遇閏加徵銀九十五兩九錢六分三釐有奇

一湖南省額徵漁課銀一千七百八十七兩九錢八分有奇遇閏加徵銀一百三兩五錢三分七釐有奇又額徵漁舫銀四百六兩二錢二分四釐新寧縣報增漁稅銀六兩

一四川省額徵漁課銀八十四兩九錢五釐有奇遇閏加徵銀一兩五錢三釐有奇

一廣東省額徵漁課銀二百一十二兩三錢遇閏加徵銀一十七兩六錢有奇

一雲南省額徵漁課銀一千七百六十六兩六錢五分七釐有奇遇閏加徵銀六十三兩五錢六分一釐有奇

奇又劍川州春夏遇閏加徵銀一十三兩二錢四分秋冬遇閏加徵銀一十六兩五錢五分又捕課米折銀一十七兩七錢五分

一貴州省額徵餉課銀二十兩以上並則例

康熙十二年福建總督范承謨奏從來富國強兵莫有過于魚鹽之利閩自禁海以來利孔既塞是以兵窮民困目下青黃不接之際追呼雖頻輸將仍緩兵丁乏授食之需引領協濟各省處處添兵在在索餉安能及期協濟乎今惟有請照木筏取魚事例容漁戶沿邊採捕每十筏聯爲一甲以行稽查連坐之法過兩港之時止許隨帶乾糧不許多攜米穀等物令就近將領率防兵巡哨督押漁筏朝往暮歸仍照編甲次序灣泊內港聚集一處以便稽察其採捕之魚十取其一以充國課此項錢糧或接濟兵餉或借給遺民如有贏餘或存貯備修船隻一舉而數善備焉矣事如可行臣卽相機設施如不可行決不致貽邊疆之患兵餉裕而國用自足荒田墾而流離可輯催科緩而人心共安矣香廬存稿

乾隆元年免廣東歸善海豐惠來潮陽四縣加額漁稅並免粵東準租奉諭旨廣東山海奧區貧民多以捕魚爲業各縣俱有額徵海課爲數無多相沿已久後因歸善縣不肯知縣私取陋規加於額徵十數倍遂經撫臣定議加增魚稅一千餘兩作爲盈餘而海豐惠來潮陽三縣亦仿照加增海豐縣則增至四千餘兩惠來縣增至五百兩潮陽縣增至七百餘兩朕思粵東山多田少小民生計艱辛故以捕魚爲養贖之計今他縣魚租皆仿舊額而歸善等四縣獨徵收加重恐漁民輸納維艱非國家愛養黎元之意著將四縣加增之數悉行豁免仍照原額徵收其捕魚小船尤不應在輪稅之內再查粵東有準租一項亦民間自收之微利前經地方官

通查歸公爲濬修園基之費夫園基既動公項銀兩修築則租一項亦著一體免徵以免閭閻之煩擾該督撫可轉飭有司實力奉行毋使奸胥地棍備端私取致窮民不得均沾實惠

通考

八年免浙江玉環塗稅奉 諭旨浙省溫台二洋爲漁船採捕之所從前玉環未經展復以前凡漁船在洋採捕者汛兵需索陋規無異私稅後因屢復玉環該地方官惟恐經費無出遂將陋規改收塗稅以資經費之不足此一時權宜之計也而每年所委徵未員弁及丁役人等往往借端苛索朕思濱海編氓以海爲田每歲出沒於風濤之中捕魚以餬其口生計淡泊應加軫恤况自玉環展復以來地方所有錢糧已敷公事之用無庸更收塗稅著將此項永遠革除

通考

右漁課

一旗人典賣房地無論本旗隔旗俱准成交係出賣令赴左右翼納稅係出典令各報明該佐領記檔回贖時仍令報明銷檔凡典當田房契載年分統以十年爲率十年限滿原業力不能贖再予餘限一年令典主呈明該翼由翼將契紙交旗鈔用佐領圖記送翼補稅發給本人收執該參佐領毋得攔勒自報稅後原業不准告找告贖倘逾一年餘限仍不報稅及白契置買房地並老典三十五年遺漏未經納稅者一經查出或被入首告均追償治罪

一凡旗人置買有權民地民房及城內隨地徵種房屋均令在坐落地方州縣過稅輸糧其城內無糧房間各按旗分赴左右兩翼過稅該翼卽以跟隨紅契爲憑毋庸取具書主佐領圖記辦給執照仍黏連原契要領詳細記檔備查至旗人將典賣民地民房轉典賣與民人者聽

一 盛京十四城旗人置買房屋就近赴各城城守尉衙門投稅該城守尉驗契鈐印其置買田地令赴各該地方衙門驗契鈐印註冊免其輪稅如有私相賣買不行呈報者查出治罪至在京旗人典賣坐落盛京地方房地者令在本旗都統衙門具呈轉咨 盛京戶部查辦

一帶地投充莊頭其人丁地畝典賣悉由本主自便

一 凡民間置買田房於立契之後限一年內呈明納稅倘有逾限不報者照例究追令各督撫刊刻告示飭發所屬過貼城鄉使愚民咸知例禁

一 凡置買田房不赴官納稅請黏契尾者卽行治罪並追契價一半入官仍令照例補納正稅州縣侵肥稅銀止於契紙鈐印不黏給契尾者嚴參治罪如係活契典當田房契載在十年以內者概不納稅十年以後原業無力回贖聽典主執業轉典其有於典契內多載年分者查出治罪仍追交稅銀若先典後買按典買兩契銀兩實數科稅

一 民人典當田房契載年分統以十年爲率限滿聽贖如原業力不能贖聽典主投稅過割執業倘於典契內多載年分一經發覺追交稅銀照例治罪如買賣田產將糧額載入印契卽令買主賣主親赴州縣對冊推收隨時過割該州縣實力稽查倘有任聽書吏私行下鄉運例滋擾等弊該管各上司卽行揭報該督撫嚴參究治

一 湖南長沙等府州屬撥給投誠官兵及裁汰弁卒開墾荒地准其照民產一律買賣納稅印契過戶承糧如有隱匿漏稅情弊照例治罪並將弁出名色刪除

一八旗官員及閒散人等置買旗契房地不赴左右兩翼納稅過契如有取巧赴大宛兩縣私稅民契者並大宛二縣知情私准納稅者均照違制論官員議處閒散人等鞭責發落仍令赴兩翼衙門補稅換照八旗置買房地契稅詳見左右兩翼稅則 以上並則例

順治四年覆准凡買田地房屋必用契尾每兩輸銀三分會典事例

康熙十六年增定江南浙江湖廣各府契稅 每歲蘇松常鎮四府大縣六百兩小縣二百兩安徽等十府州分
別大小自五百兩至百兩不等揚州府照賦役全書額徵淮安府州縣無定額儘收儘解杭嘉湖甯紹金嚴七府
大縣三百兩中縣二百兩小縣百兩湖北大縣百五十兩中縣百兩小縣五十兩僻小州縣十兩 通典

十七年增定山東等省房契稅大縣百八十兩至二百四十兩中縣百二十兩小縣六十五兩至三十五兩
通典

二十年增定浙江台衢溫處四府契稅大縣百兩中縣六十兩小縣三十兩 通典

二十一年增定江西等縣契稅照浙江台衢等縣例 通典

四十三年覆准田房稅銀用司頒契尾立簿頒發令州縣登填將徵收實數按季造冊報部查覈會典事例
雍正四年覆准凡典當田土均用布政司契尾該地方印契過戶一應贏餘稅銀儘收儘解會典事例

七年題准廣東文武闈鄉試所需各項經費除照例動撥正項外尙有不敷之數尙在各州縣業戶買產每兩
例徵契稅銀三分之外又徵一分充用每年約徵銀二千五百餘兩自雍正七年起准爲科場經費造入奏銷
冊內同正額一例報銷會典事例

又免貴州軍田上契稅銀戶部覆准雲貴廣西總督鄂爾泰疏言原任工部侍郎申大成條奏黔省軍田許照民田一體買賣每畝上稅銀五錢給契爲業經九卿議覆准行但黔省軍田一畝之價可買民田二畝應納糧賦一畝亦可抵民田二畝其每畝上稅契銀仰請豁免嗣後凡有軍田授受悉照常例報稅從之通考

十一年定奉天府屬田房稅契以雍正六年爲始儘收儘解無定額會典事例

十二年奉准廣東田房二項溢額稅羨自雍正七年至雍正十一年歲終存銀二十萬兩有奇報明戶部以備酌撥嗣後遞年造冊報部會典事例

十三年復各直省契尾舊例廣東巡撫楊永斌奏向來未設契紙以前凡民間執契投稅官給司頒契尾一紙粘連鈐印令民間收執爲據蓋因田房稅契銀兩贏縮不齊若止就民間自立之契印稅則藩司衙門無數可稽不肯官吏得以私收飽棄而且民間交易之後往往延挨不稅候至官員離任之頃假託親知書吏或乞恩蓋印或量減稅銀彼匆忙解組之員多寡視爲幸獲豈能審察致詳於是遂有捏造假契乘機投稅致滋許訟不休者是以會典開載凡買田地房產必用布政司契尾非惟防私徵亦所以杜捏造也迨後因用契紙而契尾之例遂爾停止今契紙既已革除而契尾尚未復設臣思契尾之例係投契之時官爲印給不同契紙第由民間價買致有滋擾可比似應仍請復設照依舊例由布政使編給各屬令地方官粘連民契之後鈐印給發每歲奏銷之時將用過契尾數目申報藩司查考其稅銀如有贏縮仍令儘收儘解庶可杜官吏侵收與奸民捏造之弊經王大臣會同戶部議奏得 旨如所請行通考

乾隆十二年奉准民間置買田房產業令布政使司多頒契尾編刻字號於騎縫處鈐蓋印信仍發各州縣

民間投稅之時填註業戶姓名契價契銀數目一在州縣備案一同季冊申送布政使司查覈如有不請粘契尾者經人首報即照漏稅之例治罪會典事例

十四年更定稅契之法先是民間賣買田房應買主輸稅交官官用印信鈐蓋契紙以杜奸民捏造文契之弊經田文鏡創爲契紙契根之法於雍正十三年特奉 諭旨停止又於乾隆元年經廣東巡撫楊永斌奏請仍復契尾舊例准通行至是戶部議駁河南布政使富明疏奏請於業戶納稅時將契尾粘連用印存貯每遇十號申送知府直隸州查對不知契尾經一衙門印多一衙門之停攔由一吏胥印多一吏胥之苛求甚且稍勘駁查以致業戶經年累月求一執照齊家而不可得應將所奏毋庸議臣等酌議請嗣後布政使頒發給民契尾格式編列號數前半幅照常細書業戶等姓名買賣田房數目價銀稅銀若干後半幅於空白處預鈐司印以備投稅時將契價稅銀數目大字填寫鈐印之處令業戶看明當面騎字截開前幅給業戶收執後幅同季冊彙送布政使查核此係一行筆跡平分爲二大小數目委難改換庶契尾無停攔之虞而契價無參差之弊疏上如議行通考

二十一年令民間稅契無司頒契尾者首明印行補給其稅銀於原經手之州縣名下追完奉 諭旨前據湖北按察使雷暢條奏民間田房稅契不粘連司印契尾者立限一年令業戶首明補稅以杜侵隱而稽假冒經戶部覆准並令各督撫分別定限報部查核夫隱匿漏稅者在民間自應查明令其補交若州縣官辦理稅契於契紙內鈐蓋印信並不粘用司印契尾是係不肖有司意圖侵肥入己所致其實小民應投稅銀業已照數輸納今乃令業戶首明補稅而不於原稅之州縣名下追還足百姓受重稅之累而侵隱之官吏轉安享其利

於情理殊未得平著各該督撫詳悉出示曉諭凡民間有已經報稅並無司頒契尾者令其據實首明即行補給契尾其契銀毋庸重複補納以恤民力並查係何員任內經手除事在五年以前及該員已經身故者查明免其勒追外其現任及陞調各員著照原稅名數於各名下定限追完此次立法已後如再有止鈐契紙不連用契尾者各督撫即行查參治罪如此則閭閻既免重科州縣共知儆惕將來小契之弊亦可不禁自止通考又定稅契申送道府直隸州查驗之例戶部議覆直隸按察使裴宗錫奏民間置產投稅布政使頒發契尾久經定例惟是法久弊生或有官吏串通將所填契尾前半幅之給民者開寫實數後半幅之送司者開寫虛數以百改十以千改百徵多報少希圖侵蝕請令該管之道府直隸州核轉固屬剔弊之法但契價多寡不同擬令申送驗發事屬繁瑣臣等酌議嗣後州縣給發契尾如契價在千兩以下者仍照舊辦理毋庸申送查驗其契價在千兩以上者應如所請令各州縣將所填契尾粘連業戶原契按月申送知府直隸州查驗直隸州則申送該管道員查驗相符即將契裁兩半定限十日發還州縣一給業戶收領一彙送藩司稽核逾限不給者分別議處至田房稅契例應州縣衙門填給契尾經管徵收查各處寬有由佐雜官徵收者亦宜統歸正印官經管以昭畫一從之通考

二十八年諭據蘇昌奏粵東田房稅契銀兩一項原係另款存貯以備本省建造工程等項動支今積至一百二十餘萬之多見在京外各處或有需用請卽酌撥八十萬兩解交收用

東華續錄

嘉慶十六年四川總督常明駁奏川省契稅章程 上諭曰依議辦理總期官不多侵民少擾累相安於無事而已至於所收之數不必錙銖較量

聖訓

咸豐二年諭內閣前據王大臣會同戶部籌籌軍餉內有房田補稅一條已令各督撫體察地方情形妥籌具奏效據刑部侍郎李鴻端奏勒限稅契易致擾民請仍照舊章一摺所奏不為無見此後各省房田稅契仍照定例辦理毋庸另議更張以杜流弊等語

四年諭內閣給事中張祥晉奏請將欠交房租補行徵足一摺前因軍餉浩繁於京師地面暫收房租關係一時權宜之計據該給事中奏稱數月以來租數減少請將欠交之租定限勒追等語所奏殊屬鄙瑣不惟無此政體轉恐別滋弊端且該給事中即係巡城如果所屬地面官商民戶抗不交租當時何難覈實嚴查催令完交迨既經停止之後始奏請令八旗五城勒限補追徒增擾累有何裨益所請著不准行東華續錄

右田房稅契

京城牙稅銀千五百三十一兩直隸稅銀二萬七千八百八十一兩五錢有奇 內當稅銀九千八百三十五兩
承德府五行稅銀五千六百九十八兩五錢有奇各行牙帖銀萬二千三百四十八兩奉天牙稅銀千九百一十七兩
盛京二千五百八十九兩五錢二分內當稅銀二千一百九十七兩五錢牙帖張稅銀三百九十二兩二分舊徵鋪戶行戶經紀等稅今裁量入雜稅項下 吉林牙當稅銀四百五十六兩五錢山東二萬三千七百九十二兩一錢五分有奇 內當稅銀四千三百七十兩牙帖銀萬八千四百二十二兩一錢五分有奇 山西三萬二千六百十五兩五錢八分有奇 內當稅銀二萬三千四百七十五兩牙帖銀九千一百一十兩五錢八分有奇 河南六萬三千一百八十八兩一錢一分有奇 內當稅銀二千七百七十五兩牙帖銀六萬四千四百一十三兩一錢一分有奇 江蘇萬八千二百一十三兩六錢三分有奇 內當稅銀六千六百六十五兩牙帖銀萬一千五百

百五十八兩六錢三分有奇安徽萬二千八百七十九兩一錢內當稅銀四千四百三十五兩牙帖銀八千四
 百四十四兩一錢江西六千八百八十一兩內當稅銀千六百七十五兩牙帖銀五千二百六兩福建萬一千
 三百五十兩五錢五分有奇內當稅銀七千八百九十五兩臺灣當稅銀七百三十五兩牙帖銀二千七百二
 十兩五錢五分有奇浙江九千八百七十七兩九錢內當稅銀五千三百六十兩牙帖銀四千五百十有七兩
 九錢湖北八千六百六十六兩八錢內當稅銀二千七百三十兩牙帖銀五千九百三十六兩八錢湖南千七
 百三十四兩八錢九分有奇內當稅銀六百九十兩牙帖銀千四百四兩八錢九分有奇陝西九千一百七十
 四兩七錢九分有奇內當稅銀七千四百十兩牙帖銀千七百六十四兩七錢九分有奇甘肅八千八百七十
 七兩六分有奇內當稅銀八千一百二十五兩牙帖銀七百五十二兩六分有奇四川各行牙帖當稅共銀千
 四百八十五兩八錢廣東當稅銀萬三千四百四十兩舊繳牙帖銀萬七千八百四十六兩七錢七分有奇今
 歲彙入雜稅項下廣西千三十五兩內當稅銀九百八十五兩牙帖銀五十兩雲南二千三百九十七兩五錢
 內當稅銀二千十有二兩牙帖銀三百八十五兩五錢貴州八千五百七十二兩五分有奇內當稅銀八千一
 兩牙帖銀五百七十一兩五分有奇 會典事例

一各省牙帖著有定額由布政司給印頒發廣東廣西二省向無額設牙稅惟廣西宣化一縣因安南通市
 乾隆五十七年奏准添設牙行十家稅奉天省牙稅由旗員徵收者 盛京戶部頒發由民員徵收者奉天
 府尹頒發各該省地方官查係殷實良民本身並非生監者取具鄰佑及同行互保各精確其充補倘有頂
 冒朋充竊開總行恃強依勢巧立集主包頭攬頭等項名色勾結朋黨及各衙門吏胥更名捏姓兼充牙行

甚至誑騙客貨者分別治罪地方官失察徇縱均分別議處凡牙行有把持爭奪擾累商民私立行規高擡時價等弊並追帖治罪牙行鋪戶拖欠客本分別勒限追比如係鋪家累商追繳牙帖限三箇月清還仍給還原帖如限內不完卽行更換倘牙行誑騙商人者本牙並互保行帖一同追繳勒限清還本牙更換互保行帖仍行給還逾限不完將互保之人一併更換如有係鋪戶誑騙客商者將鋪戶勒限追比追不足數令牙行賠補其牙行侵吞客賬者將本牙勒限比追變產抵還不足之項令互保攤賠凡額內各牙有事故歇業及消乏無力承充者官令退帖隨時另募頂補換給新帖京師牙行五年編審一次給帖輪稅總不得於額外增添其有新開集場必應設立牙行者確查結報轉詳核給地方官朦混請增及徑行濫給并侵蝕稅銀等弊分別參處

一京城額設牙帖八百八十九張分三則徵稅上則中則下則

一奉天省額設牙帖九百六十四張

一直隸省額設牙帖一萬三千七百二十三張不分等則徵稅

一山東省額設牙帖五千一百四十九張不分等則

一山西省額設牙帖一萬九百一十九張分別三則上則中則下則

一河南省額設牙帖七萬六千九百九十二張不分等則

一江蘇省蘇州藩司所屬額設牙帖一萬四千二百二十四張分別等則上則中則下則上次則中次則下次則又元和縣不分等則

一江甯藩司所屬額設牙帖一萬二千三百一十七張分別等則上則中則下則上次則中次則下次則上又次則中又次則又江甯高郵等四州縣不分等則

一安徽省額設牙帖一萬三千四百三十九張分別等則上則上則中則下則又石埭等州縣不分等則一江西省額設牙帖四千五百一十八張分別三則上則中則下則

一福建省額徵牙帖等稅銀二千七百二十兩五錢五分九釐內閩縣侯官連江羅源永福莆田仙遊晉江龍溪惠安南安羅溪縣丞南靖順昌將樂沙縣尤溪崇安浦城松溪邵武光澤泰寧長汀寧化連城上杭武平寧德德化大田永春州等州縣牛稅同安歸化二縣牛豬稅福清縣猪牛牙稅龍溪猪牙稅福清縣平潭

縣丞糖菓牙稅仙遊縣鹽牙稅龍溪縣石碼鹽魚牙稅龍溪縣丞華嶺埠牙稅平和縣赤石玻溪牙稅崇安縣筭紙烟牙稅泰寧縣紙藤牙稅霞浦縣五巡司福鼎縣五巡司牙稅寧德縣小牙稅閩縣蠟蝟稅鐵稅侯官縣柴稅沙縣烟稅光澤縣紙稅長汀縣紙稅松雜炭等行稅寧德縣金鰲渡稅惠安縣夏布稅贏餘泉州府車轎鹽稅贏餘建寧門攤商稅贏餘均歲無定額

一浙江省額設牙帖九千九百六十二張分別三則上則中則下則

一湖北省額設牙帖九千二百四十八張分別三則內繁盛上行偏僻上行繁盛中行偏僻中行繁盛下行偏僻下行

一湖南省額設牙帖一千一百一十二張不分等則

一陝西省額設牙帖三千三百四十四張

一貴州省額設牙帖九百九張不分等則

一四川省額設牙帖七百六十九張不分等則

一廣西省宣化縣額設安南通市牙帖十張每張徵銀五兩

一雲南省額設牙帖九十二張分三則上則中則下則又永昌府牙帖一張不分等則每張徵銀六十兩

一貴州省額設牙帖二百七十七張不分等則

一各省民間開設典當呈明地方官轉詳布政司請帖按年納稅於奏銷時彙冊報銷其有無力停止者

帖免稅直隸江蘇安徽江西浙江福建湖北湖南河南山東山西陝西甘肅四川廣東廣西等省每年每座

稅銀五兩雲南省每年每座稅銀四兩貴州省每年每座稅銀三兩奉天省每年每座稅銀二兩五錢

一京城及各直省所屬牙行經紀除病故准其稟補外其餘事退帖必須查明實係年老有疾及緣事不安

本分之人方准革退另稟不得任意去留如有昔廢今興復設者許以該行原有廢帖稟補如該行本無廢

帖不准以別行廢帖改補以上並則例

順治四年裁山東明季牙雜二稅從巡撫丁文盛請也通考

九年定直省典鋪稅例在外當舖每年定稅銀五兩其在京當舖並各鋪仍令順天府查照鋪面酌量徵收通考

考

十七年定奉天牙行等稅照每兩三分徵收無定額會典事例

康熙三年題准當舖每年納銀五兩大宛二縣大行店鋪照當舖稅例每年徵銀五兩會典事例

皇朝政典廣義卷九十四 雜稅

四年定奉天府牙行帖稅銀由通判衙門徵收者
一兩由州縣徵收者每年每張徵銀一兩二錢牙
部會典事例

雍正六年題准廣省各屬如有新開典當報司給帖
十一年覆准閩省領帖五穀牙行仍照定例按帖
又 諭各省商牙雜稅固有闕國課亦所以便民
以防增添之弊不使遺累於商民也近聞各省牙
今概給牙帖而市井奸牙遂恃此把持抽分利息
徒滋煩擾甚非平價通商之本意著直省督撫飭
增添嗣後止將額內各牙退帖頂補之處查明換
存案如此則貿易小民可永除牙戶苛索之弊矣
乾隆四年以牙帖歲增令各省嚴加核實奉 諭
爭奪抽分利息爲閩之擾累於雍正十一年
增添所降 諭旨甚明近聞江蘇各屬於額帖之外
縣官員才識短淺聽信吏胥播弄借新開集場准
貿易小民受其苛索業可申訴江蘇如此則各省亦

應設牙行者由府州核實詳司給發牙帖如非新開集場而朦混請添者卽行題參從重議處通考

五年議定清釐牙行之例每行認充經紀取其同行互保一人出具股實良民甘結該管官加結送司給帖充應互結雖有股實字樣而互保之責成未經議及今定鋪家拖累商人者將本牙行帖追繳勒限清還仍行給與若係牙行誑騙商人將互保行帖一併追繳勒限清還本牙更換互保行帖仍行給與倘逾限不完將互保之人一并更換牙行惟圖用錢在鋪戶坑騙客商者除逾限不完將牙行革退外仍將鋪戶責限追比其不足之項令牙行賠補牙行侵吞客賬者除逾限不完將本牙互保一體斥革外仍將本牙責限追比其不足之項令互保攤賠其追比之限期案欠數之多寡酌定至於以後客之貨挪補前客之欠移弱客之貨代償強客之欠該互保先行舉首免其治罪容隱者責令分賠牙行夥計人等侵吞客賬總照牙行侵吞之例追帖賠補通考 互見內地貿易門

十一年准湖南衡州府城設立牙行戶部覆准湖廣總督鄂爾達等疏稱郴桂二州界趾雖屬毗連其水路所通一由永興耒陽地境出衡郡大河一由常寧地界出衡郡大河河道既分運行各別其附近處所惟衡州府郡爲該二州往來舟楫必由之道實爲總會處所應於衡州府城設立牙行頒給印烙官秤先儘採買後儘客販當面議價該牙止在旁眼同兌交銀兩貨物以免爭競該牙行如有壟斷把持哄誘代買以及虧欠客本等弊卽行究革勒追另募頂充從之通考

二十二年議准熱河廳徵收五行稅銀每年以五千六百九十八兩五錢有奇作爲定額如有贏餘儘收儘解按年造報會典事例

二十三年核定順天府屬額設牙行順天府尹劉綸等疏稱順天府通判所屬牙行額設一千七十二名除節次裁去各牙一百五十八名外實在存留牙行八百四十九名連崇文門經紀四十二名每年共應徵銀一千五百兩有奇著爲定額至議裁之燒酒瓜茄青菜共二十三名停其募補并嚴禁坐地奸買暗取牙錢其實係自置自買以及零星肩挑背負售賣者不得使該牙等藉端需索從之通考

二十五年定湖廣漢口等鎮牙行稅額湖廣總督蘇昌議覆湖北布政使公泰條奏牙行所完牙稅皆有上中下三等之殊江西牙稅上則納銀三兩中則納銀二兩下則納銀一兩湖北四通八達漢口一鎮更爲九省通衢商賈輻輳不減江浙等省乃檢查報部稅冊自黃州鄖陽與漢口等處比較輕重失宜應請將通省各牙行酌中定議上行完稅銀二兩中行完稅銀一兩下行完稅銀五錢查湖北漢口富商大賈絡繹往來洵屬貿易最盛之地其他如荊州府之沙市草市襄陽府屬之樊城安陸府屬之岳家口等處雖在市場中亦稱繁盛而往來客貨已較遜於漢口其餘州縣之鄉村小鎮所有商販多係小本經營牙儉不過微利餬口不但與漢鎮懸殊卽較之草市等處情形迥別今若改徵稅銀較之舊時上行加增三倍中下行俱加增兩倍有餘恐僻僻州縣鄉村小鎮之牙行完納不前轉致有名無實請將漢口草市沙市樊城岳家口等處牙行按照上中下則上行完稅銀二兩中行完稅銀一兩下行完稅銀五錢其餘僻邑村鎮上行完稅銀一兩中行完稅銀五錢下行完稅銀三錢其黃州鄖陽二處牙稅一體改正從之通考

二十八年酌定順天府屬牙行事例向例在京各項經紀一牙一帖統計額缺八百九十一名例由順天府通判管理遇有事故懸缺報明府尹衙門募補復定爲五年編審一次將各牙實在情形查明報部至是戶部待

財管府尹事錢汝誠言上年歲底正屆編審之期據通判呈稱各牙定額多寡不一現在綱緞桐油棉花藥材等行帖多貨少懸缺六十四名乏人充補白炭江米猪肉酒石灰銅鉛錫等行帖少貨多分派城市不敷評價此訕彼盈難於酌劑總緣各行地處京畿商賈輻輳貨物消長未能一定伏思官設牙行原令其平較市價以杜商民爭執之端今綱緞等行經紀貨少帖多懸缺乏人充補而白炭等行經紀又以貨多帖少一人司平數市不獨難以兼顧亦易恣其居奇且恐奸棍私牙從中影射各經紀每以貨積難售紛紛呈報情願領帖承充又以格於定額不敢加增是以臨時每致有估值之爭過後復徒滋習欠之控似應隨時體察量為變通請將現在懸帖六十四張發司查銷所遺懸缺卽於貨多帖少之行准其認補飭司給帖總不得逾原定牙帖八百九十一名之額仍將陸續募補之行次隨時造冊報部查核并請嗣後屆編審之期遇有應行變通者因時酌量通融辦理部議應如所請從之通考 互見內地貿易門

四十一年議准河南各屬額徵老稅牙帖稅銀其有行戶歇業者卽行開除會典事例

五十七年覆准安南開關通市遠近商民踴躍赴查南寧府客商係兩廣浙江兩湖江西山西等省爲多自應設立牙行爲貿易者平其市值於宣化縣設立牙行十家足資經理名爲安南通市牙行由藩司給帖承充應納牙稅照當稅之例每年每行徵銀五兩解司報撥會典事例

咸豐二年定凡在京各牙行領帖開張照五年編審例清查換帖若有棍徒頂冒充巧立名色霸開總行逼勒商人不許別投拖欠客本久占累商者問罪枷號一個月發附近充軍地方官通同徇縱者一并參處 大清律例

三年諭軍機大臣等御史王茂蔭奏近日京城典鋪多不收當貧民益難謀生等語開設典鋪原以便民應如何設法開導令其照常交易之處妥籌辦理 著內閣內知照

右牙帖商行當舖

乾隆二十七年諭旌額里等奏烏嚕木齊安設民人帶戶口兵丁商民陸續前來所開鋪面五百餘間開墾茶園地三百餘畝看買賣大小作為三等每月房租銀三錢二錢一錢茶園地租每年每畝收銀一錢入於公用等因辦理甚好伊等所開鋪面墾種茶園亦俱係官地當照烏嚕木齊一體收租會典事例

四十年諭什噶爾伊犁烏嚕木齊哈喇沙爾闡展阿克蘇等城商鋪每間租銀三錢至二錢一錢不等闡展院內房每間租銀五分茶園每畝秋後收租銀一錢闡展臨城園地每畝租銀三錢五分塔爾巴哈台商鋪每間月收租銀一兩有地基者加收三錢民人自蓋鋪房每間月收租銀七錢鋪後空院並搭蓋窩棚空地月收租銀五錢烏什商鋪每間月收租銀一錢院內房每間租銀五分茶園每畝秋後收租銀二錢庫車商鋪租銀二錢至一錢五分一錢不等北路烏里雅蘇台商鋪每間租銀四錢至三錢二錢一錢不等科布多商鋪每間租銀三錢至二錢一錢五分一錢不等塔爾巴哈台商鋪每間租銀三錢至二錢一錢不等均交派出都員按月徵收作雜費之用 著內閣內知照

右鋪面園圖

皇朝政典類纂卷九十四終

征權十三

鹽稅牛馬豬羊酒烟勅石膏香斗玉石藥材等項雜稅印花稅

順治元年定凡貿易牲畜搜價值每兩納銀三分會典事例

十八年議准 盛京牛莊等處網戶四十八丁每丁歲交魚五百斤缺一斤者折交銀三分鷹手八丁半每丁

交雉百隻缺一隻者折交銀一錢捕狐戶三百六十一丁每丁交狐皮四張缺一張者折交銀五錢窩戶三百

五十五丁每丁交蜂蜜二瓶半每瓶二十筋缺一瓶者折交銀五錢王多羅樹捕牲口三十丁每丁交野豕二

鹿脂九十束缺野豕一者折交鹿二無鹿折交銀六兩缺鹿脂三束者折交銀一錢捕水獺戶十八丁每丁交

水獺皮四張缺一張者折交銀一兩鶴戶十丁每丁交鶴翎十五副缺一副者折交銀三錢細鱗魚戶三十丁

每丁交細鱗魚五十尾缺一尾者折交銀四分密雲縣等處鎗手十八丁每丁歲交鹿二缺一鹿者折交銀三

兩鷹手八十九丁每丁交雉一百十隻缺一隻者折交銀一錢薊州等處窩戶六丁每丁歲交蜂蜜二瓶缺一

瓶者折交銀五錢永平府等處窩戶十一丁每丁歲交蜜三瓶缺一瓶者折交銀五錢張家口鷹手六丁每丁

歲交雉百隻缺一雉者折交銀一錢冷口鷹手七十丁每丁歲交雉一百六隻缺一隻者折交銀一錢以上魚

雉鹿鹿脂交 御膳房鶴翎交武備院水獺皮狐皮交廣儲司蜂蜜交掌關防內管領均照例准抵正賦歲折

銀交廣儲司會典事例

又議准凡投充新丁有交海青者每架折銀三十兩仍賞銀十兩毛青布二十疋白鷹每架折銀三十兩一等

鷹每架折銀十五兩二等十兩三等五兩四等一兩鴉鵲鷄子每架折銀一兩其餘小鷹均每架折銀五錢鹿折銀二兩四月至九月折銀三兩鷹折銀一兩三錢活鷹折銀一兩五錢兔折銀一錢五分狐皮一張折銀一兩五錢芝麻鷓鴣一副折銀一兩五錢鶻折銀五分烹鵲寒鴉各折銀六分雀折銀一分雉折銀三分鷓鴣折銀二分均折銷正賦會典事例

康熙二十五年奏准 盛京停採松子令打牲烏拉壯丁歲交松子十五斤石每斤石合倉石三石六斗松塔千箇齋送掌儀司會典事例

又奏准 奉先殿供用白魚鯉魚均於直隸網戶徵取送交掌儀司會典事例
康熙二十五年停止直隸採辦狐皮巡撫于成龍言請將直隸每年辦解狐皮改爲折色 上諭地方採買狐

皮一倍費至十倍故百姓困苦此後俱著停止應用狐皮令戶部在京採買通考
二十六年議准自康熙十五年至十九年直隸各省加增田房鹽當牙行等項稅銀通行各省免其徵收會典

事例

雍正五年議准每年打牲烏拉委驍騎校二人率領催八名監視十六珠軒壯丁捕鱈魚儘所得送至 京師捕得之細鱗魚該總管送交 盛京禮部以供祭祀所得鱈魚該總管行文徑交 御膳房均無定額會

典事例

十一年定 盛京城牛馬稅銀四千餘兩當舖稅銀三百四十二兩五錢由旗員徵收房號租銀一千九百四十五兩經紀雜稅銀六百八十六兩由奉天府通判徵收會典事例

又題准陝西潼關咸陽鳳翔等處商稅畜馬等稅委官監收一年共收過正餘銀四萬三千八百八十六兩一錢有奇自雍正十年爲始統以定則正稅報解仍於年終將一年收過實數並有無增減之處先行據實造冊報部以便於次年奏銷案內覈對會典事例

十二年免黔省遵義府各山場小稅雲南廣西總督尹繼善等疏奏黔省遵義府除遵義仁懷兩大稅之外又有遵義縣小板山場綏陽縣永興山場桐梓縣新街山場共小稅銀四百十九兩零到場之物皆係遵義仁懷兩大稅處已經徵稅者查黔省原有各山場小稅久經豁免遵義向隸川省是以仍循舊規今既改隸黔省應請一例豁免以除民累得 旨遵義等縣山場小稅著照黔省通例一併加恩豁免通考

貴州巡撫閻興邦奏貴州一省舊設貴陽安順普安鎮遠四大稅又有永甯畢節烏撒鴨池四中稅皆載在經制可考者也後僞逆占據橫徵苛斂遂設立各山場小稅名色深爲民害我 朝開黔之初錢糧需用繁多踵而未改鄉僻壤在在有稅歲額多者百餘兩少者十數兩不等皆於歲初臣衙門印發循環簿責令徵收足額按季報查但黔省羊腸鳥道舟車不通凡有貨賣皆肩挑背負爲數無多一線大路已納稅數次及其今日赴此場則此場稅之明日赴彼場則彼場又稅之展轉交徵資本易竭勢必裹足不赴收稅之官虛正額不足或稱貸以完善有之或苛索以充者亦有之以致山僻民苗數年不能易衣終歲不得食鹽商民實爲交病而稅額恐終至難足矣臣思各省商稅唯關津有徵至於城市集鎮唯取牙帖小稅未嘗徧徵商賈也獨黔省彈丸殘區沿途大稅不爲不密矣而復徧及山場瑣徵負販於 國體爲不宜於民生爲大困巨愚以爲除四大稅四中稅再如稍接江干可通商賈如烏茶渡等大小稅及思南之鹽稅新羅平大黔

三種俱應照舊徵收外其餘各府之二十七小場雜稅應自本年為始一概停止不得仍存稅場名色庶便民生臣非不知酌省錢糧仰給外省本處搜括之數未可輕言裁減然國家用財取之有道似此無藝之徵去之唯恐不速且計一年所入不過一千六百餘兩在朝廷捐之僅同涓滴而深山窮谷賤買愚苗皆承載 皇仁於無窮矣 經世文編 謹按此疏不能考其年代詳玩文義當在康熙兩朝今依類附此

十三年奏准 盛京及冷口等處新舊打牲各丁所交鹿鹿雉魚鹿脂令各交一半其餘折銀徵收會典事例
乾隆元年奏准甘肅商畜二稅徵收不一輕重各別應逐條刊刻木榜曉諭往來商販以免濫收晚漏仍將刊刻各稅款項細數造冊送部會典事例

二年奏准 盛京及冷口等處牲丁應交鹿鹿脂諸物仍照例交納停其折銀會典事例
又除東安等大縣油酒稅銀 通考

八年 敕免通州油酒等項征納額稅總督倉場侍郎覺羅吳拜奏通州稅務經前道祝兆熊任內以芝蔴麥子生糶已按石按口報納額稅而磨油磨麪屠宰鋪戶又紅季鈔似屬重複其燒黃酒零綱故衣帽鋪念係小本貿易經營餬口將一切所征鋪戶季鈔名色悉行革除具詳前任直隸巡撫批行勒石永禁至雍正五年前任坐糧廳顧霖等查明故衣零綱鋪戶各稅照舊抽收至乾隆七年經現在坐糧廳恩特等檢查部頒則例所載磨油鋪戶每月報油四錢每隻正稅銀一錢五釐通海酒鋪戶上戶每月稅銀一錢五分中戶一錢下戶八釐通海糖鋪戶上戶每月稅銀三錢中戶二錢下戶一錢仍令按款歸部查通州稅款內之油酒糖鋪各稅雖所抽數額甚微俱以部冊開載之款向來未經題奏即行批禁殊屬不合奏請交部議覆得 旨免其納稅通

又 諭內閣上下兩江上年被水地方已經漸次潤出此時東作方興正有資於牛力查雜稅款內有牛稅一項雖為數無多然以農民被災之餘即減省雜費分毫亦未嘗無益著該督撫即飭被災地方官將牛稅暫免一年凡民間買賣牛隻者但聽其自相論價交易不許牙行從中需索有司亦不得視為細事一任胥吏侵蝕

刑部 奏請 互見內地貿易門

十一年諭內閣廣東瓊州府屬有應徵牛薪等項稅銀四千二百餘兩據該督撫查奏此項稅銀內有無籍銀一千七百餘兩實係畸零小戶難以照舊派徵等語朕思牛薪等項稅銀雖載在全書例應徵納今既查明此內有無籍銀兩若按額徵輸民力未免拮据著將廣東瓊州府屬應徵牛薪等稅內無籍銀兩加恩永遠豁免俾邊海貧民不致有迫呼之擾

聖訓

十二年諭古北口斗稅一項從前原係營員兌收今仍著營員管理所收稅銀除營中公用外餘著抵充驛站工料之用其作何定額之處交總督會同提督定議具奏欽此遵 旨議定令再接收一年以所收之數作為定額會典事例

十四年定應城縣徵收石膏稅額署湖廣總督新柱奏查得應城縣石膏徵稅一項徵之於產膏地方之嗣民者則曰嗣稅徵之於評膏價之經紀者則曰行稅徵之河下裝運石膏之船戶者則曰河稅歷來照數徵收報解今委員監收一年期滿監收膏稅正餘并嗣行河稅銀共四千一十八兩九錢八分零內除膏稅正額及耗羨并嗣行河稅以及經巡紙筆飯食暨贏餘項下解費銀兩外實贏餘銀二千二百六十九兩九錢七分八釐

其稅已奉發有循環簿登填其秤係照部法較準逐行查秤設立木櫃令商人親填完納部議應如所請得旨允行通考

十五年覆准古北口提督題報古北口斗稅一項原視口外年歲之豐歉節年徵收在二千兩上下之數准其每年以二千兩為定額如有贏餘儘數報解管理收稅弁兵量給錢文按年造報會典事例

二十六年議准徵收殺虎口油酒烟餉稅課并令守口員弁毋得禁止出口農器戶部議覆前任殺虎口監督期成額奏言口外烟油酒三項向係由內地輿販出口赴彼貿易是以該處並未定有起課之例今蒙古地方所種烟葉雜糧口內民人赴彼造作油酒烟斤在歸化城一帶村莊售賣應行令現在殺虎口監督將此三項與皮張雜貨均附於落地木稅按則抽納至奏稱鐵器到口收課守口員弁人等以久干例禁不准出口查戶部頒行關稅全書內鍋杓鋤犁等項俱經列有科則並未禁其出口嗣後行令監督詳細查明除廢鐵料仍照舊禁止外如旗係農器及民間日用器物即行按則徵稅將名色件數註於票內無庸禁止從之通考

四十一年議准湖北應城縣船稅黃柏稅牛馬驢驘稅銀一百四十兩九錢四分又武昌廠船料正額銀三萬三千兩漢陽府船稅銀二百六十九兩四錢有奇會典事例

又議准湖南牛驢馬稅銀一百三十八兩七錢四分有奇會典事例

又議准江蘇蘇州藩司所屬牛豬稅每年額徵銀四百二兩八錢有奇京口驛稅銀一兩九錢一分有奇江甯藩司所屬牛豬花布煙包等正額并課程軍餉等項贏餘銀共千七百八十二兩五錢有奇礮餉贏餘銀三百五十兩陸稅額徵銀二百九十八兩麩稅銀三兩船稅花雜稅儘收儘解會典事例

又議准福建牛豬門攤稅銀六百九十八兩四錢七分有奇上杭縣河稅每年額徵銀三千二十二兩有奇會典事例

又議准山西每年畜稅額徵銀四千五百九十五兩九錢有奇大同縣加徵畜稅銀四十九兩九錢有奇煙稅額徵銀三百三十七兩九錢有奇油樑酒缸鹽課等戶課銀二千二百九十兩二錢大同縣加徵油樑等稅銀二百十二兩五錢有奇酒課銀一百三兩二錢河津縣木筏額徵銀九十八兩三錢贏餘稅銀八十一兩二錢各有奇馬牙稅銀八十大兩八錢壽陽縣張淨鎮段王村下鑿村段照村定襄縣芳蘭鎮綢緞布疋棉花木板抽斤鐵斤及在城貨物照例抽收會典事例

又議准江西每年額徵牛稅銀三百九兩六錢有奇酒稅夫船等編徵銀三百七十四兩三錢有奇鹽稅銀三十二兩又鹽城餘干建昌德化四縣均徵牙行牛稅新建鄱陽餘干浮梁德化五縣均徵牙稅吉安等處贏餘銀除裁減外其餘照舊徵收牙行舖戶消乏隨時減除會典事例

又議准安徽商稅儘收儘解牛豬稅銀二千一百六十八兩八錢二分花布商魚船稅等銀二千三百七十七兩八分有奇會典事例

又議准陝西潼關道西安延安鳳翔漢中榆林同州六府商州咸陽隴西等州縣商稅每年額徵銀三萬四千五百五十八兩二錢有奇贏餘儘收儘解又每年額徵牲畜稅銀九千三百二十七兩九錢有奇磨課銀九十一兩九錢有奇過關加徵銀七兩三錢有奇鹽課銀二兩四錢課程銀千八百六十三兩四錢二分有奇藥材折價銀五十兩八錢一分有奇解藥腳價盤纏銀六十一兩七錢六分有奇會典事例

又准甘肅每年徵收藥味茵草折價鋪墊銀三百七十九兩一錢八分有奇課程稅銀千四百八十八兩八錢六分有奇年例料價盤價銀二十二兩四錢六分有奇丁站銀二兩五錢農桑銀三兩六錢三分有奇磨課銀三千六百九十六兩八錢八分有奇架稅銀十有一兩五錢六分房租銀一百三十兩一錢有奇烟稅銀八兩山貨稅銀七兩三錢五分襦毯稅銀四十八兩四錢八分馬畜等稅銀四千五百兩四錢七分有奇商稅銀五千二百七十一兩二錢六分有奇會典事例

又准浙江每年馬稅銀三百二十六兩半稅銀四百三十三兩四錢三分有奇龍泉縣下河口額徵銀四百兩滿額徵銀二百三十兩温州郡城關廂徵收青靛紅糖明礬香茹紅花柏油釘鐵烟茶綢緞花布板木稅銀均儘收儘解會典事例

又准山東每年徵收牛驢馬等稅銀二千五百三十八兩四錢六分有奇船稅銀萬七百九十三兩有奇落籍商稅銀萬一千四十一兩七錢有奇會典事例

又准四川碾榨磨課銀千三百十有四兩九錢有奇秋糧銀七百二十七兩九錢有奇青片生番認納黃蠟折價銀十有四兩六錢四分草籽秋糧馬折銀五百二十八兩五錢五分有奇落地過道稅銀二萬三千五百二十九兩有奇會典事例

又准廣西每年馬稅儘收儘解會典事例
又准貴州每年額徵水銀稅課銀一百六十六兩五錢遵義府仁懷縣二處雜稅儘收儘解貴陽南龍各府
又准雲南黑香木耳花椒鱉殼數至百斤者照例徵收遵義府過關牲畜仍行抽稅較稅儘收儘解遵義修文

過渡抽稅不得兩岸重徵 會典事例

又詳准喀什噶爾葉爾羌回民自外販回牲畜貨物以二十分抽稅一分外部落前來貿易貨物以三十分抽稅一分內地商民帶來貨物牲畜照此例抽稅自巴爾替爾克什米兒前來者以四十分抽稅一分烏什回民自外販回牲畜以二十分抽稅一分緞布皮張各物以十分抽稅一分外部落前來貿易牲畜以三十分抽稅一分緞布皮張等物以二十分抽稅一分其不及分數之零星雜貨按估原本價值折收騰格錢文所抽本色貨物變價充公年底奏銷巴里坤關展吐魯番烏嚕木齊阿克蘇伊犁等處兵民商賈人等買賣牲畜房屋等項每銀一兩收稅銀三分每錢一百文收稅錢三文 會典事例

四十六年奏准 盛京牛莊蓋州熊岳復州金州岫巖等六城界內養蠶之人每人納官山稅課小數錢三千文每歲一千個商人納小數錢一百五十文以四十六年徵收稅銀六千六百九十三兩八錢八分有奇之數作為定額按年存貯旗民各庫搭放兵餉造報如有多餘儘數報解 會典事例

五十七年復准廣西商民赴安南貿易一切檳榔烟茶等貨物出口入口俱由潯州梧州兩關照則收稅所有龍州隘口商稅免其徵收 會典事例

大十年復准吉林伯都訥所屬孤榆樹地方設立稅務售賣牲畜等稅每年徵收銀三十二兩作為定額 會典事例

嘉慶四年詳准陝西葉爾羌和闐等處出產玉石無論已未成者聽商販運經過關隘科稅白玉器每斤銀二分白玉料每百斤銀一兩七錢五分有奇綠玉器每斤八錢綠玉料每斤銀七釐有奇 會典事例

又議准嘉峪關新設玉稅綠白玉玉器應稅銀數刊刻木榜懸掛關口通衢玉商到關投則稅會典事例
又議准嘉峪關玉稅儘收儘解按季解交肅州解司報部會典事例

又議准嘉峪關進口綠白玉器玉石應用收稅印票由肅州鈐用三連串票發給管關巡檢填用每遇玉商投稅前填填給商人收執中幅申送藩司尾幅肅州存查以杜隱漏會典事例

又議准口外大小官員自帶有玉石進嘉峪關者概令按則納稅如遇官為辦解免其科稅會典事例

五年議准撫龍江所屬各處徵收牛馬雜稅房租等銀千四百八兩六錢二分吉林每年額徵牛馬雜稅等銀三千八百三兩五錢三分有奇烟酒稅銀千九百十有四兩五錢八分有奇會典事例

又議准雲南各屬每年徵收站民認辦銀八百四十七兩二錢一分有奇紙筋銀三兩六錢子花銀二百三十四兩四錢一分有奇地租戶口等銀五千五百三十二兩四錢一分會典事例

又議准江西各屬每年額徵雜辦商賣茶酒租課鈔等銀九萬一千二百八十一兩五錢八分有奇遇閩加徵銀三千四百九十四兩七錢有奇會典事例

又議准吉林果爾羅斯所屬長春堡通判經徵牲畜烟酒等稅每年額徵銀三百六兩如有多收儘收儘解會典事例

十一年議准山西額徵舊稅銀每年四千六百兩七錢有奇大同縣加徵畜稅銀四十九兩九錢有奇烟稅額徵銀三百三十七兩九錢有奇油糧酒釐鹽課等戶課銀二千四百三十三兩六錢大同縣加增油糧等稅銀一百九十九兩三錢有奇酒課銀七十三兩八錢河津縣木筏額徵銀九十八兩三錢有奇會典事例

又覆准甘肅隆德縣永安堡呂慶甫地方新設集場請立斗行應納稅銀自嘉慶十一年為始入額徵解會典
事例

道光元年戶部奏駁黑龍江將軍奕顯請兼收烟酒麻等物雜稅一摺 上諭曰部駁甚黑龍江專徵牛馬
稅課奉行已久上年偶被水災短收稅課該處公費儘有備用銀款不致拮据該將軍所請兼收雜稅之處著
不准行如該地方官有私收擾累情弊並著該將軍嚴查懲辦 聖訓

十四年諭內閣特依順保奏遵旨詳查弛禁鹿茸並無流弊一摺前因特依順保等奏請弛商民販運鹿茸之
禁納稅以資河工修費當交大學士軍機大臣議奏曾經降旨令該將軍等覆加詳覈果能永無流弊不至有
苦累四愛曼蒙古之處即著據實覆奏茲據奏稱四愛曼蒙古等多以打牲為業如蒙弛禁將來所獲鹿茸即
可隨時赴城售賣自無從前訛詐之弊實於蒙古生計有益至各愛曼向不准商民前往貿易定例極嚴將來
所獲鹿茸係各蒙古攜至城中交易且既係奉官不禁亦不肯被商民減價收買商民向不准私赴各愛曼獵
戶更不敢私打牲畜是弛禁鹿茸之事於蒙古等生計尚無流弊著即依議辦理經此次議准之後該將軍等
務當嚴飭各領隊大臣理事撫民同知認真稽查毋致日久生懈如查有商民等減價收買及私打牲畜等事
著即隨時懲辦斷不准回護原奏肅存消弭致滋流弊 聖訓

咸豐八年諭海模奏請試行權布以裕經費一摺阿克蘇商販布匹著准其依照喀什噶爾分別徵稅即歸併
該處茶膏稅局辦理俟辦有成效再行具奏 東華續錄

光緒五年山西巡撫曾國荃奏晉省自遭大祲以來各郡牛馬宰殺倒斃一空耕作無資地畝有荒種之農前

經臣奏明籌款派員赴各處分投採辦並在歸綏七廳設局勸捐以便協濟南路因思官辦貧民其稍有力者應令自行購買惟各處商販因沿途喂養維艱且須照例納稅所費不資歇業往歲各處市集牲畜多如省南平陽府屬之襄廟會省北五臺縣屬之臺山會尤爲今歲來者寥寥民間有錢無市購覓尤難自應設法招徠以資徧及查晉省十九府州並所餘牲畜稅每季約收銀二三千兩不等爲數無多現當牲畜缺乏不得不量予體恤理合籲將晉省東南之太原汾州潞安澤州平陽蒲州大府遼州沁州平定州解州絳州霍州隰州州縣自光緒四年十月初一日起至五年六月底止停止應徵牲畜稅正餘銀兩實於農事年七月起仍舊照額徵收幸蒙 俞允臣卽當出示曉諭廣招牲販冀紓商賈之力藉濟農

續編

二十四年諭前據戶部奏議准副都統景祺奏請抽收鋪稅藥牙嗣復體查情形因恐有累閭停辦業已電知各省一體遵行第恐商民尙未周知難免不肖官吏藉端擾累殊失朝廷勤恤明白宣示並著各督撫通行曉諭如該地方官有影射勒捐情弊卽著該管上司嚴行參辦以

情邸鈔

福建巡撫丁日昌奏臺灣鳳臺三縣開闢較先所徵稅則皆沿鄭成功之舊而彭淡蘭新闢廷新定科則故賦稅較輕民皆樂業譯者或慮畸輕重然有田而後有糧百姓勉事耕耘額其尤爲民累者則莫如雜餉查雜餉名目繁多內如歸化生番不植稻麥無區畝可計無

捕鹿種麥按數納餉卽以鹿皮小米爲名至所謂塏餉者則徵於蒼魚之所所謂煎車糖齋者同業異名係各就田囑設廠雇工營作按作則徵餉如此之類雖爲苛細然因其稍有贏利酌取一二以益正供不過如四川之有碾榨稅直隸之有榛栗稅於民尙無大損他如海水支流曰港窪深積水曰潭凡可養魚之所卽與塏餉一律徵收日久地勢變易或填成田畝稅項仍不能減若有水道可通處無論竹筏小船運載貨物卽按照抽資又如草厝瓦厝卽市廛建屋之基牛磨卽磨麪之場旁及瓦窰菜園檳榔番藤莫不徵餉其徵諸漁戶者則曰罟曰罾曰罾曰滾曰箔曰網曰滬曰烏魚旗更有採捕小船亦徵稅餉析及秋毫吏役藉此勒索橫徵窮民苦累實甚且所徵雜餉傭戶魚民均皆去來無定官役不能盡悉底蘊則必需熟悉情形之士豪出爲包攬先須於地方官預納承充之費然後壟斷浮收紙據及米輸於官者十取於民者百臣到臺後查悉各弊卽擬稍爲整剔而各項名目大爲瑣碎影射牽連非盡斷萬藤終難絕其弊實除番社所輸鹿皮小米猶有任土作貢遺意暨民間塏餉煎車糖齋其弊尙易釐剔應仍其舊外所有港潭等項雜餉統計各屬共有五千二百二十三兩九錢六分五釐均應豁免以除民累其港潭有浮變成田者另行勘明升科飭據臺灣道夏獻綸轉據臺灣府知府張夢元查覆開單具詳請奏前來伏查臺灣府所屬臺鳳嘉三縣正項供徵收既重而雜餉名目尤繁小民終歲勤動所得幾何而一經胥吏嚙突叫囂遂有枷棒在戶鷄犬無聲之歎民困何由而蘇元氣何由而復乎此項徵收名目本屬鄭成功開端向爲內地所無之舉若逢 聖主至仁如天與民休息雖江浙數百萬漕糧猶蒙裁減况臺地此起彼餉每年所徵合計不過數千餘兩且各項皆係就地徵納支發歸入奏銷臺灣近年出產茶葉樟腦等項釐金關稅均屬新徵較之此起

雜餉多至數倍而臺北現議籌開礦務則地利更可橫興前項雜餉為數無多謹即查列清單呈 御覽
合無仰懇 天恩俯准將單開徵收雜餉各款自光緒三年起永遠一律蠲除如蒙 特旨允准即當敬謹
騰黃宣示 恩德務令僻壤周知以杜吏役藉詞需索規費庶期實惠及民至各廳縣有應支之款當飭該
道府另籌撥補亦不至有所窒礙所有請豁臺灣雜餉緣由謹會同閩浙督臣何璟恭摺具陳經世文緒編
薩音額吉林稅課記吉林額徵牲畜菸麻牙當燒酒木稅銀共二千九百八十兩甯古塔額徵牲畜菸麻
牙當燒酒木稅銀共二千一百五十六兩九錢伯都訥額徵牲畜菸麻牙當燒酒魚網稅銀共一千零四
十九兩三錢三姓額徵牲畜菸麻牙當燒酒貂皮稅銀共四百四十三兩二錢五分二蓋阿勒楚喀拉林
額徵牲畜菸麻牙當燒酒稅銀共四百九十九兩長春廳額徵牲畜牙當燒酒稅銀共四百三十三兩九
錢六分吉林外記

一伊犁牲畜稅無定額約歲徵銀四千六七百兩

一伊犁各城牙行二十六名歲徵銀十五兩六錢

一伊犁戶民墾種園地歲徵銀一千餘兩新疆議略

右牛馬豬羊油酒烟助石膏香斗玉石藥材等項雜稅

光緒二十二年御史陳璧奏竊維和議定後戶部竭力籌餉歲有的款者祇扣廉俸一百二十餘萬為一大宗
裁併折漕未能遽舉鹽斤煙酒加抽無幾捐輸既成務末慮借又作罷議計歲增出款且二千萬兩是所籌
者未及十分之一二也而善後諸大端陸續待辦皆不容緩於此欲求歲籌鉅款確有把握不病痼不擾良

之費則惟有仿行印稅一法而已查印稅創自荷蘭盛於英吉利今則遍行各洲無國無之謂之印稅者蓋
令民間買國家所製之印花粘於各項契券字據之上以爲納稅之證也其造之之法應於京師設廠並購
辦機器製印二種機器匠創造其紙印中藏紋理其印則細極毫釐以杜作偽如或一時開廠未成可仿
日本造鈔之例令英廠暫行攪辦嚴立合同防其偷漏俟官廠能製即行自辦其行之之法應取各國稅則
參較詳定章程務從簡便先行頒示天下然後於各省會城普設督銷局一所爲總賣印花紙之地將此項
印花轉發民間各市鎮鋪戶代爲零售每百兩中鋪戶應得一兩官收九十九兩其查之之法應嚴定漏私
罰款律例凡一切契券字據不粘印花者皆作廢紙事發照例嚴罰過有詞訟官不爲理印花既粘於紙應
卽行勾抹以禁再用其有已粘而未向者亦行罰凡印稅之大略如此緣此稅取之實主而實成則在實
主是以毫不擾累加以所取至微而罰則至重是以民皆易從核其情形實屬有利無弊今英德法諸國
此項歲征皆約一萬萬至二萬萬倭地最小亦征二千餘萬若以中國之大仿而行之開辦之始不妨疏闊
民覺其便必將競趨約計每歲所集當不下一萬萬則不特洋債易於清還從此罷抽釐捐納舉數十年
欲除而未能之弊一旦廓清全局轉機必在於此矣自我朝丁賦並完取民之輕不徒千古所無實亦萬
國所未有民智漸開莫不知外國租稅之苛重今卽加行一印稅之法臣敢決其相安無事伏願我皇上
斷而行之卽飭總理衙門轉電出使各大臣將各該國現行印稅律例章程詳譯一分並取現用各種印花
列粘於冊注明用法限期馳奏進呈 御覽然後發交戶部速籌興辦不過一年可以試行既好目前之急
又除從來之弊臣誠竊見時艱日亟不宜拘守成法故擇諸國之通行有效尤爲易舉者敬陳於我皇上

之前是否有當伏乞 聖鑒 鈔

江蘇補用道程儀洛印稅條議印稅即暗稅最便於民而所收至廣其法令民間各項生意凡有帳單者皆須計其錢數照貼印花其稅至輕而罰至重設有人入肆買布一疋其值三元則布店必開一帳單交與買主其單上應貼印花數釐或至一分如不貼被發布店應受罰六元他皆仿此至於契券租約各種未貼印花者皆爲漏私除應罰外遇有詞訟官不爲理蓋此稅常出買主如民間之有潤錢也至買賣在二元以下者不收宜俟出使各國大臣將各該國所用印花詳考用法貼說進呈略仿其輕重之等自釐以至數兩酌立定章其印以銅鑲文極精宜向西國定刻大抵於貨之易售者收稅稍重將其章程先行布示天下然後定於某月一律開辦直省州縣普設稅局或附於銀行或寄於鋪戶皆可城鎮鋪戶每月計其賣出若干所領印花於月終統計數目報明稅局再行續領運貨轉銷者則於報關時貼印花於貨單經行所過驗明放行初行之始不妨疎闊民覺其便自將爭趨查印稅約有十便此項印紙常寄售於鎮市鋪戶他國多有紙店發售需用者隨處可買無留難之苦其便一印紙中具刻錢數一目瞭然絕無蒙混之弊其便二由戶部設印紙總局各省普設分局其印紙悉頒自戶部應收稅款戶部即撥出之數核收毫無侵蝕之患其便三各省分局除設員按時稽查各鋪戶帳簿之外別無檢核騷擾之端其便四嚴立章程之後聽人自行貼用無督責催促之事其便五商賈常購印紙以備用其稅課皆先入官無徵求勒索之病其便六一切契據無印紙者遇有訟事官不爲理則人皆不肯吝小費以貽後患其便七貨財交易之事必有一二人與其間有受者同罰之例有告者給賞之條廣造印紙及所貼印紙不足

稅額者告發之人審實以罰金之半賞之 人又不肯惜微費以取重罰其便入常稅及釐金皆在未賣貨之先而此稅則在買賣既成之後民尤樂從其便凡外國人與華商交易者華商亦貼印紙謂之自完國稅是外國人亦必暗納此稅其便十以上十便皆各國通行之成效今中國仿而行之縱初行之始風氣未開微有窒礙但使持以大信久之必可相安以視抽釐之弊不可同年而語矣省鈔

二十七年江督劉坤一鄂督張之洞會奏查外國征商之政除煙酒洋藥外大率皆無關稅其巨款全在印花稅凡有銀錢物業之契約單據領用官局印花黏貼其上其大意在抽銀不抽貨抽已賣之貨不抽未賣之貨抽四民百業凡有進項之人不僅抽商賈貿易之人故西人解印花稅之義曰此乃銀錢稅也今日籌款此事似可仿行且洋關現議加稅外人必欲免內地釐金若行印花稅尚可藉資抵補查各國印花稅章程光緒二十二年曾經總署飭各駐使向各國查取譯送惟英國印花稅章程最為詳密且係參贊馬格里所譯解說亦較明晰日本於前三年新經改定於東方情形為較近但中外情形略有不同外國商富民餘產業價值銀錢往來多故所抽鉅中國商貧民苦本業既微轉移亦少如契約合同股票匯票期票提單之類皆屬有限其遺產一項英國最為鉅款其重稅全在旁支承受親友分得每年總數收十四兆餘鎊而遺產一項多至八兆餘鎊中國產業本廉又係子孫相繼故此稅勢不能多然中國若能辦成即較英國得二十分之一亦可徵銀五六百萬但其查考領用之法分別差等之數其為繁細查英法徵收印花稅初辦時亦多阻礙皆係第二次改章始克暢行中國初辦之時隱匿必多推嚴過細不免紛擾只可稍為從寬不求算無遺策必須十年八年以後稽核之法漸周自然日臻暢旺矣應請 敕查各國章程斟酌妥議舉辦即

鈔

二十八年直隸候補道陸樹藩上外務部代奏條陳內印花稅一條照錄於後 一請停房捐各省遵籌賠款百計張羅或擬收房租或擬收丁稅此外似無良策然我 朝深仁厚澤二百餘年從未聞有苛徵暴斂之事此次雖因賠款無著略為變通在踐土食毛固不敢稍生訾議然有孤寡賴房產以為生小民藉田疇以過活一旦驟加捐稅不獨窒礙難行深恐民心渙散莫若改行印花稅較為平易近情如民間婚帖借券台同執照發票收條銀洋鈔票等類凡關銀錢出入者無一不可逐項收稅其數極微集款實鉅况婚帖徵稅贖婚之案渺矣借券徵稅贖債之訟息矣合同徵稅反悔之爭滅矣執照徵稅名器慎重假冒之弊絕矣發票收條徵稅生意轉輾之事鮮矣銀洋鈔票徵稅贖鼎之患去矣種種有益於民民必樂從易舉較之房捐畝捐不誠有天淵之別耶謹將職所刻英國印花稅章程兩冊恭呈 御覽

金陵釐捐局司道等復江督劉制軍議行印花稅文為詳復事竊本司職司奉憲臺札准外務部咨光緒二十八年四月二十一日本部會同戶部議復直隸試用道陸樹藩條陳印花稅一摺奉 硃批依議欽此相應恭錄 諭旨抄錄原奏咨行貴大臣查照欽遵辦理可也等因並抄單到本大臣承准此查印花稅以勾抹為最要辦法有不煩稽查必自黏貼勾抹者有必須由官黏貼勾抹方足以杜流弊者外部現採取赫羅稅司所擬借券等七項本係從寬試辦以期簡而易行惟查借券一項名雖征於典商實仍取於當戶民因貧而質物未便重使增累至征於商者典稅已增十倍近因籌還賠款甯屬復擬提捐架本此時凡屬為憑紆據者既不一律征收印稅此項當票似可酌從緩議此外如有取款多而民不擾者不

妨酌量增擬數項仍將必須由官及可聽民自行勾抹兩項於擬章內將辦法分別登注以備採擇惟查前因除咨行外合抄原奏並前查取日本印花稅章程一併札局妥議章程刻日裏復核奪等因並抄單暨章程到局奉此伏查財用之匱乏賠款之浩繁莫過於今日若不先事預籌必致臨時竭蹶而籌款之法無非取諸商民若欲民不擾而取款多誠非易易惟印花稅一法雖不敢必其盡善究屬害少利多且集款亦鉅故各國行之者夥本司職道於未奉憲札之前早經籌畫以備他日之用今既奉有飭議之文又經督同熟悉稅釐情形之本總局文案委員張倅景祐瓜酒釐局委員施令以鑄瓜州統捐局委員李令澍生再三討論按照部奏各項其有立法而未周者酌量補之其有可行而未備者酌量增之先求簡要易行然後漸推漸廣漸行漸密庶事有實濟而款可日增矣所有遵擬印花稅應行增補各條及勾抹辦法理合分晰開摺詳祈宮太保鑒核察奪批示祇遵 計開 一創辦印花稅首宜釐定稅則酌定應稅各項紙據名目惟稅必宜輕使之樂於輸納罰必須重俾不敢輕於隱漏名目不宜過少庶可集成鉅款辦理須分等次以期輕重適宜 一印花由部造頒須按印稅多寡分立等次如稅數較巨之項必須用專項印紙以示區別而杜弊混 一沿海沿江各省先行創辦查川省業已開口通商長江一帶聲息相通往來匯劃紙據繁多又豫省界乎甬東江皖楚五省之間境地則到處毗連生意則往來如織舍彼取此情勢既相形見絀試辦必掣肘為難除甘肅新疆雲貴等省暫從緩辦外其餘各省亟宜同時併辦以期一律而免參差 一經收稅款有司衙門事務殷繁力難兼顧且衙署深遠小民購取印花殊多未便自應設局經收應於各省會設一總局各州縣設一分局距城寫遠市鎮輻輳之區即由分局量設子

店偏遠之處並准殷實舖戶躉購零銷以期便於購取分局所收稅項隨時報解查考應需經費參仿釐金土藥章程准其一成開支以爲薪費之用刊發關防鈐記以昭信守 一完納印稅各據應購買印花隨時實貼以爲憑信除當官黏貼勾抹之據外其餘准民間自行購取黏貼者亦須於黏貼後立即勾抹以杜挪移重用之弊如有應貼不貼應勾不勾以及貼不足數或將用過印花揭取重用查出分別罰辦 一各項應稅稅據其所載年月在未設印稅以前者准其免稅外務部文內指辦項下如有相類各據若征免互異不足以昭公允且恐收稅亦復有限現於各項相類之據酌量推廣逐一登明 一借券查前項借券既令納稅如民間存放息款收款之人立有紙據名曰存票商賈收買貨物分期付款買貨之人立給紙據名曰期票更有將貨物產業抵押銀錢所立字據名曰押票實與借票大同小異自應照借券一律辦理應納稅數亦應酌量劃一辦法以資遵守擬請按照據載數目在五元以上者稅洋一分二百元以上者稅洋二分四百元以上者稅洋四分六百元以上者稅洋六分一千元以上者稅洋一角前件所用一分二分四分六分一角等印花凡五等統名之曰通行印花稅則以一角爲止數目加鉅又再遞增聽稅戶自行黏貼勾抹所收稅項應由立據之人完納無論數目多寡概以大率爲率折繳銀錢照市估價輸納小角照市貼水如有貼不足數者查出漏稅一分罰洋五元以次遞加漏稅一角罰洋五十元貼而未勾意在移用罰亦如之漏未黏貼及揭取重用者無論何等要據均作廢紙仍將應稅之人從重究辦後條准此辦理 一合同查前項合同有相類者如同業拆股所立字據名曰分析同業議事所立字據名曰議單應一律完納每紙稅洋一角 一憑票查前項發票如商家購定貨物尙未交貨

付款先立一據名曰成票莊客發運貨物寄有字據名曰水單每紙均稅洋二分惟民間攜帶現錢向貨店購買應用之物此等發票不過藉以紀數並不憑此取物取銀不在應稅之列 一收條查前項收條凡商民收受銀錢貨物或代人收受銀錢貨物無論回信回條但欲留作收據者每據稅洋二分 一銀票查前項銀票之外并有洋票另有匯莊出給匯票錢莊出給匯信匯莊致同號之根票錢莊致莊客之根信均係支取現款之據應一併分別收稅銀票洋票逾五十兩五十元以上者稅洋一分二百兩二百元以上者稅洋二分四百兩四百元以上者稅洋四分六百兩六百元以上者稅洋六分一千兩一千元以上者稅洋一角匯票各件逾二百兩二百元以上者稅洋一分五百兩五百元以上者稅洋二分一千兩一千元以上者稅洋四分一千五百兩一千五百元以上者稅洋六分二千兩二千元以上者稅洋一角 一鈔票查前項鈔票以銀行所造鈔票行用最久獲利最厚五元者稅洋一分十元者稅洋二分五十元者稅洋一角各處錢莊錢票數逾五十千以上者稅洋一分二百千以上者稅洋二分四百千以上者稅洋四分六百千以上者稅洋六分一千千以上者稅洋一角各處錢莊間有匯撥錢款之據數逾二百千以上者稅洋一分五百千以上者稅洋二分一千千以上者稅洋四分一千五百千以上者稅洋六分二千千以上者稅洋一角酌量增擬項下 一田房契據查前項田房契據定例價銀百兩納稅三兩蘇省從前每兩淨收四千文各省雖多寡不同而淨收之數要無不倍於例定之數嗣蘇省於光緒二十五年雖經剛中丞每兩減為二千文較之例定稅數尙復淨多况動輒需費守候需時種種不便以致仍多隱匿今若量為變通改用印花不但積習可以掃除抑且收數可以酌增實為裕國便民兩獲其益

請契價百兩收印花稅五兩在公家固可多收二兩之稅在民間非獨省事而且省錢民必樂從而稅局精神專注稽查亦較周密漏稅漸少餉原更裕至各省州縣經征漕忙饒有盈餘少此一款並無妨礙惟四川州縣全賴此項稅契盈餘以為辦公之費改革之後不妨於稅局所收契稅酌提津貼庶於變通之中仍寓體卹州縣之意此項擬請製造專門印花由局驗明契據當面督令黏貼勾抹如有隱匿仍照定例辦理惟契價鉅細不一稅銀即多寡不齊僅憑黏貼印花未免漫無稽考應由各省藩司衙門仍仿契尾成法印發雙聯稅契單預為發局於完稅時加黏此項聯單聯根仍隨稅款報解州局業戶既執有印憑總局亦有所查考此即赫稅司所謂化私為公整頓衙門之道也 一牙帖查前項牙帖以問請帖開行層層需索節留難綜計所用之費較稅契尤為繁重亦擬請仿照稅契一律改用聯單加稅印花由總局隨時申移立案以便有司衙門照例征收雜稅近年各屬釐局間有捐收牙帖章程收數較定額加巨民間轉行稱便此項稅則應照定額之數加倍辦理如有私設朋充等事仍照各定例分別究辦以上兩項照前項章程改稅印花除應征舊額不計外可溢收銀數百萬兩當此度支不繼求取款多而民不擾者莫善於此惟均係官家正款自應分清界限所有舊額應征正耗契尾等款由稅局照數列出申解藩司衙門掣收以符定例而免混淆 一店舖帳簿稽查前項帳簿各店舖記載銀錢貨物每店多則數十本少則一二十本至與人來往或存放銀錢或取攜貨物均憑經摺為據備用更屬浩繁此等摺均關財用財物進出亦頗繁重又為逐日所用千人共見之物難於隱匿所收稅項為數必鉅是以日本亦征印稅摺請一百張以上大帳簿布套頭號經摺每件各稅洋二分其餘各項簿摺稅洋一分均承准

用一年為度 一典契查前項典契民間價典田地房產因非實產向不稅契現時抽收房捐但收租賣之屋并未議及典產擬請將前項典契列入印稅并請製造專門印花當官黏貼勾抹照典價千分中取五分典價一千兩繳印花稅五兩由受產之人納稅查有隱匿除補稅外照六倍加罰仍仿稅契加用聯單以備查考 一股分票查前項股分票如招商電報紗廠礦務以及各項公司集有股票均係出入銀錢字據請仿前項印稅章程辦理

兩江總督劉批察核所議持論平允擬章亦復有條不紊皆切實可行惟事屬創始考究不厭精詳仰候抄摺札飭甯蘇派辦處及鈔漕兩關道再行察酌如有應行增損即就甯局擬章內逐加登註如所見相同亦即具復以憑核辦繳

蘇州牙務局詳復議行印花稅伏查印花稅創於荷蘭而法與英繼之東西各國相與仿行遂為歲項鉅款近年籌度支者恆議及此職道嘗加探索月前奉 憲飭赴滬籌商加稅留釐事宜謁見呂盛大臣亦議及仿行印花稅以備補苴查各國印花稅例無論公私字據凡關涉銀錢即逐項征稅惟專抽各項字據不以施諸貨物印花分兩種一為印花票如郵政之信票一為印花稅如郵政之明信片征稅最輕者購印花紙繕寫即可作為完稅重者各按字據由銀錢之數分別征稅購印花票黏貼其中又視銀數之多寡為納稅之等差或准其自行勾抹或必須官驗勾抹牛毛繭絲至繁至密所定征抽色目皆隨時隨事參酌增損非各國互有不同英倫三島亦且間有出入現議試辦自不能概行仿照部議務從簡要洵為至當不易之論赫總稅司所擬婚帖債券合同發票收條銀票鈔票當票等項內除婚帖禮俗不同當

票重累貧苦當戶業經部議憲飭後先指出應從緩辦位券合同銀票鈔票各項應照字據所載銀錢之數分別抽稅至發票考諸西例並新專條別有所謂商務紙張每紙稅一本土收條則自英金二鎊以上起每紙亦稅一本土日本則發票謂之買賣仕切書收條謂之受取書每紙祇稅二分原以積少成多但此等民間日用嚴則多撥寬則多漏應如何酌辦赫總稅務司所呈大略七條未知曾否議及此外取款較多者英國歲入印花稅以承受產業一項為最鉅每年多至八兆鎊其國俗人民產業惟其所授不必盡屬子孫乃以其族戚之親疏為納稅之輕重此為我所不能仿辦他若股份票分別礦務商業以附股銀數為差證詞甘結等項令購印花紙繕寫商家帳簿及一切備查字樣令購印花票黏貼似皆可備議其各種行業憑帖英國印花稅章所列各當舖押舖首飾舖公估行拍賣行等二十餘項中國各業行戶不下百數十項遵例領帖方准開設歲輸稅銀最多不過二兩應照當典成案將稅銀分別加增其各業店舖生意最鉅者如錢莊之類因不取用例不捐帖自應仿照西法一律給憑酌量抽稅苟認真舉辦所得非細側聞外人借債國債每以幅頃之廣生齒之繁歲入不過八千萬輒疑抽稅項法有未盡推其用心罔及閭閻元氣但爾竭澤不計無魚詎知我取民之制准乎經順乎情折中核定何嘗不詳究如印花稅內契約一項在中國本有稅契之例民間置產按價納稅例章甚備祇以牧令稽征不力下多隱匿不報相習成風果能悉遵定制勉強整頓司庫歲入足為一大宗蓋中外異宜措施自別上者師其意而不襲其貌下者襲其貌而不求其實迫令步行西法非止一端成效如何按册可驗故法不患不在獨患有法而不行與無法等甚或多一法即多一弊裕國不足累民有餘不可不慎之於始印花稅試辦之初

衆情未洽抽收者核條理紛繁各項字據其必經公家稟驗者尙可立法嚴查若私家質劑彼此並無轉私相授受則官吏稽察所不能到必使民間自能信用方能推行盡利而使民信用之理何不外自整飭吏治始商民索逋爭息非受虧被累不遠瀆官司若仍以錢財細故不急伸理商民徒見未納稅者以違式作廢既納稅者未見以違例輸將得有便益則又何所勸懲而不相隱匿舉一以推理固有在仰蒙憲臺俯賜垂詢敢陳繇測上候鈞裁所有奉飭擬辦印花稅緣由理合具文詳復仰祈憲臺鑒核除詳擬憲外爲此備由具詳伏乞照驗施行須至詳者

江甯布政使江南游辦處司道謹將遵成金陵釐捐局議擬印花稅章程條款公同商酌分別登註繕具清摺呈於憲鑒 計開 一金陵釐捐局摺開創辦印花稅首宜釐定稅則約定應稅各項紙據名目惟稅必宜輕使之樂請輸納罰必須重俾不敢輕於隱漏名目不宜過少庶可集成鉅款辦理須分等次以期輕重適宜 一司道等按此條自是扼要之論請如所議惟稅則及應稅各項紙據名目試辦章程於奏定開辦時必須徧行刊布使人人共見共知以免隱漏而罹重罰 一摺開印花由部造頒須按印稅多寡分立等次如稅數較巨之項必須用專項印紙以示區別而杜弊混 一司道等按此條是一定不易之法請如所議 一摺開就沿海沿江各省先行創辦查川省業已開口通商與長江一帶聲息相通往來匯劃緝據繁多又豫省界乎直東江皖楚五省之間境地則到處毗連生意則往還如織舍彼取此情勢既相形見絀試辦必掣肘爲難除甘肅新疆雲貴等省暫從緩辦外其餘各省亟宜同時併辦以期一律而免參差 一司道等按此條因地制宜請如所議 一摺開經收稅款有司衙門事務殷繁力難兼顧

且循著深遠小民購取印花殊多未便自應設局經收於各省會設一總局各州縣設立分局距城爲遠市鎮輻輳之區卽由分局量設子店偏遠之處並准販賣鋪戶躉購零銷以期便於購取分局所收稅項隨時報解查者應需經費參仿釐金土藥章程准其一成開支以爲薪費之用刊發關防鈐記以昭信守司道等按此條挈領提綱自不可少但創辦伊始收稅無多遽設如許分局定以一成開支繁盛之處可行邊僻州縣必不敷用除各省會必設一總局外各州縣地方擬暫令就各原有釐鹽局所或地方官兼辦仍准各股實鋪戶躉買零銷并寄以稽查勾抹之責該鋪戶與本處商民情意相孚耳目較近縱不敢必無遺漏斷不至滋生事端若多立分局子店人人有希利微功之心其弊卽不可勝言矣惟各鋪戶及兼辦局所或地方官均宜酌給津貼以資辦公而免需索擬請如所議仿釐金土藥章程准其一成開支而仍分別辦理以一成之四歸躉買鋪戶以一成之四歸兼辦局所或地方官連解費在內以一成之二解總局總局月需開支按月造報各躉買鋪戶及各兼辦局所或地方官應得津貼但令解報時聲明照數改毋庸造報支款細數以省繁牘一摺開完納印稅各據應購印花隨時實貼以爲憑信除當官黏貼勾抹之據外其餘准民間自行購取粘貼者亦須於粘貼後立即勾抹以杜挪移重用之弊如有應貼不貼應勾不勾以及貼不足數或將用過印花揭取重用查出分別罰辦司道等按此條預防流弊請如所議一摺開各項應稅紙據其所載年月在未設印稅以前者准其免稅外務部文內指辦項下如有相類各據若征免互異既不足以昭公允且恐收稅亦復有限現於各項下相類之據酌量推廣逐一登明司道等按此條分年爲限自是簡便易行請如所議又原摺內開酌量增擬項下一

田房契據 查前項田房契據定例價銀百兩納稅三釐蘇省從前每兩淨收四千文各省雖多寡不同而淨收之數要無不倍於例定之數嗣蘇省於光緒二十五年雖經剛中丞每兩減為二千文較之例定稅數尙復淨多况勸繳需費守候需時種種不便以致仍多隱匿今若量爲變通改用印花不但積習尙以掃除抑且收繳可以酌增實爲裕課便民兩獲其益擬請契價百兩收印花稅五兩在公家固可多收二兩之稅在民間非獨省事而且省錢民必樂從而稅局精神專注稽查亦較局審漏稅漸少餉源更豐至各省州縣經征漕忙饒有盈餘少此一款並無妨礙惟四川州縣全賴此項稅契盈餘以爲辦公之費改章之後不妨於稅局所收契稅酌提津貼庶於變通之中仍屬體卹州縣之意此項擬請製造專門印花由局驗明契據當面督令黏貼勾抹如有隱匿仍照定例辦理惟契價鉅細不一稅銀即多寡不齊僅憑黏貼印花未免漫無稽考應由各省藩司衙門仍仿契尾成法印發雙聯稅契單預爲發局於完稅時加黏此項聯單聯根仍隨稅款報解總局業戶既執有印憑總局亦有所查考此卽赫稅司所謂私化爲公整頓衙門之道也 司道等按田房契據隱匿不稅例有明條州縣淨收亦干例禁且稅契銀兩乃錢糧項下一大宗與征收正款無異查江甯稅契經吳藩司詳請仿照湖北辦法加倍征收每百兩價銀應收稅銀六兩與該釐局扣稅五兩數既不符而各省州縣藉稅契以辦公者不一而足正不止川省爲然竊意照例既黏契尾納稅又以契價多寡計算似可毋庸另議惟書契之紙須每張令黏印花稅一角不再計契據多少備呈官黏尾時勾抹 一牙帖 查前項牙帖民間請帖開行層層需索節節留難綜計所用之費較稅契尤爲繁重亦擬請仿照稅契一律改用聯單加稅印花由總局隨時申移立案以便有

司衙門照例征收雜稅近年各屬釐局固有指收牙帖章程收數較定額加巨民間轉行稱便此項稅則應照定額之數加倍辦理如有私設朋充等項仍照各定例分別究辦 以上兩項照前項章程改稅印花除應征舊額不計外可溢收銀數百餘兩當此度支不繼求取款多而民不擾者莫善於此惟均係官家正款自應分清界限所有舊額應征正耗契尾等款由稅局照數剔出申解藩司衙門掣收以符定例而免混淆 司道等按牙帖一項近多私設朋充自應澈底清查換用聯單原議請將稅則加倍辦理與蘇州牙釐局所議相合請如所議惟蘇州牙釐局詳稱尚有各業店舖生意最鉅者如錢莊之類因不取用例不捐帖自宜仿照西法一體給憑酌量抽稅等語似亦可採擇推廣如匯莊錢莊綢緞莊公估行等類皆可令領憑納稅 一店舖帳簿經摺 查前項帳簿各店舖記載銀錢貨物每店多則數十本少則一二十本至與人來往或存付銀錢或取携貨物均憑經摺為據需用更屬浩繁此等簿摺均關財用貨物進出亦甚鄭重又為逐日所用千人共見之物難於隱匿所收稅項為數必鉅是以日本亦征印稅擬請一百張以上大帳簿布套頭號經摺每件各稅洋二分其餘各項簿摺稅洋一分均祇准用一年為度 司道等按蘇州牙釐局詳亦及此項請如所議 一典契 查前項典契民間價典田地房產因非實產向不稅契現時抽收房捐但收租賃之屋并未議及典產擬請將前項典契列入印稅并請製造專門印花當官黏貼勾抹照典價千分中取五分典價一千兩繳印花稅五兩由受產之人納稅亦有隱匿除補稅外照六倍加罰仍仿稅契加用聯單以備查考 司道等按典契稅則千分中取五分議稅最輕請如所議 一股份票 查前項股份票如招商電報紗廠礦務以及各項公司集有股票均係出入銀錢

字據請仿前項印稅章程辦理 司道等按蘇州牙釐局詳亦及此項請如所議以上各項司道等係就金陵釐局原摺擬章分別登註

江蘇布政使江蘇派辦處會議印花稅詳文本司道等伏查各國印花稅章程嚴密色目紛繁非惟各國互有不同即在彼國之中亦復情勢各異中國向尙無此等輪將今一旦驟議仿行竄固多疏廢亦多擾創辦之始措手甚難詳譯金陵牙釐局摺開各項按照部咨引伸辦法並於指辦之外增補數條如鈞諭有條不紊切實可行現在又經甯藩司派辦處會同逐條參酌更臻妥善惟原擬辦法項下之自行勾抹一節本司道等一得之見微有異同遵飭抒陳伏惟采擇查自行粘貼勾抹之印花即所設通行印花票也赫總稅司所擬七條內稱通行印花票張定價十文所取甚微今摺開借券合同發票收條銀票鈔票六項仿照日本章程自銀洋一分起至一角止定爲五等權銀錢之多寡定稅則之等差輕重相因誠爲平允惟倍罰之法似可緩行查此項印花憲飭所謂不煩稽查必自黏貼勾抹意在行之以漸使民樂於信從且所致其信從者即在遇有爭訟之時黏貼勾抹則官爲追理不粘貼不勾抹黏貼而不勾抹勾抹而又揭用則據不爲憑至於據不足憑則所失者多矣雖爭訟之端亦屬偶然之事然所費者少而所失者多非甚愚昧必不吝此區區若必嚴立罰條處處箱制設將來在事官吏既慮稅款之少而又垂涎罰款之多恣意搜尋邏卒四出是取民之利有限而擾民之害無窮也愚以爲通行印花擬請免其加罰從寬試辦原摺內開稅則五等自一分至一角係專以洋銀折算所稱一千兩一千元以上亦專指銀兩洋元而言而制錢亦賅指其中竊謂制錢千串與洋銀一千元所差尙尙有限若或銀錢兩項相較則輕

重懸殊此項稅則擬請凡係錢洋款均以錢計應自十文至百文止凡係銀款均以銀計自一分至一錢為止如此明白區分似較核實至專項印花擬請略舉數端仿照英國印花稅章程酌給憑帖各業貿易最鉅者如票號錢莊綢緞布疋參鋪珠寶金銀首飾繡衣莊錫箔南北貨等類因向不取用例不領帖現議推廣辦理自應列作專項印花給憑抽稅當官黏貼勾抹以示慎重印造印花票應用薄韌洋紙庶一經黏貼不易揭去緣奉飭議合將愚慮所及擬議一陳是否有當伏祈憲臺批示祇遵咨部會核實爲
公便

蘇州派辦處副詳爲詳復事竊照此次遵奉部飭創辦印花稅繼票本係仿行西法查英國印花稅章程內官給印憑免納印花稅一條云凡民間以其歲入之數報官納稅者官給收稅之印憑無須完納印花稅等語蓋各國印花稅例本係專稅各項關涉銀錢之字據而凡字據之有印花稅者又皆其正稅之所及而以之補其闕漏者也伏查契據一項在我本有印稅章程是以赫總稅司原擬辦法七條其第一條卽係田房契據外務部僅於其通行印花之中酌采借券等七項而將稅契一項劃除現在甯藩司及派辦處議稱稅契銀兩與征收正款無異江寧稅契經吳前藩司詳請仿照湖北辦法加倍征收每百兩價銀應收稅銀六兩與該釐局收稅五兩數既不符而各州縣藉稅契以辦公者正不止川省爲然竊意照例既粘契尾納稅又以契價多寡照算似可無庸另議惟書契之紙須每張令貼印花稅一角等語查此項契據既不列入印花自應別求整頓之方庶幾較有把握民間寫立賣契皆係私相授受是以習成隱匿無可稽查今擬凡民間買賣田房字據由省頒發三聯單一爲存根一爲契據一爲備核凡寫立字

據不准私用白紙均須請領聯單填寫所有產價若干填明紙中兩騎縫亦須如數照填契據歸買戶收執備呈送藩司存根載存該管衙門其字據填寫之後登時照章投稅粘貼契尾其非用聯單填寫者不得爲買賣之憑業主防賣主之反覆斷不肯受不憑之據既不肯受不憑之據則亦無不稅之業矣如有以多填少以及不領聯單私用白紙立契者一經舉發卽照江甯每百兩稅銀六兩章程辦理仍遵例加罰其從前漏未投稅之契定章後應卽示諭民間統限半年自行投稅備逾限不投此後雖自行檢出亦照實章補稅遵例加罰如此核實稅征買賣無可躲閃綜計庫所入已足爲一大宗又牙帖一項據金陵釐局摺開民間請帖開行層層需索節節留難所用之費較稅契尤爲煩重亦擬仿照稅契改用雙聯單加稅印花稅則照定額加倍等語本司道等竊以爲牙帖頒自戶部亦正稅也定例凡取用者必領帖謂之帖捐領帖者必有稅謂之季鈔故牙稅與契稅並重就帖捐而言蘇屬除遵章分等繳捐請領外收錢六百七十文內一百七十文爲解部帖本五百文爲院局書吏辦公之用別無浮費數十年來商民相安尢稱簡便上年經蘇釐局切實查催輒增至六萬二千餘兩之多就季鈔而言最多之時歲纔二兩蘇屬上年共征銀八千餘兩如將各行牙稅悉仿當稅成案將稅銀分別加數加增約計各項稅銀每年應溢收銀七萬餘兩較之加征印花有多無少此項牙稅擬請仍照契稅無庸改議免多更張惟田房等契係民間銀錢往來之字據尙可粘貼印花若干此則英國章程所謂官給收稅之印憑亦卽日本章程免稅項下官署發出之證據也此則並一角之印花亦可免其黏貼以上契稅牙帖二項本在煩稅之中而亦由庫固有之款如果循照舊章認真辦理微特界限分清就今稽查嚴核而民間久知爲維正之

供抑且驟然視為分應輸將之稅以視新籌徵款不無難易勞逸之分是否有當相應具文附詳

附錄總稅務司原擬印花稅辦法七條 一擬由戶部先定一通行印花票之式樣每張註明定價十文

發交刻印印妥後由部分發各地方官照章領賣黏用 一擬由戶部訂定冊簿兩項每簿每頁分存根

正照兩截此兩項冊簿一為買賣房產田地之用訂妥後分發各地方官領用凡有房地交易者應赴該

管衙署內報明領取此項印照註明賣價若干完稅若干將正照交本人黏於契上其存根亦均照填俟

每簿用完即將存根仍還戶部所有經徵之銀報部聽撥此印花照應有定價即如房地價在一百兩以

內者照費一兩五百兩以內者照費五兩千兩以內者照費十兩以此類推此則親赴官署當堂領票之

印花稅也房地之外如欲添何項事業須用當堂印花者亦即由部隨時隨事照上法辦理 一擬由各

地方官於屬境內擇殷實可靠便於民之鋪戶發給部頒之印花若干張作為官准售賣之局所每月底

由該局將所領之印花所賣之價銀開單報明交價凡民間應用印花而不必當堂領辦者即可任便赴

此等局所買取黏用 一擬於開辦時應用通行印花各項事由列後 一婚帖 一借券 一合同

一發票 一收條 一銀票 一鈔票 一當票 一招帖 一考卷 一稟帖 一民局寄送信函

一報關單 以上所列每件均須黏通行印花一張方為合例不黏者以犯法論若遇有爭訟者無印花

之單不能視為憑據此則開辦通行印花之條目俟辦理有緒隨時酌擬 一擬將當堂領用之專項印

花照上亦再加用通行之印花一張 一擬凡貼用印花者須再註明事由月日其字跡須在印花雙面

紙之騎縫處填寫未註明者與無印花同若後用已經註過字跡之印花以犯法論 一擬委准先在順

天所屬各州縣開辦由府尹專管俟有端倪再行次第推廣如此擇地試辦與戶部相距不遠一切事宜可以隨時妥定不敢與地方無益與百姓有損 以上兩條兩省省移

右印花稅

皇朝政典類纂卷九十六

征權十四

雜稅洋藥稅

道光十四年諭軍機大臣等有人奏近聞英吉利國大船終歲在零丁洋及大嶼山等處停泊名曰躉船凡販鴉片煙者一入老萬山先以三板艇刺赴躉船然後入口省城包買戶謂之窩口議定價值同至夷船館兌價給單卽雇快艇至躉船憑單交土其快艇名快蟹亦名扒龍械礮畢具每艇壯丁百數十人行駛如飛兵船追擊不及各洋呢羽等貨稅課較重亦多由躉船私行售買等語海防例禁嚴峻豈容售私漏稅且鴉片煙流毒內地疊經降旨嚴行飭禁自應實力查拏務使根株淨盡若如所奏躉船之盤踞不歸快蟹之飛行遞送滿輪內地愈禁愈多各項貨物恃有躉船售私紋銀之出洋關稅之偷漏未必不由於此籌該督等飭屬卽將躉船設法驅逐快蟹嚴密查拏勿任仍前停泊致敢售私漏稅等弊如或驅此泊彼巧爲避匿卽責成巡哨水師認真巡緝從嚴懲辦勿得稍有諱飾

十八年鴻臚寺卿黃儒滋奏請嚴塞漏卮以培國本近年銀價遞增每銀一兩易制錢一千六百有奇非耗銀於內地實漏銀於外洋蓋自鴉片煙土流入中國粵省奸商勾通巡海兵弁運銀出洋運煙入口查道光三年以前每歲漏銀數百萬兩三年至十一年歲漏銀一千七八百萬兩十一年至十四年歲漏銀二千餘萬兩十四年至今漸滿三千萬兩此外福建浙江山東天津各海口合之亦數千萬兩日甚一日年復一年誠不知伊於胡底耗銀之多由於販煙之盛販煙之盛由於食煙之衆今如實力查禁必先加重罪名開紅毛國法有食

鴉片煙者必集眾環視繫於竿上以敲擊之入海外夷如是何況中國應請嗣後內地有吸食鴉片煙者限一
年內務各斷絕煙癮如一年後仍然吸食是卽不奉法之亂民俱罪以死論並嚴飭各督撫轉飭各府州縣清
查保甲豫先曉諭居民定於一年後取具五家鄰右互結如有犯者准令舉發給與優獎備有容隱一經查出
本犯照新例處死互結之人照例治罪得旨黃爵滋奏請嚴塞漏卮以培國本一摺著盛京吉林黑龍江將軍
直省各督撫各抒所見妥議章程迅速具奏 東華續錄

湖廣總督林則徐奏伏思鴉片流毒於中國紋銀潛耗於外洋凡在臣工誰不切齒是以歷年條奏不啻發
言盈廷而獨於吸食之人未有請用大辟者一則 大清律例早有明條近復將不供與販姓名書由杖加
徒已屬從重若逕坐死罪是與十惡無所區別卽於五刑恐未協中一則以犯者太多有不可勝誅之勢若
議刑過重則弄法滋奸恐許告誣攀賄縱索詐之風因而愈熾所以論死之說私相擬議者未嘗乏人而輟
然上陳者獨有此審然流毒至於已甚斷非常法之所能防力挽頽波非嚴懲濟數 諭旨飭嚴謹以臣
之愚昧敢不竭慮籌維竊謂治獄者固宜準情罪以持其平而體 國者尤宜審時勢而權所重今鴉片之
貽害於內地如病人經絡之間久爲外邪纏擾常藥既不足以勝病則攻破之峻劑亦有時不能不用也夫
鴉片非難於革癮而難於革心欲革玩法之心安得不立忧心之法况行法在一年以後而議法在一年以
前轉移之機正繫諸此非所謂舊染汚俗咸與維新傳所謂火烈民畏故鮮死焉者似皆有合於 大聖人
辟以止辟之義斷不至與苛法同日而語也惟是吸煙之輩陷溺已深志氣無不惰昏今日安知來日當夫
嚴刑初設雖亦魄悚魂驚而轉思期限尙寬姑俟臨時再斷至期迫而又不能廢斷則羅法者仍多故臣謂

總署之機師在此一年中必直省大小官員共矢一心極力挽回不容髮期於必收成效永絕澆風而此
法乃不為善設茲謹就臣管見所及擬具章程六條請我 皇上敬陳之

一煙具先宜收繳淨盡以絕餘根也查喫煙之竹桿謂之槍其槍頭裝煙點火之具又須細泥燒成名曰
煙斗凡新槍新斗皆不適口且癮難過必其素所習用之具有煙油漬乎其中者愈久而愈寶之雖骨肉
不輕以相讓此外零星器具不一而足然尚可以他具代之惟槍斗均難替代而斗比槍尤不可離過無
槍時以習用之斗配別樣煙桿猶或遷就一吸若無斗即煙無裝處而自不得不斷矣今須責成州縣盡
力收繳槍斗視其距海疆之遠近與夫地方之衝僻戶口之繁約民俗之華樸由各大吏酌期定數責以
起覆示以勸懲除新槍新斗聽該州縣自行毀碎不必覈計外凡漬油之槍斗皆須包封黏貼印花彙冊
送省該省大吏當堂公同啟封毀碎無論此具或由搜獲或由首繳或由收覓皆許覈作州縣功過之數
若地方繁庶而收繳寥寥者立予撤參如能格外多收亦當分別獎勵

一此議定後各省應即出示勸令自新仍將一年之期劃分四限遞加罪名以免因循觀望也查重典之
設原為斷吸起見果能人人斷吸亦又何求所謂以人治人改而止也各省奉文之後應由大吏發給告
示通行剴切曉諭自奉文之日起扣至三個月為初限如吸煙之人於限內改悔斷絕赴官投首者請照
習教人首明出教之例准予免罪然投首非空言也必將家藏煙具幾副餘煙若干全行呈繳到官出具
改悔自新毫無藏匿甘結加具族隣保結立案報查如日後再犯或被告發或經訪聞拘訊得實加倍重
辦其三四限之內投首者雖不能概予免罪似亦可酌量減輕惟不投首者一經發覺即須加重查四

時成歲三月成時氣候不為不久果知畏法儘可改圖若仍愆忽遲延再三自悞揆以誅心之律已非徒杖所可該奉除初限以內擊獲者仍照原例辦理外其初限以外四限以內未首之犯擊獲實似應按月遞加一等至重爲止其中詳細條款並先後投首如何減等首後再犯如何懲辦之處均請 勅部嚴議施行似此由寬而嚴由輕而重不肖之徒如再不知悔懼最諸死地誠不足惜矣

一兩館與販以及製造煙具各罪名均應一體加重並分別勒限繳具自首以截其流也查開館本係死罪與販亦應連戎近因吸食者多互相包庇以致被獲者轉少今吸煙既擬重刑若輩豈宜未減應請一體加重方昭平允但機俗已深亦宜予以自新之路請自奉文之日起開館者勒限一月將烟具煙土全繳到官准將原罪量減如係擊獲照原例辦理地方官於一月內辦出者無論或繳或擊均免從前失察處分倘逾限擊獲犯照新例加重自獲員之減等議處其與販之徒路有遠近或於新例尙未聞知不能概限一月投首應請酌限三個月內不拘行至何處准赴所在有司衙門繳煙免罪若逾限發覺亦應論死其繳到之煙土煙膏眼同在城文武加用桐油立時燒化投灰江河匯者與犯同罪至製造煙具之人覺日愈夥如煙槍固多用竹亦間有削木爲之大抵皆煙袋舖所製其槍頭則裹以金銀銅錫槍口亦飾以金玉角牙關等又有一種甘蔗槍漆而飾之尤爲若輩所重其煙斗自廣東來者以洋磁爲上在內地製者以宜興爲高恐其屢燒易裂也則亦包以銀錫而發藍點翠各種其工恐其屢吸易塞也則又通以鐵條而矛鐵錐刀不一其狀手藝之人喜其易售奇技淫巧競相傳習雖照例懲辦而製造如故應請嚴限奉文一月內所將製大小烟具全行繳官毀化免罪並論烟袋作坊瓦器窰戶以及金銀銅錫竹木

牙漆各匠互相稽查如逾限不首及首後再製俱照新例重辦其裝成槍斗可用吸食者卽須論死保甲知情不首與犯同罪

一朱察處分宜先嚴於所近也文武屬員有犯該管上司於奉文三個月內查明舉發者均予免議逾限失察者分別議處其本署戚友家丁近在耳目之前斷無不知應勒限一個月查明若不能早令革除又不肯據實舉發卽是有心庇匿除犯者加重治罪外應將庇匿之員卽行革職本署書差有犯限三個月內查明懲辦逾限先察者分別降調

一地保牌頭甲長本有稽查奸宄之責凡有烟土烟膏煙具均應著令查起也挾仇訐告之風固難保其必無但能起獲贓證卽已有據且起一件卽小一害雖初行之時亦恐難免滋擾然凡事不能全無一弊若果吸煙者懼其滋擾而皆決意斷絕正不爲無裨也至開館之房主及該地方保甲斷無不知之理若不舉發顯係包庇應與正犯同罪並將房屋入官

一審斷之法宜預講也此議定後除簡僻州縣犯者本少卽有一二無難隨時審辦外若海疆商賈馬頭及通衢繁會之區吸食者不可勝數告發既多地方有司日不暇給卽終日承審而片刻放鬆則癮已過矣委人代看則弊已作矣是非問罪之難而定讞之難也要知吸煙之虛實原不在審而在熬熬一人與熬數人數十人其工夫一耳且專熬一人容或有弊多人同熬轉無可欺譬如省會地方擇一公所彙提被控被祭之人委正印以上候補者一員往籌足矣不必多員也臨審時恐其帶藥過癮則必先將身上按名嚴搜卽糕點亦須敲碎然後點入封門如考棚之坐號各離尺許不准往來問官亦只准帶一丁兩

役隨身伺候不許擅離自辰已以至子丑祇須靜對不必備供而有癮之人情態已皆百出矣其審係虛
匪者何員所審卽令何員出具切結倘日後別經發覺惟原審官是問此以上六條就臣愚昧之見斟酌
籌議未知當否理合繕摺具奏林文忠公啟書

又論據步軍統領衙門奏擊獲職官吸食鴉片煙已降旨將該員革職並將販賣人等交刑部審訊矣吸食
鴉片例有明禁官民蹈此惡習已屬執法至於開館引誘設局營私尤爲可惡該犯等以開設皮局爲民願係
影射販賣煙土招致無賴誑騙引誘輩數之下豈容奸匪濶迹亟應嚴加整頓以挽頹風著步軍統領順天府
五城一體認真訪拏有犯必懲毋稍疏縱至各省官民人等吸食鴉片在所不免開館設局者亦所必有著各
直省將軍督撫等飭屬嚴密訪查一經報官立卽懲辦其省會地方商旅輻輳該奸匪等開館射利更所難免
尤當加意偵察驅除淨盡以杜積習而儆兇頑

東華續錄

又諭林則徐錢寶琛奏查拏煙販收繳煙具情形各等語鴉片煙流毒中國爲害已久見經該督撫等切
曉諭嚴行禁止設局收繳煙具數月以來軍民人等咸知畏法該地方官等亦能力加振作見在湖北省拏獲
及首繳煙土煙膏共一萬二千餘兩收繳煙槍一千二百六十餘桿湖南省報獲煙販十餘起收繳煙槍三千
五百四十餘桿均已分別劈毀所辦甚屬認真可見地方公事果能振刷精神實心查辦自可漸有成效該督
撫等惟當督飭所屬乘機諭戒有犯必懲呈繳者予以自新贖罪者力加搜捕斷不准始勤終怠日久視爲具
文總期說廢積習立即挽回方爲不負委任

東華續錄

又論軍機大臣等奇諭兩廣總督鄧廷楨廣東巡撫怡良據琦善奏見經天津鎮道等在大沽一帶金廣興

津上船獲煙土八十二口袋計重十三萬一千五百餘兩並取獲煙具車械訊據奸商鄧然即鄧續水手郭春等供稱鄧然係廣東三水縣人與南海縣人余暉順德縣人羅四福建龍溪縣人郭有觀即郭王西各出費本在廣州府城外水西街萬益號有香山縣人李四經手向夷船代買煙土八十三擔每擔約一千五六百兩等語鴉片煙流毒最甚見在天津地方於一船之內搜獲如許之多此外浸瀆各省海口者更不可以數計竊據該犯供稱買自夷船由香山縣人李四經手可見廣東奸民積慣向串外夷銷售煙土本省大小文武養奸貽患莫甚天良深堪痛恨請督撫等密速派員將省城外水西街萬益號內香山縣人李四立即拿獲到案嚴行追究夥黨及代人買運次數逐一窮詰務得確情從嚴懲辦不得稍有疏縱致令兔脫專奏查訊李亞彥即李四莫亞三即莫仕梁或假充經紀或私立字號代買煙土至數十擔之多莫仕梁應按律從重發往新疆給官兵為奴李亞彥應革去監生發近邊充軍逸犯余暉等俟緝獲另結下部議從之東華續錄

又閩浙總督鍾祥等奏先後擊獲出洋販賣煙土等犯嚴審定擬得旨早應如此嚴辦姑寬既往勿論嗣後務當嚴行督飭文武勸懲兼施無論興販吸食官兵百姓一概認真查辦斷不准仍前鬆懈海口尤當加意查緝務要認真禁止卿其勉力佐朕除中國一大患也東華續錄

又諭軍機大臣等前因琦善奏閩廣洋船因天津查拿鴉片嚴緊不能卸貨已有一百二十三隻起碇出口慮其前赴奉天另謀銷售咨明該將軍一體訪捕當有旨令著英委員堵截以防偷漏迄今兩月有餘未據奏到本日復有人奏奉天地方近來兵民沾染惡習吸食鴉片其沿海地面如錦城之天橋廠海城縣之沒溝營田莊臺蓋平縣之連雲島金州之貔子窩岫巖縣之大孤山數處海口為山東江浙閩廣各省海船停泊之所

明易貨物購銷煙土本年九月間山東榮成縣所屬澤面搜獲商船一隻夾帶煙土一萬三千四百餘兩訊係
欲往奉天售賣可見該處煙販往來斷不止此一起等語奉天乃根本重地風俗醇樸豈容染此澆風總由該
地方文武員弁不能認真搜捕以致外省奸徒膽敢前赴該處肆意興販著英接奉此旨務即遴委妥幹員
弁馳赴各海口會同該州縣不動聲色密速查拏從嚴懲辦備各該州縣仍前因循苟且畏縮不前或任聽吏
役人等得賄縱放以爲消弭地步一經查明卽行指名奏參從重懲處斷不准意存徇隱化有爲無致干重咎
東華續錄

又諭軍機大臣等朕近年因鴉片煙傳染日深紋銀出洋銷耗甚屢經降旨飭令該督等認真查辦但錮
蔽日久恐一時未能盡行破除若不清查來源則此患伊於胡底昨經降旨特派湖廣總督林則徐馳赴粵省
查辦海口事件並頒給欵差大臣關防令該省水師兼歸節制林則徐到粵後自必遵旨竭力查辦以清弊端
惟該省寮口快蟹以及開設煙館販賣吸食種種弊竇必應隨時隨地淨絕根株著鄧廷楨怡長振刷精神仍
照舊分別查拏毋稍鬆懈斷不可存觀望之見尤不可有推諉之心再鄧廷楨統轄兩省地方事務殷繁若專
責以查辦鴉片以及紋銀出洋恐顧此失彼轉不能專一心力盡絕弊端見派林則徐前往專辦此事該督自
當益矢勤奮盡泯畛域應分辦者各盡己責應商辦者會同奏聞趁此可乘之機力救前此之失總期積習
除根株斷絕想卿等必能體朕之心爲中國祛此一大患也東華續錄

十九年諭自查禁鴉片煙以來各省紛紛具奏民間呈繳煙土煙具投首者甚多行之既久恐滋流弊不可不
防其漸蓋呈繳之後地方官不復查察轉得優游吸食漫無顧忌是實縱一二人而效尤者將不止千百法會

所由廢弛且朕聞煙膏煙具多有假造地方官或意在邀功貪多務得或心存避咎苟且塞責託收繳之名以售其熱混之術其弊不可勝言國家矜憫愚民原欲開其自新之路該軍民人等果能革其舊染無難實力戒除何必呈繳煙具以自表其改悔卽如酗酒有干例禁如果改悔無難自行禁止亦從無繳出酒具之條嗣後各省擬獲吸煙人犯不准以呈繳煙膏煙具入奏其從前投首不實之犯仍著各督撫等嚴飭該地方官隨時查察如有再犯卽加重治罪以杜蒙混而歸嚴禁

東華續錄

又 諭據林則徐等由驛馳奏查辦躉船儘數呈繳煙土一摺所辦可嘉之至躉船私販煙土希圖脫逃經林則徐等截回躉船二十二隻起獲煙土二萬二百八十三箱該督等奏請酌賞茶葉之處著照所議辦理至此項煙土爲數甚多俟收繳完竣卽查明實在箱數派委明幹員弁解京以憑覈驗

東華續錄

又 諭前據林則徐等馳奏躉船鴉片盡數呈繳請解京驗明燒毀當降旨允行本日據御史鄧瀛奏稱廣東距京程途遼遠所繳煙土爲數較多恐委員稽察難周易取偷漏抽換之弊等語林則徐等經朕委任此次查辦粵洋煙土甚屬認真朕斷不疑其稍有欺飾且長途轉運不無借資民力著毋庸解送來京卽交林則徐鄧廷楨怡良於收繳完竣後卽在該處督率文武員弁公同查覈目擊銷燬俾沿海共見共聞咸知震讜實業續

又 諭軍機大臣等林則徐等覆奏堵截洋船情形請暫緩議斷互市及頒行各國檄諭等語所見是此次查辦海口防堵躉船各國業經遵繳煙土自應加恩准予照常互市以示懷柔所有斷絕茶葉大黃等暫緩議其英吉利既有在粵領事經該大臣等就近諭知辦理所有檄諭該國之處亦著暫緩頒行統俟議定與販吸

食各罪名頒行新例時於善後章程內另行詳細籌議仍遵前旨擬稿進呈再行頒發

東華續錄

又林則徐奏呈進諭各國呈繳鴉片示稿本大臣既帶關防得便宜行事若鴉片一日不絕本大臣一日不回誓與此事相終始批覽及此朕心深爲感動卿之忠君愛國皎然於域中化外矣

東華續錄

又諭軍機大臣等據林則徐等奏收繳夷船鴉片乘勢清理東路等語粵省船存貯鴉片二萬二百八十箱前經林則徐等諭令駛至虎門陸續隨繳茲據奏稱剝船與躉船高下懸殊煙土起至一半躉船水跡浮高風信靡定不免終日坐守現在所繳鴉片數之原報數目已逾十分之八入稱東路南澳地方間有數船至長山尾等處遊奕雖經該鎮隨時驅逐而旋去旋來是中東兩路實屬一氣相生其三板等船分載煙土駛往南澳亦不可不乘此機關一概招回悉數呈繳著林則徐等悉心籌畫相機妥辦不但原報二萬餘箱之內不准稍有短少如此外尙有多餘亦應儘數收繳總期一律淨盡毋留餘孽

聖訓

又諭鴉片煙流毒日深自上年查禁以來京城內外各衙門察獲各犯分別奏咨交刑部審訊者不下數百起承審各員果能細心研鞫何難就見獲人犯將煙土來歷與販夥黨及何處何人開設煙館同吸食者共有幾人逐層根究朕爲天下除此禍患大小臣工宜如何仰體朕意同心協力思所以滋錮習而挽頹風嗣後刑部堂官惟當督飭司員凡承審煙案總宜切實根追固不可畧及無辜尤不可將就結案務使人人畏法積弊全銷用副朕除惡務盡之至意

東華續錄

又王大臣等會議查禁鴉片章程三十九條一沿海奸徒開設窩口勾通外洋囤積鴉片首犯擬斬梟爲從同謀及接引護送之犯並知情受雇船戶擬絞監候該管官知情縱者革職失察者分別議處一沿海員弁兵

丁受賄故縱擬絞立決知情徇縱俱發往新疆官弁充當苦差兵丁爲奴失察者分別議處兵丁杖徒一合夥開設窩口並合夥與販者以造意爲首餘俱以爲從論一沿海奸徒寄存洋船煙土照開設窩口從犯治罪一官役擊獲販煙吸食之犯得財賈放者與犯同罪職重者計贓以枉法從重論失察之該管官分別議處一收禁人犯如有禁卒人等將鴉片煙私行傳遞或爲代買者發極邊煙瘴充軍其遞解之犯解役人等有犯前項情弊發近邊充軍職重者計贓以枉法論失察之該管官分別議處一兵役匪徒以查煙爲由肆行搶奪並挾嫌誣賴者俱發極邊充軍贓一百二十兩以上者爲首擬絞監候失察之該管官分別議處一鴉片煙案內流罪以上人犯皆稱留養者概不查辦一事未發而自首者免罪聞拏投首者減一等首後復犯加一等治罪一吸食之案止准官弁訪拏不許旁人訐告一開設煙館首犯擬絞立決從犯及知情租屋者發新疆給官兵爲奴兵役包庇與犯同罪有贓計贓准枉法從重論失察之該管官分別議處一栽種鴉粟造製煙土及販煙至五六百兩或與販多次者首犯擬絞監候爲從發極邊煙瘴充軍與販一二次數不及五百兩者爲首發新疆給官兵爲奴爲從發邊足四千里充軍兵役賄庇與首犯同罪職重者計贓以枉法從重論其知情租給房地之業主受雇之船戶一年以外者發邊充軍一年以內杖流半年以內杖徒州縣官知情故縱者革職永不敘用失察之該管官分別議處一栽種鴉粟尙未製煙售賣及收買煙土煙膏未售賣者爲首發極邊煙瘴充軍爲從杖流一吸煙人犯均予限一年六個月限滿不知悔改無論官民概擬絞監候一平民吸煙在一年六個月限內者擬杖流如係旗人銷除旗檔一體發一在官人役並官親幕友一年六個月內在署吸煙者照平民加一等治罪該管官知情故縱者革職失察者降調一職官吸煙在一年六個月內者發新疆充當苦差

一兵丁喫煙在一年六箇月內者發近邊充軍該管官知情故縱者革職失察者分別議處一開設煙館養種
鴉粟製煙興販首從各犯除見擬死罪外其餘俟一年六個月後均擬絞監候一吸煙人犯雖經改悔戒絕但
有存煙灰者杖一百一製賣鴉片煙具者照造賣賭具例分別治罪失察及拿獲之該管官分別議處詳敘一
同居子弟有吸煙者家長照不能禁約子弟爲竊例治罪一職官因吸煙發往新疆者概不准各城大臣因事
保奏一宗室覺羅吸煙者發往盛京嚴加管束如係職官及王公均革職革爵發往盛京永不敘用如犯在一
年六個月限滿後者照新定章程加重擬絞監候宗人府會同刑部恭進黃冊請旨一太監內如有從前吸
食者限一個月內自首免罪再限三箇月內令總管太監認真接查如有收藏煙具者審明從重治罪如三箇
月限滿半年以內有在禁門以內各值房吸食者均擬絞監候在外圍值房吸食者枷號六箇月發極邊煙瘴
永遠枷號遇赦不赦失察之總管首領及同屋太監奏請分別降革治罪如係首領吸食均照禁門以內新擬
罪名辦理失察之本管總管奏請分遣究出販煙之人同罪若係民人交刑部加等治罪至陵寢首領太監
等有吸食者照外圍辦理其王公門上及各大臣宅中之太監等有吸食者交慎刑司永遠枷號不赦如半年
以後仍有吸食在宮門以內者擬斬監候外圍等處及陵寢當差並王公門上大臣宅中並已爲民太監擬
絞監候各項失察處分仍照前議辦理一洋商住澳住行賣貨完竣即飭遵照定限起程如逾限久留照違制
律治罪一官兵查拿鴉片煙遇有大夥拒捕者准放鳥槍格殺勿論一銷燬煙土令督撫親驗真偽以防偷換
一沿海各省洋船進口督撫派公正大員實力搜查一各省海關監督於洋船帶煙進口知情縱放者革職失
察者分別議處一各省拿獲煙犯將由何處購買何人包庇獲送及經過地方逐一根究分別懲辦該管官受

請故縱者革職治罪知情者革職失察者分別議處一擊獲吸煙人犯承審官徇情開脫照故出人罪例治罪一吸煙已戒平民例得免罪惟職官爲民表率如曾經吸食者均勒令休致一擊獲囤積與販各犯無論鄰境本境均准給予緝敘仍分別送部引見一訪獲吸食者亦准酌請議敘一在京各衙門及外省督撫將吸煙之員列入京察卓異即將原保舉官議處一京城地面五方雜處稽查尤應嚴密應成步軍統領衙門順天府五城隨時訪察仍嚴禁番役等訛索擾累一各省保甲飭地方官認真編查如牌長有受賄知情等弊一體懲辦一地方官期望宣講後即將吸食鴉片之害傳齊眾人明白宣示庶免誠兄勉咸知自愛奏入得 旨上年黃爵滋條奏鴉片積弊請旨設法嚴禁當交各將軍督撫等各抒所見妥議以聞嗣經陸續奏到並據科道等官先後條陳特降諭旨交大學士軍機大臣會同各該衙門議奏茲據詳議章程會同奏入朕詳加披閱尙屬周妥俱著照所議辦理並著纂入則例永遠遵行各該衙門卽速行刊刻頒發各省將軍督撫等轉行所屬地方文武員弁一體遵照明白出示曉諭咸使聞知朕惟姑息非所以愛民明刑卽所以弼教鴉片來自外洋日甚一日兼以內地栽種鴉片影射漁利軍民人等受其毒者始則被人引誘繼乃習爲泛常甚至蕩產戕生罔知悔改關繫於人心風俗者甚鉅若不及早查禁永杜弊源則傳染日深其害伊於胡底朕惻然在抱欲爲天下除此後患不憚再三訓誡特議刑章以期易俗移風還淳返樸因思海販客口實爲禍甚夥魁儼非一律從嚴概置重典不足以防偷漏而塞來源至吸食之弊一日不斷則興販之來一日不絕亦不得稍從寬宥今定以死罪立限嚴懲此外種種弊尤應隨時隨地實力稽查歷久不懈庶幾根株淨盡力挽澆風惟是有治人而後有治法該將軍督撫等果能早爲查辦何至流毒如今之甚朕姑寬其既往自此大明定章程以後其

各激發天良消除積習同心協力仰體朕懷爲民除害其有不肖屬員諱飾不辦者立即據實嚴參重治其罪儻仍心存玩泄視條教爲具文或畏難苟安或始勤終怠則是甘心軌法自喪天良朕嘗出法隨決不寬貸其各懷造毋忽東華續錄

又諭朕因鴉片煙流毒傳染日深已成痼習若不及早爲民除害伊於胡底見在廷臣遵旨會議嚴禁章程已頒發各省遵行矣該官民人等咸懷王章遷善改過自不難漸洗舊習革除前非共享生全之樂藉免刑戮之加卽各地方官亦不難懷遵新例認真查辦悔過者予以自新怙惡者不令倖免但積習相沿已非一日若數月之間連使各省一律肅清恐不免有諱飾等弊故予限一年六箇月俾查擊不至遺漏而改悔亦不甚難及至限滿仍復舊法是自外生成無可顧惜置之重典尙復何詞此朕愛民之心先德後威中外所共覩也惟官民人等皆朕赤子旣欲衛其生而除害不能不視其死而垂憐況法立如山再三申諭將來限滿後再犯者必難倖邀寬典朕甚憫焉著各省大吏趁此儆勸之機振刷精神認真查辦務將興販吸食各犯悉數破案照例懲創此時限內多獲一人卽將來限外多貸一命切勿因循懈怠視爲具文儻該地方官等姑息養奸除莠不盡日後該犯等身罹重典乞貸無從是該大吏以民命爲輕朕亦斷不寬恕也東華續錄

又軍機大臣等奏議覆欽差大臣林則徐請定洋人攜帶鴉片煙土入口售賣治罪專條擬請此次洋人如帶有鴉片煙入口圖賣者爲首照開設賭口例擬斬立決爲從同謀者從嚴擬絞立決由督撫審明交地方官督同洋人頭目將各犯分別正法起獲煙土全行銷燬仍行文兩廣總督以素文之日爲始予限一年六箇月如限內將煙土全數呈繳者免其治罪從之東華續錄

又 諭據林則徐等奏巡閱澳門抽查華夷戶口情形一摺澳門爲夷商聚集之所夷樓屯貯煙土久成弊藪乘此查辦之時必當於該處先清其源方爲盡善該大臣等既悉該地方官查明戶口復由香山統領將備整隊出關宣布恩威申明禁令並查洋樓見無存貯煙土辦理甚屬妥協惟該處華夷叢雜保甲難施且由同知縣丞每歲編查恐有名無實易滋流弊至督撫兩司分年輪往抽查之處亦涉煩瑣其應如何立定章程以清弊費而垂久遠該大臣等另行妥議具奏 東華續錄

又林則徐等奏搜查洋船出具切結並勒限將空罈驅逐回國 東華續錄

又 諭鄧廷楨奏查緝鴉片三載於茲刁狡聚賭之徒本厚利豐一經確訪嚴拿已獲者刑懲及身未獲者遁逃亡命身家既失怨讎遂興始而風影訛傳繼且歌謠遠播以查拿爲希旨以掩捕爲貪功以偵緝爲詭謀以推鞠爲酷罰甚至輕以納賄目爲營私譏廷議爲急於理財皆新例爲輕於改律種種狂悖無非爲煙匪洩忿等語朕因鴉片煙流毒傳染貽害生民特派林則徐會同鄧廷楨等嚴行懲辦以挽頹風乃該匪徒等輒因查拿嚴切肆行詆毀深堪憤恨前於道光十六年間會經降旨以爲此等鬼蜮伎倆實與匿名揭帖無異飭令各省大吏遇有傳播歌謠密擊懲治乃申諭未久該匪徒等竟復藐法作奸阻撓新令若不亟加懲辦何以儆狡狴而息刁風况林則徐鄧廷楨怡良等皆朕親信大臣畀以重任見在查辦鴉片正在喫緊之時斷不可因羣言淆惑稍形懈弛林則徐等務當協力同心勉益加勉嚴飭所屬明暗查訪將編造歌謠之人拿獲到案訊明起自何人有無揆意主使從重定擬治罪毋稍疏縱 東華續錄

又 諭軍機大臣等據御史杜彥士奏英吉利攜帶鴉片煙土在閩省海口銷售已非一日見當廣東查辦喫

籌之時商建係接壤之區必當一律嚴辦聞漳泉各處有洋船往來寄泊水師員弁收受陋規營弁包庇販賣
與奸民勾串洋人接濟水米水師哨船代為交易運送鴉片煙各處銷售各等語鴉片見當嚴禁廣東不能容
留必致轉趨福建若不一體嚴辦則來源未絕紋銀仍不能不出洋且由閩省侵灌各省在所不免見已降旨
派祁齊藻黃爵滋馳往福建查辦並將鄧廷楨調任閩浙總督鄧廷楨著會同祁齊藻黃爵滋將以上各款查
明懲辦毋許稍有徇隱東華續錄

二十年諭楊國楨奏查察鴉片情形一摺據奏在官人役及官親幕友長隨人等託足公門勢必互相容隱巧
為彌縫請變通新例准軍民人等告發等語上年新定章程止准官弁訪察不許旁人許告原以杜挾嫌誣控
之弊凡在官人役及官親幕友長隨人等自應責成本管官隨時查察遇有犯案嚴究有無徇隱縱庇情弊分
別參辦若准軍民告發不但仍敢挾嫌誣控諸弊且恐在官人役勾串徇隱或至化有為無以實作虛犯法者
仍致漏網首告者轉罹反坐種種弊端在所不免該撫惟當督率所屬破除積習法行自近有犯必懲務令循
署肅清以冀愚民觀感所請軍民告發之處格礙難行著毋庸議東華續錄

又鄧廷楨等奏洋船來至閩洋圍銷鴉片奸民勾通販運隨地蔓延督飭員弁分路攻擊洋人受傷落水無算
生擒二人並邀截漢奸船隻人煙並獲東華續錄

又琦善奏連日查探洋船全行起碇自係前往山海關奉天等處節次派員前往屢與面晤據稱自廣東封港
後所帶貨物資本賠累難支是以各處尋覓馬頭艇而走險竊其詞色似有愧悔之心見既由臣接其字據即
由臣傳旨曉諭或冀取信臣惟待其回至天津隨機應變詳細開導令其返棹南旋東華續錄

又 諭前因鴉片煙流毒海內特派林則徐馳往廣東海口會同鄧廷楨查辦原期肅清內地斷絕來源隨地隨時妥爲辦理乃自查辦以來內而奸民犯法不能淨盡外而輿販來源並未斷絕本年福建浙江江蘇山東直隸盛京等省紛紛徵調糜餉勞師此皆林則徐等辦理不善之所致林則徐鄧廷楨著交部分別嚴加議處
東華續錄

欽差大臣林則徐奏查此次英逆所據在粵省而滋擾乃在浙省雖變動若出於意外其窮蹙正在於意中蓋逆夷所不肯灰心者以鴉片獲利之重每歲易換紋銀出洋多至數千萬兩若在粵得以復興舊業何必遠赴浙洋現聞其於定海一帶大張招帖每鴉片一斤只賣洋錢一圓是卽在該國嗚啞等處出產之區尙且不敷成本其所以甘心虧折急於覓銷者或云以給雇資或云以充食用並聞其在夷洋各埠貨船屬兵而來費用之繁日以數萬金計卽礮子火藥亦不能日久支持窮蹙之形已可概見又夷人向來過冬以氈爲暖不著皮衣蓋其素性然也浙省地寒勢必不能忍受現有夷信到粵已言定海陰濕之氣病死者甚多大抵朔風戒嚴自然捨去舟山揚帆南竄而各國夷商之在粵者自六月以來貿易爲英夷所阻亦各氣憤不平均欲由該國派來兵船與之講理是該逆現有進退維谷之勢能不內卻於心惟其虛懦性成愈窮感時愈欲顯其桀驁試其恫喝甚且別生秘計冀得陰售其奸如一切皆不得行仍必帖然俛伏臣前此屢經體驗頗悉其情卽此時不值與之海上交鋒而第固守藩籬亦足使之坐困也我 皇上以堯舜之治治中外知鴉片之爲害甚於洪水猛獸卽堯舜在今日亦不能不爲驅除 聖人執法懲奸實爲天下萬世計而天下萬世之人亦斷無以鴉片爲不必禁之理若謂夷兵之來由禁煙而起則彼之以鴉片入內地者早

已包存禍心發之於此時與發之於異日其輕重當必有辨矣臣愚以爲鴉片之流毒於內地猶癩疽之流毒於人心也癩疽生則以漸而成膿鴉片來則以漸而致寇原屬意計中事若在數十年前查辦其時吸者尙少禁令易行猶如未經成膿之癩內毒或可解散今則毒流已久譬諸癩疽作痛不得不亟爲拔膿而逆夷滋擾南洋卽與清釐無異然惟膿潰而後疾去果其如法醫治托衷扶元待至膿盡之時自然結痂收口若因膿精而別無消散其一毒邪內伏誠恐患在羊癩矣溯自查辦鴉片以來幸賴 乾斷嚴明 天威震疊羣船二萬餘箱之繳係英夷領事義律自行遞稟求收現有漢夷字原稟可查並有夷紙印封可驗繼而在虎門燬化煙土先期出示準令夷人觀看維時來觀之夷人有撰爲夷文數千言以紀其事者大意謂天朝法令足服人心今夷書中具載其文諒外域盡能傳誦迨後各國來船遵具切結寫明如有夾帶鴉片大卽正法船貨沒官亦以漢夷字合爲一紙自結之後查驗他國夷船皆已絕無鴉片惟英逆不遵法度且肆騷張是以特奉 諭旨斷其貿易然未有浙洋之事或尙可以仰懇 恩施今既攻占城池戕害文武逆情顯著中外咸聞非惟難許通商自當以威服叛第恐議者以爲內地船廠非外夷之敵與其曠日持久何如設法驅除抑知夷性無厭得一步又進一步若使威不能克卽恐患無已時且他國效尤更不可不慮臣之愚昧務思上崇 國體下恤夷情實不敢稍存游移之見也卽以船廠而言本爲防海必需之物雖一時難以猝辦而爲長久計亦不得不先事籌維且廣東利在通商自道光元年至今粵海關已徵銀三千餘萬兩收其利者必須預防其害者前此以關稅十分之一製鐵造船則制夷已可裕如何至尙形棘手臣節次伏願 諭旨以稅銀何足計較仰見 聖主內本外末不言有無誠足昭垂奕綏但粵東關稅既比他省豐

饒則以通夷之銀量爲防夷之用從此製敵必求極利造船必求極堅似經費可以酌籌卽裨益實非淺鮮矣臣於夷務辦理不善正在 奏請治罪何敢更獻芻蕘然苟有神 國家雖頂踵捐糜亦不敢自惜倘蒙格外 天恩寬其一線或令戴罪前赴浙省隨營效力以贖前愆臣必當殫竭血誠以圖克復自粵省各處口隘防堵加嚴察看現在情形逆夷似無可乘之隙藉堪仰慰宸懷 林文忠公政書 羅接二十一年給還烟價一事別見海船通商互市緣起門

又 諭朕因鴉片煙流毒中外傳染日深屢經降旨飭令地方官嚴行查辦上年頒發新定章程嚴立科條寬予期限務使吾民漸除惡習永絕根株惟自定例以來各省大吏奏報擊獲煙犯所在多有薄海內外必已父戒其子兄勉其弟咸知畏法自新誠恐愚民狃於積習尙存觀望冀倖之私卽日限期屆滿或以無知觸法朕甚憫焉普通諭各省將軍督撫等督飭所屬認真查擊至京師爲首善之區所有部旗文武大小各衙門尤當合力同心嚴查究辦若心存推諉試問盡職乎抑溺職乎斷不可因罪名較重稍存姑息之心仍蹈養奸之習如果實力奉行不留餘孽卽從前查辦不嚴原可寬其既往儻因規避處分仍前玩泄以致錮習不除朕必不能輕恕是在內外滿漢諸臣訓諭督催不遺餘力轉瞬限滿無一藐法干罪之人用副朕除惡務盡之意勉之望之 東華續錄

二十三年諭軍機大臣等著英奏通商事竣朕思鴉片煙雖來自外夷總由內地民人逞欲玩法甘心自戕以致流毒日深如果令行禁止不任陽奉陰違吸食之風既絕興販者卽無利可圖該大臣見已起程著於回任後統飭所屬申明禁令此後內地官民如再有開設煙館及販賣煙土並仍前吸食者務當按律懲辦毋稍姑

息特不可任聽關吏人等過事誅求致滋擾累總之有犯必懲積習自可漸除而興販之徒亦可不禁而自止矣東華續錄

咸豐七年閩浙總督王懿德等奏軍需緊要請暫時從權將進口洋藥量予抽捐以濟眉急得旨依議別項洋貨皆可假爲名目尤不准作爲已經奏明是直與開禁無異也東華續錄

九年諭軍機大臣等此次各國議定稅則內洋藥一項從前未經定稅之時聞地方官多有影射抽收侵吞入己情弊見在既經議有定章官爲收稅自應一律辦理上海爲各商薈萃之所尤應及早奉行見經戶部由驛通行設江蘇省當已奉到曉諭商民一體遵辦特恐地方官希圖掩飾壓關部文不能及早奉行或以多報少藉肥私案皆所不免著桂良花沙納嚴密訪查儻有前項弊端卽行會同該督撫據實奏毋稍徇隱且使東商知此次稅則業經通行獲利已多桂良等亦可藉此爲詞消弭兵釁東華續錄

又惠親王等奏洋藥一項業經立定科則其無軍務省分照前奏關稅章程按三個月一面報部一面起解不准留抵別項支用從之東華續錄 詳見釐金開辦事例門

又惠親王等奏遵議兩江總督何桂清等奏洋藥關稅請酌量減輕一摺查洋藥一項前奏推行各關照上海稅則每百斤收銀三十兩各省均已遵照辦理何獨江蘇各關僅徵稅銀數兩應令江海關監督設立印票填註商名並洋藥若干斤應交關稅銀若干兩給該商持赴經過稅關驗票納稅後換票放行卽將原票繳回仍令各關查照上海科則一樣輸課卽將所徵稅銀按三個月造冊報部以重稅課而昭覈實至洋藥徵收釐捐本與關稅有別原定銀二十兩既於軍餉有裨應毋庸再加銀十兩以免該商藉口此後洋稅啟徵時仍飭令

該商照常捐不得以洋稅抵作捐釐以杜牽混從之東華續錄

又戶部議時閩浙總督王懿德等奏請將洋藥進口徵收稅銀仍歸地方官委員徵解得旨准抽釐原屬二事該督等欲含混爲一並以稅則三十兩爲抽釐報數不獨以後抽多報少徒飽私兼可冒銷前收之款爲調劑屬員起見殊屬取巧過甚依議行東華續錄

十年諭有人奏各關稅課本有定則近因洋藥收稅關津處所多設海役巡查往往一衣一履盈千累百且有得錢賣放之事稅款仍難足額其弊各關皆然而杭關爲尤甚清明定罰款章程弊等語奸商偷漏例應議罰然使任聽胥吏高下其手則徒爲行旅之累而於國課仍無裨益其所參情節嚴密查訪如杭州各關實有以罰款爲名肆行舞弊之事卽著嚴參懲辦以儆其餘至如何明行榜示使胥役無從影射以期實惠及民之處並著該撫實心整飭毋得視爲具文以空困東華續錄 互見關稅禁令門

十一年諭軍機大臣等上海新定洋藥納稅章程密迪樂稱洋商已完上海進口稅斷不能重收和販洋藥寓居洋涇濱之駱增美一犯該並公不便准查拏於稅捐殊多掣肘見在各國通商均應循照舊章方能允協著恭親王奕訢等卽照會普魯斯令其通飭各口領事官一體遵照至商出口所納洋藥之稅兩不相礙該領事總以徵收華商之稅礙及洋商貿易論薛煥妥爲辦理隨時留心儻普魯斯轉據密迪樂之言有所陳瀆卽據理辯論並將私販之犯令其交出以杜弊又諭恭親王奕訢等奏覆陳稅務事宜並赫德呈遞清單及稟呈內所陳各事宜分別辦法各

藥抽稅章程前經王大臣會議稅則通行但今昔情形不同未便拘泥赫德既稱收稅愈重則走漏愈甚其論尙可採擇卽著恭親王奕訢等斟酌情形妥議章程總期稅務日有起色方爲妥善東華續錄 互見洋關稅則洋稅原始門

又諭恭親王奕訢等奏洋藥各口徵稅情形一款內據稱通商本口作洋藥生理者或令請領字號招牌或

令呈明請領印票執照以上各款著薛煥崇厚妥籌辦理

東華續錄

同治元年諭內閣王慶雲奏請定官弁士子兵丁吸食洋藥限制一摺前於咸豐九年間經惠親王等奏定弛禁洋藥章程內官弁士子兵丁仍不准其吸食以示限制茲據王慶雲奏瀝陳官弁士子兵丁吸食洋藥請嚴定限制等語所陳洋弊實爲切中窺要洋藥一項雖已弛禁惟流弊之甚者於風俗紀綱殊有關繫文武官弁各有職司儻俾晝作夜百事廢弛安能整頓諸務士子勵志膠庠備登仕版若學業荒蕪安能復成大器兵丁奮力戎行宜嫻習軍旅儻精神疲軟技藝荒廢安能陷陣摧堅現當訓迪官方整飭行伍之際豈容任其自暴自棄不加明禁自後吸食洋藥除平民仍照變通章程不在例禁外其官弁士子兵丁三項著仍照變通章程一例禁止並著文武各該管上司及學政教官等實力查察有犯者立予重懲斥革不准姑容徇隱以期力挽頹風至太監服役禁近宮衛森嚴尤不准以洋藥帶入禁地著總管內務府大臣飭知內廷總管太監等嚴行禁止如查有犯禁者卽行查辦以昭嚴肅

聖訓

九年諭軍機大臣等戶部總理各國事務衙門奏廣東徵收洋藥正稅請飭自行覈實辦理一摺據稱接據赫德申稱香澳併徵洋藥正稅粵省既不承辦該省洋藥稅走私甚多擬在附近香澳等處設立公所代關納稅

已將巡查洋稅之輪船調赴廣東委副稅務司專司其事每月需經費銀一萬兩年終計可多徵洋藥稅銀四五十萬兩等語廣東洋藥稅偷漏甚多該省雖派有輪船查緝甚不足恃若謂徵稅不便於商情何以辦維能辦理使瑞麟等果能興利除弊則稅務自日有起色何至洋人越俎代謀據該稅務司所稱每年多徵之數可至四五十萬是已確有把握惟華商納稅係該省應辦事件地方官更豈可置身事外著瑞麟崇禮按照德原申各節及戶部等衙門此次所奏即於收釐處所帶收正稅由該督等自行商辦總在巡緝認真嚴防偷漏毋得任令委員蒙混以除從前積弊月需經費銀兩准由該督等自行覈定正稅撥三十兩之數徵收仍於年終將總數報部惟利源所在見如自行商辦必實無走私偷漏情弊方為覈實辦公不至為洋人竊笑該督等務即詳定章程斟酌妥辦東華續錄

光緒七年諭左宗棠奏禁食鴉片請先增洋藥土煙稅捐一摺著南北洋大臣福州將軍各省督撫粵海關監督各處關口地方情形詳細體察將稽查徵收章程悉心妥議覆奏候旨定奪此事務在必行該大臣等當熟籌辦法期於大局有裨耶鈔

直隸總督李鴻章奏竊維洋藥流毒甚深既難驟然禁止只可先加釐稅藉以稍濟餉需而煙價較增吸者或漸減其癮未始非徐禁示罰之意臣於同治十三年海防事宜案內業經議及惟釐稅加增太重恐致偷漏愈多亦須統盤籌計查洋藥係由印度先到香港然後分運進中國各口香港為英國屬地中外奸商即於該處私相授受檢閱總稅務司開呈各華洋貿易總冊同治十二年至光緒四年所到香港洋藥每年八萬四千餘箱至九萬六千餘箱運銷各口有稅者則止六萬五千餘箱至七萬一千餘箱光緒五年所到

香港洋藥十萬七千餘箱運銷各口有稅者則止八萬一千餘箱實計每年香港私銷洋藥二萬數千餘除分運新嘉坡舊金山各埠外餘皆不經新關不收稅釐而由沿海各項民船魚艇零星潛運內地且多不入有關卡之正口各省濱海之區蔓延萬餘里河港紛錯沙岸無垠勢難處處設卡節節防查其偷入內地之後路徑四通八達或假冒鑰車官差或附搭眷船行李狡謀詭計百出不窮即使經過關卡亦不能逐人逐件一一搜檢致生事端至賣放包庇之弊在所難免巡丁豈知大義洋藥價值甚昂走私者即偶被查出但分給時值十中之一二巡丁得此已足償數月之薪金未有不縱放者更有豪強之徒糾合亡命執持兵器包攬越結討與販關卡巡役單弱往往熟視而無如何自來私鹽最干例禁巡緝亦較嚴密然販私者無省不有或竟聚夥數十百人公然駛載到處酒賣拒捕兵役雖峻法嚴刑無以戢其心志蓋利之所在身命有所不惜也洋藥拆箱之後包件輕小取攜甚便隨身可以夾帶非私鹽笨重可比其獲利更厚於私鹽什倍百密一疏則騙釐者得計而報捐者向隅此杜絕偷漏不易之實在情形也凡事清其源則用力少而程功易截其流則需費多而收效寡洋藥偷漏之源實在香港惟難於該處稽徵不得不就各省自立章程以爲截流之助臣督飭津海關道鄭藻如查得津關進口洋藥從前每年可銷七千箱近因釐數稍加止有四千箱左右或三千數百箱緣山東河南與直隸昆連地面向皆由津運往今則漸從鎮江煙台分運天津銷數遂減至洋商運洋藥進口應先赴新關納稅將貨起存洋行鈔關不再徵稅凡華商買取者向赴洋藥釐捐局請領聯票逐箱秤驗照章每百斤完正加釐捐銀二十四兩地方善捐耗羨等銀八兩零其由津運赴內地開崇文門接辦藥每包收稅銀一兩零此外如通州唐州關家口固關大名府亦各有稅釐數目請

零並無大宗茲擬稅釐兩項每箱共加至一百五十兩除進口稅三十兩仍由洋商完交外其內地稅釐應合一百二十兩較前增數甚鉅自應設法嚴防偷漏據鄭藻如詳稱擬由海關另設關棧洋藥進口立即起釐棧內勿再分存洋行以免散而無紀馮有華商購買先赴總口釐局交足捐項方准出棧惟關棧之設固能防弊尤貴使商應令總稅務司妥籌辦法應否知照各國公使俾免掣肘由總理衙門察酌辦理至棧租一切與洋商無涉惟火險須洋商自保所有口岸轉販洋藥之華商字號擬令先領部帖方准開設部帖由關道核給每張令繳費銀五百兩十年一換既須領帖又重其費庶開設較少稽查較易並令五家聯保一家偷漏四家同罰其餘行戶及舊日號商現未領帖者一概不准私販洋藥土煙犯者全貨充公該商出賃領帖利歸獨擅遇有私販自必尋蹤稟擊亦足助局卡之耳目其由沿海各口零星偷進者擬酌設小火輪船二隻專在海面巡緝並飭近海州縣營汛出示曉諭協同稽查儻有私帶洋藥進口被人指報者拿獲後全貨充公以其半賞給指報之人不必再科私運之罪以免挾嫌害惟海面廣裝之船隻內地私囤之舖戶一經查獲必予重懲州縣營汛如能緝獲私販洋藥積至一百斤以上者記功一次積功五次奏請議敘十次准保升階升銜以資鼓勵至三聯印票係爲互相比對而設稅務司專管口岸之稅不管內地之釐斷於總口設釐捐總局應卽由總局刊發三聯票以一聯留局存根一聯彙送總理衙門一聯給華商爲已完內地稅釐驗據貨到所銷之地將票呈官查收仍申送總局備核此擬洋藥進口稽查防弊之辦法也洋藥惟海關有一定稅則其餘內地稅釐各省輕重不一若照左宗棠所擬加增捐數必須各省議定統歸一律並俟奉旨後定准日期南北同時開辦勿使有多寡遲早之分庶免一口獨重商趨避而餉源立竭至

天津所收洋藥釐金向供海防練軍兵輪船薪糧及地方善舉之用本已入不敷出其崇文門通州各處亦藉稅釐以濟公需今統在總口捐交在其分販內地概不重捐則凡向有釐稅之處進款全無必至辦公竭蹶擬此後洋藥進口除海關每百斤收稅銀三十兩外應接總口釐局所收之數分作十成以六成劃補天津從前收款解交津海關庫仍爲軍餉船糧善舉等用其由津分販內地者如係運經本省向有稅釐地方應按該處向來洋藥百斤徵銀若干照數劃出由局按月移解濟用別省稅關釐局不得援請劃解除分別劃交各處及巡緝火輪關棧局用經費外其餘存候指撥或解部充餉此洋藥加徵釐捐須各省統歸一律及就津口收數分劃應用之辦法也天津土煙無多稅釐收數甚少每年不過一二百兩或三四百兩其運銷各州縣者皆不入津境各路土煙價亦不一茲就天津售價計之最貴者山西所產每百斤值銀三四百餘兩其次山東河南奉天所產每百斤值銀三百兩上下又次四川所產每百斤值銀一百餘兩若就價值之高下遞分稅釐之等差實開滋弊之端今擬不分何處出產統照洋藥內地稅釐之數減成徵收土煙無進口之稅暫按一百二十兩三分減二定爲每百斤共徵稅釐銀四十兩此口徵則彼口免彼處徵則此處免完過稅釐之後領有執照無論運往本省何處均不重徵蓋土煙路路可通人人可帶更屬防不勝防捐數稍減或偷漏較少且土煙之課究比洋藥爲輕而民財亦不外耗釐將來洋商無利可圖洋藥漸不來華再增土煙稅釐益加厲禁尙未爲晚所有稽查防禁事宜應酌照洋藥辦理惟直隸地方平坦遼闊頭項地道斷難備設局卡徒糜不貲之費轉添無事之擾只有擇要責成地方官如晉豫東奉入直要道卽責成該管道府督同州縣就近認真經理如能緝獲私販一體記功給獎此土煙擬加稅釐稽查防禁之辦法也總

之加捐易辦偷漏難防俾藥來自外洋洋人利在多銷必多方以繞我查禁之法土煙產自各省官役力難
竭及必多方以求其繞越之途臣熟籌辦法但盡其力所能爲未敢謂確有把握至臣所轄山海東海兩關
現尙未據獲到該兩省情形雖未盡同大致無甚區別如將來南洋各口一律照加該兩口自可酌照直省
章程會商核辦其藥盤內向有解津之款仍應核數劃除將津海關道擬設關棧稽查大概章程咨送總
理衙門查核外所有遵議緣由理合恭摺由驛覆陳李文忠奏謹

九年諭總理各國事務衙門奏請飭出使大臣商辦洋藥稅釐事宜一摺洋藥稅釐併徵載在煙臺條約延擱
數年迄未開辦迭經該衙門與英使威妥瑪商議總以咨報本國爲詞藉作延宕地步該使現已回國著特派
曾紀澤辦理洋藥稅釐併徵事務該大臣洞達事體向能力持大局務將此事查照該衙門節次電函與英外
部妥爲商辦期在必成如李鴻章前議一百一十兩之數併在進口時輸納即可就此定議仍著該大臣酌度
情形力與辯論其應如何酌定防弊章程設立稽徵總口之處均由該大臣與英外部商定後報明該衙門咨
行南北洋大臣詳議核辦洋藥流毒多年自應設法禁止英國現有禁煙善會頗以洋藥害人爲恥該大臣如
能乘機利導聯絡會紳與英外部酌議洋藥進口分年遞減專條期於逐漸設法禁止尤屬正本清源之至計
并著酌量籌辦將此諭令知之欽此

十一年七月出使大臣曾紀澤奏竊臣於光緒九年三月初十日承准軍機大臣字寄九年正月十二日奉
上諭著派曾紀澤辦理洋藥稅釐併徵事務等因欽此仰見我 皇太后 皇上軫念慎察維持習俗既思
裕課通商之計仍以振民育德爲心跪讀之餘莫名欽感先是臣於光緒八年秋間接准總理衙門七月初

三日函稱洋藥加稅一事屢與威使商酌迄未就緒嗣因北洋大臣李鴻章議於正稅之外加徵八十兩統計釐稅一百一十兩威使加至百兩之語并據照會已咨本國倘外部詢及卽望與其酌議自仍抱定一百一十兩一層辦理如能就範自屬最妙倘彼堅執不稍轉移或我示以大方卽照威使百兩之議辦理此事卽可定局嗣准該衙門光緒九年四月初五日函稱威使原允百金如不能辦加中國亦祇可俯從內地免釐自應切實據承酌議辦法拆包零售卽未便另收稅項土煙釐金亦須酌加決無偏抑洋藥之理惟土煙成本既輕難與洋藥一律且此層亦關係中國自主卽各國科稅往往重於客而輕於土勢不能以柄授人措詞應留地位等因伏查洋藥稅釐併徵一案曾經前任駐英出使大臣郭嵩燾與前任英國外務部尚書侯爵沙力斯伯里面商擬收每箱釐金銀六十兩合正稅共銀九十兩沙力斯伯里堅執不允又經原任直隸總督張樹聲與英商沙苗商議承攬之法合計正稅釐金共一百兩經總署王大臣議駁并於覆奏摺內聲明將來英國如果自願設立總商承辦屆時應如何議定稅釐併徵確數再行奏明辦理等因其時英廷既不以沙苗承攬爲然亦不允照沙苗所擬章程中百兩之數沙苗一案遂亦作爲罷論臣思大學士左宗棠奏請洋藥稅釐併徵一百五十兩之議原非專爲稅釐起見實欲藉擡藥價價值使民間吸食漸少其後數處商議陸續跌至百二十兩百一十兩一百兩九十兩紛紛不一及臣遵 旨與英國前任外部尚書伯爵萬蘭斐爾暨侍郎庸斯弗德克魯等商論之時或具分條節略或與逐條面談該外部援引前說力爭數目久而未定禁煙會紳屢發莊論責以大義外部始允加至一百零五兩臣恪遵 諭旨仍未敢遽行籌口最後乃爭得一百一十兩之數本年二月准該外部允照一百一十兩之議開具節略咨送前來并據照會聲

明專條既定如中國不能全有約各國一體遵照英國即有立廢專條之權等因外部始欲將此意載入專
條准條經臣爭之再四乃改辦照會查總理衙門光緒九年四月初五日來函即稱如議定併徵稅釐章程
不患各國不允臣愚蒙之見亦以爲英國約章既定之後在我儘可將各國未向海口照章納釐之洋其進
口而加重內地釐金務使各國不能不遵英約本非甚難之事然各國不遵英即廢約之語如徑載入約內
誠恐各國串通挾制抑或藉此市惠希圖別項利益臣所以力爭不肯載入約中也臣細查所送之節略即
係商定之約稿其首段限制約束之語先經屢次爭論乃得寫入專條緣逐年遞減之說印度部尙書堅執
不允據印度部侍郎配德爾密告臣處參贊官馬格里云照專條辦法印度每年已減收稅課英金七十餘
萬磅中國欲陸續禁減洋藥入口惟有將來陸續議加稅金以減喫食之人而不能與英廷豫商遞減之法
難藥蓋印度種煙之地未盡隸屬於英英廷雖允遞減亦無權力見諸施行等語臣知英吉利係君權有限
之國該侍郎所稱無權力見諸施行者係屬實情遂未堅執固爭而請外部於專條首段加入於行銷之事
須有限制約束之意一語以聲明此次議約加稅之措而暗伏將來修約議加之根至如何酌定防弊章程
設立稽徵總口之處查煙臺條約第三端第五節原有由英國選派領事官一員由中國選派平等官一員
由香港選派英官一員會同查明核議定章總期於中國課餉有益等因臣於此次所訂專條第九款又復
聲明前說將來派員商定自不難妥立章程嚴防偷漏其餘各條核與舊准總理衙門函電囑辦之意情形
相同比卽摘要電請核議代表奏旋於五月初二日承准該衙門覆電聲稱事卽照議書押遵 旨電達等因
雖時適當英外部尙書伯爾葛蘭斐爾退位前外部尙書侯爵沙力斯伯里推爲英國首相仍兼外部尙書

之任該尙書卽係堅拒前出使大臣郭嵩燾稅釐九十兩之議者臣恐事有中變繼次催請訂期畫押該外部忽稱印度部因內閣學士周德潤奏參鳳陽關違例收稅一摺索臣文據擔保此次所訂專條不致爲官吏所壞卒致不行等語臣復向外部辯說最後且願聲明條約既定不至有例外之勒索照覆去訖始准該外部六月初三日來文定期初七日畫押臣屆期帶同英文參贊官馬格里法文翻譯官屢常前往外部與沙力斯伯里將續增條約專條漢文英文各二分校對清楚互相畫押蓋印此先獲辦理釐案之大略情形也伏念臣以菲材膺茲重任深懼措施失當上負 天恩茲幸英外部克如所請按此次所訂條約除第二條稅釐併徵數目恪遵 諭旨議得百一十兩外又於第五條議得釐藥於內地拆包零賣仍可抽釐是內地并未全免稅捐將來若於土煙加重稅釐以期禁滅則釐藥亦可相較均算另加稅釐至總理衙門函稱土煙加稅措詞應留地位一層臣於專條中并未提及土煙加稅之說以保我中國自主之權凡此皆仰蒙 聖訓指授機宜許臣以酌度情形妥爲商辦加以總理衙門王大臣平心體察函電周詳俾臣有所遵守是以英國廷臣雖經疊次更易終得贖我範圍也 會憲敏公奏疏

出使大臣曾紀澤奏光緒二年七月二十六日大學士直隸督臣李鴻章奉 命在煙臺與英國使臣威妥瑪議定條約各款內有釐藥稅釐併徵一節未定數目光緒九年正月十二日奉 上諭著特派曾紀澤辦理釐藥稅釐併徵事務等因欽此臣奉 旨之後與英國外部詳細商論現已遵 旨議定釐藥每箱稅釐共徵銀一百一十兩併在進口時輸納由海關給與憑單運往內地無須再完稅項至貨包開拆之後如有應納稅捐等項當與土煙價值相較均算以昭平允所有釐藥稅釐併徵辦法及憑單式樣均於續增專條

中分條聲明合將大學士直隸督臣李鴻章前與英國使臣威妥瑪在煙臺議訂之條約暨徵臣此次與英
外和議訂之續增專條合編成冊飭派隨員候選知府李炳琳齎至京師由總理衙門代為恭進伏候 聖
鑒事欽此

會紀澤致兩廣總督張之洞書粵藥稅釐併徵一案延宕累年詎未就緒紀澤接辦又將二載今春始得
一百一十兩之數遵 旨於六月初七日與英廷遣押定議七月初一拜發正摺將條約專條奏請 批
准其中措辭均為以宣露地步故用公牘鈔稿咨達與英另具密摺詳敘歷年商議辦理情形謹鈔底稿
附函寄呈台鑒不另具牘此案昔年左相疏請每箱加稅百五十兩當時若撤開威妥瑪聯絡禁煙會紳
與英廷晝夜磨難縱不能得百五十兩然尙可不止百一十兩既開口而復爭則卽此百一十兩亦費盡
九牛二虎之力粵閩粵各口岸藥釐金有九十餘兩八十餘兩者此約訂後較前轉為減收未免棘手然
統大局言之總以釐一併徵嚴防偷漏為是丈謂何如會惠彼公全案

錢沅帶征藥釐金表附

粵寇竊發軍用增繁策時膏粉權百貨之釐以供兵食釐納於卡稅征於關意同事異並行不悖者也軍
事既定卡未盡裁度支所繫非同苟斂而華人顧竊竊焉議之彼豈敢干我國政哉徒冀輕減貨值以廣
其運售之途耳光緒初年煙臺會議始允各口岸免征釐貨釐金於是有粵藥歸關釐稅並征之議先
是歲戊辰我與英使阿禮國修約議定藥百斤稅進口五十兩視舊額增二十兩彼中商會阻行報未
互換而各省之權藥釐釐也又奸商竊更交相為幻納釐之數恆不及納稅之半於是思釐稅並征以防

之意取有百斤之稅卽有百斤之釐無避隱患也至十一年使臣始定議於倫敦十三年通商十九口咸奉新令百斤之釐稅三十兩釐八十兩都一百有十兩並征於關又以釐藥來華香港總匯也澳門歧路也之二地者久假於人非設關於附近不足以清漏稅之源而遏其流設關後進口果增數見第十一表

願葡視澳門不當其釐香濤換以相要遂有大西岸換約之舉大西岸者葡萄牙國通稱也自前明入中國居澳門至我朝同治七年會議索回是地而界以道路釐臺之資百萬金簡日使日斯巴尼亞瑪斯爲行人往議未成今者設關之故特立條約允其永守澳門論事者較量得失未嘗不歎息於洋藥之爲禍烈也

十三年	〇〇一七二八六	〇一五二六四七	〇〇四四九二三	〇〇八二八三五
山海	津海	東海	宜昌	江漢
九江	蕪湖	鎮江	江海	浙海
〇二二七七三六	〇三一一二三四	〇三五六九二三	〇九五三七一〇	〇二五三九二九
歐海	閩海	淡水	臺灣	廈門
〇〇〇五〇二四	〇三六七〇四二	〇一三二二八一	〇一六八八〇〇	〇三七八四〇二
渤海	南海	大嶺	瓊海	北海
〇三六一五九九	〇一七九九八七	〇二二八二三	〇〇八八五一〇	〇〇六〇四五四

二十七年江督劉坤一鄂督張之洞會奏方今籌餉最急然而粵匪掘難得鉅款釐金將撤礙難再加釐價

屢加亦過難重惟有加價於洋藥則不病民而增鉅餉查法國及西班牙運售火柴呂宋煙日本在臺灣收售洋藥土藥皆由公家收買分銷今擬仿照其法檢海關貿易册光緒二十五年洋藥進口銷售者五萬九千一百六十一擔溯查以前五年大率五萬擔上下最多者六萬三千一百餘擔最少者四萬八千九百餘擔每擔一百斤以六萬餘擔計合九千六百萬兩現在時價每兩價銀五錢姑以大率作一萬兩計算共計價銀五千萬兩稅釐在內擬以後由官設局在各關進口時全行收買然後轉發散商分銷各省照時價加二成發商轉運專售除稅釐照數撥還海關外計每年可得盈餘一千萬兩官局先向洋商總收繳聽華商領運發商以後運赴何路價值低昂銷數盈絀全不過問尤為簡易但每兩五錢係華商轉售之價其中必有餘利然則買價尙可在五千萬兩之內惟香港及沿海一帶須設巡緝小兵輪數艘光緒十三年赫德開辦洋藥稅釐併徵時創設巡輪其船式船數地段經費及巡緝之法總署均有奏案可考上海宜設總局各海關進口處所宜設分局計巡船及總分局委員司事人役經費約計需銀二百萬兩以內開辦之初須籌銀一千萬兩以爲資本即向外國銀行息借應用分爲十年歸還此乃有著之還款利息必輕先與議定總數隨時陸續提用起息除去巡船局費歲還借款本息實可得銀七百萬十年後借款還清即可歲贏八百萬兩爲鉅款先行試辦一年辦有成效一年後再加價一成則盈餘更鉅若華商運銷暢順以後售價仍可相時酌加即加價五六成以至加倍亦於良民無損設或因加價滯銷候至半年尚無起色則酌量減價極之仍照向來售價自可銷出亦必無賠折之理向來洋藥到口未必立時全行銷去今由官全數收買亦於洋商有益可與該洋商議明每年共分幾批每批貨到立時付定銀二三成其餘付給三個月期票三月

以後自然華商分來領運即以商費轉付洋商惟初行加價轉售之章華商必然期望希圖減價不及半年存貨已盡斷不能始終把持故必須籌辦半年資本方能堅持定價然洋商既可收期票故只須籌三個月之費即已足敷周轉自去年土藥加稅三成以後土藥運銷之數並未減少然則洋藥加價二三成亦必無礙藥商未必始終抗拒至內地土藥業經加收稅釐三成則英商當亦無所藉口若各官局有未經照加者應查明切飭一律實加三成其巡船未造成之先可暫以南北洋兵輪充用經費亦可稍省此舉應先與英國商明訂立專約每年包銷大萬擔不准多運來華包收二年二年後體察情形再訂續約近十年銷數不旺至光緒二十五年而始多今每年有切實銷數英人當亦樂從惟華商出洋私運進口不可不防若非英國實力助我防察斷難盡行杜絕除巡船稽查外應與英國切實議定只有各口官收英國不准絲毫私售華商以杜影射如查出有華商私買私運重立罰約印度若不濫售則偷運之弊立窮在我防之則甚難在英人禁之則甚易此為第一關鍵若英肯訂約實辦則此舉之有益巨餉確有把握矣擬請 欽派大臣一員駐滬辦理此事名爲總理藥務大臣此事任重款鉅而其事甚簡只須操守廉正確實可信於外國情形不隔閡者即可勝任其各口分局委員統聽該大臣選派考核隨時備一分往巡察此舉在中法則無害於民生在西法則無礙於商務應請 朝廷飭議迅速施行

包世臣云鴉片產於外夷其害人不異鴆毒故販賣者死買食者刑例最嚴然近年轉禁轉盛其始惟盛於閩粵近則無處不有即以蘇州一城計之吃鴉片者不下十數萬人鴉片之價收銀四倍率算每人每日至少需銀一錢則蘇城每日即費銀萬餘兩每歲即費銀三四百萬兩統各省名城大鎮每年所費

不下萬萬近來習尚奢靡然奢靡所費尙散於貧苦工作之家所謂楚人亡弓楚人得之惟買食鴉片則其銀皆歸外夷每年 國家正供并鹽關各課不過四千餘萬而鴉片一項散銀於外夷者且倍差於正賦夫銀幣周流鑄產不思何以近來銀價日高市銀日少究厥漏卮實由於此況外夷以泥來內地以銀往虛中實外所關匪細所謂鴉片耗銀於外夷者其弊如此安與四種

夏鑾云方五口之通商也外洋出入之貨多定以稅則載入條議中惟鴉片以新例初頒釐端遂啟因之三帥掩耳盜鈴既不敢申明前禁又未便擅定稅章遂置此款於不議於是各洋歷年進口之貨反以此不入稅者爲大宗而吸取之徒不禁張膽明目以趨燕薶之市舊例洋商以貨易貨不准交易紋銀自茶絲弛禁通行乃有番洋入中國者又自五口通商外洋獨專鴉片之利乃有易貨不敷補給外洋紋銀者近則洋商定議專收元寶帶回本國更易番洋漏卮之弊莫此爲甚英人自五口通商以來印度鴉片之稅歲增至八千餘萬見西人新聞紙中則中國進口之銷數可想也嘗取居奇關胥中飽國課支絀軍餉浩繁乃於咸豐五六年間東南各省奏請抽釐以充軍餉始自江蘇之上海定以每箱二十四兩以二十兩歸入軍需支撥四兩作爲辦公經費其後江右粵匪由杉關竄入閩界閩督奏請援照江蘇從權辦理復以軍餉緊迫向洋商貸銀五十萬兩以扣稅歸款此見外洋月報言領事官出示云旋又經興泉永道出示定以每箱四十員外加費八員浙之寧波有本地客戶與洋商往來議定箱價願赴官包繳每月釐金其他若江西之河口安徽之屯溪皆以此爲釐金大宗藉以接濟軍餉然其優漁偷漏爲不少矣八年冬有人奏請定鴉片稅則歸入各關口一體征收經王大臣會同戶部議奏運名曰洋藥以昔年本照藥

材上稅也議內言洋藥一項除係官員兵丁太監人等照例治罪又私售藏奸聚賭者照聚賭例治罪外其餘民人概准買用凡外洋及內地客商在各省關口貿易者均應酌定稅則上海一口議定每百觔稅銀三十兩 據西人以箱計每箱一百二十斤專賣煙案內稱日久斷乾亦將在百斤以外會官其大車耳所有各海口及天津關均係一水可通再內江河面凡船隻能到各稅關口者均請照上海一律輪稅至崇文門及各省由旱路轉運者均請每百斤減稅十兩作為腳費一切緝私章程照各稅關口定例辦理各府州縣不准再為影射私征其各稅關口毋庸另立條款以歸簡易其各省關口於所征此項稅課不必歸入各關歲額報部自接到部文之日為始三個月將所征稅銀兩簿一面報部一面起解交庫不准奏留撥充用項其民間買用於九年三月初一日出示曉諭一月以後悉照新定條例一體遵行等因奉 硃批依議中西紀事

又云洋藥按新定稅則征收始於咸豐九年先是滬中定約經欽差桂相等與三國面議謂稅則約內所定出口進口之貨均按照百中取五以為則式惟查洋藥係例禁進口之物現因定稅弛禁通融辦理應與各貨分別徵收另立專條以示限制三國皆以為然乃於滬中稅則條約第五款內開向來洋藥不准通商今定稍寬其禁聽商遵行納稅貿易今議洋藥准其進口每百觔納稅銀三十兩惟該商止准在口銷售一經離口即屬中國貨物祇准華商運入內地外國商人不得護送即天津條約第九條所載英員持照前往內地通商並二十八條所載內地關稅之例皆與洋藥無涉其如何征稅聽憑中國辦理嗣後遇修改稅則仍不得按照別貨定稅等語查洋藥按百觔征稅三十兩原係征之海口征之洋商者今約

內載明一經離口卽係中國貨物則此後運入內地之洋藥皆係征之華商與外國人無涉其征之華商者聽憑中國辦理則須照內地例逢關納稅過卡抽釐故自新定章後各省惟海口三十兩之稅一律辦理餘則收稅收釐應酌量情形隨時隨地或增或減悉憑中國辦理外國人不得干預乃上海方按新章照行而據英國在京之威妥瑪咨稱上海設局抽釐征進口稅銀三十兩外又另征銀五十兩與條內明文相謬大爲商民不便等情經總理衙門行查江蘇去後旋准咨照洋藥進口每百觔征洋稅三十兩管與內地商人征華稅三十兩釐捐一十兩是征之洋商者僅有三十兩其餘五十兩皆征之華商與洋商無涉等因准總理衙門照會英使威妥瑪始不能辯續據英國總稅務司赫德來京呈遞清單內有洋藥各口情形一款內稱洋藥抵中國者每年約有七萬箱稅則太重卽敢保私偷漏之端現議有兩項征法一則進口時征一次重稅每箱六十兩完稅後准往各處而不復另征別稅一則進口時按則征收洋稅三十兩再征華稅十五兩准在通商之本府所屬境內不再加征一出本府之境應聽憑地方官隨時設法辦理等語當經恭王等與之辯論謂洋藥一入內地總以由中國任意征稅爲是而赫德謂現在上海辦法並無起色如照單內辦法征洋稅三十兩華稅十五兩猶恐不無走漏是以到香港者雖有七萬箱而單內祇以六萬箱估計若照內地辦法另征稅銀三十兩釐捐二十兩竊慮有名無實走漏愈多恐所征尙不如每百觔僅征四十五兩之多復經恭王等反復駁詰赫德仍堅執收稅愈重走漏愈多之語遂奏將呈單發給南北通商大臣妥議在案又據赫德另呈洋藥一款內稱廣東省城設有洋藥抽釐總局如有人先在局納釐銀五十兩卽無庸在關上完納正稅等語亦經總理衙門行查入粵在案續經恭王

第仍照原辦洋商交稅祇准在海口銷賣不得運入內地其實與華商後如何征收稅銀之法洋商不得過問又議定土貨復進口之貨應聽憑中國逢關納稅過卡抽釐則洋藥之入內地者即使洋商影射銷售而征稅征釐悉與華商無別於是外洋無從取巧華商始慮蓋威赫二人之請欲以便其洋藥運入內地之私心而所稱保私走漏等弊皆自洋商作俑而華商效尤即使納稅抽釐節節防範而滬約所謂洋藥一經進口即為中國貨物之說亦成具文矣長江通商自屬內地則由上海進口時洋藥已征過正稅三十兩此後所過皆子口稅也又洋商在內地不得銷售洋藥則自上海入江之後皆華商也當滬中議定開關照長江暫定章程辦理核其條款並病洋商售賣洋藥征稅之條忽據九江道詳稱英商運洋藥來滬銷售內地商人於承買洋藥後遵照岸路藥稅章程每百觔征銀二十兩乃英商藉口收稅以致貨物阻滯為詞所有九江關征收洋藥稅銀可否查明停止抑或離口另行設局征收請咨總理衙門核示飭遵等因由江撫咨照旋准覆稱洋藥一項由上海入長江其進口正稅已在上海納完到九江時原不能再令洋商交稅惟洋商止准在口銷賣不能將洋藥運入內地其實與華商後如何征收華商稅銀洋人不應過問所有應征華商洋藥稅銀自應照常辦理至應否離口設局征收之處該撫既已分咨戶部應由戶部核覆可也予謂洋商不准將洋藥運入內地焉有准其在滬銷售洋藥之理祇因長江一開內地漫無限制行棧既設國積居奇決不肯身居內地而聽洋藥售於海口以讓華商之利者海關既不能禁則除逢關納稅過卡抽釐外別無辦法現在九江設關亦復稅釐兼收不分華洋是滬中第五款之約實自長江一局破之也洋藥進口以香港為總匯之地屬英國單下彼處設有公會稽查上稅之後方

准運往中國各口故赫德單內稱有每年七萬箱之數然但就六萬箱估計稅則其餘皆各口之漏稅也單內詳其漏稅之口以粵東爲最大而福州廈門次之據稱香港係中國無稅之口四面有海離岸不遠而粵東水路多歧因此各船不論大小均可到港洋藥物小價賤偷漏難防其自香港運入粵境亦非外洋船隻都係各鄉村渡船漁船或販私鹽船更有官設保私之巡船不難指明其名者此等船隻若有海關船前往查拏則開槍砲抗拒不遵查驗漏稅之多即以粵海一區論一年便有五十萬兩則二萬餘箱矣又據單內照其所定每箱稅銀四十五兩估計各口每歲之稅額天津牛莊登州洋藥以每年二千箱算應納稅約八萬兩上海長江一帶以三萬餘箱算應納稅約一百五十萬兩福州以四千五百箱算應納稅約二十萬兩廈門以二千二百箱算應納稅約十萬兩廣州以一萬二千箱算應納稅約五十萬兩潮州以一千八百箱算應納稅約八萬兩此外臺灣瓊州寧波等處無從核算亦約有數千箱此六萬餘箱洋藥抵中國各口稅則之可考者也 內地人之做洋藥生理者審口一也行戶二也煙館三也自咸豐九年三月許民間實用之令下則與各貨之開張者無異而稽查稅則勢不能不設法辦理於是赫德單內言欲做此等生理者須先赴關呈明擬在何處開張洋藥店鋪請領字號招牌並頒准充執照方許開張給准照者應以一年爲限請領准照之人應分別審口經紀煙館三項照內注明某項應納銀若干若在通商港口請領執照者無庸拘定限額以符定約等語又後開另款內稱在上海做洋藥生理者應由戶部行文地方官出示禁止包攬霸市但驗明有准照者或經紀或審口或煙館均可隨意或在棧房或在頓船不論與外國何人置買洋藥等語予謂做洋藥生理須給准充執照即中國牙行領帖承充

之例惟生意有大小而稅則之多寡因之既屬稽查不易而其單內所稱通商港口不必拘定限額及另款指明上海做洋藥生理者不論棧房頓船與外洋交易洋藥者悉聽其便凡此皆為洋商自運自賣之人預占地步上海入口即係長江頓船既無所不通棧房亦隨處可設豈復有華商洋商之別耶總之天津第九條之新議既行長江暫定之章程繼出從此中外疆界不可復理不特經紀寥寥華洋混充將來游歷內地之洋人貲本漸虧亦可開設煙館所謂錐刀之末將盡征之若使華商不黨比洋人沾其餘瀝豈復有營生寓足之地哉中西紀事

中英訂定商約第八款附之第四節光緒二十七年

洋藥現在併征之稅釐仍照現行各約章所載辦理以後應將該釐金作為加稅

征榷十五

雜稅土藥稅 禁令

道光三年諭內閣明山奏體察滇省地方情形分別辦理一摺前據御史尹佩棻奏滇省應辦事件降旨令明山體察情形茲據該督酌議分別妥辦朕詳加披閱內嚴禁鴉片煙一條迤西迤東一帶將鴉片熬為鴉片最為風俗之害該御史原奏並有文武衙門幕友官親武弁兵丁亦食此烟等語著該督撫嚴飭該管文武在關津隘口留心查緝並令地方官實力稽查如本省私種鴉片花採熬鴉片及開設烟館即嚴拏究辦不得假手書役致滋索擾其買食鴉片無論官幕營弁兵役一經拏獲照例懲辦至地方官拏獲量予鼓勵不行查拏酌加處分並著吏兵二部妥議具奏其福建浙江江南廣東各海口查船包稅等弊著各該省督撫嚴行查禁以淨根株 聖訓

十一年諭內閣阮元等覆奏查禁鴉片烟章程一摺滇省沿邊夷民向有私種鴉片收取花漿煎膏名爲芙蓉以充鴉片內地民人亦復栽種漁利自應設法查禁茲據該督等奏稱民間私種鴉片緣費工少而獲利多積習已久該省又多深山窮谷若不峻立其防則奸民易犯惟所稱每年冬令鴉漿出土之時該地方官會同營員親往履查鋤毀一次次年春未開花結苞之時再履查剷毀一次等語該處深山窮谷較多若令種植之家鋤剷是必不可信之事若豫帶多人以備鋤剷之用又無此查辦之法且據稱飭各地方官於關津要道稅口加派誠妥胥役不時督率稽查行旅商脚販帶之弊試思胥役之中焉有誠妥可信者若添派多人責令稽查

不但有名無實且轉滋紛擾無非多增一弊所議皆不過紙上空談於事何濟此事惟當責成該地方官隨時留心訪查不必拘定月日或於稽查保甲之便前往覈查或於猝不及防之時親往查察如有奸民私自種植卽行擊究懲辦儼查無私種將來因案發覺該督等派員前往查出弊端卽將該地方官嚴參懲處並著該督等於每年年終具奏一次至土境夷民栽種鴉粟係在迪西迪南邊外著照所議責成該管道府嚴飭土司曉諭夷民毋得栽種並於每年冬間由土司親查如有私種卽令自練拔毀照例枷責田地歸土司招練承種以爲練田如該土司不能認真查察卽行參究示懲毋許寬縱 聖訓

十八年諭軍機大臣等有人奏雲南地方寥廓深山邃谷之中種植鴉粟花取漿熬煙其利十倍於種稻自各衙門官親幕友跟役書差以及各城市文武生監商賈軍民人等喫煙者十居五六並有明目張膽開設烟館販賣烟膏者其價廉於他省近復販運出境以圖重利等語鴉片烟流毒日甚實爲近今一大患來自外洋者固宜嚴爲查辦產自內地者亦應痛加芟除若如所奏雲南省廣種鴉粟熬烟者日多販烟者日繁喫烟者逐日衆是此等流風惟該省爲甚且外洋烟土難保不借此影射肆意行銷現當整頓鋼習之時尤不可不嚴爲查禁力杜弊源著伊里布顏伯憲通飭所屬嚴申禁令出示曉諭儼查有種植鴉粟及開館販賣並運往境外各弊立卽查拿到案嚴行治罪斷不准意存徇隱以除積習而挽頹風 聖訓

同治四年諭禁山西種植鴉粟 東華續錄

七年申諭各省禁種鴉粟 東華續錄

十年諭禁四川私種鴉粟 東華續錄

由見小一由畏難然臣謂以地以時有不可不禁者四晉地瘠瘠產糧無多早年本恃外省接濟自為儲粟所奪蓋藏益空卽如前此大稷垣曲產煙最多饑斃亦最衆近日種煙之利以交城爲最盛而糧價亦以交城爲最昂賊民害稼確有明證此時若再不遏其流設有偏災豈堪設想此必禁者一也晉省山農多水利少種植爲業之功倍於蔬卉偶有山溪水滯可資灌溉悉以歸之鴛粟此物最耗地力數年之後更種他穀亦且不蕃僅有此區區難得之水利而養此毒民之物此必禁者二也晉省喫煙之癖官吏士民弁兵胥役以及婦人女子雖皆沾染大率鄉僻居其十之六城市居其十之八人人尅贏家晏起怠惰頹靡毫無朝氣在官者不修其職食力者不勤其業循此不已貧者益貧弱者益弱數十年後晉其危乎惟種之多者故吸之便此必禁者三也洋藥稅爲海關大宗今日方籌重徵藉禁外販以爲坊民正俗之謀若內地不禁聽其蕃滋何以關遠人之口此必禁者四也查晉省鴛粟之所以不能禁者一由於上官之禁弛不一朝令夕更一由於官吏之視爲利源圖收畝稅祛此二弊必有成效可觀臣愚以爲禁之有方行之有漸先膏腴而後瘠瘠先腹地而後邊廳責之於鄉保毋徒付之於吏胥遏之於播種之生毋徒毀之於揚華之後力禁苛擾嚴定考成感民以誠未有不動雖不能遽絕根株而少一畦之鴛粟卽多一口之餘糧矣至於官生將卒臣已多方勸戒現仿李鴻章天津所設之戒煙局延醫購藥以冀廣起沉痾屬官中有嗜好廢事分別撤任停委勒限戒斷許令自新弁勇勒限戒斷不悛者汰黜學校諸生由學臣隨時董戒冀以漸摩觀感徐收移風易俗之功謹附片奏陳張宮保啟者

十年山西巡撫張之洞奏爲陳明禁種鴛粟情形查禁各員分別功過請 旨勸懲仰祈 聖鑒事竊維栽種

煙粟耗民元氣各省患之晉爲尤甚欲振 中國之貧弱必以此爲大端臣於上年六月奏奉 諭旨嚴禁
當經通飭各屬實力奉行刊布告示開陳利害禍福行之以漸勸之以誠與農民約今年不得再種卽以栽
種之有無定地方官之功過痛切告戒至再至三惟小民嗜利忘害狃於積習兼以從前示禁非朝令夕更
旋禁旋輟卽地方官吏賄庇優容以故官民習慣視爲具文今欲革歷年錮習非痛加拔除不可欲使通省
廓清非首先攻堅不可查得省種煙最盛之地南爲交城北爲代州交土代土之名聞於鄰省而交城尤爲
之冠於是迭飭印委員弁先赴交城分查互勘窮數日之力徧歷谿谷不避幽險其間東西壺盧地如其名
素爲種煙淵藪民俗較悍號稱難治得使一莖不留其查代州亦如之各屬民戶以交城代州之多且難猶
然禁斷每有聞風自毀改種秋禾者各牧令亦俱踴躍奉行順流而下並令地方官各視土宜教之種桑種
棉種麻種藍種積種菜子種花生以敵其利其極苦貧民婦老無依者酌給糧種以濟其窮其恃賄豪民刁
頑之戶紳庇兵包者嚴提責懲以儆其餘其紳士社長勸導有方者匾額花紅以旌其善屢次明察暗訪考
之紳商士民合通省計之南交北代一律淨絕其餘隴州縣南濱黃河北抵邊外或知其八九或知其六七
通省多少牽算實已禁除十分之八查沿邊各隘務外來藥稅較旺於前則以進貨之多可知土產之少省
城戒煙局就醫購藥絡繹不絕則以吸食之少可知禁除之多果能從此接續而約大吏有司同心竭力持
之不變三年以後可期此害永除善考向來倡爲爲粟不宜禁之說者不曰違抗滋事卽曰錢糧難完其則
曰於民有益勿奪其利今臣行之一年但有偷延絕無梗抗但有官吏所不到絕無百姓之不從兩忙錢糧
輸將如故至交城產煙最盛之鄉經印委劃切開導鄉民咸謂歷年有煙無穀每村必有客民開設小鋪轉

販外來雜糧以供本村賒貸收漿以後盡數取償且種煙吸煙者多係鳩鵲藍縷利歸外販害中本鄉此次禁除深知於眾小民有益悔恨感發至於泣下可見民雖愚而可勸習雖久而能移所以向來不辦者不過大吏畏難有司好利天下興利除弊為難之通患大率類此現屆冬令又值曩時播種之候已由臣重頒告示嚴申厲禁以期逐漸廓清由勉強而馴至自然查督辦重大事務出力例得獎敘晉省查禁鴉粟乃奉旨飭辦之件關係通省民生風俗且力破錮習辦理尤難不有勸懲何以資效除私受畝稅之前署石樓縣知縣汪恩湛另案奏參外所有光緒九年分督查鴉粟殫心竭力雁平道廣蔭應請 旨交部議敘其地方情形難辦查禁尤為出力著有成效之交城縣知縣賈成霖河曲縣知縣徐承吉代理岢嵐州知州馬汝良應請 旨交部從優議敘其辦理得法著有成效之署屯留縣知縣張建功署興縣知縣艾紹濂陽曲縣知縣錫良署高平縣知縣李義銘朔州知州姚官澄應請 旨交部議敘其初辦較緩經本管道督查旋經力禁之署代州直隸州知州余振芳應飭記功一次其承辦不力之永甯州知州賀樹恩靜樂縣知縣李風勳應請 旨摘去頂戴勒限明年認真禁斷如再有遺積即行嚴參報禁不實之垣曲縣知縣趙錫恩趙城縣知縣王耀章絳縣知縣劉斌失察丁役縱庇之五台縣知縣王步墀應請 旨撤任責令幫同各縣查禁如仍不出力即行開缺其玩禁捏報辦理不善之故支村巡檢朱維篤應請 旨即行革職其餘次等出力及有疎懈各員由臣分別給予外獎飭司記過勸懲張宮保政書

十六年諭總理各國事務衙門戶部奏整頓土藥稅釐請飭詳查妥辦一摺內地栽種土藥為中國出產大宗果能設法稽徵認前辦理既可裨益餉需且亦收回利權之一助並可以徵為禁隱寓崇本抑末之意近聞吉

林黑龍江呼蘭熱河及四川雲南江南淮徐等處土藥出產日繁各該省局卡徵收稅項官吏隱匿入己爲數甚鉅弊端百出以致徵多報少於國課毫無裨益若不及時整頓於洋藥併徵辦法大有關礙稅數必將日絀何以昭核實而裕餉源著各直省督撫詳察地方情形或於出產之虞就地徵收或於販運過境嚴查走漏務當破除情面實力稽核將原定新定各辦法迅速覆奏

郵鈔

又諭或於出產之處就地徵收或於販運過境嚴查走漏著該將軍督撫等查明地方情形詳細籌議郵鈔十七年總理衙門會同戶部奏竊臣等爲整頓土藥稅釐於光緒十六年四月十五日奏奉 上諭當經恭錄

諭旨鈔錄原奏通行各省在案嗣准軍機處將各省覆奏摺片陸續鈔交前來臣等查土藥徵稅原爲因時制宜起見而如何不擾民生如何有神 國課非斟酌盡善不可茲查各省覆奏情形內地土藥有栽種較廣可以運銷鄰省者有栽種無多僅供本地吸食者有絕無栽種僅有販運過境者卽其運銷之士又必先散見於內地後過關卡視洋藥之必先進海口後分運於內地者迥不相同其出產之區又因地力之不一齊以致收成有豐歉貨色有高下而價值之貴賤從此懸殊卽稅釐之輕重亦難齊一此稽徵之法誠不能與洋藥一律辦理也其稅釐數目與征收辦法有請照舊征收者有新定加征數目及改易征收名色者據各原奏內稱奉天向章每一斤捐銀二錢經過釐卡另納稅釐現擬就地征釐每一斤收銀一錢行銷各城鎮照向章二錢量加買賣各一錢征收每斤四錢販運他省尙有逢關之稅遇卡之釐並於章程內聲明外來販運之士藥一律征收吉林向章按賣錢一千抽落地稅二十文行銷時每十斤捐銀二兩又加一兩二錢以抵坐票捐課現擬將落地稅量加十文每一千抽稅三十文山西向章每百斤抽稅銀三十兩坐賣釐

銀十五兩如係本產在本地銷售者收起載銀三十兩現擬將坐賣釐銀再加十兩改爲每百斤收銀二十
五兩稅銀三十兩仍謂其舊前立起載之名卽行刪除浙江向章按照一起一驗收捐每一斤抽洋二角四
分現擬於出產本境照章併收一起一驗外運過別府頭卡再加一起一驗合計兩起兩驗每斤共抽洋四
角八分並聲明如數抽足後續過別府不再重征湖北向章每百斤征稅三十兩落地售賣每兩收釐九文
現擬每百斤隨征耗銀四兩七錢其稅釐兩項仍照舊辦理廣西向章每百斤收稅釐銀十兩現擬收稅銀
四兩釐銀八兩直隸山東均現擬按土藥價本銀一百兩征落地稅八兩釐捐八兩關稅八兩迨三次納畢
後無論運赴何省驗票放行不再重征惟福建則擬按畝征收銀三錢八分五釐其販運入閩者仍按每百
斤收稅釐正項銀三十五兩隨征加一餘銀三兩五錢陝西亦擬按畝征收除正賦差徭照舊完納外平地
每畝加收煙稅銀一錢山坡每畝加收稅銀六分若運售他處貨歸商販再由釐卡仍按章抽收其餘如黑龍
江熱河江蘇安徽河南江西廣東雲南貴州四川各省據稱均仍照舊章征收甘肅新疆湖南台灣四省於
如何征收情形仍未明晰聲叙此稅釐數目與征收辦法彼此互較有不得不略加酌改者臣等查江蘇徐
州土藥業經會議奏定每一百斤抽釐銀三十兩經過本省釐卡驗票放行不再重征經過江海鎮江兩洋
關仍各照定章收稅內地各常關概行免稅惟江海鎮江兩常關代新關每百斤征銀十五兩並經臣等附
片奏明如有本省漏捐土藥及他省販來土藥經過松滙等局仍照向章每百斤收捐銀四十兩經過新關
收正稅銀十五兩半稅銀七兩五錢經過常關收稅銀十五兩又四川土藥亦經會議奏定每一百斤就地
收銀四兩八錢販運出口征稅銀二十兩迨復進口入棧時征復進口銀四十兩共征銀六十四兩八錢後

無論運赴何省概不重征如由陸路販運查無收過稅銀票據者過湖北境內卽照湖北章程每百斤征正耗銀三十四兩七錢又落地釐每土一兩收錢九文均已先後奏奉 俞旨咨行欽遵辦理各在案計除徐土川土而外凡有出產之區或令於本省征足後運至他省概不重征或於本省礙難征足必得分次遞征均當與江蘇四川現定之數約略比較征收方免偏枯臣等公同商酌如奉天吉林山西浙江河南等省各有本地所產之土藥現據原奏奉天新章合每百斤本省共征銀五十兩吉林新章合每百斤本省征銀三十二兩又按賣錢一千抽稅三十文山西新章合每百斤本省共征銀五十五兩浙江新章合每百斤本省抽洋四十八元河南仍照舊章合每百斤本省共征銀三十三兩該五省所擬數目雖有參差但貨有高下卽價有貴賤稅釐自難一律應請照所擬辦理惟若販運出省再令逢關納稅遇卡抽釐未免過重應請於運至他省在第一處關卡驗有各該本省收過稅釐票據者再按所到省分之章程收稅一道此後無論運往何省何地概不重征其黑龍江雲南貴州三處土藥出產亦不爲少現據原奏黑龍江仍擬每包按五十兩抽釐銀四錢四分雲南仍擬每土藥千兩抽釐銀六兩貴州仍擬每土藥千兩抽銀八兩該三處所擬數目均屬過輕應請將原奏所征數目作爲落地稅其販運時均令逢關納稅遇卡抽釐以昭平允至如本地無出產之省分僅收販運過境稅釐者據各原奏熱河仍擬每一斤征正耗銀二錢三分安徽仍擬每十斤征銀二兩江西仍擬每百斤征稅釐銀四十三兩內請關仍加抽耗銀每百斤二兩五錢廣東仍擬每百斤征正稅銀三十兩若在他口完過正稅者祇征復進口銀十五兩又釐金每百斤征銀十一兩五錢廣西擬每百斤新加二兩征稅釐銀十二兩湖北仍擬每百斤征稅銀三十兩新加耗銀四兩七錢落地釐金每土

一兩收錢九文該六處所擬數目固未盡一惟既據聲稱各該處素無出產所征稅釐皆係外來販運且係屬向章行之已久應請暫如所擬辦理但遇有驗明印花不再重征之士藥應即查驗放行無庸征收其直隸山東原奏內稱均擬按土藥價本銀每一百兩征落地稅八兩釐捐八兩關稅八兩迨三次納足後無論運赴何省驗票放行概不重征等語其章程誠屬簡明妥洽無如按價納稅則價值之低昂須於臨時估計恐敢抑勒爭論之弊不若預爲折中定價每土藥百斤以價值銀二百五十兩爲率征落地稅二十兩給予印花運至別州縣驗有落地印花之士不再征落地稅運過釐卡再完釐銀二十兩給予印花至別處釐卡驗有釐局印花之士不再征釐運至稅關再完納稅銀二十兩給予印花此後無論運至何省何地驗有三次印花者不再重征似此明定數目庶稽征之時不費饒舌而稅釐所入亦易計算即核與川土所定稅釐之數亦適相符合其福建原奏所擬按畝收銀三錢八分五釐陝西原奏所擬按畝平地收銀一錢山坡收銀六分以及奉天原奏章程內所擬每畝估收土藥二斤每斤先收釐銀一錢照冊報之地按畝征收各等語查臣等原奏欽奉 諭旨或於出產之處就地征收所謂就地者即落地稅是也該三省不以貨計而以畝計不免誤會惟既據擬章開辦若遽令改章恐涉紛更應請由福建陝西奉天將軍督撫臣細心體察試辦一年如果新擬章程不免煩擾病民即行奏明另籌妥善辦法期於民力 國課兩相兼顧勿拘前說致貽流弊又陝西原奏所稱貨歸商販再由釐卡按章抽收其章程若何未經明敘應令陝西撫臣迅將此項章程分晰奏明以憑比核至福建陝西所產之士藥販運至他省應照奉天等省辦法在第一處關卡驗有該本省征過稅釐票據者再按所到省分之章程收稅一道此後無論運往何省何地概不再征其由他省

販運至該二省者卽照閩浙督臣原奏內稱每百斤征稅釐銀三十五兩作爲福建陝西兩省征收外來土藥稅釐之定數但遇有驗明印花不再重征之土藥應卽查驗放行無庸征收他如湖南原奏僅稱每年約收販運過境稅銀七萬兩內外本省向不栽種台灣原奏僅稱如有販運過境隨時整頓本省並無出產甘肅原奏僅稱收釐有限本省雖有栽種出產無多新疆原奏僅稱收數甚微本省出產絕少該四省於販運過境每百斤收銀若干以及甘肅新疆兩省土產如何征收皆未明晰聲叙殊於稅釐所入無從核計而商販亦無章可遵與各省辦理情形未能一律應請 飭下該四省督撫臣仿照各鄰省辦法分別本省土藥及外省販運過境之土藥每百斤收銀若干妥擬章程限三個月各將新定辦法迅速覆奏勿再仍前含混其 盛京將軍原摺內稱凡土藥由常洋兩關所管海陸各口出口運往別省者向由山海關道稽征每百斤收稅銀二十四兩釐金銀三十三兩二錢均由該關道報解北洋又章程內稱奉天土藥出境行銷者若赴南省須由各海口經過倘赴直隸各省須由山海關陸路各口經過至吉林黑龍江土藥販運過境及南省土藥運入奉天者亦必由各口經過海口以營口爲扼要陸路各口以山海關爲扼要山海關自改關爲道後該道卽移駐營口所有奉天海口東自岫巖大孤山起至錦州天橋廠止陸路各口南自山海關起至熱河交界止皆有該關口岸應責成該關道認真稽征仍照向解北洋定章辦理各等語查山海關道管理常洋兩關所有水陸各要隘處所既皆在其所轄界內是責成該關道稽征自是正辦惟此項收款爲數不少從前歸入常關百貨稅釐內籠統開報難免不實不盡應請嗣後由 盛京將軍嚴飭該道實力稽察認真征收分別土產行銷出境及客產販運過境按季造冊報由 盛京將軍給發咨批由該道一徑專款

解部無庸解交北洋以省轉折至此各省試辦土藥稅釐一切經費誠所必需臣等擬照議覆徐州土藥章程內開比照釐局定章於正項內酌提一成撥節動用令各直省一律辦理以昭核實槩不准私立名目需索商民其各省所收稅釐銀兩應令一律按季造冊隨冊解部並咨報總理衙門以憑稽核抑臣等更有請者各省開辦土藥抽釐時甫數年從前每省出產若干販運若干銷售若干均無確實數目自非走漏卽歸中飽今既重加整頓惟在各疆臣同心協力破除地方局卡以多報少積習悉心考究前三項實數揀派明幹切實之員爲之經始兩三年內如果該處經征人員異常出力著有明效准由該督撫咨明臣等衙門奏請優獎給予升擢如有因循諱匿縱放營私各情弊隨時密查嚴參勿稍瞻徇庶在事者知所儆勉稅務日臻起色至現在臣等所議各收數係就各省原擬辦法酌加釐訂應請統俟試辦一年後由各該省察看情形據實具奏再由臣等覆核或照此征收或變通盡利再行作爲定章以昭詳慎而歸畫一謹將各省征收土藥稅厘原擬數目及現在酌議數目并辦法分別開列清單恭呈 御覽

奉天每百斤照征銀五十兩至販運出省再按所到省分章程收稅一次不再重征其向由山海關道征收出口稅釐仍照舊每百斤征銀五十七兩二錢

吉林每百斤照征銀三十二兩又按賣錢一千抽稅三十文至販運出省再按所到省分章程收稅一次不再重征

山西每百斤照征銀五十五兩至販運出省再按所到省分章程收稅一次不再重征

浙江每百斤照征銀四十八元至販運出省再按所到省分章程收稅一次不再重征

河南每百斤照征銀三十三兩至販運出省再按所到省分章程收稅一次不再重征

黑龍江原擬每包按五十兩抽釐銀四錢四分 現擬將原擬之數作為落地稅其販運時逢關納稅過

卡抽釐

雲南原擬每土藥千兩抽釐銀六兩 現擬將原擬之數作為落地稅其販運時逢關納稅過卡抽釐

貴州原擬每土藥千兩抽銀八兩 現擬將原擬之數作為落地稅其販運時逢關納稅過卡抽釐

熱河原擬征販運過境每一斤正耗銀二錢三分 現擬照辦

安徽原擬征販運過境每十斤銀二兩 現擬照辦

江西原擬征販運過境每百斤稅釐銀四十三兩內贛關仍加抽耗銀每百斤二兩五錢 現擬照辦

廣東原擬征販運過境每百斤正稅銀三十兩若在他口岸過正稅者祇征復進口銀十五兩又釐金每

百斤征銀十一兩五錢 現擬照辦

廣西原擬征販運過境每百斤稅釐銀十二兩 現擬照辦

湖北原擬征販運過境每百斤稅耗共銀三十四兩七錢又落地釐每土一兩收錢九文 現擬照辦

直隸每土藥百斤以值價銀二百五十兩為率征落地稅二十兩釐捐二十兩關稅二十兩迨三次納足

概不重征

山東每土藥百斤以值價銀二百五十兩為率征落地稅二十兩釐捐二十兩關稅二十兩迨三次納足

概不重征

福建原擬按畝收銀三錢八分五釐由他省販運至閩者每百斤征稅銀三十五兩 現擬試辦一年
如果煩擾病民即奏明另籌辦法其販運至閩者每百斤照征銀三十五兩本產販運至他省按所到省
分章程收稅一次不再重征

陝西原擬按畝平地收銀一錢山坡收銀六分 現擬試辦一年如果煩擾病民即奏明另籌辦法又原
擬貨歸商販再按章抽收其章若何未經明敘應俟奏到再核其販運至陝者每百斤照閩省辦法征銀
三十五兩本產販運至他省按所到省分章程收稅一次不再重征

湖南原奏每年約收販運過境稅銀七萬兩內外其每百斤收銀若干未經明敘 現擬由該撫迅速
奏明再核

臺灣原奏如有販運過境隨時整頓其每百斤收銀若干未經明敘 現擬由該撫迅速奏明再核
甘肅原奏收蓋有限本省出產無多其如何征收均未明敘 現擬由該督迅速分別奏明再核

新疆原奏收數甚微本省出產絕少其如何征收均未明敘 現擬由該撫迅速分別奏明再核

又總理衙門戶部會奏為遵 旨會議徐州土藥收捐章程恭摺仰祈 聖鑒事准軍機處抄交署兩江總

督沈秉成江蘇巡撫剛毅會奏查明徐州土藥出產數目並擬具收捐試辦章程一摺光緒十七年二月二
十日奉 硃批該衙門詳奏單片併發欽此查原奏內稱徐州土藥統計八州縣出產之數大致歉收之歲
每年不過一千萬兩全熟之年約及一千四百萬兩惟土藥漿薄味淡遠遜洋藥按照目前價值僅及洋
藥三分之一成本既祇有此數收捐亦祇能就三分之一科算方為平允且洋藥進口一經完納稅釐徧運

各貨不再抽土藥轉運鄰省卽須多繳一倍之捐實較淨藥爲重今擬就地設局辦理統捐祇收買客不收賣客每箱以一百斤爲率仿照洋藥除皮淨重一百斤抽庫平銀三十兩以產數計算捐數若全熟年分可望收及銀三十萬兩左右開辦之初頭緒紛雜如分設局卡勾稽款目非有專司難期得力署徐州道桂嵩慶有地方巡防之責深恐未能兼顧擬於候補道府中遴派廉幹之員前往徐州會同桂嵩慶悉心經理惟是試辦之初必須嚴查偷漏使之不得不出於此而後喻以情法庶可從容就範徐州界連山東河南安徽三省鄉鎮市集咫尺卽爲鄰境非明定畫一章程與三省撫臣通力合作勢必羣相趨避無可稽查請旨飭下山東河南安徽三省撫臣各就該省地方情形參酌新章一體舉辦較有把握並擬具試辦章程開列清單請旨遵行等語臣等查徐州土藥種植日廣實爲出產大宗從前征收稅釐隨多報少弊竇滋深迨經奉旨飭令該督撫確查設法核實抽收力除中飽之弊始據查明出產數目並擬具章程十條臣等公同商閱所擬辦法大致尙屬妥協內有應行酌改之處謹逐條分別核議恭呈御覽

一原奏土藥除皮淨重一百斤抽釐銀三十兩由道發給起運單經過本省卡驗票放行不再重征票上添註經過日期以杜回票影射之弊經過江海鎮江兩洋關仍各照定章收稅內地各常關概行免稅惟江海鎮江兩常關仿照浙海關辦法代新關每百斤征銀十五兩轉解新關彙報徐州抽收藥釐事屬創辦必須多設分卡多方查緝費用較繁請按照收數酌撥一五成以資辦公等語查所擬征收釐稅數目尙屬平允應如所奏辦理其需用經費應比照釐局定章於正項內酌提一成撥節動用如實有不敷再由該督撫奏明酌加以昭核實

一原奏土藥釐捐祇抽買客不抽賣戶緣農田雖種鴉粟已歸正賦紙糧若干交易時再行征稅諸多煩擾商販釐捐仍可攤于成本之中究無所損應俟奏准後由徐州道先行出示曉諭等語 查捐項抽之于買客最爲扼要辦法簡便易行可無煩擾之弊應如所奏辦理

一原奏徐州毗連河南山東安徽三省地勢平衍無要可扼且各處皆產土藥且相交易稽察偷漏必須不分畛域果能四省通力合作並于海州贛榆沐陽桃源更設分卡統隸徐州總局查出漏報照數補捐庶免商販趨避等語 查徐州八州縣皆產土藥商販之繞越偷漏避重就輕誠所難免自應于交界處所設立分卡嚴密稽查至河南山東安徽三省出產土藥多寡不同其應如何通力合作杜絕偷漏之處應請 飭下兩江總督江蘇巡撫再行詳查情形咨商三省巡撫妥籌辦理

一原奏遴派廉幹之員會同徐州道辦理在府城設立總局督辦一切事宜刊用木質關防並收儲銀兩稽查冊籍酌設分局委員會同印官遵章抽收等語 查此事經該督撫派委道員桂嵩慶署理徐州道兼令其確切詳查妥籌辦法現據所擬試辦各節自以確有把握現當開辦之初應即責成該道一手經理以收實效分局委員亦由該道指名稟調以資得力所請遴員會辦之處應毋庸議

一原奏徐州既設土藥統捐局通行江蘇境內不再抽收所有金陵蘇州松滬三蘇局及漕捐局以後均無捐可收擬將徐州所收捐項以一半聽候部撥一半分解各局留作京協防餉之用等語 查從前蘇省土藥釐金混入百貨之內收數本屬無多現就出產處所大加整頓釐費稽征始得有此鉅款一經分解易啟運挪外銷之弊此款應令全數解部以濟京餉應需所請分解各局之處應毋庸議

一原奏土藥除起運軍外擬用三聯印票編立字號填明其客買土若干捐銀若干以中聯發給買客布聯留局左聯由總局查覈彙申督撫衙門備案等語 查聯單印票以備稽覈而昭憑信應如所奏辦理

一原奏選擇殷實之家充當行戶先由道發給諭單准其照例收用暫行試辦如一二年後著有成效再行請領部帖無論單者一概不准私開其諭單每年更換以便稽考等語 查設立行戶俾商販有所投託捐數有所責成應如所奏辦理

一原奏濠度地勢特設驗票緝私分局派員專司其事每局酌用巡丁十數名薪水局用口糧等項在一五成款內開支等語 查原奏第四條擬於海州潁榆沐陽桃源設立分卡此條又擬設分局自為嚴防偷漏起見但局卡太多則費用更繁應酌擇扼要處所設局查驗並嚴防巡丁私放之弊方為妥善所需經費即照現議在一成款內開支

一原奏招募護勇保衛客商沿途護送以昭慎重其護勇口糧應如何酌提經費抑或請撥營勇俟開辦時再行酌定等語 查徐州本有馬步各營應即專派該營勇丁分段護送不必另行添募以節糜費

一原奏行戶與商販難免短報偷漏須嚴定營罰如商販短報行戶當時聲明即專罰商販將短報土藥一半充公一半充賞儻商販實報而行戶於循環簿內以多註少希圖隱匿短繳查出將行戶革退嚴懲等語 查商販行戶短報隱匿自應從嚴懲罰以警效尤而局卡各委員如有縱容丁役徇情寬放者該道尤應隨時嚴查稟明參撤不得稍涉袒縱

以上各條經臣等悉心詳酌分別准駁應請 飭下兩江總督江蘇巡撫督飭現署徐州道桂嵩慶按照

所定章程妥籌興辦力破從前積弊此外如有未盡事宜仍由該道隨時稟商覈辦再開徐州土藥近年出產日旺現據奏稱全熟年分可望收銀三十萬兩左右尙是約略計算如果辦理得法自尙不止此數應卽責成該道實力稽征以期收數日有起色所有臣等會議徐州土藥收捐章程謹繕摺具陳郵鈔

又總理衙門戶部會奏爲遵 旨酌議川省土藥稅釐劃一章程恭摺仰祈 聖鑒事准軍機處抄交成都將軍宗室岐元四川總督劉秉璋會奏楚省議加川土稅釐礙難照行詳陳利弊及辦法緣由一摺奉 硃批該衙門議奏欽此查原奏內稱川土向章每百斤抽銀四兩八錢至鄂亦抽四兩七錢湖廣總督張之洞前議每百斤加征至三十四兩七錢並於川楚交界隘口募勇堵截經臣於去年議復土藥摺內附片奏請 敕定劃一章程現復准張之洞咨議加川土之稅每百斤征銀一百三十兩咨行到川竊思川土之價遠遜洋土萬難比照完納況復比洋土稅釐加增二十兩事太離奇川省地狹人滿地丁外加派津貼捐輸每年一百數十萬民力萬分拮据各省抄咨議復土釐無如鄂省之多者加征數目礙難照行謹擬辦法兩條一照章祇收子口正半稅一照直隸辦法祇在本省分征三次共收銀二十四兩不復再征請 敕議分咨 遵辦等語臣等查上年奏奉 諭旨整頓土藥原令各直省妥籌辦法再由臣等詳加覈議但求利 國便民去官吏中飽之弊至辦法因地制宜不敢預存成見上年張之洞復奏以向照咸豐九年部章每百斤征稅銀三十兩嗣於落地售賣者每兩收釐金錢九文川土入鄂一律納稅今再加整頓實收十成足銀三十兩隨征耗銀四兩七錢劉秉璋前奏以川土下楚驟加征銀三十四兩七錢若川省亦倣楚加抽于四兩八錢之外加抽三十兩計自川至楚已抽銀六十九兩五錢運往別省又須完納稅釐貨低本重商販勢必裹

臣等請另籌辦法臣等正候彙齊各省摺奏核辦旋准張之洞咨稱將川土稅釐照總稅務司赫德條陳仿洋藥辦法在重慶關並征銀一百十兩經臣等飭據赫德議覆土藥出口稅應照雲南蒙自關章程辦理在重慶照章征銀二十兩俟運赴通商他口再照洋藥併征稅釐一百十兩不再重征復經臣等一面函屬張之洞與劉秉璋會商詳酌一面與北洋大臣李鴻章往復函商先後接李鴻章復稱此次專主川土立論自應查明川土之價值酌定川土之稅釐即就赫德條陳所載川土價每百斤值銀二百五十兩洋土價自三百八十兩至四百八十兩不等折中定數約四百三十兩是川土價祇抵洋土十分之六洋土征銀一百一十兩川土約祇應收銀六十四兩查川土向征內地稅釐四兩八錢如由重慶出口應征出口稅二十兩俟復進口時再征復進口稅四十兩總共六十四兩八錢按價核計較洋藥併征之數有盈無絀等語臣等核計李鴻章所擬數目尙屬平允並與岐元劉秉璋摺內所擬第一條照章祇征子口正半稅之辦法意亦相同自當以李鴻章所議爲斷臣等公同商酌所有川省土藥擬請嗣後每百斤在內地征收落地稅銀四兩八錢到重慶出口征收出口稅銀二十兩俟到通商別口再征復進口稅銀四十兩由各收稅處所給予收過稅銀若干印花票據此後無論行抵何處查驗印花稅票與貨物相符即便放行概不重征其復進口稅無論到宜昌八棧或運至江漢江海等關入棧銷售均應照章征納以免兩歧如有不插洋旗之民船及由陸路販運土藥出川入鄂未經完過出口稅銀者應照鄂省現定章程每百斤征收銀三十四兩七錢其落地稅釐銀仍可照舊似此分別辦理庶免偷漏之弊至若鄰省土藥販運入境應即照川土出口征收銀數每百斤收銀二十兩查雲貴等省土藥販運下江大半須經川境應由四川總督擇定扼要處所實力稽

祇相應請 旨飭下成都將軍四川總督湖廣督撫等凡有販運川土者一律遵照辦理自此次定章以後如有不肖局員隱匿中飽及縱容私放情弊應隨時從嚴參辦至岐元等所擬第二條祇在本省分徵三次共銀二十四兩辦法應請毋庸議所有 臣等會議川省土藥釐稅劃一章程謹繕摺具陳 仰 鈔

直隸總督李鴻章奏竊 臣欽奉光緒十六年四月十五日 上諭總理各國事務衙門戶部奏整頓土藥稅釐一摺著各直省督撫詳察地方情形實力稽核將原定新定各辦法迅速覆奏等因當經飭令藩司裕長臬司周馥會同津海關道劉汝翼詳查案卷體察情形切實籌議茲據該司道核議詳覆前來 臣查土藥稅釐按畝徵收似有實際然流弊孔多今先舉其不便之處直境所種鴉粟零星無多固由沙瘠不宜亦因時勢不甚得法凡沃土近水有種數畝數十畝者餘或半畝數分或種於園邊屋角或今種此區明年改種彼區或一區之中與他物雜植村村不同年年不同必欲一一查明無遺無濫勢所不能且利之所在人思避就脫漏影射伎倆百出雖竭有司之智力無以勝之是難於稽查其不便者一種植既屬無多而收成豐儉不同因災緩免又每年不一凡種鴉粟之地大半鄉僻不近大道官若不能處處踏勘勢必假手吏役則索詐之禍滋若聽民自報報而不實者罪之則告訐之風起是易於擾累其不便者一出於貧者曰稅出於地者曰賦貨徵於商賦徵於農徵於商者以貨之權量計徵於農者以地之頃畝計今所徵者明明稅也苟不徵於貨而徵於地不以貨之權量計而以地之頃畝計民必驚為加賦官必畏其考成是名實不符難以持久其不便者三即如靈縣靈城光緒十二年擬辦按畝收捐該處民人稱曰煙糧恐成永額紛紛阻撓靈壽縣前擬按畝收捐縣民聚眾抗違總未辦有成效並聞山西州縣曾因按畝收捐幾釀重案是以山西現在

事辦釐捐不辦釐捐此釐稅一事實屬罕礙難行也查總理衙門原奏及欽奉 諭旨皆云或於出產之處就地徵收或於販運過境嚴查走漏所謂就地者即總稅務司申呈內之落地稅所謂過境者即總稅務司申呈內之稅釐但指撥貨徵收而言今惟有就地徵收落地稅及過境徵收稅釐兩法博採衆論統籌全局尙屬可行惟土藥徵稅本為 國家不得已之舉伏讀 諭旨原奏於崇本抑末諄諄垂戒自當仰體 朝廷內顧邦本之至意首以不擾民生為主稅課之贏絀猶其次也欲不擾民必須輕稅蓋貨之稅輕者走私之利亦輕稅重者走私之利亦重故稅輕則民重犯法而偷漏少稅重則民輕犯法而偷漏多偷漏少則法可寬偷漏多則法必嚴法寬則不擾民法嚴則擾民自然之理也然光緒十一年與英國所定洋藥稅釐併徵專條有中國應許此等貨色在行銷洋藥地方開拆者如有應納稅捐等項或當時或日後不得較土煙所納稅捐格外加增之議今土藥定稅若輕於洋藥恐彼將藉為口實則土藥稅捐又有不得不與洋藥相等之勢查總稅務司赫德申呈總理衙門條陳內稱洋藥在印度每百斤先須完稅約二百五十兩運赴中國復徵稅釐一百十兩等語故彼欲將土藥比照洋藥在印度出口之例先收落地稅一百十兩又比照洋藥在中國進口之例再收關稅釐捐一百十兩是每土藥百斤應完二百二十兩矣殊不知洋藥在印度所完與中國所完乃兩國之稅中國土藥並不運至外國而於中國兩次重複徵收是視一國如兩國而與專條內行銷洋藥地方所納稅捐字樣不合故土藥稅捐額數但須與洋藥在中國進口所完稅釐數目無所軒輊即與條約不背惟查各省土藥價值每百觔自一百餘兩至三百餘兩不等貨之高下懸殊價之低昂各異若不論價低昂而一例按其觔數比照洋藥收稅未免偏枯必須估價定稅方為公允現在洋藥每

百斤售價自三百八九十兩至四百八九十兩不等折中約四百四五十兩以稅釐一百十兩核之約計每
價百兩徵稅釐二十四五兩之數擬請將土藥亦按價每百兩共徵稅釐二十四兩惟洋藥祇有關稅釐捐
兩項無落地稅土藥則當分爲落地稅八兩關稅八兩釐捐八兩合計共二十四兩如此則與洋藥稅釐額
數殊兩悉稱無畸輕畸重之慮可免滋生異議而落地稅關稅釐捐三項俱全分次徵收係屬土貨辦法與
總稅務司原議亦相照合至於稽徵之法則與洋藥情形又不相同洋藥先至海關後分運於內地必併徵
而後稽察易周土藥先散出於內地後過關卡必分徵而後商力易舉各州縣出產土藥之地散漫難稽不
比洋藥進口非報海關不能起岸自非稅則稍輕使走私無甚大利斷不能免繞越偷漏之弊而條約所限
又不能輕於洋藥惟有將落地稅釐捐關稅分作三次徵收則每次皆止值百抽八雖未減輕而不覺其重
若能認真稽收一無擾累商民各顧身家似尙不致行險徼倖難於防範查直省各州縣之種鴉粟畝數
甚少與川滇及東三省情形不同其自種自食者難以計數外如甯河豐潤灤州薊城蓟縣及大名順德所
屬州縣間有種者皆有商販於四五月間買擬曬土而農民彼時收漿亦必隨時變賣毫不停留尙有經紀
在市爲之評價官不過問絕無官吏私收稅捐隱入匿己之弊今擬請將土藥落地稅實成各州縣辦理飭
令種藥各州縣各募充土藥官牙一名或數名設立土藥集市一處或數處凡買土藥皆於集市交易由官
牙過秤評價每百抽八完納落地稅給與落地稅印花粘貼其官牙許照各項牙行常例按三分抽用
稅出於買主用內於賣主私相交易者查拿罰辦粘有落地稅印花之貨運至別州縣不再徵落地稅運過
整卡再按價每百抽八完納釐捐粘貼釐局印花粘有釐局印花之貨運至別處釐卡不再徵釐運至稅關

再按價每百抽八完納關稅粘貼關稅印花迨三次納畢無論運至何省何處不再重徵無印花者卽爲私貨照章罰辦並照總稅務司所擬省城設立土藥關之議於省城設立土藥總局遴派委員專司其事關稅印花卽用監督關防將印花卽用稅局關防惟落地稅印花若用各州縣印信不能畫一且恐州縣徵多報少無可稽考應專刊稽徵土藥落地稅木質關防一顆存於總局並刊騎縫印花板式鈐用關防分發各州縣應用各州縣領回加蓋本州縣印信按包粘貼截根繳回備查各州縣准於所收落地稅內酌提一成作爲經費不准額外需索絲毫總局費用於所收稅項內作正開銷至多亦不得逾一成之數如此則於條約無違於民生無擾似屬兩得當此試辦之初雖每年可收釐稅若干不能預計成數而以各州縣所收牲畜花布等稅辦法比較似落地稅一節不致毫無把握且立法簡易便於商民果能認真經理自可日有起色至完落地稅之後應准其隨地銷售過關過卡能否如完落地稅之數則不可知惟有嚴查走漏明定罰章以杜弊端而裕稅課所有酌議直隸徵收土藥釐稅緣由理合恭摺覆陳李文忠奏議

總理衙門總辦章京戶部郎中袁昶土藥加稅釐議裁種鴉粟 國有厲禁乃種者不止民間吸食益廣廢業害農敗壞風俗莫此爲甚公家令甲久爲具文則以州縣奉行不善徒飽吏胥之囊故也識者謂重征稅釐多方以困之是爲以不禁禁之一法乃現奉 特旨加征洋藥稅釐每箱一百一十兩而洋總稅司赫德遂擬議併徵重征土藥設立土藥關稅出產之地征落地稅一百一十兩後轉運銷至洋關再征稅一百一十兩以重困之中堂大人洞燭其情以爲落地稅及另設洋關煩擾病民萬不可行遂識閱唐島勝欽服而於其重征一百一十兩仿照稅釐併征之說猶未能決下詢末議俾見公忠體國廣益

集思之盛意夫征之誠是也然默揣今日民間情形欲加重至一百十兩則有大不便者而赫稅司謀疲
敝中國之民以助洋商其嘗試要挾之隱情尤不可不詳察也今日南北各行省之民物力財產耗于兵
革以後銀荒錢荒司員久居江淮間深悉萬家之邑無百金之藏農少商多而兩省因故耗于徵賦傷農耗
于連年水旱不時耗于竊本驚末耗于百貨釐鹽釐明取之商暗賤民財南宋陳遵所辦之賭路經總制
錢卽此也較明末加賦之害相等耗于長江內地運商舟車四民無不因之失業坐困耗于外洋奇裝之
貨今天下開劫而俗益侈靡二十年後必至無民國亦難以孤立非亟以儉化之用晏嬰墨子強本節用
之道則益驅民入夸歎瀆亂不可治矣耗于一羊九牧冗員猥多官不聊生州縣久任者少勢不得不賤
削從事各處都會通衢外似繁盛實則彫弊至離城十里以外則皆墾荒無力卒歲乏資戶鮮困窮蓋藏
鄉短牛糞籽種塘淤蓄洩水旱無備賣納租賦復困追呼豪儉兼并里胥陵虐有終歲勤動枯瘁于本業
反不得一溫飽者牧令不勸農桑專顧考成諱災捏荒無非肥己求其爲民請命勤恤凶豐以時歛散者
百不獲一斯時卽無旱潦奇災已驟然無樂生之心矣惟近年海內吸煙者衆爲粟種易收難礪之地
亦可播殖雨露不時滋長如故小民飢寒之所迫遂冒不韙而私種私收以補一歲之凶荒山陝齊豫黔
蜀淮浙處處皆是特聞備丁甚昂收割早晚又易失時亦未至棄五穀不植大妨民食是區區之微利農
民恃以爲衣食之命且播種之人非卽吸食之人其情可憫又得出其餘力以完上下忙租賦是於公家
初無所損此皆中國兵火子遺力作馴順之民惟吾君吾相乃督司牧者愛之護之在赫德之心則降
人視之草芥視之勿愛也今天下游手逐末者多有從事種植者是卽國家賦稅及百官吏兵俸餉役

費之根本外侮日陵虐我而我徒聽命其子姓督罰其孽徒以求自強坐使元氣耗而國本隨竭雖至愚者不爲也操此以求禦外侮其效不且托如捕風哉且今各省土藥業已征收釐金矣土藥至洋關業已准進口出口復進口等稅每百斤三十兩矣聞土藥釐一項浙常關每百斤征十二元釐局征數未據專款造報晉省每百斤統征三十餘兩後加征至四十五兩秦省每百斤計征二十餘兩十一年以後加征至五十兩他省征釐多寡之數多擬入百貨釐金內諒亦不甚懸殊州縣之畝規釐局之零征猶在外也爲今之計似宜奏請 飭下各省督撫大吏督飭總牙釐局分局凡有土藥釐金歲入數目覈實專列一款報部不准私挪及以多報少另款存儲聽候部撥其洋藥入內地已拆包後熬成藥膏仍可零征者亦併列入如有欺隱一經訪查指出卽行咨取該省牙釐局司道及經征員弁職名照稅課短收著賠議處例分別參奏其洋關之進出口土藥仍照向例三十兩之稅征收如此已足懲厲種而利公家蓋內地鋪售土藥多係山谷零星小販必由釐局征收其能自達於洋關地面者方爲大宗有力之老販由洋關征之不爲苛如此分別征收有五便焉我之內地利權非外人所得干預就使彼責言土藥浸銷洋藥滯銷之故我亦得以內地局卡業已層層抽納爲辭且輕征出口土貨重征入口客貨此各國常例彼亦無可置喙一便也土藥產質氣味製法各處美惡不同釐課亦因之有別無論川產滇產總不能及印度波羅地肥製良作法之備是則物產遠邇亦有理以折洋商內地既零星征釐至口又釐包收稅總計亦不下洋藥併征之數又有辭以箱彼之口二便也不必立一律起征之額反多窒礙病民第就各省向來征收數目取之如黔省山田數薄民苗皆藉此謀衣食山陝高地少水暗寬私種之禁則地無遺利就有餘財

三便也洋藥內製砒毒燥烈害人土藥力薄喫食者尙不至殘廢兩害取經四便也明諭過卡抽釐逢關納稅從此禁絕州縣不許私征無吏胥雞犬之擾無縱聚抗捕之患五便也然則征收之法止于如此而赫德比照洋藥現在併征數目加倍重征之邪說則固萬萬不可行也洋人盤踞各口率謀弊中國上下之財以事夸狄不顧乎同治初年髮逆犯上海穹場且夕岌岌洋將英人李泰國屢中國海關之餉月十餘萬僅練長勝軍三千人名爲捍衛中國實則護彼碼頭而彼又得免養兵之煩費赫德踵其故智購官中國險助洋商二十年來糜我鉅萬金錢建立沿海礮沙中塔燈望樓浮橋石表又廣募引水人皆所以便洋商出入及洋艘內犯爲之嚮導捐盜入關天險盡失重門洞開我何利焉光緒初年赫德又議立海軍自薦爲總海防司廣爲招養洋弁之失職者北洋大臣始欲借以成軍後有幕客力諫謂赫德叵測如給以若爲總海防司則總稅務司一席當易人爲之赫貪戀利權意望大沮說遂中止此其居心亦大略可見矣現又爲葡國之澳門英之港督爭體面利益其事專暗助外人步步餽媚要挾所謂渠成乃聚之利彼固反用鄭國之謀以弊中國欲漸陷沿海形勢者也是在中堂大人明燭其奸時時駕馭鞭策之使奸計不行國之也道光末年鴉片洋貨浸銷中國銀錢歲漏外洋者七八百萬今洋貨廣銷三聯票盛行內奪金正課外則每歲銀錢漏出外洋者且三四千萬十倍于道光時年增一年吸民膏血十年之復將盡化爲犬羊之役屬可爲寒心漏卮湯湯不可驟塞積儲國之大命人得其尾閭而我得其吠瀆焉非脫虛出之絲茶僅能抵十分之一耳國安得不貧民安得不失業兵勇安得不日增而日弱邊防安得不備日蹙而力日分或謂總稅司貿易總局去年一年中洋貨進口價值八千四百餘萬土貨出口價值

六千一百餘萬以貨抵貨不足者纔二千三百餘萬似漏卮並無數千萬之多然貿易冊所載僅舉進口
洋貨一端而言耳不知此外尙有大漏卮十數事一曰近年洋商改造土貨如買登爾改造成絲毫灣黑
糖提煉改成白糖雜鉛提煉改造黑白二鉛白銀提煉赤金之類率以此口運至中國彼口銷售並不必
運出外洋一曰長江海口各埠輪船粵內地沙甯船商漁船之利一曰俄人運茶卽在口外蒙古各處銷
售張家口恰克圖茶商全行歇業一曰關東如牛莊營口等處豆餅雜貨俱爲洋船回空者運販他處一
曰中國至外洋購辦機器一曰購買挖河機器船隻一曰船廠船隔至外洋購辦木鋼鐵強水鉛銅等
物一曰洋票免釐一曰洋人有所營建夾帶料物免稅一曰洋公使領事及稅司夾帶商貨口稱用物請
照免稅一曰購買外洋電綫鐵路各物料一曰香港每歲漏稅洋藥二萬餘箱一曰香港等處私熬藥膏
漫銷內地港督坐收規稅之利一曰洋人銀行匯費鎊價出漲入落暗中銷耗又洋錢盛行銀根日緊一
曰中國歷借洋債千數百萬累年重息不貸此皆稅司貿易冊所不載而爲漏卮之大者諸如此類名目
尙多統計實不止每年二四千萬今山陝黔蜀齊豫淮楚浙東之民私種鴉粟以補穀賤傷農銀錢兩荒
之困殆猶爲中國害中之利彼洋貨既耗民之財斃金又剝民之髓若再重征土藥則是助洋商之餓而
濟以膏油民不聊生益曠然失業矣故竊以爲輕征便參軍蠻語

二十三年兩湖總督張之洞奏竊照准戶部咨鈔奏內稱內地土藥另籌徵收之法因總稅務司權開各省出
產土藥據數甚多而各省稅收不旺擬令各省派員在出產土藥盛處各設立總局略仿洋藥稅證併徵之
法每擔徵銀六十兩納足之後任其銷售無論何處概不重徵聲明湖北應照此章一律辦理等因當經轉

行各司道關局遵照籌辦伏查湖北向不產土近年施南鄖陽所屬偏僻之區地瘠山深間有貧苦之家零星種植極爲稀少僅供土人吸食無稅可收湖北所收土藥稅釐概係來自四川雲貴等省川土爲大宗漢黔土較少亦取道川境入楚故湖北於川省毗連之宜昌府既立有洋關以收川土過境行銷各口岸之稅復於該處另由地方官委員設立總局以收川土入境行銷內地之稅此外復酌設分局分卡多處履募巡丁營勇多方查緝宜昌洋關稅上年約收銀四十萬兩大率皆係土藥他貨只一萬餘金該關應辦京餉及續還洋款應借商款等項約三十餘萬兩宜昌沙市兩處關用約五萬餘兩均在此出宜昌暨本省各局卡每年約收土稅二三十萬兩此項每年 奏定撥充槍礮局經費二十萬兩局用緝私勇費五萬餘兩餘款解部又每年約收落地釐錢數萬串向係併入百貨釐內奏報奏備餉需以上關局所收稅釐爲款其鉅均關緊要餉需若由四川雲貴等省就地統徵則湖北絕無土稅可收一切要需皆無所出惟有奏請由川省於該省所收土稅內照數撥補且四川雲貴之土運入楚境山路歧紛暫改照新章湖北雖無稅可收而水陸各路驗票緝私抽關卡仍不能撤以防無票燒漏種種經費勇糧自亦須出之川省查宜昌關京餉洋款鄂省槍礮局專款每年數十萬水陸關卡用局用經費勇糧每年共十餘萬均須索之川省即使奏蒙恩准飭撥然川省之肯如數撥補與否實不敢必縱或應允於目前必致延欠於日後是既失徵收土藥萬不可緩之鉅款而徒成稽查土藥關卡之繁費窒礙實多正在躊躇爲難之際適准四川督臣鹿傳霖咨川省土藥稅礙難重徵擬請但於舊有之局卡再加整頓於舊無之局卡量爲添設業經覆奏並聞貴州亦擬請仍照舊章鄂省自惟有照前抽收俟將來如果川省改章時再行體察籌議奏明請 旨辦理據湖北布

欽使王之春宜昌嗣道俞鍾穎暨善後牙齋局各司道會詳請 奏前來臣等覆核無異所有湖北本省土
藥稅少無從徵收其抽外省土稅仍請照舊辦理緣由謹合詞恭摺具陳 張宮保政書

山東巡撫李秉衡奏竊臣准戶部咨稱據總稅務司赫德開呈手摺按近年土藥出產各省總計三十三萬

四千餘石釐稅並征每擔六十兩歲可得銀二千萬兩通行各直省試辦安定詳細章程專案奏報等因奉

旨依議欽此欽遵咨行到臣在部臣以籌款維艱無可設法欲借此以擴利源自是救時之慮然臣竊維

德所定之數反覆參稽實見有窒礙難行及行之而其利未收其害先見者敢為我 皇上敬陳之僑粟一

物非肥沃地畝不能繁茂愚民貪圖重利將宜穀膏腴之土栽種雜粟馴至糧價日昂浸為民患故從前久

懸為厲禁嗣因利之所在種植日多光緒十六年總理各國事務衙門會同戶部奏請加征稅釐欽奉 上

諭異能設法稽征認真辦理既可裨益餉需並可以征為禁隱厲崇本抑末之意等因欽此 聖謨洋洋

正俗坊民之要道也今若明定數目某省擔以萬計某省擔以千計將使九州之上腴盡棄嘉禾而糶粍奔

必致畝無穰糧家無儲粟樂歲既少歲歲凶年更坐以待斃往者秦晉大祲餓殍載道其禍實中於此以齊

稼賊民之事為損下益上之謀我 國家愛育黎元重農實粟不宜有此政體也且夫謀國計者計事理之

是非尤當權利害之輕重果其此令一下而二千萬之款即能歲輸於司農則謂見其利而遺其害獨可謂

也然今天下民力竭矣即 朝廷維正之供綜計地丁漕項雜賦等款額征銀三千六百萬兩有奇近年各

省實征不過七成約短征銀一千一百萬兩有奇乃土藥之稅與則壤成賦之正供相提而並論此必不可

得之數也臣請以山東省之山東土藥所產多在省城西南交沂曹濟各屬光緒十六年辦辦巨額釐稅

臣等伏乞 聖鑒 奏 光緒十五年 雜稅 十五

諭旨籌辦土藥稅釐在省城專設總局於產土地方派定經紀開辦設行棧俾便稽查復派印委各員會同
管理查西省土藥每擔約值銀二百餘兩每值銀一百兩征落地稅銀八兩釐金銀八兩如由各海關出口
則加收關稅銀八兩計每擔共收銀四十八兩自十七年奏辦以來多者不過七萬餘兩少則四五萬餘
兩不等今赫德所議山東土藥一萬擔以每擔六十兩計之應征銀六十萬兩較從前數且十倍是即於向
所不產之盛數之樹藝多方搜括猶未必能盈其數揆之事理既有所不可徵臣愚拙之性亦實力有所不
能復查赫德所開自山東而外如山陝直隸江皖閩浙等省姑不具論他如四川十二萬擔應征七百二十
萬兩雲南八萬擔應征四百八十萬兩貴州四萬擔應征二百四十萬兩吉林六千擔應征三十六萬兩甘
肅一萬擔應征六十萬兩此五省中以四川為最富庶而額征地丁雜稅不過六七十萬兩今所議土藥稅
多至十餘倍恐竭全省之財力亦有未逮至雲南貴州吉林甘肅四省皆所入不敷所出全賴部撥鄰省為
之協濟上年戶部攤還俄法英德借款此四省中除雲南蒙自關外其餘皆未指撥蓋以該四省本係缺額
之區無可籌措也今如赫德所議以邊陲瘠薄之地而實以數百萬數十萬之土稅恐難以劉晏之才商鞅
之法亦不能強無而為有矣當茲庫藏奇絀債負纍纍部臣持籌之苦衷疆臣亦當共喻使能歲獲鉅款如
原奏所稱不加稅而稅裕固所樂聞然此裁種土藥之地畝固即 國家已有正供之地畝也我 朝 列
聖相承深仁厚澤蠲租減賦史不絕書二百五十餘年官吏恪守定章罔敢苛斂土藥雖獲利稍厚征稅以
示裁抑其亦可矣乃於地畝正賦之外復浮計其出產加征至或相倍蓰或相什伯之多即令如數取盈已
非 聖朝寬大之政況財者國之脈民之命竭地利之所出不能鑿其誅求必至商賈裹足怨譟繁興現在

屬漢黔粵正疆激環伺之秋倘使民不堪命勢必包藏禍心迭起事變患且不可勝言利於何有是二千萬之數斷不可得何必慮懸誥令爲此得不償失之謀哉欽惟我 皇上聖德如天愛民如子籲懇收回成命 敕下戶部暨總理各國事務衙門仍照現辦土藥釐稅章程通飭各省實力稽征毋任隱匿中飽以期上可裕 國下不病民至攤還洋債上年經戶部分別派定凡常年應解之款無論如何爲難臣當督同司道各員設法騰挪如期清解各直省疆臣均受 恩深重當能各清各款上好 宵旰之憂正不必另議新章洋款已不至無著臣尤伏願 皇上聖敬日躋 恭儉爲德念損上方能益下竭澤必至無魚常存撙節愛養之心力屏土木遊觀之樂其在易曰節以制度不傷財不害民大學言用之者舒則財恆足果能取之有制用之有經則小民蒙 浩蕩之恩 聖祚有無疆之慶矣 郵鈔

管理戶部大學士麟書等奏山東巡撫李秉衡奏部議總稅務司所籌征收土藥稅釐辦法窒礙多端懇 恩飭部照舊稽征無庸改議一摺光緒二十三年六月初十日奉 硃批該衙門議奏欽此欽遵由軍機處抄交到部據原奏內稱山東土藥所產云云臣等伏查前因洋債過巨籌款維艱不得已議將土藥稅釐另行設法整頓隨據總稅務司赫德開呈手摺擬改由奉天之山海江蘇之鎮江四川之重慶雲南之蒙自各關試辦征收當經臣部商酌歸各省征收則責成督撫歸四關征收則責成稅司土藥爲中國出產釐金係地方專責斷無不信督撫而委任稅司之理是以就赫德所開土藥擔數每擔擬收銀六十兩奏准通行各省設立總局試辦稅釐並征各省接到此次部議自應將該省土藥實在出產數目妥定征收章程專案詳細奏報方爲切實辦公之道若專持己見輒以窒礙難行爲詞於土藥一切利弊仍舊未能興革不惟使好

議論者專以土藥不歸洋關征收爲失計將來續借洋款無可籌還致失償於外人屆時又難執其咎哉卽如山東土藥一萬擔該撫稱多方搜括未必能盈其數查蘇德手摺內開甘肅陝西山東山西河南直隸六萬擔原就各省多寡之數體統合計並非指定山東一萬擔且山東縱不及一萬擔之數究竟各屬出產若干該撫亦未能確切指出至征收土藥稅釐該省每擔共銀四十八兩係按分次交納之數先後並計非一時征足然征落地稅以後未至局卡以前私售偷漏者已多矣既納釐金以後未至各海關以前私售偷漏者又多矣名爲每擔征銀四十八兩實則不知若干據方始征收足數似不如就土藥繁盛處所設立總局一次征足不再重征庶免挂漏復查部議土藥一端現惟山東登覆其餘各省尙未奏報乃該撫於山東以外論及四川而謂其財力不逮兼論及雲南貴州吉林甘肅而謂其入不敷出並念蜀滇粵強敵環伺恐至商賈裹足怨譟繁興包藏禍心迭起事變洵爲通籌全局起見然四川等省土藥固不能強無而爲有未嘗不可化私而爲公究應如何征收須俟各省覆奏到日再行酌核未便預爲擬議若謂以加重稅釐之故商賈不獲厚利未免動以浮言則是觀望者不過運銷土藥之人而各項商販自若也怨譟者亦祇吸食土藥之人而各項農民自若也何至包藏禍心迭起事變總之土藥本害人之物愚民貪利忘害以致種植日多因其種植之多而酌加稅釐嚴查私販正與光緒十六年諭旨以征爲禁隱寓崇本抑末之意相符該撫所稱九州上腴盡棄嘉禾而植惡卉亦可謂必無之事矣抑臣部有難已於言者上年攤還洋債分別派定該撫聲稱無論如何爲難當設法騰挪如期清解自是公忠體國之意惟是日本償款除已付一萬萬外尙有未付一萬萬勢必續借洋債方能清償既續借洋債以後仍須分攤各省方可籌還而各省同一措

掘此盈千累萬之巨款究由何項指撥臣等日夜紆籌萬分焦灼亟思就已有之利剔釐積弊爲得尺得寸之謀終慮多寡懸殊不能補苴萬一倘各省疆臣果如山東撫臣所奏各清各款上紆 宵旰之憂不必另議新章洋款不至無著則臣部幸甚大局幸甚郵鈔

戶部議覆變通土藥稅章片再光緒二十三年四月十二日御史張兆蘭奏各省土藥行銷日盛請變通收稅章程一摺軍機大臣面奉 諭旨戶部議奏欽此欽遵鈔交到部據原奏內稱土藥爲籌款大宗擬令各省查明實在出產數目專案報部一律改捐落地正稅蓋就地徵收較關卡易於查察自收落地稅後任其運銷別省概不重徵商民知不重徵亦必樂於從事並擬請由戶部發給印花領新繳舊收稅後卽准黏貼印花所過關卡隨時查驗有印花者放行無印花者罰扣並請裁撤各局委員以省浮費專歸地方官經理按結詳報如能收稅足額由該管上司比照徵收錢糧之例酌加獎敘設有隱匿一經查出卽行嚴參等語臣等伏查各省土藥臣部已另籌徵收之法定議具奏正繕摺聞據御史張兆蘭奏請前因查該御史請徵收落地稅一節與臣部所擬在出產土藥繁盛之處就近每百斤繳足六十兩概不重徵大致尙屬相符惟所請裁撤各局委員專歸地方官經理雖爲節省浮費起見第恐地方官公事繁多未能常川稽查似不如設立總局派委委員就近徵收較爲得力至印花請由戶部發給邊遠省分赴京具領未免有稽時日且易開需索留難之弊應由各省將軍督撫自行妥酌議定應用何項印信迅卽奏明開辦以免遲延郵鈔包世臣云烟本非例禁農民種之商賈業之若驟加禁絕則商民並受其累而胥吏訛索之後繼以包庇必至立法不行惟有預飭大吏徧行愷示假如甲年下令則乙年禁種丙年禁賣其甲年農民所種之烟

仍可收利乙年遵令改種他穀於農民毫無所損甲年所產之烟不過足供乙年之賣商漸收其本改營他業於商賈亦無所損凡植物一年不種其子即不能生禁之之法不必科以重罪但令犯禁種賣者他人取之無罪則自絕耳禁絕之後以種烟之土種穀又分其糞與人工以治他畝穀之增者無算矣安

吳四種

中英訂定商約第八款之第五節光緒二十七年

英國本無意干預中國征抽土藥稅項之權惟須聲明徵抽此項土藥稅項之辦法不得於他項貨物稍有耽延留難亦不得藉詞徵收別項捐費中國可在各省水陸邊界要隘仍留舊設之土藥稅所凡所有應繳各種稅捐在於該所作一次交納即算在該省之內應納各項稅捐均已完清且每塊黏貼印花以為完稅之據各該局所可覓用巡勇警察以防偷漏惟不得設有卡欄或別項阻碍之具至此項土藥局所警察巡勇不得於他項貨物有所耽延留難亦不得藉詞徵收別項稅項并須將所留各局所地址即應開單照送存查

右土藥稅

順治二年題准凡運接西番關隘處所撥官軍巡守有夾帶私茶出境者拿解治罪其番僧若有夾帶姦人並私茶者沿途官司檢出茶貨入官伴送夾帶人送官治罪若該衙門官縱容私買茶貨及私受餽送增改關文書聽巡按查究辦理會典事例

又題准進貢番僧應賞食茶須給勘合撥發由茶倉所照數支放不許收買私茶會典事例

三年題准甘鎮以茶易馬各番許於開市處互市不得濫入邊內會典事例

四年議准凡置買田宅不稅契者管五十仍追契價一半入官會典事例

九年革除江陰青浦二縣坐派養牛雜稅戶部奏言江陰青浦二縣有坐派養牛之稅實屬病民請嚴飭督撫按臣行府州縣官將牛牙雜稅等項止許於買賣市集照例抽收若有橫派鄉民者指名參處通考

十年覆准茶商舊例大引附茶六十籠小引附茶六十七斤餘今定每茶千斤槩准附茶一百四十斤如有夾帶查出治罪會典事例

又題准凡鎮弁發銀市馬查覈的確准令購買若有載茶易馬者概行禁止會典事例

康熙元年題准禁止有司私給稅單收稅會典事例

十二年覆准小民肩挑背負尺布斗米蔬果食物貿易者地方官不許徵稅會典事例

四十一年覆准京城內外煤牙悉行禁革其煤牙額稅停止徵收會典事例

四十三年革除私設牙行戶部議御史張運疏言貿易貨物設立牙行例給官帖使平準物價乃地方棍徒於瓜果蔬菜等物亦私立牙行名色勒捐商民請令部查稅課定例一切私設牙行盡行革除應如所請從之通考 互見內地貿易門

四十八年除革私設牙行吏部議覆江南道監察御史張運條奏貿易貨物設立牙行例給官帖使平準物價乃地方棍徒於瓜果蔬菜等物亦私立牙行名色勒捐商民請敕部查稅課定例除應立牙行者照舊設立外其餘一切私設盡數除革應如該御史所請從之通考

雍正十三年禁止契紙契根并停徵收稅課議敘之例奉 諭旨民間買賣田房例應買主輸稅交官官用印信鈐蓋契紙所以杜奸民捏造文券之弊原非爲增課也後經田文鏡創爲契紙契根之法預用布政司印信發給州縣行之既久書吏貪緣爲奸需索之費數十倍於從前徒飽吏役之壘甚爲閭閻之累不可不嚴行禁止嗣後民間買賣田房仍照舊例自行立契按則納稅地方官不得額外多取絲毫將契紙契根之法永行禁止至於活契典業者乃民間一時借貸銀錢原不在買賣納稅之例嗣後聽其自便不必投契用印收取稅銀其地方官徵收稅銀多者停其議敘通考

乾隆元年除近海居民雜稅戶部覆准尙書甘汝來奏言邊海之地居民採捕魚蝦藉以活命其船則用單桅不能出洋貿易向祇於本縣給照稽其出入並不輸稅近聞各海關監督雖單桅船隻亦令請領關牌同雙桅出洋貿易之船一體輸鈔無論輸鈔之多寡卽請領關牌一次已需規例四五兩不等請查明海疆單桅捕魚之船槩免領牌輸餉庶海濱貧民得有生計至近海貧民資生無業有用竹筴取魚者有於埠頭養鴨者閩廣之間悉按筴按埠徵稅此項稅銀無多既非額稅所有卽係官吏私征應令各該撫查明禁止從之通考

二年題准湖南永州府帶徵商稅及常德府報增餘出鹽鈔昌平熟鐵等稅武岡州報增餘出門攤酒醋等稅岳州府屬之巴陵縣報增餘出漁稅查明係屬零星商販及額外加增之項准全行禁革會典事例

又題准湖北安陸府所屬之河家集等十六處襄陽府所屬之雙溝等十集鄖陽府所屬之安陽龍門江峪三處均係小村落向徵稅銀全行禁革會典事例

又題准平涼府屬之白水鎮布疋煙紙等稅臨洮府城福稅並屬府之定羌驛內官營落地布麻褐等稅悉行

籌革會典事例

又諭總理事務王大臣朕查閩省澎湖地方係海中孤島並無田地可耕附島居民咸置小艇捕魚以餬其口昔年提臣施琅倚勢霸占立爲獨行每年得規錢一千二百兩及許良彬到任後遂將此項奏請歸公以爲提督衙門公事之用每年交納率以爲常行家任意苛求憚人多受剝削尙爲沿海窮民之累據總督郝玉麟宣朕諭旨承行禁革其現在捕魚船隻飭令該地方官照例編號稽查辦理

三年題准江蘇等屬落地稅銀分別裁留實在各屬請裁銀二千四百四十八兩五錢有奇准予釐除會典事例

例

又題准直隸遵化州寶坻縣及容城之白溝河等四集河西務等三處並撫靈之深河山海衛之梅澤石門等處宣化府屬之蔚州河間縣之桑家林等處均係零星交易土產貨物應徵稅銀均予裁革會典事例

又題准四川廣元縣每宰一豬徵銀三分商販活豬已經收稅宰豬又徵事屬重複應行裁革會典事例

五年奉諭旨民間懸遷有無官立牙行以評物價便商賈其頂冒把持者俱有嚴禁近聞外省衙門胥役多有更名捏姓兼充牙行者此輩倚勢作奸壟斷取利必致魚肉商民被害之人又因其衙門情熟莫敢申訴其爲市塵之毒尤非尋常頂冒把持者可比所當亟爲查禁嗣後胥役人等冒充牙行作何定例嚴禁及地方官失於查察作何處分之處交該部定議具奏等因各省衙門胥役現在更名捏姓兼充牙行者令地方官嚴查確實卽行追帖勒令歇業並將胥役充補牙行之處承行嚴禁倘不法胥役仍敢更名捏姓兼充牙行應照更名承役例治罪使食客貽累商人者發附近充軍該管官照例議處載入則例遵行從之

六年革除牙稅積弊戶部覆准河南巡撫稱爾爾稱懲運有弊小民日用之需兩抽收稅設立牙行所以
通商賈而息爭端其有私收把持者均干禁例查牙戶一項原因從前州縣任意增派流行給帖是以著爲定
額毋許額外增添其有把持壟斷朋夥私充者例有治罪之條地方官理應實力奉行豈容於額設牙行之外
另立名色擾累商民今該撫所奏各省貿易集場及零星口岸於額設牙行之外竟復有業主僱頭名色
朋比據任意勒索實爲商民之累自當通查禁革清除積弊以便商民應行令各省督撫轉飭各該地方官
嚴查禁革倘地方官奉行不力復滋前項弊竇亦卽指名查參從之通考

十七年議准直省地方遼闊凡有種麻植靛燒炭烘茹開礦採捕等事無業窮民羣集於深山大谷湖濱海汊
之閒務令該州縣親履其地勘明形勢細查來歷繪圖貼說造冊申報督撫仍按季覆查該督撫於四月十
月內繳令巡道會同營弁稽查出結申報備地方官及巡查官弁有縱容兵役滋擾累民者該上司卽據報督
撫照參會典事例

三十一年諭民間田房漏稅在民自應查明令其補交若外州縣官辦理稅契於紙內鈐蓋印信並不黏用司
印契尾是不肖有司意圖侵肥入己所致其實小民應投稅銀業已照數輸納今乃令業戶補稅不於原額之
州縣名下追還足百姓受重稅之累而侵隱之官吏轉得安享其利於情理殊未得平著該督撫詳悉出示曉
諭凡民間有已經投稅並無司頒契尾者令其據實首明卽行補給契尾其稅銀毋庸重複補納以恤民力並
查係何員任內經手除事在五年以前及該員已經身故者查明免其勒追外其現任及陞調各員著照原稅
銀數於各名下定限追完此後如有止給契紙不遵用契尾者各督撫卽行查參治罪如此其聞既免重

科州縣共知儆協會典事例

嘉慶四年議准崙峒關販玉商民到關自行報稅如有鋪戶人等串通在關書役包攬承納稅課從中留難及濫稅別貨者許商人喊稟究治會例典事

又議准崙峒關玉石漏稅覈計正稅在五錢以上加罰一倍一兩以上加罰兩倍二兩以上加罰三倍三兩以上加罰四倍四兩以上加罰五倍五兩以上將貨物一半入官一半補稅若銀數在五錢以下者止令完納正稅免其加罰會典事例

十六年諭內閣御史楊懌會奏請除稅契積弊一摺民間置買田房隨契納稅國課攸關乃州縣官吏竟有以多報少爲欺隱侵蝕地步積弊相沿自應嚴行查禁著直省督撫等通飭各藩司認真稽覈隨時抽驗如有前項弊端一經查出卽隨案參處照例懲辦至該御史請將各州縣册報銀數由藩司每季刊刷懸示曉諭一節小民田地房產置買不時若由司常川出示曉諭愚民耳目混淆輾轉訐告必致獄訟煩興是除弊而轉以滋弊也 聖訓

道光八年諭內閣那彥成等奏嚴禁奸商私販茶葉並設局稽查一摺甘肅官引額銷茶葉每年例應出關二十餘萬封近來行銷竟至四五十萬封之多顯係以無引私茶從中影射其行銷各城又復遞加價值每兩茶一封售銀七八兩至十餘兩不等此等奸商私販勾通外夷剽削回眾不可不嚴行禁絕現據那彥成等酌請每封官爲定價阿克蘇價銀不得過四兩喀什噶爾葉爾羌不得過五兩作爲永定之價不許增添並於崙峒關地方照殺虎口歸化城張家口等處設立稅局阿克蘇照古城設立稅局喀什噶爾葉爾羌爲行銷總要之

區均設立稅局稽茶奸商私販以杜流弊俱著照所議辦理其詳細章程著那彥成等另行妥議具奏
同治二年四月以潞鹽滯銷諭劉長佑等嚴禁蘆課侵越東華續錄

附錄同治年間御史鄧承修請飭禁抽收賭款疏竊廣東賭風最熾向有闍姓番攤白鴿票花會等名近年則番攤白鴿票花會經督撫臣明禁雖未能盡絕根株尙不致設局開場抽收經費如闍姓一事者查闍姓之賭起自機房小民漸而相率效尤行於省會經前撫臣郭嵩濤罰繳款項以資津貼奸民因此藉端票案抽繳經費巧立榜花名目每屆鄉會科期及歲科兩試之先設局投票每票限寫二十姓以中姓多少爲贏輸其投票之資則自一分一錢以至盈千累萬其投票之處則自省會以及各府州縣窮鄉僻壤其投票之人則自縉紳士大夫以及農工商賈婦孺走卒莫不罄其所有各存倖心希圖一擲以致傾家破產歇業潛逃甚而服毒投繯妻鬻子凡此之類難以悉數尤可駭者每遇科年謠言四起或云某姓已通關節或云某姓已託人情其歲科兩考百計鑽營有姓字未登票內或經取錄則畀多金惑使不行赴覆或尋其瑕隙激同大眾稟攻否則有賂之故犯場規甘遭擯斥者至武關鄉試並無糊名其監射等弊竇更難縷指以 國家掄才之典爲市儈賭博之資阻寒士登進之階啟官紳貪污之漸立心之險設局之奇有如此者伏思粵東素稱富庶自紅匪構亂以來迭經兵燹賈肆蕭條民生凋耗該督撫臣留心民瘼各賭具已行明禁獨闍姓未經裁革其始則借罰款爲名繼則以抽收成例在該督撫之意不過以用項支絀藉資津貼耳豈知其爲害之至於此哉夫番攤白鴿票花會各賭率皆市井無賴之尤稍知自愛者猶不肯爲若闍姓則公然設局明目張膽恃官長爲護符卽父兄何能束其子弟傷風敗俗病國

囊民莫甚於此且賭博之禁 朝廷顯有科條今則官爲抽收更復成何政體就令有利無害臣愚猶以爲不可況爲利無幾而貽害如此若不早行禁止恐科場因此而滋事必至釀成巨案百姓由此而並窮必至流爲寇盜其弊更有不忍言者何以仰答我 皇上愛民取士孜孜求治之至意相應請 旨飭下廣東督撫臣將抽收闖姓賭款迅行裁革出示嚴禁以肅政體而杜弊端經世文續

右禁令

皇朝正史彙編卷九十七終

皇朝政典彙編卷九十七終

皇朝政典類纂卷九十八

征權十六

內地釐金開辦事例

咸豐三年諭內閣自軍興以來需餉浩繁特發帑金數千萬兩以冀爲民除害今逆賊困踞江城已極窮蹙河北之賊旦夕亦可翦除惟軍需各款不能不寬籌備疊經降旨諭令山西陝西四川廣東等省督撫申論勸捐以資接濟並特頒恩旨加廣中額學額以昭激勸通行各省諒已周知本日據僧格林沁奏請派山西四川廣東陝西京員回籍勸捐該郡王自係因需餉孔殷亟籌集事起見朕思各該省大吏身任封疆值此車需緊要之時自無不督率所屬盡心籌辦卽如各省在籍大小官紳或經特旨簡派或由京員保奏奉旨幫辦捐輸團練事宜該員等桑梓情聯惻忱共抒亦必能協同地方官剴切勸諭踴躍輸將以申敵愾同仇之志前此山西陝西等省捐貲備餉不下數百萬兩卽被兵省分素稱瘠苦之區亦多竭誠報效可見急公好義人有同情經理得人易收成效正不必再派京員紛紛四出致令各省官紳轉生觀望譬申諭山西陝西四川廣東各省督撫飭地方官及在籍紳士廣宣德意徧示鄉閭俾知捐助軍餉卽與效力行間無異所捐之款一有成數卽行奏明候朕優加獎勵各該督撫卽宜諭官紳士民同心合力以濟軍需從此掃蕩賊氛綏靖疆圉朕實有厚望焉

東華續錄

四年江甯布政使雷以誠奏竊自粵匪竄擾以來地已十省時及四年各處添兵卽各處需餉兼之鹽引停運關稅難征地丁錢糧復因兵荒而蠲免緩征國家經費有常入少出多勢必日形支絀而逆匪蔓延又

不知何時平定有餉無兵尙可招募有兵無餉更難支持上年夏間奏請於襄下河設局勸捐藉練壯勇保
守東路一經開導無不踴躍蓋紳民身家念重痛癢相關故臣之勸捐視各處較易然皆不過曉以大
義動其忠愛之良非別有抑勒把持之術也特爲時已久精力已竭誠恐未能源源接濟臣晝夜思維求其
無損於民有益於餉並可經久而便民者則莫如商賈捐釐一法因襄下河百產之區米多價賤曾飭委員
於附近揚城之仙女廟邵伯宜陵張網溝各鎮略仿前總督林則徐一文愿之法勸諭衆行捐釐助餉每米
一石捐錢五十文計一升僅捐半文於民生毫無礙而聚之則多計自去歲九月至今祇此數鎮米行幾
捐至一萬貫既不擾民又不累商數月以來商民相安如同無事古人云逐末者多則塵以抑之捐釐之法
亦宵人微末之微意而變通行之入少則捐少入多則捐多均視其買賣所入爲斷絕不強民以所難況名
爲行鋪捐釐其實仍出自買客斷不因一二文之細爭價值之低昂所爲征於無形而民不覺者也臣因此
法商民兩便且細水長流源遠不竭於軍需實有裨益是以現在復將此法推之襄下河各州縣米行並各
大行鋪戶一律照捐大約每百分僅捐一分甚有不及一分者令各州縣會同委員斟酌妥議稟明出示起
捐其小鋪戶及手藝人等概行蠲免以示體恤現在仙女廟各行鋪戶均已議妥業於三月初十日起捐並
將該鎮所立章程刊刻刷印發交各州縣照辦俟襄下河各處勸齊起捐後究竟可以收捐若干自應隨時
據實奏聞如果爲數較多不惟臣營可資守禦並可協濟琦善軍營之需夫富家之捐輸有盡而商賈之轉
運無窮當此帑項拮据之時若不設法熟籌必至束手坐困而取之無方又恐於民有礙故不得不於藉資
民力之中仍寓勸恤民隱之意輕而易舉絕無苦累惟襄下河特彈丸一隅乃河臣楊以增勸捐於斯前漕

臣李湘菸勸捐亦於斯此去彼來商民幾無所適從其竊臣捐釐之處僅止揚通兩屬其餘大江南北各府州縣未經勸辦者尙多如果江蘇督撫及河臣各就防堵地方分委廉明公正之員會同各該府州縣於城市鎮集之各大行鋪戶照臣所擬捐釐章程一律勸辦似於江南北軍需可期大有接濟統俟軍務告竣再行停止經世文續編

諭雷以誠奏試行捐釐助餉業有成效請推廣照辦以裕軍儲並開列章程呈覽一摺粵逆竄擾以來需餉浩繁勢不能不借資民力歷經各路統兵大臣及各直省督撫奏請設局捐輸均已允行茲據雷以誠所奏捐釐章程係於勸諭捐輸之中設法變通以冀眾舉易舉據稱襄下河一帶辦有成效其餘各州縣情形想復不甚相違著怡良許乃鈞楊以增各就江南北地方情形妥速商酌東華續錄

戶部奏咸豐四年十一月十九日勝保片奏勸諭商販抽釐助餉並錄呈雷以誠奏州仙女廟等處抽釐章程奉 硃批戶部核議速奏單二件併發欽此欽遵於二十三日由內閣抄出到部據原奏內稱伏查雷以誠前在秦州仙女廟等處勸諭商販抽釐助餉頗著成效每月所入捐資數萬串不等閱開載章程裏多益寡既非苛斂經權達變無病商民行於用兵之省可助軍餉推行於各省更多利益況商捐商辦弊混難生利中取釐無傷於本雖江南水陸交衝商賈輻輳因鎮江爲賊所踞道途梗阻商船繞道而行秦州仙女廟等處遂成積聚之區辦理較易北路坐商多而行商少然糧米油炭布棉雜貨等物往來商販隨處皆有因地制宜未嘗不可仿照而行由少聚多其利甚溥但各省水路馬頭往來貨物非地方官及紳董熟悉情形認真辦理斷難收效若不專委之地方各官及各紳董恐畏難苟安存多一事不如少一事之心非徒託空

旨即巧爲推卸可否請 旨飭下各路統兵大臣會同本省隣省各督撫督同地方官及公正紳董仿照雷
以諱及秦州公局勸諭章程悉心籌辦官爲督勸商爲經理不經吏胥之手自無侵漏之虞用兵省分就近
隨收隨解他省亦暫存藩庫爲撥濟各路軍餉之需如此權宜籌度在遭賊蹂躪之地同仇志切誠有輸誠
樂助之心卽安居完善之區計利取盈更可得挹彼注茲之力總期有益於軍餉無病於商民事在必行無
虞寧礙實於軍務有裨俟軍務完竣再行體察情形所有雷以誠並秦州公局勸諭章程另單恭呈 御覽
等語臣等伏查本年閏七月兩江總督怡良奏籌撥軍餉案內有百貨抽釐之語當經臣部奏請 飭查迄
今尙未覆奏茲據勝保奏雷以誠前在秦州仙女廟等處勸諭商販抽釐助餉頗著成效請令各路統兵大
臣會同本省隣省各督撫督同地方官並公正紳董仿照雷以誠章程悉心籌辦等因臣等公同商酌將雷
以誠抽釐條款逐加核算不過百分取一當此軍需支絀之時積少成多未始非補助之一法惟雷以誠在
秦州仙女廟二處勸諭抽釐係屬水陸交衝商賈輻輳辦理或易爲力北路坐商多而行商少市鎮有大小
之別貨物有多寡之殊如果辦理得宜原屬眾擎易舉設或措施不當卽爲眾怨所歸勝保但慮地方官畏
難苟安巧爲推卸臣等轉慮藉端滋擾從而取盈應請 飭下各省督撫專委道府大員督同州縣揀派公
正紳董各就地方情形妥爲籌度既須有裨於 國用尤當體察夫輿情如蒙 俞允卽由臣部將雷以誠
抽釐章程繕發各省督撫查照辦理至各路統兵大臣於地方紳董本非聯屬且身在行間志圖滅賊自有
當務之急又非雷以誠責任藩司幫辦軍務可比所有用軍省分酌量抽釐之處應由各該督撫籌議具奏
毋庸會同統兵大臣所收錢文悉數解充兵餉亦不准地方官擅自挪移取影射侵漁之弊

六年諭軍機大臣等會國藩奏軍餉不繼請於上海抽取釐金接濟等語江蘇省抽取釐金所有上海地方是否一律辦理見在會國藩在江西軍餉缺乏但有可籌之款自應不分畛域力籌接濟惟上海為夷人通商口岸抽釐之舉於夷稅有無窒礙著怡良吉爾杭阿體察情形如該處各市鎮行貨可以抽釐釐餉即著酌量辦理並照會國藩所請飭調在浙之前任杭嘉湖道顧椿會同松江府知府袁芳瑛專司其事俟集有成數奏明候撥備上海未辦抽釐而於商情或有窒礙亦著據實奏聞毋庸勉強遵就東華續錄

又諭軍機大臣等慶祺等奏會籌商戶日捐釐捐試辦情形請飭吉林籌辦一摺盛京兵餉待用孔亟庫款支絀該將軍等見擬釐捐銷稅二條權行試辦酌立章程令店商於買貨之家照所買價值每東錢百千抽捐東錢一千每糧十石捐東錢一千不及者以次遞減商賈舖戶則量其生意大小分晰等第按戶逐日捐東錢數十文至一千餘文不等兩月以來辦理已有成效此項捐輸本屬權宜之計既據該將軍等奏稱該商等樂從自應照議辦理俾盛京兵餉稍資接濟惟不可稍有抑勒致拂輿情總期商賈樂輸庶可行之久遠至所稱奉天與吉林接壤商販貨物兩省流通請飭吉林一體辦理等語吉林地方是否能行釐捐銷稅著景浩體察該處情形酌量妥辦並著慶祺等將奉天見辦章程咨交景浩查照俟辦有端緒再行酌擬章程具奏等因會籌商戶酌量妥辦分飭內外城遵照奉行報聞東華續錄 互見鋪面稅

七年諭軍機大臣等德興阿等奏揚營軍餉缺乏請於上海勸捐抽釐一摺自係為軍務緊急起見惟捐輸抽釐總宜專歸畫一方不致商民藉口上海地方商販固形旺盛而本處地方已早有抽釐之舉若再由江北派員往收是同一貨物而兩處抽收不但迹近重徵且章程亦難歸畫一上年和春軍營派谷韞燦等往蘇常一

長惠正勇勇
帶勸捐曾經諭令停止原以勸捐一事應由地方辦理若有軍營委員勸辦恐地方官紳轉得藉詞諉卸今德興阿等請由江北派員赴上海勸捐抽釐撥諸事理以多窒礙至沙船捐輸非可視為常例而抽釐請獎尤為各省所無亦與江南現辦章程不符何桂清前奏正欲將上海稅務力加整頓尙未辦有頭緒斷不可使令出多門更難釐剔所有上海抽釐及沙船能否勸捐之處仍循何桂清稍德轍遵委公正明幹之員前往查覈辦理江北糧臺毋庸派員前往經何桂清等此次整頓之後江海關稅務定有起色進項較多即可兼顧揚營軍餉原不必專指上海一處卽蘇常等府如果捐項有餘亦可借資挹注江南江北同係該督撫所轄地方不得稍分畛域致令向隅 聖訓

戶部奏勝保奏請各省普律抽釐一摺本年六月二十三日奉 硃批戶部速議具奏欽此欽遵到部據原奏內稱方今天下大局不患賊之難平而患餉之不繼先是江楚督撫臣奏請捐釐當初原屬試行現經辦理有年已著成效各該省一切軍需未必不賴以補苴臣以為一隅小試不過補救於目前一律舉行始善美利於天下查抽釐之法計貨物之多寡以定所抽數目卽本諸周禮市廛之微意而與時增損之豈可行於殘破之區轉不可行於完善之地現南省所用之兵皆自北省征調而來如直隸山東陝西甘肅卽以本省所抽之釐供本省征兵之用亦屬大有裨益現在中外臣工籌議生財之法亦已無微不至卽經臣思維再四籌及他端非涉更張卽緩不濟急卽如地丁一款自京餉以及他項各有常經不能專顧軍務捐輸一款行之既久羅掘將空且被賊省分地丁關稅鹽課正項業已虛懸祇靠捐輸以補不足亦非救時長策况捐納出於紳富罄一家之力益於上者無多損於下者不少抽釐出自各商合眾人之資散而出者有限

萃而入者無窮事簡效速無過於此臣克復三河尖後爲日無幾各商賈已陸續來歸情殷報効呈請前往抽釐臣因皖省撫臣無暇兼顧札飭廬鳳道解送詳細章程以便遴委妥員會同本地紳士料理如果集有成數於豫軍不無小補因思河南之周家口賒旗店清化鎮山西之平陽汾州蒲州甘肅之甘州涼州秦州甯夏皆商賈輻輳之區推之四川陝西直隸山東亦皆饒沃如果實力奉行計一處每年所得已不下一二十萬串合數省計之每年自不下數百萬串專留此項接濟各路軍營再有不足始行動用地丁歷久之後帑項自漸充足至於雲貴兩廣現有軍務若相度情形酌量辦理亦可接濟本地軍需相應請 旨飭下直隸山東山西四川陝西甘肅雲貴兩廣各督撫照楚省章程概行辦理但恐經理不能得人徒飽私窠無裨正供務須慎選廉明之吏認真核辦並嚴定賞罰條例果有成效卽予優獎倘查有侵漁情弊亦卽加等懲處俾各員有所勸懲自必力求成效不出半年各路軍營餉項無虞缺乏務平必可指日等語臣等伏查軍興以來餉需浩繁部撥之銀已及六千五百餘萬大都出自地丁錢糧鹽關稅課至抽釐之議創之前任兩江總督怡良及前任江蘇藩司雷以誠撥貸抽收非如丁糧稅課確有成數可稽祇緣各路軍營餉需不繼經該地方大吏權宜酌辦聊藉補苴臣等公同商酌現在用兵各省或因部撥餉銀一時未能接濟爲此萬不得已之計暫濟目前亦屬補苴之一法除江楚抽收動用確數應令該督撫確查報部此外用兵各省能否照辦應請 旨飭下各該督撫體察情形慎選廉明之吏於水陸交衝地方妥籌酌辦如能試行卽嚴定賞罰條例辦有成效者給予優獎倘或激生事端及查有侵漁等弊卽將承辦之員據實參奏加等治罪仍責成各該督撫將抽收動用確數按季報部以憑查核總期 國計民生兩無妨礙是爲至要至勝保所稱

三河尖商賈呈請抽釐已飭盧鳳道解送詳細章程以便遴員料理之處並請 飭下安徽巡撫體察該處情形遴選廉謹委員會同該處紳士妥為料理不准假手胥吏致滋弊端其抽收錢文如何能歸實用不致漫無稽考並令該撫及現辦抽釐各省督撫詳議章程奏明辦理 經世文續編

八年諭軍機大臣等備格林沁慶祺奏酌議加價抽釐等章程開單呈覽一摺所議鹽斤加價及設局抽釐各事宜均著照議辦理 東華續錄

九年諭前因袁甲三奏餉需不繼請飭在山東登萊青三府屬海口舉辦抽釐當諭令崇恩飭屬查覈妥議具奏尙未據該撫奏到本日據慶祺奏津郡辦理釐捐接濟經費而近來商船多繞赴登州府屬之煙臺海口出入藉圖趨避該處向未設有稅局以致有礙釐捐且恐各處關稅諸多偷漏著崇恩即行遴委委員查明煙臺海口情形議立章程照例覈實徵稅暫行撥解天津協濟海防經費俟海疆平靖仍歸山東報撥至袁甲三所請於各海口抽釐接濟徐州軍餉之處仍著該撫妥籌辦理 東華續錄

又 諭軍機大臣等英桂奏籌撥餉項不敷擬試抽釐稅一摺據稱山西省連年籌解京協餉項及部撥各款為數甚鉅多藉助於捐輸見在俯察輿情自疊次捐輸之後未能踴躍惟有仿照各省抽收釐稅尙可酌盈劑虛自係一時權宜之計著照所請除有關民食及零星販賣者均毋用抽收以示體恤其餘當酌議簡明章程分別省內外設立總局分局慎選委員責成地方官妥為經理 聖訓

又肅親王等奏洋藥一項業經立定科則惟各省見辦釐捐此項洋藥既准其販運內地且各省本地出產亦復不少該地方官自必一律抽收釐捐若不酌定徵解章程難免隱匿擬請軍務省分所收洋藥釐捐准其留

支軍餉仍按三箇月造册報部查覈其無軍務省分照前奏關稅章程按三箇月一面報部一面起解不准留抵別項支用致滋率混從之東華續錄 互見洋藥稅

又 諭軍機大臣等前因袁甲三奏請飭山東在登萊青三府屬海口舉辦抽釐又前任直隸總督慶祺奏請於烟臺海口徵稅協濟天津海防經費均經先後諭令崇恩飭屬查明妥議辦理本日據該撫奏登萊青三府所屬洋面遼闊口岸散漫行戶零星貨本無幾若於照例三分抽稅外再加抽釐深恐商力不支煙臺海口亦屬僻徑船隻收口時往往將貨物分船載至天津無憑徵稅各等語各該地方抽釐收稅既據該撫奏稱窒礙難行何以昨據何桂清奏烟臺地方有夷商船隻停泊貿易並於該處買地造屋有粵人范姓經理其事如果烟臺地方偏僻該會等不當覬覦盤踞視爲利藪可見該撫所稱無憑設局徵稅但據該地方官一面之詞畏難卸責尙非實在情形况登萊青三府地方遼闊海口不少豈可概聽屬員蒙蔽毫無辦法著崇恩另委委員詳加察訪將何口尙堪試辦之處妥議具奏總期有裨軍餉亦不至擾累商民是爲至要東華續錄

又 諭軍機大臣等據樂斌奏酌議抽收棉花釐金辦有成效並請飭下烏嚙木齊都統認真抽稅一摺吐魯番屬地方棉花出產甚旺樂斌前在烏嚙木齊都統任內曾經奏明抽稅藉資餉糈原議試收二年後察看情形再行定額茲據奏稱自倭什理布奏請展限以來徵收數目遞年減少若非經理不善卽顯有侵蝕之弊等語棉花進口抽收釐金甘省辦理已有起色其口外徵收稅銀亦當切實查辦以裕經費况近來種植愈多銷路較前倍廣豈得將籌餉要需任令視爲營私利藪著圖伽布督同鎮迪道崇保查照原案體察情形力籌整頓並著查明歷年徵收銀兩確數酌定稅額妥議章程具奏備有贏餘儘收儘解分別奏請獎敘如徵不足數

卽責令吐魯番廳照額賠補該都統等甫經到任無所用其迴護不得任聽支飾致滋弊端並著裁汰一切浮費俾免藉口以濟餉需而昭覈實 聖訓

十年諭軍機大臣等據喬松年奏淮海兩屬推廣抽釐可否改交署漕運總督察看辦理等語前據喬松年奏請於淮海兩屬擇地設局推廣抽釐經戶部議交兩江總督察看辦理見在曾國藩尙未到任所有該運司請於淮海兩屬推廣抽釐之處有無滯礙著王夢齡按照部議就近察看情形斟酌妥議辦理以免稽遲 東華續

又諭內閣前因巴棟阿奏軍營賞號緊要請於秦興縣屬之口岸鎮地方設卡抽釐以濟軍需茲據喬松年奏該處抽釐於民未便請旨停止一摺江北釐局林立若再於口岸鎮設局與秦州江都如皋三處相去甚近商民之情不協所有巴棟阿前請在秦興口岸鎮設卡抽釐之處卽著停止 聖訓

又江蘇巡撫薛煥奏各國開辦新章上海稅釐兩礙情形得 旨見在各省撥捐軍食攸賴應如何嚴定稽覈章程著戶部議奏 東華續錄

十一年諭恭親王奕訢等奏稱廣東設有洋藥抽釐總局如有人先輸五十兩卽無庸在關上完納正稅又澳門關稅之茶葉日見其多每百斤稅銀二兩五錢抽釐局止徵五錢卽可任商繞越走私無一肯到關納稅設局抽釐原以補正稅之不足若如赫德所稱洋藥茶葉一經抽釐轉於關稅有礙是否實有其事並著勞崇光等據實查明轉傳所遞各件及奕訢等給英佛照會已咨行各口通商大臣卽著薛煥等按照各款詳細覆奏

同治元年戶部奏爲遵 旨妥議具奏事御史陳廷經奏停捐釐而舒民力一摺咸豐十一年十月十五日議
政王軍機大臣奉 旨戶部妥議具奏欽此又大理寺少卿潘祖蔭奏裁汰小捐整頓大捐一摺十月十九
日奉 上諭潘祖蔭奏請整頓釐捐等語著戶部妥議具奏欽此均由軍機處交出到部臣等伏查該御史
所奏各省設立捐局而不肖州縣通同本地紳衿藉辦公之名以爲肥己之計往往殷實之家可多捐者或
交通賄賂竟可少捐其力不能捐者反多方勒逼緣一縣之內上戶至少中下戶最多地方官惟將上戶巨
款報解而中下戶所捐者分之見少合之見多一概并入私囊無從查考等語臣等查軍興以來需用浩繁
地丁稅課不足供支不得不變通辦理自倡辦勸捐以來各省州縣勸捐出力者固多圖飽私囊者亦在所
不免應令各省督撫通查各州縣如有該御史所指前項情弊卽行指名嚴參以肅吏治至奏稱抽釐之局
宜於商賈雲集之地設局施行不宜擾及各縣小鎮近聞各省釐局但有抽釐之名實則抽分抽錢有加無
已凡水陸通衢以及鄉村小徑皆設立奉憲抽釐旗號所有行商坐賈於發貨之地抽之賣貨之地又抽之
以貨易錢之時以錢換銀之時又抽之資本微末之店鋪肩挑步擔之生涯或行人之攜帶盤川女眷之隨
身包裹無不留難搜括其弊不可勝言一局之中支應去其大半侵漁去其大半不利於民無益於國請酌
改章程力除弊竇並據潘祖蔭奏抽釐者所以濟正課之不足期於益上而仍無損於下今則一捐局設處
地方官紳百計謀幹曰某貨可抽釐若干某舖可抽釐若干多立名目濟其營私利之所在網羅殆盡甚至
茶坊餅肆各有例規暮夜追呼急於正課豪奴猾吏朋比爲奸劣官惡衿賤削靡已十分之中耗於隸僕者
三耗於官紳者三此四分中又去其正費若干雜費若干 國家所得幾何當此府庫支絀之時誠不能概

行停止然莫如汰除小捐整頓大捐等語臣等查咸豐四年講覆勝保等
試辦又洋藥抽釐經臣部會議洋藥納稅除水陸各關口均分別輸課外
物一律抽釐又本年二月議覆薛煥上海釐稅案內遵 旨嚴定釐捐稽
宜立限詳報以嚴考核各省釐捐宜釐定科則以杜弊混抽收市鎮坐賈
釐稅宜嚴定偷漏華商隱匿海口及各卡釐稅宜嚴行懲罰卡局各員侵
年抽收釐捐宜裁數勒限奏報以嚴稽核洋藥鹽斤兩項釐捐不准與貨
各省存案是各省抽收釐捐奏定章程實已至嚴且密各省大吏果能齊
具紳士皆能潔己奉公商民無擾累之虞 朝廷收輸將之益若如該部
體亦應令各直省督撫等明查暗訪儻有隱匿侵欺等弊卽行從嚴參辦
庚長奏稱撥收捐請給獎敘經臣部奏駁收捐一項由各戶攤捐紳富
可勝言所請收捐給獎之處應毋庸議又據山西巡撫奏請該省營粟按
并科納糧毋得按畝抽收以杜胥役訛索等因均經奉 旨允准在案茲
不利於民請飭各省督撫酌改章程一節查民間既完正賦又派畝捐當
此項畝捐亟宜嚴行禁止如有私自設局徵收者卽照私加錢糧之律治
釐已久但須設法變通去其太甚至北五省密邇京師民心尤宜因結臣
查西北各省均已舉行抽釐藉充軍餉若遽行停止恐兵餉有不繼之虞

形再行停止又據潘祖蔭奏稱絲茶烟酒鹽木綢緞洋貨八項爲最鉅請飭各督撫就所出所聚之多寡設
立捐局嚴定章程其他一切零星小捐概從汰禁等語查茶葉油收落地稅湖南湖北江蘇安徽江西浙江
福建廣東等省係產茶之區臣部已於議覆廣東巡撫摺內聲明應令各該撫詳細查明奏報到日再行核
辦其鹽斤抽釐湖南湖北四川淮南等處均已由臣部先後奏定章程辦有成效至煙酒綢緞絲木洋貨等
項向係彙入百貨徵收毋庸另議更張以防滋擾至各省抽釐本係不得已之舉近聞不肯官紳據爲利藪
藉捐之外又有指捐畝捐樹捐房捐等項名目胥吏追呼急於正課生民腴削日甚一日富者化而爲貧貧
者鋌而走險竭百姓之脂膏供官紳之耗費無裨 國課徒飽私囊當此積弊已深逆氣未靖若不力加整
頓何以固結民心惟各省抽釐章程數目迄今尙未報齊應請 旨飭下各省督撫各路統兵大臣除釐捐
之外其指捐畝捐樹捐房捐等項名目一概禁止查有不肖官紳通同舞弊卽行指名廢參以培元氣而舒
民力並遵照現奉 諭旨及臣部前次奏定八條捐釐章程悉心參酌體察各路情形於商賈雲集之區設
卡抽釐共若干處每處抽釐若干迅速妥議章程按月造冊報部以防流弊而憑辦理其鄉村小鎮貧民下
戶及肩挑貿易小本營生概不准其抽釐以免擾累總期推行盡善上裨 國課下便民情是爲至要經世

文續編

二年諭內閣前因戶部議覆御史朱文江奏湖北省釐局流弊甚多請飭該督撫酌量裁撤當經諭令官文嚴
樹森遵照辦理茲據官文等奏稱湖北省自舉辦釐金以來每年抽收實數約在一百三四十萬兩全賴分設
小局稽查偷漏大局之徵收始旺各處釐捐零卡勢難裁裁且湖北省以一隅財力協濟數省軍餉亦多藉資

釐金若不統籌兼顧輕議更張恐入款頓減本省防兵口糧及鄰疆協餉均難籌措等語所陳自係實在情形著照所奏湖北省原設釐局均暫免其裁撤該督撫仍當隨時稽查務令有裨軍餉無病民生俟各路軍務平定庫款稍充卽由官文等體察情形酌議裁撤 聖訓

又允闕敬銘奏設局抽收釐鹽釐金東華續錄

又劉長佑奏請留釐鹽復價並酌撥撥濟餉允之東華續錄

三年諭官文奏請將各省釐金留作善後之費除直隸山東山西河南陝甘雲貴廣西留邊艱遠釐金不多無濟於軍事務告竣卽可議撤外其餘若江皖蘇杭福建兩湖四川廣東等省釐金雖軍旅戡事止宜嚴禁重科萬不可驟議裁撤請緩至三五年後軍事大定再議裁除等語軍興以來舉辦釐金原因度支告匱不得已而借資民力以濟餉需乃行之未嘗墨吏奸胥任意侵漁藉端訛索以百姓之脂膏供奸徒之中飽病商病民於國課仍無裨益是以朝廷屢經降旨裁革茲覽該大臣所奏亦屬實在情形見在東南等省大局雖已稍定而百廢待舉需用浩繁於釐金一款本未能盡議裁撤昨據富明阿吳棠奏稱裁併各局卡共七十二處覓存各處正局分局各軍餉尚未盡撤暫行酌留等語朝廷已經明降諭旨俯如所請總之釐金一項全在地方官實心經理果能弊絕風清未始非一時權宜之計所有兩湖釐金卽著官文擇其扼要處所抽收豐旺者酌留照常抽收總期有裨國用無累商民方爲兩全之策 聖訓

又 諭議政王軍機大臣等勞崇光等奏滇黔兩省餉項萬難各省協餉屢催不到請仿照湖南東征局章程於川省水陸設局抽釐卽委川東道吳錫尊司其事各摺片設局抽釐原屬萬不得已之舉湖南創設東征局

照該省釐金減半抽收以爲接濟楚軍之用楚人自樂於從事若於川省大江要路夔州重慶敘州瀘州凡有釐金之處添設滇黔釐局所收之項滇黔兩省各半支用恐不無窒礙難行之處如果於川省無損於滇黔餉需大有裨益自可照湖南章程妥爲興辦勞崇光現已派委大員赴川省會議籌略乘章察度情形據實具奏該督素顧大局當不以事屬鄰封稍存畛域之見 聖訓

四川總督駱秉章奏竊臣前准部咨欽奉 上諭各直省勸捐抽釐藉充軍餉地方大吏派員經理往往不得其人以致營私濫利流弊滋多著各該督撫於釐捐委員概行裁撤統歸地方官經理事繁州縣未能肆應卽著該管道府分別辦理毋得以不肖委員充數至抽釐之法著照部定章程簡明條款分晰開載榜示通衢俾商民一望而知不致使猾吏奸商從中舞弊其執照收存簿庫飭令勸捐各員止准發給收再由簿庫換給執照以杜侵冒而重名器等因欽此 聖主於籌畫軍需之中卽寓體恤民情之意下懷鈔佩難名竊查四川本係協濟省分自軍興以來協餉不至而本省籌防籌剿以及撥解京外各餉用數已逾千萬雖經各前督臣辦理鹽釐而庫款仍形支絀咸豐十一年臣奉 命入川時正值滇匪猖狂髮逆相繼竄擾添兵募勇費用不支兵愈衆而餉愈繁用愈多而源愈竭岌岌不支之情形誠有不堪設想者臣督同陞任藩司劉蓉暨前署藩司羅茶道敢芳疊次面加商酌籌餉之法會捐輸釐金而外別無長策爰卽釐定勸捐章程並於在省之寶缺候補正佐各員內擇其端謹之員委令會同地方官籌商妥辦間有揀委聲望素著之紳士隨同辦理以免富戶避就藉爲口實自開局迄今時逾兩載收項已數逾百萬蓋委員專設一局率同紳耆傳集富戶優以禮貌曉以大義勸諭輸將出入聽其自便起坐均可與同既非刑趨勢迫卽可動其

報禁之忱且保儲收隨解不三數月可以了事而軍餉之要需亦可及期而放不至有匱乏之虞若地方官力能籌辦者固多而一邑之大事務極繁既不能時時親身赴鄉換戶而告警傳票喚勢將用及番差而擁
有厚資者本不必悉保種戶其職在編冊者又未必盡有盈餘一經番差之手或包攬恐嚇或得賄營私其
弊無窮必致小民嗷怨不但此也地方官或有鬻嬰之備往往挪移在實任之員徐圖補苴已不免歲月遷
延有誤支放其書者一經交卸流離流抵勢所必然縱使撤任參追終歸無著此捐輸難以責成地方官
勤辦之緣由也至於川省辦理釐金原議委員專司其事紳士分任其勞而所收釐金每日將捐商姓名銀
錢數目榜示局前仍按半月一次照依榜示換冊月日造冊二分以一分送關一分送局由局按照冊開捐
商姓名銀錢數目填示申送臣衙門核對相符即鈐蓋總督關防繳發各該處張貼通衢俾眾咸知以杜欺
隱其所收錢文按照市價易銀同收得銀兩積有成數即行解局除繩索雜厘夫工腳價以及押差飯食而
外並無雜項使費其設局之所皆係繁要碼頭距城兩較遠委員駐彼專管局務無時不可以稽查無事不
可以經理納釐者登時抽收漏釐者立刻查辦公事無積壓之虞商賈無守候之苦若歸地方官不特奔走
惟艱且恐稽核難備倘於衙署設局令商賈赴局納釐誠謹之商固不憚其煩而姦狡之徒繞道偷漏何從
稽查加以胥吏任意苛求其弊滋甚且抽釐之舉原因軍餉支絀不得已而為之賊匪一經蠲平即應停止
而實運之來去不時釐金之多寡難定如或經理不善不難隨時撤省另委賢員往辦即將來裁撤之時委
員委紳亦不敢公然違抗若交地方官辦理則目前視為利藪日後必有陋規縱令扎飭裁撤而陽奉陰違
勢所不免此釐金難以委任地方官抽收之原委也若夫道府等官或係監司之員或有表率之責本衙門

應辦公事已屬不少令其親歷屬境辦理撥捐只可暫時往過不能在彼久留則其中利弊仍不能洞悉周知而忽往忽來徒繁供億况捐輸須竭誠勸導金宜核實抽收萬不可假手丁胥皆應躬親經理道府之職位較尋於州縣平時尤當樹望養威爲百姓所瞻仰若以勸捐抽釐之故而與紳糧商賈暗對周旋恐形迹太親者其體制易變甚至刁矜劣監從此藐視長官既無裨於釐捐且有妨於政治此又捐輸釐金碍難由道府等官分別辦理之情形也臣固不敢信委員之皆賢亦不敢疑地方官之皆不肖第自設局以來節次委往各屬勸捐釐官紳先後幾及三載官民頗覺相安現在漢中敗匪尙未殲除雲貴逆氛異常猖獗分兵防剿饋餉增多事賴捐輸釐金藉資挹注而川東各屬辦理釐捐甫經歲緒若遽改易章程商民驚疑觀望不前轉恐貽誤要帶合無仰懇 天恩俯念川省釐捐業經辦有成效准仍循照舊章辦理免其另議更張於軍餉民生均有裨益肅 奏 奏 奏

又廣東巡撫郭嵩燾奏竊惟 國家承平日久營兵廢弛已極廣西賊初起調集山陝滇黔邊兵謂必優於腹地均因日久無功以次撤歸嗣後各省籌辦防剿事務募勇而營兵亦時就地撥調始終不能一得其力自古行軍皆由調發近時則一出於召募此用兵之一變局也軍務初起 朝廷頒發帑金動輒數百萬或由戶部運解或由郵省協撥軍營安坐以待支放師久而財日匱東南各省蹂躪無遺戶部之解款鄰省之協餉力皆不能自顧偶一辦理防堵捕剿土匪左支右絀無可爲計其勢又不能坐聽其決裂故雖艱窘如廣西貴州亦須經營籌畫自求生理而湖南經理得宜則竟以一省之力支柱數省此又籌餉之一變局也用兵既久籌餉之難倍於募兵餉裕則兵強餉匱則兵弱而不能恃以禦侮總計十餘年以來籌餉之方

名目繁多其大要不過二端曰捐輸曰釐金而已捐輸起自漢卜式出私財佐軍流極於宋明之季而有搜括之令 國家開捐納之例導之以仕進取之有節勸之有方巨富厚資立致榮顯中下之戶亦樂有以自效為法優矣而數行之則民怨官煩而法亦敝故捐輸可以救一時之急而不可為經久之規釐金之制蓋緣始周官之應布紬布以杜子春註意推之應布者當如今之坐整紬布者當如今之行釐而自周以前商賈之征數倍於農民後世水陸鈔關額設極少稅課亦極輕此非徒以卹商也王者節宣天地之宜田賦所入以之備國用而有餘商賈聚散無恆居盈虛無定勢官吏易緣為姦故常曉其征以便民軍興用繁則百稅並舉遠古以來國用之需無不取給於百姓宋王安石竊周官之意以撥承平無事之民君子所深惡聖於艱難籌餉而一切苟且之政行其勢自迫於不容已四民中惟農商二者為有常業不取之商即取之農農民務本而生計微商民逐末而利源厚輕重之宜亦易知也今之釐金與漢之算緡唐之除官錢宋之經綸頭子錢名異而實同漢唐之世所謂算緡諸法者皆取之商賈之本錢故又有告緡手實諸法以窮其根概其餘百貨更加以稅史冊所紀令煩法密所以括民財者甚至然而漢唐宋取之民者多而為利反少今以之民者約而為利反多者何也漢唐之制為定法以督之州縣督之州縣則吏胥之搏噬益繁而終無實際為定法則商賈之豐儉或相倍蓰或相千萬而不能不著為課額以派之州縣通都巨鎮可以倚征者而或徒飽私窠山城僻壤並無貿易者而亦一例取盈又或於正供之外科以雜差故為擾也今之釐金惟不限以科則不拘以程式一依唐臣劉晏之法引用土人因地制宜得任人不任法之意臣等請歷言之所請不限以科則者何也譬如上海釐金抽收之法異於江北安徽異於江西湖北異於湖南貨行之通海商

情之順逆惟其所便而不以相強上海釐金抽收最重以次推及廣東不逮十分之一不能比而同也甚至一省之貨此輕而彼重一廠之設此疏而彼密惟無科則而後事事乃稍可以核實可以便民所謂不拘以程式者何也凡商船經過之通津有卡廠行釐貨物囤積之巨鎮有門市坐釐其大較也間有支津汶港繞越倫瀾則又添設分卡小鎮毘連大鎮或幸居奇則又添設分局皆隨時酌量辦理一省扼要之區不過三四處辦法亦因而加密其餘則稍寬其法設局多者不過一二十處或通數府縣無一卡局或小鎮舉辦而大鎮反未及舉辦推而至於各省或辦或不辦或辦之有效或竟無效一聽督撫之自爲經理均無一定之程式強之以必行是以用兵十五年被擾亦十餘省其勢岌岌不可終日而募民以爲兵因地以籌餉士安於家農安於野商賈亦相與安於市督撫大吏委任一二員紳舉之而裕如自漢以來理財之裨政未有優於今日之釐金者也今言者或曰病商不知周秦之世天下大利歸於商賈漢興而力加之困辱誠惡其專利也歷周至明士大夫無屑爲商賈者故虛取之而無所惜 本朝稍加以寬與士大夫多出於其途商賈之利厚而權亦重財雄而勢亦豪釐捐所取於其歲入之贏餘者僅百分之一二以今制準之漢唐宋明以前其輕重多寡之數必有能辨之者又況完善省分每以保護商賈爲言其籌辦釐金者大率在於兵燹之後盜賊出沒之鄉卽如湖北之漢口湖南之湘潭其間著名巨賈半皆籍隸川陝使釐金稍有病於商亦豈能強其間關跋涉轉側兵戈之地而自投完納毫無避就乎是言病商者既未考古又未知今徒爲商賈爭錙銖之利以代護其私亦已惑矣或又有以擾民爲慮者查釐金按貨計捐絲毫皆出之平民人所知也然富民日費錢數千以盈計之當捐錢數十中人之家日費錢數百捐錢數枚而已按戶責捐是爲口稅爲

戶稅唐宋之制所以爲擾也準之日用之需則固可斂縮節省以求相濟而不見爲累百姓難與國始創法之初動多阻撓其或至滋事者則又無藝之頑民乘風狡逞意圖劫掠商賈不任受也捕治一二人而已帖然相安巨賄資撫湘數載通省中從無抗捐違釐捐之案有之則石門之難役宜章之散勇也亦足見商情民俗之利病從違矣且一意營私以龍斷爲得計者商人之同情一端偶違以頑抗爲能事者奸民之恆態若因一二抗釐之案遂據以爲擾民則開濬抗糧江浙成爲積習拒捕毆官闔廣視若固然苟求民情之順悅不顧政體之凌夷將并錢糧而不征舍盜賊而不治乎勢固不能也或又有以中飽之弊爲習者竊念天下事無一不壞於中飽而惟釐金之中飽爲猶輕蓋凡中飽者必一切惟所使滄蘆捐以數人而理一廠以數廠而治一事總局司其出納藩司核其成數上而督撫制之下而州縣制之衆注之耳目皆得指其是非納釐之商民亦不甘聽其含混縱云中飽蓋亦無幾自古有治人無治法苟得其人雖碑政亦無所撓苟非其人則緩征徧賑及一切保甲社倉之美政皆足以滋弊端督撫切己之經營自愈於旁觀之臆度各省辦理釐捐號爲中飽者向以廣東爲最江北次之無他惟無章程而已矣江北之中飽在官紳道員郭禮圖一加整頓而弊立除廣東之中飽在商賈深固糾結較難斷禁稍與清查蓋亦把持之意多而侵蝕者有數可紀今官紳並任而地方官則專其稽查之責而不予以操縱之權既不致盤踞爲姦又無差胥爲之爪牙故爲弊輕而去弊也亦易若以紳員辦理釐捐支銷薪水言之則尤非事實紳員之賢者多不樂任事或由督撫延請或由奏派勉強從事其中材皆足以自謀衣食用其力以籌餉急公月給薪水數十兩少或數兩此何耶國計之盈虛而相與痛心疾首不能容尤感之甚矣或又曰休養之政宜購巨艦懸前在江蘇浙江

見其地持幣捐辨紛繁迄不能舉行被兵以後周歷松太各屬常數十里無人烟上海辦理釐金歲常數百萬而地方獨完商賈轉盛湖南支持數省專恃釐金接濟亦未聞民氣致有銷耗賊勢如虎狼水火不盡籌稅釐之術而曰且姑安坐休息果足為休息乎蓋捐所以猶為良法正以商賈贏餘之利取之無傷兩得其間與民休息也其取之約而法均行之簡而情親尤得籌餉之妙用漢法二緡而一算算者口出錢百二十二緡一算每錢千取六十唐之除陌錢宋之經總制錢皆千錢取百五鴻賓前在湖南酌定釐捐章程大率每錢千令捐一二十最為輕減上海蓋將倍焉廣東則尚不及其半故曰取約接實估值計錢抽釐本厚者出多恩微者出少人各效其力無倖免者故曰法均漢唐宋課商之法名目至不可窮紀今總其名為釐捐故曰行簡任之紳員與商賈朝夕相見利害盈虛可以互相參證不啻以官威亦不啻以成法故曰情親所以行之數年而無弊者存乎用法之人而法亦稍良矣必欲從征之士楊腹荷戈近處之區關關延賊而後為休養正恐古人所謂休養者不如是也近見金陵克復以後言事者勸請停止釐金或請酌量裁撤卡局不知言停止者既別無籌餉之法可以斟酌盈虛言酌量裁撤者亦未嘗考究各省辦法輕重釐金原由不同萬不能盡一省之水陸市鎮概行舉辦一隅之見難與辨論而民情之各私其財各專其利自古為然但聞籌餉之說而已多阻難一聞停撤之言而更加附會湖南所以能盡其力者專恃地方紳士主持正議者為多商賈百姓不敢有所異同苟以天下為心則事勢之艱難百姓之情懷亦當稍具權衡獎之以忠孝使佐公家之急勸諭百端猶不能一應既有停撤之議遠近傳遞羣趨紛雜是以一二人之私論上以眩惑朝廷之聽下以鼓勵愚民之氣使有所藉口以遂其背公營利之私以之處平世而猶為偽化

以之獎衰俗而適以長姦詎等竊以爲 國家愛民當規其大者遠者近年以來減蘇松浮糧豁免江西攤
賠款項軍務報銷不歸部核此數者實皆漢唐以來未有之德政以是振勵天下之人心攘除寇亂蔚成
中興之業惟其所規者大而所及者遠也現在江南巨寇雖已蕩平餘匪尙數十萬人屠聚江西閩粵之交
邊斥籌餉勢處萬難商民計釐繳課本屬些微而軍需累少成多藉資補救官不得已而與民爭利言事者
又欲私商賈以與官爭利而所據以爲言者大率影響附會於民生利弊實未嘗深加攷究自宋以來議論
繁多凡言利者皆不容於公論故斂怨以爲私君子之所戒而固爲小人之所趨至於斂怨爲公則賢愚同
所成就且興十餘年自江皖兩湖外籌辦撥捐每多有未盡之利者良由事涉言利下之結怨百姓上之得
罪清議而聚斂賤削之名幾乎先無以自解故智巧之主率推諉而不肯自任而一二辦事省分迫不得已
艱苦經營粗有成效言者又取道路無稽之議論而急毀之徒使地方官事事掣肘斂怨益深籌餉益絀瞻
顧周章進退兩無所據是 朝廷愛民尙爲虛語而地方公事已先受其實害所關於風俗人心尤大夫不
念民物艱蓄之原而動以言利爲事者陋也不顧時局艱難之寄而僅以不責利爲名高者尤君子之所慎
也易曰何以守位曰人何以聚人曰財三代王者理財之道酌盈劑虛裁成輔相之義精矣而曰生之者衆
有所以生之者也曰爲之者疾有所以爲之者也讀古人之書聞一二人之言而遂欲據之以爲名古今得失之宜
事勢之順逆無論爲公爲私而皆爲之陋謂古人之書聞一二人之言而遂欲據之以爲名古今得失之宜
未接於目天下利病之數不關於心僅以邀流俗之譽使辦事者無所措手故宜慎也臣等至愚極陋然於
古今事變名臣大儒奏疏論撰之文皆付之求得失究知其本末決非敢言利以病民者而身當其位事處

其難稍求有益於國無害於民仍惟撥捐爲尙可以行之久遠不敢不一一據實直陳發明其義伏乞 皇
上天恩請旨停止捐輸釐金者概予留中使不至傳播庶斯民浮動之氣不致挾 朝命以圖與官相抗俟
天下無窮急之軍需直省無積欠之兵餉戶部無竭蹶挪移之苦況而後斷自 宸衷盡罷各省釐捐惠商
而商實受其惠無焚掠之憂便民而民真得其便無湯析之弊乃永以培養元氣涵濡 聖澤天下幸甚
知書屋全集

又左副都御史全慶奏竊自軍興以來餉需浩煩不能不借資民力故捐輸之外復行畝捐釐捐名目不一
皆一時權宜之計也然商賈輻輳之區辦理釐捐未嘗無補至於僻處偏隅復設分局抽釐之數除去開銷
所存無幾在民間已多窮困而釐局務盡錙銖萬一滋生事端所得不償所失求利反害其弊顯然川省藍
李二逆其始因抗釐聚眾滋擾卅年遂至蔓延數省是其明証蓋釐局之設或用紳董或用委員任事者固
有其人中飽者尤復不少至吏胥訛索包庇更不待言我 皇上體恤民隱洞悉弊源於內外臣工奏參各
省釐局弊迭加 訓飭不啻三令五申而其弊未能盡革者以軍務未竣得所藉口也今仰賴 天威金
陵業經克復兵勇可以陸續凱撤軍餉即可陸續節省暨關可以逐漸足額釐局即可逐漸減裁從前湖北
江北釐務經御史朱文江丁紹周先後條奏奉 旨交查迄未裁減自爲籌濟軍餉起見今日軍務情形與
去年迥異自宜分別辦理臣聞江西廣東兩省抽收釐金接濟江南頗形掣肘久在 聖明洞鑒之中又聞
上年廣東有高州紳士前往廉州府城勸捐抽釐因委員辦理不善致該紳被毀幾釀人命莫得主名至今
案懸未結其餘佛山石龍蘆包等廠於咸豐九年曾經滋事所抽釐金逐年有減解增走漏侵吞弊端百出

臣前在道光年間曾任廣東學政周歷各府察看情形查雷廉瓊三府素稱瘠土逼近海陬既非通衢又僻股戶卽開局抽釐所收有限而民風强悍滋事可虞無益於軍需有害於大局殊非良策也竊思廣東一省如此他省諒可概見擬請 飭下戶部通盤籌畫將各省報設釐局詳查酌核實係通都大邑商賈輻輳之區如直隸之天津山東之煙台江南之上海湖北之漢口江西之河口九江福建之廈門浙江之寧波等處歲入可得鉅萬者酌留若干處權准照舊抽收以爲辦理善後之用俟善後辦竣再行酌量情形陸續裁汰至其餘各省僻壤偏隅分設釐局如廣東雷廉瓊等處之繁稱瘠土者無論曾否奏咨有案併請概令裁撤嗣後不准再行添設如有私立釐局者重治其罪可否明降 諭旨嚴飭中外務以愛民休養爲先不得條陳言利以恤閭閻而固根本庶幾上格天心下孚民望而餘氣不難迅掃矣 臣等

四年諭內閣前因內閣學士殷兆鏞給事中王憲成先後陳奏江蘇釐捐徵募之害當經諭令李鴻章裁汰委員歸併釐卡將捐款收支數目造冊報部茲據李鴻章覆奏江蘇水陸兵勇約有七萬餘人不得不藉捐項以供軍餉釐捐勢難裁撤釐卡委員官紳並用一有弊竇立予參撤亦無擅作威福情弊收支各款業已疊次開明報部等語江蘇地方新復該省兵勇留防要隘及接應鄰疆一時斷難裁撤全賴釐捐等項藉資接濟李鴻章自簡任江蘇巡撫以來於辦理軍務及地方事宜均能振作有爲不避嫌疑茲覽所奏各節尙係實在情形該撫惟當事實心經理期於國計民生均有裨益以無負朝廷委任之意 聖訓

五年諭前據御史張盛藻奏湖北荊州地方有署同知劉姓擅設糖稅各目多爲科條大張告示人情洶洶罷市數日請飭禁止等語著官文會國荃查明劉姓何人是否因抽稅擾民據實參奏遵查宜沙兩處加抽

儲蓄係因鄂省協餉太多前撫臣鄭汝謹委員試辦由牙醫總局選議章程並非該員擅設商民始雖觀望旋經開導如期抽收並無罷市情事報聞東華續錄

七年諭內閣前因毛昶熙奏軍務漸平請飭裁減釐金當經降旨諭令各該督撫體察情形酌留大宗撤去分局零星雜販概免抽釐以紓民力茲據郭柏蔭何璟奏稱湖北見存各營需餉尚多並有積欠舊餉及籌辦善後各事宜見在酌留局卡八十六處擬裁分局分卡五十四處其餘偏僻集場各局卡概行裁撤等語即著照所擬將暫留局卡慎選妥實可靠人員認真經理以歸覈實東華續錄

御史郭從矩奏恭閱邸抄釐金一項曾蒙 諭令各督撫體察情形酌留大宗撤去分局零星雜販概免抽釐此誠 聖主體恤商民之至意惟 恩必期於實速政不可以虛行可否請 旨飭令有釐金省分將從前所設之局悉數開陳奉 旨後已撤者某局共計若干處暫留者某局共有若干處報部以便稽察所有應捐應免之貨物亦必詳細開列刊刻告示徧貼各局之前俾商民共見共聞以免委員差役含混私收之弊仍不得分卡於外避其名而存其實庶善政可期庶被矣郵鈔

又 諭軍機大臣等御史吳鼎元奏請飭各省督撫將裁撤釐金分局日期張貼曉諭各摺片各省裁撤釐金分局原以體恤民艱若如該御史所奏是局員局紳等罔利營私病民尤甚並著各該督撫等一面將所撤釐局若干處據實奏聞一面通飭各屬即將所撤釐局日期刊示頒發並省會總局及分局所隸地方一律張示如各州縣等有違示濫收情弊即著分別參辦以蘇民困 聖訓

十年以直隸辦賑免各關卡商販米釐東華續錄

十年諭各省督撫酌撤釐卡 東華續錄

十一年允吳棠奏免湖廣等省沿途各關卡商販米釐 東華續錄

十三年諭內閣前據御史袁承業奏請酌裁釐金當經降旨交戶部議奏茲據該部奏稱請飭現辦抽釐省分按照戶部歷年奏案體察辦理等語同治八年十二月間疊經戶部具奏令各省督撫酌裁釐卡嚴察局員均有成案可循所有現辦抽釐省分設立收捐局卡或量為裁減或覈實歸併著各該省督撫查照戶部奏案隨時體察情形妥為辦理 聖訓

光緒十二年兩廣總督張之洞奏竊臣之洞於光緒十年六月承准軍機大臣字寄閏五月初七日奉 上諭有人奏廣西積弊太深亟宜剔除一摺等因欽此當經臣之洞咨會前廣西撫臣潘鼎新據實查明會奏迭次札飭西布按二司會查各在案原奏內稱廣西釐金各卡自桂林順流而下省垣上下關兩卡陽朔縣城一卡平樂府城一卡昭平縣城一卡梧州府城三卡自梧州府溯流而上則至藤縣一卡濠江一卡平南縣之白馬塘一卡大烏墟一卡桂平縣之大陸江墟一卡潯州府城兩卡又自潯州府分南北河溯流而上其南河則橫州之南鄉墟一卡永瀆縣城一卡南甯府城三卡宣化縣之三江口一卡右江平馬墟一卡百色城一卡其北河則至武宣縣屬之濁水河一卡柳州府城兩卡融縣長安墟一卡古宜墟一卡慶遠府之懷遠鎮一卡皆大河船隻所常經其餘窮鄉僻壤私設之卡尚難悉各卡有督辦有幫辦有委員司事有尺手巡丁除耗費侵漁外報解不過十中一二賸削商民應於府城舊設釐卡酌量裁併其外卡除擇要者酌留一二處其餘概行刪汰一節查廣西地瘠山多舟楫可通之處乃有商賈聚集是以開設釐卡皆在濱河

口岸而四境多與雲貴廣東湖南等省連界支河歧出並無扼要總口堪以歸併抽釐不得不於桂平梧潯南甯百色柳州慶遠等府屬沿河市鎮設立正分各卡或管抽收或司查驗設卡之數雖似較繁實則杜絕漏網並非節節重徵蓋西省釐金章程凡商民國貨發行時抽落地釐金一次販運貨物由鄰省入境則抽入境釐金一次由本省運赴鄰省者抽出境釐金一次無論落地入境出境均止抽收一次經過各卡驗票放行概不重抽辦理多年歷久相安水陸設卡之外陸路祇泗城府屬汪甸卡一處稽查滇省繞道入粵之貨其餘僻遠之區實無一卡歷來設卡之所必先詳由撫臣批示大張曉諭方無抗違更不能任意私設至各卡有督辦幫辦委員司巡等名目則係量釐物之繁簡分別酌派其應支薪水等費向有定章不能任聽虛耗歷經查察整頓將行爲卑陋聲名平常之試用縣丞蔣錫熊吳桂森從九品尹焜典史葛森徐溥試用通判程統先後參革並將開報含混之通判陶用中加平漁利之司事丁愛湖北巡檢孫新原卽孫仲裘參革究辦在案近年釐數每年總在六七十萬之間廣西貧瘠省分貨少商稀抽數尙不爲絀似無侵蝕之弊如果報解不過十之一二則每年收數當在四五百萬從何有此鉅款所議裁汰釐卡一節查前次給事中劉曾戈靖先後奏請查辦均經澈底查核凡有可裁之卡已欽遵諭旨裁去二十餘處無可再裁經前撫臣覆奏有案臣等亦知抽釐爲不得已之舉如能隨時裁撤以惜商艱原屬善政無如邊防孔殷餉需緊迫廣西別無可籌之款惟有仍請循舊辦理嚴飭承辦各員倍加謹慎力杜煩擾容俟時務漸緩再行體察情形酌議裁併張官保啟書

二十年諭御史鄭思賢奏請飭裁併各省釐局等語將捐之設藉濟餉項原屬不得已之舉前因各省局卡林

立貽商民迭經諭令設法裁併不啻至再至三各督撫自應遵照辦理以期上裨 國用下恤商艱乃本日復據該御史奏各省現設局卡仍復不少江西釐局多至七十餘處需索留難虛糜耗濫弊端百出亟應再加申禁鑿江西巡撫及各直省督撫將現設各局悉心籌畫酌留水陸衝要處所認真稽查嚴防繞越偷漏其餘零星局卡卽著核實刪減毋得以無可裁併爲詞一奏塞責仍將裁定數目迅速覆奏 郵鈔

署兩江總督張之洞奏伏查蘇局籌辦蘇州常州鎮江三府屬釐捐地面較廣左江右湖四通八達滙局籌辦松江太倉兩府州屬釐捐地處海隅陸路則華洋錯雜水路則汶港紛歧全賴布置周密期免繞道偷漏該兩局添設分卡自前撫臣銜榮光奏明裁併之後蘇局僅留分卡一十四處滙局二十處非地當孔道卽專查繞越皆係扼要之區今若撤去一處卽多一處漏卮伏念抽釐助餉本屬 朝廷不得已之舉必須無苟無漏以期上裨 國用下恤商艱蘇省各釐局分卡前已節次分別裁省體察現時情形再四籌度委實裁無可裁併無可併據蘇藩司會同督辦蘇州松滙兩釐局司道詳請具 奏前來臣等復查該司道所詳油屬實在情形應請率由舊章以保捐務仍嚴飭各屬卡委員認真整頓核實稽收倘有需索留難擾累商民情事卽行從嚴參辦並隨時體察地方情形日後如有可以裁併之處再當斟酌損益妥籌辦理以仰副 聖主體恤商民至意 張官保啟書

劉嶽雲光緒會計表附

十一年

十二年

十三年

十四年

十五年

總金 一千四百二十四 一千五百六十九萬 一千六百七十四萬 一千五百五十六 一千四百九十三

萬九千九百四十三千三百八十五兩七千二百一兩二錢萬四千七百七十萬四百六十五兩
七兩零 六錢八分二釐零 九分九釐零 八兩零 五錢三分二釐

十六年 十七年 十八年 十九年 二十年

撥金

一千五百三十二萬一千六百三十二萬一千五百三十一萬一千四百二十七萬一千四百二十一
萬四千五百八兩六千八百二十一兩五千六百四十三兩萬七千三百四兩萬六千五百兩六
一錢九釐零 八錢七分七釐零 八錢七分七釐零 二錢三分零 錢五分二釐

二十六年署兩廣總督李鴻章奏竊照廣東釐金為餉源大宗前經大學士臣剛毅來粵會同前督臣譚鍾麟暨奴才德壽公同商議招商承辦以杜中飽而祛糜費先經會同奏明並飭局諭令廣濟醫院紳董傳知七十二行商人會集妥議據呈願將通省行釐坐釐補抽半釐臺礮經費改為官督商辦每年認繳餉銀四百萬兩遇閏照加准以龍津及津銀上兌並公舉士絲行岑敬與杉行麥英俊銀行伍培章茶行黃健光等四名為首承辦奴才與前督臣督同司道籌議飭該商等先繳餉銀一百萬兩即准領示試辦正在籌辦間准大學士臣剛毅電知回京面奏所加百萬留為外用奉 旨允准並電奉 諭旨又經飭差司局趕辦因士絲行協綸堂商人凌朝康黃潛濂及省街銀行忠信堂如意堂等各商意見參差飭局傳集開導務令和衷妥議嗣據紳商覆稱商情均已允洽並無異議當即電請總署先行代奏在案現據釐務局司道詳稱仰集各商妥議以七十二行之商承七十二行之餉責成仍前商首四人並據備繳餉銀二十萬兩限三個月內繳足餉銀一百萬兩即行核明給示定期試辦再將局卡酌量裁撤以節糜費其先繳銀一百萬兩准其作抵試辦三個月之餉於第三個月內分作六期勻繳銀三十三萬三千餘兩為第四個月預繳之餉嗣後按期提前一月先繳不准逾期已據該商等遵擬條款具結存案詳請具奏等情前來奴才查釐金由商承辦

每年認餉四百萬兩如果不誤餉需油餉裕餉惠商之善策惟凡事利之所在弊即隨之固不必先事逆備不能不隨時維持且餉鉅事繁試辦伊始能否辦理裕如究屬尙無把握商等亦頗慎重現既議定先期一月繳餉不致延誤將來餉果剋期先繳自當久予承辦萬一商情爲難事關餉需再爲妥籌辦理奴才仍會同督臣督飭司局察查保護務期官商合力事可經久嗣後如有變通更改之處隨時奏聞再該商等試辦以後即將按月所繳餉項遵旨分別存儲補撥及留爲外用其撥金徵收細數免予造冊報部以歸簡淨李文忠奏議

程鴻詔釐卡議軍興以來餉需甚鉅不有整金殆將枵腹此釐卡所由設也安徽沿江釐卡及北岸鹽卡有應撤者有應留者師相俯念民瘼去泰去甚固已洞悉之部署之矣猶復詢及芻蕘使習餉事者議之師相之及此言也軍民之福也敢貢兩言曰官卡應留私卡應撤而已請再申之曰官卡雖宜留而其地不當釐市孔道者宜撤亦有其地雖當釐市孔道而上下數十里或十數里業已設卡辦有成效則宜撤更有其地雖不當孔道而上下數十里或十數里並未設卡則宜留又申之曰私卡必宜撤而其地必應設卡則改私歸官而留之議者謂今政嚴明豈有私卡不知飲羊之俗固已丕變於衮衣章甫之時而食角之麋未嘗不潛於天神地示之側以皖南私卡之有知沿江北岸之未必無也卽果無之而得明示通諭令行禁止則郡邑有司益懷然稽察而不敢忽亦應議之一端也議者又謂釐卡病民無異加賦宜盡撤此則因噎廢食不通之論也使治事不得其人雖撤釐卡病民如故也果得其人雖留釐卡庸何傷且溯查咸豐七年五月十五日諭旨蘇常二府二三百里內設立釐卡至數十處之多稽查難徧弊竇百

出將江甯卡擇扼要之地歸併數處其餘悉皆裁汰使便稽查不許委員侵濫及土棍冒名擾及行商致商人裹足等論恭繹 諭旨亦祇令擇要歸併免滋流弊非謂盡卡應盡撤也復查康熙五十一年滋生人丁比奉 恩旨永不加賦嗣因丁賦兩妨有一丁而承十數丁或數十丁者亦有百數丁而僅承供一二丁之賦者董侍御燧始議地丁之法雍正元年 世宗憲皇帝採而行之而後天下之民受 恩浩蕩讀古書者幾疑古人談徭役賦斂愁苦流涕之非是則 列聖深仁厚澤民久而不識不知若瀾其源卽當此多事之秋稍行加賦亦民所不辭何況溢卡之第以征商哉夫民有四農爲本商爲末也故病農之事不可行行之則本先撥病商之事尙可行行之而未不傷何則農之利少而有定商之利博而無定也利博而無定則征之非過也溢卡何致病民遂無異加賦哉恆心齋集

薛福成利權論我 朝承明代加賦之後悉除一切無名賦額厚澤深仁曠古未有通計一歲取諸民者准江浙腴壤於什一爲近此外由內地推之邊省又推之甌脫荒遠之區有數十而取一者有數日而取一者并有羈縻勿絕一無所取者蓋地曠民貧不得不薄賦以示綏懷相承久矣然其當治之事當設之防或更倍於內地又不能以取之者微而置之不理故合計天下地丁正賦約二千餘萬兩僅足供綠營兵餉之用而其餘出款尙繁入款有限卽令無偏災無大役猶巨汲汲不遑迨稍值事變不得已而議開捐例議減俸廉議令州縣攤捐各款所得甚隘而其弊不可勝窮也所節甚微而其耗不可勝言也昔者粵鹽擄難一時名臣謀士創爲權貨抽釐之法誠以有寇不能不募兵有兵不能不籌餉自然之勢也明之晚季軍餉皆出於加賦一絲一粟必取之力田之農農之謀食也艱拊奪其事畜之資卽已流亡失業

所以流寇愈熾馴至事不可爲若夫釐金悉取諸商商有餘資以營貿易莫不自顧身家且所抽之釐仍加諸所售之貨之價則於商並無所損而其利實取之衆人所以積少成多而民無大怨各省釐金最旺之時通計歲收不下二千萬兩今亦有一千四五百萬兩所以能剿除羣寇懋成 中興之業者職是故也夫明之貽誤與今之成功其得失較然明矣邇者軍事漸平而經理釐務之人或失其初意不無病民之事於是論時務者莫不扼腕抵掌欲去釐金而洋人亦遂執洋貨免釐之稅以繼其後夫釐金果不便於民俟中國財用充足徐圖裁減可也外人而撓我自主之權不可也中國整飭釐金之弊歲杜中飽俾商民樂業可也予洋人以壟斷之柄不可也何也洋貨既免釐必及旋於土貨洋商之運貨免釐必更攬庇華商之貨釐金之利豈不盡失耶且今軍事雖平而各路防營尙不可撤各省田賦尙未復額一切城廩倉獄善後之工尙未盡修莫不恃釐金爲挹注苟或去之則拘孳貧弱百務俱廢異日彼乘我無備求減洋稅將何以應之且華商因避釐金之故競買稅單而洋稅因之稍旺釐金既去則洋稅必多偷漏是洋稅隨釐金而減者又自然之勢也萬國公法有之曰凡欲廣其貿易增其年稅或致他國難以自立自主他國同此原權者可扼之以自護也又曰若於他國之主權征稅人民內治有所妨害則不行今各國徇商人無厭之請欲有妨於中國其理之曲直不待言而明矣

凡兩國交涉之事條約所及者依約而行條約所不及者據理而斷按條約各貨納稅後卽准由中國商人徧運天下路過稅關不得加重稅則只可按估價則例每兩加稅不得過若干分此約立於道光二十二年維時海內無事田賦足額尙無釐金名目當事者又不知中國稅額較之地球各國有輕至四五倍

七八倍者故與洋人立約如此耳厥後天下多故餉無所出始創爲抽釐之法蓋西國通例量出爲入一歲中有額外用度輒加派於各項之中或有兵事亦由眾商捐集巨餉殆與中國抽釐名異實同而於例定之商稅則迥不相涉也夫中國有自主之權軍餉籌之中國非各國所能干預創辦釐捐之初洋商之貨亦在各子口抽課均無異辭迨咸豐八年十一月訂立條約與各口通共章程始議定洋貨土貨倘願一次納稅免各子口徵收紛煩每百兩征銀二兩五錢給予半稅單爲他子口毫不另征之據其不領稅單者仍應逐口納稅遇卡抽釐體恤洋商無微不至彼洋商運洋貨以子口半稅抵內地釐捐其獲利過於華商遠矣然而商人無厭之求靡所底止往歲滇案未結英國威使復徇奸商之請藉端要挾所欲甚奢日久相持始立煙臺條約定於租界內不抽洋貨釐金又洋貨運入內地不分華商洋商均可請領半稅單所以優待洋商流通洋貨者至矣聞各國議院於中國釐金一事本不以爲非戊寅八月新聞紙英之大臣以煙臺條約未遠核准並有慮中國之責其貪言者威使徘徊觀望理絀氣衰彼之本計不過俟德法諸國修約之後坐享其成或從中播弄或隱爲主謀均未可知然各國所據以爭者舊約之說也蓋嘗細繹舊約之意當時既並無釐卡則內地祇有常關耳常關稅額較輕於津關其曰路過稅關不得加重稅則者譬如江海關納稅復過蘇州浙海關納稅復過杭關均不再按值百抽五之例納稅耳然該關之稅仍自當完故後此議定不領稅單者有違關納稅之款而各商無不遵行至釐卡收捐專爲籌餉而設名之曰捐則非稅可知名之曰卡則非關可知二者既不能相混則條約固無不得抽釐之文彼西人將何說之辭且查同治元二年間上海洋商屢請領事阻止和界抽釐英國卜公使批劄駁斥法美兩

使亦意見相同乙亥七月新聞紙錄字林新報有同治二年英使批上海英領事稟並美國外務大臣復英公使之語均言租界應由華官抽收華商之捐夫租界且如此況在租界之外舉是以折之而彼當無辭也洋人之貨一入華人之手聽其或留或售或用或不用洋人不得過而問焉則華人以名義所在自捐公家之餉亦固其所西洋諸國無物不征無人無事不征即如商賈既稅之於合夥又稅之於出入貨物又稅之於發收銀錢又稅之於合夥又稅之於每歲所贏之利其徵斂之繁十倍中國設使中國欲減其稅項以便華貨之暢行彼能允之乎舉是以折之而彼當無辭也洋人之說動謂以釐金之故致洋貨阻滯不行攷近年進口洋貨每歲值銀至八千萬兩以外較之十數年前幾逾一倍矣而猶云貿易不暢其將誰欺舉是以折之而彼又當無辭也總之洋商變幻百出充其無窮之慾壑雖盡去商稅猶未以為足衆商日聒之領事領事日陵之公使公使非不知事之難行姑肆其恫喝以嘗試中國幸而得請可以要譽市恩萬一中國必不能允彼亦有辭以謝衆商矣然則應之者在洞燭其情始終勿為所搖而已聞嘗聞西人為持平之論者曰洋商之求免釐金非敢干中國之政特以中國釐卡林立收數互有異同運貨者不能約定成本恐多折閱耳審如是則加洋稅免釐金之說也昔者日耳曼未一統之時小邦某布關稅煩苛百貨不能流通自普人稱雄始集各邦議立統關入口貨但征稅一次稅亦視前加重以各邦幅員之大小按月均分近者德相畢士麻克又在其國議加進口稅今裁撤釐金之議德使巴蘭德處主之若知中國必不能允彼或以統關之說進然中國之形勢與德國異中國之地以關方道里積算贏于德國者幾及二十倍各省各口所設釐卡皆有必不可緩之用待以支銷今洋關加稅中國萬不敷用

加稅多洋人又未必願也則惟有堅持舊章與之駁而已且中國所需之物祇有此數即去釐金貧民不
必因之多用洋貨其販運在數百里內者抽課本微即或道路綿遠納釐較多獲利亦較厚其數輒加之
售貨之內而華民亦不因此少用洋貨是釐金並無損於洋商也中國之護商旅也陸路則有防勇水路
則有水師皆恃釐金以給巨餉去釐金必去水陸各營盜賊之起何以彈壓洋貨土貨皆將阻滯不行是
釐金大有益於洋商也夫無損如彼有益如此然而已使拾威使之緒餘起而相爭彼謂天下強國德猶
出英之上故凡英所不能行於中國者欲競而得之以示豪舉然竊以爲誤矣巴使於約章之原委釐金
之緣要實未究心徒受威使之愚弄而不自知今以洋船貿易論英商居十之七美德法及東西洋各國
共居十之三就令爭而獲利亦不過英取其十而德取其一威使自知無可爭噤乃曠巴使於修約之時
強中國以所難行事成則英商坐享其利不成則德人且以不諳公法爲笑於天下威使爲英計則得矣
何英之智而德之愚耶或曰中國加洋藥之稅罷洋貨之釐以相抵可乎曰抽釐則利權在我加稅則利
權在彼即令倍加洋藥之稅與釐金若足相抵然洋藥在中國例本當禁專恃此爲利源名已不順萬一
異日有可禁之機必以礙於幣項而中止是使中國留終古之毒也且洋藥之爲物輕微易藏在於把握
若加稅過重偷漏必多仍無補於國計而釐金之利則一去不可返矣然則洋貨加稅之說可行乎曰必
不得已如所加之數逮於釐金之數又於立約之時善防其弊則固未嘗不可行西洋各國稅額大較以
值百取二十取四十爲衡又多則有值百取六十者有值百取百者又有通行免關稅者蓋于軒輊之中
各寓自私之計不若中國之大公無私出入一體今酌中定論自洋藥而外均以值百取二十爲斷或於

釐金所失之數稍足相償乎

自巨寇竊發以來軍餉告匱始立釐金之法而軍餉賴以支持者逾二十年邇者舉定例平洋人皮謂軍事起則抽釐以助餉軍事定宜免釐以恤商不知此說似是而實非者也蓋自各國通商而洋貨之販運洋人之遊歷日益繁多不能無水陸各營以資保護不能無船政機器諸廠以精製造不能無江海各隘徵釐以固藩籬凡若此類雖質之洋人必皆謂當爲之事而歲出之經費亦十倍於前日矣是故通商之事既不可廢則各項經費一日難減卽各省釐課一日難停也夫中國於釐務苟持之甚堅洋人或出於加稅之一說萬一所加之數竟如中國所需之數則其中又有利有弊何也當子口稅章初定之時洋商以半稅而免內地釐金其利本優於華商華商之巧者不免與洋商狼狽相依於是代華商領半稅單而取其規費有用運照庇送無運照之土貨有用洋船代洋商攜帶洋藥各貨有憑運照免納釐金未到子口之先已將土貨銷售是洋稅與釐金均受其病也今定稅例華商洋商一律凡進口之洋貨納稅於海濱之通商正口凡出口之土貨納稅於內地之第一子口各釐卡量加裁併論其大勢宜密於近海而疎於內地用新定稅額一征之後任其所之不復重征是舉前此弊端一舉而清之也內地各省祇須于最要之口設立總卡華貨販運較近者並無所征則小民咸受其益此皆中國之利也然而猶有慮者釐金取之華民中國有自主之權今既盡歸之洋稅設洋人於下次修約復以稅重爲言勢必致固有之利攬動爲洋人所牽制是宜於立約時聲明加稅與停釐相抵如異日酌減稅額亦宜酌復釐金以昭平允永杜洋人之藉口此一端也中國既權釐金所入盡歸之洋稅其或華人自在內地販運土貨若免其征

稅一恐洋商隱附於華商以滋弊混若偶經一卡而亦用值百抽二十之例勢必有所難行是宜明訂章程核定道里之遠近如某處至海口須經幾卡則貨稅亦可作幾次分繳如是則華人不以苛斂爲苦而所經各卡節節徵稅不能偷漏此又一端也二端既立乃可祛其弊而收其利矣然則中國既得其利洋商獨無利乎曰有洋商運貨入中國可豫定成本若干贏餘若干操券而來必如願而返利一出關稅交納之後運入內地無守候驗貨之煩無逐卡停留之苦行運既速成本較輕利二也洋商一次納稅雖若稍重然隱加之售價之內仍取償於華民華民但知洋貨之不復納稅也無不樂於販運或益從此暢銷利三也利之所在洋人何憚而不爲然竊料洋人昧於遠圖而溺於近利加稅一說勢因必不我從也則惟有堅持舊章與之駁辯而已以上並廣慶文編

馬建忠洋貨入內地免釐曰論海關稅務曲折多端然中國向辦章程原約未盡善茲乘其有修納之意不妨因計就計就西國所論稅則之理而更定中國增稅之意以與釐金相抵查歐西各國通商稅則就物之品類定稅之輕重或裕國庫或護商民不能一致然稅物總不外進出口貨出口之貨概不徵稅所以爲土產籌銷路與他人爭利權卽征亦無多法國每年出口稅不出六萬元是其明證惟國內獨有之土產不畏他人爭利者則不妨於出口重征之西人精於理財者皆云禮魯之雀糞強銷意大利之礪砥中國之茶葉皆爲獨有之貨自然之利無妨多征者也至進口貨當別四種其一曰天生物料國內所產者少必仰給別國方足民用者如法之煤鐵咸豐十年與英立約凡英之煤鐵減征則法之工匠便於鼓鑄冀可獲利其二曰外來製成之貨本國亦有者重其征以護商民如英法皆製洋布大呢使許英之呢

布運入法國而輕征之則銷場必大法之織呢布者必致向隅其三曰製成之貨本國不產者又宜區分二種有其貨爲民生所必需者則寬其征以蘇民困如英之麥與酒許外人運入相時以酌其輕重有其貨惟豪富始能置者則重其征以濟國用如法之時式衣雜運至別國必加征者是也其四曰遠來之貨本國所無民雖不得不用而究不能多用者亦重征之如英國於進口之茶糖法國於進口之加非等是也各種貨物輕則至值百抽五抽十重則至值百抽五六十且有值百抽白之多法國女衣運入美國有不充值百抽百者別國貨物只准運入海口不准轉運別口而入口之船復有船鈔旗號口學各捐名目以禁其運行之利至咸豐十年英法和好益篤首立通商條約彼此互讓減輕稅則然亦有值百抽至二十五者厥後歐洲各國所定稅則多因之以增捐焉美國征稅仍自獨重爲其國內物產饒富無所仰給於人故也中國幅員最大百物悉生但宜通商以收各國之利權無事通商以給民生之食用乃歐洲各國垂涎已久尋端搆兵乘我未及深悉洋情逼我猝定稅則各種貨物除鴉片外無所軒輊正子兩稅不過值百抽七有半之數咸豐八年所定條款雖在英法二國定稅之先然爲時未幾咸豐十年英法之稅則已爲歐洲各國輕稅之嚆矢尙有遠過於中國者則當時英法與中國立約豈非欺我不知以與我爭利且又續許各口運行土貨止納半稅並無旗號口岸各捐名目是利源盡爲所奪矣數十年吸中國之膏血官商貧富無不仰屋而嗟今何幸而中國漸悉外洋情勢且又設立招商局以分其利由此推廣而機器織布開煤煉鐵漸可收回利權以爲富強張本乃洋商入內地執半稅之運照連權滿載卡爾子放行而華商候關卡之稽查倒懸翻箱負累不堪言狀與我朝軫恤商民之至意大相齟齬律以西國

勅抑外商庇護已商之理又不實倒行逆施矣茲乘其欲免釐金許我加稅之機倣照各國通商章程其可加者加以與釐捐相抵然後將釐卡肅行裁撤省 國家之經費裕我庫儲便商賈之往來蘇其隱困皆幸賴有此修約之轉機也今擬修約稅則所應加者亦區進出口貨分別辦理進口貨略分四種其第一種天生物料如煤鐵之類爲中國所自有惜乎無人採取又兼轉運爲難每不敵外來之賤應於外來者仍舊值百抽五以廣招徠其餘五金亦按是例而鉛銅則倍之其第二種爲外來製成之貨中國亦出者如洋布之類應加重征至值百抽十五之數庶幾中國產棉倣用機器織布資本雖重亦可奪西人之利其第三種製成之貨中國不產者如鐘表玻璃器洋傘之類此必有力者方可督辦應加征值百抽二十五而一切奇技淫巧之物亦例焉即洋酒片宋煙糖茶之類向在豁免今則一切加征至值百抽三十較之外岸稅則猶不爲重其第四種遠來之貨本國所無者鴉片煙爲首以其爲害人之毒物自宜苛征以困之赫總稅司前請每百斤收稅銀一百二十兩尙應加重其餘雜貨皆無過值百抽十五之下者至出口貨除絲茶兩項仍值百抽五以裕餉源外其餘各貨均減至值百抽二三惟茶葉現在印度加爾古答之北高山之際谷名亞撒者亦產美茶歲出數萬箱中國茶葉雖佳奸商類攙他物是當整理茶務不可令我專有之利授之於人 按稅法有二一有按物抽稅者有估價抽稅者按物抽稅其稅則一經釐定不得與物價相低昂故難操其輕重之權而估價抽稅致有爾爾商賈爭辨互不相服及請中估而貨物已形滯滯茲所論值百抽若干者乃約略論應增之多少並非固於一法也 至內地土貨無妨示以寬大之恩許其裝運各口但應加以口岸旗號之捐而華商船隻則概不收捐以示鼓舞庶可杜假冒洋

商之弊又西人在各口開行亦與我華人爭利若爭倣照西法征以行帖之捐所得當亦不少聞之西人謂中國稅則增至值百抽十三差可與釐金相抵而西人欲停釐捐有願值百抽八者今修約以抽稅從重彼族必然不允然後可截長補短一律減至值百抽十外加各色雜捐似可當釐金之入卽或不當釐金之入而利權歸我應買股富亦何靳此些須釐金培養國脈矧民富則樂於輸將失之彼者旋收於此未爲無利也或者謂誠如所論彼將藉端要求是又自我生釐何利之與有夫爲此說者必其不知西國通例者也否則爲洋商作說客欲以撓我者也誠使我願加稅上下一心不爲外人所搖奪豈有不行之理夫和約之與商約有異在不肯和約決無開釐之端而所定商約則固有以十年或十二年爲期如辦修約先行知會之專條今於每國修約期前先爲知照以一年爲限屆時會議堅持應加數條之稅彼習見中國辦事不能堅忍勢必極力爭辨如或限滿稅則猶懸而未定不妨倣照西國展限一年若彼仍然抵難則豫告之曰俟所展限滿猶未定議所來商貨當照通共稅則納稅而通共稅則先爲酌定給閱較擬加之稅更重迫之使不得不從是亦寓剛於柔之術也夫不許通商或可藉以啟釐欲行增稅斷難因之興戎不然歐洲瑞士比利時暹爾彈丸介於大國之間將無稅之可加而國非其國矣然猶可自立而度支不窘者弱於勢強於理中國據理以爭何畏不情之請美國稅則最重未聞有以加稅與他國決裂者此理實之萬可無可置喙蓋通商足見邦交之誼加稅乃我固有之權不得謂稅章之利洋商而害華商者歷有年所中國習慣自然勢難變易正當謂稅章之損華商而益洋商者歷有年所外人從旁竊笑愈須更張今宜力圖補救將從前稅則痛加改訂使運洋貨納洋貨之稅運土貨納土貨之稅且許

其運土貨與華商同一納稅不過征以他捐示中外商民之與華商爲我國之民故輕其稅賦洋商奪我
國之利故重其利征因與各國征商辦法情理勢三者皆同彼又豈能以已所習行者爲不合而藉詞以
欺畔端耶每屆各國修約之期必加其稅不出十年中國稅則不亞歐洲各國商民可富儲源可充中國
轉弱爲強之基實在於此是在堅持定見不惑浮言庶可免旁觀之謂萬一意存猶豫未肯據理以爭則
仍有舊約可循抽釐如故使彼以英約二十八款各貨納稅後即准由中國商人運天下而經過稅關
不得重加稅則等語存文將英貨納稅後運入內地子口稅外不得重加征云云爲免釐之左證則應之
以釐金之設由於軍興西文解之曰戰稅者此也釐金並非關卡不過倣照英法美以幣之際各種用物
加釐盡徵之意惟中國未有如西人徵取之法設立釐卡不得謂之另立一關重征已納關稅之貨也此
乃我自有之捐廢立由我夫美國於南北交戰抽釐至三十一萬萬磅英法於黑海之戰捐釐至二十
九百五十六萬二千磅法國兵燹之後歲徵釐額不下六萬萬佛朗從無有外人過問者良以民間日用
所需物物加釐以供軍費乃一時變運之計各國自主之權非交涉外邦所應干預然貨爲洋產彼既藉
口有詞釐出華商孰是甘心輸納固不如免釐加稅揭彼注茲爲上乘妙法也

皇朝政典類纂卷九十九

征權十七

內地釐金

咸豐八年諭內閣勝保等奏商捐抵完協貼請刪除捐釐名目等語安徽涑河口三河尖等處設局收捐原以協濟軍餉前經廣長等奏明將釐捐抵完協貼銀兩所有鹽務捐釐名目自應刪除並裁減委員人役以節糜費所收鹽課每月以二萬兩充勝保軍營兵餉仍由各委員就近解交備有以多報少卽著查明參奏其每月收數卽由河南軍需總局彙案造報以歸覈實而免轉輸

東華續錄

湖南巡撫駱秉章奏爲安鄉縣紳民襄辦設局抽釐出力奏懇 天恩俯准復還原裁學額以示鼓勵而宏作育仰祈 聖鑒事竊臣前據安鄉縣知縣蔡式鈺具詳該縣設局抽釐紳士商辦出力人文較前亦盛請復還原裁學額等情當經批司核議詳辦去後茲據藩司文格議詳請奏前來臣查安鄉縣地濱洞庭人文素盛原設學額十五名嗣因頻年水患居民流徙失業應試者少咸豐二年因議增瀏陽縣學額裁去三名撥給瀏陽迄今未據撥還該縣紳士紳自奉裁額後輒時深愧厲不甘以荒陋自居年來湖鄉稍稔應試生童漸復其舊聞各屬有捐輸廣額之事急欲仿照辦理無如積欠之區報効有心輸將無力以致捐輸廣額無由仰被 恩施六年經臣委員前往籌設局卡抽取客貨釐稅該縣外江內湖港汊歧出爲全省西北商賈往來通衢兼之湖水長落無常卡座遷移靡定與他處辦理卡務難易迥別正籌度間該士民等自以捐餉無資既未効其消埃之助而急公有志猶思抒其草莽之忱遂稟商委員協同經理計自開局以來歷經三

載共收獲釐稅錢二十餘萬串撥濟軍餉在事各士民奉派襄辦各務昕夕不遑籍有成效雖釐稅取之於商與本內捐輸有間第其急公慕義之心均爲籌餉剿賊起見似與捐貲圖報者事異情同矧請復原額亦與從新議加者有別現經學臣胡瑞瀾移覆今歲按試該縣人文較勝復額似屬可行合無仰懇 天恩俯准將安鄉縣原議學額三名仍行復還以示激勸而勵文風實與學校軍需均有裨益至此外辦卡抽釐各州縣業於捐輸案內奏請廣額及無原額可復者俱不得援以爲例合併陳明 奏文忠公奏議

十年諭南河因辦防堵設有抽收釐局庚長陸續添局十處撥歸淮安徐州安徽三處自四年至九年止共收釐銀二十六萬二千九百餘兩爲清江蔣壩等處各勇經費據文俊查明已經報部者尙屬相符其未經報部者有無冒銷侵蝕情弊著王夢齡徹底盤查調齊各卷冊逐款駁算詳細具奏毋任稍有捏飾以清積弊而重防務東華續錄

同治元年諭前據官文奏議覆侍郎宋晉條陳湖北等省會籌東征請飭薛煥會講會諭該撫等悉心妥籌尙未據會商覆奏茲據御史朱潮奏統籌東南大局一摺據稱湖北等省全境肅清四川廣東亦底安靖請飭湖北等省出師會剿四川廣東協餉兵事責之曾國藩餉事則派督撫大員一人督催各路征輸專司饋運等語覽其所奏與現辦情形均屬不相符合曾國藩節制江浙等四省已屬不遑兼顧若再令總制湖北湖南福建兵事則運籌決策瞬息千里亦恐緩急機宜不能遙制督撫辦理糧臺從前乾隆年間曾有是例此事爲出師一節而曾若自兩楚下至閩省相去數千里卽因督撫事權較重專司饋運亦恐呼應不靈湖北湖南邊境尙未解嚴江西福建逼近鄰氛自顧門戶尙虞不足豈能分兵會剿四川軍務未靖本省餉項成形支絀廣東

論據解左宗棠等軍餉爲數已屬不少該御史所籌補救之方尙不離書生之見惟軍務至重不妨兼聽並詢以廣進言之路且現在東南大勢賊合而我分兵單餉絀動爲牽制亦屬實在情形著官文會國藩嚴樹森毛鴻賓沈葆楨慶瑞徐宗幹酌量情形於軍務積弊如何挽救其言是否可採遇便覆奏不必因有旨飭籌稍涉遲緩也

兩江總督曾國藩奏廣東財力爲東南之冠其地勢亦宜供江浙之餉天下大利除丁漕正賦外約有四宗曰海關曰鹽場曰富戶勸捐曰市鎮抽釐他省或據其一或據其二三惟廣東兼四者而有之而粵鹽一宗行於江西湖南省侵濶淮南之引地佔奪江蘇之大利卽樂桂準商孔廣縉一戶七八年來攤費百萬他商之殷富可以類推官項之贏餘亦可想見而淮課因之全失粵課並未稍增釐金一宗如佛山韶關肇慶等處著名繁富咸豐十年間巡撫耆齡於韶關後設一新卡未及一年收稅至五十餘萬藩司周超漢議於肇慶府河設卡每年亦得四十餘萬此外鉅鎮大卡不一而足至於海關一宗粵海稅項運出各口之上捐輸一宗粵東富室亦非各省所及斯中外所共見共聞者若使經營得宜但於四宗之中得其一宗即可養數萬之兵剿浙江之賊溯查庚申五月臣奏請以江西之釐金充巨營之軍餉兩年以來臣軍賴此無飢潰之憂似可援以爲例合無籲懇 天恩采納朱潮之議 特派二品卿一人馳赴廣東駐紮韶關辦理通省釐金專濟蘇浙安徽三省餉項乾隆年間新羅用兵曾派大學士黃廷桂駐紮蕭州總理兵餉此次江浙軍務較新疆尤爲重大卽派大部卿貳銜 命使粵專督釐餉亦不爲過如蒙 俞允 臣當奏派賢員熟悉釐務者隨同星使前赴粵東設卡抽辦韶關距江西甚近臣當與該使臣往返函商務使籌兵籌餉一氣呵成

或結或贏隨時斟酌廣東官紳有設立私卡者使臣會同臣處奏參州縣有暗中阻撓者亦即奏咨參撤凡
務務所得之餉先解浙江軍營左宗棠新任浙撫無尺寸之完土無涓滴之餉源蔣益澧等到後尤覺無米
爲炊若以廣東釐金濟之則前此奏准之協浙月餉十萬兩卽在此中抵除其次則解安徽軍營臣處如鮑
超一軍欠餉八個半月曾國荃一軍欠餉近九個月徽州各軍欠七個月有奇急思早得粵餉一清積欠李
續宜添募新營亦當另籌接濟袁甲三久處窮困亦應量爲津貼方足以馭強將而撫飢軍又其次則解江
蘇軍營聞上海出款太多虧累甚鉅鎮江揚州兩臺亟須另籌協餉其廣東應解紅軍艇船之費亦可於此
中抵除由臣咨商韶關使臣察各軍之緩急定撥解之多寡其運解之法或由贛州送至江西轉解或由輪
船搭至上海轉解均聽韶關使臣酌辦其廣東本省應用之項與夫京款協款該省除正賦外尙有海
關鹽務捐輸三大宗儘足以資周轉不許挪移各卡釐金以清界限數載以來部庫空虛從無京餉解軍之
事若特簡京卿督辦粵餉則與自京解出者無異實惠及於士卒利權操自朝廷疆臣守其土地不得
私其貨財於 諭旨挽救積弊之道或不無小補所有遵 旨議覆緣由謹繕摺具奏會文正公奏稿

諭會國藩奏請派大員督辦廣東釐金著派都察院左副御史晏端書馳驛前赴廣東駐紮韶關督辦廣東
通省釐金接濟浙江等省軍餉 東業續錄

兩江總督曾國藩奏竊臣前奏請簡派大員督辦廣東全省釐金解濟江浙軍餉三月二十七日奉 寄諭
廣東釐金現派晏端書督辦並諭令由海道前往以期迅速卽著曾國藩遴委賢員隨同赴粵辦理等因欽
此又三月二十九日奉 寄諭著齡奏交卸撫篆調練籌餉一摺該撫遵旨赴閩亦專爲接浙起見所請抽

整濟餉之處自應准其試辦惟同一江浙軍餉同一廣東釐捐而耆齡辦之於始晏端書籌之於後一事兩歧恐有事權不一之患耆齡援浙所需應如何分別籌解及歸併報銷之處並耆齡與會國藩耆齡函商妥議具奏江浙餉省之餉與耆齡援浙所需應如何分別籌解及歸併報銷之處並耆齡與會國藩耆齡函商妥議具奏等因欽此仰蒙 皇上俯念餉需緊迫指示周詳曷勝欽感晏端書何日起程赴粵尚未接其來信抽盤經始之際諸事紛繁必須廉正明幹熟悉釐務之員隨同辦理擬派在籍布政使銜江西卽用道黃冕江西糧南道李瀚章按察使銜記名道趙煥聯補用道蔡應嵩卽日馳赴韶關創議規條部署一切又派湘南補用知府顏培燕前署江西廬陵縣丁日昌前署江西餘干縣陶慶仍隨同前往分赴各卡妥立章程其廣東官員中擬派糧儲道蔣志章會商妥辦虎門同知吳贊城隨同經理此九人者類皆才識闳達條理精詳總期漚瀟歸公無病於廣東商民有益於江浙軍務其如何分解之處臣已函商晏端書應由該副都御史於抵粵後會商具奏會文正公奏稿

又諭議政王軍機大臣等前因江浙軍務緊要特派晏端書馳赴廣東駐紮韶關督辦廣東通省釐金接濟軍餉嗣據晏端書奏因省城應辦事宜尙未就緒是以尙未赴韶至韶關釐金擬先支四個月趕解浙皖以應急需等語覽其所奏晏端書辦理釐務未得頭緒已可概見迄今又將月餘仍未將辦理章程及解過軍餉數目詳晰具奏其爲諸事掣肘更屬顯然近來外省官吏於勒捐抽釐等事往往侵蝕分肥飽其私橐若他省人員前往試辦必多方掣肘不使其廢然思返不止此等惡習殊堪痛恨著晏端書督飭派出道府各員會同會國藩所委人員實力籌辦備有該省官紳暗中作梗卽著據實從嚴參辦務使光身爲制斯大吏目擊時事多艱

任令不肯官紳任意阻撓致令釐金毫無起色不能措辦注茲情勢崇光是聞毋謂言之不早也 聖訓

又兩江總督曾國藩奏江西全省釐務於咸豐十年五月奏明充巨軍餉即經派委督糧道李桓候補道李瀚章綜理嗣於是年冬開分辦兩局下游南撫建廣饒九南七屬爲省局由李桓經理上游袁臨瑞吉南鎮寧七屬爲領局由李瀚章經理下游各府屬商販行釐本年二月一律加成兩起兩驗收數自應較前倍增乃近數月以來總臺解數寥寥計自四月至八月安慶糧臺僅收到江西總臺銀二十二萬兩錢四萬串若除每月應解之漕折銀四萬兩計此五個月中連錢折算僅解發金四萬餘兩每月七府釐金不滿一萬兩殊不可解臣訪聞江西省商民近日頗多怨言究竟釐金雖已加抽營餉未得實濟前此批定額局月解八萬省局月解八萬除去吳城湖口二卡僅月實省局六萬當時賊氛在境就釐金極衰之時而立制乃今年全境肅清從無月解六萬之事自河口景鎮樂平三卡由臣撥歸浙江撫臣左宗棠抽收饒州一卡撥歸祁門糧臺買米支用彼四卡抽收愈旺而七屬各卡報解愈少目下彼四卡月收已過五萬將來若收過六萬則七屬各卡全無應解之釐總臺且有倒欠矣臣提用江西釐金漕折中外通知乃核其所得不特不如湖北湖南之釐而省局尙不如東征局之數並不如左宗棠經收景鎮河口樂平三卡之數臣徒獲江右利權之名全無供養皖餉軍之實該藩司李桓總辦糧臺兼管釐局漫不經心玩視餉務如饒州一局八月收册尙未送到即據三四五六七凡五個月報到收册除以一半解祁門買米外其一半劃解省局者已有銀七千九百四十兩零有錢九萬二千九百四十三兩零即此饒卡業經解省之項李桓亦未轉解來院同係近五個

月之事饒州一卡分半解省者爲數反多七屬各卡全行解皖者爲數反少不知各卡是何弊竇李桓是何居心又如河口一局本年四月以前係已革同知向紹先經管每月收數至多不過五千餘兩逮左宗棠委屬開錫經收五月解銀一萬有奇較前卽增一僱六七兩月共解銀三萬有奇較前並增至二僱李桓果認真察訪向紹先當早已撤退乃於飭查之案猶且多方袒護僅請停委一年經臣加重奏參革職該司但圖覓好屬員不顧貽誤餉需殊屬大負委任自李瀚章奏派赴粵辦釐袁瑞臨三府歸併省局該藩司事務較繁且已添委甘肅臬司劉于溥訪察商情並派署鹽巡道孫長絨專司月報常川駐局力圖整頓重定規條嗣後江西各局卡上月收數若干坐支局費若干均限下月初三日繕成清單專差飛送省局由孫長絨彙繕總單專送臣營礦局四屬由署道王德固彙單遞臣營臣每月派礮船赴省迎提釐餉仿照湘省東征局之例其本年八月奏定月解漕折四萬臣亦按月派船迎提所有釐卡大小委員向由該總局委用黜陟此後改絃更張由臣隨時札撤自皖派員赴江辦釐以資互證而備觀摩各卡每月報銷冊該局員徑備一分申報臣處商民有無怨言亦由劉于溥按月稟報臣處相應請 旨飭下江西署鹽巡道孫長絨常川駐局甘肅臬司劉于溥體察商情均與藩司會同辦理臣統軍過多欠餉太久今歲疾疫盛行醫藥無資不得不整飭釐費力求補救外間皆知上海釐務不齊不盡不知江西釐金疲乏若此皆臣平日不能稽核申儆之咎該司李桓經理不善此次姑免參辦數月後如仍前玩泄卽當從嚴參奏並提訊經手員役以懲積弊

曹文正公奏摺

三年江西巡撫沈葆楨奏竊臣查咸豐十年五月初三日經督臣曾國藩片奏蒙 恩簡署江西興平時事務

卷九十九 征權十七 內地釐金

不同皖南北均屬殘破之區蘇常徧地賊氛幾無下手之處請將江西通省牙釐屬區設局經收以資征餉
 等因奉 旨允准在案伏念督臣此舉原謂當日事勢與平時不同不得不變通辦理而探諸今日事勢則
 又與咸豐十年不同臣忝任封疆安得不再籌變通以期盡利謹為我 皇上籌陳之查咸豐十年江西全
 省肅清蘇皖遍地皆賊督臣征餉自不能不專責江西今則皖北閩境安皖南僅有廣德未復江蘇之蘇
 松鎮太氣祗全銷金陵常州功成指日上海股富冠絕東南而江西水旱連年積遺兵燹無浙數地死中求
 生今春以來入境殆將十萬忠侍堵輔各巨逆咸思接踵而至閩越無糧可據彼即窺楚粵亦必借徑廣鶴
 勝則盤踞城池敗亦竄越山谷前此老巢可憐小挫即復東歸今則破釜沉舟雖死絕無還顧此賊勢之不
 同者也咸豐十年督臣未離江境征兵可兼防兵之用本省勇數寥寥取給錢漕雖帶欠已多尙堪敷衍今
 則督臣去江遠甚而督臣所部猛將精兵又去督臣遠甚猝然開警雖欲備甲疾趨糧長莫及且前敵撤動
 申賊牽制之計全局皆翻咸豐十一年李秀成直入長驅幾於臨贛通省前車可鑒能勿寒心是以覆撫臣
 李桓募繼果營二千人臣到任後募韓字營五千餘人添募繼果營一千餘人移調精捷營精毅營萬有餘
 人各府募守勇五百人猶覺顧此失彼疲於奔命然勇數則倍蓰於昔矣夫蘇浙肅清逆徒走固無一時
 盡殲之理亦斷不能使其絕無可竄之路所望要地均有重兵步步截殺使無可據無可占據日削日滅
 以至於無否則死灰復然大局何堪設想今春復飭未到任之賴南道王文瑞募勇四千各府州縣報募
 勇守城者或千餘人或數百人絡繹不絕將嚴其失守之罪不得不予以可守之資此兵數之不同者也咸
 豐十年以前江西連歲豐稔蘇浙路梗長江未有通商之議富商巨賈咸出其途故國家不慮無資勦清亦

籌集事今則水旱屢告農鮮蒸穡長江通商海道暢行大貨盈溢漢國務捐務動輒窒礙民窮財盡丁漕兩款得解不前而京餉出其中協餉出其中兵餉勇餉均出其中閩粵以來各郡縣之募勇者均請留用正辦職之則城邑不保何有丁漕許之而庫藏空虛何從措注此民力之不同者也夫以事勢不同如此但袖手坐視不思變通江省歷燭不堪閩粵兩楚亦將波及縱蘇浙肅清東南大局其可問乎 聖主痼瘼在抱出師命將備極焦勞蘇皖之民咸出水火而登衽席臣雖奉職無狀何敢坐視江右既登衽席之民淪入水火乎夫使能以江西之餉全力供督臣之兵以督臣之兵全力顧江西之地豈不甚善而勢各有所不能者力各有所不逮也江西爲督臣兼轄省分臣何敢稍分畛域然如湖南廣西等省皆總督兼轄省分其不能協濟者無論已能協濟者亦每月數萬金而止何者各有應守之地不敢自荒也卽牙釐茶稅等事亦歸本省自辦何者各有應盡之職不敢自曠也如謂將將不得其人兵勇亦同虛設理財不得其道釐稅適以病民是則撫臣失職督臣當劾而去之不當適爲之謀令其安坐伴食也方今各營枕戈殺賊懸釜待炊薪桂米珠深虞譁潰合無仰懇 天恩俯念江右無以自存之窘察臣萬不得已之私准將牙釐茶稅等款仍歸江西本省經收支用其督臣征餉酌量江省力所能及者 欽派每月協濟數萬金俾征防兩無貽誤如臣職窒礙難行應請 旨一面敕下部臣通盤籌畫准臣暫於江西牙釐茶稅項下分提其半以濟急需兩備

危局沈文肅政書

論前因沈葆楨奏江右軍務緊要請將茶稅牙釐仍歸本省徵收諭令戶部妥速議奏欽此後蘇浙敗賊奔突堪虞備防禦稍疏不獨江西遭其蹂躪卽會國藩亦添西顧之憂會國藩軍營各省協餉及釐金等款爲數

形喫緊與其糜爛之後分兵籌餉不如先事預防俾江省得以自固藩籬卽會國藩亦可專力東南著照該部議准卽該撫所奏將江西牙釐茶稅由本省分提一半作爲該省防餉其餘一半仍歸會國藩軍營俾得各資接濟東華續錄

兩江總督曾國藩奏竊臣接准江西撫臣沈葆楨咨稱以江西軍務方殷請將茶稅牙釐歸本省經收於二月二十六日具奏鈔摺咨會到臣伏查臣軍奏撥江西之餉前後約有三項臣初任江督奉旨兼辦皖南軍務其時江南六府糜爛皖南僅存祁門一縣一片賊氛無從下手臣於是奏辦江西釐金以充東征諸軍之餉奏撥江西漕折五萬以充徽甯兩防之餉連二年四月因各軍逃亡過多又奏九江洋稅三萬以清積欠先後奉旨允准沈葆楨到任後於元年九月奏明將漕折截留不解臣營二年六月奏留洋稅專充江忠誠席寶田之餉并未解過臣營一次此兩項者臣均未具疏覆奏力與爭辨此次截留牙釐不能不議陳而力爭者實因微臣統軍太多月需額餉五十餘萬前此江西釐金稍旺合各處入款約可發餉六成今年則僅發四成而江西撫臣所統各軍之餉均發至八成以上臣軍欠餉十六七個月不等而江西各軍欠餉不及五月卽以民困而論皖南及江甯各屬市人肉以相食或數十里野無耕種村無炊煙江西亦尙不至此請我皇上欽派大員察看東南數省果江西之軍民較苦乎抑皖南金陵之軍民較苦乎假令沈葆楨奏使巡視皖吳一次果行軍於江西較難乎抑行軍於皖南金陵較難乎知必有不辨而自明者臣於三省皆係轄境非敢厚於皖吳而薄於江西也無論何人處臣之地勢不得不出於此也今蘇浙之省會已克金

識者長順

得手本無

獲大股衝

師比今日

不謀夕矣

一州歲入

帶自軍與

莞利權則

應由督臣

與兵事相

款臣悉督

為通何況

之客則何

應籌邪則

揚各屬應

則鎮揚兩

卷之三

粵東七成之贖金湖南東征局之贖金皆非臣分內應得之餉用兵太久乞賑救飢私衷耿耿
仰冀重敷然毛鴻賓世臨不速奏請停止者知臣處入不敷出甚鉅也一俟軍務稍定臣即當奏明先還
廣東七成之贖次罷湖南東征之餉斷不肯久假不歸蹈專利之陋習而不自覺此心鑄之熟矣臣處自歸
截去江西贖金之信各軍人心惶惶轉相告語大局實虞決裂合無籲懇 天恩飭諭江西贖金仍全歸臣
處經收以資將贖之功俟金陵克復之日立即請 旨分成勻濟一面派撥重兵回控江西兼顧湖南其金
陵未克以前除彭玉麟劉于濤孫昌國三軍需餉五萬有奇術繕仍由江西贖金供支外其江蘇兩軍萬人
臣亦必於贖金項下竭力分撥特不可遽改局面動搖軍心致生功虧一簣之變會文正公奏稿

諭議政王軍機大臣等會國藩奏江西牙釐仍應歸該督經收以資金陵將贖之功一摺會國藩此奏以該督
所部各軍自開截去江西贖金之信人心惶惑大局實虞決裂恐致功虧一簣請將江西贖金仍歸該督經收
以資將贖之功自係實在情形惟所稱沈葆楨截留贖金之奏並未與該督商酌詞氣涉於激切鈔錄往來文
函各件呈覽沈葆楨前因江西軍務緊急懇請將該省牙釐茶稅等款仍歸該省經收支用如鑿礙難行請身
提其半以應急需經部臣酌覈覆奏准其分提一半之請朝廷亦因江西與金陵需餉同一緊急不能顧此失
彼詳旨准行嗣因通政使王拯陳奏此事復經寄諭會國藩沈葆楨等仍當同心共濟以維全局而竟成功今
會國藩所奏既以江西贖稅一歸本省經收恐致軍心惶惑著即照所請江西省牙釐茶稅仍歸會國藩經
收並准沈葆楨分提一半以為本省防兵之用江西防兵廣費田等軍即無庸會國藩再籌分提此項贖本
部會國藩創立章程抽收有年若一改歸本省經收事屬紛更亦恐替換生手必至所收之數不能如前沈葆

據前奏未經先與曾國藩商酌辦理似疑曾國藩不允所商而然事屬因公各督撫臣同膺疆寄遇有交涉之件縱意見稍有不同亦應往復參酌以歸一是方爲同寅協恭之道若自恃因公而各執一是不肯相下則均屬非是朝廷本無所用其調停止恐該督等意見各存被左右所窺伺從中播弄貽誤事機屆時縱重治該督等之罪亦已無及此次所奏業經朝廷持平定議曾國藩沈葆楨務各欽遵辦理毋得各存意見惟經手抽收釐稅之員必須廉明公正能知大體者方可派往著曾國藩慎重選擇爲要 聖訓

又兩江總督曾國藩奏竊臣於同治元年奏請開辦廣東釐金接濟浙江安徽江蘇三省軍餉仰蒙 欽派都察院右副都御史晏端書馳赴廣東竭力經營分批撥解皖浙各軍兩年以來深資饋運本年三月間臣於滬陳餉細情形摺內聲明廣東七成之釐非臣分內應得之餉應俟軍務稍定即由臣奏請先行停止在案現在江甯省城幸已告克臣統軍太多擬即次第遣撤籌裁勇之欠餉發征兵之行糧需款甚鉅各處釐卡應仍照舊徵收惟廣東金釐一款臣爲拯貧之策擬酌專利之名私衷耿耿如負重疚應請 旨飭下廣東督撫所有廣東釐金截至本年八月三十日止全充本省兵餉毋庸再解 臣營以踐前言而紓鄰困此項釐金自元年七月起至本年四月止除留歸該省軍需局外實解皖營及浙江軍營一百一十萬兩若截至八月底當在百二十萬兩以外該省商民踴躍輸將成此巨數俾臣藉以贖除金陵首逆爲利溥查部定章程凡捐輸銀三十萬兩准加文武鄉試定額各一名合無仰懇 天恩俯准將粵釐照一百二十萬兩之數加廣東省文武鄉試永遠定額各四名以廣 聖主如天之仁而彰粵人急公之義臣又查捐輸定章於本身應得獎敘外復准通縣合算加廣中額係專指捐輸言之若抽釐濟餉則既無給獎

本身之條更無合算加額之例惟各省釐金皆由本管撫派員經收軍興既久幾與丁漕關稅同爲歲入正款商民亦習而安之自不可給獎加額致滋冒濫若廣東釐金兩年以來專濟三江之餉與各省大有區別除本身照例不得給獎外可否通省合算加廣中額之處出自 聖主鴻裁交部核議施行會文正公奏稿諭內閣會國藩奏停止廣東釐金請加廣該省文武鄉試中額一摺前因浙江江蘇安徽三省軍餉支絀經會國藩奏請開辦廣東釐金三成留辦本省防剿七成協解江皖見計自同治元年七月起截至同治三年八月止除留歸該省軍需局外前後約解過軍餉銀一百二十萬兩該省商民踊躍輸將集成鉅款俾江甯各軍藉得迅速成功實屬好義急公有裨大局著照該大臣所請加廣廣東文武鄉試永遠中額各四名以示鼓勵其在江甯既克各軍已議陸續裁撤該大臣奏請停止廣東釐捐自係爲體恤商民起見惟裁勇之欠餉征兵之口糧需款仍鉅自應將該省釐金暫行照舊辦理以裕餉源俟各營餉項稍充再由該大臣奏請停辦 聖訓諭會國藩奏停止廣東釐金一摺見在江甯省城雖經克復會國藩軍營欠發遺勇餉項暨征兵行糧爲數甚鉅且該省餘匪未淨尙需撥兵防剿需餉浩繁若將此項釐金遽行停止深恐餉項不繼籌辦又形棘手毛鴻賓等辦理釐金向能不分畛域接濟鄰封該省商民亦能踴躍急公有裨軍務著毛鴻賓郭嵩燾督飭該局員等照舊徵收並仍照原定章程以三成留作本省軍需以七成撥解皖營俟江蘇上海等處籌定款項足敷接濟皖營之用再行停止解往東業 續錄

諭內閣前因會國藩奏江甯克復請將廣東釐金應協江皖之七成停止當以江甯餉源未裕未經允行嗣據戶部奏廣東軍需緊急餉項浩繁會於應解江皖七成釐金內准令該省再酌留四成以資支應茲復據會國

藩奏粵省見有軍事撥金解江終覺於理未安請仍令該省全數截留等語該大臣於廣東釐金以為非應得之款形諸章奏不啻再三此時復以粵東見有軍需仍請停止籌畫實為周至嗣後廣東釐金即著該省全數截留俟軍事稍平再行酌解會國藩軍營撥補欠餉江西釐金自本年沈葆楨奏定與皖營各提一半會國藩嗣派鮑超周寬世兩軍赴援江西即將此一半釐金留充該兩軍之餉茲據會國藩請將江西釐務概歸沈葆楨經收其該兩軍口糧自應由沈葆楨妥籌給發嗣後江西釐金即著照會國藩所請由沈葆楨派員經收並將鮑超周寬世兩軍口糧妥為接濟毋令缺乏其饒州景德鎮兩卡仍著照舊撥解祁門糧臺以資饋運至會國藩之軍見在分駐金陵及皖南北者為數尙眾其防兵口糧及將來撤勇欠餉自應妥為籌備蘇皖皆該省所轄省分所有該二省釐務釐卡仍著照舊撥解由會國藩提用

奉 旨 依 議

諭議政王軍機大臣等會國藩奏請將粵釐停止並江西釐務請概歸沈葆楨經收等語粵釐本為江皖協餉一大宗毛鴻賓郭嵩燾從前屢以餉需竭蹶分成解皖存留不過涓滴為言此後全數留充該省軍需餉源不為不裕毛鴻賓郭嵩燾惟當撙節動支以期日有起色至廣東及粵海關應解京餉總未能如期報解該省既得此鉅款更不得以餉項支絀藉詞延宕嗣後著該督撫並粵海關將應解京餉遵照部定限期趕緊如數報解毋得藉口抽收未旺再行遲緩致誤要需

奉 旨 依 議

四年諭軍機大臣等李瀚章奏遵旨裁撤東征局請酌留鹽茶二項歸本省局卡抽收其餘各物酌留四成作為協餉等語所籌尙屬妥洽本月初一日據劉蓉奏請飭撥湖南釐金協濟甘餉當經寄諭李瀚章斟酌情形儘能有裨國用無損民生即將東征局釐金照舊抽收接濟甘餉數年俟隴省軍務肅清再行停止李瀚章此

奏自佩尙未獲奉前諭雖其爲釐金大宗著照所請毋庸議減全數歸併徽南本復局卡抽收其餘各色貨物據稱擬於向收東征釐稅內一律酌留四成增爲本省釐票內作爲協餉惟甘省兵多餉絀待用孔殷即使以酌留之四成專協甘省尙恐爲數不多不足濟事著李瀚章仍遵前旨悉心籌畫儘能照舊抽收接濟甘餉於西陲大局自有裨益備情形實有空礙或局面係屬已成卽著將鹽茶兩項及各色貨物酌留之釐金儘力解甘俾該省得此有著之款可收實效萬勿稍分畛域致誤師行

八年諭軍機大臣等戶部奏遵查各省釐金酌定添撥西征軍餉並請飭各省整頓釐金各摺片左宗棠前請按年籌撥陝甘軍餉四百萬兩見據戶部將各省釐金覈明通盤籌計奏請酌量添撥西北餉源素絀本仰給於東南陝甘見又軍務方殷自不得不寬爲籌備卽著照戶部所議安徽省除接濟郭寶昌餉需軍火外無論釐金捐輸項下著吳坤修每月添協陝甘餉銀二萬兩每年共添協銀二十四萬兩浙江省除每月原協左宗棠軍餉銀七萬兩外著李瀚章每月再添協陝甘軍餉五萬兩每年共添協六十萬兩該省每年協濟雲貴軍餉十餘萬兩仍著照常籌解該撫前奏每月再各撥五千兩卽著毋庸添撥其應協山西清淮各餉不得藉口停免該撫當將該省防兵如何裁遣或酌補兵額之處認真籌辦以節經費見辦塘工捐輸及外省收捐分局仍著照舊辦理毋庸議改湖北省每月除原協陝甘各餉外著李鴻章郭柏蔭每月再添撥陝甘軍餉銀四萬兩每年共添撥銀四十八萬兩該省歲入各款較前徵收短少該督等隨時逐款整頓並將用款酌量緩急以資周轉本省及外省捐輸仍著照常辦理毋庸議改江西省除地丁項下每月原協陝甘軍餉銀二萬兩外著劉坤一每月再添撥陝甘軍餉銀四萬兩每年共添撥銀四十八萬兩江西釐金仍須認真經理毋令減色福

建省除每月原協陝甘軍餉銀四萬兩照常籌解外著英桂卞寶第每月再添撥陝甘協餉四萬兩每年共添撥四十八萬兩江蘇省除會國藩前奏由該省每月協濟陝甘軍餉十萬兩每年共一百二十萬兩照數按月批解外著馬新貽丁日昌每月再添協陝甘餉銀三萬兩每年共添撥三十六萬兩該省釐金仍當整頓其各屬捐輸著照常勸辦毋庸議改至留防直東江鄂各軍食餉尙鉅應如何漸次裁減著會商李鴻章妥籌辦理至瑞麟前奏廣東省提存釐金五成協撥外省軍需未據酌定准數著瑞麟李福泰於原協陝甘餉銀每月四萬兩照舊籌解外每月再添撥陝甘餉銀三萬兩每年共添撥三十六萬兩該省添支各項經費著瑞麟等力求撙節以省虛糜其本省及外省捐輸事宜仍著照舊辦理以上添撥銀兩著該督撫等自本年正月始一律照數籌撥遇閏加算按月各解交湖北省陝甘後路糧臺交收均不准稍分畛域偶有帶欠致誤要需該督撫等總當顧全大局妥速籌解左宗棠於接到餉銀時著按照陝甘兩省缺餉多寡分別接濟勻撥以昭公允其各省原協陝甘各路軍營餉項均著照舊支應毋庸稍率混各該省報解陝甘新舊撥款及左宗棠劉典穆圖善等營收到各省撥款並各路捐局所收捐款均著隨時奏報以憑查覈西征軍餉竭各省之力以供應用左宗棠當撥節支發毋庸糜費該大臣前請撥四百萬見已酌撥至三百萬兩不爲不多合之原協各餉及收捐款自每年統計九百五十餘萬兩該大臣原請銀數能否覈減卽著迅速覆奏並將各營需餉實在數目分別詳細奏開釐金一項既據各該省奏報每年減收已不下數百萬兩若辦理不善經費將何所出各該督撫仍須悉心酌覈力除中飽毋得徒博虛譽率行減免遇有局卡太密重複徵收者仍隨時裁汰懲辦其釐金報解章程仍照兩淮鹽釐半年奏報一次著馬新貽將開報式樣鈔錄咨行各該省查照辦理

九年諭內閣李鴻章奏江蘇釐捐充餉請加廣該省文武鄉試中額一摺江蘇辦理釐捐協濟各省軍餉自同治四年閏五月起至七年六月底止計撥解過剿捻軍需銀七百五十餘萬兩該省商民踴躍輸將集成鉅款俾剿捻各軍得以迅速成功實屬急公好義著照該督所請加廣江蘇省文武鄉試永遠中額各八名以示鼓勵嗣後他省不得援以為例現在軍務未平各路征兵口糧需款尙鉅仍藉該省釐金接濟以資飽騰著馬新貽丁日昌督飭司道等隨時設法整頓照舊竭力籌解毋誤要需 聖訓

十一年允吳棠奏撥釐金銀二十萬兩賑四川災民東華續錄

光緒二年兩江總督沈葆楨奏竊江蘇釐局向分三處一為金陵釐捐局前督臣曾國藩奏明每月專供甘糧三萬兩不足則由運庫撥補一為蘇州牙釐局一為松滬釐捐局向來收數較多供應湘淮各軍月撥及京外各處協撥本省善後等用款目紛繁久已入不敷出現在收數日絀撥款日增疊據甯蘇兩藩司暨駐局道員等稟請具奏前來臣等詳加察核出入不敷數目太鉅不能不將實在情形為 皇太后 皇上稟晰陳之江蘇各局釐金從前軍務初平時抽收極旺嗣則逐年減少有江河日下之勢臣等督飭承辦總局悉心稽核力杜中飽本年二月間曾將委員特參數人甄核未嘗不嚴而釐金日見其少蓋以抽釐本無定額全視商賈之盛衰為轉移近來百物翔貴貨滯不銷商人折閱既多轉輸難繼假如往年運貨兩次者今年祇運一次則公家釐稅即因之少收其半上海沙船從前有三四千號近則不及十之一生意蕭索釐捐焉得不衰此無形之消耗公私俱困者也商情困苦如此不得不曲加體恤蘇滬設卡抽釐初辦時卡多捐重

自同治四五年後年生核減前督臣曾國藩於同治七年十年大減兩次同治十二年前署督臣張樹聲等奏明將江南之剩糧米穀停捐光緒元年臣元炳又奏明將江南之糯米雜糧停捐凡此軫恤民艱均出於萬不得已而所減之數統計已不下數十萬此有定之短絀雖有損於公而尚有益於民者也其爲害最甚而莫可誰何者則莫如洋票洋人運內地土貨概憑單照驗免不得抽盤定章之始專指洋商而言所礙尙不甚多近則內地華商避重就輕託名詭寄由內河而至長江到處皆是偶一扣留則洋人出頭包庇動以留難索賄爲詞此無窮之漏卮而良商並受其害者也光緒元年收數蘇局僅六十五萬八千八百餘兩滬局僅一百三萬六千餘兩金陵僅三十萬兩有奇爲從來未有之奇絀其放款則儘數用罄蘇局欠解淮軍月餉等項十七萬七千餘兩滬局欠解淮軍月餉等項三十萬四千餘兩而金陵局所短之甘餉運庫解能撥補且須挪甘餉以應部撥他處之急需所以西征出關軍餉奉天練餉東三省俸餉以及織造承辦寶錄館綉絹等項銀兩明知其有燃眉之急而羽書鱗疊解濟無多海防奉旨飭撥江蘇盤金四十萬兩則絲毫未解臣等非不念南北洋防務爲切己至要之圖無如盤金收支各款搜籍可稽實已儘收儘放毫無餘贖勢不能將向來應撥之款橫行截止或者謂裁撤防勇以節餉需竊恐帑藏竭於外輸而本省設有緩急毫無足恃則所以貽誤大局者尤深或又謂仍須整頓釐捐豈知目前買賣紛紛歇業更何堪竭澤而漁其措者方以津單爲護符又何可爲難嚴辦再四躊躇無從補救竊思部臣總核度支凡遇應撥之款分省指撥原有一定權衡外省接到部文後照例轉行各該局飭令遵辦各該局接到行知後始則未嘗不思設法籌解乃遲之又久迄無以應左支則右絀顧此則失彼各處索餉之文層疊如織而經營支放之員空

文據塞仰屋歎嗟以去年收數較之往年其驟絀已出人意料而查核今年春夏情形欲上追去年之數又萬萬不可得必待大局決裂再行和盤托出雖從嚴參處而已晚矣臣等詳慎酌核本年撥之款如 萬年吉地 惠陵工程典禮攸關自當先儘籌解斷不敢稍涉遲緩其餘已撥未解之款名目最為繁多者莫如西征餉銀東三省餉銀兩項西征餉銀臣等於本年正月間會同具奏擬按月統協八萬兩除撥還津款外儘解左宗棠後路糧臺凡老湘營及關內外各軍均由左宗棠統收分解以一事權可否仰懇 天恩俯准敕部查照前議准予添撥東三省餉銀現擬款已奉部撥之款飭令各局竭力籌湊惟力是視此後如有續撥之款可否 敕部暫免派撥以資周轉而蘇喘息至海防案內釐金四十萬兩目前一無指望臣等身在局中萬難飭提直隸督臣李鴻章亦深知江南艱窘不忍迫促將來祇有察看情形另行籌議此又不敷不預為陳明也 沈文肅啟書

二十四年兩湖總督張之洞奏竊查湖北餉源惟百貨釐金為大宗鹽課次之地丁漕糧皆有定額歷年災荒蠲緩有減無增關稅釐成稅務司照章徵收亦別無整頓之法鹽課須看銷路暢否至徵收之數有江南加抽川鹽局互相維繫尚無弊端惟貨釐一事其稽徵之寬嚴用人之當否報解之虛實其關鍵全視乎局員得人則盈不得人則絀整頓之道倘有可施於此若能日有起色或可稍資補苴惟比年以來水旱交乘民生既形困苦商業亦見蕭條釐金收數必為短絀據各局卡委員來稟多以歲數商補為詞體察情形倘非盡屬虛飾豈可再令入款日減然而嚴比較則恐病民寬宥成則慮虧餉查各局卡委員實力稽徵者未嘗無人而言巡警散委員侵蝕者亦所不免省城遙遠耳目難周州縣雖多倘有本管道府考察釐卡分布

外遠者數百里以至千餘里並無考察之人若謂一一皆廉介奉公實難深信竊思釐卡所在若非附近城關卽係繁盛市鎮其商貨之衰旺司員之賢否弊端之名目各該地方官紳必有見聞委員但能欺省城上司之耳目不能掩附近官民之公論縱該局卡之事旁人不能纖悉周知然抽收之數與報解之數是否相懸總能知其大較特以向來地方官不預此事以故但有竊議不肯公言反覆籌思惟有責成所在地方官稽察一法尙可維繫檢制雖地方印官亦未必皆賢特既有民社之責其自待總較局卡委員爲重相應請旨著爲定章將湖北通省釐金責令局卡所在地方官認真稽察其在州縣之境內者卽責成該州縣其有局卡與道府治所相距甚近者並責成該道府一體稽察如該局卡有賄賣司事巡丁侵蝕虛報苛勒留難等弊卽行據實稟報督撫藩司及牙釐總局以憑參辦每屆夏冬兩季卽將半年內境內釐卡爲有無弊端商貨是否暢旺密行通稟一次備有較大弊端地方官扶同徇隱查出亦卽撤任參處竊思近年屢奉諭旨振興商務且令各府州縣講求水陸商務則道府州縣所轄境內百貨之盈虛舟車之衰旺徵權之利弊固爲地方官所必應周知而考究者責以稽察實非分外如此明定章程庶弊端可以稍清釐收可期核實其於籌濟餉需必有裨益

張宮保政書

薛福成上曾侯相書 國朝兵制自京都滿蒙漢八旗及各行省要地屯駐旗營之外則有綠營分隸督撫河漕及水陸提鎮各標爲額至六十餘萬人約支俸餉二千萬兩去天下歲入之半遷流既久積習益深乾隆以後日形窳敝雖疊降 明旨飭所司實力整頓而地廣勢散難著效嘉慶年間蕩平教匪已大半仗川勇之力咸豐初年粵寇披猖所至無不摧靡節下深鑒綠營之不足恃於是倡募鄉勇以威元

敬氏束伍法部勒之久之皆精練無敵各行省亦漸仿效之而湖南勇營之旌旗幾徧海內最後傳其規制別募准勇而准軍復興用此誅鋤孽孽轉危爲安然十餘年來用饟無算所以能播持全局彌縫闕乏者則東南數省抽收百貨釐金之功也向使會此一孔其何以饋數十萬嗷嗷待食之軍而遏方張之寇雖然則天下當有事之時國計之不能不藉資於釐金者勢也雖然昔之創爲此法不過濟變一時而已若軍事稍紓循是不革非所以厚民生而培元氣也今巨患削平跳梁之寇非復前日比似可斟酌盈虛先減釐金漸減漸少以至於盡裁斬以濯痍瘡枯稍蘇民困夫釐金每百分而取其一征諸商者似不爲多然以福成所親見者論之節如江北淮陽等處自江甯藩司所設釐局外有漕捐河捐撫捐糧臺捐及清淮籌防各府籌防各縣鎮團練之捐收數混殺各日詭寄三四百里間卡局不下數十是殆征其十之二也而吏役之勒索司事之需索不與焉彼爲商者工於牟利則仍昂其價於貨物而小民之生計日艱且今日之能倚釐金爲巨饒者以前日未始有釐金也若上下既視爲定額則將有必不可少之經費待之以濟加以官吏侵蝕其中法久弊生此法卽爲徒設一旦復有猝然意外之變將籌何款以應之故減之裁之所以爲異日緩急計也然今之所以決不能裁者何也閩粵殘寇尙未殄滅兼以羣捻縱橫苗回煽亂凡諸勇營之得力者方且徵調四出奔命不遑是饟項有不可減之勢卽釐金有不能裁之勢卽使諸寇漸平而彈壓土匪鎮守邊陲亦非勇營不可然則釐金終不能去乎竊謂勇營之所以不能撤者以綠營之不足恃也綠營不足恃而兵額仍未稍減坐糜二千萬金之歲餉病民病國莫此爲甚乃計臣樞臣未嘗籌及置吏言官未有論列者則或率於舊制不可改之說或嘗於中外之利弊也節下拳拳於愛

民愛國既已洞晰其原矣似宜於此時建議普減天下綠營十分之四可省歲餉八百萬金以養勇營即可先減天下釐金十分之六蓋各省要害之地既有得力勇營填紮疲弱之兵不妨汰遣所留六成以供守汛餉解犯之用可敷分布汰兵如有可用或撥歸屯田或招入勇營亦尙不至窮餓一轉移間而國用不耗商民不困蓋食之者寡則用之者舒大學生財之大道易之所謂以美利利天下書之所謂利用厚生不外是也抑或別有遠慮必暫假釐金爲區畫此乃與福成屯田之議相合然當明定限制布告四方以一年二年爲度截然不稍延緩始無流弊夫用鹽金以興屯政數年之後屯田畢理兵餉大減而釐金固可盡裁也興一利除一弊二者交相爲用又在斷而行之耳

唐寶外編

皇朝通志卷之九十九

皇朝通志卷之九十九

皇朝政典類纂卷一百

征權十八

內地釐金抽收禁令

咸豐四年諭軍機大臣等據王茂蔭奏大江南北捐局過多官私錯雜揚州以下沿江各府州縣設有十餘局苛斂行商過客假公濟私包送違禁貨物甚致聚眾斂錢以錢聚眾善安薛家港等局竟至互圖併吞大肆爭鬪商民無不受害等語雷以誠勸議捐釐協濟軍餉原在揚州一帶辦理尙屬妥協何以善安等局竟有收捐未解糧臺之弊著并明阿等確切訪查如有奸徒藉端漁利藐法營私卽著飭令該地方官嚴行究辦其在大江以南者並卽移咨怡良就近查明如係私設卽行嚴禁務期濟餉安民兩無窒礙東華續錄

五年諭軍機大臣等御史宗稷辰奏大江南北設卡抽釐收捐太雜出入總數毫無稽覈並有常鎮散勇與江南土蒙在江邊距關山關相近地方樹幟攔船肆行盤踞與營卡比列莫辨公私請將釐捐事宜責成江督經理等語江南省捐釐餉雷以誠勸議於前文煜接辦於後原期集餉安民兩無窒礙其揚通一帶設立各卡均有章程可稽豈容任意添設若如所奏官收捐項已極繁瑣復有匪徒冒名勒索擾累行旅更屬大干法紀著托明阿等確切訪查如有奸徒把持漁利節著從嚴拏究以靖地方至該御史所奏百里之間設卡過多應行歸併刪減之處著酌量情形表明辦理其所請責成江督稽覈及簡員管理事多窒礙著毋庸議至官軍發項未能按期支給如果抽釐事務辦理得宜所捐款項悉歸實用於軍餉亦有裨益該大臣等務當悉心妥辦毋得擾害閭閻徒使奸徒中飽而於軍餉仍無實濟

聖訓

又論軍機大臣等據羅惇衍奏江南泰州仙女廟設立捐釐總局弁兵官紳多方阻滯刁難侵欺商船勒索掛號灰印等錢稍不如意任意威嚇恐商販裹足與捐釐助餉章程有礙等語江南省捐釐助餉前據侍郎王茂蔭御史宗稷辰奏稱局卡太多當經降旨查辦並據托明阿文煜奏稱並無私設捐局等事何以行之日久仍有官紳兵弁借盤詰稽查為名多樹旗幟巧立名色侵欺商販其為查禁不嚴致滋流弊已可概見著托明阿等嚴飭各路口弁如有藉端苛索者即著從嚴拏辦以免擾累 聖訓

七年諭軍機大臣等御史趙元模奏江蘇現辦捐釐請飭該督撫等嚴禁官役勒捐舞弊一摺據稱江蘇揚常鎮屬接壤地方設有小河口普安新港三江營荷花池五局抽釐其委員收稅並不遵照規條任聽差役勒索通同乾沒因之本地土豪藉端挾制甚至聚眾搶奪行商視為畏途近處商民亦復受其荼毒等語抽釐之舉本出於萬不得已既定收稅章程自應照例辦理何得縱容劣員土棍勒索擾害著何桂清趙德翰德興阿翁同書隨時察訪傳諭文煜責成該管道州縣實力嚴禁違例擾累者立即嚴拏從重懲辦以杜積弊而安民業 聖訓

九年前任山東巡撫崇恩奏遵查煙臺海口試辦抽釐情形得旨該前撫所奏尙有不實不盡之處如該縣等平日不免抽收尙長功令不敢形諸稟牘今既奉明文誠恐入官無幾徒飽私囊朕聞煙臺一處每船有七百金之多此項非為通省漏規卽該處自然之利若不認真查辦尙復成何事體此時海防非喫緊之時著派郭嵩燾輕騎減從速往各處嚴密訪查仍會同文煜破除情面覈實具奏務期有裨經費杜侵漁而有限制方為妥善並著僧格林沁於營中揀派妥員令郭嵩燾帶往查辦 東華續錄

諭軍機大臣等前因山東煙臺等處商船出入貿易所收正雜釐稅恐多隱匿侵吞之處特諭借格林沁派令郭嵩燾前往嚴密訪查茲據借格林沁奏該員前赴煙臺派委紳士設局抽釐未經會同李湘棻查辦又未及與文煜面商福山縣地方遠有不知姓名多人毆紳拆局之事當經文煜嚴飭地方拏究卽著該撫飭明該局紳士等有無辦理不善及賤削激變情事秉公審辦並查明從前陋規廢除積弊毋稍徇隱郭嵩燾現已回至山東省城文煜較閱營伍事竣亦當旋省所有各口釐稅章程仍著與郭嵩燾面晤籌商奏明辦理總期有裨國用勿拂輿情方爲妥善郭嵩燾俟釐稅章程商定由文煜具奏後卽行回京聽候部議 聖訓

十一年諭捐之設雖爲軍餉起見窮民受累實深且恐猾吏奸胥藉端抑勒侵吞除各省奏明通衢要口設立捐卡外其偏僻地面從前設有釐捐者著卽行裁撤並著各該督撫查明分別應留應撤各捐局咨報戶部以杜擾累而歸稽覈 東華續錄

同治元年諭軍興以來需餉浩繁各直省捐輸抽釐藉資民力實係朝廷萬不得已之舉疊經諭令各督撫嚴禁科勒並捐輸名目及抽釐各局酌量裁減各該督撫大吏宜如何仰體朝廷子惠黎元之意加意撫循痛除積弊以期廣濟時艱乃據協辦大學士倭仁奏臚陳河南省官民情情形內稱該省州縣誅求無厭錢漕之浮收雜派之詭案日增月盛其捐輸抽釐等項雖至零星小戶偏索無遺胥役劣紳從中私飽似此情形小民何以堪之因思各直省州縣積習相沿潔己奉公殊難其選此等藉端苛勒賤削小民者恐不乏人各該督撫等平日果能正己率屬廉潔自持斷不能爲屬員挾制亦何至任令不肖官吏浮收雜派罔恤民瘼用特申諭各直省督撫於所屬州縣嗣後務當實力痛除前弊如有貪鄙地方官藉捐輸抽釐名目加徵勒派中飽私囊一經

查出即著嚴參治罪該督撫等亦當廉隅自飭痛絕苞苴以期大法小廉各盡厥職用副
察庶至意東華續錄

又 諭議政王軍機大臣等駱秉章奏粵省捐釐辦理未盡得宜訪聞積弊情形一摺
詳人雖次擾亂地方元氣已傷第目下情形尙屬安靜而東南江浙等省軍務正殷勢下
勉力接濟前派晏端書前往該省督辦釐金疊經諭令會同勞崇光妥籌辦理固不許任
以但事昧求不顧地方利害釐捐等事原出於不得已總期有益軍餉無戾民情方爲公
專事辦此事自以濟餉爲急亦不可一意措克置地方利害於不顧勞崇光身任疆圉地
察與情因勢利導備爲釐捐等事辦理失宜或至別生事端仍惟該督是問 聖訓

又 諭議政王軍機大臣等晏端書奏遵查廣東釐金積弊一摺充商包抽釐金業經
既據查有端倪即著提集人證秉公研訊將牟利病民之蠹吏從重懲辦以蘇商民之困
又 諭議政王軍機大臣等御史丁紹周奏各省抽釐勸捐請裁革委員專歸地方官
分其完善地方僅松太揚通等屬數州縣而釐捐各項委員不下數百一經劉委親隨
禮門包悉視卡局之肥瘠以爲餽送徒資中飽民怨沸騰一省如此各省可知請飭責成
直省勸捐抽釐藉充軍餉疊經明諭告誡嚴禁擾累至再三惟地方大吏派員經理往往
帶虛銜皆可充任良莠既屬不齊增減無從深考以致營私藉利流弊滋多實堪痛恨
釐委員榮行裁革統歸地方官經理並按月申報捐釐各款實數由該管督撫按照例限

整事繁州縣未能肆應派令該地方道府等官分投辦理毋得以不肖委員充數至抽釐之法並請各督撫按照部定章程酌定簡明條款分析開載榜示通衢俾商民一望而知不至使猾吏奸胥從中舞弊 聖訓
二年諭內閣國家愛育黎元體恤商民從無苛刻之事近因軍餉浩繁設局抽釐乃朝廷萬不得已之舉疊經明降諭旨嚴禁擾累並因御史丁紹周條陳江北釐捐積弊復經通諭各直省督撫於釐捐委員槩行裁革統歸地方官經理按月申報實數由該管督撫按照例限報部並照部定章程酌定簡明條款分析開載榜示通衢以昭覈實乃昨據嵩明阿奏稱親赴裏下河一帶南北糧臺設立捐卡大小約有百餘處有一處而設數卡者有一卡而分數局者委員既繁局費尤濫每月局用少者二百金多者至千餘金委員廢逸等貪鄙不職因降旨將廢逸等革職以示懲儆而吳棠於奉旨後迄今數月並未遵照辦理該署督受恩至渾尙復如此賄徇甚員委任著傳旨嚴行申飭並著歸併裁革以清積弊因思江北如此他省可知聞地方不肖紳士往往賈緣入局百端使漁商賈不勝其擾而軍餉仍無裨益是以朝廷不得已之舉為不肖委員紳士分肥之地利歸於下級斂於上亦安用此釐局為耶著再行通諭各直省督撫恪遵前旨將各釐局酌量歸併裁革劣員撤委賢能地方官經理毋得以不肖官紳充數儼仍前賄徇濫行派委併別經發覺或經科道參奏必將該督撫等從嚴懲處毋謂不戒視成也 聖訓

湖南巡撫毛鴻賓奏竊臣接准戶部咨開奉 上諭遵查湖南辦理釐捐創始之初經前撫臣略秉軍參稽輿論體察情形仿唐臣劉晏引用士流之法不歸衙署不假手吏胥力除關卡陋習湖南地方瘠苦本非富商大賈輻輳之區是以歷來並未設立貨關與湖北江西等省地大物博者情形迥異而綜計每歲所入雖

衰旺不同大約總在百萬內外頻年保境援鄰支持危局深資其力良由用人立法權衡悉當收解胥歸核實商民久相信從用能有裨餉需無傷政體前湖北撫臣胡林翼創辦北省釐捐一皆仿照湖南成法臣十一年履任之後留心查訪其中節目或尙須隨時變通而大綱實爲憑昔今若裁撤分卡專歸地方官經理則窒礙滋多弊端愈甚謹爲 皇上一一陳之湖南辦釐之始原止就長沙湘潭常德益陽買賣較大之處設局試辦迨後各客商遂有改向未經辦釐地方貿易者商民紛紛稟請一律抽收以昭公允而杜趨避於是始於沿河各口岸次第添設其鄉村小市不通舟楫者則至今未嘗舉行也又湖南號稱澤國洞庭以南港汊紛歧設卡處所無從控扼總要勢不能不設分卡春夏水漲之際細分各卡復多未能扼要勢又不能不設稽查卡分卡爲商船終歲往來之地稽查卡則隨水勢之漲落爲撤留此皆據其必不可少者始行舉辦仍隨時察看情形如無裨補即便停撤凡過卡貨物核算清楚收明釐金立即填票放行毫無阻滯在此卡業經完釐之貨經過彼卡查驗貨票相符並不重抽計湖南通省卡局不過數十處相安已久商民俱無異言備一律嚴撤則坐賈或從而遷移行商必因之繞越不獨總局總卡恐成虛設而釐金之有無不同卽物價之重輕且異奸巧者每網利以自私良懦者或向隅而受累是有損於軍餉並無益於商民此湖南釐金分卡礙難裁撤之實在情形也釐金一項取什一於商實款目繁多事務冗雜過客之去來無定抽收之多寡難確非若地丁錢糧垂爲定額官有冊籍可稽民有舊章可守也湖南辦釐章程官紳並用凡收支稽查以及書寫算貨等事皆於生童中選派由督辦官紳逐日考核所收數目按月榜示通衢有目共睹不獨商民俱能見信卽前年洋商因茶稅一項赴岳州卡局亦稱湖南辦事之有條理既已成效可睹矣今將委

員委紳概行裁撤而惟責成地方官辦理比而較之其弊有四委員委紳專辦釐務又有幫辦紳士分任其
勞精神一則照料易周耳目多則箝制更密但屬中材便可勝任地方官苟留心民社則一邑之公事已覺
日不暇給雖長材肆應亦難以餘力及於釐金由是吏胥伺間以營私奸商通同而雜弊收數必立形其絀
軍餉將何所取資其弊一各卡局每日經過商旅不下數十百人委員委紳常川在局收錢算貨無不躬親
督辦隨到隨行倘有爭執亦可立時了結無所拖累地方官深居衙署若任聽客商出入體制未免太褻且
一縣之中市鎮不止一處相距縣署遠者或一二百里近亦不下數十里萬難日日親歷其勢不能不假手
於丁胥上下之情不誦斯苛索留難擾累無從而究諸虧那侵蝕丁胥相倚以為奸既恐飽私窠而損公家
尤慮拂商情而滋事故其弊二設卡處所皆有地方官管轄委員委紳無權勢之可藉收支帳目人人可以
緝閱稍有積弊不獨地方官得而糾察之即地方之紳士商民亦得而舉發之備歸地方官經理則銀錢應
入縣庫簿帳應存署中一切收支細數外人莫能盡知之亦莫敢置議在自僉者固不至任情揮霍然難
保不因公移挪儻遇任滿卸事列抵流交勢所必有案牘因之轉輾款項必至虛懸其弊三抽捐釐金事非
得已當此軍餉支絀故不能不設法補苴將來大局肅清即不可不隨時停止委員委紳由省局札派以往
幫辦紳士亦多從異地遴選而來收發之權自上操之欲行即行欲止即止無牢不可破之患也一授權於
地方官則吏胥據為利藪目前已無實濟日後且成陋規即至軍務完竣札飭裁撤而陽奉陰違把持盤結
勢必不免以 朝廷權宜之創舉供吏胥久遠之私圖其弊四兼是四弊又有二難委員委紳奉委辦釐所
辦之事未善即可因事撤之地方官總理一邑所司不僅釐金有廉靜之吏與民相安而於釐金時形廢弛

者有明幹之吏辦公無誤而於釐金未暇兼顧者未便執辦釐之能否為殿最斯釐金仍無責成則考察功過之難也道府所轄地方遠者或千餘里其本任有表率之責職位又較尊崇因辦釐而曠誤職守既恐真難官常因辦釐而倚仗商民更覺有乖治體且道途往返州縣之供億徒繁草率稽查局務之秉承終隔則道府分辦之難也夫錢糧定有科則猶相率勒折浮收豁免刊貼贍黃猶時或私徵入己而謂地方官經理釐金即可弊絕風清此勢之所必不能者也臣固不敢信委員委紳之皆賢亦不敢疑地方官之皆不肖獨以為天下無無弊之法惟貴有守法之人得其人則歸委員可也歸地方官亦可也不得其人則委員有弊地方官亦有弊而地方官之弊更甚於委員語云兩害相形則取其輕兩利相形則取其重此湖南釐金礙難歸地方官經理之實在情形也臣查湖南前防剿竄賊分撥四鄰支用之浩繁籌餉之竭蹶久在聖明洞鑒之中臣受事以來李秀成猖伺於江西姜映芳張高友等鴟張於黔粵而石達開大股又復狼奔豕突竄擾邊陲轉餉徵兵幾有岌岌不支之勢獨幸釐金按月收解得以均勻散放藉免饑潰而策成功兼之各營兵勇行資以及軍火器械應接不暇實為東南諸路一總糧臺亦全賴釐金支此危局混兩粵黔鄂江皖數省皆與湖南唇齒相依當此軍務喫緊之時曷敢不竭力維持為先事預防之計湖南民氣剛強籌兵轉易籌餉則真分艱難近因鄰氛四逼商賈裹足釐金已日形減色若再更改舊章設有窒礙則諸務皆將束手合無仰懇 天恩俯念湖南釐金辦有成效準仍照舊經理毋庸另議更張實於大局有濟抑臣更有陳者軍興十餘年東南財賦之區概遭蹂躪開源節流兩窮於術既不能撤兵以縱賊即不得不籌餉以養兵籌餉之法以抽捐釐金為最善抽捐之法用地方官不如用委員用委員不如用紳士蓋情形洞悉則慮

置自能合宜耳目較親則利病易於上達他省之光景臣不得知第就湖南而論自咸豐五六兩年先後設立釐金鹽茶局助餉積成巨款而農安於野士安於家商賈亦相與安於市百物價值初未騰貴民間無所謂病也今議者動稱抽釐爲弊政果使別有生財之道夫孰肯屑聚斂之名但爲局外之空談未究局中之情事則聖門恥於言利凡人皆若可疑欲舉一以概其餘將因噎而竟廢食臣竊觀天下大勢不應弱而惟患貧抽捐釐金實現時必不可已之舉祇須責成各督撫慎於用人務期國計民生兩無妨礙用人既當立法自平匪特補救時艱亦免留貽後患否則防弊以法弊卽緣法而起法愈繁弊愈巧轉得恃法以事其端繼非徒無益而又害之矣歷觀古今得失之源得人者興恃法者敝凡事皆然而釐金特其一端此又臣度勢審時管見所及伏冀聖慈之垂察者也臣於各屬辦釐官紳認真訪察尙無不肖之徒濫竽充任備查有營私情弊卽當據實參辦斷不肯稍事姑容至各屬捐輸亦係官紳並委與辦理釐金大略相同並請概照舊章免歸地方官經理經世文續編

諭毛鴻賓奏請將釐捐積弊委管各員審辦等語湖南靖州所屬之洪江地方設有釐局係由地方官經理據毛鴻賓奏派員密查該局員於官設釐局之外復設上下二卡並未報明省局所收商釐並不填給照票且收數暢旺報解寥寥顯有侵蝕情弊前任巡撫翟誥在辰沅永靖道任內委員辦理卽多不實不盡據署道陸傳應兆琛積習相沿弊端叢出難保無扶同徇隱情事請分別革職撤任查辦所有釐局委員委用知縣林慶光候補府經歷翟詵候補從九品董立誠均著先行革職翟詵業經休致其前署辰沅永靖道之員在代理貴州按察使陸傳應見升湖南按察使兆琛均著暫行撤任與翟誥一併交憚世臨提集應訊人證卷宗嚴審確情

據實參辦東廠疏

通政司參議王孫奏稿卷之二
據實參辦東廠疏
勢大爲可乘獨以曾國藩所部十萬之衆當賊渡江且與捻苗羣醜勾連數十萬寇軍務正當蕩蕩江楚精
臺日久供支殊形竭蹶勢不能不借籌於粵省膏腴之地完善之區當勞崇光初任粵東省城方爲夷人所
據紳民官吏逃徙一空該督入穴取子孤詣苦心深惜地方凋瘵情形故於曾國藩欲籌大餉於粵中殊不
謂然卽駱秉章老成謀慮亦以粵之海口利源既減難籌又疲斯時民力未可重加措克爲言然當京餉及
粵省協餉環而相向未嘗不思竭力辦理顧求效甚亟而相時未紓不得不思通變之術故聞勞崇光舉辦
釐金率皆責令紳商包充頭人預爲墊繳釐稅若干利之所在盡卽緣之在該督之意以爲欲得巨款於目
下卽何能免奸弊於意中或者生息休養數年之間民生既遂國計亦紓自可優游以求萬善不知然屬
之惑原不可待剝肉之計又何可常故勞崇光所辦備該督設久於其位必當思所改圖也論者咸謂粵
東富強就使貧落猶宜過於湖南十倍湖南徵兵轉餉數年來支持東南數省所恃獨有釐金視廣東所得
歲加一倍有奇卽上海華夷併集貿易爲盛要之一縣地耳彼其所得視廣東至數倍夫以廣東利源之廣
其最大者曰鹽曰茶曰沙坦曰海船獨有山海百物之聚而不能得推行盡利之方也臣固有以知其事
有未周地力有未盡也自古用兵日久困乏未有不資於權算之一途者近年各省惟兩湖辦之特著成效
如前撫臣胡林翼等大率取唐劉晏雜用土流之法而變通之良以經理要期其有法權衡首在於得人十
室之邑必有忠信人才善惡邪正每相引而愈出獨計兩湖興辦皆在所屬軍務日臻平靖之日蓋欲興利

必先除害此又凡爲事理所宜然也日國粵省營務自勞崇光去任後名爲一切悉易新章實則舉仍其舊並有所辦反不如故而徵收之數亦爲減少者當茲京餉籌餉督責頗仍遲解未嘗大旺而本省軍儲已將罄乏西鄰擾攘更不能無顧焉楚軍欠餉累累莫能一鼓其氣卽該省向來自籌助之鹽釐亦以該商請辦實費百計求允督臣譚滅粵東地有食泉人多屢偷開有各行設金每年可得巨萬者藉以多金賄通求勇後來之人遂莫能發其覆大抵粵釐如果得人辦理有法無難歲逾百萬比勞崇光所入倍捷而且安然無事反是則賤削所獲猶未足以裕餉於軍國操切所至已大足以積怨於民勇被官汚吏墨既不能服其心督凌才庸又不能善其術與薪弗見而察及秋毫無有無怪其然者近日乃有營務委員或爲眾所毆傷或爲民圍擄毀局罷市諸駭聽聞雖民情之頑犢而官方惡劣亦可想而知矣粵俗强悍近年犯上作亂更若故常此等情形卽其地方現尙安靜已不堪設想者又況高潯兩省官軍與賊接仗比又各有挫衄損失高賊則波及於陽春等屬潯賊則分屯於鬱林境地廣海寨又爲客民所據雄介嶺南之關跨連廣肇兩屬賊勢險與兩粵之人皆爲股爰夫以積年久亂之地方有負隅圖視之賊適當一切利孔千方搜剔之時巨額竊悉利未十而害已百萬一兩粵之亂卽復有糜爛如咸豐三四年間者更不知何所措其手足豈情釐金之不能辦已耶臣聞保邦制治惟在用人非粵釐之不可辦也以茲時勢欲釐務之大興必更務之先振欲得營務軍務辦理之法要不外乎得人而已兩淮運使郭嵩燾學具本原通達治體釐官廉幹有欲有爲本與會國藩等同舉義師勤勞備至而於湘中所辦釐務章程知之最悉大半皆出其所商定准綱雖亦要務而以粵釐相提並論輕重緩急所係攸殊臣思粵釐必欲辦理有法非得如郭嵩燾者前

往恐不足以收成效而根禍端備 聖朝量加權度以爲一夫之計而爲之憂者也

集

諭議政王軍機大臣等有人奏粵省釐務關係緊要自崇光去任後所辦釐務名爲尋易新章實則舉仍其舊而徵收之數較前減少甚至釐局委員或爲眾所毆傷或爲民間枷號與局罷市賭駭聽聞等語院浙各督需餉甚鉅原賴粵東釐金源源接濟前因會國藩奏軍餉支絀諭令黃贊鴻等將所收釐稅儘數解赴院辦不准截留若如所奏是該省釐務未得其人不獨釐稅毫無起色而委員被削抑且斂徭於民亟應力求整頓以裕餉源而收實效毛鴻賓辦理湖南釐務章程妥協本日已擢升兩廣總督著卽馳赴新任會同黃贊鴻將粵東洋務釐務諸事宜逐加整頓煥然一新方爲不負委任於局積弊已深尤須設法搜剔慎選賢能之員妥爲經理或查照湖南舊章酌量變通期於餉不虧而民不擾惟在該督因地制宜設法妥辦該督身在兼圻責無旁貸若日久無功必惟該督是問 聖訓

又諭議政王軍機大臣等黃贊鴻奏辦理釐金而宜酌量變通粵省釐金止有廣肇惠韶四府一律辦理而兩廉瓊三府卽有毆官罷市之舉近來南海等縣紳行人等又復聚眾歇工藉端懇免抽釐助餉係一時權宜萬不得已之舉固不可任意苛斂致怨讎之繁輿然刁商聚眾阻撓藉端要挾此風斷不可長軍興以來辦理釐金惟兩湖辦有成效毛鴻賓曾任湖南巡撫有年郭嵩燾隸湖南在籍日久於此中利弊知之甚悉卽著於抵任後體察情形妥爲籌辦務令商賈不苦擾累軍餉可以源源接濟方爲妥善

九年詔各省嚴禁關卡吏役需索 互見關稅禁令

十年諭軍機大臣等御史黃槐森奏廣東釐局煩擾請旨飭查裁減一摺抽釐助餉原屬朝廷不得已之舉全在地方官吏認真辦理方不至弊竇叢生困累商民若如該御史所奏廣東惠州各廠均於起照之處抽釐一次驗照之處又抽釐一次民已不勝其苦而書吏復藉查驗為名百計勒索且於兩次抽釐外更增釐費名目名為衛民實以剝民東江如此則西北兩江釐廠煩擾恐亦在所不免著瑞麟認真查覈務將應裁釐廠應禁釐費酌量情形妥為辦理其存留各廠尤須慎選委員酌裁吏役以省浮費而杜弊端

聖訓

十一年諭軍機大臣等劉坤一奏各省採辦工程物料免完釐稅流弊日滋請旨停止給照一摺據近年來各省興辦善後工程及造船修隄需用木植物料等項甚多出外購辦之員因有免完釐捐印照其跟丁船戶紛紛夾帶私貨乘機開關不候稽查或借詞津貼運費抗不完納釐稅並有不肯委員轉為庇護卡員亦或賄徇情面勉強放行流弊日滋請飭停止發給印照等語各省抽收釐捐本為接濟軍需若如該撫所奏是劣員藉運官物即可乘便營私彼省所節物價無多此省所失釐捐甚鉅似此情形恐不獨江西一省為然各省亦在所難免著各省督撫嚴查此等情弊即行禁止嗣後除地方荒歉委員採買米穀賑濟仍准免釐稅外其餘無論何營採辦一切物料概不得發給免完釐稅印照該委員等經過各處關卡均著照章完納稅釐不准請免各卡委員亦不得徇私放行以杜流弊而裕餉源

聖訓

十三年諭禁行省私設釐卡事續錄

光緒二十三年戶部奏本年十一月二十五日欽奉 上諭前曾詳諭各省將軍督撫嚴杜釐金中飽旋據陸續撥奏並未將釐金中飽之數和盤托出等因欽此臣等竊查各省釐金中飽弊在承辦之員不肯和盤托

出各省例不應支而事非得已者概於釐稅收款提留備用所謂外銷者也各省院司類有案存願非自謀肥已然既有外銷之事卽有匿報之款否則從何懸揣無惑乎人習藉藉愈請各省釐稅實收之數竟數倍於報部之數矣現在中飽之弊已奉 上諭飭令各該將軍督撫激發天良認真整頓各該將軍督撫自不致仍前泄沓惟是外銷之數若不和盤托出釐稅實收之數亦終不能和盤托出且部總握度支各省歲出歲入不合釐項露尾致終於無可勾稽卽外銷款目不能驟議全裁亦宜咨報臣部權衡緩急庶幾內外一氣共濟時艱譬之各省局卡亦擬院司報部辦法該將軍督撫其許之否此理之淺近者也擬請 飭下各省將軍督撫一面將該省外銷各款數目向來取給於釐稅者據實奏明分別裁減一面將各該省所收百貨釐鹽釐茶釐土藥釐及常稅雜稅等項銀錢數目據實報部毋事欺飾即統限奉 旨後三個月奏咨不得違逾自光緒二十四年正月起按季具報其從前造報不實或外銷淨虛擬乞 聖恩寬其既往並准將外銷最要之款切實聲明臣部量予留支使無窘公用惟各省通年進出款項不得再有隱匿傳臣部無隔閡之虞各省免掩著之煩倘經此次通飭之後各省仍有隱匿其或巧立名目謬稱入不敷出則典守之官不能辭咎臣部亦難曲為之諒也 謹 奏

二十五年內閣奉 上諭前因各省關稅釐金積弊太深亟宜力籌整頓特諭大學士軍機大臣大部九卿會議具奏並據軍機大臣等逐條詳覆請旨施行綜核諸臣兩次會議所奏尙屬切實可行各省經徵關稅釐金之員稽習相沿工於弊獎著各就地方情形切實考核實成司道監督及局員等將見在收數無論爲私爲公凡取諸商民者一併澈底清查卽由該管將軍督撫詳細鉤稽悉心綜核究竟裁去陋規中飽之數若干酌量

提歸公用之數若干勒限三個月擬定章程專案奏報其外銷款項應准臚列報部以昭核實所有水陸總分各局一應如何因地制宜官紳並委著該將軍督撫體察情形酌量辦理 邸鈔 互見關稅禁令門

光祿寺卿袁昶奏竊本年四月二十八日內閣奉 上諭近日朝廷整頓庶務於籌餉一事尤在所當急各省關稅釐金課取之於民者歲有常經但使各督撫認真整頓裁汰陋規剔除中飽事事涓滴歸公何患餉源不濟無如封疆大吏瞻徇情面不能立法因循積習以致委員司道人等窟穴其間種種侵欺難以枚舉若不認真革除日復一日何所底止著大學士軍機大臣六部九卿詳加查核各據所見用備採擇等因欽此欽遵會議 臣伏思常關稅務弊已久且半為新關稅所奪鹽課釐廢經加價不能減價敵私以致私販充斥鹽綱滯銷其弊細如牛毛且各省情形互異其利弊非一端所能盡謹就釐金一事略抒管見為 皇太后 皇上敬陳之伏查釐金本非 國家歲久之款軍興時不得已而用之咸豐三四年署漕督雷以誠防堵淮揚創為此法以贖軍後疆臣胡林翼曾國藩遂推廣其法於湘鄂贛皖等省酌劑戶部稅則取之甚輕立法較密稽查不啻牛毛繭絲設卡多在縮殺水口當時養勇平賊之根基全恃此以為餉源鈎稽牙帖行僧入手平準百貨之輕重物產之貴賤而抽收其盈息嚴於巨商略於小販故多取而民不擾名曰牙釐其初奏明賊平即止蓋曾胡諸臣深知治國之體以培養民氣為本仰維 朝 列聖相承深仁厚澤無論有大軍徭役從不肯加賦病民故康熙以來三藩軍務平後 國用不足河工復興不得已而開捐例以為取資於編氓不若取資於富戶咸豐後停河工軍事軍務不得已而徵牙釐以為取財於疲農易致怨讎繁興不若取財於買賣藉可裨補 其意一也第法行之太久則百貨昂貴物重價輕商力疲困民生凋敝

以致海內驟然盡藏虛耗蓋釐之法明病商暗病民南宋陳遵括諸路經總制之錢以養兵卽是此術非國家藏蓄於民之道大易損上益下之義故曾國藩胡林翼奏請事平卽蠲除此稅政乃老成謀國之忠言也伏查我朝國初賦稅部庫所入歲不足三千萬其時物力尙儉無論已卽乾隆極盛時地丁餉關稅鹽課取民有常經國用有定額部庫歲入祇三千六百餘萬出亦三千六百萬此據乾隆十年部臣請定會計疏大約一歲之款軍餉二千四百萬爲大宗此外內務府經費宗祿官俸武職養廉河工經費歲有定數其時湛恩汪濊特旨普免天下錢漕至五次遇有災荒隨時蠲賑史不絕書而乾隆四十六年部庫存銀乃至七千餘萬謹據御製重華宮賜宴詩及四十六年大學士阿桂疏則以列祖列宗恭儉撙節休養生息之所貽故得封樞大庫銀幣充牣太倉天庾粟紅山積至此也伏查光緒七年戶部會計冊是年常例徵收各省地丁耗羨漕折各項雜賦常關稅鹽課地租生息凡此九款計收銀四千二百四十八萬六千二十八兩有奇皆列朝部庫歲入常例所有經制之款其七年分所收釐金一千八百五十八萬四百四十四兩有奇有補收上年尾數在內非截然一年實收之數又洋稅一千四百九十九萬二百七十六兩又光緒十三年以後新增洋藥併徵稅釐一款歲六百餘萬則皆列朝部庫所昔無而今有之款非常例經制應入之款也故知今日民力之竭杼抽之空度支歲出數增於前物價騰貴迥非其舊購買外洋艦械各省防營養勇皆取財積鏹用財等泥沙生計蕭然四民重困北五省併計歲收釐金尙少不抵江蘇浙滬一局其最重最困莫如江浙鄂粵閩賴爲甚故東南各省物力積疲較同治及光緒初年盈虛消息迥不相同此謀國者不可不知也洪維我皇太后皇上恩周燕屋澤浹寰區發帑賑荒憫農鑑賦歲

不絕書與黎元休息爲足國之根本 隆恩光被薄海欽仰蒸輝煌 諭旨總期朝廷不加取於民而
國用藉茲挹注以維大局而濟時艱等因欽此 聖明愷念民依不得已而通籌國計之苦衷昭然揭日月
而行凡在臣工民庶宜如何仰副 聖訓矢綜核以紓籌效輸將以救愼惟是立法貴乎因時濟時貴乎通
變近來議者迫於各國加釐去釐之議謂洋貨滯銷由於內地釐金阻力甚大圖暢銷洋貨非去釐金阻力
不可夫釐金固非仁政然腹地稽徵自我爲政可以隨時取益用濟各省籌餉之窮若議加洋稅縱改值百
抽五爲值百抽十商請強鄰助我彼必索償他益事多牽掣流弊太多且新關洋稅司利權積重西員薪水
經費前已加至通年准支三百萬苟多抽十之稅又將藉口議加恐成尾大不掉之勢故釐雖病民之政孰
若利權外持之爲害尤甚兩害取輕不得惟有籌整頓釐金之一法謹條其便宜如左

一請飭慎用賢員以祛積弊也咸同之間大軍與賊相拒水陸勇營所在蜂屯軍市之饒湘鄂上下游皆
然故其時常關盡廢釐收最旺及事平勇撤新關旺收常關漸復洋貨暢銷土貨國滯彼盈此絀銀錢漏
卮於外洋物力日形其凋敝故釐收年減一年此消息盈虛一大關鍵也惟自古理財之術常以用人爲
本胡林翼任嚴樹森閻敬銘治鄂釐而軍用饒曾國藩任黃冕主東征局胡大任主江西釐而土馬騰
飽左宗棠任周開錫治閩釐而庫藏充裕光緒五六年粵督張樹聲奏調編修李用清與粵釐成效頗著
光緒十一年粵督張之洞調用賢員治釐收數最旺海防經費賴此挹注光緒二十二年署江督張之
洞奏請以候補道程儀洛督辦江皖釐金惜事格不行前賢謂任法不如任人之效十倍於立法洵
至言也現各省釐務均責成藩司總核藩司苟廉明公正下知畏法黜陟明而情意通分潔已奉公之員

則商怨紆而國課仍裕又參用公正紳士設商務局察知物產之衰旺各業之盈絀有能辦包一方之
釐者照牧令一體委任蓋胡林翼最善治釐其法以通商情爲第一要義書曰用官不如用紳唐劉晏用
士人佐權之良法不先胡林翼而言之乎

一曰總核比較以理權課也關稅有定額而釐金無定額然現在各省辦法有逐月比較有通年比較儼
然與額徵之數無異觀後所開行省歷年比較數有前後大相懸殊書部臣亦可奏請飭疆吏確查以
杜欺飾至遇有水旱偏災收數短絀則如米穀食物抽釐之類盡蠲之以廣皇仁須奏明辦理釐金有
淡月旺月之不同如今年冬臘旺收或開春雨水減色來年春夏減色而秋成豐收較旺是在各藩司責
成總分局員通一年比較以盈絀之分數記功保獎留差記過撤委參劾以明賞罰而資鼓勵

一曰各省物產衰旺不同當隨地制宜也如皖南茶釐嘉湖絲釐昔旺而今衰以印度大吉嶺茶葉日盛
外洋亦講求種桑育蠶而湖蕪往往椒米瘠之病故也湯院江甯木釐日減以回空鹽船在漢關競買半
稅單裝載木植之故也江西景德鎮磁器亦今不如昔惟漢口俄商買磚茶行銷北路則今盛於昔因洋
貨鴉片烟浸銷內地銀根漏出外洋歲數千萬以致華民風俗日奢習氣日惰生計日微而粵潮漳廈出
洋商民分佈傭工於新舊金山小呂宋秘魯巴西南洋星加坡各處操其奇盈多攜資回內地轉相灌輸
歲餘千萬賴此有以稍挽漏卮所以粵閩釐收尙可整頓暢旺是故也他若出洋華傭以糖治吐瀉故
臺閩糖利廣銷洋人暑帽多取輕適故山東草帽暢售此類皆宜參究新關貿易册務須與工商植物產
使製法精良土貨暢旺可以敵洋貨之奇盈商務局官紳爲之保護維持考察物產盈絀之故而隨時制

爲輕徵重徵之宜則釐務當有起色

一曰外銷款項不妨臆款報部仍請 飭部臣勿掣疆臣之肘也查各省困於京協各餉及奉省軍需洋債丁漕所入不給解撥至全恃釐金挹注撫藩大吏受 恩深重地方時有水旱災歉紅白卹賞緝捕保甲清糧丈田軍需善後洋務交涉營局各差以至巡船杜漏塘壩隄工善堂書院在在需費故外銷名目所不能免非不必使漏入已也第外銷既係爲地方之用不妨作正開銷似宜 明諭飭其臆列款項和盤托出開單請銷仍准其立外銷名目部臣當如雍正中耗羨歸公一案仍存留藩庫備水旱軍需動用但報知部臣部臣勿掣其肘不列入春秋撥冊之內是則可行也又查常關積弊胥役猥多外銷正用之外弊孔視釐局尤甚亦可照此辦理蓋以釐局辦法簡易訪有員胥劣跡隨時撤懲可以除弊至鈔關稅則辦法繁曲名目太多關胥常與院胥部胥鈎結聯絡深根固蒂牢不可破故從前疆臣深知治體者若馬新貽沈葆楨常力持以爲常關不可遽復其正額盈餘應餘應解之數應取償於釐金代徵解部蓋以鈔關之積弊什倍於釐局故也

一曰酌復坐賈落地捐以抵制漏卮也查近年鈔關常稅及釐金二者均短收日甚一日皆以華洋商半稅單盛行勾通影射之故關局苛徵爲叢毆雀奸商多倚洋旗洋票爲遮蔽長釐局林立之繁苛就洋票一徵無人再問之簡易故新關洋稅日增而常關釐局兩受其病查曾國藩左宗棠講求治釐養勇之法今長江水師年餉九十餘萬均指定沿江釐卡八處養之尙仍前法有於各鄉鎮內地河湖港汊市集處所分設釐卡辦坐賈落地捐之法此本爲民之政然現在奸商齎洋票入不通商之內地採買土貨牙行

市儉往往藉口指爲洋商買定之貨抗不完釐洋人又出頭扛幫唆領事動索賠償大爲釐金之害近年
又准內河非通商口岸之處駛行華小輪釐金大爲減收無已祇有酌復前法各鎮市擇其繁富之區每
縣或一二處或三四處其瘠苦之縣蠲免由省城牙釐局札委或公正紳士或殷實巨商每月包繳坐買
落地捐坐買者就各鎮市百貨大宗各業巨商每月盈餘幾何視其薄二十抽一其零星小販免徵落地
捐者今粵東局卡尙行之貨到地頭卽加捐抽凡稅有稅則釐有釐章釐量百貨之貴賤以定抽收多
寡應照會左諸帥報部核准之章爲定或分各省各立一簡明之章懸貼通衢使人人易於通曉毋使奸
胥蠹役上下其手又各省官輪兵船漏釐不少從前北洋大臣李鴻章用西例兵輪不得藉留不准查驗
反駁南洋大臣查驗有無夾帶爲非遂致一律偷漏應請飭下各省禁止無論兵輪官輪不准夾帶貨
物且平時須逢關納稅遇卡抽釐違者治罪如此不但釐金可旺抑且關稅多收現在各省行釐收數日
減辦法似宜變通應減輕行商完釐以示寬予招徠討論坐買章程以杜洋票之害至辦理坐買落地捐
各員紳有無成效應歸藩司以時獎勵申明賞罰則釐金收數必增庶可杜洋票之卮漏
一曰定劣兵司事巡丁之罰使嚴明約束也恭讀上年九月二十二日奉 皇太后懿旨徵收釐金首在
剔除中飽以期涓滴歸公其有不肖官吏種種營私務卽破除情面嚴行參劾毋稍姑容等因欽此伏查
各省藩司雖領較允往往以候選道府充省城牙釐局會辦提調外郡釐卡則分委通同州縣佐貳司之
默察釐金中飽之故由於候補人員太多鑽謀營差委札一下儼同得缺司事薦條盈寸官親家丁巡役
包庇倚爲利藪蠅附蠅營類皆助股商脂商局員雖賢者亦多受此累其劣者更上下朋分以致商農

兩困積怨已深勾結徒瀆百弊交作比及撤委而釐誤已大虧矣前大學士閻敬銘嘗說臣以前山西知縣馬丕瑤司運城釐日家用巡丁不擾商而聽商自納隨徵隨解月計歲計常有盈餘使天下吏員盡知如此則理財之消得矣近年鄂省間以實任牧令籌辦小縣釐卡以歸簡易如再參用本地正紳則事省而費廉稅收必大有起色各省宜定以專章申明約束使局員司巡層層鈐制倘有朋比乾沒入已照州縣虧空例追繳仍視情罪重輕予以參劾或永停差委故治釐之政在寬商去苛以鼓勵其樂輸之情尤在省官益精而參劾議罰繩其後以上六條管見所及是否有當伏候 聖明採擇至各省辦理或過於繁苛斂怨已為竭澤而漁或失之寬弛市恩徒飽員胥之空情形互有不同謹將歷年收數比較開摺恭呈 御覽大約以江浙粵鄂收數最饒為上等江右湘閩為上次甘肅皖廣西為中等惟粵省光緒七年收數獨旺至一百八十餘萬而前後報部皆大減顯有不符陝西雲南奉天為中次等餘皆下等綜計戶部冊年收一千四五百萬左右直省釐收盈虛消息故大略可賭矣 參軍蠻語

二十六年江西巡撫德壽奏江西抽收釐金自光緒二十年以後比較加多已屬實力整頓杜絕中飽但利之所在終恐剔除未盡現今通飭各屬局卡將現在收數無論為私為公和盤託出不得隱匿既往之咎免其追究再有欺朦嚴行參處茲據各卡局稟覆或潔己奉公力圖報効或收數本少實無所餘現擬以各卡每年於比較之外責令各按各卡酌解盈餘數計每年可解盈餘錢九萬串約合銀六萬兩並將嗣後經收釐金仍照定章嚴行比較倘有短收即予撤換不許短解分毫亦不得巧立名目需索商民有一於此定即參辦庶於將剩積弊之中仍寓體卹商民之意至江西初設各釐卡原係官紳經理嗣因日久弊生改歸官

皇朝政典彙編卷一百終

辦相安已久應請仍循其舊邀免更章邸鈔

皇朝政典彙編卷一百終

皇朝政典類纂卷一百一

征權十九

洋關稅則洋稅原始

道光二十二年諭軍機大臣等伊里布等馳奏遵旨會議一摺據奏通商輪稅則例案據俱在廣東必須到粵後體察情形方能酌辦其商欠不求代還一層已與議定載入條例各等語著伊里布於到粵後察看情形將稅課事宜妥行定議務當慎之又慎不准稍留罅隙東華續錄

二十三年諭軍機大臣等著英奏酌定通商輪稅章程一摺據奏五月二十六日帶同黃恩彤咸齡輕裝減從卽坐火輪船前往香港接見樸鼎查已將通商章程及輪稅事例核定大局於六月初一日回省其粵海關進出貨物見已議定棉花茶葉稅則約計關課有贏無絀卽照伊里布前定期限於七月初一日先在廣州開市著卽照所議辦理惟香港四面環海舟楫處處可通見已有內地民人零星買賣必須明定章程以杜走私漏稅並一切未定事宜著著英會同祁垣程喬采文豐通盤籌畫永杜弊端俾各省皆可照辦其米利堅佛蘭西等國請照新定章程辦理俟定議後另行辦理東華續錄 互見海船通商及外交訂約門

又諭軍機大臣等孫善寶奏辦理上海開市情形一摺內地販運湖絲前赴上海應查明赴粵路程少過一關卽補納一關稅數該領事求免補納業經該道等告以定章不能更改該領事無辭而退著著英孫善寶諄飭該道等謹守見定章程妥爲辦理毋任妄意干求致有增減至開市伊始商販之多寡本不能官爲招徠止可聽民自便其走私漏稅諸弊尤須實力稽查著卽責成官幕久咸齡和衷商權認真經理毋稍疏懈致滋流

弊東華續錄 互見海船通商

二十四年諭軍機大臣等劉韻珂等奏籌辦廈門通商事宜一摺所議夷船按照銷數輸稅已據耆英咨覆將已經報驗起卸之貨按則徵輸未驗未卸者免其納稅並查照江省章程開單呈覽即飭該道等秉公覈實辦理至稅課向歸福州將軍經徵而走私漏稅之犯應由地方官嚴拏懲辦嗣後廈門一帶地方責成該管道府督飭所屬會同委徵稅課之員認真巡查如委員及丁役人等需索賈放隨時稟請參究未經入口之先外洋走漏即令巡洋舟師一體查拏解究 聖訓 互見海船通商

咸豐八年命大學士桂良吏部尚書花沙納工部右侍郎基溥武備院卿明善馳往江蘇會議通商稅則事宜 欽奉續錄 互見海船通商

又諭軍機大臣等前因明善等奏全免稅課一節當諭令桂良花沙納何桂清等仍遵原議辦理昨據桂良等會同何桂清奏會商大概情形復詳細批示諒該大臣等接奉後必能遵照辦理不至固執已見本日何桂清奏稱利柄必應收回稅則不可輕免等語在該督身任地方為國家惜此帑金然所籌究為目前起見並非一勞永逸之計前寄諭旨及硃批已極詳盡無可再諭何桂清受朕厚恩斷不至別有他意特恐屬員慮及免稅無可沾潤因而設詞淆惑亦事所有該督當力持定見勿恤人言至於地方情形或有窒礙曾諭令稍為變通亦須將窒礙之處詳細陳明不可自出己見致妨大局 東華續錄

又諭軍機大臣等前因桂良等奏會商夷務大概辦法並何桂清奏免稅開禁均於夷會無涉等語已於各摺片內嚴切批示並諭知何桂清當力持定見即或稍為變通亦須將窒礙之處詳細陳明不可自出己見桂

夏等接奉批諭自當恪遵勅定辦法乃本日據惠親王等呈遞桂良等所致信函竟云免稅無裨大局弛禁之說亦屬無裨其駐京一節已有端倪入江一節必難挽回惟有不准將內地貨物即在內地販運無利可圖其念可息等語朕披覽之下深為詫異何桂清以關稅接濟軍餉為慮雖屬可原然業經接奉寄諭殊批諄諄告誡已不應再有異議況桂良等奉命而出宜如何恪遵諭旨力籌辦法乃尚未會晤意已游移是何意見且免稅即有窒礙亦應條分縷晰詳細陳明請旨何得遽改辦法况即准其入江安能禁其將內地貨物在內地販運桂良等前在天津濫允該夷要求至有今日補救之事若再苟且了事不為一勞永逸之計日後夷患疊起即將桂良等從重治罪於國事何補至免稅一節據云夷商所樂而夷商並不知感既有益於夷商豈有夷商不樂之理此次在天津請戶部堂官前往上海議定稅則豈非夷商之意况此時欲收華商之稅原以補償所免夷稅若如桂良等所議辦法又必規此小利而冒不韙之名後患仍屬無窮彼時悔之無及著桂良等再行悉心妥籌如欲另擬辦法能否一勞永逸苟非確有把握朕亦斷難俯允仍當恪遵原議並細釋疊次批示止可稍為變通不可更改大局並不准在天津擅自應許僅以從重治罪四字為塞責地步懷之東華續錄

桂良等奏稅則議定東華續錄 詳見海防通商

九年諭軍機大臣等奕山奏遵查黑龍江通商事宜仍請免徵稅課一摺據稱前議條規原係專指黑龍江一處因地屬邊疆與伊犁塔爾巴哈台事同一律非海口輻輳之區可比請仍准互相換貨免徵稅課等語此款既經該將軍與木哩斐岳幅反復辯論應允在先勢難更改止可俯從所請互相換貨免其徵稅東華續錄

互見海防通商

又諭軍機大臣等何桂清奏米會請照新章完納船鈔即在潮州臺灣先行開市一摺米會華若翰回至上
海將在京照會節詞狡賴並約該督前往上海會商先照新章完納船鈔並在潮州臺灣二口先行互市等語
各口通商須俟英佛條約議定後再開新章桂良等照會該督聲明晰今華若翰欲在潮州臺灣先行互市
何桂清見已備文照覆俟其覆到如必欲與該督一見自可往崑山一帶與該督會晤所請完納船鈔一節似
尚可允至潮州臺灣本在五口之外必須俟英佛兩國定局後方能辦理斷不准其先行互市東華續錄

又諭軍機大臣等何桂清奏米國使臣請將條約宣示各口先在潮州臺灣開市一摺何桂清在崑山與米
利堅使臣華若翰會晤該使臣堅以宣示條約等三事為請此外各條及上海善後章程則均照前議緩辦
總該大臣與該使臣要約明白該使臣惟求恩膏速沛俾永久相安情詞尙屬恭順加恩著照所請所有潮州
臺灣兩口准米國先行開市並照新章完納船隻噸鈔其餘新章稅則等項暫緩舉行該大臣即行文各海口
一體遵照辦理其潮州臺灣兩口內應行設關徵收商稅之處並著會同該督撫妥議章程具奏東華續錄
互見海船通商及外交訂約門

又諭何桂清奏英佛二國懇援米國章程完納船鈔請旨遵行一摺中國接待外國素守信義本年天津之
事並非中國開釁今英國公使普魯斯佛國公使布爾布隆以米國商船海關見照新章止徵船鈔銀每噸四
錢照會何桂清懇請將該二國船鈔仿照徵收道光年間曾有將來如有新恩亦准各國均霽之語自應俯順
商情一律辦理著何桂清咨飭五口通商處所凡英佛二國徵收船鈔銀均照米國新章准其每噸徵銀四錢
以示朕加恩各國一秉大公之至意東華續錄

十年諭恭親王奕訢等奏英國欲於長江通商業經給予照覆允准一摺長江通商一節八年原定和約內載明除鎮江一埠後立口通商外其餘自漢口沿流至海各地選擇不逾三口准為夷船出進貨物通商之區今該國以撫局已成欲先赴漢口九江兩處開商應納稅餉或在上海鎮江各關按照新章交納等語業經恭親王等允其咨照湖北江西督撫矣惟漢口九江兩處係屬通商始所有一切章程必須按照條約與之妥為商定以期永遠相安其進口出口應納稅餉恭親王已令其與上海關公同商酌亦須明定章程免致稅課虧短濫官文胡林翼薛煥毓科巴棟阿李若珠等悉心妥辦總期杜漸防微而又不至有傷和好此為至要東華續錄 互見海船通商

又諭軍機大臣等恭親王奕訢等各口洋稅見有扣款議定按稅扣歸二成立有會單又有夷人幫同司理稅務每月徵收若干自宜徹底澈清不至侵蝕中飽第將來扣款既清之後應如何妥議章程俾無日久弊生著恭親王奕訢等再行悉心妥議以免弊混其餘未盡事宜並著隨時詳議具奏 東華續錄

又諭軍機大臣等薛煥奏請飭奕訢等發給英人李泰國札諭令其幫辦各口通商事務等語新定通商稅則既有外國人幫辦稅務一條該英人李泰國係總司稅務所有新設通商各口自可令其一體經理著奕訢等即行發給執照交李泰國收執責令幫同各口管理並商官員籌辦並著恭親王等咨行通商各省將軍督撫府尹等一體查照其置買巡船等件及辛工經費亦著一併咨飭各口與李泰國會議妥辦毋任冒濫東華續錄

十一年諭軍機大臣等據色克通額奏接木哩斐岳幅與軍機大臣咨文代為呈遞一摺文內大意以俄國上

年在京所定條約第四款有交界各處准許兩國所屬之人隨便交易並不納稅黑龍江將軍副都統並不遵照辦理各等情該處何以不照條約辦理必須查明以免藉口著恭親王奕訢等即行文特普欽等令其按照條約第四款出示曉諭該處商民互相貿易即由該大臣等酌量咨覆東華續錄

又諭軍機大臣等據王有齡奏甯波設立新關徵收外國稅鈔一摺據稱甯波稅鈔向由上海代為收納給發免單但無關考成易滋流弊見在已設有新關令外國人幫司稅務應請嗣後凡外國貿易進口稅鈔各歸各口各自徵收所有免單認單概行停止等語江蘇上海關代徵各口稅鈔原因有外國人幫同照料從權辦理見甯波既設新關且有外國人日意格為副稅務司自應以各收各口稅鈔為正辦已諭知薛煥照王有齡所議辦理矣本日官文奏英俄各國商船陸續到漢口英國有領事官金執爾同往俄國船到並未報知來去自由亦無領事官借來語言不遵任意裝載往來莫從理喻等語漢口江路賊氛逼近外國船隻駛赴通商本多窒礙若如俄國之任意往來殊滋流弊且載運貨物亦須遵守條約著奕訢等即照會俄國嗣後該國商船到漢口務須有領事官借往去來必須報明不得任意裝載往來其各國出口貨稅交納稽查各章程並著奕訢等迅速酌議咨覆官文查照辦理東華續錄

又諭王有齡奏甯波設立新關徵收外國稅鈔一摺江蘇上海關代徵甯波關稅鈔原因浙海關徵收各國稅鈔向歸甯波關與內地商稅分別稽徵書吏人等無從得其要領從權辦理由江海關代為徵收見在甯波既仿照上海設立新關且有外國人日意格司理稅務自應照王有齡所奏各歸各口徵收以清界限著薛煥查明嗣後外國貿易商船如由上海等處出口之貨江海等關止收本關出口稅鈔毋庸另給印單代收浙海關

進口稅鈔備稅已交納貨未銷售仍赴別口銷售所收稅銀或即行發給或給予稟據留抵本關下次之稅所有免單認單即著停止其浙海關徵收稅鈔亦即照此辦理以清界限而杜影射東華續錄

又 諭恭親王奕訢等奏各口關稅見當開辦之初總理稅務司赫德來京所議章程頗紛繁難洞悉流弊請飭戶部會商辦理等語見在辦理各口關稅事屬始奕訢等未能洞悉流弊自係實在情形惟此次各口設立新關與外國交涉一切章程未能妥協徒滋爭論且各口情形不同恐戶部不能懸定所有各口關稅章程仍舊奕訢等悉心酌擬且奏並咨令辦理各口通商大臣各就地方情形妥為籌議務各破除情面力洗積習以免外國商人有所藉口東華續錄

又通商大臣崇厚奏請委通判沈維等辦理關稅得有或係隔省或係京員恐此端一開皆以通商為捷徑所請不准行東華續錄

又 諭恭親王奕訢等奏覆陳稅務事宜並赫德呈遞清單及稟呈內所陳各事宜分別辦法各摺片所有長江一帶通商在上海總納稅餉徵收子口稅設立關卡及請領印票執照通商每年應收洋稅銀兩各口徵稅費用各款已諭令薛煥崇厚查辦其會緝私鹽及洋藥茶葉抽釐有礙關稅各款亦諭令勞崇光等查覈覆奏矣洋藥抽稅章程前經王大臣會議稅則通行但今昔情形不同未便拘泥赫德既稱收稅愈重則走私愈甚其論尙可採擇即著恭親王奕訢等斟酌情形妥議章程總期稅務日有起色將來如有窒礙之處仍可由該王大臣等隨時變通不必令原議諸臣另議反不能洞悉流弊至內地貨物出口而復進口條約稅則未經分晰牽混之語甚多既經奕訢等照會英佛兩國擬令內地貨復進口時完一正稅准扣二成若完一半正稅不

扣二成完清之後仍逢關稅應俟該二國照覆到時再行妥議籌辦此項貨稅為內地關課大宗易起影射偷漏之弊總在奕訢等悉心籌議期於有利無弊方為妥善東華續錄 互見洋藥稅

又 諭恭親王奕訢等奏商辦稅務事宜先將該總稅務司所遞清單呈分別辦法開單呈覽一摺見當開辦關稅之初必須嚴定章程方期稅課日增且以杜影射偷漏之弊今據該總稅務司赫德呈遞清單七件稟呈二件經恭親王奕訢等逐層辯論分別辦法其中不無可採之處如長江一帶通商一款據稱起貨下貨均在上海徵納稅餉其鎮江以上漢口以下准商人任便起貨下貨鎮江以上作為上海內口毋庸設虛立之關等語長江賊匪出沒無常商販走私難於查拏固宜於總處經交以免偷漏然任便起卸貨物又恐漫無限制又所稱徵收子口稅須擇緊要處所設立關卡係專指洋貨進口土貨出口而言非土貨出口復進口可比自應設卡徵收土貨出口以過卡准照為憑洋貨進口以入卡准照為斷總期該商進口出口貨物完一正稅即有一子稅庶稅課可期充裕此項子稅既為條約中應行之事且係內地稅可以不扣二成又通商各口徵稅費用每年通共銀五十七萬兩零一款單內所開各項人數及應給銀數是否均屬允協並著薛煥崇厚妥議章程會商嚴辦至廣東私鹽與私貨同路進入應設巡船禁止繞越令粵海關監督並廣東鹽運司會同合辦每缺各出十餘萬兩經費而國課可增五十餘萬一節廣東鹽運司及粵海關均有例設巡船但會同出款巡緝有無窒礙著勞崇光著會同統清妥速駁議東華續錄

夏燮長江設關記咸豐十一年二月江西藩司張集馨抵潯途中接據饒九道文恆署九江知府程元瑞先後報稱正月二十二二十七等日陸續到有火輪船七號經兩廣總督派委都司帶同英國參贊巴

夏里領事官許士二員進赴道署據巴夏里稱船內尙有水師提督賀布和賀布普魯譯之員一員意欲先在九江漢口兩處設立口岸派領事官許士住在九江辦理通商事宜並欲先赴南康饒州一帶查看地方情形探明水勢伊與賀布親往漢口商定一切後仍回九江商辦等語張藩司於是月初六日至潯則巴夏里已由潯起旋前往漢口矣越數日巴自漢口回與藩司接見行免冠禮洋人免冠之禮本屬平行予前奉委接伴法使集亦免冠相見原奏稱其恭順實非也會商租地立市事宜而巴欲先赴上下游察看地勢再行定議十三日巴夏里帶同藩司派員前往湖口諸官以湖境扼要鄱湖爲江省咽喉上通吳城下達江皖形勢較勝欲在該處立市經委員馬長庚告以湖口城內地多亂石城外俱係沙土難以修造樓棧且該處山迴水深風濤險惡商船停泊互市必不願來又地接建德東流時虞賊擾水陸防軍雜處易啟弊端不如仍在九江可符原議再三辯論巴意始轉與諸官以千里鏡遠觀四面復用盤盛水銀測驗地底確係沙石遂允折回九江十五日在九江府城西門外龍開河之東量地一百五十丈深五十丈議寫租約巴因弓步不準再按指南法用繩較準得深六十丈內有民房三百餘家巴議給每畝五十千如不願者由地方官酌提公費津貼遂定議當立承租地基券約以一百五十畝科算載明丁米正耗銀數按年由領事官清交德化縣歸入編糧額下又議租約上該參贊與中國聯藩司銜書押各執一紙此英人在潯開商之大略也

漢口通商事在九江之先緣巴夏里先往漢口已將一切處分明白方回至潯故潯中之約江撫奏稱仿照湖北三樣今據湖廣總督大學士官文原奏內稱本年正月二十六日先有英國火輪船一隻駛抵漢

鎮詢係上海寶順行地行之行主韋伯同英官威司利通事官曾學時楊光讓並隨從人四五十名當飭漢陽知府漢陽知縣等妥為照料二十七日威司利等入城至署相見據稱由上海來漢查看地勢立行通商隨在漢口託人代覓棧房一所每年讓給房主租價銀四百兩留通事楊光讓住居照料行主韋伯等向於二十九日駛回上海矣二月初一日又有火輪船四隻到漢約載英兵共三四百名即有英國參贊巴夏里帶同屬官渡江至署相見據稱由上海前來查辦九江漢口開港事宜至九江上岸諸事尚在未定先來漢口查看地勢建造棧房其領事係由福建調來風色不順尚未至楚次日又有英國水師提督賀布率所屬武官二十人至署來拜惟賀布聲言駛往上游一帶探看水勢並無他意當飭沿途經過地方妥為迎護時尚未回連日巴夏里於漢鎮下街尾楊林口上下看定民地基址會同府縣踏勘長寬二百五十丈深一百一十丈四至立石為界現已由巴夏里至藩司衙門請給發丈量地基對約給用藩司印信議定俟英國領事到漢傳集地戶房主會同地方官商議價立券照給交地之後聽憑英商建造棧房應經丁漕山英商赴縣交納並議再有他國來楚須在英行以下擇地蓋棧不得上占正街與定水師提督亦自上游折回於初十二等日回巴夏里船先後開行仍留英官夏姓及水輪船一隻停泊漢口等因此英人在漢開商之大略也

滬中立市事定巴夏里旋回京師據稱法美英即彌也茲照檔案作美二國商船亦將踵至江撫仍飭藩司留滬旋據該司詳稱本年三月三十日美國水師總領施礪烈倫駕火輪船一隻到滬於四月初一日卯刻駛往漢鎮是日午刻美國商人駕飛箭火輪船一隻由漢回滬停泊登岸美國金甯謙及琮記洋商

在於九江府城西門外勘定地基並要琵琶亭空地十五畝又旗昌行商人勘定琵琶亭空地三十畝因地勢低窪議即興工用土填高探詢該商人等愈稱美國領事官尚未定人法國領事亦無來潯確耗並云該國通商事件均係販商等自行專主不必待領事官定局等語惟租地換約各事宜須俟領事抵潯方可會辦該二國領事官既無來江信息未便羈延守候等因江撫據情片奏請檄藩司回省俟二國領事抵潯再行前往商辦所有各國通商尋常事件即由九江鎮道督同該府縣妥爲辦理以專責成於是藩司張集馨遵飭回省時值粵匪上竄黃梅潯中洋商遂疑其聞警潛回譏傳入都由總理衙門奏聞奉旨革職留任旋被兩江制使奏劾罷歸續據兼護饒九道九江府知府蔡錦青詳稱九月二十二日接湖北漢黃德道劉齊衡函稱美國瑣記洋商已在九江勘定地基尙未承買過手現委暫署領事官別列子馳赴九江辦理通商事務並將前勘地基一段傳集業戶公平定價出買以便瑣記承買營業等因當查美國勘買地基應行換約訂界與英國事同一律應遵前次諭旨飭委藩司來潯會辦等因奉批美國領事官既已到潯而張藩司業已卸篆自應仍由該護道妥籌辦理等因尋據以奏聞自此潯中通商事務悉由九江關監督一手經理而效尤舊制之漸紛紛陳請應接不暇先是美商因無領事來潯中國不肯與之立租換約因由該國駐京公使照會總理衙門謂該國商人在九江貿易生意不大意欲將來不設領事官即交與九江府代爲照應等語由恭邸咨明江蘇巡撫旋准駁回因有暫署領事官別列子來潯之事當查勘定地基一節前已與該國總領事議定該國商人在潯貿易事與英國不同所有租買地基造屋諸事無須換約地價租錢應由商人自向業主公平買賣地方官不必與聞至民買民賣固不

容業主擡價居奇亦不准洋商恃強勒占是以該國旗昌洋行現有九江租賃民房設立行棧係向居民自行議價給租並未經官相安無事今該國瑣記洋行於三月間所勘之西門外地基經該國領事官別列子來滬並不前赴道署會商輒於十月初八日瑣記洋商率領工匠在於西門外前勘地內砌牆築垣經本地民人阻之始罷別列子知事不成始於初十日前赴道署由通事傳言該行前勘之地只能照英國之價給發且急等起造房屋等語經監督反覆駁詰不歡而去聲言此界前已租定必欲照英國章程短價承買復經監督詢之紳民則稱此係大街熱鬧之區與龍開河之偏僻有水者不同續准監督照會駐劄漢口之總領事始仍照民買民賣議結而前此所勘西門外琵琶亭空地增索至五十畝以其地在龍開河之西與英界事同一律監督查明地係濂溪書院空基仍經地方官會同釘界其價亦較英商稍增此美人在滬開商之大略也

是年三四月間准湖廣總督大學士官文咨會總理衙門內稱英國領事官及俄國美國船隻抵漢貨物亦已陸續前來而俄美二國並無領事官任意裝載往來漫無稽攷咨請妥議遵辦等經總理衙門酌定章程所有各國商船前往各通商口岸必須設有領事官管理方准商船前往貿易如該國並無領事官准其託別國領事官代為管理亦必須別國領事官允為代管方許該商開船貿易否則任意前往不准貿易即該國人有被人凌害事情地方官一槩不管除咨行江蘇巡撫就近札飭俄國美國領事官遵照辦理並出示曉諭通商口岸百姓一體遵行等因當經薛大臣札飭上海道傳諭美國在滬之領事旋准覆稱漢口通商一節前已另派西地惠林士為漢口領事業已接印任事等情復據辦理三口通商

大臣傳諭俄國在津領事官孟第飭令查照辦理而據孟第言該國並未設立領事官亦無船隻前往漢口貿易之事恐係別國假冒俄國名號抑或該省關口官吏查報未實請由總理衙門行文該省確查等語奉准江蘇海關道詳稱漢口應設領事官業經照會俄美二國領事查照去後茲准俄國領事官夏德爾照會內稱七月二十七日接奉本國駐京欽差札委本領事兼理長江一帶鎮江九江漢口等處即經本領事轉請美國駐紮漢口領事魏連士代理本國通商事務嗣後凡有本國商人到彼生理即由美國領事代辦在案請即詳辦等情查俄國若無船隻在漢何必倩人代理領事明係孟第所言率憑臆度而該國之觀望模稜形跡詭秘亦可概見此俄美二國在漢開商及設立領事之大略也

初英官卜魯士照會長江通商時擬有長江暫訂章程十款大都與巴夏里往返商定由恭邸咨行江面各省大吏查照辦理旋准 欽差大臣江蘇巡撫薛煥謂其第七款第九款多有窒礙蓋原訂章程載明貨物出口入口之稅課俱或在鎮江或在上海完納九江漢口概不征收故其第七款內有沿途任便起貨下貨不用請給准單不用隨納稅餉等語薛大臣謂如此辦法毫無稽攷應飭令該洋商將運進長江貨物除在海關已完正稅不計外所有應完內地半稅即子口減半之二兩五錢先在上海完納由上海給發憑單上駛出口貨物如在漢口出口者先在漢口完納九江出口者先在九江完納由各該關給發憑單下駛似此上下稽核自無偷漏之弊又第九款內稱遇人因事故將該船主稟告各口領事官由領事官將該船留在口內俟查辦完結方准開行薛大臣謂此係英國商民與各國商民口舌之事與關務無涉至干涉關務之事仍應由管關監督自行主政辦理領事官不得預聞於是分別准駁咨會總理衙

門及各督撫在案續經巴夏里至滬以第七款實便兩國通商又面交譯出章程十條與前譯之十條字義又有參差因先將已定之八款試行餘請恭邸照會下俾士會商定奪不決者久之嗣經英國總稅務司赫德來京呈遞清單條陳稅務事宜核與前定章程十款互有出入總理衙門以所議章程頭緒紛繁實難洞悉流弊請飭戶部會商辦理旋准 行在軍機處字寄咸豐十一年五月二十日奉 上諭此次各口設立新關與外洋交涉設一切章程未能妥協徒滋爭論著奕訢等悉心酌擬具奏等因欽此蓋赫德單內言欲征收子口稅須擇緊要處所設立關卡意在九江漢口等處也嗣經恭邸於赫德來公所謁見時與之逐層辯論其最關緊要者除洋藥外則內地出進之子口稅也查原訂章程出口入口之貨均在鎮江或上海征納稅餉此次議定專歸上海征稅其鎮江以上漢口以下准商人任便起貨下貨將鎮江以上即作爲上海內口無庸設立之關其立意在總處納交以杜偷漏然總納之後即可沿途任便起卸貨物漫無限制是仍與原議依違也又據單內稱洋船載土貨出口完納出口稅銀便往外國則中國無從征第二次之稅若出口復經進口如湖絲茶葉既出上海口復進廣東口之類議照新章加一復進口之子口稅不知華商出進貨物有一關便有一關之稅安能獨令洋商取巧且易啟華商影射之端因議內地貨復進口時完一正稅一子口減半之稅此後所過仍須逢關納稅復與該國公使往返駁詰始請給與該國照會以憑向洋商商辦至赫德所請緊要處所設立關卡彼係專指洋貨進口土貨出口而言則子口之稅僅有一次今土貨出口而復進口者尤宜在緊要處所設卡征收土貨出口以過卡准照爲憑洋貨進口以入卡准照爲憑總期該商進口出口貨物完一正稅即有一子稅辦法以期稅課充

裕因更酌定長江通商章程及南北各口通共章程奏請頒發長江各口遵照辦理據原奏內稱各口關稅章程前經咨令各口通商大臣妥籌去後迄今數月之久未見該大臣等商定辦法分別奏咨迭據湖廣總督江西巡撫咨稱洋人入江以來進出口正稅均在上海交納其自入內地賣洋貨買土貨既未議征子稅而洋人復不在地方官抽釐漢口九江領事又均不服稽查請臣等與英法駐京公使面議等語卽法公使亦聲稱中外交涉事件不能與外省大吏紛紛商辦因與臣等公平面議查本年春間薛煥與巴夏里會議有長江通商章程十款於船隻往來頗有稽查惟尙有未盡嚴密之處而於收稅一節亦未議及因就原議章程重加增改定爲長江通商章程十二款凡洋商來往長江有關軍需之物令其呈具保單向各關領照起卸均有查驗庶不致再有濟匪情事再長江及南北各口現在尙未一律議征子稅及土貨復進口稅因另擬通商各口通共章程五款臣等與英法公使面商數次於八月間照會英法去後茲據英國威妥瑪到公所面稱章程二件均欲照辦該國已發英商告示二張令其遵照辦理送關前來等因又附片奏稱土貨出口而復進口者若不議增復進口之稅將來洋商以販運土貨爲得計必至內地商人無可營生是以臣等前與英法公使極力相爭凡土貨出口如欲運往他口雖已完過出口稅不能照樣貨發給免重征稅單其復進口時應交子口減半之稅不扣二成二成卽扣歸軍費之款但扣正稅半稅不扣其交過半稅後只准在口售賣若運入內地銷售仍照內地例逢關納稅過卡抽釐如此庶足保全華商生計而內地各關亦不至有虞缺額茲已列入通商各口通共章程之內應飭南北各口遵照辦理於是漢口九江先後奏請設關遂爲長江別開生面矣

是年八月湖廣總督大學士官文奏請於漢口設關收納洋商進出口各貨稅課以嚴稽查而絕弊端其略言英國巴夏里續增長江通商十條內即卜魯原訂十款經巴官譯出者非另增也其第七條所載凡進口出口貨物均歸上海稽查納稅實有心取巧預萌欺蔽偷漏之端查半載以來洋商往返貿易凡有洋貨進口售賣內地土貨出口販運外洋者因自今春二月以來髮逆上犯向在漢口巨商大賈遷移一空所到洋貨皆於漢口各行暗中以貨易貨運載上船並不交進口貨單亦不報出口貨目以致毫無稽查其應完子口稅雖有上海來文而據該領事云先完正稅然後方完子口稅即條約內所載應辦應查之事一紙置之不理且有內地奸商船插英旗借以影射偷漏甚至將禁運貨物如米糧木植銅鉛等物裝載下船不免私售賊匪等弊必須設關收稅設立官行按單發貨到上海照單查驗出口洋貨亦憑上海發單到漢開輪則長江自鎮江至九江漢口進出口之貨物始免偷漏之弊若如英使所謂出口貨物仍至上海納稅則迢迢長江千餘里隨處皆可上貨下貨任其自便實存欺蔽之明驗也頃據司道傳詢英美等國領事會稱漢口無關亦無監督稅務司員憑何稽納若竟聽之來往自便漫無稽查則長江上下中原之利盡歸外國兼以內地奸商倚托外洋私售私買不特稅課偷漏亦必虧耗釐金於籌餉大局實有妨礙其洋商執一稅不二稅之說未允收釐殊不思納稅出自洋商收釐取之華商兩不相涉現有內地商人赴湖南湖北產茶所在購買茶葉等貨動稱英商履夥多抗不完納釐金似此情形則內地奸商人人皆可稱爲洋行履夥內地貨物種種皆可指爲洋商采辦漢口之外山鄉市鎮處處皆可作爲通商口岸則約內所稱不逾三口之一已成虛設惟有於漢口設關收稅明定章程設立行棧收票發票稽

查盤驗並禁止華洋雇夥往各埠頭采辦悉由商販自行販運到漢鎮入行售賣庶可杜絕弊端亦與商
議條約始相符合應請於漢口設關照海關章程將內地各貨出口正稅及子口稅一併於漢口完納其
進口洋貨運至漢口僅照單點驗方許售銷以符一稅不再稅之約並禁止華洋行夥往山鄉鎮市自行
采辦以符不逾三口之條現飭漢陽府勘擇地基設立關卡並請添設監督一員督辦關稅事務以專責
成等因於八月二十六日具奏 奉旨交總理各國事務王大臣等妥議具奏欽此旋准總 衙門議稱
上海為入江放洋之總匯稽查較便應將長江出進之稅餉仍在上海征收撥歸湖北江西二省至洋人
自入內地買土貨一節英約第九款載明許持照入內地游歷通商勢不能禁之不入山鄉市鎮采辦現
與英國議定凡洋商入內地買貨先請該關給買貨報單單內註明本商姓名及本行字號與憑以杜奸
商影射續又與英國議定此項單照專係由關發給與領事官所發各處游歷通商執照有別其並不買
賣貨物專入內地游歷者仍由領事官發給地方官蓋印執照內祇註明游歷字樣不必再寫通商等字
以免牽混如有借游歷執照在內地影射買賣貨物者經地方官查出按照偷漏例懲辦議定之後湖北
漢口由督撫奏派道員專辦通商事宜監督稅課並奏請九江關一切應辦事務咨明江西撫臣循照漢關
辦理於是湖北之漢口江西之九江均以是年踰年先後開關爰稽攷檔案序其本末而加詳焉蓋自通
商議撫以來中外之一大變局也中西記事

同治元年盛京將軍等奏再查沒濟營准令通商上年督辦之初經前監督福瑞會督旗民地方官及委員等
與英領事密迪樂公同商酌因沒濟營下街尾之聚馬灣地方河面寬闊離街稍遠當議令於該處設立碼

領作為洋船停泊之所其各國衙署行棧亦即議於東弓灣河口南岸相地建造期於內外商民兩無妨礙
當經會同奏報並聲明添設卡房剔釐稅弊一切章程相機辦理茲查上年所建海關係於戶關之西搭蓋
洋船進口稽查偷漏固已周匝但今屆開河後各國洋船多在東弓灣停泊相距海關往返計程不下十餘
里每於委員上船查驗以及洋商報稅赴關請領稅單來往奔馳均形不便且海關與洋行相隔既遠委員
丁役耳目難周更難保無內地奸商勾串洋人藉端影射偷漏走私亟應嚴為防範臣等悉心妥籌擬再於
東弓灣洋行附近添設分卡一處即令海關委員常川駐卡於洋商報船完稅近在咫尺較前亦覺省便至
其出口時仍令海關查驗放行如此互相稽查庶於稅務有裨再此項所需經費及委員書役本年應領薪
水及心紅紙張巡船丁役工食等項應仍遵照上年奏准成案酌撥動用一俟事竣另行造冊送部核銷謹
併附片陳明伏乞 聖鑒謹奏 郵鈔

附錄牛莊委員稟

牛莊委員稟查牛莊三四月間所到商船因未設立新關是以稅緝私毫無稽核現經向福權使確商
即於稅局添設新關暫行搭蓋七間豎立旗桿懸掛漢字英字新海關扁額各國商船進口定界停泊
以便稽查於四月二十七日開工至六月十五日完竣惟此處河面江浙沙船林立日久恐滋事端職等
隨同山海關監督會同牛莊地方官與英國領事復勘定沒溝營下街尾之東四五里許地名東弓灣
一帶口岸地面空曠另設碼頭並建造英國領事官衙署併由本地商民建造房屋作為各國行棧每年
議定由領事出租銀四百兩將來十月內房屋蓋成即於此處河面作為洋船停泊之所又在蘆關之西

南約計四十餘里海河口門淺沙之處作為進船界限安設浮橋其河之口內沙淺各處已議定由領事會同地方官酌視設立浮橋以資導引仍於河中設立標記其河內之北作洋船行駛之界限南俾華洋商船來往兩無妨礙其塔表望樓已與該領事官商定暫緩建造以節經費其新設地基之處係由沒溝營下街尾三義廟之東至灣沿河南岸全家窩起至清堆子小廟子止丈量得西頭南北寬深五十二丈東西橫長三百十四丈四至埋樁標寫交界此內僅有磚瓦窰一座零星民房四處廢棄土礮臺六處既未租佔正街且與市閘稍遠實與民居華商洋商各無妨礙可期相安並與密領事當面公平議定此房俟蓋成後即約計十月初一日交房每年所議租價銀屆六月之內交租一次又在三義廟之東租得空地一區以備自起圍牆言明每年租價銀十兩立券存照又在青堆子潮溝迤北河之東岸勘定地基一區量得長寬十丈欲作英人墳地現在議價尚未定妥合將大概情形先行稟請察核示遵約章

分類輯要

戶部郎中袁昶記光緒五年美日兩國新改商約十條後

按各西國例凡與別國通商本國必有自主之利權常通計一年中國用出入盈絀之數而取給于權稅其權稅大較章程輕征出口土貨之稅以恤本國商民重征入口別國貨稅以防客強主弱往往於客貨值百抽二十三十甚至有值十抽五者恤商困所以張國勢權客貨所以塞漏卮西人之巧於謀國如是中國現行稅章無論華商洋商進口出口貨物定則太輕其稅則外之貨物一概值百抽五是洋貨成本既輕獲利太豐而華商不足以敵洋商之勢此中正宜劑盈酌虛強主抑客收回利權酌改稅章方足

以挽道光中葉以來年甚一年之漏卮而塞後患光緒元年烟台議約威使稱爲免釐加稅之說陽予我以加收正子口稅之名陰攬彼國廣銷洋貨之利識者以爲若果允其所請是棄釐金自主之利權而加稅之輕重又聽命于人倒授太阿之柄害多利少智者不爲未幾各行省不便旋亦罷議然釐金固未可廢而先圖收回自主利權徐議酌加進口稅則一層實乃通變救時之良策應次第設法試行蓄此疑於方寸久矣乙酉四月隨節赴津借抄得光緒五年日本與美國新約十條知倭人於同治初年受美國以兵力挾制通商之害初定稅章亦進出口一律行之十年國益貧乏遂堅忍勵之餽美使以微利與議改約其注意關鍵則在收回利權而已竊思中國稅章將來未始不可仿此法酌改以挽洋商積重華商積輕之勢以塞每一年中銀錢鉅漏出漏外洋之寶實於理財籌餉之政裨益非淺爰而鈔存以備留心國計者采擇焉 參軍 鬱 語

錢榷釐關稅鈔歲入表附

會典載戶工各關歲額二百餘萬兩征溢額者曰盈餘著於籍重視常額都不逾五百萬兩自通商立約以來別爲關以權洋稅遞增至千五百餘萬兩雖常稅暗虧而贏猶逾倍征權之盛伊古蔑有溯自道光壬寅定值百抽五之稅咸豐戊午量減貨價漸殺之稅而立則焉維時西國政令既未聞於上國而紳使恣睢又不受我範圍凡所爲裒益而更定之者姑徇彼請無暇研求抑知西國征商之例恆重進輕出遇人殖己意至深也又或察其緩急利害以時其輕重之宜 英國於印度茶進口免稅所以敵華茶也於糧食進口免稅所以儲民食也重稅煙酒進口以非民間不可少之物也重稅鴉片出口以爲中國不可少之

物也大約進口以百取二十四十爲恆間有百取百及百外者中國自戊午以後無大變易土煤茶末出口
減稅鑄表海菜進口減稅皆便益洋商湖絲洋藥戊辰約議加稅借未行進口稅則本輕核厥價值未遠百
五出口貨價日貶不加稅而稅已賸增乙亥土貨價六千八百九十萬見第五表征稅五百六十四萬惟
本表復進口半稅以減本表出口正稅餘數即土貨出洋淨稅是百而取八辛巳土貨價七千一百餘萬征
稅六百八十七萬是百而取九輕重殊科益利彼族夫日本援西例以權洋商彼無詞也中國馴撥遠人
聖恩寬大未予加科竊謂法與時爲變通曠昔海舶尙希不妨輕稅類以示國體今則利趨於外正宜
參取西例重進口而輕出口願百五之例載在約章驟議增加夫豈易事然公法自主之國皆得損益稅
則保護利權商於其國者不能阻也則轉移補救事在人爲馬貴與所謂取之於蒙疆商賈以助國家之
經費者其亦商政之鈐鍵也歟

洋貨進口按則稅之則所不載百稅其五爲進口正稅土貨出口亦按則稅之則所不載百稅其五爲
出口正稅土貨既納稅出口矣復進他口後進之口半前出之口而稅之爲復進口半稅輪船帆船差
其小大四閱月而一稅爲船鈔容積百五十噸以上噸納四錢百五十噸以下噸納一錢凡五十立方英
尺爲一噸運洋貨入內地欲免釐金則請稅單於自發之關運土貨出內地欲免釐金先請報單於將
出之關二者均半正稅而稅焉爲內地半稅五者釐入之大凡也其洋貨既納稅進口矣不售運而他
之在三十六月外者重稅之爲復進口正稅不恆有故不列

關册以西國一年爲始訖今表遵時憲則所列諸數不免小差然正無幾別表中西起止月日增後備

攷

關册十三年歲入總數併洋藥釐金計故獨贏今析四百六十四萬五千八百四十二兩別為表而總數乃符前例尙有九龍拱北二關代徵粵省百貨釐金十七萬四千餘未除

洋關稅鈔歲入表

	進口正稅	出口正稅	復進口半稅
元年	○三九〇四四三九	○六九三一九八四	○六四五九六一
二年	○四〇六三五八二	○六九九五五六九	○六一一四三〇
三年	○四一七五〇七五	○六八四三七六三	○五七〇二二一
四年	○四一八八九一二	○七一〇九六〇三	○六五三〇五九
五年	○四八四二五二四	○七三三五〇七〇	○七一三四四七
六年	○四六一七七七三	○八二六八六八二	○七八六一九六
七年	○五〇〇二〇一一	○八三二九六六八	○七三〇〇九一
八年	○四六八四〇〇七	○八〇六八四三五	○七四〇〇七八
九年	○四四〇一四一〇	○七五五四三〇七	○六九七四八五
十年	○四三七五三七二	○七七八〇八一六	○七四五五四八
十一年	○五〇七二七七〇	○七八九八九〇〇	○八〇二一四五
十二年	○五〇一八一五六	○八六〇二八七五	○七八四〇〇一

十三年	〇五七〇〇四六一	〇八五一〇〇九八	〇〇九三五七七二
元年	〇〇二三六六九四	〇〇二四九〇三一	一一九六八一〇九
二年	〇〇二三四三二四	〇〇二四八〇二六	一一二一五二九二一
三年	〇〇二二四〇三四	〇〇二五三九八五	一一二〇六七〇七八
四年	〇〇二六〇一三一	〇〇二七三一〇三	一一二四八三九八八
五年	〇〇二四七八三三	〇〇三四二七九六	一一三五三一六七〇
六年	〇〇二四九五九一	〇〇三三六三四一	一一四二五八五八三
七年	〇〇二七三五七四	〇〇三四九八一八	一一四六八五一六一
八年	〇〇二七九七九九	〇〇三一三三三三	一一四〇八五六七二
九年	〇〇二八四〇四四	〇〇三四九五一一	一一三二八六七五七
十年	〇〇二七〇九一四	〇〇三三八〇六一	一一三五一〇七一二
十一年	〇〇二九八九〇九	〇〇四〇〇〇四二	一一四四七二七六六
十二年	〇〇三三三三四七	〇〇四〇六二九九	一一五一四四六七八
十三年	〇〇三一六四四三	〇〇四三二七八二	一一五八九五五五七

船鈔

內地半稅

五項總數

錢泊各關稅鈔分列表附

自中西互市以來凡設開權稅之地濱海者十有三越海者二濱江者五都二十有一皆以西人司稅務

每月交共銀錢 卷一百一十一 征權十九 洋關稅則

而四川之重慶陸路甘肅之蘭州直隸之張家口雲南之大理蒙自廣西之龍州或通市未久或議行未成或不設稅司由官征稅均不在此數輪帆絡繹關隘其庶物殷盛之區藉是以獲轉輸之利者我之益也而殊方異物日新月異足以遷我賄者又我之害也縱觀各關九龍拱北意在算稽洋藥不具論其他粵海居於衝江海匯厥總江漢閩海茶所自出故稅數出諸關之右宜昌蕪湖甌北海設關稍後始征之歲或不及千其繼也或逾十萬夫豈盡物產豐盈出口倍蓰而有是稅耶抑亦嗜好漸開進口夥頤而有是稅耶攷近年關稅且增至千五百餘萬併本表各關數即第一表總數其稍不符者積奇零數而致差也而民財不阜者豈無故哉西人遇事要求增案市埠益於彼必損於我溢於外必耗諸內不待智者而決也然而閉關絕市斷不能行於今時則惟有因我固有之利而擴之規彼竊攘之利而杜之聯官民之心以推究商務賈山曰民有餘力則君有餘財其言可深長思耳

關册云九龍附近香港拱北附近澳門凡土船由香澳入內地運洋藥均按通商稅則釐稅併征若運百貨赴不通商口岸按常關則例抽稅其赴通商口岸者統歸該口岸常關征稅若土船運土貨赴香澳查無原出口關照則按常關則例補稅至應完釐金百物無論出入內地概照粵省釐金則例照完九龍進口釐八萬八千一百九十七兩奇出口釐三萬九千四百七十五兩奇拱北進口釐二萬九千五百五兩奇出口釐一萬六千四百五十五兩奇應於二關數內除出又二關無復進口半稅無船鈔十三年關册於各關入數皆併洋藥釐金計今析出別爲表合二表計仍符關册

	山海關牛莊	津海關天津	東海關之罘	宜昌關宜昌	江漢關漢口
元年	〇二三九四六六	〇三一八〇七四	〇三〇四〇三六		一六〇五四八六
二年	〇二五七二二一	〇三三二五〇〇	〇二三四五三四		一八〇一三三五
三年	〇二三七二六九	〇三三二六八四	〇二一五〇五六		一六九〇四三四
四年	〇二五三六六九	〇三一七七〇〇	〇三一三八三五		一五四五五〇一
五年	〇二三三七三三	〇四二二六〇七	〇三四一〇三〇		一七七四二五七
六年	〇三〇四二一六	〇三八二六七九	〇二八八一四六		二〇〇三二一七
七年	〇二八六二七三	〇三八二五四〇	〇二七五三六七		二〇四七二一八
八年	〇二八四二三一	〇三八七三七〇	〇二七七五五三		一八六六五七三
九年	〇二九八四五〇	〇三八〇九三六	〇二七二五七七		一八三三六一五
十年	〇三〇六二〇七	〇三八六五七九	〇二七三七五四		一八七三四三
十一年	〇三四一六〇四	〇四三二二二二	〇二六七三九六		一八四一一六八
十二年	〇三〇三三〇五	〇四四〇八五九	〇二八五四八〇		二〇一八一七四
十三年	〇三八七九二六	〇五〇二六五五	〇三一九六二二		一九八一七一七
	九江關九江	蕪湖關蕪湖	鎮江關鎮江	江海關上海	浙海關甯波
元年	〇六六三九八二		〇一五三〇三六	〇一四九八六六	〇七三三二四〇三
二年	〇六九四七四七			三四六五四九六	〇七一九五九〇

皇朝文獻通考卷一百一

征權十九 洋關稅則

十三

福建通志卷之二十一

三年	〇六八九一二五	〇〇二一九一八	〇一二三三八一	三二六九九一九	〇七二二三〇〇
四年	〇七五六二〇二	〇〇三三四二一	〇二二一六六三	二五〇〇六一〇	〇五九七五一四
五年	〇七〇一二七七	〇〇三四八二四	〇一六一〇〇〇	四〇一八二二八	〇六五七二一五
六年	〇七六四五七一	〇〇五一六五七	〇二三五二九九	四二二〇七二一	〇六七七三九九
七年	〇七九四二〇五	〇〇七八五二九	〇四一五八〇六	四三七三九四〇	〇七六四六四〇
八年	〇八一四五五〇	〇〇九五一一八七	〇二八八七二四	四一八四四九四	〇六九一七四一
九年	〇七七七八一七	〇〇七八四四七	〇一六九五六四	三六五一二二〇	〇六四五二一四
十年	〇七八七六七二	〇七一〇六〇七	〇一六五〇一六	三六六七六九五	〇七一〇四六八
十一年	〇八二二六五四	〇〇五〇九八五	〇一八四二九六	四二四二六〇〇	〇七四七四三九
十二年	〇八三五九七九	〇二五二二五六	〇二五四七〇二	四三五四一〇九	〇七三二八八八
十三年	〇八二九九八四	〇二五七九六〇	〇三七六一八七	四三七八一七七	〇五九四九八二
歐海關福州					
元年		一九七八一一二	〇一五二九〇九	〇一二四〇二一	〇五九〇五八四
二年		一六九四五三六	〇二〇七三〇〇	〇一六七九四四	〇五七三三八二
三年	〇〇〇三一五八	一八二一六三〇	〇二三五五〇四	〇一五〇三八一	〇七一二四四五
四年	〇〇〇二九三九	二〇二九五〇九	〇二七二二六六	〇一二三三八七	〇六一二二九八
五年	〇〇〇六八一五	一九六三六五九	〇二八四三〇二	〇二〇三〇一五	〇二三三九七〇
閩海關福州					
淡水關淡水					
臺灣關打狗					
廈門關廈門					

六年	〇〇一一四九〇	二二六七四六三	〇三〇五一三三	〇二四九二九三	〇六四八一九六
七年	〇〇一三六八九	二〇二二九三四	〇三二〇四六九	〇二一八三九五	〇七八六四七九
八年	〇〇一五九八二	二〇〇六四七五	〇二八五三二〇	〇一八六九六一	〇七二八三一七
九年	〇〇〇九〇八四	一八一二九四一	〇二九六九三一	〇一九四八九五	〇七一九七三一
十年	〇〇〇九二四三	一八二七一五	〇二九七八七九	〇二一〇二一四	〇七五八〇六四
十一年	〇〇一二二九七二	一九九〇四六〇	〇三七二七二〇	〇一五二三七五	〇七七七六〇五
十二年	〇〇一四八八四	二〇一八四九一	〇三八二一五六	〇一五四〇八八	〇六七四〇〇六
十三年	〇〇一五七四二	一八八三六三一	〇四〇三二四二	〇一六九五六七	〇六六〇七八八
元年	〇七四四七六九	〇九九一〇〇七			
二年	〇八四二九六二	〇九七七七一		〇〇四三五七三	
三年	〇七八二九三四	一〇〇四七〇六		〇〇六三一五〇	〇〇〇〇六九八
四年	〇七四〇六七一	〇九八八九六五		〇〇六一六六四	
五年	〇七七九二二六	一〇九三一四四		〇〇六八九八九	〇〇二〇五一四
六年	〇七七五四四九	〇九三六七八二		〇〇八三六九二	〇〇八四五四五
七年	〇六四三七八八	一〇五〇五八二		〇〇八三一三四	〇〇八一二九九
八年	〇六七五〇四九	一一〇四五七五		〇〇七五一八四	〇〇五七〇二九

潮州汕頭

粵海關廣州

九龍關九龍
拱北關拱北

瓊海關瓊州

北海關北海

月支其頁條 卷一百一 征權十九 洋關稅則

十四

九年	〇七五三九八一	一一三七〇七二		〇〇九四三六七	〇〇五九七一六
十年	〇八三三二〇八	一〇五一〇五一		〇一一六五七九	〇八二九四一
十一年	〇七九一八八〇	一〇八九四八四		〇一二八九二五	〇一一二五五二
十二年	〇八〇七五七七	一一九七七一二		〇一三三六四〇	〇一三四四〇五
十三年	〇八八九七七五	一四二四六四五	〇二五四三三三 〇一〇五一七八	〇一一九四〇四	〇一七一一一三

錢池內地半稅細數表附

西人經國首重通商然各以口岸相酬答未有許他國人入內地貿易者中國通商之始曲意撫循未加阻止年來悔前計之失於日本立約始申禁入內地之令通商章程第十四條蓋必先去利益均沾之語而後餘事得以挽回修約得此良非易易 日本於沿海貿易概歸自主見戊寅日美約第五條則內地可

知中國於泰西各國既已許之於前豈能絕之於後原夫半稅之設萌芽於壬寅道光二十二年江甯約成議於戊午咸豐八年天津約協行於辛酉 咸豐十一年通商章程增定於丙子 光緒二年煙臺會議條

款運洋貨而入有稅單運土貨而出有報單一者征半稅免釐金稅既視釐為輕又無疊征之煩無少驗之苦所以優洋商者至矣 華商稅單允給於光緒之初報單則未之許而關冊無歲不收華民出入半稅

或因獨利洋商不若兼利華商故便宜許之耶統觀洋商入內地英為之魁美次之德法日 日斯巴尼亞又次之俄則重在土貨之出若丹瑞和奧義諸國偶請數單非所注意安得修約時援日本約爭之俾華洋通市盡在指定口岸不得入內地與華民交易公法於江河之歸一國專轄不與鄰國分轄者其輪帆

之利本國擅之非他國所能分則我國沿江海運載貨物等事亦可改歸自主以保我利權此與西國通例去書不合者也至若日本商人有內地稅單之請見光緒元年四年五年關冊 案昔章程意存嘗試非司關者先當嚴絕而堅拒者哉彼司釐者藉口相侵以文其短蝕之罪與夫負販者賄屬洋人以行其購張之幻其有損於釐者猶害之小焉者也

各國商人	洋貨運入內地	徵收半稅	土貨運出給發報單張數	徵收半稅
英	二萬二千五百十	十一萬一千二百九十七兩奇	二百三十四	一萬三千三百十八兩奇
美	一萬七百七十	三萬九千四百四十一兩奇	六十二	四千六百九十九兩奇
德	二千五百五十五	六千一百一兩奇	六十七	一千三百六十八兩奇
法	七百七十二	七百五十七兩奇	十	二千五百四十五兩奇
荷			一	二十五兩奇
丹	十二	三十二兩奇		
日	七	二十九兩奇	十五	五百七十六兩奇
俄	八	二十兩奇	二百九十九	四萬三千七十四兩奇
奧				
義				
泉	一	二兩奇		

光緒十九年 洋關稅則

十五

年	大	英	美	德	法	荷	丹	日	俄	奧	義	奧	俄	日	丹	荷	法	德	英	美
一	一	一	一	一	一	一	一	一	一	一	一	一	一	一	一	一	一	一	一	一
一萬一千四十一	三萬七千八百六十一	一萬三千四百三十三	五百六十三	三	一千五百四十三	一百三十六	一千五百九	四百五十二	一千五百五	六	六	六	六	六	六	六	六	六	六	六
一兩奇	三萬九千一百四十九兩奇	十六萬三千四百九十八兩奇	五萬五千六百四兩奇	一千五百三十一兩奇	二十一兩奇	五千九十二兩奇	一百八十五兩奇	七兩	三千三百二十一兩奇	七兩	七兩	七兩	七兩	七兩	七兩	七兩	七兩	七兩	七兩	七兩
二	二	二	二	二	二	二	二	二	二	二	二	二	二	二	二	二	二	二	二	二
四百三十三	六百六十五	三百十	四十一	二十三	二百七十三	三百十五	二百二十三	四百三十三	九	四	四	四	四	四	四	四	四	四	四	四
二十七兩	五萬一千四百十兩奇	四十一兩奇	九百二十四兩奇	五百七十兩奇	三萬六千二百六十一兩奇	八十一兩	四十一兩	二百四十四兩	百八十五兩	三百四十四兩	三百四十四兩	三百四十四兩	三百四十四兩	三百四十四兩	三百四十四兩	三百四十四兩	三百四十四兩	三百四十四兩	三百四十四兩	三百四十四兩

九	英	美	德	法	荷	日	俄	奧	丹	日
一	一萬七千五百二十七	四萬四千九百五十七	三萬三千四百四十九	三萬五百二十六	二千四	六	一千九十二	一萬九千四百九十七	九	四百二十六
一	四萬六千一百七十九兩奇	十四萬五千八百八十八兩奇	九萬八千七百九十三兩奇	四十七百六十三兩奇	四十五兩奇	十三兩奇	三千五百五十九兩奇	四萬七千二百五十九兩奇	三十兩奇	一千七百四十八兩奇
一	七百九十一	四百七十三	四十一	十一	八	二十一	二百四	二兩奇	一百九十	四十六
一	二百三十五兩奇	二萬一千五百三十八兩奇	一萬四千一百二十八兩奇	七百五十六兩奇	五百二十三兩奇	七千七百五十一兩奇	三千五百七十二兩奇	八百八十五兩奇	五千九十八兩奇	六千一百二十兩奇

十		二		十	
德	美	法	荷	日	俄
二萬五千六百八	七萬四千八十八	二萬五千六百七十三	四萬五千五百五十八	七千二百八	三萬四千二百二十七
五萬四千二百五十六兩奇	十八萬四千九百五十八兩奇	六萬一百四十兩奇	二千六百二十四兩奇	八千二百三十三兩奇	六萬七千九百八十八兩奇
二千五百九十一	三百五十二	二百五十五	十四	三百七十九	一千八百十三
四萬三千七百八兩奇	一萬六千七百八十二兩奇	一萬一千四十一兩奇	三百兩	一萬五百八十七兩奇	一百六十六兩奇
					五萬八百六十六兩奇
					一萬三千三百三十七兩奇
					三千九百八十兩奇

年

法荷丹日德俄奧義景

五萬一千五百九十二	八萬五千二百二十一兩奇	六	五兩奇
四千九十五	三千七百七兩奇	十三	一百七十八兩奇
		一	十九兩奇
		四百三十	九千二百五十五兩奇
		三十	一千一百九十二兩奇

薛福成海關徵稅敘略總稅務司赫德屬駐英稅務司金登幹送來光緒十八年海關貿易總冊條分件
 繫經緯分明是年徵稅之數凡進口正稅銀四百五十九萬餘兩出口正稅銀八百二十五萬餘兩復進
 口半稅銀八十二萬餘兩淨藥稅銀二百二十八萬餘兩船鈔銀三十八萬餘兩內地半稅銀四十七萬
 餘兩淨藥釐金銀五百六十六萬餘兩以上七項都二千二百六十八萬餘兩比較十七年總計十六萬九
 千餘兩比較十六年贏六十九萬三千餘兩若就各關所徵七項銀分計之江海關徵銀六百三十七萬
 餘兩粵海關徵銀三百三十四萬餘兩江漢關徵銀一百八十九萬餘兩閩海關徵銀一百六十八萬餘
 兩潮海關徵銀一百四十八萬餘兩浙海關徵銀一百二十五萬餘兩九江關徵銀一百零四萬餘兩厦
 門關徵銀九十七萬餘兩蕪湖關徵銀七十萬餘兩津海關徵銀六十九萬餘兩淡水關徵銀六十三萬

通明文典頁集 卷一百一十一 征權十九 洋關稅則

十九

五千餘兩鎮江關銀六十三萬一千餘兩山海關徵銀五十四萬銀兩九龍關徵銀四十七萬餘兩臺南關徵銀四十四萬餘兩拱北關徵銀三十八萬餘兩東海關徵銀三十三萬餘兩北海關徵銀二十五萬餘兩重慶關徵銀二十萬餘兩宜昌關徵銀十一萬餘兩瓊海關徵銀九萬八千餘兩蒙自關徵銀七萬三千餘兩甌海關徵銀三萬六千餘兩龍州關徵銀一千七百餘兩以上二十四關徵收之總數即前七項徵收之總數近年滙粵等關收數所以益旺者以洋藥釐金歸併之故閩漢等關收數所以漸減者以茶葉銷路日衰之故綜計是年進口洋貨價銀一萬三千五百十萬餘兩進口正稅并洋藥稅得銀六百八十八萬餘兩數諸值百抽五之數大相懸殊然洋藥釐金固不在內也出口土貨價銀一萬零二百五十八萬餘兩出口正稅得銀八百二十五萬餘兩已逾值百抽八之數與所謂值百抽五者不符則以土貨之價已大減於初定稅則之時之價蓋絲茶二者爲之也余嘗考財用盈虛之故矣大凡土脈膏沃物產充茂壤博民殷商貨所趨如水歸壑則稅可贏又或衆力勤劬工藝精良流賄日廣爲遐方日用所必需則稅可贏又或地雖瘠瘠專產一物如絲如茶居民恃爲恆業遠人聞而欣羨則稅可贏又或縮穀通衢因利乘便官山府海發天地自然之藏都泉布輸寫之會則稅可贏此數者貴審其地形開其風氣尤視大水之經緯脈絡以定羣商之輻湊與否夫上海扼長江之要故稅最多廣州扼粵江之要故次之漢口扼漢江之要福州扼閩江之要故又次之北方之水溜急沙淤不便行舟故雖以黃河之大且長獨無權稅極盛之關夫殖財之源雖因地勢亦隨人事天時而變焉者也核其所徵之稅而地之衝僻民之貧富物之旺衰歲之豐歉俱可借以考鏡焉海外文編

劉嶽雲光緒會計表附

	十一年	十二年	十三年	十四年	十五年
洋稅	一千三百五十二萬七千五百八十兩零	一千四百三十三萬六千三百六十九兩零	一千九百三十一萬九千九百九十九兩零	一千七百七十五萬四千二百十六兩零	一千六百七十六萬七千二百八十二兩零
十六年	十七年	十八年	十九年	二十年	
洋稅	一千六百七十一萬三千七百七十三兩零	一千八百二十萬六千七百七十七兩零	一千七百六十二萬二千八百五十一兩零	一千六百八十萬一千一百七十九兩零	一千六百七十七萬四千三百二十二兩四分八釐

光緒二十一年南洋大臣張之洞等奏為蘇州通商應設稅關擬派道員兼充監督並請部頒關防以重權務恭摺仰祈 聖鑒事竊查日本新約准在內地通商九月間日本駐紮上海領事官到蘇州議立租界初時指索閩門外地段繼又指胥門外迤南至盤門一帶地畝當經臣等會商以閩門正當往來孔道市廛稠密胥門至盤門有社稷壇神祇壇在內均屬萬難允許因另指盤門外迤東自相王廟對河起至葑門外之密渡橋止作為各國通商總租界而以其西偏為日本租界該領事初願甚著未肯就範經臣等派員力駁堅持始肯遵照辦理疊經電達總理各國事務衙門並咨明如案臣等查租界既定首應設立稅關照章征權並派大員監督專司其事現擬就密渡橋左近設關名曰蘇州關惟增設關道經費較多查蘇松糧道向駐蘇州平時公事較簡擬即派令兼充該關監督經理稅務通商事宜儻遇該糧道督運出省之時應即另委

道員隨時代理該關事務並請 飭下禮部照章鑄給關防一顆文曰監督江蘇蘇州關稅務兼辦通商事宜之關防頒發來江交該糧道祇領以專責成而昭信守除租界詳細章程核定另行具奏外所有蘇州設關派員監督請給關防緣由臣等謹合詞恭摺具奏伏乞 聖鑒謹 奏 郵鈔

南洋大臣劉坤一等奏准軍機處片交署兩江總督張之洞等奏蘇州通商應設稅關擬派道員兼充監督並請 飭部照章鑄給關防一顆文曰監督江蘇蘇州關稅務兼辦通商事宜之關防頒發祇領等因一摺於光緒二十一年十二月初八日奉 硃批著照所請該衙門知道欽此欽遵到部當經移咨吏部撰擬字樣茲據吏部撰就咨送前來臣等檢查光緒三年添鑄湖北宜昌等關監督關防光緒七年添鑄甘肅嘉峪關監督關防光緒十六年添鑄四川重慶關監督關防均係清漢文鐘鼎篆銅質直鈕長三寸闊一寸九分今添鑄監督江蘇蘇州關稅務兼辦通商事宜之關防一顆所有式樣大小厚薄臣等擬照湖北宜昌甘肅嘉峪四川重慶等關監督關防辦理謹將吏部撰擬關防字樣繕模恭呈 御覽伏候 命下臣等督飭局員趕緊鑄造頒發謹 奏 郵鈔

江蘇巡撫趙舒翹奏蘇省開埠通商建稅關及挑築馬路發給田廬地價等項應需經費臣與督臣往復電商擬由蘇滙兩釐局庫暫挪銀四萬兩蘇糧道庫暫挪銀六萬兩先行墊應開工不敷之款再由道局各庫酌量籌湊俟關稅起征分別解還歸墊惟道庫漕項專為濟運釐局所收釐金亦各有奉撥要需現在建關築路均係格外撙節概從儉約而清理通商基地給發民間田廬遷徙價值綜計為數較鉅如蘇局道庫力有不繼應由江海鎮江兩關協力添墊俾得剋期集事據蘇松晉糧道陸元鼎會同蘇滙兩釐局詳請具

奏前來臣復查無異除咨總理衙門戶部查照外謹會同通商大臣兩江總督臣劉坤一附片具陳伏乞
聖鑒 奏奉 硃批該衙門知道欽此 郵鈔

咨准續撥蘇州開埠經費

戶部為咨復事江南司案呈准江蘇巡撫趙咨據蘇松督糧道陸元鼎詳稱蘇州開埠通商所需墊購道
商場基地及填築馬路建造關署等經費前奉奏准在於蘇滬兩釐局庫撥銀四萬兩蘇糧道庫撥銀六
萬兩先行開辦設有不敷再由糧道撥局兩庫籌湊俟征起關稅等項歸還並咨部照查在案茲查前項
奏撥銀十萬兩支放將次告罄所有購地築路建關等事需用正在吃緊約計尚須籌撥銀五萬兩蘇滬
兩釐局庫項現因歸還洋款搜括無遺惟有照案請飭蘇糧道庫照數籌借等情查道庫所存漕項皆係
濟運要款本屬無從挪借惟現在開埠通商所辦購地築路建關等事均關緊要自應照數籌解蘇藩司
濟用應請俟通商場地價詳定後即於收起日商所繳地價內先行提還等情據此咨達前來查蘇省開
埠通商填築馬路建造關署等項經費前據江蘇巡撫奏明由蘇滬釐局蘇松糧道暫挪銀十萬兩先行
墊應開工不敷之款由道局各庫籌湊俟關稅起征解還歸墊等因在案茲據咨稱前撥銀十萬兩支放
將次告罄尚須撥銀五萬兩由蘇松糧道照數籌解等語查前項經費既經奏明有案自應准其由蘇松
糧道籌解仍令俟關稅起征照數籌還報部查核相應咨復江蘇巡撫查照可也光緒 年 月

日咨蘇撫約章分類輯要

二十四年總理衙門 奏竊查泰西各國首重商務不惜廣開通國口岸任令各國通商設關權稅以收巨國

洋關稅則

二十一

足民之效中國自通商以來關稅逐漸加增近年征至二千餘萬京協各餉多半取給於此惟是籌道擘款等項支用愈繁籌撥恆苦不繼臣等再四籌維計惟添設通商口岸藉裨餉源查湖南岳州府地方濱臨大江兵商各船往來甚便將來粵漢鐵路既通廣東香港百貨皆可由此出口實爲湘鄂交界第一要埠比來湖南風氣漸開該處又與湖北昆連華人爲所習覓若作爲通商口岸揆之地勢人情均稱便利又福建福甯府所屬之三都澳地界福安甯德兩縣之間距福州省城陸路二百餘里爲福州後路門戶形勢險要閩粵商船亦多會萃於此臣等公同商酌擬於該兩處添開通商口岸庶可振興商務擴充利源如蒙 俞允卽由臣等咨行各該省將軍督撫先將應辦事宜妥速籌備再由臣等酌定開辦日期照會各國駐京使臣飭飭總稅務司查照辦理所有添開通商口岸緣由理合恭摺具陳伏乞 聖鑒謹 奏光緒二十四年三月初三日具奏奉 硃批依議欽此 卹鈔

總理衙門又奏 臣等於本年三月初三日奏請湖南岳州府福建福甯府所屬之三都澳開設通商口岸奉 旨允准在案茲查直隸撫甯縣屬北戴河至海濱之秦王島隆冬不封每年津河凍後開平局船由此運煤郵政包封亦附此出入與津榆鐵路甚近若將秦王島開作通商口岸與津榆鐵路相近殊於商務有益如蒙 俞允卽由臣等咨行北洋大臣順天府尹先將應辦事宜妥速籌備定期開辦所有添開秦王島通商口岸緣由理合附片具陳伏乞 聖鑒謹 奏光緒二十四年三月初五日具奏奉 硃批依議欽此 卹鈔

總稅司赫議開三口申呈

總稅司申呈奏到本年四月初七日鈞劄內開准美國田大臣照稱據美國人遞來多稟內稱請將由泰
王島至戴緒河洋人建屋處沿海岸往內三里地方及往東北至泰王島對面地方均歸歸通商地界等
因前來除咨行北洋大臣查核酌辦外相應抄錄照會札行總稅務司查照轉飭津關稅務司就近督酌
情形會同關道妥籌辦法等因奉此總稅務司竊維貴署奏請添開口岸三處准各洋商前往貿易此係
自開商埠與約開之通商口岸原屬不同其自主之權仍存未分惟洋商起彼居住必將請設照通商口
岸之辦法辦理若允所請與大局並無妨礙而亦可免其饒舌然亟應另設善法律有與他口岸顯示區
別而保自主之權即如各該處商民將來所立之工部局徵收房租管理街道一切事宜只應統設一局
不應分國立局其局內應有該省委派管理商埠之官員並該口之稅務司督同局中董事料理一切且
翻譯商民如有詞訟案件應設有會訊公所並定立會訊章程以期平理訟獄如此辦理似足以伸權力
至泰王島一處美國所請由泰王島至戴緒河沿海往內三里劃歸通商地界一節似無不可照允之處
現奉前因除轉飭津海關稅務司就近督酌情形會同關道妥籌辦法申復外理合備文先行申復貴署
門鑒查可也光緒二十四年 月 日呈總署鈔章分類摘要

總署咨三口派員辦理情形

總理衙門咨案查本衙門奏准於湖南岳州府福建福甯屬之三都澳直隸撫甯縣之泰王島等處通商
口岸當經欽遵咨行并飭飭總稅務司妥籌辦理在案茲據總稅務司申稱岳州地方為湘鄂交界第一
要埠似宜專派關道駐劄經理一切至三都澳一處似可作為與沿海各口來往貿易之區該處既屬

省所屬或由閩浙督憲福州軍憲照廈門辦法遴派委員駐彼辦理其秦王島地方距天津甚近或由津海關道或由北洋大臣選派委員駐劄且各口應以何處為口岸准商人租地建行之界應指何處為停船起下貨物之所一切界址均宜先事妥籌派委稅務司等前往一節查岳州一處現擬遷令沙市關稅務司肅務滿德國人聽候調派三都澳一處擬令閩海關副稅務司單爾俄國人署理該處之稅務司聽候調派均俟定有開辦日期分飭各該員先期前往會同地方官劃分界址籌備一切事宜其秦王島一處擬飭津海關稅務司派委幫辦前往經理一切所有出入款目專為開報俟將來貿易暢旺再行酌派稅務司經理統酌核示遵等因前來本衙門查總稅務司所擬大略辦法尚為周妥除俟各該處開辦有期再行札令總稅務司分飭所派各稅務司等前往會同地方官商辦一切外相應咨行貴撫查照辦理仍將籌辦情形隨時盤復以憑酌核光緒二十四年閏三月初三日咨三口約事分發核辦

吏部咨奉 上諭湖南岳常澧道移駐岳州兼岳關監督

吏部咨光緒二十五年六月二十五日據文選司案呈內閣抄出湖廣總督張等奏稱湖南岳州府現在欽奉 諭旨開設通商口岸事屬創辦舉凡稅務商務及華洋交涉事件在在均關緊要自應查照各條關成案設立關道督辦以專責成查分巡岳州等府之岳常澧道原駐澧州與岳州郡地隔重湖既恐疆長莫及然若另行增置又復糜費滋多臣等往復相商擬請將分巡岳常澧道移駐岳州兼管岳州關監督事務所有一切通商開埠事宜得以就近經理可免增設之煩雖與原駐之澧州相距稍遠然岳澧二府州均係該道轄境之區茲查岳澧州與前此適屬岳郡情事正復相同權其輕重今日之岳郡為新開通

商口岸華洋交涉事務殷煩較之澧州尤為重要如蒙 旨允移設其與道署現關添設委員巡捕等事自當督飭該道妥為籌議漸次舉辦隨時 奏陳應請 敕下禮部鑄造岳州關監督之關防一顆祇領開用以昭信守等因光緒二十五年五月二十三日奉 硃批依議欽此岳州關監督約章分類

又總理衙門奏准軍機處鈔交廣西巡撫黃槐森具奏遵查廣西南甯地方擬請設立商埠一摺光緒二十四年十二月初二日奉 硃批該衙門速議具奏欽此查閱原奏稱准軍機大臣字寄光緒二十四年六月二十三日奉 上諭歐洲通例凡通商口岸各國均不得侵佔現當海禁洞開強鄰環伺欲圖商務流通應杜覬覦惟有廣開口岸之一法三月間業經准如總理各國事務衙門王大臣奏將湖南岳州福建三都澳直隸秦王島開作口岸嗣據該衙門議覆中允黃思永條陳謂各省察看地方情形廣設口岸現在尙無成議著沿江沿邊各將軍督撫迅就各省地方悉心籌度如有形勢扼要商賈輻輳之區可以推廣口岸展拓商埠者即行咨商總理衙門辦理惟須詳定節目不准劃作租界以均利益而保事權該將軍督撫等籌定辦法即著迅速具奏等因欽此遵查中外各國通商口岸其地方一切權利皆歸本國管轄無論何國商人祇能懋遷貨物不得干預地方中國自開海禁以來許各國分劃租界浸假而派設領事巡捕水面則停泊兵輪界內則強收捐項授人以柄失中國固有之權啟強鄰覬覦之漸他不具論即梧州上年新立通商碼頭各國即索立租界紳民多齟齬疊經嚴飭地方官不激不隨善為因應雖辦理幸臻妥洽而權利終嫌交侵因於欽奉 明詔後即詳察廣西通省情形當以左江南甯府為要著此次出省巡閱路經南甯見其

地勢山環水抱雖間有淺水石灘而統匯左右兩江河身深闊上控龍州下通潯梧又爲雲貴兩省必經之途邊防倚爲轉運後路誠爲上游重鎮復於閱兵後詳詢官紳衆稱地當四達早年商務極爲興旺直駕潯梧而上前明於此設關爲越南互市之所後經停止本年曾有德國商人潛圖購地基議價未成臣維此地形勢既極扼要商務又極流通邇來龍州復開辦鐵路將來商賈更富輻輳若不先立口岸誠恐他人扼梧州之例求請又增 朝廷南顧之憂擬請按照湖南岳州府等處成案開作口岸不准劃作租界以均利益而保事權等語臣等查廣西南甯地方形勢既屬扼要商務又復流通上年英國使臣寶納樂曾稱南甯實包括在西江之內欲請一律開爲口岸本年該使又迭次催請開辦臣等覆以俟行查廣西巡撫察看地方商務再行酌定今該撫既有此請臣等酌度情形與外人援例求請而後准行轉致授權於人不如自開口岸尙可示以限制擬請如該撫所奏將南甯作爲中國自設口岸比照岳州府成案一體辦理如蒙俞允卽由臣衙門行知該撫議定詳細節目咨送核定一面先行照會各國公使遵照所有遵議緣由理合繕摺具陳伏乞 聖鑒謹奏光緒二十四年十二月十九日具奏奉 硃批依議欽此卹

皇朝政典類纂卷一百一

征權二十

洋關稅則開章

隨結報明罰款銀兩

總理衙門咨查洋商罰款及船貨入官皆應歸中國收辦各關口自應按結報明俾各洋商遵照條約並無罰項亦應隨結聲敘方為明晰乃查各口所報征收稅數並未將罰款分別開載亦未將各洋商有無罰項按結報明本衙門於此項銀兩雖不必提解京師而稽查不可無據相應咨行自上年開辦以來所收罰款逐一查明咨覆本衙門並飭各關口嗣後有無罰款務令隨結聲明毋得仍前遺漏是為至要同治元年十二月二十二日咨各省約章分類輯要

通商各口募用外國人幫辦稅務章程

總理衙門咨同治三年七月十一日據總稅務司赫德呈報查通商各口除瓊州外現有口岸十四處均設有稅務司會同各關監督辦理稅務惟稅司之下有幫辦人等在公事房辦理事件又有杆子手在船驗貨及稽查偷漏等事目下統計各關幫辦者有八十餘人杆子手亦有三百名之多若不定立章程俾知遵守無以昭畫一而示勸懲茲擬章程二十六條呈請酌核等因前來本衙門查各關事務紛繁幫辦及杆子手等為數亦復不少必須定立章程庶各關稅務司辦理不致參差而該幫辦杆子手等亦得所遵循該稅務司百所請不為無見其所定章程二十六條經本衙門詳加酌核刪改增添共成二十七條劄知該總稅務司

遵辦內第十九條內載若無總稅務司及本關監督文書不准僱用洋商船隻作為巡船一節查此條係為預防各關所用外國人任便為中國僱覓洋船起見總稅務司及該關監督行文稅務司僱備巡船其僱價由稅務司於該關議定經費項下支發如未經總稅務司及監督行文稅務司擅行僱備應不准其開銷至該關監督如有自用巡船之處船由該監督自行僱備即由監督調遣所需經費亦由該關自行籌辦不得動用各關稅務司經費之款除飭知赫總稅務司照辦外相應將本衙門改定章程二十七條鈔錄一紙咨行查照並將此項章程照錄通行各該關監督一體遵照辦理同治三年七月咨各省

一總稅務司凡有應申陳本衙門事件及更換各口稅務司務即隨時申報本衙門查核仍一面分別申陳南北洋通商大臣並知會各本關監督

一總稅務司係總理衙門所派至各口稅務司及各項辦公外國人等中國不能知其好歹如有不妥惟該總稅務司是問

一各關所有外國人幫辦稅務事宜均由總稅務司募請調派其薪水如何增減其調往各口以及應行撤退均由總稅務司作主若其關稅務司及各項幫辦人內如有辦理不妥之人即應由該關監督一面詳報通商大臣及總理衙門一面行文總稅務司查辦

一各關雖係征收洋商之稅然其實中國之公事所用之銀雖非中國人其所辦係中國之事其薪水亦中國所發應與中國人格外盡心辦公其與中國官民有交涉事件尤須格外以禮相待彼此不可猜疑慢

一各關所用之人以各人分內應辦之事爲第一緊要務當盡心盡力至泰西所有各項新法大有便益於日用常行爲中國所未有者若與地方官民相處浹洽議論試行雖屬同仁之義然究爲餘事總以分內應辦之事爲主不可因此而誤公彼此均不可勉強以必行

一各口稅務司係總稅務司所派之員倘手下之人有懈怠誤公者惟該稅務司是問各該稅務司於各口收稅章程各國通商條約並外國商情本應熟悉且於中國情形較各項洋人尤爲透澈辦理稅務一切事宜務求妥協若有任性偏執或與監督會商並不悉心陳說以致誤會辦事乖謬進退兩難是該稅務司才不勝任之據定即撤退

一各口稅務司如有才不勝任及辦事錯誤者係惟總稅務司是問至通商各口辦理收稅事宜如有不妥均係各關監督之責成是以凡有公事自應歸監督作主如此則稅務司所辦之事即監督手下之事惟稅務司係總稅務司所派之人非監督屬員可比然不得因非其所屬遇事招搖攪權有礙公事以致監督難專其責

一各口稅務司於各國所派領事官常有交涉事件若領事官非作買賣稅務司與之交好自於公事有益惟當論事辦事之間愈當以凡事均係監督責成不可稍存侵權見好之心致罹咎讎

一各口稅務司人等逐日在關與商民交涉均應設法重稅課順商情查各口章程分兩項一係禁止作弊以重稅課一係將稅務各事曉諭各商以順商情是以各口稅司除嚴行防堵走私偷漏外應每日在關察看所用之人是否盡心辦公隨時體恤各商有無刁難之處且買賣爲稅課之本若令人爲難不順其情不

免與稅有礙應由各該稅務司細心斟酌地方情形多便貿易以期多收稅餉但不可與章程條約相背

一各口稅務司手下之人內有日後可勝司稅之任應由現任稅務司爲之表率令其妥悉稅務並應留心學習漢文漢語以期日後可用

一各口派稅務司係專爲幫辦稅務起見其稅務外地方各事與之無涉本不應干預惟稅務司與地方官民相處熟悉遇有外國人與地方交涉之事從中調處兩受其益原不在禁止之例然須將所處之事及來往信件均須報知總稅務司若處置乖謬以致別生事端總稅務司不能代任其咎亦必將其懲儆

一各口稅務司內有代理人員與署理無異代理署理人員均與責任無異其來往文書均用平移不得自爲高下

一各口稅務司若無總稅務司明文准行不得出駐紮之府界擅離職守如有緊要事件必須親往應一面具文申報總稅務司並先行知會該關監督其關上公事應交安人接手照料不得有誤其所管沿海各處有隨時稽查之事准其派本關人往查

一各關所有總辦幫辦通事并子手頭目四項人等應領薪水不得由該關稅務司增減亦不得任意撤退若內有不妥之人卽准暫停薪水不令赴關辦事一面申報總稅務司示遵如此四項人內有自行辭退者亦隨時具報總稅務司以便另行選派

一通事之外各關所用之中國人以及外國并子手人等如有不妥卽由該口稅務司立刻撤退如係書辦應知照監督如係并子手應報明總稅務司

一各關所用如中國人月領銀在十兩以上外國人月領銀在大十兩以上者不得由該關稅務司自行增
添薪水

一各關之外國人除扞子手外若非總稅務司派來之人概不准在關上干預公事

一若無總稅務司本關監督文書不准雇用洋商船隻作為巡船

一若有在關上阻撓公事生端擾害之人如係中國人即請由監督懲辦如係外國人應請監督行文該國
領事官查辦若領事不肯秉公辦理即將情由申報總稅務司並請監督及總稅務司申詳總理衙門各口
稅司均不得擅自究斷

一各口稅務司每逢結底將結內收支罰三項各款照前式摺報及遇事隨時具報外每於月底須將該口
買賣收稅各情形簡明報知均須端楷寫漢文報摺不得挖補

一遇有別口發來單照內有錯誤或探聞別處界內偷漏情弊應行文該口稅務司查照該口稅務司即行
查辦並一面知照該關監督

一各口收稅除載在條約者無可更改外其日行詳細章程亦應永遠遵辦如其中實有因時制宜必須隨
時更改者務當先期中請酌核不得擅自更改按所謂日行詳細章程即後列之進出口上下貨稅司簡明
章程

一稅務司總辦幫辦扞子手頭目俟過五年後准告一年之假領一半薪俸回國休息須先三箇月請假以
便擇人更換通事每三年准告假三箇月領全薪俸均由議定各關稅務司經費項下支給

一各口稅務司總辦幫辦并子手頭目四項若有不安由總稅務司一人作主撤退或前期三箇月諭知起身回國時卽不另發銀兩若立時撤退者發給三個月俸銀飭令起身若歷過五年自行因病回國並非因事撤退者給予半年薪俸歷過十年者賞給一年二十年者賞給二年亦均由議定各關稅務司經費項下支給其各關稅務司如有更動總稅務司隨時知照該關監督

一凡稅務司與該口監督來往日行事件除尋常事件毋庸鈔錄外如有緊要之事鈔報總稅務司查核若與地方官有不得已行之者無論是否有關稅務均須鈔錄具報倘有應行申呈總理衙門事件必須開具節略蓋印書押呈送總稅務司轉呈

一總稅務司所請在該關公事房內辦事之外國人分爲六等一稅務司一總辦一頭等幫辦一二等幫辦一三等幫辦一四等幫辦內如有告假回國派以次之人接辦准支本身薪俸一半署缺薪俸一半亦均由議定各關稅務司經費項下支給

以上共章程二十七款各口稅務司務須一一遵守如有違背者立卽撤退謹按章程內有各關管轄地段一條現因各處添開口岸所管地段略有不同故從節去 約章分類輯要

洋關外國巡丁巡船應給牌照

粵海關案照各洋關所用外國巡丁應給牌照前經飭據江海關查明該關向辦章程轉行照辦嗣准總理衙門咨開此項牌照酌照上海道所定辦法洵屬簡明周妥應准照辦並據赫總稅務司申稱議及外海地面不歸地方官管轄各口船隻公共往來處所此等口外處所較之口內關係更爲緊要緣口內由地方

官管理口外卽大海不歸地方係屬各國通衢在彼來往辦公之船應有各國共信之據各海關所發之照在口外卽如廢紙須由總理衙門發給牌照等語當因外海內江地面凡屬中華者各有分省分界管轄之處其海外公共往來地面巡查緝私事所罕有問有各省僱用輪船及各營艇船巡洋捕盜非專爲查外國船而設亦應有旗號牌照爲憑又經悉心核擬所有各關口內已設巡丁牌照應仍照江海關向章辦理其有江海口外巡私及來往辦公之船所需牌照應否分別辦理議將各關巡船在口外者由該處管關監督查照轉請該管通商大臣核發至僱用輪船與外海水師各項艇船巡洋捕盜及來往辦公者由該管文武衙門查明轉請該督撫核發牌照以便稽查而杜冒混咨覆察奪去後於同治五年正月二十四日承准總理衙門咨開口內巡丁牌照均照上海章程辦理口外巡船其隸在各關者由各該監督詳請通商大臣核發牌照其隸在各省者由各該地方官詳請督撫核發牌照所議甚屬詳晰應如所議辦理希卽飭飭各關暨轉行各省一體照辦同治五年三月二十八日咨沿海各省約章分類輯要

華商購造出洋大輪船及夾板等項船隻章程

一凡有華商欲置夾板等船應赴本口監督衙內稟明由監督詳查本人實屬華民並無假借等弊卽發買船准單內將華商姓名籍貫註明發該商執領前赴新關由稅務司掛號在准單空白內照填英文發還該商承買備買船後復經查出假借等情卽將該船入官

一凡領准單者遇有合式船隻先應由稅務司派人前往查明實係能出海堪用之船俟議明價值帶同賣主赴該國領事官衙門將准單呈驗由該領事查明並無假冒借名等弊卽准立據將船契畫押蓋印發交

華商收領其原領外國船牌由領事官立即查銷

一凡領船契者應赴新關由稅務司查驗掛號將該船寬闊若干噸數若干及本船式樣詳細開單請由監督將牌照填註送回照填英文發給華商收執一面飭繳牌費銀三百兩

一凡領牌照船隻其船名須在船尾大書並將牌照之號數用漢洋文字書明船頭兩旁日後不得私自更改

一領牌後若有遺失該商即赴關報明補領倘非在原口遺失仍須按情稟報並請先發暫用憑據俟回原口將暫用之據赴關呈繳補請牌照如遇有遭風失火等情均應赴關報明或止將牌照救出亦應呈繳不得隱匿干咎

一凡領牌照之船須將噸數若干並牌照號數於船中桅上刻明

一凡買船契應填價值備船內有抵押未清之項乃客商平常私事與官無涉

一日後擬將該船改樣式該商應將所改之處開單赴關稟明請於原牌內添註由原口改註底簿

一凡船應以一百分為算如一人之船船牌註明一百分歸某人若數人有分即按股分計算

一凡船僱係會館置買請領准單船牌等件應由會館首事料理

一凡華商日後欲將船隻轉賣倘係賣與外國人須赴關報明將船牌呈繳由原領之關查銷倘賣與別華商應帶同買主赴監督衙門稟明核准寫立賣契一面將原牌繳回換領新牌仍用原號原名赴新關掛號請由稅務司填註英文

一凡華商如有情願自造夾板等項船隻亦應一律先赴監督衙門請發造船准單赴關填註英文俟船造畢由稅務司派人勘量開具清單照請發給牌照

一凡有華商夾板等船請領牌照者准赴外國貿易並准在中國通商各口來往不得私赴沿海別口亦不得任意進泊內地湖河各口致有碰壞船隻

一凡船進口時須將船牌等件呈存稅務司出口時領回至何處泊船如何起下貨物請領准單呈具報單一切事宜均照洋船定例辦理

一凡船所裝貨物均照洋商稅則納稅其船鈔照納

一凡結底應由各口稅務司將此項船隻完稅若干分款開列由總稅司轉報

一華商買用此等船隻所用管船夥長應用華人以期易知中國各項法度方可為一船之主

一凡有外國人受僱充船工者須先將本國考驗可充船工之據呈由稅務司驗明俟僱定後即由稅務司將該船工係何國人何姓名並受僱月日註明船牌如日後更換宜將辭工之日添註

一凡船工須照洋船規矩在船記事簿內按日註明經過之事

一凡華商夾板等船須立水手名單內將各水手姓名籍貫年歲工銀註明倘僱有外國人充當水手須帶赴領事官或稅務司畫押受僱

一船出口之後如水手人等有不法者即由船工將其捆押俟進口交稅務司轉送監督或領事官分別辦理

一凡有華商買用夾板等船未遵以上各章應由監督會同稅務司先將船扣留據情罰辦

一凡華民夾板等船違犯洋商船隻應遵條約載明各章即由監督會同稅務司酌量將此船一體罰辦

一凡有起下貨物違犯該關章程即由監督會同稅務司酌定或將貨入官或將該商議罰

查此項章程前於同治五年原擬二十六款嗣於六年十一月內總署來文將第一第六兩款刪去僅存二

十四條遇飭遵行約章分類彙

各關擊獲走漏貨物充公應分別辦理

總理衙門咨同治十三年六月十六日據總稅務司申稱各關罰辦充公銀兩除賞緝人及賞獲私之人外

提三成歸該關監督三成歸總理衙門其四成則由各該稅司繳歸總稅務司處辦公厯經遵辦在案惟查

各關擊獲走漏各案雖同出於緝私而情節各異其間有未能一律辦理者自不能無所區別之處竊維凡

私貨應以三項分之一平時出進各口按稅則納稅之貨物此係官民通用者易於變價即可賣於衆人一

係善後條約第五條內開奉有特准之明文不准進口之硝磺白鉛等物並第三款內開之內地食鹽此非

商民所徑行販賣之件止准賣與奉明文之官商一係善後條約第三款所開軍器等類之違禁貨物此更

非商民買賣之物可比必須官為之買方准進口若附近地方官無銷售處即轉行飭送香港地方變價緣

此銀兩為獎賞急需必須趕緊變賣始於後來之公事有益此外另有一種器械半係淫褻畫圖在內者此

種物固中外例禁之件凡拿獲此等物件須先將原件提出送至總稅務司處查明如實係淫褻不堪之物

屬化飲關自應焚燬為是如僅止玩物飲住其間並無淫褻之處亦須候飭行擲還原商如此分別辦理

似爲允當現經總稅務司通行轉飭各口稅務司一體照辦以符定章而歸畫一等因申請查照前來相應據文咨行轉飭各關監督一律查照同治十三年七月咨北洋按津關搜獲違禁軍器係票明送交軍械所併先行估價提賞已列違禁貨物門應行參仿約章分類輯要互見稽罰類

光緒元年總理衙門奏爲各海關稅餉遞增原定經費不敷辦公謹將酌加銀數請旨准給遵行仰祈聖鑒事查本年八月間據總稅務司赫德申稱同治二年間奉到臣衙門咨文各關經費每年以七十萬二百兩爲度嗣後稍加因領至七十四萬八千二百兩唯當同治元年時各關征收稅餉合計不過六百六十三萬兩至十三年則增至一千一百四十九萬兩稅餉日見增加則各口所需之人不能不逐漸加增統核各關經費所出之數已逾經費所入之數入不敷出仍請照前稅餉至一千萬兩即可增加經費之議准給經費一百二十萬兩等因臣等查從前總稅務司李泰國請給各關經費臣等以關口之大小稅務之繁簡擬定經費之多寡計給各海關每年經費七十萬二百兩於同治二年五月間附片陳明奉旨允准在案四年冬間總稅務司赫德因牛莊關常津兩稅較旺申請於該關按月坐支銀一千五百兩以資緝私六年二月間復據該總稅務司申稱山海東海臺灣淡水四關應月增經費二千五百兩藉以巡緝偷漏各等因均經臣衙門先後具奏奉旨允准各在案現據總稅務司赫德申請添加各關經費臣等查同治二年間奏定經費七十萬二百兩其時一年所收之稅不過六百數十萬兩查同治十年至十三年每年各關均收至一千一百萬兩有餘經費自應議加該總稅務司申稱各關經費入不敷出亦係實在情形且同治六年間該總稅務司會請加添經費臣等告以所收稅餉能否暢旺尙未可知如果將來收至一千萬兩以外確

有成效屆時再議加增等語當於是年三月間附片內聲明唯現在稅餉已逾千萬該總稅務司連請添至一百二十萬兩之多臣等公同商酌於舊有經費七十四萬八千二百兩外增添三十五萬兩並與議定嗣後約以七十萬兩為收稅一千萬兩之經費將來關稅非過一千五百萬兩不得再為請益所有議加之經費三十五萬兩並前有之七十四萬八千二百兩統共各關經費每年一百九萬八千二百兩自本年十二月初五日第六十二結起查照發給如蒙 允准當由 臣衙門分別咨劄戶部南北洋大臣暨總稅務司各關監督遵照辦理所有臣等酌加各海關經費銀數緣由理合恭摺具奏伏乞 聖鑒十一月初八日奉 旨依議欽此 謹錄

計開各關增加經費清單

江海關年終稅數三百二十五萬兩現在每月經費一萬五千兩應請每月給一萬兩計每年二十四萬兩

閩海關年終稅數一百八十八萬兩現在每月經費六千兩應請每月給一萬一千五百兩計每年一十三萬八千兩

江漢關年終稅數一百四十五萬兩現在每月經費五千兩應請每月給一萬兩計每年一十二萬兩

粵海關年終稅數九十一萬兩現在每月經費銀一萬兩應請每月仍給一萬兩計每年十二萬兩

浙海關年終稅數七十六萬兩現在每月經費二千六百兩應請每月給六千兩計每年七萬二千兩

九江關年終稅數六十七萬兩現在每月經費四千兩應請每月給六千兩計每年七萬二千兩

廈門關年終稅數五十八萬兩現在每月經費四千兩應請每月給六千兩計每年七萬二千兩

潮海關年終稅數六十六萬兩現在每月經費二千六百兩應請每月給六千兩計每年七萬二千兩

津海關年終稅數三十七萬兩現在每月經費二千五百五十兩應請每月給三千兩計每年三萬六千兩

東海關年終稅數三十一萬兩現在每月經費三千兩應請每月仍給三千兩計每年三萬六千兩

山海關年終稅數一十九萬兩現在每月經費二千兩應請每月給三千兩計每年三萬六千兩

鎮江關年終稅數一十五萬兩現在每月經費二千六百兩應請每月給三千兩計每年三萬六千兩

臺灣關年終稅數一十三萬兩現在每月經費一千五百兩應請每月給二千兩計每年二萬四千兩

淡水關年終稅數一十二萬兩現在每月經費一千五百兩應請每月給二千兩計每年二萬四千兩

以上十四關共准給經費銀一百零九萬八千二百兩由總理衙門咨行各省飭各關自本年十二月初五日即第六十二結起按月查照發給辦理在案約章分類輯要

關役每屆七年賞給一年薪俸

總理衙門咨光緒二年四月二十三日准赫總稅務司申稱各口岸辦事人員擬改每屆七年賞給一年薪俸等因前來查所稱各情雖比初定章程較豐而各員効力多年得此可以多沾利益嗣後各口稅務司等遇有每屆七年者即由該總稅務司按照此次所擬辦理除飭復赫總稅務司外相應鈔錄原呈咨行轉飭各關道查照光緒二年四月咨

北洋

附錄赫總稅務司申呈

爲申呈事竊於同治三年七月十二日呈稱現在十四處口岸均設有稅務司並幫辦人員及稽查偷漏等事并準等計共各關人數甚多非立定章程俾知遵守無以昭畫一據章程二十六條請核已於同治三年七月十九日奉到貴衙門復內開所定章程均屬周妥由本衙門酌改數處並增添一條作爲第一條共成二十七條另錄劄知卽照等因當經總稅務司定年遵照辦理在案現有章程第二十五條內載若歷過五年自行因病回國并非因事撤退者給予半年薪俸歷過十年者賞給一年二十年者賞給二年亦均由釐定各關稅務司經費項下支給等語查各關歷過五年與歷過十年而回國者其人甚少大率皆思待二十年後始行回國而總稅務司則不得不各備以二年薪俸預存於銀號之中日積月累所存漸成鉅款關時既久銀號倘有不虞有大爲不便之處因是之故則前所定章自宜略有更改爲妥總稅務司現擬於各在事者每歷七年卽賞給一年之薪俸一次如此在各員雖於應得者稍有多寡之差而較之初定之章程於經費既無甚出入並於各員既得賞銀在先亦可自行籌維利益多沾且於積存鉅款日久銀號開業之虞可稍釋矣以故擬請貴衙門准將初訂舊章內所開之字樣改爲凡在關每歷七年者准由總稅務司酌給一年之薪俸一次作爲日後養餘年之費並准由總稅務司按照各員在關辦事是否勝任之處酌量給留以資獎勵而昭勸懲至其銀兩亦均由議定各關經費項下支給等語爲妥所擬此章尙係大略先行如此辦理至其詳細一俟行定後自當由總稅務司隨時申陳一是所有先擬更訂賞給各關人等薪俸之處可否宜行合卽備文申請裁奪迅爲示復約章分類輯要

新開瓊州等五關核定經費

總理衙門咨光緒三年二月初四日據總稅務司申稱新開通商口岸五處派委稅務司等經費甚鉅內領十四關經費之數不敷開銷請於瓊州關每月給經費銀二千五百兩北海關每月給經費銀二千五百兩温州關每月給經費銀四千兩蕪湖關每月給經費銀三千兩宜昌關每月給經費銀五千兩以資辦公從本年二月十八日起按月發交等因查江海粵海潮州浙海津海閩海六關開辦之時自第一結至第四結共征正半稅銀五百七萬兩零是年共用經費銀二十八萬兩零第五結至第八結添開長江三口及廈門海關共征正半稅銀七百二十五萬兩零是年共用經費銀四十四萬兩零光緒元年十月間本衙門奏請酌加各關經費摺內聲明議定嗣後約以七十萬兩為收稅一千萬兩之經費等因咨行在案今新開瓊州等五關自應視收稅之盈絀以定經費之多寡庶與成案相符本衙門業經飭行總稅務司轉飭瓊州等五關稅務司等務須實力征收稅課所需各項照案以每年收稅百萬支給經費七萬之數先為試辦即自本年二月十八日為始一律支給俟一年後再憑各關收稅數目酌定經費以昭平允至舊開之十四關前因收稅暢旺是以酌增經費如或嗣後收稅漸少所需經費亦應酌量刪減以歸核實相應咨行光緒三年二月二十五日咨

北洋 勅 諭 分 類 輯 要

核定各關放假日期

總理衙門咨光緒三年十二月初九日據赫總稅務司申呈以各關放假日期請通飭各口以歸畫一等情前來除由本衙門飭復外相應鈔錄赫總稅務司原呈咨行轉飭照辦光緒三年十二月咨

北洋

附錄赫總稅務司申呈

為申呈事竊查各關章程除禮拜暨年節等日應行放假外每日係自早十點鐘起至午後四點鐘止在關辦公而各船裝卸係自日出至日入為限如欲於夜中暨禮拜年節應行放假之日上下貨物亦可惟須特請專章遵繳專單各口歷經照辦在案查所謂禮拜之日人所共知並無異詞惟於所謂年節即應行放假日期各關辦法不一以致藉生口舌因思外國商民船隻既係連涉重洋前來貿易未便耽延其事則雖放假之日不應從繁多定然中國所遵奉之日亦不可忽略不論查外國除禮拜之日外則以正月初一日並三四月間新月後之禮拜五暨十二月二十五日共三日為應行放假之期而中國以正月初一二三五月初五八月十五日暨 皇上萬壽均應放假新關向守此規如貴衙門視為妥善應請咨行通飭各口即將以上日期作為新關放假之日此外不得放假以歸畫一是否可行應請酌核示遵 鈔章分類謹安

總稅務司詳定華商購造小輪船章程

為申呈事竊現據津海關稅務司申呈近年屢有上海等口華商購造小輪船以為拖船渡船之用此項船隻似應請領牌照等據以便各關稽察而免弊端查同治六年間所訂華商置用火輪夾板等船章程第一款之第三第十二等條內開凡華商自造火輪夾板等船應先赴監督衙門請發造船准單赴關添註英文俟船造畢由稅務司派人勘量發照並飭繳牌費銀三百兩等語伏思此章係指華洋購造出洋之火輪夾板等項大船以為運貨搭客之用而言惟近年以來各口所造之小輪船若照同治年之章與大船一律飭繳牌費銀三百兩而不示以區別誠屬過重茲特為此項小輪船酌擬章程數條附錄於後

一 通商各口之華洋船塢承造小輪船應於將造成時將該船係某官某商製用並噸數若干等情先行赴關報明

二 新關接到船塢報明各情即派理船廳勘量噸數詳細開單請由監督核發船牌交該船收執一面飭繳牌費銀五十兩

三 所造船隻如專為官用不裝運應稅貨物毋庸照納船鈔

四 所造船隻如係商人裝運貨物或為拖船無論噸數多少均須照納船鈔

五 所造船隻如僅為渡船或為游歷之船不裝運應稅貨物毋庸照納船鈔

六 所造船隻領船牌掛號後應按年將船牌呈由稅務司查驗核辦

查以上六條係於光緒十年津海關稅司創議尙未核定下文刪作五條又由江海關道擬增二條共七條核定頒行

以上所擬章程是否可增列華商製用火輪夾板等船章程之內請為酌核施行等因其申前來總稅務司查近來所造之小輪船與裝貨搭客出洋之大輪船大有不同此項小船係各口內所用之船雖有拖船裝貨搭客寄信之別而其船事與各口之剝船舢板等小船情勢無殊除其拖帶者應照拖帶專章納鈔外其餘似可照剝船之例免鈔惟此等小輪船日多一日即宜議定章程給以遵守乃不致漫無稽察管束其船雖小而其置價銀自千兩至萬兩不等極應報關領牌繳費為是至津關稅務司所擬各章事皆可行但應有略為更易後先之處茲特酌妥列後

一凡有船鴨造作小輪船者應由船戶於船造未成以前將造船情形赴關報明由關派理船廳前往勘量噸數開單請由監督核發船牌交該船戶收執為據以下章程共五條係由總稅司與青洋關稅司呈稿

一凡有赴關領小輪船之船牌者除官辦之船勿庸繳費外其餘均應繳納牌費其船置價若在五千兩銀以下應繳費二十兩其置價若在五千兩銀以上則繳費五十兩

一凡有赴關領牌之小輪船者除拖帶輪船應照拖船之專章納鈔外其餘各船則免納鈔

一凡有小輪船或官辦或商辦赴關領牌者均須於領牌後按年赴關呈牌備驗

一凡有現已造成下水駛用之小輪船應即照現定之章赴關報由理船廳勘量噸數核發船牌一律辦理以上五條章程於各關管查此項小輪船事甚為得宜若貴衙門以為可行應將其章作為同治六年華商

需用火輪夾板等項船隻章程之續章分發各口轉飭照辦可也合行備文申請鑒核示復光緒十年五月二十六日

照錄總署劉總稅務司

為劉復事光緒十年五月二十日據總稅務司申稱近年上海等口華商購造小火輪船以為拖帶渡船之

用此項船隻似應請領牌照以便稽查茲特酌擬章程數條若以為可行應將其章作為同治六年華商需用火輪夾板等項船隻章程之續章分發各口轉飭照辦等情申請核示並擬章五條鈔送前來當經本衙

門咨行南洋大臣核復去後茲准南洋大臣咨復內開據江海關道詳稱現將總稅務司更定章程五條逐加酌核擬均照行另加三條預為防弊共計八條作為暫訂新章仍俟試行二年有無流弊再行刪改等情

除批辦稅務司欲定小火輪船報關領牌繳費章程該道擬請照行並另增二條又江海關一口專章一條並將所增各條逐一登註咨請核辦又准北洋大臣咨復意見相同查小火輪船行駛內河易滋流弊惟上海等口既有華商營造之小輪船亟須明定章程以示限制所有總稅務司所擬續章五條並江海關加增兩條共計七條應即一併通行沿海各口先行試辦二年察看有無流弊再行核定至上海專章一條他口不得援引除咨復^{北洋}大臣轉咨各關監督照行外相應照錄酌定章程各條飭復總稅務司轉飭各口稅務司遵照辦理可也光緒十一年二月初五日

照錄上海等口華人製造小火輪船請領牌照定章程七條

一凡有船塢造作小輪船者應由船戶於船造未成之前將造船情形赴關報明由關派員驗船前往勘量噸數開單請由監督核發船牌交該船戶收執為據

一凡有赴關領小輪船之船牌者除官辦之船勿庸繳費外其餘均應繳牌費其船牌價若在五千兩以下應繳費二十兩其價若在五千兩以上則繳費五十兩

一凡有赴關領牌之小輪船除拖帶輪船應照拖船之專章納鈔外其餘各船則免納鈔

一凡有小輪船或官辦或商辦赴關領牌者均須於領牌後按年赴關呈牌備驗

一凡有現已造成下水駛用之小輪船應即照現定之章赴關報明由理船應勘量噸數核發船牌一律照辦

一此項小火輪船無准在通商海口行駛不准載貨搭客駛入內港江河及沿海不通商地方貿易違者罰

辦並將船貨照約入官

一官督之船報官給牌登號備查牌內載明船係官用准行內河並帶官物不准帶貨搭客作貿易之事以示與商船有別

以上七條係現在暫訂章程應飭各關照辦仍俟試辦二年有無流弊再行酌量增改作為久遠定章以上章程二條係由海關總辦訂 飭章分類輯要

二十二年總理衙門 奏為各關稅項遞增暨添設洋關擬加稅司經費恭摺仰祈 聖鑒事 溯查各關設立稅務司徵收稅鈔於同治二年間歲徵銀六百餘萬兩議給各稅司辦公費銀七十萬二百兩旋於六年添設山海東海等關歲徵銀八百餘萬兩加給經費銀至七十四萬八千二百兩嗣於光緒元年各關歲徵銀一千一百餘萬兩增添經費銀一百九萬八千二百兩續於六年新開口岸增設瓊海北海瓊海海關湖宜昌五關共新舊十九關歲徵銀一千三百餘萬兩加給經費銀一百十五萬八千二百兩復於十四年各關歲徵銀一千五百餘萬兩並添設九龍拱北二關及購買緝私巡船加給經費銀一百七十三萬八千二百兩又於十九年添設龍州關自重慶及朝鮮之漢城各關加給經費銀一百八十五萬八千二百兩歷經總理衙門奏准暫行在案竊維稅務司赫德呈稱通商各關稅務司經費一事前經先後奏准每年撥發關平銀一百八十五萬八千二百兩之數而除臺南淡水兩關經費每年七萬二千兩外現在各關實發一百七十八萬六千二百兩查西藏前開昭東一關尚未徵收稅課然不能不動用經費且新添蘇關杭關沙市思茅等關均經設有稅務司等前往權前項奏准經費數目並無此新開之關在內且各關今年上半年

所徵之數較去年上半年所徵約多至一百七萬兩。舊有之關公務較繁辦公人等因之較多。又加郵政在均需費用。祇可請准添撥以資辦公。應請將年款一百八十五萬八千二百兩。奏准之數改爲一百九十六萬八千兩。并開具各關應添經費數目清單。請飭各關於光緒二十二年八月二十五日起。按月撥給。申請覈辦。前來臣等查總理衙門原議各關收稅逾一千五百萬兩。准其加增經費。比年以來。因收稅逐漸加增。迭經奏請。照章添給各該關經費。均奉 諭旨遵行。在案。今因收稅加增。并添設蘇州杭州沙市思茅等關。又加郵政在在均須費用。該稅司所請加給經費。尙屬實在。情形查請撥之數。每月加銀九千一百五十兩。每年合加銀十萬九千八百兩。合前撥共銀一百九十六萬八千兩。臣等公同酌核。其所請增撥之數。尙非無因。應如所請。照案撥給。如蒙 俞允。當由總理各國事務衙門。分咨南北洋大臣。暨札行各關監督。並總稅務司。於光緒二十二年八月二十五日。如數加撥。遵照辦理。所有臣等照案酌增各關經費。緣由。理合恭摺具陳。伏乞 聖鑒。 查江海關舊征銀每年約五百二十萬兩。現約征六百二十萬兩。原擬經費每月二萬五千八百五十兩。現擬增至二萬八千兩。 邸鈔

總稅務司詳定各項輪船辦法

爲申呈事。竊總稅務司於同治初年。擬准華人置用洋式船隻。乃期一面可免沿海之貿易。全被外國船隻佔駐。一面爲便於中國。日後建設水師。以資儲備之意。嗣於同治六年。十二年。間。即照原擬。開具章程。頒示。其大意。係華人置用洋式船隻。准往來通商口岸。按照各國條約稅則。繳稅。所有進出口貨。上下貨物。一切事宜。俱照洋船定例。歸新關管理。此項章程。歷來遵行。並無更改。於商情。有便於稅課。有益嗣後。另有一

種小輪船漸見興增此項船不宜出海但在口內之水道來往總稅務司於光緒十年時曾擬章程專為管理令其在海關請領船牌准其在本處通商海口內任便行駛若非官用或為外國人僱用游歷之船不准裝貨搭客駛入內港及沿海不通商地方等語此項小輪雖其中有外國人之船因無該國執照即無升掛國旗之理是以在中國水道行駛即應照華人之船一律辦理故立章程時曾照會各國大臣查照彼時由美比法德義日本日斯等國大臣照復允行各在案定章以後伏查輪船貿易逐年見增除往來通商口岸之大輪船與在通商口岸內行駛之小輪船兩項先後立有定章外現在尚有四類船隻應行擬章管理一為由通商口岸往來不通商口岸一為由通商口岸往來內港一為彼此不通商口岸來往一為各內地不通商處來往以上四類船隻來往各處之章程彼此不同更有無章程之處然有一節各處同情即商人皆願其船歸稅務司管理以便可得一律之定章並一定之稅則且獲迅捷及一律無異之辦法而地方官不願歸稅務司管理由稅務司管與由地方官管有一節不同凡由稅務司所管者徵收之稅須呈報總署轉報戶部而由地方官所管者反無如此呈報之定章也此項輪船以後勢必年年增多亟應立定章程以便將來遊行其故何在一蘇州杭州現開為通商口岸外國之小輪船自必亦有在運河內港行駛不易分別辦理一中國之小輪船紛紛來往易有匪船混迹其中若無定章更屬稽難以查一近來中國借款甚繁運清欠債約須四十年之久若於此項日多之輪船不定立章程聽其任便行駛不歸稅務司管理致使徵收稅餉無所把握則出借各債將以依靠償還之關稅有礙澤不甘服因此之故此項輪船現應立詳明章程以便一照辦是為至要此項章程或云應由地方官擬立呈由貴衙門鑒核惟細思其船既係洋

式船隻所有定章章程之款乃因關涉通商事宜酌定一律通行之辦法莫若照前案由總稅司擬議由貴衙門復核酌定嗣後再由各處地方官隨地酌情續添分章以便專辦本處之事茲將現擬之通行章程列後

一論往來通商口岸之大輪船凡出海之輪船仍照同治六年十二年間所立之章程辦理除特准為專事前往某處外其餘船隻祇准在通商口岸暨外洋來往即指通商口岸統共章程難見口岸商務門各類

二論通商口岸內行駛之小輪船凡通商口岸內所用之小輪船俱照光緒十一年所立之章程辦理即指以上江海關所訂章程小輪船章程七條洋商同此辦理

三論由通商口岸往來不通商口岸之船

第一凡輪船由通商口岸往來沿海暨長江不通商處所應在新關稅務司處請領同類船牌等據由監督蓋印由稅務司簽押

第二凡請領此項船牌時須納牌費銀五十兩如更換業主應於牌上改註姓名復納改費銀十兩

第三凡船隻進口出口應照平常出海之船隨時報關其在口內應遵理船牌指示停泊

第四凡僱辦管船暨水手人等須帶赴稅務司處面見登冊若係管船與管輪之人每次須納冊費銀一元若係水手每次須納冊費銀一角

第五凡船隻進口出口須由船主將進出船口單呈關查驗其起卸貨物亦應請領准單

第六凡出口貨物應由海關徵收出口正稅進口貨物應由海關徵收復進口半稅照往來通商口岸之船

雙一律辦理

第七凡在長江拖帶者被拖之船應何處候驗拖帶之船須何處停輪不得擅行過卡

四論彼此不通商口岸來往之船

辦法

第一凡由此不通商口岸往來彼不通商口岸之輪船應稟由地方官轉請就近通商海關監督發給同類船牌其牌由監督蓋印由稅務司查押由地方官復為簽記

第二凡船進出口須隨時報明常關或地方官衙門與他船載貨在該口完稅之例一律完納稅餉

第三每四箇月須照牌船之例輸納船鈔繳由地方官寄送就近海關監督轉交稅務司查收

第四凡船更換業主須將新業主之姓名報由地方官轉報監督與稅務司查照

第五凡僱辦管船管輪水手人等須帶赴地方官處面訂經管

第六凡拖帶者被拖之船應何處候驗拖帶之輪船應何處停輪不得擅行過卡

五論由通商口岸往來內港之船

辦法

第一凡輪船由通商口岸往來內港須在稅務司處請領船牌由監督蓋印由稅務司簽押應納牌費銀二十兩如更換業主須將新業主之姓名於原發之船牌上註明復納銀五兩

第二每四箇月須在海關完納船鈔

第三凡船隻每至進口出口須將由何處來往何處去裝載何項貨物等情在海關呈報

第四凡船所載之貨須照他項華船往來同處作同類貿易之例一律完納稅項

第五凡拖帶者被拖之船應何處候驗拖帶之輪船須何處停輪不得擅行過卡

六論各內地不通商處來往之船

辦法

第一凡內地不通商處來往之輪船應稟由地方官轉請就近海關監督發給船牌其牌由監督蓋印由稅務司書押由地方官復爲簽記

第二凡船進出口須隨時報明常關或地方官衙門與他船載貨在該口完稅之例一律完納稅餉

第三凡拖帶者被拖之船應何處候驗拖帶之輪船須何處停輪不得擅行過卡

以上所擬足爲現時管理新類輪船之章嗣後每屆十年應行修改如此擬訂各船均有定式之牌照其無牌照者即按私船整辦一面可知何處有何項船隻若干一面可分何船歸何處管理其船在便照章來往其關照章徵稅若在沿海或內地之不通商口岸因別項情勢須另訂專章則可由地方官隨時酌定宣示一面詳明上憲存案此章如經貴衙門允准竊以莫若奏明請旨通飭遵行以昭畫一爲要理合備文申請鑒查施行可也

謹按以上五六所論兩項小輪船經於光緒二十二年核定華洋小輪駛入內港章程九條二十四年續訂內港行駛小輪章程頒給通行詳載於下約章分類輯要

洋華小輪駛入內港章程

總理衙門札光緒二十四年四月初四日准總稅務司申稱前奉鈞札以南洋大臣電稱內河行輪章程九條亦有應分晰添改者飭部妥議核辦等因奉此內河華洋行駛小輪一節實係約外之事無非為商務興旺稅餉日增於地方無礙起見是以前擬章程九條原為華船而設儻有洋船駛入內河亦應一律辦理立章之用意如此凡船須領關牌在內河何處起下貨物應遵該處定章完納各項稅釐被拖之船應於何處釐卡候驗小輪亦應停輪在口岸應納何項稅釐即由該關核辦不遵約束者撤銷關牌所擬各節期順商情而保釐稅照此辦理稅關釐卡彼此不相牽掣開辦後若有應修改者自可隨時改訂第五條內之稅由關核辦一節不得不由各該關將貨查明何處來何處去曾否完過何項稅釐查明方能分晰徵收此係通商各口之事與內地無涉第六條小輪在內港起下貨物應遵該處定章完納稅釐是內港之稅關釐卡均有照舊徵收之權第七條被拖船隻應於何處候驗小輪亦應於何處停輪貨物俱照該卡章程辦理是以來往時過何關卡自不任便駛過沿途釐金何能免納惟此條未句應添數字云其小輪所裝之貨並被拖之船所載之貨俱照各該卡之章程辦理長江小輪一概不准拖帶貨船第九條僅言撤牌未免過輕應添照約罰辦一節查各項約章並無如何罰辦之明文惟可改寫即照各關卡定章罰辦一面由海關將牌撤銷不准復往內港貿易至沿江六處侵礙釐金一節查該六處釐金向由江漢關稅務司按結呈報其數甚微征收與否於稅課無其出入即長江不准拖船即可照上文之語添於第七款之末以為補救謹將原章九條酌改添註申請鑒核等因前來本衙門查內河行駛小輪本為興旺商務無礙稅餉起見既據南洋

電請有應行修改之處自當再加酌訂不厭詳求茲准總稅務司申呈覆為酌改按照原章添入各語較為周妥仍應作為試辦章程隨時察看情形續為核訂相應札行江海關道遵照辦理可也光緒二十四年四月札

小輪駛入內港章程列後

領牌掛號

一 通商省分之內港嗣後均准華洋各項小輪船任便由各該通商口岸運行往來貿易

二 非出海式樣之各項華洋小輪船或在口岸內駛行或往來內港除按本國律章應隨有之牌照外尚須赴稅務司處請領關牌其關牌內應將業主姓名籍貫註明並將船名船式及水手人數等項按行開列每年換領一次如改業主及停止貿易等事即將所領之關牌繳銷初次領牌應納牌費關平銀十兩其後每年換領新牌納費二兩

三 此項小輪船如只在口內駛行無須每次赴關呈報一切惟若欲前往內港於出口回口時俱應一體報關無關牌者一概不准前往內港

四 此項小輪船所有懸挂燈籠防範碰撞及招僱更換水手與查驗水鍋機器等事俱須遵照各該口原有之章程辦理

稅課辦法

五 此項小輪船如在各口裝載應稅之貨駛赴內港應即報明海關由關核定應否照完何項出口稅如由

內港裝載應稅之貨駛回本口應即報關由關一體核辦

六此項小輪船在內港各處起貨下貨應照該處定章遵納各項稅釐

七此項小輪船若拖帶船隻被拖之船應於何處登卡候驗則小輪亦應於該處停輪其小輪所裝之貨並

被拖之船所載之貨俱照各該卡之章程辦理長江小輪一概不准拖帶貨船

審案辦法

八凡在內港犯事者無論或違背稅章或毆辱人命或盜竊財產等事均須由該處地方官按懲辦本屬人

民之律章審斷惟若係洋人之船及犯事者為洋人船上所用之華人應由地方官一面知照就近口岸之

稅務司轉告該國之領事官該領事官即可派員前赴觀審若犯法者為洋人應照條約所論護照之條將

其人送交就近口岸之稅務司轉交該領事官辦理

九凡小輪船如經過稅關釐卡等處並不遵允停輪或搭客水手人等在內港地方滋鬧聲嘩等事即照各

關卡定章罰辦一面由海關將該船之船牌撤銷不准復往內港貿易

以上所擬足為現時管理此項小輪船之章程嗣後如有應行修改之處即可隨時酌情改訂約章分類輯要

續訂內港行駛小輪章程

總理衙門札光緒二十四年六月初九日准南洋大臣電稱奉到內河行輪續改章程詳再三查稅課三

款前經總稅司酌改予以照舊征收釐稅之權並長江不准拖帶貨船添註條內本是華洋一律通行今

商改照條約稅則辦理是照舊征收釐稅與商船同得約外之權不究內地之釐稅理應核辦

言平允又增長江輪船若無海關牌照一概不准拖帶貨船數語是明許洋商可請領事代為請將所向隅者滑在華商勢必使華商俱隸洋籍便可挂旗領牌暢行無阻則長江內地釐金必歸無著乞主持仍照前章一律辦理以免偏枯等因當經本衙門札行總稅司核復去後茲據復稱南洋大臣所陳各節係為保衛內地稅釐起見查前頒此項章程各條祇具大意其中未盡事宜儘可隨後補續是以擬定章程九條補續前章相輔而行呈請核奪等因本衙門查總稅司續擬章程九條補前章所未備尙為周妥除照會各國駐使外相應將續補章程九條札行江海關道查照辦理可也光緒二十四年八月日札

一凡有輪船裝載洋貨入內地或領取子口稅單或沿途關納稅遇卡抽釐均聽商便該貨已到指運之處所有本地應徵稅釐即與該船無涉惟該船不得私起貨物

二凡在通商口岸將土貨裝載輪船運往內港應先報明該關照民船裝貨出口完稅之例完納出口正稅該輪船往內港所裝之土貨若過關卡須按該處章程完納各項稅釐等款與民船辦法絲毫無異若所報之貨為復進口之土貨已在他口完清出口正稅即無庸重徵出口正稅惟該貨沿途仍應按內地章程完納各項釐捐與他項貨物無異該貨無論由何處運來已到指運之處所有本地應徵稅釐即與該船無涉不得私起貨物

三凡土貨在內港已裝輪船欲運他處即可認明係已完該處之各項稅釐嗣後無庸再行呈有該處已完稅釐之據惟過沿途關卡仍須按該處之章程完納稅釐該輪到口時該貨若係在本地售用向係在該處徵收與民船所運之貨徵稅無異除此項稅餉之外所有各項稅釐捐款經費等事即與該輪船無涉若所

裝之土貨係欲運往外洋或照本章程辦理或照鎮江子口單章程立具保結領取二聯報單均聽華洋各商之便凡運土貨到口欲立即撥過出口船隻者於徵收出口正稅之外餘不再徵

四凡華洋各輪往來內港每四箇月一律在掛號之口按章徵納船鈔一次民船被輪船拖帶者必須按章

完納船料

五凡有民船裝載貨物被輪船拖帶者其貨物徵稅辦法與輪船之貨無所區別

六凡華洋輪船往來內港必須在民船貿易常用之碼頭起貨下貨不准在別處任便起下如違章在別處

起下照條約所載沿海私作貿易之條辦理又掛號之行駛內港船隻若駛赴中國境外初次罰銀在二

百兩以內再犯者不准在內港貿易

七行駛內港船隻報明往內港時本口海關應發給本關總單一紙內註明該船載有何項貨物斤兩若干

等事以便至沿途各關卡呈驗若征納稅釐即按總單征納惟疑有迹近影射者亦可即時盤驗至該輪到

起貨之處船主須備一艙口單內註明在該處所應起之貨物各類若干

八原章第七款所載各該卡之章程應以本年為限由中國將各卡章程頒布衆知其未經頒布以前如有

船隻過內港各關卡不行停輪候驗尚不得遽行議罰惟該輪若經各處關卡或巡船喚令停輪竟不遵照

停候者應即議罰

九內港各關卡之章程頒布後通商各口應由該省大憲各派一妥慎之員代收輪船往來內江之稅釐等

項由該員按定期呈報大憲查核遇有輪船報明欲往內港何處該員即將該輪所裝何貨若干沿途應經

某關卡共應完稅釐若干核明總數先行征收隨即發給總單一紙以便前往貿易該輪過沿途關卡時即將此單呈驗放行不得阻滯至本章程第二三款所載之稅亦由該員一併核收各該員應於新關附近之處設立局所與本口稅務司和衷會辦不可自專遇有疑難事件應請本口稅務司與監督通融酌議辦理若案中牽涉洋人即可任便商酌按照會訊章程辦法辦理約章分類輯要

修改長江通商章程第二條見海船通商章程門

修改長江通商章程第三條

凡在長江貿易之商船現分爲三項一爲由鎮江上江暫作貿易之出海大洋船一爲由長江此口赴長江彼口或由上海赴長江各口常川貿易之江輪船一爲划艇釣船及蕪式船隻以上三項船即照條約之例及各該口之分章辦理

修改長江通商章程第四條論大洋船

凡大洋船入江若不過鎮江貿易者即在鎮江辦理照沿海各關之例無異惟此項大洋船若過鎮江上江貿易者即作爲第三條所謂之長江貿易第一項船此項商船無論係輪船夾板船均應由船主將船牌呈交上海或吳淞或鎮江之領事官如無領事官即呈交稅務司查收稅務司一接到船牌或領事官行文即立發江照一紙載明船名國旗噸數及裝何項貨物並攜帶何項保護軍械等情名爲長江專照該船即可持赴上江行駛無論抵何口所有進出報關暨起下貨物完納稅鈔一切事宜俱照沿海各口辦法一律無異俟回發江照之口岸時即鎮江上海吳淞等處須將長江專照繳銷由關查明稅鈔完清各事均照章辦

妥即發給紅單准船領回船牌出海

修改長江通商章程第五條 論江輪船

凡願在長江常川貿易之輪船可將船牌呈交上海領事官如無領事官即呈交江海關稅務司查收稅務司一接收船牌或領事官行文即發給江照一紙載明船名國旗噸數及攜帶保護軍械等情名為江輪專照其照即以本年為限須每年在上海換領一次如該船不在漢口以下貿易即在漢口換領如不在宜昌以下貿易即在宜昌換領此項有江輪專照之輪船所有進口出口起下貨物完納稅鈔等事均應按照各該口之關章辦理至於船鈔一項應在發給江輪專照之口岸即上海或漢口或宜昌等關完納此項輪船如有違長江口岸章程首次即照沿海各口罰辦之例辦理二次將江照撤銷不准過鎮江上江貿易若無江輪專照之輪船過鎮江上江者即照第四條所載大洋船之例辦理

修改長江通商章程第六條 見海船通商章程門

修改長江通商章程第七條之一 論划艇釣船華式船隻等類

一划艇等船如係洋商之船持有本國之船牌懸掛本國之旗號若欲過鎮江上江貿易者應於領事官或稅務司處請領長江專照所有呈報海關起下貨物完納稅鈔等事俱照有江照之大洋船一律辦理

修改長江通商章程第七條之二

一釣船等如係洋商之船但無本國之船牌即無懸掛國旗之理均應於本口稅務司處請領關牌所有呈報海關起下貨物完納稅鈔等事俱照划艇等船辦法辦理以上並通商各國條約

修改長江通商章程第七條之二見海船通商章程門

修改長江通商章程第八條見海船通商章程門

修改長江通商章程第九條見海船通商章程門

修改長江通商章程第十條見海船通商章程門

沿江六處試辦章程

總理衙門咨查烟臺條款第三款內載至沿江安徽之大通安慶江西之湖口湖廣之武穴陸溪口沙市等處均係內地處所並非通商口岸按長江統共章程應不准洋商私自起下貨物今議通融辦理輪船暫准停泊上下客商貨物皆用民船起卸仿照內地定章辦理除洋貨半稅單照章查驗免釐其有報單之土貨只准上船不准卸賣外其餘應完稅釐由地方官自行一律妥辦外國商民不准在該處居住開設行棧等語所載不過是大概辦法現將詳細章程開列於後光緒 年 月 日

計開

一條款所載輪船字樣並非出洋輪船乃指內江輪船而言

一條款所載民船字樣並非各項船隻乃指該六處由卡挂號准作撥船編列字號而言

一大處除領有稅單之洋貨並領有報單運照之土貨驗明單貨相符洋貨即准其裝船或起岸放行土

貨即准裝船前赴所報出口海關該六處均不另征稅釐外其餘無單照各貨均照後開章程辦理

一由六處裝船運往六處起岸之貨先完裝船處釐金報明由此處運往彼處並不過關者如自大通赴

安慶自陸溪赴沙市無庸完稅其須過一關者如有大通安慶至武穴自武穴至陸溪沙市俟到該關照

完正稅此兩項均應將此去途中所經釐卡由裝船處釐局核明共有幾卡即將所完釐數令其再完幾

倍以補應完之釐其須經過兩關者俟到第一關照完正半兩稅應由裝船處釐局將此去所經第一關以前第二關以後共有釐卡幾所將所完釐數令其再完幾倍以補應完之釐如由大通安慶運至沙市陸漢口起岸由沙市陸漢口運至大通安慶起岸中間一關以後二關以前釐卡准其免補若祇過一關及不過兩關者不得免

謹按註釋內云中關一關以後二關以前釐卡准其免補者如自大通安慶裝船運至沙市陸漢口起岸沿途應經九江漢口兩關裝船處釐卡當核明由大通安慶至九江關止共有釐卡幾處復由漢口關起至沙市陸漢口止共有釐卡幾處一併算明即照本口所完釐數令其再完幾倍中間由九江關起至漢口關止所經釐卡免其核繳俟抵九江關時完納正半兩稅由沙市陸漢口裝船至大通安慶者亦照此辦理若路經一關者所經該關前後共有幾卡均在裝貨之口核明照繳到關時仍完一正稅不能藉口已納關稅邀免過關以後釐金也

一由六處裝船運往長江各關暨上海關起岸之貨先完裝船處釐金報明運赴何關俟到第一關照完正半兩稅應由裝船處將此去所經第一關以前共有釐卡幾所即照所完釐數令其再完幾倍以補應完之釐如所報起岸之關即係第一關如自大通安慶至九江關自武穴至江漢關自陸漢口沙市至宜昌關到關只完正稅不完半稅

一由上海關暨長江各關裝船運往六處起岸之貨除先在該關照完正半兩稅或只完正稅如自蕪湖關報運大通是僅經一關只完正稅如自鎮江關報運大通是所經兩關應完正半兩稅其經三四關者亦

只完正半兩稅一次而止以上正半各稅均在裝船之關照完報裝輪船指赴某處並領收稅單到起岸處呈驗外應於起岸處照完該處釐金並由該釐局核明所經末尾一關以後共有釐卡幾所即照所完釐數令其再完幾倍以補應完之釐如所經僅只裝船一關即以該關爲末尾之關

一凡裝船處收釐均須填發收釐單交該商於到關及起岸處呈驗如該貨須到關完稅該裝船處釐局仍應另寫總釐單封好交與船主送到所經第一關稅務司查收一面由該商持收釐單赴關呈驗完稅該關另給收稅單並將所呈收釐單加戳給還俾到起岸處再行呈驗倘大處裝船之貨到關及起岸處該商竟無完釐完稅各單呈驗者該貨入官其有以違報近希圖偷漏者查出罰辦倘有在不准停輪之處私行上下貨物者該貨入官該輪船照章查辦

一六處內湖口一處應行另立完稅專章惟因湖口情形現在尙未查明其餘五處應照現議之章先行試辦湖口一處須俟查明再議

一六處抽收釐金本與稅則無涉向就貨價每百抽二各按本處時價核收其收銀驗貨秤碼應與各關一律均不得稍有高下

一六處自沙市以至大通沿江抽收來往貨船釐卡查有沙市北河口鸞鵲洲樊口武穴以上各處五卡二套口以上江西一卡華陽安慶大通以上各處二卡共爲九卡該六處應各將沿江釐卡按上下等差

近次序懸牌寫明備查其應補釐金即在六處之關不逾大通以東沙市以西並使各商知悉一六處裝船之貨必須照章驗完情辦釐金將貨由官碼頭上掛號標船上輪船六處起岸之貨由掛號標

船向輪船檢出送到官碼頭候查驗辦理倘有私用未付掛號之民船送貨運貨者該貨入官船戶提究

一大處所收盤金應分別各道各卡定期彙解以清款項所有盤金細數及貨色船件應由各該處委員按七日造具清冊並按外國月份造具總冊分別呈送本省稅關及駐紮江漢關巡查六處副稅務司查核以便彙結詳報 以上各款均擬試辦一年如有未盡事宜及或有窒礙之處隨後相機酌改以期妥善查本年五月二十一日係泰西七月初一日即為第六十八結之始若此章可以暫為試行擬即從此日開辦以上並通商章程成案彙編

重定長江通商各關通行章程

查長江通商統共章程現經一律修改舊用之章一概作廢則沿江各口向設之專章遵行之辦法自必窒礙難行必須重為訂定以便各該關遵守與長江新章相輔而行茲將各關應用通行之章酌定條款自西曆一千八百九十九年四月初一日即光緒二十五年二月二十一日作為長江新章開辦之期其各該口通行之章亦應屆期一律開辦今將所定條款開列於後 謹按此章係與修改長江通商章程相輔而行

通行雜項章程

- 一船隻停泊定界凡船隻進口務遵理船廳指定之處照章停泊其本口停船之界開後由各口酌量自定
- 一註明其進口時尚未停泊以前一切船艙船板等小艇均不准駛傍該船
- 一擺船定章凡各口擺船應在新開掛號並須用雙兩項字將號數於船上大書明顯

一起卸定章凡船隻起卸貨物或上下壓載之石鐵等件均須有准單如查出並無准單私行起卸上下者即應查拏入官其領有准單者由日出至日落均可任便起卸上下此外或於夜間或禮拜日暨照章封關之期若無專單均不准起卸上下

一船滿退回貨物之章凡欲下船之貨已經領有准單因船載已滿復行退回必須報關候驗方准起去

一進出口貨物分時起卸報關領單之章凡船隻在口除領有江照之船外其他船隻均須俟進口之貨起清方准下出口之貨至進口貨內若有洋藥則必須起存關棧若有軍器等件未領新關之軍器專照不准擅起又進口之貨其置貨原單內未將水脚保險等費開列明晰可由關按該單貨價再加一成核算值百抽五之稅數惟此單亦可不認為市價由關自行估值核稅又若有貨物在宜昌報明運赴上海該貨到漢口過載時赴關報明即可由關備一百貨過載總單給發收執其由上海運運宜昌之貨至漢口時亦可一律辦理凡請起貨准單者在報關時須將所有之免稅單暨完稅憑單等件同時呈請驗明方准給單

一出口貨物定章凡欲出口之各貨須先由貨商開單將貨色件數勛兩價值暨箱包號數逐件用英文開明報關並將現欲出口之貨運赴海關碼頭請驗或因該貨繁重難於盤赴碼頭可由該商呈請派人前往商棧或躉船內查驗然此非定章必須由稅務司酌情特准方能往驗驗畢其船棧均可由關封固惟無論在何處驗貨必須該貨與原報之單相符隨由關發給驗單令該商持赴銀號完納出口稅銀俟掣取號收呈關核驗後方能發給准單下船其未經領有准單以先所報之貨斷不准任便移動

一江海關徵收稅課新章從前長江各關徵稅另有專章與沿海口岸辦法不同是以江海關向章均係轉

助各江關向辦之事現在長江章程既經修改所有沿江各口華洋進出各貨報關完稅各事改爲與沿海各口一律辦理土貨出口即完納出口正稅進口暨復進口各貨均在所進之口分別完納正半各稅則江海向章必須刪改俾與長江新章融洽茲將改訂之江海關專章四條開列於後

一各貨由長江口運至上海先須開單報關呈請查驗若係土貨執有收稅單者則只徵其復進口半稅如無出口收稅單者即令該商於半稅之外繳存一出口正稅若係洋貨到口並未執有免照則令該商完納進口正稅至各貨由長江口運至上海或復出上海口運往外埠或復進他口轉運外埠向有寄回原出江關之單據收回預存之半稅嗣後既無預存之稅此單據即歸無用

二凡有土貨由上海運長江各口者先須報關完納出口正稅由關發給收稅單俟該貨到指運之長江口應即報關呈單照驗再完復進口半稅

三凡土貨已進上海口欲復出口載往長江各口者可報關請領復進口半稅之存票即由關將已完正稅憑單一併發給俟到長江口時仍須報關照完半稅按照土貨進口復報往各海口一律辦理凡洋貨已進上海口復欲運往長江各口者均可隨時報關請領免稅單或請領進口正稅之存票若領有存票該貨到長江口時仍須報完進口正稅按照洋貨復出口運赴各海口一律辦理各商報關時均用江海關向來復出口報單式樣並將欲領免稅單或欲領存票之處於報單分晰註明

四凡過載之貨若係由長江運來之土貨須於原口原報單內預爲註明至上海過載撥往某口字樣方准照常過載否則該貨到上海時即不由關開驗徵稅若係由外埠進口之貨欲由上海過載別船運往長江

各口者該商報關時亦須照向來上海呈報撥貨單式樣開呈若有在他口報往上海之貨或未到上海以前或已到上海以後欲改行過載運往別口亦應照向用撥貨單式樣呈關否則可由關開驗徵稅至洋土各貨在上海過載應以進口五日爲限必於限內報關請領撥貨單過載清完違者該貨歸於正口貨類照章徵稅惟各貨過載時雖在限內若海關欲行開驗亦可任聽盤查

一復進口茶葉半稅准立保結之章凡茶葉裝於江照輪船復運進口者無庸立保在該口完納半稅准由貨主照數立具保結若於一年限內實將該貨復運出口呈有單據即將原結註銷倘逾期末運出口應由該關按照保結補收復進口稅若所運茶葉限內復出口此口再進彼口此口註銷原結彼口應令該商再立保結亦須於一年限內復運出口再行註銷以此類推至貨主呈請銷結應於茶葉已運出口七月限內報關呈明註銷約章分類輯要

出海船隻之辦法

一鎮江關現定辦法抵鎮之船有按照各海口之章辦理復行出口者並有按照長江章程辦理駛往上海者凡大洋船以及划艇等船與未領江照之輪船到鎮江口須由該國領事官報明鎮江關並由該船主將進口艙單船鈔執照貨物總單一併呈關即由關發給開艙准單若該口無本國領事官者該船主除將艙單鈔貨等總單執照呈關外應將該船牌等件暫存關內請領起下貨物各准單俟各貨起下清完遵納各項稅鈔呈到出口貨物艙單即由關發給紅單領回船牌等件均與沿海各口一律無異凡船駛到鎮江起下貨物畢欲過鎮江駛進長江他口者應將下貨艙單呈關請領赴某口之總單及紅單各件由領事官

代為請領長江專照即由關將該船艙口封閉若該船牌照原存在關即由該船主自行請領長江專照前往方准出口駛往上海若該船或於領事署或於關內已存有在上海或吳淞原領之長江專照應即由關查核蓋戳發還無庸再發本關專照凡在鎮江領取長江專照者該船駛回鎮江時應將該照在鎮關繳銷並將各江關所發之紅單及出口艙單等件一併呈請查核無誤方能發給末後紅單赴領事官處領回船牌凡在上海吳淞請領長江專照者亦須照鎮江關辦法分別在淞滬等關領繳一律辦理

一上江各關通行辦法凡船隻領有長江專照者於進江口時須將該照存於本國領事官處由領事官代為報明本關並由船主將艙單總單暨船鈔執照等件送關查核無領事官者其長江專照暨前項單照等件即由船主呈關查核請領開艙准單後隨由各貨主將其貨色件數斤重價值號數等情用英文開列報單呈關請領起貨准單即將該貨或卸入本關掛號之撥船直赴本關碼頭候驗或卸入曾具保結之撥船囤積商棧躉船內呈請派人往驗俟由關驗明後領取驗單完清稅銀方能發給放行單任便移動各貨下貨者照前開下貨通行之單辦理

一長江各關紅單辦法凡船隻進長江各口起下貨物完納稅鈔畢應將出口艙單於下午三點鐘以前呈關查核無誤領取紅單即可領回長江專照展輪出口其艙口均聽該關封閉並派關役附搭該船押送以防流弊所謂紅單者並非准令出口之件只係該關所發稅鈔完清之據船主執持此單即可請領事官給還船牌等件至某船欲往某口係領事官註明者與新關無涉此係紅單要義特為揭明約章分類概要

江照輪船辦法

一 來往長江輪船定章凡輪船領有江照者往來長江者於進各江口時務將該照呈關委核

一 江照輪船運洋貨物辦法凡領有江照之輪船由他口運貨至長江口者須將他口所領總單與船主畫押之艙單暨船鈔執照等件呈關查核方准開單隨由各貨主將其貨色件數斤重價值等情開單報關請領起貨准單候驗發給驗單完納稅餉呈交號收方給放行單在便移動與他項船隻一律辦理倘驗貨時查出該貨多於總單或艙單內所載之數即將溢出之數入官若總單內開列之貨有未起出之件即按總單載有之數向該船主追賠應完稅銀凡有江照之輪船時擬將船貨撥入掛號撥船或躉船棧房內聽候貨主照章取貨則准照本關專章辦理

一 江照輪船下貨辦法凡有江照之輪船下貨時須先報關候驗驗畢完納稅銀請領准單方准下貨按照他船辦法一律無異

一 江照輪船領取江單辦法凡有江照之輪船並不起下貨物者可由關查核該照後交還出口其起下貨物者應俟起下完即將出口艙單呈關查核由關發給總單發還江照暨船鈔執照等件後即出口約章分類要輯

划艇釣船並洋商雇用之民船辦法

一 洋商自置或僱用船隻辦法凡沿海沿江划艇民船等由洋商或自置或僱用者均應按照光緒二十四年修改之長江通商章程一律辦理各船務須停泊於各口指定處所報關起下貨物完納稅鈔與出海之長江專照船一律無異洋商僱用民船除將自置之貨由此通商口運至彼通商口外不准另作別用該商

並應赴關立具保結請領專牌等件備查

一小輪辦法凡小輪船應一律赴關掛號領牌其初次領牌須納牌費銀十兩至每年更換新牌之時均納銀二兩

另款

一辦公時刻及投遞文函定章各新關除禮拜日照章封關日外每日由午前十點鐘開關至午後四點鐘閉關所有本日欲行出口之船其呈遞輪單請領下貨准單等事應在三點鐘以前赴關辦理以免延誤
投遞各項公文信函必須寫明呈交各該稅務司收關庶無錯誤

一以上辦法倘日後查有窒礙之處可隨時酌量刪改增添以歸妥善約章分類如左

續訂內港行輪章程第一條見外交租界建置門

續訂內港行輪章程第二條見外交租界建置門

續訂內港行輪章程第三條見外交租界建置門

續訂內港行輪章程第四條見外交租界建置門

續訂內港行輪章程第五條見外交租界建置門

續訂內港行輪章程第六條見外交交涉案件門

續訂內港行輪章程第七條

內港行輪風氣未開內地居民宜令其少受警擾故凡內港其向未經輪船行駛者須審察商人之便並輪

船東實見生意有利可圖方可漸次開駛如有商人有意於商船未經到之內港設輪行駛須先向最近口岸之稅務司報明以便轉稟商務大臣會同該省督撫體察情形迅速批准

續訂內港行輪章程第八條

此項輪船准在口岸內行駛或由通商此口至通商彼口或由口岸至內地并由該內地處駛回口岸并准報明海關在沿途此次所經貿易各埠上下客貨但非奉中國政府允准不得由此不通商口岸之內地至彼不通商口岸之內地專行往來

續訂內港行輪章程第九條

無論客船或貨船均准輪船拖帶凡被拖之船隻其船戶水手人等均應聽聽良充當并不拘船東為何人均掛須號方准由口岸行駛內港以上通行

續訂內港行輪章程第十條見外交訂約門

皇朝政典類纂卷一百一終

皇朝政典類纂卷一百三

征權二十一

洋關稅則 津海關 山海關 東海關 浙海關 閩海關 廈門關 潮海關 粵海關

津海關

頭段洋船所應遵之條

第一款停泊界限○凡洋船抵口其應上下載之界限一係該船在攔江沙外者應自攔江沙計起往海以十里為限一係該船在大沽者應自海口礮臺計起至海神廟為限一係該船在天津紫竹林者應南自梁家園計起北至本關卡局碼頭往北第一個黃船碼頭為限

第二款進指停泊○凡洋船進口停泊無論在大沽或在紫竹林該船皆應遵照指泊者所示之處停泊

第三款船牌總貨單開關單○凡洋船進口該船主應將牌照等件送交本國領事官如無領事官即送交本關如洋船在天津有領事官於大沽無領事官者將牌照交與大沽總局該局即送津由本關轉遞與該船之本國領事官後應由該領事官報到本關惟該船由領事轉報或自行投報其停泊在攔江沙內者計以二日即四十八點鐘為限如因載重停泊在攔江沙外者計以三日即七十二點鐘為限該船倘有逾限者應查照通商條約所載每一日罰銀五十元但罰銀總不過二百元之數其進口所載貨物之總單必須詳細據實開清並必須於發給開關單之先交到本關如有漏報摺報等情應查照條約將本船主罰銀五百兩該船主如於二十四點鐘內自行查出錯誤准其自為更正即毋庸議罰其總貨單及由領事轉報單

或領事官自行投遞牌照本關接到即由本關或大沽總局隨船主所請發給開船單倘有未領開船單擅自下貨者應查照條約將本船主罰銀五百元並將所下之貨入官

第四款 凡洋船有因載重在橫江抄或在河內遇有滯礙者如該船報知本關或大沽總局即准其所報發給駁貨准單

第五款 凡洋船進口未領開船單或發給准單者該船非有極確之故不得下貨未領放行單或發給准單者該船不得上貨亦不得起碇開船違者應查照條約將貨入官

第六款 上下貨物不得員身○凡洋船進口所載之貨未經下完者無特書之上貨准單不得上貨如該船為防險需應報知本關即特為發給上貨准單

第七款 凡洋船有駛赴天津紫竹林者於經過大沽必須經本關查驗總局差人將該船船上貼封其所有在大沽或在紫竹林停泊之船應由本關差人每日晚太陽平西時將該船船上封於次日早六點鐘時取封其自紫竹林開行之船本關應即將該船船上封至於未過大沽該船船貼封不准開拆如有將所封印花取動備損者皆惟本船主是問

第八款 凡輪船進口能於四十八點鐘內行抵天津紫竹林者其經過大沽即可毋庸報關封

凡輪船抵紫竹林如遇時晚該船將貨單送交卡局總秤手即可准其於次早自六點鐘下貨惟於次日午正時該船尚未由領事館報到本關所以止其下貨 凡輪船有

因停泊時迫須於夜間上下載者如該船主或代辦商人赴關報請即為准行該船應照章交規費銀定以

自太陽平西至夜十二點鐘關平銀十兩一夜關平銀二十兩如過禮拜或封關之期自太陽平西至夜十二點鐘關平銀二十兩一夜關平銀四十兩如禮拜及封關之日自早六點鐘至晚太陽平西時每日二十兩此項係扞手人已逾辦公時刻另外作工之酬謝 凡輪船所載進口貨物如未下完亦可准其上載除本款專條外所有各款輪船亦應一體遵照

第九款船鈔○凡洋船抵口其應輸納鈔銀限期以該船開船為始如未曾開船以該船在攔江沙內者自抵口時計起至四十八點鐘為限在攔江沙外者至七十二點鐘為限其所有發給往通商各口香港日本安南及閩門江巴西一帶免鈔執照該四個月之限期總以發給該船紅單之日計起

第十款紅單○凡洋船已經完清各項稅課並呈交出口之總貨單本關即發給該船紅單如該船未完清稅課即可照下段第七款所載辦理

二段報驗貨物及各項單照之條

第一款進口報驗貨物完稅○凡船主請領開船單以後即可果貨物起載駁船其駁船必須運赴紫竹林卡局碼頭如該駁船於大沽或攔江沙起駁者須先赴海神廟總局封船發給駁赴紫竹林准照 凡貨物運抵紫竹林應由本商將貨物筋兩件數詳細開具請驗單如該商係外國人應另補譯文報單投遞卡局驗貨扞手 該貨物由卡局扞手並書吏查驗後即將查驗情形註於該商請驗單之上經本商持赴到關如查驗該貨與請驗單所報相符本關即發給驗單註明該貨若干應完稅銀若干該商持赴官銀號照數兌交一俟掣取號收遞到本關即發給放行單准其起卸貨物如有未領放行單起卸貨物者應查照條約

將貨入官

第二款出口報驗貨物完稅○凡商人出口貨物須先運赴卡局查驗其請驗單並扞手查驗單取號收等件均照進口無異如該出口洋船停泊在紫竹林本關發給之放行單即准其將貨直赴洋船上載如該出口洋船停泊在大沽或攔江沙外等處本關發給之放行單止准裝載駁船自紫竹林駛至海神廟總局該駁船由紫竹林運貨時必須經卡局封艙後開行至海神廟總局查驗於放行單上蓋戳方准該商赴洋船上載出口如無准單將貨物上載洋船者應查照條約將所上載之貨入官

第三款特准起下貨 進出口之貨不用駁船上下載 棉花出口由輪船運來之貨該貨主未到起卸○凡有商人行棧在外國地界者如進口洋船抵紫竹林靠泊岸停泊其起貨無須用駁船即可從寬准其勿庸將貨運赴卡局惟該商須先稟明本關即據所稟情由該所起之貨或在泊岸或在行棧查驗皆應本關定准該商除請驗單外應將起貨單投遞到關本關即行蓋戳並批明該貨於某處查驗一俟查驗後發給驗單該商自接領驗單後應於二十四點鐘完清稅銀如洋船必欲請紅單該商應即時完清稅銀然後本關發給放行單如未發給放行單該商之貨不准運出原存之棧 凡出口貨物由外國地界之行棧裝載靠泊岸停泊之洋船無須用駁船者該商亦可以將情由稟明聽本關定准或在泊岸或在行棧查驗其出口之稅必經完清始發給放行單准該貨上載洋船 凡棉花出口無論上載用駁船不用駁船其行棧離卡之路以一里半為限如在限內者該商可以稟請於存棧內查驗本關即從權允准派人前往該棧查驗亦必須先完清稅銀方准上載 凡輪船載來貨物如因本貨主未來起卸恐致遲誤船事若該船行棧離

卡局不過一里半之路准該行主稟請將貨起下暫寄棧內該管船行主除稟請外應將起貨單送至本關註明該貨或在泊岸或在卡局碼頭查驗至於本貨主前來報明之時本關即派人往管船行內查明貨物俟本貨主清完稅銀發給放行單然後可運出棧 凡進口或出口之貨在行棧內查驗如查有不符者本關即停止查驗令將該貨運至卡局碼頭 此款所列各節係照本口時勢而順商情嗣後應因時制宜再行酌量更改

第四款出口載餘貨物 凡有准其上載出口之貨該出口洋船不能裝載者該貨必須先運赴紫竹林本關碼頭查驗方准上岸如該載餘之貨欲在大沽上岸者必須先運赴海神廟總局查驗

第五款免照 收稅照 存票 專照 凡洋貨由別口運至本口內有帶來免照者所有土貨應帶原出口已完出口稅之照以上之照均應與該商請驗單同時投遞到關惟上海一口所有運來貨物之單照由各口稅務司包封寄交本關稅務司 凡出口貨物均應經本關於洋船出口之日發給出口稅單交付各商收領如出口之土貨原係由別口運來者其出口時除將進口已完復進口半稅發還存票外另給專照註明該貨已經某口征收出口稅銀以便該商至所赴之口止應完復進口半稅不致重征遇有洋貨在本口已經完稅者其復出口該商或請免照免該貨於所赴之口完稅或請將本口已還之稅發給存票該商至所赴之口另完進口稅銀均隨各商所欲 凡有洋貨原在別口已完進口稅帶免照至津復運出口者本關即將該商帶來之免照日期及免照號數並該貨係於某日進口某日復出口運赴別口敘明發給專照

第六款土貨復出口運往外國 凡土貨由別口運進本口其於十二個月內該貨原包原色出口運往外

國者本關即將復進口已完之半稅發給存票如該貨非原包原色又未奉本關准其改包改色即不得以爲原貨辦理

第七款紅單 凡請領紅單之時該船主或管船行主必須呈交出口總貨單並完清各項稅課本關即發給紅單如該船欲出口時其進口稅尙未完清本關稅務司可以准該管船行主出具切實保結限定於七月內將稅補完呈交到關即可發給紅單准該船出口

本關每日自十點鐘開關至四點鐘閉關每遇禮拜暨給假之期均行停止辦公

原按查第五款內載給發存票一節洋貨進口已完正稅如在三十六個月限內仍運外國准領存票在於本口抵完別稅或現銀此係光緒二年奏定所有關章係同治元年所立惟查關章係在未會奏定之先故未載明 又按查西曆正月初一日並三四月間新月後之禮拜五暨十二月二十五日而中國以正月初一日初二日初三日五月初五日八月十五日暨 皇上萬壽日均應放假之期此係總稅務司申呈總理衙門轉行照辦奉有明文 又按洋人每年春秋兩季跑馬之期計各三日新關人等自九點鐘起開辦至十二點鐘散關此係前津海關道稟北洋大臣批准有案

核定津關拖帶小輪船章程

總理衙門咨同治十年三月十八日准咨據津海關詳據天津漢稅司函稱本口有八七番得小輪船一隻係充當引水人共同夥摺以爲拖帶輪船之用此船即非一國人民應與未換約各國之船同歸本關管理

並擬定章程發給執照以憑稽查該關道查核所議係爲便商起見與七年九月間總稅司所擬章程最後聲明隨時酌擬之意相符詳由貴大臣咨照本衙門核復等因查天津海口由紫竹林至大沽一帶相距尙遠水淺諸曲原與他處口岸不同若概照從前定章一律不准起貨割物設有輪船夾板各商船擱淺不能行駛河面窄狹竟被橫阻於中外商船均有未便應如該稅司所請此項八士番得船往來拖帶遇有擱淺船貨准其起割但不准於起割擱淺船貨外私行夾帶別項商貨以符舊章此船既係由漢稅司發給專照與英瑞兩國無涉所有八士番得船應卽歸本關管束以資查考該稅司原擬四款現經本衙門逐細復核或引伸其未盡或防弊於將來另爲改訂七條先令試辦一二年如此一二年內行之無弊卽作爲天津一口定章他處各口均不得援以爲例除將本衙門現定章程七條割交總稅司一體遵照外相應鈔章咨行轉飭津海關道行知天津稅司遵照辦理同治十年六月咨北洋

一本口拖輪船之八士番得船應准赴關請領津關拖帶輪船之專照方准照章割貨往來

一此船往來若欲割裝別船貨物係在紫竹林裝運到大沽割載別船者應於未裝貨之先由船主赴關將貨物件數裝割何船等事報明請領下貨單後方准下貨前往若係大沽之貨割裝至紫竹林者應先到大沽津關公所將貨物件數並何船之貨報明請領下貨單後方准下貨前往凡遇未領准單先下貨者一經查出卽將所下貨物全行入官充公

一此船若係從大沽割裝擱淺船之貨物運到紫竹林者應由船主赴本關開明艙單查驗請領准單後方准起貨若係由紫竹林割裝擱淺船之貨物送至大沽者經過津關公所碼頭時應由船主赴公所將裝運

何貨剝載何船等情報明倘有到紫竹林時不領准單先行起貨者或赴大沽不赴碼頭遵驗先行剝貨者一經查出即將所剝之貨全行入官充公

一此船往來在紫竹林以下大沽以上所裝貨物及行李等件沿途俱不准其起卸若違章者即將該貨等件全行入官充公

一凡有商船在天津海河內若遇擱淺無法可救者即准此拖帶船起封開艙將商船之貨剝載代運凡遇此等之事拖帶輪船抵關時務須迅速將所剝何貨物件數報明本關備查

一此船往來不拘何時本關可派人役登船看守該船人等不得攔阻

一此船若違背應遵之章除將所剝貨物各件入官仍照本關將所發專照銷除永不准其剝貨往來以上七條係專為天津海口八士番得拖帶輪船而設他處不得援以為例

又咨同治十二年閏六月二十三日准咨據津海關詳據新關辦稅司函稱寶順洋行有飛雲小輪船一隻欲由大沽至紫竹林或由葛沽鹹水沽至紫竹林往來載客剝貨准英國孟領事函請發給執照當以八士番得小輪船前於同治十年三月間請領執照詳蒙總理衙門酌定章程七條行令試辦一二年如行之無弊即作為天津一口定章是年八月間美國小米輪船援例請照亦經詳明在案現屆兩年之期是否無弊應查明再行照辦函復去後旋據辦稅司函稱迄今常年並無違章原定章程七條已極周密嗣後該小輪船由大沽紫竹林起剝貨物必須由本關派役登船看守更昭慎重等情查飛雲小輪船核與前兩船事同一律是否准其剝貨詳請核咨據此除批飛雲小輪船應准其照章往來惟不准於起剝擱淺船貨之外私

行夾帶別項商貨亦不准私作買賣裝載內地鮮魚菜蔬米糧等類致佔華船生計仰即知照稅務司轉飭該船悉遵定章辦理毋任稍有違誤致于究罰外咨請核復前來查同治十年三月准貴大臣咨報天津漢稅務司函致津海關道內稱本口有小輪船一隻名八士番得本口充當引水人公同夥皆以為拖帶輪船所用此船應歸本關管理該船於拖帶輪船時遇有載重攔淺必須中途剝運請擬章程發給專照以憑稽查等因當經本衙門剉交總稅務司酌定章程七條復由本衙門改定咨行轉飭照章試辦在案今准咨稱該關道查據赫稅司函稱現已兩年小輪船並無違章嗣後小輪船由大沽紫竹林起剝貨物須由本關派役登船看守等語是於本衙門核定章程之外更添周密辦法應如所稱辦理惟八士番得輪船領照以後已有小米輪船援例領照之案今飛雲小輪船欲在大沽紫竹林往來載客剝貨請發專照與前兩船事同一律應如貴大臣批示准其悉遵定章辦理仍不准夾帶別項商貨私作買賣以防滋弊除由本衙門剉行總稅務司即飭該稅務司轉飭該輪船一切確遵同治十年間本衙門所定章程七條並此次批示各節辦理毋得違誤外為此咨行同治十二年七月初一日咨北洋以上並約章分類輯要

右津海關

山海關即牛莊

第一款 凡洋船進口灣泊之所西以關帝閣南岸至北岸橫截為界東以外國地段為界

第二款 凡洋船進出口時由海口派杆子手上船看守

第三款 凡洋船進口以四十八點鐘報關呈出進口艙口單並領事官報單及中國口岸總單

第四款 凡船主呈遞艙口單內必須填明各貨色包箱數目記號如艙口單與各貨色不符卽行議罰或
計單有錯誤之處務於二十四點鐘內呈請改正如有復出口貨物亦應填寫艙口單內

第五款 凡洋船尙未到章程第一款所立界限不准起下貨物亦不准起卸艙泥凡起下貨物除海關准
許起下貨物日期外定於日出至日落爲止日未出以前日落以後概不准行

第六款 凡洋船進口海關收到艙口單之後各商持送攬載紙起貨紙中外報單內所有貨物數目花色
艙兩均應填寫齊全交關蓋印持往洋船將貨物起卸船如該紙內無關印可憑卽行起卸貨物者該貨
公議入官該船主亦照章議罰至卸入船之貨無論係自用係完稅或在碼頭查驗或在行棧查驗均由
海關酌定各商報單所開貨物若裝船數隻由海關查驗相符卽發入棧字據交該船收領以憑入棧
至末後一隻俟驗完貨物完清稅餉後再發放行單未發海關放行單以前該商等仍須將前發入棧字據
呈繳驗銷或報單貨物只裝船一隻查驗後完清稅餉發海關放行單以便該貨入棧未發放行單以前
該貨不得起岸凡貨物無論稅完與否若不照以上條款辦理該貨卽行入官

第七款 凡出口貨物無論完稅免稅各商必須填寫中外報單註明貨物若干件艙兩若干重呈請查驗
海關或在碼頭或在行棧查驗該商完清稅餉并子手查明貨物艙兩與報單相符海關發有放行單方准
下貨如該商無海關蓋印放行單挾帶貨物上船或裝刺載欲行上船者一經查出貨物入官該船主亦應
帶同各商或裝出口豆石餅等貨不看海關查驗者卽將帶買豆石餅兩若干成本若干之單據呈交海
關查看該貨亦可無須查驗或該商有過船轉口之貨必須海關發有起下貨物准單如無起下貨物准單

該行入官

第八款

凡船進口應完船鈔者於開船起貨時完納船鈔或於呈遞領事官報單之時起計至二十四點鐘以後
即行完納

第九款

海關公事以每日早晨十點鐘開辦事至下午四點鐘閉關每逢禮拜佳節日停辦公事驗貨所辦公人
等與以上例同惟公事以早晨八點鐘起至下午六點鐘止各商以六點鐘上船起貨至海關碼頭候至八
點鐘始查驗貨物下午六點鐘有未驗完之貨務於碼頭停泊俟次日再行查驗海關巡船於日未出以前
日落以後查有到船仍結洋船起下貨物者即便緝拿或夜間巡船遇有舢板等船來往河內亦聽令其停
止請查同治十三年十一月二十四日 鈔奉分類輯要

右山海關

東海關

第一款 二煙臺口自芝罘島起至登州島由北而極東折向正南到岸是界限也凡商船來煙臺者行抵
以上限地則為進口

第二款 一凡商船進出口未領准單者不得擅行起下轉駁貨物以及押載沙石等件如裝卸貨物必須
先取稅務司請發准單方許起下各件凡商人有轉運本關核辦之事均應為明呈請稅務司核奪

第三款 一凡商船進口時本關先准領事官送進口船報單抑或該船主自呈船牌及艙口單方許發給准單而艙口單內必須詳細開載該船艙內所有一切貨物某貨若干件係某某字號分兩若干各等情爲是

第四款 一商船進口限時必在二日內將領事官報單或該船船牌及艙口單呈交本關查驗如違期則按條約罰銀

第五款 一凡進口貨物一起岸時卽行完稅而出口貨物必先完稅後方准下船

第六款 一凡有進口貨物必先送本關碼頭秤驗

第七款 一凡商船既經下貨請領紅單出口必先將出口裝貨艙口單呈關驗明方准給發紅單

第八款 一凡起下貨物或押載沙石等事每晨六點鐘起至下晚六點鐘止如遇禮拜日該商船仍須下貨起貨必預先稟請特發准單方准裝卸以上並約章分類輯要

右東海關

浙海關即甯波

第一款 凡商船赴甯波者行至招寶山正頂與金雞山對徑之界過此卽爲進甯波口

第二款 凡商船進口本關派役管押

第三款 甯波江泊船起下貨物之所自外國填地至浮橋並垣倉門爲界其商船停泊後復欲移泊者必須稟明方准移泊

第四款 商船從進本口界限時刻算起滿二日內將該牌照及進口貨單呈交領事官如該國無領事官則自行赴領事報

第五款 凡進口貨單必須船主畫押內詳細開載該船艙內所有一切貨物何字號何貨若干件各等情不得私毫隱漏

第六款 凡商船只許在准例起下貨之界限內起下貨以及裝上壓載之物均須日間不得在日出以前日落以後禮拜日給假日均不准行

第七款 凡商船呈交進口貨單欲起貨者自備報單詳細開載某字號每貨件數兩及估價數目等情請給起貨單二紙一英文一漢文本關需用戳記印許照單將該貨起入別船運至本關碼頭俟本關派人查驗後即行給發驗單以憑該商持赴銀號完稅掣取號收呈關由本關發給放行單方准將貨起岸上棧

第八款 凡商船欲下貨由該商呈交關卡查單並照起貨之例自備報單請給下貨單二紙一英文一漢文運貨至關碼頭遵查完稅之後由本關發給放行單方准照單下貨

第九款 凡商人領單下貨因船已滿載復行退回者須帶貨赴本關碼頭查驗方准上岸

第十款 凡商船下齊貨物須呈出口貨單將所裝出口一切貨物何字號何貨件數兩等情均須詳細開載呈關查驗

第十一款 凡兩船欲行互撥貨物必先請領本關特准單據方准互撥不領單據私行互撥者所撥之貨入官互撥之船各照罰

第十二款 凡雜貨復運出口者往外國即撥存票若赴中國通商別口即發免照惟各該商須先將該貨送至本關碼頭候查然後請領存票或免照並放行單方許下船若進口之貨已在別口完納稅餉帶有免照者須在未起貨之先將該照呈交本關查驗

第十三款 凡外國船不准將壓載之物拋入水內違者罰銀五十兩

第十四款 無論何項鎗礮皆不准施放違者罰銀五十兩

第十五 以上各款違者即照條約罰辦 本關每日自十點鐘起至四點鐘止辦理公事禮拜日給假日停辦

第十六款 凡船進口須照總行手派定地方停泊 該船應將頭衝外頭衝二物收入船內俟離開別船之後方可照原式安置 該船應將最下之橫擔轉移向上 該船須挨次停泊所有江之東西兩邊並須預留本地船行駛地步 凡商船後面拖有小舢板船如遇損壞情事該船自理 凡商船停泊處須於中間留一行駛之道 凡商船停泊應離開浮橋 凡有因海關事務應報明稅務司自第一款至十五款均係咸豐十一年所定

浙海關輪船往來甯滬專章

第一款 凡商人欲派輪船來往甯滬須先報明稅務司

第二款 凡輪船進口停泊後將船牌及進口貨物總單送關至出口時開送出口貨物總單查核相符即給完稅項紅單並發還船牌准其出口該船既領有本關紅單即毋庸再往領事衙門領單該船所裝貨

物均應詳細開載總單以憑將來原貨出口便於稽查

第三款 凡輪船已經進口須俟本關巡丁到船後方准起貨及搭客起卸行李等事

第四款 凡輪船進口業經本關巡丁到船准將貨物卸入駁船不得擅開須俟該商人來關請領准單再將該駁船開往

第五款 凡輪船由鎮江經過遇有客商上下該輪船必應在本關卡房碼頭對面暫為停止以便稽查如有貨物裝卸須先專領本關准單

第六款 以上各條如有輪船故違即將以上章程概不准照行另照和約罰辦以上並約章分類輯要

右浙海關

閩海關即福州

第一款 一凡商船赴福州者行至金牌即為進福州口

第二款 一凡商船進口本關派役管押

第三款 一駁船起貨下貨之所止准在羅星塔鼓山脚並自萬壽江南二橋至番船衙尾天后廟三處餘外不准

第四款 一商船從進本口界限時刻算起若無阻滯外必須二日內將該船牌艙口貨單呈交領事官如該國無領事官則自行送關存查

第五款 一凡艙口貨單必須船主畫押單內詳細開載該船艙內所有一切貨物某字號某貨若干件各

等情不得絲毫隱漏倘係筆誤即在遞單之日改正遲則不准

第六款 一凡商船只許在界內起下貨物以及裝載起卸壓載之物均須日間不得在日出以前日落以後禮拜日給假日均不准行

第七款 一凡商船報關後欲行起貨者貨商必須自備起貨報單詳細開載某字號某貨若干件筋兩幾何及估價數目等情本關即給起貨單准其照單將該貨起入駁船運至本關碼頭俟本關派人查驗之後即行給發驗單以憑該商持赴銀號完納稅銀擊取號收呈關本關給發放行單方准將該貨起岸上棧

第八款 一凡商船欲下貨物即照起貨之例自備下貨報單詳細開載貨件筋兩等情運至本關一頭查驗請領驗單赴號完稅擊取號收例換本關准單方准照單下貨所有運貨進出該駁船必須到羅星塔查驗所盤查

第九款 一凡商人領單下貨因船已滿載復行退回者須帶貨赴本關碼頭驗明方准上棧

第十款 一凡駁貨艇隻必先在本關稟請掛號註冊由本關編號兩傍大書漢英文字方准駁貨如商人欲用別船駁貨者須稟候准用方可

第十一款 一凡商船下貨既經滿載請出口單必須將出口貨單呈關方准給發紅單

第十二款 一凡兩船欲行互撥貨物必先請領本關特准單方准互撥

第十三款 一凡洋貨既經完稅復運出口者若往外國即發存票若赴中國通商別口即發免照惟該商須先將該貨送至本關碼頭候查並須請領存票或免照並放行單方許下船若進口之貨已在別口完稅

帶有免照者須先將該照呈關查驗方准給單起卸

第十四款 一以上各款違者即照例查辦 一本關辦理公事每日自十點鐘起至四點鐘止所有禮拜日給假日均行停止 咸豐十一年五月十八日定 以上並約章分類輯要

右關海關

廈門關

第一款 凡商船赴廈門者行至自石頭與南太武對徑之界過此即為進廈門口

第二款 凡廈門口泊船起下貨物之所自廈門港至新船地為界起下之碼頭以島美口新碼頭為海關例

准之碼頭

第三款 凡商船自進本口界限時刻算起儘二日內將船牌並進口貨單呈交領事官如該國無領事官

則自行赴關稟報一切

第四款 凡商船進口先將艙內所載貨物據實開單赴關報明方能領取准照開艙起貨

第五款 凡商船只許在例准之界限起下貨物以及裝上壓載之物均須日間不得在日出以前日落以後禮拜日給假日均不准行駁貨物船隻只例准之碼頭起下貨物

第六款 凡商船呈交船牌進口貨單後欲起貨者呈請起貨單開明字號貨件分別估價勛兩數目清單前來旋由關發給准照准該商將其貨裝載駁船運赴本關碼頭俟驗後由本關發給驗單令該商赴銀號納稅掣取號收繳關由關發給放行單方准起貨入棧

第七款 凡商船下貨之先應將該貨赴本關碼頭候驗照起貨之例呈請下貨准照詳列某字號某貨物

分別估價助兩數目清單前來由關發給驗單俟該商納稅將號收呈關方發給放行單准其下貨

第八款 凡商人領照下貨因船已滿載復行退回者須攜貨赴本碼頭查驗後方准起回上棧

第九款 凡駁貨艇隻須先在本關稟明掛號註冊方准駁貨船上須用英文字明白大書號數如商人欲

用別船駁貨者須稟明後准用方可

第十款 凡船欲行互播貨物必先領本關特准單據方准

第十一款 凡商船進口有別口發給之洋貨免稅單及土貨已完出口正稅或復進口半稅之單照各等

單件須將各該單在請起貨准照時呈關查驗所有由本口前往別口之出口貨物該商在下船時亦應分

別請領存票免稅單已完出口正稅或復進口半稅各等單照

第十二款 凡商船裝齊貨物後應將出口貨單呈關查驗倘進出口貨單一概相符鈔稅已經清完始可

發給紅單出口

另款

本關每日自十點鐘開關至四點鐘閉關禮拜並給假日期停止辦公凡請各項單照須向本關稅務司查

辦同治元年二月二十六日訂

廈門關持有納鈔執照輪船進出口無貨起客章程

第一款 一該輪船到廈門俟總并手到船查驗行李後方准起客

第二款 一該輪船應將未滿限期噸鈔執照呈遞總打手俟將船名某口某月發給某日期滿登記號簿方准出口

第三款 一該輪船進口仍應由其國領事官按章程報關即照常行香港往來輪船發給紅牌辦理

第四款 一該輪船如按以上章程進出每次應將費用洋銀三元呈繳總打手交關查收

第五款 以上各章係由總稅務司暫行擬定如有窒礙之處隨時刪改撤銷

附廈門關未經立約各國輪船進出口保安章程

第一款 一凡船隻自安南暹羅及染患瘟疫等口或在該船上有傳染之病無論自何口來廈時將至泊船界限該船應須升掛黃色染病旗號停泊聽候廈門醫生到船查視

第二款 一凡該商船未經奉有本關准單不得擅行移動及起客並搬取行李等物

第三款 一如未經遵照章程本關不發起下貨物准單以上並約章分類輯要

右廈門關

潮海關即汕頭

第一款 凡商船自進口界時候限二日內將船牌並艙口單呈交領事官如某船之國無領事官則呈交海關或別國領事官代辦亦可

第二款 凡商船進口先將船上所載貨物據實開單赴關報明方能領取准單開艙起貨

第三款 凡商船呈繳船牌艙口單後欲起貨者須詳細報明貨物件數字號勛兩等情方能發給准單

第四款 凡商船出口之先欲下貨者按照起貨者之例詳細報明請領准單一律辦理

第五款 凡出口貨已領准單未能下船退回者先須將貨帶還本關碼頭查驗方能起回上棧

第六款 凡商船裝齊貨物應將出口船口單呈關查驗

第七款 凡貨物查驗之後貨主應即赴關請領驗單持赴銀號完稅單取號收繳關至進口貨一起之後

即該完餉出口貨未下之先即該完餉如單上有估價舛錯須改之處限一日內應其改正遲則罰

第八款 凡商船請領紅單本關先將所呈進出口船口單查對無訛及稅餉船鈔完清始行發給紅單出

口

第九款 凡有過撥貨物須先報明請領撥貨准單如本關未曾發給撥單以前擅行撥貨該貨似應充公

第十款 凡商船未請准單之前起下貨物伙食等件不獨其貨似應充公船主亦可受罰

第十一款 凡商船欲起下壓載或墊艙之貨物生須報明請領准單其起卸壓載之貨物須裝落小艇起

岸如違犯此章則船主亦應擬罰 商船不准逾越停泊處所之界 本關每辦公事之日自上午十點鐘

起至下午四點鐘止凡報本關為公事者其公牘及各單件須書稅務司官銜查收 以上並約章分類輯要

右潮海關

粵海關

第一款 凡商船自進本口界限時刻算起儘二日內將船牌並進口船口單呈交領事官該國領事

官者則自行赴關稟報

第二款 凡商船進口將艙內所載貨物據實開單赴關報明方能取開艙准單

第三款 凡商船呈交船牌進口艙口單後欲起貨者須呈起貨報單內將貨物件數連包皮號記舫兩等項註明應由本關發給起貨准單

第四款 凡商船下貨之先應照起貨之例呈請下貨准單

第五款 凡商人經領下貨准單而因船已滿載復行退回者須將該貨赴本關碼頭聽驗方准起回上棧

第六款 凡商船裝齊貨物後應將出口艙口單呈交本關

第七款 凡商貨查驗後即應赴關請領驗單持赴銀號完稅取回銀號所發漢文號收繳關凡進口貨於起貨時輸餉出口貨於下貨時完納倘有估價舛錯而改之處即於十二時辰內請改遲則不准

第八款 凡商船請領紅單應查所呈進出口艙口單一槩相符鈔稅已經清完始行發紅單出口如該船係在黃浦等泊者未開之先應將紅單赴該處關卡畫押

第九款 凡有過船貨物必須請領本關特給准單如違章過船之貨酌量入官

第十款 凡撥艇在省運貨往黃浦者先應赴海關碼頭查驗到黃浦應赴關卡將下貨准單呈驗畫押自黃浦停泊船隻運貨來省亦應一體先赴黃浦關卡將起貨准單呈驗畫押抵省即赴海關碼頭候驗

粵海關赴港澳輪船章程

一凡香澳輪船進口之時該船主應備進口艙口單呈交查船之扞子手如在黃浦欲起貨物應另備艙口單交該處本關扞手收執本關接據進口艙單方准起貨

一凡貨商無庸赴關呈請起貨准單但由輪船徑起貨物務必赴本關碼頭驗

一凡欲由香澳輪船運出口之貨先應赴本關碼頭驗後方給發運出口之准單

一凡出口艙口單於該輪船下次進口之時再應呈交

一凡香澳輪船只准在粵城黃埔或起或下貨物無許在沿途別處起下如違起下貨物之章該貨一併抽

擊入官

一除禮拜停公日外本關辦公早由十點鐘起至晚四點鐘止至香澳輪船之處自日出至日落止均可驗

報至本關公事凡有各等報單應將粵海關稅務司字樣註明

以上粵海關赴香澳輪船進出口原定章程

粵海關更定香港澳門火輪渡船進出章程

一凡通商各國輪船由香港澳門永遠往來省城貿易者須將船牌呈繳該國領事官存署內領事官照會

粵海關發給輪船香澳執照一紙自發日起以六個月為期凡有此照者則可照後開章程起下貨物完納

稅餉

一凡香澳輪船往省自香港開行者至汲水門左右海關設立巡卡地方澳門開行者至九洲左右海關設

立巡卡地方均須等候杆子手巡丁上船

一凡香澳輪船之管艙人務須會同杆子手用收貨簿預驗艙口單如商客有貨物來報管艙收貨簿內應

隨時報明登記

一凡香澳輪船所載貨物已寫明艙口單該杆子手即查驗各搭客行李所有行李內應稅物件該客須自行開展聽候當面報明杆子手查驗如無應稅物件已驗給放行戳者俟該船抵省即可隨時起岸

一凡搭客先報行李內有隨帶應稅物件該杆子手驗明即出驗單俟船抵埠該客上關交稅後放行可隨時起岸

一凡香澳輪船所載搭客行李如杆子手於所起行李內查有違禁漏稅物件該客如不願自行開查即由杆子手將該物件扣留送關該客如逾一日之限不到開驗即由關上開驗倘查有違禁應稅之內即將扣留之件全行入官

一凡香澳輪船所有搭客行李於查驗後該杆子手復將該船全行搜查倘查有貨物藏匿本關將該貨物入官 按同治六年所定客船行李章程扣留之貨全行入官外仍將該客議罰與此小異

一凡香澳輪船所載貨物已列艙口單於輪船抵省城黃浦可將貨物搬入撥艇該撥艇不得牽延妄駛即將原貨直運本關碼頭查驗倘該艇有違成章將艇貨一並入官

一凡香澳輪船所載貨物於撥艇運來本關查驗時該商務將其貨號記舫兩件數丈尺價值逐一註明具報查驗完納稅餉放行

以上粵海關更定香澳輪船進口章程

一凡香澳輪船所有貨物出口將該貨運至本關碼頭具報號記舫兩件數丈尺價值等項註明查驗本關發給若干稅銀之單並准單該客一面完納稅餉下船該撥艇不得牽延妄駛將該貨直運赴船倘該艇有

連成章將貨艇一並入官

一凡香澳輪船所載貨物必待出口稅餉完清方准開行

一凡香澳輪船出口時倘有貨物稅餉尚未清完如該輪船公司自行出具保單或該船主代具保單註明將稅銀在本關次日辦公之日內完清本關查核定奪方准開行

一凡香澳輪船所載出口搭客行李內有應稅物件務須開具報單來本關聽候驗貨完稅

一凡香澳輪船出口於開行後該船管艙人會同杆子手繕清艙口單與進口時一律辦法倘在輪船查出有貨物並無單或在客人行李查有藏匿應稅及違禁貨物將貨物行李概行入官

一凡香澳輪船出口時該杆子手將貨物行李查驗復將該船全行搜查倘有藏匿應稅貨物查拏入官

一凡香澳輪船往香港者行至汲水門上下往澳門者行至九洲上下均須等候杆子手巡下船

一凡香澳輪船如有本船工人水手走私偷漏或在工人水手常用之處查有藏匿貨物該杆子手即述知船主該船主將其人送交領事官扣留會商辦理

一凡香澳輪船附搭華洋商民如敢違章走私偷漏該杆子手即述知船主該船主將其人送交領事官會商辦理

一凡香澳輪船只准在省城黃埔二處地方起下貨物不得沿途任便起卸

一凡香澳輪船倘違以上各章程船主並船均應按照條約船主議罰若重犯或再犯會同領事官將該船所領香澳准照追繳註銷

一凡以上各章均係按照天津條約第四十六款所定

以上粵海關更定香澳輪船出口章程

謹按此件係同治十三年經粵海關監督與康稅司商定復經英領事照復並由粵海關咨呈總署核准
以上並約章分類概要

右粵海關

NO. 952

1961

皇朝政典類纂卷一百四

征權二十二

洋關稅則 江漢關 九江關 蕪湖關 重慶關 梧州關 宜昌關 沙市關 江海關 杭州關
蘇州關 岳州關

江漢關

- 一原江漢關監督每月辦公經費銀二百四十兩
- 一原大關委員二員一員每月給薪水銀五十兩又添委一員月給薪水銀三十兩
- 一原查河委員一員又添委一員每月給薪水銀三十兩
- 一原關署文案兼問案委員一員月給薪水銀四十兩又添會辦文案委員一員月給薪水銀三十兩
- 一原查夜委員一員月給薪水銀二十兩
- 一原隨同彈壓稽查漢陽府應縣巡檢共七員每月酌給薪水銀七十兩
- 一添設專查洋街委員一員月給薪水銀三十兩
- 一原鎮江查票委員一員又添委員一員各薪水盤費舟資並帶差役一併每員每月各給銀一百兩
- 一原幕友一人每月修金銀二十兩
- 一原監督署通事一名月給薪水銀四十兩
- 一原監督署幕友一人稽查委員二人月給修金薪水銀一百兩

一原漢口漢陽武弁及營兵巡查街道彈壓水手查夜油燭每月給銀一百兩

一原設總書二名每名月給銀二十兩

一原設查驗房經書一名散書五名每月應給銀六十兩又添募三名每名月給銀十兩

一原設文案房經書一名稿書一名清書四名每月應給銀七十兩又添募稿書一名清書四名每名月給

銀十兩

一原設册報房經書一名清書二名又添募清書五名每名月給銀十兩

一原設稅則房經書二名核算二名填簿寫各單照三名核對一名每月應給銀九十兩又添募八名每名

月給銀十兩

一原督署書吏每月津貼飯食銀八十兩

一原撫署書吏每月津貼飯食銀三十兩

一原藩署書吏及庫書庫丁每月津貼飯食銀三十兩

一原關原設茶號各一名關署茶號共三名每名六兩每月應給銀三十兩

一原關原設差役八名關署差役四名每名六兩每月應給銀七十二兩

一原關原設聽事四名關署聽事六名每名三兩每月給銀三十兩

一原關署原設庫丁二名每名四兩每月應給銀八兩

一原設押送輪船差役二十名每名連盤費口食銀三兩五錢每月應給銀七十兩

一原設護關壯丁三十名每名口糧銀三兩二錢

一原定修理船隻篷篙旗幟船帳繩索購備火藥關署兩處添設器具應用與皂役食費稿各雜用每月支銀一百八十兩又每月加增銀一百二十兩並各卡在內

一原定關署油燭心紅紙張照單簿等項每月支銀八十兩又每月加增銀四十兩並各卡在內

一原設管帶礮船哨船武弁一員月給薪水銀十六兩

一原設自漢口至武穴沿途梭巡礮船二號每號哨長一名水手六名勇丁四名哨船四隻每隻哨長一名勇丁二名水手四名

一原設本鎮查河哨船六隻每隻哨長一名勇丁二名水手四名

一原設監督坐船一號水手六名船頭一名

一原設過江紅船一號水手六名

一原設查貨划船四隻水手十二名

一原設大關做碼頭大跳板船二隻又大紅船一隻每隻水手三名以上哨長船頭每名月給口糧銀六兩共十三名共銀七十八兩礮船勇丁每名給口糧銀三兩二錢共二十八名共銀八十九兩六錢水手每名三兩共八十五名共銀二百五十五兩連管帶礮哨各船武弁每月共應給銀四百三十八兩六錢

一添設巡江礮船四隻每隻管帶武弁一員每員月給薪水銀十六兩每隻哨長一名每名月給口糧銀六兩每隻勇丁四名每名月給口糧銀三兩二錢每隻水手六名每名月給銀三兩共支發銀二百一十一兩二

錢

一添設查貨划船二隻每隻水手三名每名月給銀三兩

漢陽南岸嘴南卡查驗洋土船進出口

一原設委員二員每員月給薪水銀三十兩

一原設書吏二名每名月給辛工銀二十兩

一原設關差二名每名月給飯食銀六兩聽事二名每名月給飯食銀三兩

一原設秤手二名月給辛工銀十二兩

一原設礮船一隻哨長一名月給口糧銀六兩礮勇四名每名月給口糧銀三兩二錢水手六名每名月給

口糧銀三兩

一原設巡船二隻水手八名每名月給口糧銀三兩

一原設碼頭跳板大船一隻水手三名每名月給口糧銀三兩

鸚鵡洲子口卡

一原設委員一員月給薪水銀三十兩

一原設書吏一名又添募一名每名月給辛工飯食銀十兩

一原設差役一名月給飯食銀四兩聽事二名每名月給飯食銀四兩又添募差役二名每名月給銀六兩

一原房租每月給銀七兩

一原設哨船一隻哨長一名月給口糧銀六兩勇丁二名每名月給口糧銀三兩二錢水手四名每名月給口糧銀三兩

一原設巡船二隻水手八名每名月給口糧銀三兩

武穴總卡

一原委員一員月給薪水銀四十兩又添委一員月給薪水銀三十兩

一原設運事一名月給辛工銀二十四兩

一原設查驗書吏二名又添募二名每名月給辛工飯食銀十兩

一原設查驗關差二名又添募四名每名月給飯食銀六兩

一原設聽事四名每名月給飯食銀三兩

一原設礮船二隻哨長二名每名月給口糧銀六兩礮勇八名每名月給口糧銀三兩二錢水手十六名每名月給口糧銀三兩

一原設哨船一隻哨長一名月給口糧銀六兩勇丁四名每名月給口糧銀三兩二錢水手六名每名月給口糧銀三兩

一原員役往來雜支每月銀二十兩

一原房租每月銀十五兩五錢

島口子卡

一原委員一員月給薪水銀十兩

一原設書吏一名月給辛工飯食銀十兩差役一名月給飯食銀六兩聽事一名每月給飯食銀三兩

一原設坐船一號月給船租銀五兩水手四名每名月給口糧銀三兩

襄河碼頭上子口卡

一原設書吏一名月給辛工飯食銀十兩

一原設差役一名月給飯食銀六兩

一原設聽事一名月給飯食銀三兩

一原設巡船二隻水手六名每名月給口糧銀三兩

一原房租每月銀二兩

新設黃州城外卡防

一委員一員月給薪水銀三十兩

一書吏二名每名月給銀十兩

一差役二名每名月給銀六兩

一租賃房屋每月銀六兩

以上每月原定經費銀二千九百十二兩七錢又加增銀九百八十三兩二錢以上並約章分類輯要

右江漢關專指關署員役薪工經費

九江關修改新章

九江口修改長江通商分章十四條

一凡大洋船江輪船以及划艇等項船隻只准在大江九江城西門之西龍開河之東停泊離東岸常關署在一里之外起下貨物各該船在口內之時由關派人看守夜間隨時將其艙封固不准起下貨物

一凡撥艇須在本關稟報立號用英文將編立字號寫明其船頭尾方准撥貨

一凡商船起貨下貨均須日間不得在日出以前日落以後禮拜日給假日概不准行其江照輪船若請有准單以二更爲限亦准其起貨下貨如有商人未領准單私行起貨下貨由關查出即將該貨入官

一凡商人領照下貨因船載已滿復行退回者該貨須俟本關查驗後方准起回上棧

一凡商船到九江如須下貨應俟起貨完竣着艙之後方准下貨不得一面起貨一面下貨以致混淆如無貨物起卸無須呈驗牌照江照輪船不在此例

一凡大洋船以及划艇等項船隻持有長江專照抵九江者該船主須將專照呈交本國領事查收報關并將艙口單總單呈關如本國無領事即由該船主自行呈關方准開艙并應由各貨主將其貨色件數斤兩長短價值等項用英文開且清單呈關請領起貨准單方准將貨下撥艇運至本關碼頭由關查驗飭令該商赴銀號照數完稅取號收繳關請領准單方准將撥船之貨登岸入棧若有別口已完稅之實據該貨主應於請准單時將完稅憑據一併呈關如帶有別處裝船之貨該商竟無完盤完稅各單呈驗者該貨入官至所載之貨如有不在此口起岸者亦應於單內註明華商一例辦理

一凡各商下貨須在下船之先將該貨運至本關碼頭並將該貨件數斤兩長短價值等項用英文開具清單呈關由關發給驗單該商執赴銀號照數完稅取號收繳關請領下貨准單方准赴船下貨

一起下貨物已畢稅鈔完清應由該船主將所下貨物詳細開單呈關請領紅單方准領回專照開船

一凡有江照之輪船抵九江者該船或由領事官報關或自行持江照船口單總單并裝貨口已完稅釐單等件呈關均可由關發給准單准其起貨惟夜間所起之貨須先赴本關碼頭驗明方准登岸入棧如帶有總單未註明之貨及并無完釐稅各單呈驗者該貨即行入官

一凡有輪船在九江裝載土貨報明運赴何處其僅過一關者須完納正稅若過兩關者應完正半兩稅其經過三四關者亦只完正半兩稅一次而止凡下輪船之茶油紙張蘇四項或在碼頭候驗或由華洋商人稟報請關派委前赴就近棧房在彼查驗均可但棧房內所驗之貨須完稅後方准撥貨其餘土產雜貨各項須由該商裝載撈艇或赴本關碼頭或在該輪船碼頭俟驗後由關將撈艇船封固凡有請驗出口貨物者須將其貨色件數斤兩長短價值並前往何處口岸各等情用英文詳細開具清單呈關由關發給驗單該商執赴銀號照數完納正稅或正半兩稅取號收繳關方發給下某船准單其有以遠報近希圖偷漏者查出罰辦倘有私用未立號民船撥貨者該貨入官船戶提究

一輪船起下貨物已畢應由船主將已畢情形向押船人言明並將該船所載之貨詳細開單呈關由關將江照總單等件交船主收執方可赴領事處請牌出口倘有在不准停輪之處私行上下貨物該貨入官該

輪船照章查辦

一兩船欲行互撥貨物必先請本關特准單據方准互撥若不領單據私行互撥所撥之貨入官互撥之船各照罰

一凡有洋商僱用內地船隻裝貨出口者須由該商稟請本關發給內地船照先由該商呈具保單切結載明該船所裝確係洋商之貨實係運往通商某口聽候查驗等情方准該商請領驗單完納稅餉下貨俟到某口查驗船貨相符均經起卸即由某口海關將執照蓋印限二月內繳回倘逾二月之期而執照未得送回按其原貨價值照數罰繳入官外嗣後即不發此項船照其進口之船須由該商將船照呈送本關查收方准領驗單完稅起貨至所呈之保單如係向在中華開設洋行之人准其自行呈具保單如非向設洋行之人則同安商二人聯名呈具保單其內地船隻如在長江一帶運貨仍照光緒八年定章應完船料以歸畫一倘報明指赴某口沿途私行起卸船貨一併入官

一本關每日十點鐘開關四點鐘封關禮拜日給假日均停止辦公凡請各項單照以及呈具保單切結者須稟報本關稅務司查閱

九江洋關及關署支用經費章程

一九江關洋稅等項係以英月三箇月為一結

一每結三箇月由洋稅項下支稅務司薪水並寄交總稅司月薪等項銀三萬一千五百兩向章此項經費按征收稅數一成開支近年屢次加增已達一成之數所有稅司僱用諸色人等均由稅司在此款內開銷

一每結三箇月支本關經費銀三千五百九十四兩監督所委各員及僱用諸色人等在此款內開銷

一每結三箇月支監督薪水銀七百二十兩

一每結所收船鈔銀兩以三成解同文館經費以七成交總稅務司塔表望樓經費

一每結所收罰款銀兩除充賞外按實收之數作為十成以三成解總理衙門查收以三成送監督查收以

四成解交總稅務司查收

一每結由洋藥稅項下支給稅務司經費銀三千兩

九江關署員役薪工經費章程附

鎮江查察委員一員每月薪水銀八十兩 大關委員一員 巡江委員一員 以上三員每月每員給薪

水銀四十兩另給雜用銀六兩

大關文案兼問案委員每月薪水銀三十二兩 彈壓委員一員 查夜委員一員 以上二員每月每員

給薪水銀二十四兩

兼管關庫官一員每月薪水銀二十兩 總管經書二人每人每月給辛工銀十六兩

大關查驗兼稅則房 填簿清書一人 繕寫單照清書一人 核對稅簿單照清書一人 文案兼冊報

房 案書二人 清書二人 以上各書每名每月給辛工銀十兩

大關茶號一名 差役六名 聽事二名 庫夫二名 健丁二名 以上茶號差役共八名每名每月給

辛工銀六兩聽事二名每名月給辛工銀四兩庫夫健丁共八名每名月給辛工銀三兩

關署通事一名每月給銀三十二兩 監督坐船一隻水手六名 委員巡船一隻水手八名 查貨划船

船四隻水手共十二名 巡江礮船二隻礮勇十六名水手八名 以上管帶礮船武弁一員每月給薪水銀十二兩礮勇十六名每月辛工銀四兩水手三十四名每月給辛工銀三兩 押送輪船差十六名請定以每月開銷盤費銀二百兩 文武員弁巡查彈壓查夜油燭每月定銀四十兩 修理船隻篷篙購買心紅紙張添備器用及旗幟船帳與皂役食隨時賞稿各雜用每月請定給銀二百兩 撫憲衙門書吏每月飯食銀二十四兩 善後局書吏每月飯食銀二十四兩 以上各項每月共應支銀一千四百三十八兩以上並約章分類輯要

右九江關

蕪湖新關開辦章程

蕪湖關道稟竊照蕪湖設立新關遵照總署定章於二月十八日開辦業將開關日期並會勘通商租界大略情形稟蒙鈞鑒在案至開關章程職道連日督同褚守彭丞遵照憲飭將九江關章程與蕪湖新關能否一律照辦之處悉心核議竊查九江關開辦已久條分縷晰事有成規所有開列十三條已屬簡明該括而蕪湖則當開辦伊始不厭精詳有雖係舊章必須重言以申明之者特為增列五條如茶葉免交半稅須立保單一也兩船互撥貨物須先報關領給准單一也輪船卸無貨物上下亦須報關查驗三也以上均係九江關初辦時舊章現在蕪湖係屬新開必須登列明白以期共曉洋貨運入內地原應定地起卸乃近來各商多有沿途卸賣甚至以土貨充作洋貨弊端不一而足至運土貨之報單原因該貨實係出洋故免其內地之釐然其出口之稅從前在第一子口先納半稅今則未一子口方納半稅迨已完半稅過卡到關至其

貨物出洋尙有一年期限爾時始納正稅近聞各關所給報單之土貨到卡完半稅者已止十之四五報關完正稅者更止十之二三釐稅均歸無著其弊不言可知今特申明舊章洋貨運入內地須指明起卸定址並委員查驗是否洋貨至土貨給有報單如有沿途偷竄及延不完稅查明罰辦四也此條本極嚴切而近來該商等故爲不知各不遵守特再爲列入俾各商觸目驚心毋恃偷漏爲得計以致自貽伊戚輪船納鈔舊章係由鎮九漢三關輪收今既添設蕪湖宜昌兩關自應五關輪收然宜昌地處上游江水較淺卽夏令盛漲中號輪船能否上駛尙未可必輪收勢難一律在各關收稅原可不分畛域但船鈔須分成解納總署並各關均有撥用之款亦須斟酌平允今擬以輪船之能到與否爲准仍不出舊章輪收二字範圍五也但船鈔一節交涉各關事宜誠恐意見有無不同應請憲臺酌定統共編爲一十八條繕呈鈞覽至辦理有無把握及此外尙有因地制宜之處應俟辦後略有眉目再行續稟仍候憲批訓示遵行

安徽撫部院批

察核所擬章程均係參照九江關現行事宜定議其增列各條亦係申明舊章均爲切要現已依限開關應卽先爲試辦仍再隨時悉心體察如有應須因地制宜之處應俟總稅務司到後會議酌定詳請分別奏咨所議船鈔一節亦尙平允惟交涉各關事宜似須商明意見相同方可定議應否專案詳咨仰再復加核議詳辦至另單所稟輪船到關上下洋土各貨所有稅項是否常關與洋關同時各收抑由擇關專收一節查輪船貨物到蕪湖通商口岸本已完過正半兩稅如出租界貨歸華商在蕪湖本地銷售者應由蕪湖釐局照章分別完釐自毋庸徵收常稅如由蕪復用民船運往他處銷售者卽係離口販運自當照章逢關納稅

遇卡抽釐遇有此等貨物應否納稅應由該常關查照本關定例分別辦理併即知照繳存

南洋大臣批

稟摺均悉查核所擬章程內土貨一節上年十二月准總理衙門抄單來咨現議土貨防弊章程四條照會各國公使俟復到再行知照等因是土貨已詳新章除俟定案後再行通飭遵照外刻姑下照該關道所議試辦又洋貨一節查同治二年九江關議擬章程經總理衙門飭改旋據江西善後總局呈報九江關道已將亦不得以價值不宜藉口運往他處十四字刪去並於不得沿途私售句下添列違者查出各貨均罰入官十字申請江西撫部院咨呈總理衙門核准等情在案現在該關道所擬洋貨章程似仍用九江關未改原文自應查照更正以昭劃一至船鈔一層向來長江船鈔由鎮九漢三關輪收本係屆期就船征鈔今宜昌蕪湖兩口添開而重大之船既不能駛到宜昌則宜關之無從征其船鈔自不待言所議能到宜關之船該鈔五關輪收其不能到宜關之船該鈔歸鎮蕪九漢四關輪收尚屬平允其餘各條亦均妥協並准試辦嗣後各章如與該關稽征事宜尙有空礙之處應再隨時酌議稟候核奪仰候先行分別咨呈移行知照仍由該關道錄報安撫部院查考繳

北洋大臣批

稟摺并悉查所增關章五條內三條係九江關初辦時舊章第四條係將舊章特加聲明第五條船鈔一節擬將能到宜關之輪船五關輪收其不能到之大輪船歸鎮蕪九漢四關輪收似尚平允仰將開辦後如何情形隨時報關備

蕪湖新關試辦章程

一凡洋商船隻祇准在蕪湖西門外小河北岸沿江離東岸在一里路之限內陶家溝之北弋磯之南停泊起卸貨物

一凡撥貨之船必先在本關掛號注册用紅文字將該船號數大書船頭船尾以便稽查方准撥貨

一各船在口內時由關派人看守夜間隨時將其艙封固不准起下貨物至起貨完竣看艙之後方准裝貨不得一面起貨一面下貨以致混淆內江輪船不在此例

一凡商船起下貨物均須日間不得在日出以前日落以後禮拜日給假日皆不准行其內江輪船請有准單者起下貨物以夜間十二點鐘為限倘未領有准單私行起貨下貨者由關查出將該貨入官

一凡兩船欲行互相撥貨者必先請有本關准單方准互撥如未領有准單私自撥貨者將貨入官

一凡商人領照下貨因船已滿載復行退回者須將該貨停泊關前俟本關驗明給發退貨單方准起回上棧

一凡有鎮江護照商船及江照輪船抵蕪湖者不論有無貨起下均須將照呈關查驗放行

一各商裝運茶葉至蕪湖出口者飭令該商照章完納出口正稅取號收繳關發給准單方准裝入輪船准查茶葉一項多係由蕪湖運往上海轉運外國之物所有應完復進口半稅該商照章呈具保單即可免其

完納以省紙筆紛繁

一凡大洋船以及划艇等船領有鎮江護照至蕪湖者由船主將護照交其領事官照例報關並將艙口單

呈關查驗方准開艙即由各貨主將其貨用文開具清單註明貨色件數斤兩長短價值各等情形呈關請領起貨准單方准將該貨下撥艇運至本關碼頭由關派委查驗飭令該商赴銀號照數納稅取號收繳關發給起貨准單方准將貨登岸入棧該貨若有別口已完稅之實據應於請准單時將完稅憑據一併呈驗方准給起貨放行單

一凡各商下貨須在下船之先將該貨運至本關碼頭並將該貨用文開具清單註明貨色件數斤兩長短價值各等情形呈關由關驗明發給驗單令該商赴銀號照數納稅取號收繳關請領下貨准單方准赴船下貨

一商船起下貨物已畢稅鈔完清應由該船主將所下之貨詳細開單呈關請領紅單由關封艙派役押送方准領回護照開船

一凡有江照之輪船至蕪湖者該船或由領事官報關或由船主自將江照艙口單總單等件呈關均可由關發給准單方准起貨惟所起之貨必須先赴本關驗明方准登岸入棧如帶有總單未注明之貨將貨入官

一凡有輪船在蕪湖裝載土貨者該商須一併完納出口正稅及復進口半稅下輪船之油茶紙藤四項或在本關碼頭候驗或由洋商稟報請關派委前赴就近棧房在彼查驗均可但棧內所驗之貨須完稅後方准撥貨其餘各項土貨須由該商裝入撥船或赴本關碼頭或在該輪船碼頭俟驗後由關將艙封固凡有請驗出口貨物者須將其貨用文開具清單註明貨色件數斤兩長短價值並前往某口各等情形呈關

由關驗明之後發給驗貨單該商收執赴銀號照數完納兩項稅餉取號收繳關方准給下某船准單

一輪船起下貨物已畢應由船主將已畢情形向押船人言明開船時刻並將該船所載之貨詳細開單呈

關由關發給總單並江照等件交船主收執方准開行

一凡有洋商僱買內地船隻裝載貨物出口者須由其領事官咨會本關發給內地船照方准該商報關請

領驗單完納稅餉下貨其進口之船亦須由領事官將船照咨送本關查收方准請領驗單完稅起貨至所

呈之保單如係向在中國開設洋行之人准自行呈具保單倘非向設洋行之人則同妥商二人聯名呈具

保單

一凡有外國牌照船隻其如何完納船鈔應照條約定章辦理洋商僱買內地船來往運貨者仍令照內地

船之例完納船料至內江輪船應納船鈔查長江統共章程係由鎮九漢三關輪收今既添設蕪湖宜昌兩

關自應五關輪收惟漢關以上江水較淺現走長江之大輪船恐難駛抵宜昌擬將能到宜關之輪船五關

輪收其不能到之輪船歸鎮蕪九漢四關輪收

一運入內地之洋貨由該商將某貨若干於某日由某船進口咨照本關由關派委查驗的係洋貨方准發

給驗單該商持赴銀號完子口半稅取號收繳關發給稅單該貨過卡時即將單呈驗截角並將該貨登記

蓋戳放行以後經過關卡一體照驗免征其運單如填至某處者只准在某處起岸銷售不得途沿私售違

者查出各貨均罰入官如到所境之處由該處之卡查驗包斤相符准其起岸即將運單留銷按月彙解本

關以憑核對至請有運照土貨運不到關入內地之洋貨不到所指之地方關卡報驗者查明後即由本關

照會領事官照章議訂

一本關每日十點鐘開關至四點鐘閉關禮拜日給假日停止辦公凡請各項照單及所呈保單等均須稟本關稅務司查閱

以上蕪湖新關試辦各章程如有礙於二十五年重定長江通商各關章程者悉照重定之章辦理
蕪湖關署員役薪工經費章程

大關委員二員每月各支薪水銀四十兩各給雜用銀六兩共支銀九十二兩 巡江委員一員每月支薪水銀四十兩給雜用銀十兩 大關文案兼問案委員一員每月支薪水銀三十二兩 彈壓委員一員每月支薪水銀二十四兩 查夜委員一員每月支薪水銀二十四兩 兼管關庫官一員每月支薪水銀二十四兩 總管經書二人每月各支辛工銀十六兩共支銀三十二兩

大關查驗兼稅則房

填寫紅簿清書一人每月支辛工銀十兩 繕寫單照清書一人每月支辛工銀十兩 核對稅簿單照清書一人每月支辛工銀十兩

文案兼冊報房

案書二人每月各支辛工銀十兩共支銀二十兩 清書二人每月各支辛工銀十兩共支銀二十兩 大關茶號房各一名每月各支工食銀六兩共支銀十二兩 差役六名現津貼在關辦事委員二名計十二兩作船役等用每月各支工食銀六兩共支銀三十六兩 聽差二名每月各支工食銀四兩共支銀八兩

庫夫二名每月各支工食銀三兩共支銀六兩 健丁六名每月各支工食銀三兩共支銀十八兩 關
署通事一名每月支辛工銀三十二兩 監督坐船一隻水手六名每月各支工食銀三兩共支銀十八兩
委員巡船一隻水手八名每月各支工食銀三兩共支銀二十四兩 查貨划船四隻水手共十二名每
月各支工食銀三兩共支銀三十六兩 巡江礮船二隻礮勇共十六名每月各支工食銀四兩共支銀六
十四兩 水手八名每月各支工食銀三兩共支銀二十四兩 管帶礮船武弁一員每月支薪水銀十二
兩 押送輪船差十六名每月支銷盤川銀二百兩 文武員弁巡查彈壓夜間油燭每月支銀四十兩
修理船隻鑿窩購買心紅紙張添備器用及旗幟船帳與皂役食隨時賞犒各雜用每月支銀二百兩 撫
憲衙門書吏每月飯食銀二十四兩 公局房租每月支銀二十四兩 監督每月薪水銀二百四十兩以
上並約章分類概要

右燕湖關

重慶新關船隻章程來往宜昌重慶諸處

英商雇用華船

- 一英商准雇華船由宜昌赴重慶或由重慶赴宜昌或雇來回一週皆可
- 二凡所雇之船須報明新關由稅務司發給雇用執照內將船戶及雇船商各名號以及雇往何處各情形
詳細載明
- 三凡所雇之船應由雇船商照關式自備旗幟以便該船挂用

四凡此項船隻上下貨物應照各海關章程辦理由該商隨時報關請領准單方准裝卸其沿途經過各關卡如令將海關所發之屆用執照交出應即呈驗立予放行不得稽留

英商自備華式之船

五凡英商自備船隻應即報明本國領事官知會稅務司查核掛號自第一號起按次編列

六凡自備之船應由新關發給船牌內將船戶船名及編列號數詳細載明並應由該商照關式自備旗幟以便該船挂用其船頭兩旁須將號數並商人行名以大字書明以資易認

七凡自備之船除關旗外亦准挂本商行旗惟應由該商將旗式報明領事官知會稅務司查核

八凡自備船隻上下貨物應照各海關章程辦理由該商隨時報關請領准單方許裝卸

九凡自備船隻沿途經過各關卡如令將海關所發之船牌交出應即呈驗立予放行不得稽留

貨物章程

上江

十凡英商雇用或自備之船隻所裝之貨即與輪船來往照約販運之洋土各貨無異無論係由他口運至宜昌或係宜昌就地置買者皆准裝載運送重慶

下江

十一凡英商在重慶置貨無論係運送外國或送赴通商他口銷售或進口後不合銷售復運出口者皆准裝載雇用及自備之船隻下江即與輪船來往運送之貨無異設因該貨急於下運又無輪船裝運應由該

商稟請宜昌關核辦

十二凡貨物運送重慶若須改裝者准由該商呈明江漢或宜昌各關發給改裝准單並派關役稽查其貨物由重慶下江亦准一體改裝以便裝載輪船接運於途中遇有潮溼損壞等事准其隨時報明附近地方官衙門或附近關卡派人眼同查驗實係潮溼損壞並無情弊即監視拆改於該商原領本關護照內詳細載明蓋用印信鈐記憑至運赴之口查驗並一面報明給照運出之關與運赴之關查核此等途中拆改之貨如到口查驗有貨物多於護照所載之數即將多出之貨入官此係專指中途潮溼損壞改裝之貨而言與同治四年改裝章程無涉

糧稅章程

十三凡英商所運之貨即按通商稅則納稅其船隻分別辦理自備之船完納船鈔雇用之船完納船料

十四凡貨物上江到宜昌照章過載雇用民船或自備之船運送重慶俟到重慶時應將原領單照呈驗分別征免進口稅

十五凡土貨在宜昌下船運送重慶者由宜昌關征收出口稅由重慶關征收復進口半稅

十六凡貨物在重慶下船由重慶關征收出口稅並照長江章程令該商繳存復進口半稅修改長江章程復進口半稅俟到卸貨之口完納無庸在出口處繳存則此條亦應一律修改

停泊章程

十七凡英商雇用或自備之各船隻應在新關指定之處停泊

十八凡船隻上水行至江身狹窄有險灘之處須與中國民船挨次先到先進不得越後爭先至此等險灘處所應隨後查明曉諭俾共周知既經曉諭之後如有船隻無論係民船係英商之船竟敢不遵此章以致碰損事出應惟違章之船是問

十九凡英商自備之船請領船牌關旗後如因事故暫停來往該商應將原領船牌關旗繳存新關俟復運貨時再行發還倘欲轉賣華商應即報明領事官知會稅務司所有原領船牌關旗一併呈繳以便核銷稅務司一面飭關役將該船頭兩旁大字銷去一面將該船於某日歸常關知會監督辦理

二十凡雇用自備各船隻無論何式自宜昌赴重慶或自重慶赴宜昌須於開行之先赴關報明請領運照船牌關旗等件如違此章即按英國條約第四十八款罰辦倘在宜昌重慶中路查有船隻如無此項運照船牌關旗者除民船不計外即將該船擊獲充公

重慶新關試辦章程

一凡洋商雇用華船及自備之船起卸貨物界限現暫定朝天門外對岸獅子山上自太平渡起下至蛋子石止

二凡起下貨物均須日間以早六點鐘起至晚六點鐘止禮拜日給假日非特請專單概不進行凡未領有准單私行起下或所載之貨與總單不符由本關查出均罰入官

三凡洋商自備之船須挂用關式紅色旗幟旗式三角尖形幅寬四尺斜長八尺底長六尺九寸旗面橫書關式兩大字旁用小字書明某商自備船隻旗幟第某號

四凡洋商雇用之船須挂用關式藍色旗幟形式大小俱同前樣惟某商自備二字改書雇用

五凡洋商自備之船運貨抵口後應將船牌等件交其領事官照例報關如無本國領事託別國領事代報

或自持赴新關呈驗亦可其雇用之船亦由領事官一體代報惟雇用船執照及船料收據須由該商持赴

新關一併呈繳以上船隻由領事報關後該商應將船口單總單等件以及貨主英文各報單註明貨色件

數斤兩價值等情一併呈請領起貨准單該貨先運至本關碼頭候驗由關驗明單貨相符發給驗單令

該商赴銀號照數納稅取號收繳關方准放行

六凡出口貨物須先運至本關碼頭並將貨用英文開具清單註明貨色件數斤兩價值各等情形呈關

由關驗明發給驗單令該商赴銀號照數納稅取號收繳關請領下貨准單方准赴船下貨如該貨未完子

口半稅應將釐金收單呈關以憑查核再出口貨物如因船載已滿復行退回者須將該貨運至本關碼

頭俟本關驗明給發退貨單方准起回上棧

七凡船隻起下貨物已畢各項稅鈔完清應由該船商將所下之貨詳細開單呈關由關核對無訛給發紅

單方准開行下江

八凡雇用及自備各船隻鈔稅完清開行下江沿途經過唐家沱夔關平善壩等處如今將新關所發之牌

照交出應即呈驗立予放行其由宜昌上江者亦當一體遵照沿途概不准起下貨物

九凡運入內地之洋貨由該商將其貨若干於某日由某船進口報明本關由關查驗的洋貨方准發給

驗單該商持赴銀號完子口半稅取號收繳關發給稅單該貨過卡時即將單呈驗蓋戳放行其稅單填至

某處者只准在某處傳銷不得沿途私售違者查出各貨均罰入官如到所填之處由該處之卡查驗每斤相符立予放行即將運照存留彙解本關以憑核銷至請有三聯單土貨運不到關而在沿途私售者及請領稅單入內地之傳貨不到所指之地方關卡報驗者查明後即由本關照會領事官照章議罰再商人請領三聯單以一年為限如逾限尚未請辦即將單據註銷另行請領

十凡本關每日十點鐘開至四點鐘閉關禮拜日給假日停止辦公凡請各項照單均須填本關稅務司查閱

以上章程暫行試辦倘日後有與本關稅務未便之處應隨時核議增改以屬妥善 再以上各章如有礙於二十五年重定長江各關章程者概照重定之章辦理以上並酌量分領單據

右重慶關

梧州關試辦章程

一凡船上下無危險之貨物地界由東在廣帝廟正南對面江起西在湖廣會館正南對面江止兵船仍照舊准泊界內

一凡船隻裝載火油者須泊江之南離東界半英里

一凡船隻裝載火藥及炸物者須泊江之南離東界一英里

一凡船隻進口離東界一英里作為進口

一船隻進口新調派人看守該船主將船口單當面交給岸內須將所載貨物詳細開明並須船主親自簽

字如有假報掛號者船主應罰銀五百兩

一船主將船口單交畢即發開船單如船主未領開船單擅自下貨即罰銀五百兩並將貨物充公

一凡貨物須用掛號之駁船運至新關驗明完稅

一駁船人等如到關請掛號則即發號數該號數有雜字寫於駁船之旁不需分文費用

一發開船單後各項貨物均可起運惟洋藥須另開一起貨單交於船上新關所派之人查驗後方能起貨

一凡船口單列明之貨物載於駁船者新關驗貨手即發貨票該貨物須直運新關不能繞路而走亦不能

就誤時刻到關應將貨票交驗貨手該商一面須赴公司房開一報單呈請驗貨公司房將所開之報單與

船口單核對清楚即交報單給驗貨手驗明完稅之後發放行單方可起貨

一凡出口貨物該商亦須開單報關完稅之後即發出口放行單該貨物須直運上船不能繞路而走亦不

能就誤時刻如無出口放行單擅自上船者即將貨物充公

一各船不准私行搬貨如有互相搬貨者必須向新關發給准單方准動搬又駁船運出口進口貨物途中

不能改換亦不能動撥別船違者即將該貨充公

一凡船隻出口貨物全行納稅者該船須有出口船口單呈給新關

一凡船隻業經開出口領有單牌不准上下貨物

一凡出口貨物領有出口放行單准下某船或該船不能裝載退回貨物貨主日後如欲載別船不再納稅

須在退回之船向新關鈐字手請發退回單該貨物須直運回新關將退回單交驗貨手查明對符簽字在

退回單之上發還貨主方可取回貨物日後若再運出口即將單貨呈驗如對符即免稅發出口放行單

一凡貨物由江門甘竹灘肇慶府及德慶州到新關由新關到江門甘竹灘肇慶府德慶州者均按照長江

六處章程辦理

一除禮拜放假之日外每日上下貨物時刻早六點鐘起晚六點鐘止驗貨時刻早九點鐘起晚五點鐘止

內關公事房辦事時刻早十點鐘起晚四點鐘止

以上各款係新關試辦章程其有未備載事宜隨時增易并按照各國通行約章辦理約章分類輯要

右梧州關

宜昌關

一監督辦公經費月支銀二百四十兩

一大關正辦委員一員月支銀五十兩

一大關幫辦委員一員月支銀三十兩

一關署文案委員一員月支銀四十兩

一監督通事一人月支銀四十兩

一查夜委員一員月支銀十六兩

一查河委員一員月支銀二十兩

一江漢關查票委員一員月支銀三十兩

- 一 關署收支委員一員月支銀二十兩
- 一 督署幕友一人稽查委員二人共月支銀一百兩
- 一 監督署總書一名月支銀二十兩散書一名月支銀十六兩
- 一 查驗房經書一名散書四名共五名月支銀五十兩
- 一 文案房經書一名稿書一名清書二名共五名月支銀五十六兩
- 一 冊報房經書一名清書三名共四名月支銀四十兩
- 一 稅則房經書一名核算二名填寫各單照二名核對一名共六名月支銀六十四兩
- 一 督署書吏月支銀八十兩
- 一 撫署書吏月支銀三十兩
- 一 大關茶號各一名關署茶號共三名每名六兩共給銀三十兩
- 一 大關差役四名關署差役四名每名六兩共給銀四十八兩
- 一 大關聽事一名關署聽事四名每名三兩共給銀十八兩
- 一 押送輪船并照護洋人差役十名每名三兩五錢共給銀三十五兩
- 一 護關壯丁三十名每名月給銀三兩二錢共給銀九十六兩
- 一 修理船隻篷篙旗幟船帳繩索購備火藥關署兩處器具等項雜用月支銀一百二十兩
- 一 關署油燭心紅紙張照票單簿等項月支銀八十兩

一管帶礮船武弁一員月支銀十六兩

一自宜昌至沙市巡查彈壓礮船二號每號哨長一名水手六名勇丁四名哨船四隻每隻哨長一名勇丁二名水手四名

一宜關查河哨船六隻每隻哨長一名勇丁二名水手四四

一監督坐船一號船頭一名水手六名

一過江紅船一號水手六名

一查貨划船四隻共水手十二名

一大兩跳板船一隻水手三名

以上哨長船頭每名月給銀六兩共十三名共銀七十八兩勇丁每名月給銀三兩二錢共二十八名共銀八十九兩六錢水手每名三兩共七十九兩共銀二百三十七兩

一監督公所每月租資銀二十五兩

石榴紅總卡

一委員一員月支銀二十兩

一書吏一名月支銀十兩

一關差二名每名月支銀六兩共給銀十二兩

一礮船一隻哨長一名月支銀六兩礮勇四名每名月支銀三兩二錢水手六名每名月支銀三兩共支銀

三十六兩八錢

一巡船二隻共水手八名每名月支銀三兩共支銀二十四兩

平善場卡

一委員一員月支銀二十六兩

一書吏一名月支銀十兩

一差役二名每名支銀六兩共支銀十二兩

一房租月給銀六兩

一礮船一隻哨長一名月支銀六兩礮勇四名每名月支銀三兩一絲水手六名每名月支銀三兩共支銀

三十六兩八錢

一哨船一隻哨長一名月支銀六兩勇丁二名每名月支銀三兩一錢水手四名每名月支銀三兩共支銀

二十四兩四錢

一巡船二隻共水手八名每名月支銀三兩共支銀二十四兩

總共宜昌關每月應支銀二千五十六兩六錢歷係在於洋稅項下提支查十年七月內奉准戶部咨飭酌

籌裕餉案內將哨巡等船酌裁九隻並汰去弁勇水手五十四名及護關壯丁十名合共每月節出銀二百

十四兩四錢業經詳明奉准歸入一年報解京餉案內搭解擬合登明約章分類輯要

右宜昌關專指關員役薪工經費

沙市關

- 一大關委員二員 正辦一員 月給薪水銀三十兩 每月共銀八十兩
- 一關署文案委員一員 每月給薪水銀四十兩
- 一關署添問案兼管通商場界址委員一員 每月給薪水銀四十兩
- 一洋場添委旗官幫同彈壓稽查一員 每月給薪水銀二十四兩
- 一監督署通事一名 每月給薪水銀四十兩
- 一查夜委員一員 每月給薪水銀十六兩
- 一查河委員一員 每月給薪水銀二十兩
- 一關署幕友一人 每月修金銀二十兩
- 一督署幕友一人 委員二員 月支修金薪水銀一百兩
- 一監督署總書二名 月給銀二十兩 散書一名 月給銀十六兩 每月共銀三十六兩
- 一查驗房經書一名 散書四名 計五名 每月共給銀五十兩
- 一文書房經書二名 稿書一名 清書三名 計五名 每月共給銀五十六兩
- 一冊報房經書一名 清書二名 計四名 每月共給銀四十兩
- 一稅則房經書一名 核算二名 填簿寫各單照二名 核對一名 計六名 每月共給銀六十四兩
- 一督署書吏每月津貼飯食銀八十兩

一撫署書吏每月津貼飯食銀三十兩

一大關茶號共一名關署茶號各一名共三名每月共給銀十八兩

一大關差役四名關署差役四名共八名每月共給銀四十八兩

一大關聽事二名關署聽事四名共六名每月共給銀十八兩

一押送輪船并照護洋人差役十名每月連盤費口食共給銀三十五兩

一護關壯丁三十名每月給口糧銀三兩二錢每月共給銀九十六兩

一管帶長龍礮船隻武弁一員每月給薪水銀十六兩

一駐關長龍礮船一隻船頭一名勇丁四名水手六名并沿途巡防彈壓地方礮船二號每號哨長一名勇

丁四名水手六名分段查河哨船六隻每隻哨長一名勇丁二名水手四名過江紅船一號水手六名查貨

划船四隻共水手十二名做碼頭跳板船一隻水手三名

以上哨長共八名每名月給口糧銀六兩船頭勇丁共二十五名每名月給口糧銀三兩二錢水手共六十

三名每月共銀三百一十七兩

寶金洲卡在沙市對江南岸上下民旗商貨船隻經過緊要處所設卡扼要稽查使各船無可繞越

一委員一員每月給薪水銀二十兩

一書吏一名每月給辛工銀十兩

一廝差二名每名給飯食銀六兩每月共給銀十二兩

一礮船一隻哨長一名月給口糧銀六兩礮勇四名每名月給口糧銀三兩二錢水手六名每名月給口糧銀三兩共月給銀三十六兩八錢

一巡船一隻水手八名每名月給口糧銀三兩共月給銀二十四兩

一房租每月支銀六兩

太平口卡在沙市上游南岸三十里爲入湘省常德等府之口內通瀘黔本年奉頒新章准英商請三聯單入內地採辦土貨設卡於此以便稽查

一委員一員每月給薪水銀二十六兩

一查驗書吏一名每月給辛工銀十兩

一查驗關差二名每名月給飯食銀六兩共月給銀十二兩

一礮船一隻哨長一名月給口糧銀六兩礮勇四名每名月給口糧銀三兩二錢水手六名每名月給口糧

銀三兩每月共銀三十六兩八錢

一哨船一隻哨長一名月給口糧銀六兩勇丁二名每名月給口糧銀三兩二錢水手四名每名月給口糧

銀三兩每月共銀二十四兩四錢

一房租每月支銀八兩

筭箕窪卡在上游北岸距沙市十五里有內河直通當陽遠安該處土產以絲絹煤炭爲大宗宜扼要設卡此

爲重地

一委員一員每月給薪水銀二十四兩

一書吏一名每月給辛工銀十兩

一差役二名每月給飯食銀六兩每月共給銀十二兩

一房租每月支銀六兩

一礮船一隻哨長一名月給口糧銀六兩礮勇四名每名月給口糧銀三兩二錢水手六名每名月給口糧

銀三兩每月共給銀三十六兩八錢

一哨船一隻哨長一名月給口糧銀六兩勇丁二名每名月給口糧銀三兩二錢水手四名每名月給口糧

銀三兩每月共給銀二十四兩四錢

一巡船二隻水手八名每名月給口糧銀三兩每月共給銀二十四兩

一關卡各處隨時修理船隻篷蓋旗幟船帳繩索購備火藥醫署兩處器具應用與皂役食費稿各雜項每

月共支銀一百二十兩

一關署井各卡油燭心紅紙張照票單簿等項每月支銀八十兩

一巡捕二十名每名月給口糧油燭銀四兩每月共給銀八十兩

總共沙市關每月應支各項薪水口糧經費銀一千九百一十七兩二錢理合登明約章分類彙

右沙市關專指關署員役薪工經費

江海關華輪船工程

一凡此項蘇杭滬內河華商輪船約有兩類一係可以自裝貨物之輪一係不能自裝貨物必須另用民船裝載作為拖帶之輪無論是何一類到口之時均須報請新關查驗辦理臨出口時必得領請准單方准駛出又如裝貨之輪必先報關納稅請領准單始可起下貨物

二凡華商輪船若係常川來往蘇杭滬者准將船牌送呈新關留存稟請發給輪船河照一紙以六箇月為限既領河照之船即可報關照章納稅請領准單起下貨物其所具之稟必得將其輪船係屬何類即如或裝貨之輪或拖船之輪分別注明如係拖船之輪所拖船數不得過三隻亦不准裝貨倘有多拖船隻私裝貨物情事一經查出應將該貨充公至華商行船現經酌定華輪往來蘇杭兩關正道路由凡由滬至蘇者入吳淞江即蘇州河行經黃渡陸家浜三江口車坊高店等處以抵密渡橋蘇關凡由滬至杭者從黃浦之南行經閔行松江楓涇嘉興等處再由運河以達拱辰杭關至於蘇杭兩關來往則當以運河之吳淞江北尺平望界牌嘉興等處一路為正道不准另走此外內地河道如果查有私自改道者應將船貨一併充公三凡華商輪船除挂中國之旗外白晝應懸新關所定之旗黑夜除常用之燈外另須按照關定式樣用白光燈三盞擇在人所易見之處貫連懸挂俾易分辨

匹凡華商輪船來往蘇杭滬三處須挂用關式白色旗幟其形長方長四尺闊一尺四寸旗面用紅色大字橫排書明某華商某輪船旗應由該商照式自備

華商民船章程

五凡華商所用民船裝貨載運蘇杭滬者該商必得先行將船報關挂號請領執照由關即將該商名船名

號數填明在內該船即應自備關式旗幟應用並將船列號數遵在新關所定之處用大字排列書明俾易
認識

六凡華商所用掛號之民船上下貨物應照各該口新關章程辦理由該商隨時報關請領准單方准裝貨
卸貨其沿途經過關卡如今將新關所發掛號之執照繳驗應即呈出驗明即予放行不得稽留

七凡華商所用掛號之民船該船之艙必須有蓋可掩如或無蓋必須蓋有艙面有門可閉之房以便新關
貼封預防沿途私自起下抽換等弊

八凡華商所用掛號之民船該船只准在蘇杭滬三處報關進出貿易如在此外他處來往而所裝之貨亦
非經由此三關者一經查出應將該船貨物一併充公

九凡華商所用掛號之民船請領執照後如因事故暫停來往該商應將原領執照繳存新關俟復運貨時
再行發還倘欲轉賣他人應即報明新關所有原領執照並連旗號等件即行一併繳呈以便核銷一面由

關飭役將該船上所書大字銷去

十凡華商所用掛號之民船來往蘇杭滬三處須挂用關式紫色旗幟其形長方長四尺闊一尺四寸旗面
用白色大字橫排書明某華商第某號民船

貨物章程

十一凡華商輪船並掛號民船所裝之貨即與條約及各關章程所准往來通商他口者無異

征稅章程

十二凡華商輪船並掛號民船所運之貨即按通商稅則納稅至其船隻則分別辦理輪船船隻民船完船料

十三凡洋貨從滬報運蘇杭者均在蘇杭等關完納進口正稅至洋藥一項所有應完稅釐亦即在該兩關照納惟報運之時必須照章在本關出具保結聲明必在蘇杭完納稅釐等語

十四凡土貨從滬報運蘇杭者應由江海關征收出口正稅再由蘇杭等關征收復進口半稅

十五凡土貨從蘇杭報運出口者應由蘇杭等關征收正稅再由復進口之口征收半稅

停泊章程

十六凡華商輪船暨掛號民船均應泊在新關指定之處

十七凡華商輪船暨掛號民船無論由滬開往蘇杭或由蘇杭來滬均須於開行之先赴關報明請領船牌

執照等件方准起行如經查有船隻並無此項船牌執照而擅自開行即將該船擊獲充公或領有船牌執

照私自改道他走不由本章第二條所定之路而行經關查獲應將該船貨一併充公

十八凡華商輪船暨掛號民船每逢進口出口務須在江海關所設之南北兩卡停候查驗放行

以上章程暫行試辦倘日後有與稅務未便之處應隨時核議增改以臻妥善

總稅務司詳定華商購造小輪船章程 專論江海關一口附

一華洋商人如有暫時僱用該船前往內地游歷者報關另給執照以備沿途查驗回日繳銷經過關卡停輪候驗不准私帶貨物以及違禁之件違者截留究辦倘係華官僱用亦報關另給官僱執照官置之船一

往辦理 係光緒十年所定十一年頒行 以上並約章分類輯要

右江海關

杭州關洋商輪船章程

一凡此項杭滬蘇內河洋商輪船約有兩類一係可以自裝貨物之輪一係不能自裝貨物必須另用自置之船裝載作為拖帶之輪無論是何一類到口之時均須報由該管領事官知會新關查照出口時必得請領紅單方准駛出又如裝貨之輪必先報關納稅請領准單始可起下貨物

二凡洋商輪船若係常川來往杭滬蘇者准將船牌送呈上海領事官留存署內稟由領事轉請江海關發給輪船河照一紙以六箇月為限既領河照之船勿庸俟領事官知會新關即可先行報關納稅請領准單起下貨物其所具之稟必得將其輪船係屬何類即如或裝貨之輪或拖帶之輪分別注明如係拖帶之輪所拖船數不得過三隻亦不准裝貨倘有多拖船隻私裝貨物情事一經查出應將該貨充公且條約載明洋船來往杭滬蘇只應走由吳淞江及運河之路不准另走此外內地河道如果查有私自改道者應將船隻一併充公

三凡洋商輪船除挂本國之旗外白晝應懸新關所定之旗幟黑夜應挂新關所定之燈盞以示區別

四凡洋商輪船來往杭滬蘇三處須挂用關式白色旗幟其形長方長四尺闊一尺四寸旗面用紅色大字橫排書明某洋商某某輪船該旗應由該商照式自備夜間除常用之燈外另須擇在人所易見之處貫通懸挂白光燈三盞俾易分辨

洋商自置之船章程

五凡洋商自置之船應即報明該管領事官知會稅務司查核掛號

六凡洋商自置之船應由新關發給船牌內將船戶船名及該船所編號數詳細載入該船上應遵新關所定之處將其號數用大字排列書明俾易認識

七凡洋商自置船隻上下貨物應照各該口新關章程辦理由該商隨時報關請領准單方准裝貨卸貨

八凡洋商自置船隻沿途經過各關卡如今將新關所給之船牌繳驗應即呈出驗明即予放行不得稽留
九凡洋商自置之船該船之艙必須有蓋可掩如或無蓋必須蓋有艙面有門可閉之房以便新關貼封預防沿途私自起下抽換等弊

十凡洋商自置之船來往杭滬蘇三處須挂用關式紅色旗幟其形長方長四尺闊一尺四寸旗面用白色大字橫排書明某洋商自置第某號船該旗由該商照式自備

貨物章程

十一凡洋商自置船隻所裝之貨即與條約及各關章程所准往來通商他口者無異

征稅章程

十二凡洋商所運之貨即按通商稅則納稅至其洋輪及自置船隻均應完納船鈔

十三凡洋貨從他處運來杭者均在杭關完納進口正稅至洋藥一項所有應完納稅釐亦即在杭關照納惟報運之時必得照章在滬關出具保結聲明必在杭關完納稅釐等語

十四凡土貨從滬報運杭者應由江海關征收出口正稅再由杭關征收復進口半稅

十五凡土貨從杭報運到滬者應由杭關征收出口正稅再由滬關征收復進口半稅

停泊章程

十六凡洋商自置船隻均應泊在新關指定之處

十七凡洋商自置之船請領船牌後如因事故暫停來往該商應將原領船牌繳存新關俟後運貨時再行發還倘欲轉賣與華商應即報明領事官知會稅務司所有原領船牌即行呈繳以便核銷由稅務司一面飭稅將該船上所書大字銷去一面並將該船於某日改歸常關管理知照監督查核

十八凡洋商自置之船隻須於開行之先赴關報明請領船牌關旗等件如經查有船隻並無此項船牌關旗者即將該船擊獲充公或既領有船牌關旗而擅自改道他走不遵由吳淞江及運河之路而行經關查獲將船貨一併入官

十九凡洋商輪船暨有自置船隻每逢進口出口務須在新關所設之卡停候查驗放行

以上章程暫行試辦倘日後有與稅務未便之處應隨時核議增改以臻妥善約章分類輯要

右杭州關論輪船來往蘇滬兩關

蘇州關試辦章程

一凡船隻起卸貨物界限現暫定在盤門外相王墓對岸起進東至密渡橋止該船到密渡橋時須停候本

關諭令泊在界內何處

二凡起下貨物均須日間以早六點鐘起至晚六點鐘止至過封關之日非特請專單概不准行如未領有准單私行起下或所載之貨與總單不符經關查出均罰入官

三凡洋船抵口後限一日內將船牌等件交本國領事官照例報關如無本國領事託別國領事代報或逕自赴新關呈驗亦可華船抵口後亦限一日內將船牌等件自赴新關呈驗以上船隻洋商由領事報關後

該商應將船口單總單等件以及貨主英文各報單註明貨色件數斤兩價值等情一併呈關請領起貨准

單該貨先運至本關碼頭候驗由關驗明單貨相符發給驗單令該商赴銀號照數納稅取號收繳關方准放行其船口單須由該船主認保無訛該單內應將船內所有一切貨物何字號何件數詳載明倘查有呈遞假單者該船主應照條約罰銀五百兩如係筆誤即在遞貨單之日請改者可不罰銀

四凡出口貨物須先運至本關碼頭並將該貨用英文開具清單註明貨色件數斤兩價值各等情呈關驗

明發給驗單令該商赴銀號照數納稅取號收繳關請領下貨准單方准到船下貨再出口貨物如因船載已滿復行退回者須仍將貨運至本關碼頭驗明發給退貨單方准起回上棧

五凡船隻起下貨物已畢各項稅鈔均經完清應由該船商將所下之貨詳細開單呈關核對無訛發給紅單方准開行出口

六凡船稅完清開行往杭沿途經過吳江城外三里橋往滬沿途經過黃渡及北卡各等處如令將新關所發之牌照交出應即呈驗即予放行其由杭滬至蘇者亦當一體遵照而沿途一路概不准起下貨物

七凡本關除例應封關停辦公事之日不計外每日十點鐘開關至四點鐘閉關凡請得項單照均須稟本

關稅務司查閱

以上章程暫行試辦倘日後有與本關稅務未便之處應隨時核議增改以歸妥善

蘇州關署員役經費章程

- 一支監督辦公每月經費銀一百兩
- 一支商憲衙門書吏每月飯食紙工銀十兩
- 一支撫憲衙門書吏每月飯食紙工銀十兩
- 一支新關總辦委員一員每月薪水銀五十兩
- 一支差遣委員一員每月薪水銀二十四兩
- 一支文案每月薪水銀四十兩
- 一支司事二人每人每月薪水銀八兩共銀十六兩
- 一支總書一名每月辛飯銀十六兩
- 一支散書六名每月辛飯銀八兩共銀四十八兩
- 一支巡船一隻每月工食銀十二兩
- 一支巡勇六名每月口糧銀三兩共銀十八兩
- 一支差役六名每月工食銀三兩共銀十八兩
- 一支門役二名每月工食銀三兩共銀十二兩

一支更夫一名每名工食銀二兩

一支雜卡三處每處司事一人每人每月薪水銀八兩共銀三十二兩

一支雜卡三處每處巡船一隻每隻每月工食銀十兩共銀四十兩

一支雜卡三處每處巡勇四名每名每月口糧銀三兩共銀四十八兩

一支購書紙張油燭因公雜用每月銀六十兩

以上共計月支銀五百五十六兩以上並約章分類概要

右蘇州關

岳州關 征抽內港小輪稅務司函送與蘇局會同商榷

第一款輪船出入岳州口完釐章程 一自岳州至平江釐金在城陵局完清沿途過涪口卡無貨不須停

船到平江上墩照納落地稅至於自平江至岳州口則在馬家灣完清彼此均不重抽 一自岳州至湘陰

靖灣長沙湘潭等處出口時在城陵局完清釐金到該各處只完落地稅不再重抽又自該各處來岳州則

在馬家灣完清沿途無貨不須停船 一自岳州至衡州府並衡山縣之雷家市二處出口時在城陵局完

清到該二處只完落地稅又自該二處下水貨已在該二處完清到岳州口彼此均不再抽再補 一自岳

州進湘陰至沅江出口時在城陵局完清沿途各處只完落地稅不再抽再補下水在常德局完清到岳州

口不再抽再補沿途過龍陽湘陰無貨不須停船 一自岳州過洞庭至沅江上下水均同上沿途湖口有

卡無貨不須停船 一自岳州至洞庭西北岸沿途有卡應停船候驗完釐如出口時在城陵局完清則到

指運之處即不補不抽 一自岳州出大江入荆河應與湖北釐局定規同

第二款商人應遵章程 一輪船行駛內港裝載貨物應照章在岳州關請領專照 二輪船過應完釐卡

當停船呈驗單照注明日時蓋戳放行如未蓋戳即照章罰辦 三輪船在岳州通商准界內開行自早六

點鐘起至晚十點鐘止逾此鐘點不准開行違者照章罰辦 四輪船到卡上下貨物應先請領准單始可

上下此輪船裝載之辦法至於拖帶土船所裝之貨應在此卡碼頭起卸者該土船即停泊此處候驗其輪

船經卡官查過仍即拖帶別船開行 五輪船裝貨除已領洋貨稅單三聯報單外其餘照第一款各條辦

理 六輪船並輪船拖帶之土船均屬一律辦理 七輪船土船所裝貨物只准在有釐卡處上下無釐卡

處不准上下貨物違者照章罰辦

第三款大關與釐局合辦法 一本省大憲可派城陵釐局委員照內港行輪補續章程第九條辦理 二

出大江輪船請領專照該船與貨歸大關辦理 三入洞庭輪船該船歸大關辦理所裝貨物歸釐局辦理

四上水輪船裝貨已在大關完納子口稅領有洋貨稅單即為准單不再抽釐餘貨過卡照章辦理 五

下水輪船領有三聯報單在內地釐卡已經換有運照到馬家灣釐卡即呈運照候驗蓋戳准憑此照此戳

赴大關報完子口可也如此辦法甚簡便餘貨照章辦理

附錄一隻輪船不准請領兩項執照章程告示

為出示曉諭事照得光緒二十五年十月十一日岳州新開業經開辦所有往來之輪船應遵本口通商章

程辦理為此仰華洋商輪一體凜遵毋違切切特示

一自彼通商口來此通商口之輪船既領江照不准再領內港專照往內港貿易之輪船既領內港專照即不准再領江照 一凡行內港輪船經過本口者自本年十一月三十日起應在本關呈驗牌照請領岳州關專照遵照本口章程而行違者照章罰辦約章分類輯要

右岳州關

皇朝政典類纂卷一百五

征權二十三

洋關稅則貨稅 長江貨稅 陸路貨稅

英約第二十四款見條約類

英約第二十六款見條約類

英約第二十七款見條約類

續議煙臺條款之二見條約類

續議煙臺條款之四見條約類

續議煙臺條款之五見條約類

瑞典那威約第二條見條約類

美約第十五款見條約類

美續約另附第三款見條約類

法約第九款見條約類

法約第二十七款見條約類

布約第十五款見條約類

德續約第四款之一見條約類

德續約第六款之一見條約類

德續約善後章程第八款見條約類

丹約第二十三款見條約類

丹約第二十五款見條約類

丹約第二十六款見條約類

荷蘭約另款見條約類

日斯巴尼亞約第二十一款見條約類

日斯巴尼亞約第二十三款見條約類

比約第三十款見條約類

義約第二十四款見條約類

奧約第二十款見條約類

奧約第四十四款見條約類

秘約第九款見條約類

四約第六款見條約類

葡約第十二款見條約類

葡約第二十一款見條約類

日本行船通商條約第九款見海船通商條約門

日本行船通商條約第十二款見海船通商條約門

中墨通商條約第八款見條約類

中墨通商條約第九款見條約類

改訂中俄陸路通商章程第九條見海船通商章程門

改訂中俄陸路通商章程第十三條見海船通商章程門

英通商章程第一款見海船通商章程門

英通商章程第五款見海船通商章程門

美通商章程第一款見海船通商章程門

美通商章程第五款見海船通商章程門

法通商章程第一款見海船通商章程門

法通商章程第五款見海船通商章程門

布通商章程第一款見海船通商章程門

布通商章程第五款見海船通商章程門

丹通商章程第一款見海船通商章程門

丹通商章程第五款見海船通商章程門

比通商章程第一款見海船通商章程門

比通商章程第五款見海船通商章程門

義通商章程第一款見海船通商章程門

義通商章程第五款見海船通商章程門

奧通商章程第一款見海船通商章程門

奧通商章程第五款見海船通商章程門

以上各國通商條約

法國印花布照長加稅

總理各國事務衙門為照復事據貴大臣照會內開天津議定稅則內載印花布寬不逾七十八釐的適當

長不過二十七適當零四十三桑的適當每疋應納稅項七分惟本國並不織如此狹窄之布請煩將該稅則印花布條款改爲每疋寬至八十六桑的適當長至四十至五十五適當爲例等因前來本爵查原定稅則本不能更改惟印花布一款既據照會內稱貴國並不織此狹窄之布是當日議定稅則時尙未十分明晰但查貴國之印花布疋核與原定稅則所載寬已加增八十桑的適當長更加增幾及一倍若照原定七分恐不足以洽他國之商情若照原定稅則按數加增每疋應加稅至一錢五分因念兩國既經和好不妨格外讓情止增長稅不增寬稅改爲每疋共納稅銀一錢二分貴國印花布疋須照此次所議寬長永爲定式不得再行少許減長加寬以免將來再有辯論本爵實爲兩國和好是以俯順商情庶貴國印花布易於流通相應知照貴大臣嗣後遇有進口印花布務須照此次所議寬至八十六桑的適當長自四十至五十五適當爲例每疋納稅銀一錢二分此外各款稅則仍不能再行更改希貴大臣轉飭各口領事官查照遵行可也咸豐十一年八月照會法公使

附錄法國來文

大法國欽差大臣布爲照會事日前接奉本國總理各國事務衙門大學士劉文內開接准工農貿易部大學士咨文以阿里薩西亞省織布行公會稟稱現今本國與中國在天津設立和約稅則進口布疋花幔類內載印花布寬不過七十八桑的適當長不過二十七適當零四十三桑的適當每疋七分應納稅項條款惟本省及普本國並不織如此狹窄之布遵行該稅則條款則本國商人必不能將印花布運入中國販賣或將織布器具改易必致濫費仍無益處且彼時美國販賣棉布商人並無同行商手之商恐於中國無益

況只有此印花布係極精緻之物中國向來喜用故我國商人可以帶赴中國售賣得獲微利而本國與中國相處愈久交易愈多不但無礙且似兩面更有益處故本會稟懇大部轉請設法託駐紮中國京都全權大臣向中國總理各國事務衙門大臣商議倚靠本國與

大清國和好及兩國交易之益請將該稅則印花布條款改為每疋寬至八十六桑的適當長自四十至五十五適當為例本公會及本國各織布行莫不同深感賴等語相應咨行總理各國衙門查辦本衙門准此應行札知貴大臣竭力商辦等語本大臣奉此應即照會貴親王請煩查照可否辦理且此事若不改易條款則本國商人定不能運印花布進入中國似於稅項有虧故本大臣望貴親王允許改易若不准推諉實係兩面均有利益再貴親王屢以真誠友誼相待此等仍望設法辦理則益徵睦好之誼矣

英商赴內地購買茶子出洋照值百抽五稅

總理衙門咨准福州將軍福建巡撫文稱據署福州府詳英商寶順行欲赴內地購買茶子出洋咨請察照等因本衙門正在核辦閏四月十九日接據英國卜公使照會內稱英商寶順行欲運茶子下船出洋閩關禁止不准請速飭知該省遵約辦理前來本衙門查例禁之物均載在稅則茶子既未載在例禁之條自應查照善後條約第一條按值百抽五徵稅准其販運出口除照例外相應咨行同治二年四月二十四日咨

南洋

進口糖斤分別中外貨物納稅章程見子口稅

駝絨估價徵稅

總理衙門咨同治三年九月初七日准三口通商大臣崇函稱津關前議徵收駝絨稅赫總稅司原議每百斤徵銀三錢五分本大臣擬徵七錢尙未定妥茲與赫總稅司核定以後駝絨一項仍應隨時按照估價抽稅如時值每百斤十五六兩則按照時價值百抽五徵稅若時價但值七八兩則即按七八兩徵收總按時價之貴賤以定徵收之多寡現已與之定明等因前來本衙門查通商善後條約第一款內開倘有貨物名目進出口稅則均未賅載又不在免稅之例者應核估時價照值百抽五例徵稅等語駝絨一項既爲稅則所不載應卽核估時價照值百抽五例徵稅相應咨覆同治三年九月十六日咨三口

暹羅進口船分別報納稅鈔

總理衙門咨同治三年八月初三日准赫總稅務司呈稱現據天津關員稅務司申報有暹羅國船進口掛有暹羅旗號帶有暹羅船牌水手多係外洋之人應赴何關報稅等情查向年暹羅來船係有領數均赴戶關報稅嗣後請將天津一口每年由暹羅來船在領內者赴戶關報稅先須赴新關報明貨色件數請領起貨下貨准單並將進出口貨物各項總單呈新關備案至領外者概赴新關報稅並請將該國領船數目查核示覆等因前來本衙門查上年八月十八日准貴大臣咨稱據東海關監督稟稱暹羅石立安各國商人之船主貨主均係閩廣商人因遠涉重洋不過借外國旗號以禦盜警其實並不在泰西屬國之列若統以外國船貨歸入新關納稅與戶關舊制不符等語本衙門當以南洋各口暹羅等國之船係由新關徵稅如議改章必須南北劃一應由本衙門督商總稅務司妥議章程其章程未定以前所有東海關暹羅等國船隻完納稅鈔暫飭由新關徵收另款存儲毋庸扣交二成至如何撥補之處統俟章程議定再行知照各口

一律辦理業於上年八月二十一日行文知照轉飭東海關監督辦在案查暹羅國船隻向由戶關納稅且現在戶關廢報短徵不能足額皆為洋稅侵佔所致此項暹羅船向章既歸戶關常稅徵收此時若照赫總稅司所議辦理則戶關徵稅必致益虧本衙門現擬辦法嗣後如遇此項船隻到關無論額外額內船隻於過關時先持船牌呈驗如係中國船牌即赴戶關報稅如係外國船牌即赴新關報稅無論何項船牌均先由新關將進口出口貨物總單查明貨色另行立簿登記並於船牌內蓋用稅務司查驗戳記後再行飭赴戶關或新關報稅此項暹羅船現在辦法既以船牌為憑嗣後該商船如持有中外兩項船牌希圖避重就輕意存影射一經查出即將該船貨一併入官如係新關查出歸新關入官如係舊關查出歸舊關入官以免彼此爭競除札知總稅務司查照外相應知照轉飭天津東海兩關遵照其南洋各口仍照舊章辦理

同治三年九月十九日咨三口

蜜棗照值百抽五徵稅

總理衙門咨同治五年八月二十四日准咨稱紅棗黑棗稅餉均有定則而蜜棗一項稅則未載九江關前稅務司按照蜜棗稅則每百斤抽稅五錢與善後條約未符茲經該關後道與略署稅務司面晤擬照值百抽五徵稅每擔約值銀十餘兩實於稅餉有多無少應准照辦等語並請立案核覆前來查蜜棗一項既為稅則所未載該關駱稅司請照值百抽五之例徵收自應准其照辦相應咨覆通行各口一體遵辦同治五年九月咨南洋

蘇茶園餅臘報磚茶查出嚴行罰辦

總理衙門咨同治六年十一月十五日准咨稱茶磚分別收稅一案據江漢關道王文韶據路稅司查明各式者實係茶末之磚每八十餘斤約價六兩另一種方式者係粗茶打成磚式其圓筒者實係紅茶粗梗因不能做成磚樣用水圍成圓餅以爲陸路車中之用其價均只四兩請仍舊統照磚茶每擔六錢收稅且膠混之弊不可不防擬請嗣後倘有以紅茶作成磚式圓筒膠報前項茶磚出口一經查出卽將全貨入官再中國尙有普洱安化等茶均係細茶團成圓餅其成本十倍於茶梗之筒雖非外國銷場誠恐膠混納稅應請載明如有以普洱安化等類細茶團餅膠報茶磚者查出將單內同類之貨一併入官以杜影射而重稅餉並請附增稅則以示遵守等因前來本衙門查俄國續增稅則內載磚茶每百斤六錢註有別種茶葉另有稅則不得摻照此例乃近來奸商影射竟有將細茶團成圓餅膠報磚茶希圖減稅並有以細報粗謂式樣與磚茶雖異成色與磚茶略同擬請照磚茶納稅殊不知茶葉茶磚各有一定稅則不得互相牽混致滋弊竇查本衙門於十月間接據俄使照會以漢口商人販運千兩百兩茶成色與磚茶一類擬請減稅等因本衙門業已駁復今仍照二兩五錢完稅嗣後磚茶報關自應分別嚴查如有以各種細茶冒充磚茶者一經查出准照來文所擬嚴行罰辦並將同類之貨一併入官同治六年十二月咨南洋

附錄給俄國照會

爲照復事前接照會內稱現有本國漢口商人擬販千兩百兩等茶關口徵稅均每百斤二兩五錢其成色均歸磚茶等項一類但因式樣各異而徵稅似此懸殊實未平允請速飭酌定等因前來查陸路通商章程第十一款內載俄商販買土貨回國均按照各國稅則完一正稅查各國稅則千兩百兩等茶並無專條只

有茶葉每百斤二兩五錢又查俄國續增稅則內載磚茶每百斤六錢註有別種茶葉不得援照此例等語是除磚茶外無論何項茶葉均應援照二兩五錢徵稅且查千兩茶即係安化茶係細茶團成圓餅並非磚形上年英商寶順行曾有安化茶欲請減稅經本衙門與各海關議定仍按二兩五錢收稅百兩茶與千兩茶大約相同今漢口商人擬販之千兩百兩茶自不得與磚茶牽混應仍照二兩五錢完納稅餉至磚茶一項係專指茶末茶梗團成磚形者而言其式須方始為茶磚其物須價本較輕之粗貨始准照六錢納稅如有以茶葉及普洱安化等細茶團成圓餅報磚茶者自應由各海關嚴查罰辦因茶葉茶磚大有分別徵稅均應按照定章所有漢口商人販運之大花雙小花雙天尖貢尖芙蓉等茶在中國品茶而言均係上等細茶難照磚茶稅則一律辦理相應照覆十二月初五日 按中俄新約內議定將形如枳木之千兩茶一種及百兩內之貢尖天尖京尖均酌量減稅已列前案與別項茶葉無涉已註明稅則內

議定鐘表減稅并嚴防偷漏章程

總理衙門咨同治八年正月二十二日據法國照會稱前接本國總理衙門以鐘表生意日微實由關稅太重因而偷漏擬請將稅項減免當經本衙門以寬不如減函詢妥善辦法去後旋准法國羅使函送酌擬章程錄送前來本衙門查法國通商各口稅則內載洋鐘進口每值百兩抽稅五兩表每對一兩今將進口稅一體改照值百抽五之例並酌定嚴防偷漏章程辦法尙屬周密擬即改照現擬新章定期於本年四月初一日開辦除照會各國駐京公使並劄知赫總稅司遵照外相應抄錄新章咨行通飭通商各口遵照同治八年三月咨南洋

附錄鐘表減稅並嚴防偷漏新章

凡鐘表進口完稅現准一體照值百抽五例辦理各商報關請驗單納稅時除件數價值外須將其運進口之鐘表註明匠人行名鐘表號數開列清單存關以備稽查由關按件壓印戳記作爲此鐘表完稅之據倘有假作此戳記者除將此鐘表入官充公外華商則照例從重治罪洋商則由領事官從重懲辦日後凡已有號數存關之鐘表復運出口回國者給以存票復進口者給以免單倘有商人將未經掛號之鐘表存行發賣或復運出口一經查出則准該關照各口貨物違章漏稅應行查拏之總例查獲入官凡有以細報粗以賤價報賤價者准該關隨事酌情照該商自開之價收買至各行現存之鐘表自係已經納稅之物應限商人以六箇月爲期將行內鐘表按匠人號數開列清單赴關報明備查六箇月已滿違者不准發給存票免單等件並隨時將未經掛號之物查拏入官

由香港運來土貨照洋貨收稅

南洋大臣咨覆同治八年五月十九日准總理衙門咨查美商在香港販運糖貨一案上年十月間准前通商大臣曾咨可否作洋貨一律而論等因當經本衙門以並無辦過似此前案仍咨前通商大臣飭各關口查明向來辦法若向係如此應卽照行倘向不如此卽駁正妥辦本年二月間准咨復據閩海等關覆稱香港運來土貨向與洋貨一律而論等因各在案茲准湖廣總督咨稱據署漢黃德道鍾謙鈞轉據代理稅務司好博遜查復香港口岸本作外國埠頭但粵省所產土貨多有從香港運往別口者至本關進口各貨俱由江漢關驗明徵納稅餉給照前來應分別洋貨土貨爲憑江海關單照爲准如該商運貨來漢呈有江

海關發給例免重徵稅單者本關查驗數目相符即作為洋貨辦理如無免重徵稅單呈關均照內地土貨一律辦理歷來如此辦法等情據此查條約及尙行章程土貨與洋貨本有區別香港雖係外國埠頭然粵省所產土貨多從香港運往別口並非外洋所來之貨自應分別辦理嗣後江海關發給免其重徵稅單應令仍照舊章查核分別妥辦如係土貨似未便擅給免單致滋洋商包攬華商冒混之弊應飭江海關查明條約及舊章核明妥辦等因前來相應咨行查照轉飭江海關道查核妥辦等因查此案前准湖廣督部堂李咨當飭江海關查明具復去後嗣據該關詳稱奉經函詢稅務司狄妥瑪復稱查各口海關辦法凡有土貨報運香港所收出口正稅概不給發收稅單如抵香港後再往通商海口必至再完進口正稅蓋已將香港照外洋辦理是以由香港運來之土貨亦照洋貨收稅因已受作為外洋之虧故應得作為外洋之益所有該土貨進口時既照外洋辦理則復出口時自應查照洋貨或發免照或發存票以昭劃一等由據此伏查洋貨土貨各有定章無所謂之喫虧受益惟香港土貨進口時既照洋貨辦理則復出口時自可亦照洋貨辦理以歸劃一等情旋即咨復查照轉飭在案茲准前因相應咨復為此咨呈五月二十五日咨呈總理衙門

書籍仍須納稅

總理衙門咨同治十年十二月二十八日准赫總稅司申稱據江漢關稅務司馬福臣申報據該關監督文開嗣後凡有書籍裝運進出口者准免納稅又據東海關署稅務司好博遜申報現有書籍十七件進口在江漢關出口時曾免納稅此次進東海關之口應否並免復進口半稅監督因無免稅明文即令該商將半

魏完清各等情事關公務一案兩歧申請酌核示復等語查此案先於十一月間據湖廣總督咨稱據江漢關監督詳稱書籍一項向照上等紙張收稅惟兵燹以後書板毀失各省設局校刊似應免稅俾廣流傳等因咨請核復當經本衙門以該口書籍一項向來既照紙稅徵收每百斤只徵銀七錢稅項輕微於流通書籍並無妨礙若遽予免稅設或因販運書籍夾帶紙張別貨希圖走漏轉於稅務有虧咨令湖廣總督轉飭該監督仍照向章收稅在案今據赫總稅司申報前因是該監督未奉本衙門核復明文已將書籍免稅殊屬非是此項書籍十七件該關應完出口稅銀若干自應責令該監督照數賠繳以重稅課為此咨行通飭各海關監督所有販運書籍一項嗣後務須一律遵照向章辦理毋得擅自更張同治十一年正月初八日咨南洋

舊洋鐵箱轉運別口在原口註明總單俟到別口估價徵進口稅

總理衙門咨同治十一年十二月二十一日據總稅務司稱據江海關狄稅務司申報洋貨進口時箱包原用之洋鐵箱拆湊一處復運通商別口與監督商准照估價徵稅如有願領免照出口其稅自然照徵倘願至別口納稅本關將該貨載入英文總單令在別口完稅等語查此兩項辦法若出口時令補納進口稅則有多發免照之弊不如在總單內註明俟其復進口時再完進口稅為善等因申請酌復前來查鐵箱一項載在進口貨物稅則洋貨箱包所用鐵箱既有破眼自與專運進口之新鐵箱不同該稅務司所擬按照估價徵稅辦法尚屬平允至完稅一節總稅務司請專收復進口稅較為簡便應如所稱辦理為此照錄總稅務司原申是一件咨行貴大臣轉飭通商各口一體查照辦理同治十二年正月初五日咨北洋

附錄赫爾稅司申呈

爲申呈事竊據江海關稅務司狄安瑪申報以洋貨進口時箱包原用之洋鐵箍拆湊一處復行轉運外國已與監督酌准免稅惟復運通商別口是否一律免稅當經與監督函商嗣准監督來函內開查洋鐵箍一項每百斤完稅銀一錢二分五釐收入進口稅則現據積躉轉運外國本應補徵進口稅銀因英約第四十五款內洋貨轉運外國有給還存票之例是以准免出口稅銀嗣後轉運外國驗明實係洋鐵製成並非中國鐵斤准其一律免稅如轉運通商別口仍應照例完稅等語本稅司當經函復監督以洋鐵箍轉運通商別口如有願領免照出口其稅自然照徵倘有願至別口納稅則本關將該貨載入英文總單令在別口完稅再此項鐵箍均有破眼非新鐵可比應准照估價完稅又於六月二十九日接准監督來函內開查洋鐵箍轉運通商別口願領本關免照既非新鐵可比准照估價徵稅如有願至別口完稅者務於英文總單內聲明情節此稅上海未經完納准其在所運之口查驗補完等語爲此申請核奪等因前來據此查洋貨進口箱包原用之鐵箍本爲堅固之意是進口時此項鐵箍實係箱包同類自無進口稅可收惟日後商人拆湊一處擬販運銷售此物復入百貨之內逢關自應納稅鐵箍原係粗鐵所存且經風雨而生鏽日久漸至蝕蝕與稅則所載之生鐵熟鐵有異江海關監督稅司商定估價徵稅固屬得宜應准照辦惟所擬由商人於出口時納稅請免照或出口時不納稅俟復進口時再納稅各議總稅務司以爲此兩項辦法若有欠於畫一之意若出口時令其補納進口稅則有多發免照之累是此辦法不如在總單內註明俟其復進口時再完進口稅爲善此項鐵箍買賣自係微末生意其所收之稅亦自纖微無幾惟既應徵其稅則應有通行

之意以便各關一體遵辦不致兩歧合行申請酌奪示覆十二月二十一日

粵囉呢加稅日後復出口應照算分別發給免照存案

總理衙門咨同治十一年十二月二十五日據總稅務司申稱九月初八日鈞札內開八月二十三日准署南洋大臣咨據江南海關道稟稱案據新關稅務司狄安瓏來函以進口稅則粵囉呢一款註明寬五十一因制至六十四因制每丈稅銀一錢二分茲有德全旗昌等行進口俄呢計寬至七十二因制仿照原布過於稅則所載核加稅數該商未服其應如何徵稅函請核示當查稅司核加稅數其法甚善應即按照辦理嗣據德國領事官函請給還多徵稅銀又經照案駁復現在德全廣豐加增之稅雖完終未允服據情咨呈查核前來查粵囉呢花布兩項既與稅則因制不符狄稅司加增稅銀辦理甚屬公允查從前咸豐十一年法國哥大臣士耆曾以印花布惟英美兩國較為寬長請中國加稅當經改為每疋共納稅銀一錢二分並照此次所議寬長承為定式等因照辦十餘年均無異議此次德全廣豐粵囉呢一項既是因制與稅則有增自宜比照法國所定印花布稅數加稅一律辦理札行總稅務司查復等因查粵囉呢進口每疋計寬五十一至六十四因制自應按照稅則明文每丈完納稅銀一錢二分若寬過六十四因制則應按照多出寬長若干折增丈數徵收稅銀惟日後倘有復出口之事該關應照此核算分別發給免照存案等件庶不致於轉轉矣合行備文申請查照施行前來除咨復南洋大臣查照並飭復總稅務司轉飭各國稅務司遵照外相應咨行轉飭各口一律查照辦理同治十二年正月十九日咨北洋

古銅器照則徵稅

稅項憑據詢據鈔關委員面稱古玩一項未載戶部稅則當經函商稅務司凡洋商販運古玩出口於估徵出口正稅後令再補交子稅方准放行近來洋商販運古銅器串通華商代赴鈔關報稅比照銅料器折中完納每百斤按五錢五分徵收較新關估價徵稅輕重大相懸殊復查該商等所運古銅器均係廣製景泰藍內地銷售甚稀聞各西國應皆珍愛天津出口貨向來稀少此貨現在出口甚多擬請嗣後無論華洋各商凡販運古銅器均歸新關令一律按估價報納子稅以杜勾串避稅是為有當理合將上年函商稅務司洋商販運古玩估徵子稅全卷抄錄具文詳請查核立案等情據此除批據詳並摺均悉嗣後遇有華洋各商販運古銅器即歸新關按照估價令其一律納完子稅以杜避重就輕之弊應准立案等因抄錄函件咨明前來查稅則內出口雜貨類內開古玩每值百兩抽稅五兩此項古銅器係古玩之物應照稅則抽稅洋商入內地置買應照條約完納子口半稅俟出口時再完出口正稅倘該商將此項銅器復運通商別口並應完復進口半稅以符舊制除飭行總稅務司轉飭各口稅司遵照外相應咨復轉飭各海關一律查照辦理同治十二年七月十九日咨北洋

圓槩木雙通徵稅

總理衙門咨上年七月間據粵海關監督呈稱加羅威治洋行由香港僱用華船載木來省前任崇監督酌定嗣後德國商人僱用內地船隻裝運槩木雜木進口凡稅則已按定者按稅則徵收其稅內所無者按估價例輸稅照會呂領事官飭商遵照現與德國福署領事官往來辯論意見不合抄案呈請核復等因當經

本衙門照會德國和署公使轉飭福署領事官照約辦理嗣接和使函再加羅威治洋行一事已由呂領事與粵海關辦理完竣無庸再提惟恐事後無定例可憑不如將稅則內所載梁木一節預爲詳訂請貴衙門明示粵海關令其將樅木長不過若干適當厚不過方三百零五密理適當無論其木之方圓均列入稅則等語經本衙門飭飭粵海關監督暨赫總稅務司酌核申復各在案茲據總稅務司申稱查木植按稅則內載應分三大項一曰樅木一曰梁木一曰板木倘木植進口有未能按照此三項木植比例納稅者只可按照監督意見以雜木論照雜木估價納稅緣板木一項既不能作梁亦不能作樅是以稅則內按其長若干寬厚若干定其稅餉若干至梁木一項可以作梁亦可以分鋸爲板而究不可以作樅是以稅則按其長若干四方若干訂其稅餉若干至樅木一項可以分鋸爲板亦可以截而爲梁然祇此樅木始可以作樅是以稅則按其長短若干以訂其稅餉若干木植雖難區別惟以板樅梁三大項分別清楚各適其用者自各有定規既易剖別亦無牽混而梁木一項稅則並無四方梁木之名目不過僅註明梁木每根應照其長若干四方若干納稅若干四方之梁木比較圓木輪角稍闊而運圓木者願將圓徑作爲方徑納稅似於稅則三項之分易於相符卽徵收稅數亦覺易於核算至稅則所載貨物名目其應納之稅數起初原無非按值百抽五之義而核定納數故於所未賅者復增一值百抽五之例其意不過因此外有未賅備者之名目亦屬畫一耳此案粵海監督照雜木估價值百抽五之例收稅在該商其不願照此輪納者何故蓋因各項貨物各有時價之不同溯自通商徵稅以來迄今已逾十有餘年之久各貨色不特先後時價懸殊卽早晚時價亦各有輕重不能相若故在商情頗願稅數有一定不易之規以便在置貨時預爲籌計其本利之盈虧卽

在關務亦必各有一定不易之稅數亦可為免互相饒舌之事此案德商加羅威治行圓梁木係可以作板而不可以作桅者之木且其圓徑與稅則之方徑堪以比例似應按稅則中之梁木每根一錢五分之例辦理倘有他商不願照此輪納者即將鐘表之例比擬納稅亦可其願估價值納稅者則值百抽五其願照稅則納稅者則每根一錢五分如此辦理各商既無可藉口即於稅餉亦無甚出入等因前來本衙門查總稅務司申復各情既稱於商人有便而於稅餉無甚出入應照所請自第六十一結起開辦其第六十一結以前仍照舊章辦理以清界限除由本衙門照會德國並飭粵海關監督暨總稅務司遵照外相應咨行光緒元年六月二十四日咨北洋

議定無論官運商運外洋機器進口應照值百抽五之例徵稅

總理衙門咨據赫總稅務司申稱汕頭現有洋商裝運外國機器進口在汕頭本行內熬作糖斤又煙臺另有洋商運外國機器進口在煙臺本行內作為抽絲之用又上海有洋商擬辦外國機器在上海本行內製造洋布以上三行洋商均請以所辦機器准予免稅進口據稱所辦機器請免稅因係本行自用並非出售於人等語惟查應稅之百貨其終無非歸於自用而機器與善後章程第二款所載之尋常日用物件迥不相同又據云請免稅因外國機器宜廣開來路等語惟查凡有益於實濟之機器按其原價每百兩徵銀五兩不足以礙其來路又據云機器局造船局所用之機器皆准免稅進口惟查此局內之物乃官用之件不得比擬此事再四思維疑嗣後凡有機器進口無論官民運來均令按原價每值百兩徵稅五兩為例伏思官用機器係動公款購辦若於進口時復令完稅不過在原價外每百兩加銀五兩其物為公用之物其價

爲公用之款其所納之稅係本自公項其所收之稅亦歸於公項是有徵收得稅之如此則凡機器進口卽不致有兩歧辦法所有機器之稅應徵應免請酌核示復等內外國機器既無免稅之條若遽予免徵恐將來紛紛效尤自應按照值百抽五之一律照章完納以昭公允而重稅餉除飭行總稅務司查照辦理外相應咨行轉飭
照光緒四年正月咨北洋

開平煤出口減稅

北洋大臣李 奏再據候選道唐廷樞稟稱開辦礦局以來購備機器延訂洋匠工費成本既重煤價亦因之而昂若再加現定之稅額其勢必不能暢銷而關稅亦鮮所收不若減輕而多所納以煤斤而論洋煤每噸稅銀五分土煤每擔稅銀四分合一二釐若加復進口半稅已合每噸銀一兩有奇盈絀懸殊前兩江督臣沈葆楨於臺煤每噸徵稅一錢較洋煤業已加重嗣湖北用機器開採亦奉 諭旨准照臺灣稅稅章之意或恐煤稅減輕則土煤出口日多內地煤價必長故特重其稅以示限制於近地若從陸路車運出口脚價太重斷不合算況其所採浮面之煤實不足供輪西等處煤產專濟京城內外之需並經轉運來津者是其明證似多運出口一節本用西法每日出至五六百噸之多據洋師測量足供六十年採取除運往要口分供並可兼顧內地民間日用刻下運道疏通脚價既省若再將稅則減輕煤之售價必

售於各局者不致再用洋商昂貴之煤其有裨於公款不少等情前來臣復飭津海關查明歷年洋煤土煤進口數目開具清單自同治十年起至光緒六年止洋煤進口計八萬一千五百餘噸土煤進口僅五千五百餘噸而出口土煤則天津向所未有蓋由稅則厚薄不一土煤壅滯難銷若不變通設法更定章程殊非通籌理財之大計合無仰懇 天恩俯准開平出口煤斤按照臺灣湖北之例每噸徵收稅銀一錢以恤華商而勸洋煤庶風氣日開利源日旺而關稅亦必日有起色矣理合附片具陳伏祈 聖鑒光緒七年四月奉 旨著照所請該衙門知道欽此

俄產海菜減稅復議區別等次定稅照征

總理衙門咨所有俄產海菜擬合作爲二等海菜每百斤納稅銀一錢等因前經咨行並准轉據市海關盧稅務司查明定議核與每百抽五之數不甚相懸咨復前來本衙門當即據情照會俄國公使去後茲於本年八月初五日據俄使照復內稱俄國海口所運海菜一項與日本海菜 質味不同擬將前定每百斤關稅銀一錢五分減爲一錢等情均爲允洽其開辦日期自應靜候示知等因現在本衙門酌定於中國十月初一日開辦除十月初一日以前仍照舊章辦理外相應咨行轉飭各關遵照辦理同治六年八月十二日咨
三口

北洋大臣李爲劄飭事准總理衙門咨開光緒十一年九月二十三日接准總稅務司申稱海菜進口一事現據東海關稅務司穆申報現由俄國運海菜進口驗係日本所產即非日產亦係與日產同類之物或俄產海菜近年有與日產相同者抑或日本鄰近之島產有海菜不運日本而運俄國查俄產海菜列於下等

故進口時按百斤納稅一錢征收今俄國所運海菜既非下等與日產之物無所區別獨將俄產者減稅征納似未公允嗣後此項海菜進口應否照所值二兩五錢以上者作為頭等海菜征收每百斤納稅一錢五分之處申請酌度通飭遵辦等因當經本衙門函商俄國駐京博大臣嗣後俄商所運海菜自應驗明頭等二等之貨分別納稅在案茲於十一月初三日准俄國博大臣函復分別海菜一節悉從施行所擬辦法應令海關於俄商自俄境所運海菜詳細區別等次核准定稅藉免官商執辯等語前來相應抄錄來往原函咨行貴大臣查照通飭酌核辦理可也等因到本閣爾大臣准此合行劄飭劄到該道即便查核辦理此劄

光緒十一年十一月十一日劄津海關

照錄致俄國公使博大臣函

光緒十一年九月二十三日准總稅務司申稱海菜進口一節前於同治六年三月間奉本衙門札開准俄大臣照會以俄產海菜素下日本而進口征稅均係每百斤納稅一錢五分與值百抽五之例未符請秉公更定等語當經總稅務司核議申復並經三口通商大臣咨照俄產海菜係不如日本所征稅項自可量為變通用示區別所有俄國所產此項海菜應作為一等海菜每百斤納稅一錢核與每百抽五之數不甚相懸業經本衙門照會查核去後旋於是年八月初五日准倭大臣照復稱爲允洽定於是年十月初一日開辦遵行在案現據東海關稅務司穆申稱現有商人報由俄國運海菜進口六關驗係日本所產即非日產亦係與日產同類之物該運海菜之船係由俄國駛過東洋而來商人呈驗起貨單暨信函等件皆有該貨係在俄國上船之據或俄產海菜近年有與日產相同者抑或日本鄰近之島產有海菜不運自本而運

俄國查因俄產海茶列入下等故進口時准按每百斤減稅一錢征收使俄國海茶非屬下等與日產之物無所區別而獨將俄產者減稅征納兩歧似未公允申請核示等因稅務司查嗣後此項海茶進口應否照所值二兩五錢以上者作為頭等海茶征收每百斤納稅一錢五分之額備文申請酌奪會商以便遵辦通辦前來本衙門查海茶一項無論俄產日產應以價值之高下定稅則之多寡前因俄產海茶比日產形色較粗是以照二等納稅現在俄商所運海茶與日產無所區別質味既美價值必多應照各國總例辦理嗣後俄商所運海茶自應驗明頭等二等之貨分別納稅方昭公允相應函商貴大臣查核見復以便遵飭辦理可也

布底絲面裁料進口按照估價值完稅

總理衙門咨開前據總稅務司申稱英商泰和行運進布底絲棉裁料入口江海關令照估價值完稅該行請照絲棉雜貨收稅一案請飭向在行商家質明辦理等因當經本衙門照抄原呈咨行南洋大臣飭查明確去後茲據復稱此項裁料雖係絲棉兩種參織而成但係絲緞面與絲棉雜貨有別令照估價值納稅似尚公允各等情前來除由本衙門咨復南洋大臣暨劉總稅務司轉飭各關稅務司一律遵辦外相應照抄原文咨行查照轉飭所屬各關道遵行此等貨物進口即按照所擬估價值收稅辦理毋稍歧異可也光緒十一年十一月二十九日咨各省

德商船廠免稅各物章程摘錄第五條

五修船免稅物件進廠後如欲修作新船或舊船改新或將短改長或夾板改為輪船或明輪改作暗輪或

暗輪改作明輪以及賣與他人不作修船之用者應由本廠先行開單赴關報明隨將單內各物需用若干或賣出若干請發補稅驗單立即照例完稅倘有稅則未經駭載者均照值百抽五之例完納再此項物件均應先行完稅方可動用或發賣出廠一面於清冊內將各物斤兩價值並如何使用賣出行名稅數等項一律登記註銷

照復日本參稅仿照美參辦理

大清欽命全權大臣總理各國事務尙書銜戶部左侍郎張照覆頃接來文內開本日經署名蓋印之通商行船條約第九款內開凡各貨物日本臣民運進中國或由日本運進中國者又日本臣民由中國運出口或由中國運往日本者均照中國與泰西各國現行各稅則及稅則章程辦理等語所有日本參應按照美國參稅則一律辦理特此聲明等語披閱之餘本大臣並無異議特此備文聲明以上並約章分類輯要

光緒二十三年湖廣總督張之洞奏竊光緒二十一年五月總理各國事務衙門具奏機器製造貨物酌定稅則奉 旨允准續據總稅務司酌擬章程九條經總署核定由南北洋大臣通行各關在案伏查光緒八年北洋大臣奏准上海織布局只完正稅一道概免沿途稅釐此後各省機器紡織皆援此例此 聖主愛養民生之深仁而卽古來興國者通商惠工以致富強之至計 天地覆載感頌同聲從此中華商務駸駸漸有生機矣此次加稅之舉在總署原意謂詳商得在中國設廠造貨人工運費種種省便利益甚優故議酌加稅則洋商既加則凡華商用機器造貨亦應一律照加以免洋商藉口此總署謀 國裕課統籌中外之深心臣雖至愚亦能領解特是詳察商情知機造各貨加稅一層不免有損多益少之病有不敢不爲我

皇上陳之者溯自馬關定約以後臣在署南洋通商大臣任內欽奉閏五月十三日旨旨飭令招商多設織布織綢等局廣為製造臣當即宣布德意率屬勸諭招徠中國商民知外人得來內地設廠造貨莫不感慨奮發思有以防內蠹外漏之患而又深悉朝廷恤商輕稅之章其議集股分圖占先著者不乏人凡各處稟請購器造貨者臣多從允准且為之籌備廠地歸併釐稅計畫銷路由意維持江南湖北紗絲各廠更屢次奏明助給官本總冀厚集商力以挽外溢之利源計數年以來江浙湖北等省陸續添設紡紗織絲烘繭各廠約有三十餘家此外機造之貨蘇滬江甯等處有購機製造洋酒洋蠟火柴碾米自來水者江西亦有用西法養蠶繅絲之請陝西現已集股開設機器紡織局先遣人來鄂考求工作之法四川則已購機創煉煤油並議立洋燭公司山西亦集股興辦煤鐵開設商務公司至於廣東海邦十年以前即有土絲洋紙等機器製造之貨近年新增必更不少天津煙臺更可類推湖北湖南兩省已均有購機造火柴及榨棉油者湖北現已考得機器製茶機器造塞門聽土之法正在督飭稅務司勸諭華商興辦湖南諸紳現已設立寶善公司集有多股籌議各種機器製造土貨之法規模頗盛似此各省氣象日新必且愈推愈廣彼華商雖亦聲稱集鉅資設大廠而迄今造就者只上海二三家他處未之有也無如華商智慮初開行銷未廣已成之廠獲利無多未成之廠集資非易洋商見我工商競用新法深中其忌百計阻抑勒價停市上年江浙湖北等省繅絲紡紗各廠無不虧折有歇業者有推押與洋商者以後華商有束手之危洋商成獨攬之勢商民延頸舉踵正以寬恤保護之法望之朝廷兩湖風氣初開商力甚薄尤為惴惴此近年來商務之實在情形也臣愚以為洋商在內地改造土貨本於華商生計有妨是以舊約懸為厲禁今迫於事勢不

得已而允之則又當就已成之局而熟權利弊庶免我華商民有累上加累之虞竊謂今日各洋廠設否聽之而華商機器製造之稅如故洋商開一廠則華工習一法洋商創一貨則華民曉一用大抵華商性情憚於精思創物而樂於摹仿爭利華商用度較儉土產較熟足可與之相勝果使華商本輕利穩愈開愈多洋商見華廠已經充物利息愈分愈薄則續開者自少即如湖北織布局一開而江漢關進口之洋布已歲少十餘萬疋可爲明證目前華廠已將十倍於洋廠是機器製造之利洋商得其二華商得其八且就華洋各廠合計出貨自多稅額雖輕稅數必溢此有益於民生而仍有益於國計者也即使洋廠因稅輕而爭開不已然洋廠所獲之優利亦華廠之所同沾其出貨之數分利之勢自足相敵且洋商所在其一切物料必取之中國工匠亦取之中國轉移閑民亦必資之中國彼洋商所得者商本盈餘之利而其本中之利留存於中國者仍復不少是華商之利雖去其半而中國農工收漁之利仍得其全華民沾其利又曉其工則華商購機製造之廠必不能絕從古未有農工盛而商獨衰者此目前不求有益於國計而必無損於國計且尙不盡有損於民生者也至於華商鼓舞方見萌芽之時遽行加稅則華商困阻於內洋商抑勒於外數年之間已成歇業未開者絕響是九州之地產物力萬國之巧法厚利盡爲洋商壟斷之資如謂明文則一體加稅暗中則曲予維持目前中華局勢外洋情形竊恐未能辦到且洋商之究肯加稅與否亦尙不知何時而華商則已先敝矣即使洋商於華造者遵加而其來自外洋者仍不能加明知華商不能再開機廠則不造於中華而專造之於本國銷流日廣貨價日增徒存內地製造加稅之虛名而受華商阻塞利源之實害此有損於民生而仍無益於國計者也從來華民最樸不曉物宜華工最拙不諳機器華商最散

不籌鉅本是以拘守舊法坐棄萬物之菁華一究阜財之大用今幸而鑒於鉅創忱於強鄰一旦幡然捐棄故智爭購機器暢土貨集公司之法正是中華自振之機若再從而扼之以後更復何望私憂過計不勝悚懼近日與江蘇巡撫臣趙舒翹浙江巡撫臣廖壽豐往返電商均以暫緩加稅為保護華商之至計合無仰懇 天恩飭下總理衙門將機器造貨值百抽十之新章暫行緩辦一俟商務大盛而各國又一體允加進口稅之時再行舉辦彼時洋貨價漲華貨即使加稅尙足相抵而目前無不能自立之患大局幸甚又總稅務司所擬章程第二條凡有製造之貨均須一律存儲關棧候撥等語在總稅務司之意以為杜絕偷漏然商民成貨待價而沽瞬息變易有失之須臾而盈虧迥判者又如機器造鐵機器碾米機器造水泥火礱此等笨重之物如何搬運如何封存又如機器造煤油機器造火柴此等危險之物同棧之貨孰不異其延累設有損失恐洋關賠不勝賠矣大抵商情樂簡而惡繁喜活便而畏膠滯若一概存儲關棧交貨看貨動須報關即使不至留難而貨主既嫌經官之周折又不如本廠自存之放心種種窒礙必致紛紛歇業至洋商則仍出納自如如此明明力窒華商之生機而暗暢洋商之銷路矣竊謂宜在運貨出口時切實查驗不在貨成後概予封藏應請併 飭稅務司重改章程方為妥善此乃農工商民公共之利害中外貧富強弱之樞機臣為自強大局力固根本起見反覆焦思不敢不言所有機器製造土貨懇請暫緩加稅並貨物免儲關棧各緣由理合恭摺具呈 張宮保啟

又總理衙門遵議機器製造土貨加徵值百抽十稅章暫可緩辦片臣衙門於光緒二十三年正月二十八日准軍機大臣抄交司業黃思永片稱自有加收貨稅值百抽十之議商情瓦解上海華商有將自立紡紗

繅絲等廠售與洋人免虧血本者紗絲若此餘可類推近年仿用機器改造土貨原欲以華商洋收回利權
華商虧折太甚勢必紛紛閉歇低昂物價之權盡歸洋商等語奉 諭旨著該衙門議奏欽此臣等查光緒
二十二年五月二十一日臣衙門奏請酌定機器製造貨物稅章一摺原因允准洋商製造土貨之後不能
指為中國土貨隨地征收稅釐若不加重離廠稅課則洋商改造土貨成本既輕獲利必厚中國土貨必致
滯銷是值百抽十之議原所以抑洋商之利權保華商之生計嗣於光緒二十三年正月內准浙江巡撫廖
壽豐電稱製造征稅新章係為洋商預立專案但華商資本支絀風氣尙未大開若驟加征稅項商務恐難
振興擬請暫緩開辦以紓商力俟洋商加稅時然後一體征收等語臣等以此項章程原為抵制馬關條約
准日本製造土貨起見續與日本使臣林董定議任聽中國征稅惟不能較華商有所增益是日日本從前不
允納正稅之說業經爭回此項征收華商製造土貨章程暫可緩辦當經電復浙江巡撫并電南洋大臣暨
札行總稅務司在案茲據該司業奏請從長計議臣等詳加商酌自應仍照臣衙門電復浙江巡撫緩征原
案辦理換縱可以自如統俟洋商開辦機器廠時華洋一體征稅以免洋商藉口謹附片覆陳 仰鈔
又總理衙門遵議臺貨改照洋貨徵稅事宜疏竊准軍機處抄交光緒二十三年五月十八日御史張仲忻
奏臺灣土貨進口請照洋貨收稅一片本日奉 諭旨該衙門查核具奏欽此欽遵抄出到臣衙門查原片
內稱臺灣既歸日本其由該處所產貨物自應比照洋貨收稅不得仍前辦理擬請 敕下總署轉飭稅務
司改照外洋進口稅章抽收以裕餉源等語臣等遵即札飭總稅務司妥籌申復嗣據呈稱馬關定約以後
情事改變臺灣一處應作為外國看待開具洋貨土貨進出口征稅辦法四款并聲稱此項臺貨入內地之

稅單釐卡委員以臺貨與土貨相似不肯遵照稅單放行應飭各釐局免征放行等因臣等查臺灣既非內地該處進出口貨物非改照通商各口稅章辦理不足以昭劃一該御史所陳不爲無見既據總稅務司申復各款核與通商各口稅章辦法相同自應查照辦理至該總稅務司所稱臺貨與土貨相似凡領有入內地之稅單應飭各釐卡照章免征一節核與領單之洋貨入內地不再重徵之章相符亦應准如所請以免轉輾而杜口實如蒙 俞允應俟奉 旨後由臣衙門咨行南北洋大臣閩浙總督福州將軍兩廣總督並札行各海關道總稅務司一體遵照辦理謹將總稅務司所擬辦法四款另繕清單恭呈 御覽所有遵議臺灣土貨進口征稅緣由理合恭摺復陳 仰鈔

附錄總稅務司進呈辦法四條

一凡臺灣之土貨自今以後應作爲洋貨看待於運進中國口岸時征收進口正稅若運入內地或按中國辦法逢關納稅過卡抽釐或在新關完納子口半稅請領入內地之稅單運赴單內載明之處概免各項稅捐悉聽貨主自便若復運通商他口應給免稅執照若復運外國應給存票

一凡中國之土貨運往臺灣於出口時應完納出口正稅不給何項執據如該貨自臺灣運回中國他口則作爲洋貨應完進口正稅後與他洋貨辦法無異

一凡洋貨已在中國完納稅餉者若限內運往臺灣應給存票

一凡船隻已在中國完納船鈔領有四箇月爲期之專照如駛赴臺灣所領專照無碍行用

昔夏禹有會計之紀周官著理財之條誠以有天下者準乎什一之法取諸民以供國用而藉治百事也中國自開海禁與各國通商由道光二十二年中西立約以洋人各貨進口納稅之後即準由華商販運各地通關祇按估價值每兩加稅不得過若干分維時當事不知中國稅額較之各國有輕至四五倍七八倍者故立約如此也迨後天下多事徵兵募勇始創權貨抽釐之制藉給軍資夫商賈以販運爲生若賊匪未靖道路不通銷貨必遲故莫不情殷報效且所抽之釐仍增價於所售之貨實則取之衆人積少成多是以民恨怨咨商無虧損最旺之時通計海內歲收不下二千萬今雖稍減亦有一千五百萬故得以削平羣寇共慶昇平胥賴此耳無如釐卡委員或辦理不善或因兵燹時設卡過多洋人遂執摩貨免釐之說以爲要挾顯違條約欲撓我中國自主之權即使釐捐果累商民亦須俟國用稍裕時自行酌裁漸次停免斷非局外人所得而干預也今軍務雖平而防營尙不可撤田賦猶未復原一切營後事宜尙須布置即製造輪船槍礮悉藉釐金彌補去之則半籌莫展百事俱弛且華商因避釐捐競買稅單故洋稅因之而旺倘釐捐停止則洋稅必多偷漏有減無增此自然之勢也查初辦釐捐時洋人之貨亦在各子口征課尙無異說迨咸豐八年十一月中西重訂條約始定洋貨土貨願一次納稅可免各口征收者每百兩徵銀二兩五錢給半稅單爲憑無論運往何地他子口不得再徵其無半稅單者逢關過卡仍照例納稅抽釐斯乃體恤洋商恩格外較之華商其獲利厚矣故華人之嗜者每每串通洋人互相蒙蔽有代華商領半稅單而取費者有代洋商用洋船裝運洋藥各貨者有代用護照包送無運照之土貨者購張爲幻流弊滋多洋稅釐金受其困而華商之守分者不能獲利多依附洋人而變爲奸商反不

如裁撤釐金倍增關稅其販運別口者仍納半稅則洋人無所藉口而華商不至向隅況查粵人所轄之
香港澳門無徵收釐稅之例商賈多抵其地以期貨平易售免出稅釐故香港澳門之貨物日多中國各
埠之生涯日澹貽隣邦之藐視曠洋島之財源又如粵東關姓捐輸其款甚鉅本屬病民傷化惟不能杜
其弊遏其流而奸民遂遷往澳門仍行開廠廣收綜計三年捐銀五十萬兩利歸洋人此所謂爲淵駭魚
爲叢歐鷗也曾考泰西各國稅額大致以值百取二十或取四十爲制最多更有值百取百者又有全不
取稅者蓋以輕重之中各寓自便之計卽如烟酒外洋徵稅極重在中國開洋酒店者尙需納規領牌而
每年進口之呂宋烟洋酒其數甚鉅竟充伙食慨不納稅泰西俱無此例尤屬不公今宜重訂新章仿照
各國稅則加徵進口之貨並重稅烟酒鴉片虛費等物以昭平允又如珠玉錦繡珍玩非民生日用飲食
所必需雖倍稅加釐無損於貧民無傷於富室且統計我國之所無者則輕稅以廣來源有者則重稅
以遏去路權其輕重衡我商民尙慮率爾更易齟齬必多惟於期滿換約之時重定稅則據理力爭務使
之就我範圍而後已耳洋務執要

薛福成洋貨加稅免釐議

竊查總理衙門與威使訂定值百抽十議者以爲不使其間得失各關局必且詳言之至其事之關係尤
鉅者請略陳梗概攷光緒六年各關貿易總冊進口正稅共收銀二百三十八萬餘兩洋貨半稅共收銀
二十六萬餘兩而光緒五六年間戶部冊報各省歲收百貨釐金將及一千二百萬兩卽使洋貨釐金仍
居三分之一亦得四百萬兩今若加稅免釐卽半稅亦在所免之列是每歲當短收釐金及半稅銀四

百二十六萬餘兩而多收洋稅銀二百三十八萬餘兩以彼易此通計每歲虧折銀一百八十八萬兩而落地坐賈等稅不與焉此其較然易明者也若夫餉源偏重於洋關動爲外人所牽制撓我自主之權其弊一各省少挹注之資外權漸移於戶部而疆事益難措手其弊二一旦有兵荒大事無可設法以應緩急其弊三土貨冒洋貨以漏捐而各卡之稽查不易則土貨釐金亦必大絀其弊四釐金減半而各卡仍不能裁減所需經費必盡取盈於土貨是因欲暢銷洋貨而使土貨獨受其累與外海運出口稅重進口稅之意正相反其弊五凡此五弊皆爲天下大局計而非僅爲一隅一時一事計也且以二百三十餘萬兩之洋稅散之各關不見其多其於原定各處之協餉固不能多解絲毫也若各省所收釐金則准四月份與北洋海防經費恃爲大宗今驟闕此四百萬之巨款各省停減協餉有辭可執恐每歲少解准餉必在四五十萬兩以外少解北洋經費必在三四十萬兩以外是洋貨免釐之害中於淮軍與北洋者尤甚也淮軍與北洋受其病亦天下大局之病也雖然斯議也中外大臣商之數年彼此相讓遞增遞減而定爲此數今再爲請益則不可若驟欲駁罷則我轉居失信之名各國使臣必不允也是莫如用鈐制之術使之無辭以難我自不得不罷論矣鈐制之法其說有三一曰立約之時聲明試辦一二年後如於中國餉項大有虧損卽當改復舊章或再議增加稅數如此則中國雖受其病不過一二年猶愈於約章一定而後悔難追也二曰進口稅值百抽十於地球各國稅額尙屬最輕此次立約亦須聲明每逢修約之期但許中國議加不准洋商求減萬一中國遇有大事仍得仿外洋捐餉之例就洋貨酌量抽捐如此則洋人必甚不願然按之公法揆之理勢我國氣壯而辭直也三曰各卡雖不能抽洋貨之釐而不能不防土

貨冒洋貨與洋貨夾帶土貨之弊應與請立章程嚴密稽查洋貨每過一卡須驗票蓋戳給單而後放行如此則洋商以稽留爲苦又必不願也然我自立防弊之法彼亦不能阻也綜茲三說與之磋商堅持不變彼能從我則於前所云五弊者尙可收補救之功彼不從我亦可互相抵制必因意見不合而終寢斯誠此以不拒拒之也我無廢棄前議之名而彼不能不就我範圍矣福成因中國貧富強弱之機在此一舉輒敢效其區區之愚是否有當伏惟裁察庸查外編

右貨稅

通商各口通共章程第一款見海泊通商章程門

通商各口通共章程第三款見海泊通商章程門

通商各口通共章程第四款見海泊通商章程門

通商各口通共章程第五款見下改運類

修改長江通商章程第六條見海泊通商章程門

洋船裝運炭斤納稅

總理衙門咨同治三年二月十一日准咨據江南江海關詳稱案奉劄據狄稅務司覆稱查本關現於炭斤一項凡由洋商之外國船裝運進出口者均照善後章程第二款之例免稅其洋商所用華船由內江漢等關裝運炭斤來滬者本關即將該炭照徵復進口半稅等情函復前來查洋商僱用內地船由長江各口裝炭來滬既以照徵復進口半稅並無歧異至洋商由輪船裝運來滬照章應將正半兩稅在長江出口之關完納滬關本無應徵之稅似可毋庸再議緣奉前因理合具文詳請等情除批查煤炭二宗除煤斤進出口均有稅則可依又承准總理衙門核覆應照徵正半兩稅自毋庸再議外其炭斤一項檢核楚省原文係與

煤斤並稅統稱尙各遵完正稅今該關所詳之意以由外國船裝運進出口之炭照善後章程第二款免稅凡由通商別口運來再除輪船照章應於所出之口完納正半二稅自指領有江照之輪船而言其餘所用內地等船裝運之炭至滬者該關現已照徵復進口半稅而鎮江關亦將裝入土洋船進口炭斤照估價值百抽五徵收應即通行各口一律照辦仰候咨行查照可也繳掛發並咨行南北洋長江各關照辦外相應咨呈等因查貴大臣咨於煤炭二字分晰甚屬清楚惟所稱由外國船裝運進口之炭照善後章程第二款免稅殊與條約不符查善後章程第二款所載免稅各貨上皆冠以外國二字是免稅者乃係外國之炭今漢口之炭係中國所產雖由外國船裝載仍應完稅相應咨復即轉行各關遵照並就近剴知總稅務司知悉同治三年二月咨南洋

輪船所用土煤免徵復進口稅限制見子口稅

洋商採辦茶葉免交復進口半稅見子口稅

核定茶末減稅章程見子口稅

詳復長江出口土煤毋庸議減稅

江海關詳奉劄開出口土煤除臺灣關現經奏准減稅外其餘南洋各關有無洋船裝運土煤出口此項土煤出口減稅是否與該處民間日用煤斤有礙亟應查明會商核辦鈔單劄關查明具復等因奉此當查南洋除臺灣外其餘各關有無洋船裝運土煤出口其出口稅如何徵收即經抄錄原劄函詢稅務司查復去後茲據新關稅務司吉羅福復稱洋船由南洋各口運出土煤除臺灣之淡水雞籠兩口外只有長江各口

時有土煤運出一係江照輪船所運為本船自用每擔照則完出口稅四分因不在別口起岸故免完復進口半稅一係洋商僱用之華船所運亦每擔照則完出口稅四分到上海時照完復進口半稅每擔二分此外別無運出土煤之口等因前來伏查長江各口運出土煤既係照則完稅似可無庸議減且出煤不多一經減稅則銷數必廣與民間日用不無有礙奉飭前因理合具文詳祈察核辦理同治十三年九月二十四日詳南洋大臣

洋商請免漢關土煤出口稅辯駁不准

總理衙門咨准咨據江漢關詳光緒元年四月十七日准英國領事官呵哩吧吐噠照會據英商太古稟稱緣本行長江來往之輪船所有自己應用煤炭免徵關稅等情查既係本船燒用之需即在船用雜物之列該行所稟必近情理請查照核辦見復等因當經職關以土煤載列稅則並未分別販賣自用之貨凡係免稅者條款內均已逐件註明並無用煤免稅在內引證同治三年前道詳奉總理衙門核復輪船自用之煤徵收正稅免徵復進口半稅明文照會領事飭商遵辦嗣據領事照復仍以煤為船用雜物照請免稅又經按照條約逐款剖晰指驗聲明職關辦理有年未便遽為更張照復領事去後茲准領事來文擬詳請駐滬英按察司詳定船用雜物是否自有自用煤炭在內惟以後不應徵稅至已徵之稅及利息銀兩一併償還等情前來復據美領事官楊生以旗昌輪船用煤亦係船用雜物應請免稅照同前情伏查土煤一項為職關土貨出口大宗其初輪船裝載土煤出口無論販運自用均照長江章程徵收正半兩稅迨至同治三年前英領事官全執爾照請免稅由前道會商稅務司妥議具詳凡輪船需用之煤船小者准載煤六七百石大

者不能過兩千擔江漢關只徵出口正稅免徵進口半稅業經詳咨總理衙門核准復飭遵辦在案茲英領事以善後條約有船用雜物進出口免稅一語即以船用土煤亦在免稅之例並援山東烟台福建臺灣兩關免稅為詞照請免收正稅並索還已徵之稅雖經職道據約辯駁復以條約雜物係指零星物件而言土煤為出口大宗不得稱為雜物至烟台臺灣與本關情形不同未便援引比例況臺灣減稅案內曾經聲明南北洋各口不得援以為例既不能援例減稅更不能援例免稅迭次照復事關稅餉出入詳請咨達核復飭遵前來查土煤納稅載在稅則自通商以來各國商人均按約辦理從無異議至輪船需用土煤前於同治三年經稅務司按照船之大小議定擔數分別徵稅當經本衙門核准咨復在案其烟台臺灣兩處並未另議專章與長江三關情形不同未便援引查閱該監督所給領事數次照復業經分辯明晰乃英領事仍復執執如前且以詳駐滬英臬司評定為詞查中國稅務非英臬司所能管理此案仍應由該監督堅守約章照常徵稅毋得任令更改致滋流弊相應咨行轉飭查照光緒元年七月咨湖廣以上並約章分類輯要光緒三年總理衙門 奏據兩江總督沈葆楨等附片奏稱湖北開採煤鐵前經派委道員盛宣懷等設局試辦茲據局員盛宣懷以廣濟試用洋法開採煤本為各省現設船廠等局需煤日多與其購自外洋不若採自中土惟土煤稅重銷路難期通暢可否援照臺灣減稅成案辦理詳請核稟前來臣等查咸豐年間所定稅則土煤每百斤稅銀四分以噸數計每噸稅銀六錢七分二釐較洋煤重至十數倍現用洋法開採煤產必旺勢須酌減煤稅銷路乃可流通該局請將土煤出口每噸減為稅銀一錢較洋煤進口稅仍重一倍尚係酌中定議懇准援照臺灣成案辦理等語光緒三年三月初四日軍機大臣奉 旨該衙門議奏欽此欽遵

由軍機處抄交到臣衙門臣等查通商稅則載外國煤進口每噸銀五分土煤出口每百斤稅銀四分查外國噸數每噸約計重一千六百七十斤以每百斤徵銀四分計之實與每噸徵銀五分輕重大相懸殊當時中國尚未用西法開挖煤窰亦尚無輪船機器等局出煤不旺用煤不多是以不妨重出口之稅自臺灣用西法開採土煤沈葆楨在臺灣辦理海防時即以臺灣產煤甚富各省船廠等局用煤日增奏請將出口土煤照進口洋煤稅則一律徵收當經臣衙門議復以北地民間日用無不需煤若一律准其減稅必至出口愈多價值昂貴於民生大有關係請將天津登州牛莊三口出口土煤仍照前定稅則徵收其臺灣一口准其酌量核減此外南洋通商各口出口煤稅應否酌減請 飭下南洋通商大臣與沈葆楨等會商妥籌辦理於同治十三年八月二十六日奏奉 硃批依議欽此欽遵行知去後旋於光緒元年正月間據沈葆楨等奏請將出口臺煤每噸減為稅銀一錢南北洋各口均不得援以為例等語奉 旨該衙門知道欽此欽遵行知在案茲據該督等奏稱前因查土煤出口每噸減為稅銀一錢較之洋煤進口稅銀仍增至一倍之多湖北廣濟用洋法開煤既據該督等奏稱與臺灣情事相同應准其援照成案每噸減為稅銀一錢此外出煤處所既不加增其出口稅銀應仍照舊徵收以示限制而防流弊所有臣等遵議緣由理合附片陳明伏祈 聖鑒光緒三年二月十七日奉 旨依議欽此 郵鈔

議定中俄新約內下等茶減稅章程

總理衙門咨本衙門現與俄國布使議定新約第十六條下等茶減稅一事相應抄錄來往照會並布使原信咨行光緒八年十月初八日旨北洋

附錄給俄國照會

爲照會事照得新約第十六條分別酌減下等茶進口之稅一事迭經往返會商尙未定議前日貴大臣來署辭行聲明此項茶葉均係粗梗其品在茶末之下迥非各種茶葉之比本衙門因函請貴大臣將此項粗梗茶種類指出並分別價值以便酌核定議昨准函開第十六條約內之意欲將形如根本而葉微薄者免其完極貴之稅此項茶與散葉及茶末毫不相涉並開列內分各種茶之酌中價值擬減稅數等因前來本衙門視貴大臣所言極爲公允逕擬就此定議于兩一種每百斤徵銀五錢百兩內之貢尖每百斤徵銀八錢百兩之天尖每百斤徵銀一兩百兩之京尖每百斤徵銀一兩二錢五分均以貴大臣所稱形如根本並非正葉即梗子者爲斷其各種散葉及茶末如有與以上名目相同者不在此例嗣後照此減定之數納稅惟望轉行漢口領事官等飭知俄商自減定下等茶稅之後切勿將上等茶攙入此等粗梗之內以免牽混而滋爭執仍望照復以便行知各關口遵照辦理以爲新約第十六條下等茶減稅定議之案相應照會

附錄俄國照復

爲照復事本月初六日准照開所有本大臣擬形爲根本之茶減稅數目貴署視爲公允隨定嗣後此項形爲根本之茶並非正葉即梗子者均照本大臣十月初五日函擬減定之數納稅而各種散葉及茶末如有與以上名目相同者不在此減稅之例等因復照前來本大臣與貴王大臣聲明本大臣所擬議者視爲同意故新約第十六條下等茶減稅一事以爲了局所有彼此相定各節本大臣自致漢口領事查照

附錄俄國布使來函

日昨因本大臣在貴署相談貴大臣致函內以前函所稱曲沃裝茶或在所謂藥茶之內及大花雙亦名千兩小花雙亦名百兩並小花雙之內各茶是否用茶梗而製並非別項散葉之茶其品亦在茶末之下各節願由本大臣講明並欲知本大臣擬定稅數若干等因前來茲如所願達知以前函所稱形為根木者千兩百兩在漢口總名為曲沃裝茶而稱其為藥茶之名者乃係自海關而啟也惟其立新約第十六條之時欲減稅各條而用此藥茶之名目而名之此名未必能確當原因藥茶之名目凡所謂藥茶皆涵入其中至貴而不能歸入下等茶之內者亦涵入其中其第十六條所載列入於約內之意欲在中亞細亞洲所專用形如根木而其內茶誠微薄並非正葉即梗子者免其完納極貴之稅是此項茶與散茶及茶末毫不相涉形如根木之茶且內中藥草居中十成之七成五乃係千兩百兩及百兩內之各茶也至於議定稅數之稅則本大臣同貴大臣所言之意視為選定其稅數強於估價定稅茲據漢口所報擬定千兩一種酌中之價每百斤銀三兩五錢每百斤擬徵稅五錢百兩內之貢尖酌中之價每百斤銀五兩五錢每百斤擬徵稅八錢百兩之天尖酌中之價每百斤銀十兩每百斤擬徵稅一兩二錢五分惟望此項稅數貴大臣視為公平准於以前所稱形為根木之茶照此而定專此佈復光緒八年十月初五日約章分類輯要

光緒八年南洋大臣左宗棠 奏竊照南北洋籌辦防務以製造船礮為第一要義而各省所設機器輪船等局製造一切又以煤鐵為大宗近來湖北安徽等處礦山均經仿照西法設廠開挖本年夏間據徐州道程國熙稟稱銅山縣屬利國驛等處多產煤鐵若以機器開採足供輪船等局之用飭令候選知府胡恩燮延聘洋礦師入山探驗煤鐵均堪開採酌擬招商集資章程由道稟請試辦當將章程逐條批示並准委胡恩

鑾承辦續據該道呈報已於八月二十四日設局開採並稱創辦之始購辦機器有費僱約礦師有費以及起造廠屋廠爐一切無不有費所需成本為數甚鉅擬照湖北等處土煤出口每噸完稅銀一錢之案一律請減等情前來臣查該局用西法開採出煤必多核與安徽湖北諸廠情形相同且該局礦山深處江境極邊運道綿長又多淺瀨懸流每一阻險動須盤剝較之貴池等處運路近江尤覺為難所挖土煤應准一律減稅合無籲懇 天恩俯准援照湖北安徽成案辦理以維商本而塞漏卮謹會同恭摺具陳伏祈 聖鑒光緒八年十二月十一日奉 旨著照所請該部知道欽此 左文襄奏議

右長江貨稅

改訂中俄陸路通商章程第五條見海船通商章程門

改訂中俄陸路通商章程第七條見海船通商章程門

改訂中俄陸路通商章程第十條見海船通商章程門

改訂中俄陸路通商章程第十一條見海船通商章程門

改訂中俄陸路通商章程第十二條見海船通商章程門

改訂中俄陸路通商章程第十三條見海船通商章程門 以上各國通商條約

俄商未領聯單運赴張家口內地販牛皮等貨照內地土貨例逢關納稅

總理衙門咨茲准函稱前因俄國領事來文內有俄商由張家口運貨赴南省販賣均經照章完過正半各稅現有未經銷售之牛皮由漢口水路運至天津仍運回張家口請發給執照以便前往等因當查新章俄

商由津運貨赴張家口應用三聯執照該商所運牛皮雖係出口時完過稅餉與由天津起運土貨赴恰克圖不同惟既由陸路通商章程路途運送自應一律發給三聯執照以期沿途有所稽考因於三聯執照上註明該俄商運貨如在張家口全數銷售所有照尾及俄國原發執照即由張家口監督一併截留送總署備案以清眉目而免兩歧業經辦理在案昨又據俄領事來文俄商又有牛皮六包於上年到津完過稅銀至今亦未售出仍欲回運張家口請領執照不願請領三聯執照當告以前次所辦係於照尾後註明今可仍照前次辦法如該商販貨運入內地不按通商陸路章程仍可請領入內地執照今該商運送牛皮由陸路前赴張家口總應遵照總署新章一概請領三聯執照以期一律辦理而俄領事再三面請總以該貨係因未經銷售運回張家口似可無須發給三聯執照請示遵辦等因前來本衙門查俄國陸路通商章程第九款俄商在議定南北各口販買土貨及由俄國販洋貨由水路出口進口仍照各國總例辦理又第四款俄商路經張家口酌留十分之二於口銷售該口不得設立行棧又十一年本衙門與各國大臣議定海口章程洋商運土貨復進口交復進口半稅如再轉運別口應發給半稅存票至別口時仍交復進口半稅又議定洋商在內地買土貨出口章程應先向各海關請領報單然後准其前往等語此項牛皮如果係由俄國運來按照陸路章程亦只准在經過之張家口留銷十分之二是該貨於前經張家口時業已留過二成此次不得運回張家口銷售若係張家口土產俄領事欲引照各國買土貨出口總例則應查明從前未出貨之先曾否預向海關請領報單如未經領報單則是有違定章例應罰辦如已經領過報單並完過出口正半各稅其運至上海漢口應領有交過復進口半稅存票實據運回天津仍應納復進口半稅始准在

津售賣從無該處所買貨物仍准運回該處之理是此項牛皮無論是俄國所產中國所產不得運回張家口銷售卽希轉飭俄領事知照一面詳細查明以上各情節分別辦理同治三年二月十七日咨三口

三口大臣咨呈查俄商所運牛皮貨物前據俄國領事官照會或完子口半稅或照內地土貨逢關納稅均無不可當經本大臣函商總署旋准函覆准其照土貨逢關納稅辦理等因現據俄商將運赴張家口牛皮八十張報請查驗收稅已按照天津鈔關稅則徵收內地稅餉給予正稅單除行文戶部坐糧廳張家口監督查照如遇俄商運往牛皮到境各照本關內地稅則徵收稅餉切不可照洋稅徵收免其藉口嗣後俄商販運內地牛皮等貨赴張家口銷售未領三聯單者係應逢關納稅均照此次各按本關內地稅則內地稅餉並咨明崇文門監督查照轉飭東壩委員一體遵照外理合咨呈同治三年四月初六日咨呈總署約章分類輯要

右陸路貨稅

皇朝政典類纂卷一百六

征權二十四

洋關稅則船鈔 長江船鈔

英約第二十九款見條約類

英約第三十款見條約類

英約第三十一款見條約類

噶嚕哪噠約第六條見條約類

噶嚕哪噠約第七條見條約類

噶嚕哪噠約第十條見條約類

美約第十六款見條約類

美約另附第三款見條約類

法續約第十款見條約類

廣州灣和約第五款見條約類

布約第二十款見條約類

布約第二十三款見條約類

德續約第二款之一見條約類

德續約第五款之一見條約類

德續約善後章程第四款見條約類

丹約第二十八款見條約類

丹約第二十九款見條約類

丹約第三十款見條約類

荷蘭約第八款見條約類

日斯巴尼亞約第二十款見條約類

日斯巴尼亞約第二十五款見條約類

日斯巴尼亞約第二十六款見條約類

日斯巴尼亞約第二十七款見條約類

比約第二十五款見條約類

比約第三十二款見條約類

義約第二十八款見條約類

義約第二十九款見條約類

義約第三十款見條約類

奧約第二十四款見條約類

奧約第二十七款見條約類

葡約第二十款見條約類

葡約第二十三款見條約類

葡約第二十四款見條約類

葡約第四十三款見條約類

日本行船通商條約第十五款見海船通商條約門

日本行船通商條約第十七款見海船通商條約門

英通商章程第二款見海船通商章程門

英通商章程第五款見海船通商章程門

英通商章程第六款見海船通商章程門

美通商章程第一款見海船通商章程門

美通商章程第五款見海船通商章程門

美通商章程第六款見海船通商章程門

法通商章程第二款見海船通商章程門

法通商章程第五款見海船通商章程門

法通商章程第六款見海船通商章程門

更定法國商船完納船鈔章程見海船通商章程門

布通商章程第一款見海船通商章程門

布通商章程第五款見海船通商章程門

布通商章程第六款見海船通商章程門

丹通商章程第一款見海船通商章程門

丹通商章程第五款見海船通商章程門

比通商章程第一款見海船通商章程門

比通商章程第五款見海船通商章程門

比通商章程第六款見海船通商章程門

義通商章程第一款見海船通商章程門

義通商章程第五款見海船通商章程門

義通商章程第六款見海船通商章程門

奧通商章程第一款見海船通商章程門

奧通商章程第五款見海船通商章程門

奧通商章程第六款見海船通商章程門 以上各

關通商條約

暹羅進口船分別報納稅鈔見貨稅類

核定客船行李免稅貨物拖帶輪船三項章程見免稅類

初議洋商躲避進口船鈔分別征免章程

總理衙門咨同治九年九月十三日布國公使函稱布國條約第二十一款內載布國及德意志各國商船遇有破爛及別緣故急須進口躲避者無論何口均可進去不用完納船鈔等語現在本國與法國交戰本國商船恐在海中被法軍所獲有躲入中國口內者其在該口內躲避並非所願即與條約所載遇有別項緣故急須躲避進口者相同應請不納該商船鈔祈迅為行知總稅務司轉飭各口海關遇有此項商船躲避進口者即按約不得收納該商船鈔等因到本衙門劄行總稅務司將此事應如何辦理之處即日具文申覆以憑核辦在案茲據總稅務司申稱查布約第二十款內開商船進口逾二日之限即須全數納鈔等語是凡有布商船隻在口內逾二日之限者應須納鈔惟其中船隻有從外國而來者有回外國而去者又有在沿海通商口岸貿易來往者各有不同其從外國所來之船係進口一次納一次鈔其沿海來往之船係每四箇月按專章納鈔一次查第二十三款內開納鈔後監督發給執照開明船鈔完納倘該船駛往別口前於進口時將照送驗遂按照第二十一款自領執照之日起以及四箇月止毋庸再輪船鈔以免重複等語是照第二十一款自領執照之日起核之各該船或進口時納鈔或出口時納鈔事皆一樣並無出入至商船進口躲避一節凡因躲避進口者自非作買賣之船可比布約第三十一款有進口躲避者不用納鈔

等語是實因躲避而非爲買賣進口者自應照約免其納鈔但其中船隻不同有執別口所發專照而進口者有無專照而進口者有專照者係常在通商口岸貿易之船應照四箇月之例辦理無專照者係從外國來或回外國去之船應酌情辦理其有專照進口躲避之船若日後得復出口毋庸躲避可以仍往他處照常作買賣者其出口時四箇月之限已滿則於其復出口仍作買賣之日似應照四箇月之例再征其鈔其無專照進口者是不在通商各口貿易非從外國來即回外國去之船躲避口內不起貨不下貨者於其復出口時自應免其完納船鈔惟此各項船隻既因躲避而進口應即由該口領事官行文知照海關報明一切以便稽查等因前來正在核辦間復接布公使函稱凡德意志商船因躲避進口者即無須納鈔至於有專照常在通商口岸貿易之船因躲避進口者即俟其復出口作買賣時可將其在口內躲避不作買賣時日除去仍按其照內四箇月之例接算辦理等語復經本衙門飭行總稅務司將此事扣除不作買賣時日與現議有無不符之處查明申覆刻又據總稅務司覆稱布國商船由領事官知照海關查明實係因躲避進口者其躲避已過之後或在口內作買賣或復出口駛往他處應扣除該船躲避日期仍按四箇月之例接算辦理其扣除不作買賣時日與現議並無不符之處等因除由本衙門函覆布公使轉飭各口領事官曉諭各洋商遵照並飭總稅務司分飭各口稅務司照辦外相應咨行同治九年十月十三日咨三口又咨查所有洋商船鈔分別征免一案前於十月間曾經咨達署三口大臣洋商船隻收口躲避應將不作買賣時日除去仍按其四箇月之例接算辦理轉飭海關等因各在案查船鈔一項條約載明有沿海遼風或因他故躲避准其免納船鈔等語尙未定有分別征免章程辦理恐致兩歧各國條約雖有不問約內

既有一體均沾明文各商船亦應一律征免現有擬通行各口章程二條已由本衙門通行照會有約各國公使並知總稅務司轉飭各口稅務司外相應抄錄章程二條咨行轉飭各海關一體照辦同治九年閏十月初七日咨沿海各省

一凡有商船收口躲避者其進口時須由領事官行文知照海關並將其未後出口單送關查閱以資稽查一凡有商船由領事官知照係收口躲避者該船須遵守該口一切章程由關擇定停泊處所不致與別項貿易船隻日行事宜有所窒礙並隨時派差看守倘係從外國來者亟應按約免征船鈔放行倘係從通商別口執有四箇月專照者則計在口內躲避日期應扣除核算由該關註明專照放行惟該船除應修理准照章起貨暫時存棧外其餘各船若係空船進口仍須空船出口若係裝貨進口仍須原船原貨出口凡有收口後在本口起卸貨物或零裝貨物販運出口者自應照約完納船鈔仍由該關查明有無專照進口按躲避日期核算辦理

核定各項船鈔分別征免章程

總理衙門咨前因船鈔分別辦理一事經本衙門擬定章程二條照會各國並咨行查照在案今據總稅務司赫德申稱竊查洋商船隻完納船鈔原應畫一辦理始為允協惟其間應征應免各事非但各國條約本有不同即善後所添章程亦多零星未能齊楚且有隨時更改因時制宜修補文件以致條款重複章程紛雜擬議不一其勢實難一律遵行茲將條約章程善後條款並往來文件詳加核對復以各口情形各關辦法細加比較總分諸各條核存備各款作成各關征免洋商船鈔章程十一款彙定清單即煩核奪轉飭遵

行以免紛歧而歸畫一等因前來當經本衙門詳加查核似尙周妥除照會各國公使並飭知總稅務司轉飭遵照外相應抄錄章程十一條咨行轉飭各關一體照辦同治九年十一月十四日咨沿海各省

一洋商船隻應納鈔課一百五十噸以上每噸納鈔銀四錢一百五十噸正及一百五十噸以下每噸納鈔銀一錢惟各國噸數拉司數大小多寡不同而各關以英噸為准則應照泰西一千八百六十五年在噶拉所立之核算清單辦理茲列於左

奧國噸數乘以八十二除以一百其數為英噸

法國噸數乘以一百除以一百與英噸同

意國噸數乘以八十九除以一百其數為英噸

土耳其國噸數乘以一百除以六千一百五十三其數為英噸

布國拉司乘以一百十五除以一百其數為英噸

俄國噸數拉司乘以一百零八 一百八十九除以一百其數為英噸

美國噸數乘以一百除以一百與英噸同

比國噸數拉司乘以九十五 一百八十一除以一百其數為英噸

伯森門拉司乘以一百八十九除以一百其數為英噸

丹國噸數拉司乘以一百零二 一百九十六除以一百其數為英噸

日國噸數乘以一百除以一百與英噸同

希國噸數乘以七十六除以一百其數為英噸

昂布耳拉司乘以二百二十五除以一百其數為英噸

漢諾威噸數 拉司乘以九十八 二百二十五除以一百其數為英噸

荷蘭國噸數 拉司乘以八十九 一百七十五除以一百其數為英噸

律伯克拉司乘以一百八十九除以一百其數為英噸

模令布爾額噸數 拉司乘以一百零九 二百四十九除以一百其數為英噸

挪爾為國噸數 拉司乘以九十八 二百零八除以一百其數為英噸

阿爾敦布爾額拉司乘以一百五十除以一百其數為英噸

合一國噸數乘以一百除以一百與英噸同若係噶拉基羅乘以一百除以四百八十二若辦拉基羅乘以

一百除以三百零一

瑞國噸數 拉司乘以一百零二 一百九十除以一百其數為英噸

續定各項船鈔分別征免章程

總理衙門咨查洋商船隻完納鈔課一事前於同治九年閏十月間據赫總稅司申稱船鈔徵免各事原應畫一辦理始為允協惟其間應征應免等項非但各國條約本有不同即善後所添章程亦多零星未能齊楚自有隨時更改因時制宜修補文件以致條款重複章程紛雜擬議不一其勢實難一律遵行特將條約章程善後條約並往來文件詳加核對復以各口情形各關辦法細較各款作成各關征免洋商船鈔章程

十一條請爲施行等因當經本衙門照會各國並抄錄咨行貴處查照在案茲復據赫總稅司申稱同治九年距今歷有年所既各處不無增擬之端各國值修約之時其間亦有不同之款鉅細章程諸多紛歧宜歸畫一茲復綜核征免各事追繼前轍更擬定九條與各國原議之約復修之款並貴衙門敬允駐京大臣數條以及各關現辦之情形一一相符呈請查核施行等因前來經本衙門查核各條殊爲賅備除照會各國大臣並劉知總稅務司轉飭遵照外相應刊刷章程九條咨行轉飭各關一體照辦光緒八年十一月日咨

南洋

一何船應納鈔也凡兵船以及引水游歷等船不輪船鈔外所有夾板火輪商船與拖船躉船並艇隻刺船等項除後列從權免鈔時不計外均須照此章程所註噸數限期輸鈔

一何時應納鈔也凡商船進口二日限滿均應納鈔若在限內開艙起貨下貨除銀錢不計外或上下客人至二十名之多者卽須納鈔

一應何納鈔也凡商船一百五十噸以上每噸納鈔銀四錢一百五十噸正及一百五十噸以下每噸納鈔銀一錢

一噸鈔專照之例也凡商船完清鈔後於請領出口紅單之日由關發給船鈔之專照自是日起以四箇月爲限若該船在限內復進通商口岸將照呈驗則免復征船鈔俟限滿復行納鈔於此後之第一次請領紅單之日換發新照自該日起以四箇月爲限後皆以此類推

一何故免鈔也兵船以及引水游歷等船外所有應納鈔之船如出有實在事故並恪遵免鈔專章卽准免

納茲將實在事故三條類列於後 一係商民自用船隻若運帶客人行李帶信食物以及例不納稅之物
約准毋庸完鈔 一係商船進口若祇有起下銀錢行李及上下客人不滿二十名之事如在二日限內復
出口者約准毋庸完鈔 一係商船進口由領事官知會海關或因收口躲避或因受傷進口修理或因煤
不敷用進口添增該船按照關指處所停泊遵守關章並無上下貨物客人之事空船進口仍係空船出口
或裝貨進口仍係原船原貨出口倘因修理須暫行起貨存棧者准赴關請領專單俟修理完竣仍將所起
之貨裝載原船出口者此等船隻均行一律照免納鈔 又此等船隻執有船鈔專照者其辦法七條亦列
於後 一船隻收口躲避准將在口日期多少於專照內註明照數展限 一船隻進口修理並未上下貨
客或係本因修理進口俟完竣後復有上下貨客等事或係本為交易進口嗣後有修理之事均應該計在
口修理實至多少日在專照內註明照數展限 一船隻如以收口躲避及進口修理飾詞偷漏者即照該
船圖免鈔之數加倍議罰 一凡船非因躲避修理等事進口至一百日限內復出口而並無上下貨客事者
所有之船鈔專照若在口時限滿無庸在此口復征船鈔俟抵他口完鈔後於請領專單之日再發新照辦
理 一凡船進口非因躲避修理等事在二日限內復出口者所有之船鈔專照如未至限滿自無免納展
限之事 一凡船進口並無船鈔專照雖不起下貨物而卸搭客人至二十名之多均須納鈔 一凡船進
口出口各艙口單內須將所載之金銀所搭之客人數目情形註明如銀若干箱計值關平銀若干兩金若
若干箱計值關平銀若干兩洋銀若干箱計值關平銀若干兩以及客人上等艙若干名下等艙若干名艙面
若干名一一明晰登註

一夾板船展限之例也凡夾板船在口內停泊出十四日以外者則自第十五日起共核若干日按一半扣算將其船鈔專照展限其請領紅單之日不計

一公司輪船試辦專章也凡有各國撥動公款約僱公司輪船按洋歷月內之七日分期逢訂日寄送公文信從外國赴中國自中國回外國者其船完鈔後所領之專照可毋庸作為某船完鈔之據係准作為嗣後四箇月限內逢訂日按次接替寄信船出口免鈔之件如此辦理月內第一期之專照應作為後此二三四箇月內第一期按次出口輪船免鈔之據是月內祇有一隻船按訂期出口四箇月內該公司祇應納鈔一次月內有兩隻船按訂期出口應納鈔兩次有四隻船出口應納鈔四次類推辦理凡有該公司另項輪船出口並非抵額設等船之用者不在此例仍應按某船進口某船完鈔辦理此條係專為上海一口所立並屬試辦再議之章

一洋商僱華船鈔例也凡有洋商僱用內地船隻在長江一帶運貨者該船在口仍照內地船隻應納船料若在沿海通商各口來往者其船即應按照洋船納鈔之例一律赴關輸納

一量船辦法也凡有船隻欲度量其噸數者均准赴關請派人度量按照海關向辦之法度量其噸之總數係照英國管理商船章程第一條量算於所得總數內欲求除淨下存應納鈔課之實數係照通商海關比擇該章內之專條並美國所訂應扣除與船身相連上艙以上所設房屋之專章辦理其量船時已經該關派人外若仍須另覓人會同度量者其會同量船之費應由該船商按照通行之例自備

日國商定噸數章程

總理衙門咨同治十一年九月初二日據總稅務司申稱日國商船噸數既有與英國不同之說應議定善法轉飭照行等語當經本衙門飭總稅務司會同日國大臣妥議辦理本年四月十八日准日國丁署大臣函送章程六條又經本衙門飭行總稅務司詳核辦理茲據總稅務司申稱本年三月晤丁署大臣將噸數商訂丁署大臣擬章程五條與總稅務司原意相同現在函送章程六條即係所商五條之意應請轉飭照辦章程內尙有應剖之處另條漢文以爲註釋仍依原件爲定等因前來相應抄錄日國丁使函送章程六條並總稅務司復註章程五條一併咨行轉飭各海關一體查照辦理同治十二年五月咨各省照錄日使函送章程六條

第一款云凡日國船進中國海口時理船廳丈量噸數按照英國丈量爲准照數完鈔以符約制

第二款云凡量船之事新關不得與承辦之人和船主另取稅課使費

第三款云凡一船之中客艙臥艙照量噸數均納船鈔惟貯煤之艙與火輪之處不得納稅

第四款云理船廳量船之後發給憑單與船主收執或在本口通商抑或赴中國沿海一帶通商各口所到之處驗看憑單以免再行丈量兩相有益

第五款云丈量之後或給執照如若本承辦之人查丈量之數目內有舛錯不符之處准其該船派委理事一人自備薪費會同理船廳之人商辦

第六款云以上各大條章程即行通商各口照章辦理至一千八百七十四年十二月三十一日爲止俟到彼時再行商辦

總稅務司復註章程五條

第一款云凡日斯國商船進中國通商口岸應由理船廳按英國量法量其船以便照所得之噸數完納船鈔量船時勿庸由船商出量船費

第二款云凡量船後即由該關發給噸數執照該船執領日後前往通商各口均應此執照辦理勿庸復行量船

第三款云凡船艙內大廳小房等處均應量計噸數照納船鈔惟其機器艙以及裝自用煤炭之艙應按運行之例准行免鈔

第四款云凡量船之時若船商不以理船廳所量之數為然准船商另延諳量之人會同理船廳量船共訂其數惟其另延人量船之經費須船商自出

第五款云凡以上各章應由通商各口即行開辦至泰西一千八百七十四年底為止其或更章或另有善法統俟彼時再議

洋商僱用華船分別納鈔

總理衙門咨前據總稅務司申稱英德兩商運貨進口均用華船裝貨一願常關完稅一用新關完稅彼此互異並稱華船有涉於通商者有四項歸新關完稅一係洋商洋船一係洋商僱用華船一係華商來往外國如香港澳門等處華船一係通商各口新添華商火輪夾板等項洋船凡非通商口岸華商不准前往外國凡通商口岸准往外國華船均須請領新關牌照至華船應完船鈔德國商人加羅威治並未照納德國

領事以完鈔章程係法國之事與德國無涉等語申請酌復前來本衙門當經咨行轉飭各關監督核議並
刑復總稅務司在案茲准將核議各緣由先行咨送本衙門查核等因查通商各口各項船隻內洋商洋船
本係照約歸新關完稅新添華商火輪夾板等項洋船現在招商船局已定章程歸新關完稅以上兩項船
隻來往通商各口自應均歸新關完稅其華商往來外國如香港澳門等處華船一項現據南洋大臣咨稱
江浙閩粵各海關此項船隻已有地方官給領執照若必令赴新關請領牌照不無窒礙貴大臣咨稱南洋
沿海各處華船赴香港安南琉球暹羅新加坡小呂宋等處貿易者領有地方官牌照應准通行出口入口
常關納稅總稅務司申呈等語實於華商生計常關稅額俱多窒礙是總稅務司所稱華商往來外國華船
應歸新關完稅並由新關請領牌照一節既經查明窒礙難行應毋庸議所有華商前赴外國貿易華船無
論是否通商口岸之船但有地方官給領牌照即准前往貿易應完稅項統歸常關完納其洋商僱用華船
一項查英約第十四款往來卸貨下貨任從英商僱船刺運不論各項船隻倘有走私漏稅查出照例懲辦
又第三十一款英商在各口自用艇隻倘帶例應免稅之貨每四箇月一次納鈔又長江通商統共章程第
六條洋商僱用內地船隻按照條約納鈔各等語總稅務司以此項船隻沿海祇有納鈔明文沿江本有納
稅明文可引長江之章作證南洋大臣咨稱洋商僱用華船通商各口無論暫僱常僱所用何船均應歸新
關完稅以昭畫一貴大臣咨稱洋商僱用華船有請單不請單之分請單者照新關定章完稅不請單者照
華商例逢關納稅遇卡抽釐查洋商運貨進通商各口完正稅後運入內地完過子口半稅者領有新關稅
單為憑洋商在通商各口報明入內地置買運回外國之土貨領有新關報單為憑回至最後子口先赴新

關完納子口半稅方准過卡其未領有稅單報單者均照華船沿途逢關納稅過卡抽釐洋商僱用華船運貨納稅除長江通商三口仍照統共章程條款辦理外洋商如在通商各口僱用華船運洋貨入內地及入內地置買回國土貨無論僱用何項華船亦無論常僱暫僱自應以有無稅單報單為憑分別完納稅釐其領有稅單報單僱用之華船該船倘有走私漏稅情事一經查出應令該監督照例懲辦以杜弊端除由本衙門飭行總稅務司轉飭各關稅務司遵照外相應咨行即飭各關監督一體遵照至洋商僱用華船運貨英國條約本有四箇月一次納鈔明文法國更定條約第二十二款本衙門亦已通行各關遵辦且德國條約第四十款載明日後如將噸稅無論何國施行改變一經通行德意志通商稅務公會各國商民等一體遵照毋庸再議條款茲德國領事以完鈔章程與德國無涉未免強辯應由南洋大臣轉飭粵海關監督照會該領事照約辦理毋任違背同治十三年三月咨北洋

完納船鈔照外國日月計算

總理衙門咨五月初二日准英國照會內稱通商各口交納鈔課一節每年納鈔三次之意原因泰西月建並無加間年年不同之異各國商人既易明曉所有原定條約以及通商章程內載月分之議無不按照外國月建為准納鈔一節亦歸此例希即通行各關飭令一律遵辦等因前來本衙門查英國商船交納鈔課按四箇月納鈔一次應否按照外國日月計算條約內並未載有明文唯通商各關扣繳二成條約內載明以英月三箇月為一結是扣款一項既照外國月建核算則交納鈔課一節自可准其亦照外國月建核算除照覆英國外相應咨行同治二年五月咨沿海各省

俄船照法國新章納鈔

總理衙門咨同治四年九月二十九日准俄國照會內稱現准法國酌改船鈔章程欲將俄國船隻前往本國海口亦按法國之律辦理等因當經本衙門詳加酌核所有呢廓來業福斯克海口至阿們江海口商船由該處至中國原定通商海口允照每四箇月納鈔一次等因照覆去後茲於十一月初八日據俄國公使以允改納鈔一節即希在定日期開辦照會前來本衙門當即照會俄國公使定於同治五年正月初一日開辦相應知照同治四年十一月十五日咨沿海各省

日船照法國新章納鈔

總理衙門咨准日國公使瑪斯照會內稱小呂宋海島距潮州廈門均不過九百餘里每四箇月商船往返可行十五次其船盡載米石於中國不無裨益惟照納十五次船鈔較歐羅巴甚為吃虧亦請照法國新章四箇月納鈔一次查小呂宋海口距潮州廈門相近援照法國安南日本商船入華之例道里不甚相懸未便辦理兩歧因給予照會日國商船呂宋海口至通商各口均准每四箇月納鈔一次北洋各口於同治七年九月初一日南洋各口於九月二十日先後開辦相應咨行轉飭各口遵照辦理同治七年八月咨沿海各省

買已完鈔船限內免再納鈔并令補納多報噸數

總理衙門咨同治八年五月初九日准閩浙總督來文內開荷蘭國三枝桅夾板船名巴丹班站進口已完鈔銀嗣賣與日國商人囉喇哦作為招工船名非拉抵家米粒而所報桅枝噸數不符應否再納船鈔請行

令總稅務司查明別口辦過成案申覆辦理等因前來當經本衙門以荷國國船前據該國領事報係三枝桅計五百二十四噸何以賣與日國商人該國領事報係二枝半桅計五百四十二噸六角該船於進口時係荷國國船隻業據完納船鈔今作為日國國船改旗號又改船名且噸數兩歧顯有不符應否復納噸數銀兩各口有無辦過似此成案等情飭行總稅務司逐一詳查聲復以資核辦去後茲據覆稱查各國洋船進口於完過船鈔後賣與別國商人其船改旗換名是否應行納鈔之處向來各口均未辦有此等成案惟同治三年間潮海關署稅務司威瀾勵曾經申詢此節當經飭復過有此事祇應在其專照中將某船已完鈔後改換旗名情形註明以便第二口查照放行勿庸再行完鈔等語復思商船按四箇月納鈔一次若本國商人賣與本國商人船不改旗不換名當其議買之時必已問明曾否完過船鈔始定價交易其完鈔者自不應令該船復行完鈔即此國商人賣與彼國商人者雖有改旗換名之不同而買賣船隻則事同一律似亦無庸復行納鈔至日國領事官報稱該船係二枝半桅一節查南洋之船其尾桅不掛四方之篷止掛斜簷者實謂為二枝半桅而此船確係三枝桅荷蘭國原報五百二十四噸而日國報係五百四十二噸六角一節既後報之數多於先報之數即係後報者並無捏漏情弊似可令其補納十八噸之鈔銀完案再以後凡有此國船賣與彼國若係已完鈔在先者應請毋庸令該船復行納鈔俟四箇月期滿照新購所購之噸數再行照例完納以為各口通行之章等語相應咨行轉飭各口一體遵辦同治八年六月十三日

咨各省

轉售遺風船隻由買主納鈔

總理衙門咨同治十一年八月初六日准咨據東海關稟署本關稅務司赫照會七月初九日據寶興洋行稟有布國囑西士夾板船由牛莊裝豆運往廈門行至海洋猝遇大風船被傷損所載豆担多有著水淹溼現收煙臺口躲避修理並將溼壞之豆擇出售賣其未溼之豆仍擬裝赴廈門稟請按照躲避修理免納船鈔之條辦理等情前來本稅務司查同治九年奉到總稅務司行文轉奉總署通飭十一條章程內開商船躲避修理免納船鈔一條載明空船進口仍須空船出口若裝貨進口仍須原船原貨出口倘在躲避之口裝卸貨物自應照章納鈔等語今查該夾板船在海遇風如係修理仍應照躲避之條免納船鈔惟該船在本口售賣水溼壞豆雖所賣之豆勢出不得已與尋常裝卸貨物不同然係在本口售賣貨物是否應令納鈔本稅務司未便擅專除申請總稅務司裁奪示遵外理合照會即請按照前情詳悉酌奪並希照復則不惟此次辦理有章將來若遇此等事件亦可照依成案辦理實為公便等情到關詳請示遵等情查章程內商船躲避修理免納船鈔一條載明空船進口仍須空船出口若裝貨進口仍須原船原貨出口倘在躲避之口裝卸貨物自應照章納鈔等語語意極為明晰據詳布國夾板船在海洋遇風躲入煙臺修理船隻如僅只修理並未裝卸貨物自應照躲避修理之議免其納鈔今該船因豆被水溼恐將其全船豆貨併致腐爛即在本口將溼豆卸售雖係情形出於萬不得已而照約辦理既已卸貨售賣即不得謂之原貨且條約載明裝卸貨物并未有添裝字樣即事衡情自與裝卸貨物照章納稅之條相符合應不能免其納鈔况章程內所定躲避修理而復於後申明躲避之口裝卸貨物自應照章納鈔用意極為周詳蓋船僅遭風不壞則躲避不必修理若躲避修理則船之遭風損壞可知船損壞則裝載貨物必不能不壞貨物既壞則裝卸

勢所必有乃定章不以其裝卸而免其納鈔豈不知船貨損壞情非得已而必令其於卸貨亦應照章納鈔者所以杜漸防微預除弊混俾人確有遵守不致歧異自應照章辦理斷不可違逾所有布國船隻躲避修理將水溼之豆卸售仍應令照章分別妥辦以符定約而免弊混等因前來本衙門查前定船鈔章程十一條內載凡有商船收口躲避者除應修理方准照章起貨存棧外其餘空船進口仍須空船出口若裝貨進口仍須原船原貨出口凡有收口後在本口起卸貨物或零裝貨物販運出口應照約納鈔等語該夾板船在煙臺口將水溼豆石售賣即係卸貨復查德國條約第十九款內載進口貨物遇有損壞應核損壞多寡按價減稅倘彼此理論不定則按照十六款所載按價抽稅之例辦理等語是貨物損壞既未准其免稅豈能免其納鈔該夾板船所賣豆石若干仍裝出口若干及該船收稅若干均未將數目敘明除飭總稅務司轉飭查明並將如何分別辦理之處妥議申復再由本衙門核辦外相應咨復同治十一年九月咨北洋山東登萊青道申同治十一年八月二十六日蒙飭開同治十一年八月十二日接准總理衙門公函以德國夾板船遭風擄出損壞豆石在煙臺口售賣請免納鈔一事行令本大臣面與赫總稅務司詢商此次若免納鈔以後如何防弊之處妥為辦法等因查赫總稅務司已於八月十一日起程赴京除咨明總理衙門俟該稅司到京晉謁時論飭妥議見復外合行飭飭等因查此案先於八月初九日蒙批據詳該船所運豆石並未將已經卸賣若干仍裝出口若干分晰敘明第該船出口雖無添裝別貨究將已卸豆石在口售賣似應照章分別妥辦候咨請總理衙門查核覆到再行飭遵等因當即兩知本關稅務司查復即據函稱該夾板船共裝豆子四千六百一十一石在洋地棄六十二石七十九斤在本口賣去水溼豆子五百零一石四十

六斤下餘未遭水溼之豆四千零四十六石七十五斤查與牛莊出口稅單相符所有未溼之豆現卸存寶
豐洋行已飭令完納進口半稅等情茲又據該稅務司函稱查布國夾板船名噶西士前由牛莊裝載豆子
擬赴廈門在海遭風躲避至本口稟請按照躲避修理之條免納船鈔一案業經照會貴監督裁奪並申請
總稅務司核示遵辦尙未奏到行知茲據寶豐洋行稟稱噶西士船主因傷損太重不願修理已將此船賣
與英國商人執管其未經水溼之豆四千零四十六石七十五斤另履布國夾板船名安納裝赴廈門並請
將完進口半稅給發存票等因前來本稅務司查該行前報未經水溼之豆四千零四十六石七十五斤已
納進口半稅今雖改裝出口仍係原包原貨應照章發還半稅存票准其出口至該夾板船既已轉賣英國
商人執管改名佐金納更換英國旗號當即飭令該船主遵照英國條例完納船鈔茲查佐金納船計裝二
百零二噸已據該船主照章完繳鈔銀八十兩零八錢由銀號核收矣等情到關查該夾板船因損傷太重
不願修理賣給英國商人業已完納船鈔銀兩所有未遭水溼豆子四千零四十六石七十五斤另行換船
裝赴廈門委員查明確係原卸貨物與條約四十五款發給存票之例相符自應即如所請辦理除函復外
理合申請咨明總理衙門查致同治十一年九月甲北洋大臣

奧船丈量噸數與英國相同

總理衙門咨同治十一年六月十九日准奧國嘉大臣照會以接奉本國文稱去歲本國出有政令自同治
十年七月十七日起凡量奧斯馬加各樣海船噸數之法皆與英國丈量噸數之法相同嗣後奧國噸之多
寡與英國噸之多寡毫無歧異等語請飭知總稅務司轉知各口海關一體遵行等因前來相應據文咨行

同治十一年六月咨^{北洋}

折賣舊船照值百抽五收稅不納鈔

總理衙門咨同治十三年正月二十六日據粵海關監督呈稱准英國領事照會本國人徐士買到舊兵船一隻轉賣於中國人周姓將船送到省河康稅務司令該船照估價抽稅因此徐士來控等因當經照會康稅務司查覆令該商將稅銀繳關存庫咨呈總理衙門及總稅務司批示遵行竊查同治八年英船麻吉麻各里恩被風在汕頭收口壞船折毀木料在該處售賣經總理衙門核定按值百抽五例抽稅一案核與此案折毀銷售情節相同又經函致羅領事照辦據復已呈本國駐京大臣核奪只有聽候節知辦理等因抄錄全案呈請核覆查同治八年間准英國阿大臣照會英商船名麻吉麻各里恩被風在汕頭收口貨物另換船載壞船折毀木料在該處售賣該處監督必欲商人完納船鈔此船並非前往該口貿易希飭退還船鈔當經本衙門查據咨復據康稅務司查復此船由新加坡前往上海路過因風收口船主查看船身損壞斷難駕駛將貨物全搬別船裝載該船即在本口折毀售賣共得價銀洋銀三千一百五十元該船並無貿易其時收納船鈔稍有誤會若按折賣數目抽稅似覺平允旋經本衙門飭據總稅務司申覆此船折賣按值百抽五例抽稅應完稅銀即在應退船鈔銀內算除以完此案並由本衙門照會英國威大臣並知赫總稅務司轉飭領事及該稅務司遵照外相應咨行轉飭遵辦嗣後遇有此等案件務須均照成案核辦以免歧異而重稅課可也同治十三年三月初五日咨兩廣

進口船隻只卸搭客亦應完鈔

津海關申同治十三年十月初一日蒙劉開同治十三年九月二十九日據東海關申八月二十九日准本關稅務司狄安瑪函稱本月二十六日有德國夾板船一隻名比當由俄國裝載客商貨物停泊煙臺山後不報進口當據杆子手查該夾板船卸有中國客商二十五名外國客商二名本稅司即飭該船主完納船鈔詎意該船主并不遵完隨即知會德國領事官轉飭亦推諉不遵查同治九年間本關奉到總稅務司議定章程內載凡各關船隻到口雖未卸貨如卸有客商上岸亦應照章完納船鈔等因今該夾板船雖未卸貨物但卸中外客商二十餘名之多有意不報進口不完鈔銀竟至開赴天津殊屬不遵定章除稟請總稅司核奪並移知津海關稅司查辦外理合函請裁酌辦理等因當經函詢德國領事海健查辦去後茲據海領事復稱前准函詢本國比當夾板船進口卸客二十餘名之多何以不報進口不納船鈔等因緣本國船隻進煙臺口向無僅只卸客而不卸貨者從未辦理以致本領事未經查章船即開赴津口追問及英荷各領事後本領事亦自知錯誤隨即親赴津口函商駐京領事轉稟總稅務司以十月八號即中國八月二十八該船進煙之日併由津關完納船鈔該隨於月之六日回署合將本領事錯誤及親赴津關辦理各緣由用特函復前來擬合申報轉咨總理衙門札行總稅務司知照等情劉飭到道查昨准東海關道咨會當經函致新關代理稅務司屠邁倫查明將代收東海關應征船鈔銀兩送由職道移解歸款去後茲據函復查此項船鈔本關係飭該船主按照該船出煙之日即中國八月二十八日止遵納船鈔計銀一百二十四兩四錢茲特送請查收等情前來除將代收船鈔銀兩咨送東海關道查收歸款外理合具文申覆查核同治十三年十月申北洋大臣以上並約章分類輯要

右船鈔

修改長江通商章程第四條見關章類

修改長江通商章程第五條見關章類

修改長江通商章程第六條見海船通商章程門

修改長江通商章程第七條之一見關章類

修改長江通商章程第七條之二見關章類 以上各國通商條約

洋商僱用土船常關征料

總理衙門咨光緒六年准咨據九江關稟近來有華商投托洋行私買單照扯用洋旗將所販木植僱用土船跨帶兩旁在江漢關報完洋稅一次到九江時查驗放行經過常關釐卡向不完納鈔盤擬請嗣後洋商僱用內地船隻應遵長江統共章程第六條照內地例完交船料庶奸商無可取巧而於常稅大有裨益等情當經批示並飭江漢關道查復等因本衙門查長江統共章程第六條內載凡洋商僱用內地船隻運貨者該船到關仍照內地船例完納船料等語本為洋商在長江僱用內地船之專章各該關自應一體遵照光緒三年四月間英人乘坐湖廣鴉稍划船經過蕪湖常關徵收船料經本衙門與英國傳署大臣辯明內地船隻應交船料並請其轉行各口領事官曉諭洋商此項船鈔係征自船戶與商人無干嗣後如僱賃內地船隻應由船戶輸納船料勿聽船戶取巧之詞干預其實事為兩便等因相應抄錄來往函件咨行查照轉飭常洋各關知悉以後此項船隻應由常關征收船料洋關毋庸征收船鈔俾免船戶取巧轉滋口實至華商擅用洋旗希圖漏稅既於國課有關自應從嚴查禁其英法國條約內均載有照會可憑各領事官自必查拏從嚴究辦俾知警戒各關如果查有中國人擅領外國旗號張掛駕駛者應即照會領事官

查察懲究庶足以杜絕流弊於稅項自不無裨益並希轉行飭遵辦理是爲至要光緒六年十月咨湖廣

附錄復英國傳署使

昨准函稱本國駐紮蕪湖領事官詳稱有本國人從江甯僱搭華船一隻路經蕪湖由關合捐船鈔該船戶不服輸納被關扣留該英人只得代墊捐款此次所徵船鈔既與稅則章程不符又與條約章程不合祈爲查核等因前來查此案現准北洋大臣咨據蕪湖關道詳稱三月初十日有湖廣鴉稍划船一隻裝坐從金陵來之英人家屬經關查驗照例量算征收船料該船戶以爲裝坐洋人可圖邀免不肯完納查船料係中國定章無論空船重船裝貨裝人均應完納中外一律並無二致且係征之船戶並不出自坐客該船現已按章抽單開駛等語是蕪湖關所征係屬船料戶部則例載有明文與前次鳳陽關所征船料事同一律中國未經通商以前固已照例征收且征自船主與運貨客商及坐船之人兩無干涉前因鳳陽關征收船料已將詳細情形備具文函復遠貴署大臣查照并抄錄鳳陽關船隻梁頭稅則附閱各在案茲准爾述英約載明英商在各口自運艇隻運帶客人其備食物及例不納稅之物毋庸完鈔等因查自用艇隻與僱用船隻不同僱用船隻應照長江通商統共章程第六款所載該船到關仍照內地船例完納船料明文辦理至法約二十二款僱賃中國船艇該船不輸船鈔等因已於同治四年七月間經本衙門與法國伯大臣議定改爲法商僱賃中國船艇亦按四箇月納鈔一次其原舊二十二款不輸船鈔等字樣作爲廢紙等因業已通行照會行知各口照辦在案此次蕪湖關情事既與鳳陽關相同貴署大臣自可洞悉勿庸贅敘應請轉行各國領事官曉諭洋商此項船料向係征自船戶與商人無干嗣後如僱賃內地船隻應由船戶輸納

皇朝政典類纂卷一百六終
船料勿聽船戶取巧之詞干預其事實為兩便以上並約章分類輯要

右長江船鈔

皇朝政典類纂卷一百六終

皇朝政典類纂卷一百七

征權二十五

洋關稅則子口稅 長江子口稅 陸路子口稅

英約第二十八款見條約類

煙臺會議條款第三端之四見條約類

布約第二十四款見條約類

丹約第二十七款見條約類

丹約第四十四款見條約類

丹約第四十五款見條約類

日斯巴尼亞約第二十四款見條約類

日斯巴尼亞約第四十四款見條約類

比約第三十三款見條約類

比約第三十四款見條約類

比約第三十五款見條約類

義約第二十七款見條約類

義約第四十四款見條約類

義約第四十五款見條約類

奧約第二十八款見條約類

奧約第三十款見條約類

奧約第三十一款見條約類

日本行船通商條約第十二款見海船通商條約門

英通商章程第二款見海船通商章程門

英通商章程第七款見海船通商章程門

改訂中俄陸路通商章程第九條見海船通商章程門

美通商章程第二款見海船通商章程門

美通商章程第七款見海船通商章程門

法通商章程第一款見海船通商章程門

法通商章程第七款見海船通商章程門

布通商章程第一款見海船通商章程門

布通商章程第七款 見海船通商章程門

丹通商章程第二款 見海船通商章程門

丹通商章程第七款 見海船通商章程門

比通商章程第二款 見海船通商章程門

比通商章程第七款 見海船通商章程門

義通商章程第二款 見海船通商章程門

義通商章程第七款 見海船通商章程門

奧通商章程第一款 見海船通商章程門

奧通商章程第七款 見海船通商章程門

洋商運土貨復進他口徵收復進口半稅並復進口即如運入內地逢關納稅遇卡抽釐

總理衙門咨七月十五日准英法國照會復進口之土貨再令洋商交一半稅此項稅銀與內地稅餉相

等二成毋庸扣歸等因所有通商各口應從奉文之日起凡洋商運土貨出口不准再發免稅單復進他口

再收一復進口之半稅此項銀兩無庸扣歸英法國二成再英國照會內抄粘劄文新議長江辦法及土貨

交過復進口稅再往內地販運納稅之法倘有未盡嚴密之處本衙門現擬另立長江通商納稅章程俟議

定後再行備文知照至土貨進口交過復進口半稅後本衙門擬令如運入內地應無論洋商華商仍逢關

納稅遇卡抽釐不准發給過卡關票當由本衙門再行照會英法國公使俟有照復前來一併知照此時未

經議定各海關應酌量先收復進口之半稅相應咨行查照通飭各口知悉咸豐十一年八月初一日咨南

洋

洋商入內地買土貨赴關請領報單

總理衙門咨照得洋商入內地賣洋貨應有子口稅其子口稅應在海關所設總卡征收凡洋商運洋貨到

卡應令先交子口稅卽正稅一半完清後發給稅單方准過卡過卡後無論運往何處免其重征又洋商入內地買土貨應有子口稅其買定土貨後應在首經之第一子口開單呈明發給運照付洋商交路上各子口查驗蓋戳放行至最後子口報完子口稅方許過卡下船此係按照條約辦理所有運洋貨入內地之稅單運土貨往海口之運照本衙門與總稅務司配定式樣二張相應查照轉飭浙江粵閩各口一律遵辦再本衙門風聞近日內地商人多有冒稱洋商抗不交納稅釐並於買土貨後沿途銷售任意偷漏稅餉各關口無從稽查殊於內地稅課有礙是以現與英國下大臣議定凡洋商入內地買土貨或本商自去或使用本國人或用地人均聽其便惟必須向關請領買土貨報單單內註明該貨某日到某子口應運至通商某口實屬本商土貨自必完納半稅等詞並於單內註明本商姓名或本行字號爲憑此等報單通商各口海關自行備辦俟准領事官咨請發給並無使費現已列入通商章程內應令各口查照辦理本衙門給予新稅務司劄文令其妥擬三聯報單式樣其應如何酌擬之處業已詳細聲明令其妥擬後發給各口一律照辦並聲復本衙門查照此樣報單專爲杜絕沿途私賣而設備緝各關卡查出該貨與單照內數目不符或非單內指定海口卽可知其沿途私賣除將貨物照例納稅外仍將該商交關議罰轉行查照咸豐十一年九月咨南洋

頒行稅單運照報單式單式不載

總理衙門咨查洋商從海口入內地賣洋貨完清半稅海關應給該商稅單持赴經過各關卡查驗免其重徵洋商從海口入內地買土貨一經該商呈報海關應給該商三聯報單俟到單內指定地方買齊土貨

運至海口下船該商即將三聯報單在首經第一子口呈交該第一子口收下三聯報單即將一單蓋印加封飛速移送該商所報出口海關查照又將一單蓋印按月呈送本衙門備查其餘一單留該子口卽照單填發該貨運照給該商前往路上各子口呈驗蓋戳放行俟到出口海關設卡之處則由卡帶同運貨之人赴海關請領已在海關完納半稅單據方准過卡是前項稅單及買土貨三聯報單惟通商各口海關可發至買土貨運照內地各關及近年所設釐卡均可謂之子口應將此照如式刷印發交各關卡備用卽希查照通飭所管各稅關釐卡一體遵辦咸豐十一年十二月咨各省 此係初設單照之始所有稅單報單運照後有核定通行式樣概列單照卷內

豆石開禁准出口運往他口一經離口自入內地逢關納稅遇卡抽釐

總理衙門咨前本衙門奏開牛莊登州豆禁一摺奉 旨允准業經備文知照在案茲接英國照會所有此項豆石按照新定各項土貨之例於下船出口之時按照稅則所載納一正稅迨到他口復納一進口半稅如已在他口納完半稅之後該商復欲下船出洋該關卽照各貨運出外國之例發給存票一紙以爲日後持作已納稅餉之據等因前來本衙門現給與照復查照新定南北通商通共章程各項土貨之例除完過出口正稅並復進口半稅後一經離口自入內地販運無論洋商華商均逢關納稅遇卡抽釐等語相應粘鈔照會照覆咨行查照同治元年正月二十七日咨沿途各省

附錄給英國照會

爲續行照會事昨因牛莊登州兩口豆石解禁奏奉 諭旨允准業於二十四日照會在案惟該貨應如何

納稅尙未定有章程現屆春融各國商船北上餉額不定恐該商等無所遵從本衙門現在酌定所有此項
豆石卽照新定各項土貨之例於下船出口之時按稅則所載納一正稅迨到他口復納一進口半稅如已
在他口納完半稅之後該商復欲下船出洋該關卽照各貨運出外國之例發給存票一紙以爲日後持作
已納和餉之據再查新定各項土貨之例除完過本地出口之正稅並完進口之半稅後一經離口自入內
地販運無論洋商華商均逢關納稅遇卡抽釐此項豆稅亦應照此辦理以歸畫一正在辦文會照開接准
貴大臣來文意見相同相應照會轉飭各領事官一體遵照辦理

附錄英國照覆

爲照覆事昨准本月二十四日來文內以登州牛莊兩口豆貨一層今奉 恩准解禁本大臣閱悉之下深
爲欣幸惟屆春令將近商船不日北上要在早將稅餉速爲商定本大臣查舊後條約第五款內載豆石豆
餅在登州牛莊兩口者英國商船不准裝載出口其餘各口該商照稅則納稅仍可帶運出口及外國俱可
等因又查稅則所定兩口不准出洋之外皆定豆稅每百斤六分豆餅稅每百斤三分五釐登州牛莊兩口
既經解禁可否通商各口商民欲下豆貨出口卽納稅則會定正稅運到他口另納半稅迨到他口納稅以
後欲運外國卽照各項土貨之例該關發給存單備抵似此辦理豆貨出入海口俱照各項土貨轉運實爲
公安之議合請貴親王速議照覆

復進口土貨半稅均應於所進海口呈交不准於所出之口預納

總理衙門咨准咨稱二月十七日英商寶順行由上海載運柏油一百塊上紙六百八十九件下紙八百六

件復進天津口該商呈出江海關收稅單內批按則徵收出口正稅若干外又收復進口半稅若干因與稅務司再三駁斥既據該商在江海關報完半稅應令該商赴該關自行請換存票與津關無涉斷不能將此作抵現雖照章辦理恐將來紛至沓來且本年天津開河以來進口船隻各貨大半皆持江海關免單並現有商船進口並未納稅據克稅司知照該商已在上海請有免單尚未帶來此時暫將銀兩作抵俟將來免單寄到再為發還等語請咨行江蘇巡撫轉飭江海關查照定章不得率將復進口土貨半稅任意徵收並嚴查各商改口免單不准單貨相離俾各關稅課不致虛懸等因前來本衙門查土貨復進口照章應交半稅除長江不計外其餘各口均應於所進之口呈交不應於所出之口預行收納至於洋商販運洋貨自應單貨相隨方有稽察乃茲據貴大臣咨稱英商寶順行由上海載運柏油等土貨進天津口其應交半稅江海關竟有預行收納情事殊屬有違定章意存壟斷至於洋貨改運他口按照條約固應准發免單但既收其進口正稅改運他口查無拆動抽換即應迅速發給免單令其帶往他口隨貨呈驗乃天津關洋船載洋貨進口該商每稱有上海免單而又不立時呈出往往遲至數旬後補驗亦屬不成事體應由江蘇巡撫嚴飭管關道嗣後洋商販土貨由上海販運他口該關不准再行預收致虧他口稅項如再有預收他口土貨復進口半稅之事本衙門定行指名嚴參決不寬貸其應發洋貨免單務飭江海關迅速發給令其帶往他口呈驗不准單貨相離除咨行江蘇巡撫轉飭江海關遵照外相應咨行同治元年二月二十八日咨三

遺失稅單仍徵正半稅

南洋大臣薛咨同治元年十一月十三日准總理衙門咨十月二十三日准福州將軍文咨洋商販運土貨復進口如遇失去收稅單者究應如何限令補繳之處祈卽核明章程示覆遵辦相應鈔錄福州將軍原文咨行督同總稅務司核議俟議定後再行通行各口查照辦理並聲覆本衙門可也等因查此案前准福州將軍咨覆當經本大臣查失去稅單如何限令補繳條約並無明文惟以稅抵稅向以稅票爲憑若無稅票呈驗自應不准抵稅卽使果係遺失亦係該洋商自誤中國不能過問咨呈總理衙門暨咨覆福州將軍查照在案茲承准前因當卽督同署總稅務司赫德核議據該署總稅務司稱如商人遺失稅單到口仍須徵收出口正稅及復進口半稅以杜捏混倘該商實係遺失應由該商自行向會收該商稅銀之口取其貨件日期相符之文果係重完准發存票以抵後稅等語本大臣覆查所議尙屬周密不致有捏混之弊應卽照議辦理以昭核實除咨行南洋長江各口督撫關權轉飭該管關口官吏遵照如遇前項事件到口一體照章辦理外相應咨明同治元年十一月二十九日咨三口核定徵收子口稅章程

總理衙門咨三月二十四日准署通商大臣李咨據署總稅務司赫德申呈內開竊查公平行湖絲兩案會於同治元年十月初六日將案內原由申呈其六十三包一案係該商私行過卡希圖漏稅自應照充公之例核辦其四十二包一案係該商運絲一百三十三包到卡當時雖服稽查然藉口聲說此次所來之絲毋庸完納子稅須聽領事官分斷是否完納等語因而關卡將其土絲扣留四十二包爲質各等情形在案現奉來例查兩案辦理兩歧等諭竊思此兩案情節原屬不同一係不服盤查私自過卡故意漏稅一係遵照

查驗不過辯論應否完納子稅較之前案殊有分別故該關將其不服查過卡之湖絲六十三包充公變價其邊查不肯完子稅之湖絲所以扣留四十二包聽候大憲定斷況當時湖絲六十三包實屬係走私之貨自應擊獲入官惟湖絲四十二包並非過卡漏稅之貨可比該關萬不能將其充公且該商不情願完納子口稅者據稱此次之絲已在內地完過稅項抽過釐金是以此處不應重納子稅然本商情願出結聽候大憲定斷等語故該關扣其四十二包為質俟該商出結之後方准領回所留之絲因上各原委足見事有不同卽不能一律辦理至來例所令嗣後應援照何案辦理之處妥為酌議刻日申覆等諭查自通商各口前往內地各路情形不一而本司亦未知各處總卡設在何處四處係何樣地道殊難細定章程只可商議大概章程令各口將其內中之頭緒比照地方情形分別照辦茲議一凡有商人將土產貨物自內地運赴海口到該海口總卡之時若已過卡而載貨之船隻車輛並帶貨之挑夫雖入海口界內然在彼離卡不遠俟驗其貨主在該卡未經查出擊獲之先自行赴卡請驗則其尙未有意走漏然過卡不聽查驗自行過去亦屬不合議將其貨罰稅餉五倍方准放行如運貨入內地者亦照一律辦理一凡有商人將土產貨物自內地運赴海口到該海口總卡之時若私自過卡而載貨之船隻車輛並帶貨之挑夫已入海口界內未曾報卡經該卡擊獲卽將所擊之貨照數充公如運貨入內地者亦照一律辦理一凡有商人運貨抵卡遵驗如不肯完納子稅者應由關卡將該貨全數扣留立刻將情形稟明海關監督以便查明是否應納如若查明不應納者立即放行倘或監督之見查明應納者而該商仍不肯照納應將其貨依舊扣留俟該國領事官行文詢問該監督卽將因何扣留之處詳細照覆若該領事以應納子稅為然當亦無難徵收倘該領事

以不應納子稅爲詞而監督之意仍應行納稅卽應由監督並領事官將此案詳細情事申明總理衙門及駐京公使聽候酌議查辦並應由監督將扣留之貨算清應納之稅數知會領事官由領事官卽令該商照數出結聽候大憲定斷將此結單送交監督收存則准該貨放行俟大憲斷後再行照辦以上開列愚見三條是否可照辦理之處請查核定奪並請酌定後剴復本司以便轉行各口稅務司會同各關監督一體遵照等情前來本署大臣查核所擬三條尙屬妥協所有長江各口如有似此之案自應一體照辦以歸畫一除咨行各關查照辦理並飭江海關趕將四十二包湖絲一案催令補交子稅作速完案詳復另咨外相應咨呈前來本衙門查該總稅務司所擬章程三條均爲徵收子口稅而設其第一條係指未經查驗之貨已過總卡而該貨主於未經被拏之先自行赴卡請驗似該商尙未有意走漏議令罰交稅餉五倍免其將貨物罰充入官其第二條係指未經查驗之貨已過總卡而該貨主仍不補報一經該卡拏獲卽將所拏之貨照數充公其第三條係指該商不肯完納子稅之貨而監督必欲飭令完子稅議令該商出結交監督收存聽候總理衙門與駐京公使核辦所擬均屬妥協應准照辦所有南洋長江各口現已經署通商大臣李咨行各關查照辦理其北洋三口應由貴大臣分飭遵照此三條章程內如尙有未臻周密之處赫總稅務司到津後儘可與該總稅務司當面酌核至上海四十二包湖絲一案究應補交子稅若干以及曾否交清之處應仍由署通商大臣李轉飭江海關照約辦理同治二年三月十八日咨三口

進口糖斤分別中外貨物納稅章程

三口大臣照覆本月二十一日接據照會內開天津新關徵收魯麟昆記兩行糖斤正半各稅一案查昆記

所運本係外國糖斤應將新關所收之半稅及廈門稅務司所給之執照給還等因本大臣查此事係因分別中國外國糖斤以致爭論當經邀請貴領事來署面商妥辦據貴領事稱昆記洋行所運糖斤實係外國貨物確有憑據新關所收之半稅自應給還其魯麟之糖是否係外國貨物無憑查考自應毋庸給還等語並經面商以後如有再進口糖斤爭論中外貨物之事自應明定章程查明該船如並無帶別貨免重征執照又未在他口上過船鈔明係由外洋地面而來所載如有外國糖斤自應准其照外國貨物進口例納一正稅如該船無論何貨攜有免重征執照或持有他口上過船鈔專照則此船明係內地自別處海口而來如裝有糖斤不必看其貨色自應照內地貨出口復進口之例完一半稅如無該口納稅憑據再令補一正稅以杜影射之弊貴領事亦以為然以後此等事件總應查明辦理即當轉飭本關稅務司隨時會同領事查明船隻妥辦以免爭論同治二年十二月照會美領事

津關運內地洋貨照章改發稅單

三口大臣咨呈准總理衙門咨據南洋大臣薛咨稱內地徵收子稅運到稅單報單即令分咨各關一體遵照辦理並咨送三口轉行照辦等因查俄商在張家口東壩通州陸路通商開有在張家口販賣土貨運出天津海口之事所有稽徵一切自應查照各國總例辦理除由本衙門將各口通共章程五條並大概辦理開單咨行崇文門東壩委員並張家口坐糧廳各監督外相應再將運照稅單報單通行遵照等因查津海新開洋商進口洋貨或完正稅或有免單驗明將貨起卸後運赴內地銷售均係報完子口半稅由津海新關發給憑照運赴內地不再完稅所領憑照本係查照條約辦理業已行用兩年今因南洋各口將進口運

入內地洋貨均係給予稅單並將式樣送由總理衙門咨行照辦自應改用稅單以歸畫一除將津海新關所用憑照停止即於本年四月初四日起改用稅單至報單運照因無洋人入內地採買土貨向未用過昨俄國報買駝毛始發兩張現在稅單報單運照各式樣暨通共章程五條同一切辦法分別抄單咨行分送外理合將改用稅單添用報單運照緣由咨覆同治三年四月初二日咨呈總署

洋商請照入內地摘要章程

南洋大臣劉案查浙江海關於法國領事官代商人得來那始以請給護照前往舟山接取貨物復由該口司稅以前往舟山置貨請給三聯報單均經該關道按照條約駁結未發一案茲由總理衙門飭據赫稅務司將所引所辨各節詳具說帖咨行查辦前來本大臣披閱赫稅務司說帖講解明晰惟其中尙有應添案據現經本大臣核照總理衙門與英公使商定各案分別添入酌爲摘要五條以後凡遇洋商免入內地請照各關易於照辦合行剴知同治四年十二月十一日剴飭各關

一游歷執照法約第九款只載游行原無准以接取貨物之句然英約第九款既有游歷通商字樣法商領照亦可一律用游歷通商字樣蓋印發給無約各國不在此例惟此項游歷通商執照與入內地買賣三聯運照稅單有別游歷執照係護護本身之件三聯運照報單係免中途重徵之據凡僅持游歷執照入內地買賣而無運照稅單者應逢關納稅遇卡抽釐若並無單照又無准其前往執照者該商所有貨物全數查罰入官

一買賣貨物請領三聯運照稅單者單內須註明本商允納內地半稅並書明本商姓名本行字號爲憑如

沿途查驗貨物有與單照不符或有在途私賣者均照單照內所註章程分別罰辦其入內地只准雇坐中國船艇或居華商行鋪之中不准在彼長住租賃房屋私開行棧凡照章請有單照照完稅餉者此外一切抽釐概與洋商無涉

一法約第七款明禁不得在沿海私買一條須並看善後條約第七款法商准赴內地各處無論遠近買賣並無不准赴沿海字樣且所禁重在私字並禁止洋船前去若請有各項執照又非搭坐外國商船者不在犯禁之例如有私用外國船隻開往沿海貿易者仍行查拿入官

一洋商入內地凡請游歷執照與買賣單照者均應加用該商前往內地須用中國華船不准搭坐洋船致犯入官之例等字紅戳

一內地水陸及沿海口岸紛歧應如何另行設法多加嚴查司杜走私弊端應由各該關監督妥晰查明慎重照辦隨時稟報不得虛應故事以內地條約爲具文致任洋商私行買賣獲利有虧中國稅餉以上五條係在條約案據中摘要講解各該關監督務當核明妥辦以昭允協

牛莊籌辦子口稅

盛京將軍衙門咨會辦通商處案呈同治五年二月十二日准總理衙門咨開同治五年正月三十日據山海關監督申稱辦理子口稅一節各口情勢彼此不同即據牛莊而論必須由將軍府尹派出委員會同該地方官與營口客商妥籌酌奪俟該商均允後即由該委員及地方官申詳監督衙門方能據詳開辦設卡征收庶無掣肘等因前來查子口稅舉辦有年牛莊一口勢難中止現當冰凍漸開商船雲集一切稅務正當

與旺所之時有牛莊子稅必須及時興辦方無遺誤爲此據情咨行查照迅將該辦牛莊子稅遴派委員會同該地方官與營口衆商妥籌酌定行知山海監督設卡征收以裕國課倘該委員等有意因循卽行嚴參究辦可也等因查此案准山海關監督咨爲牛莊通商口岸自咸豐十一年設立海關徵收洋稅數年以來處形暢旺惟子口半稅經總理衙門劄飭開辦迄未定議茲值春融之際南船將至貨物轉運暢行查營口附近地方青堆子二道溝田莊臺牛莊城皆爲扼要之地擬於此四處各設關卡一座又海關公所作爲總卡酌派委員書差扞子手人等分班駐守以便稽查現擬擇日安設關卡按照天津成案出示開辦等因咨會本衙門等衙門繕發出示張貼各城仍希飭令牛海蓋及通省旗民地方官一體會同出示曉諭通行前來查牛莊子口稅之議現准總理衙門來咨指示既令派員會同該地方官與營口衆商妥籌酌奪俟該商均允後方能據詳開辦設卡徵收自應照咨辦理以裕課稅而順輿情相應會同遴派委員副都統銜協領毓昌等馳抵沒溝營通商口岸會同牛海蓋旗民地方官遵將議辦牛莊子稅事宜速與營口衆商妥議酌定總令該商均允行知監督及時設卡興辦毋再因循致干參辦外仍劄飭牛海蓋旗民地方官遵卽會同委員迅將牛口子稅妥爲籌酌辦理毋稍延誤並咨行山海關監督查照辦理知照府尹衙門飭知營口值班尉縣遵辦所有遵文派員會辦牛口子稅緣由先行咨報總理衙門查照同治五年二月二十五日咨總署

洋商入內地買土貨應由通商口岸進口出口

總理衙門咨查美國密領事在天津海關請領報單派人往錦州買煤一事前經本衙門分別在何處進口

出口咨行查照辦理在案茲復准 盛京將軍咨稱據錦州府呈稱准錦州協領衙門移文內開據天橋廠卡倫官稟稱本月初七日進來衙船六隻隨有該船司事人林錫蕃赴卡持報單稱伊由天津僱船十二隻來錦州口採買煙煤以備美國使用職即遵前劄設法開導令其照依條約仍赴牛口裝運伊持有天津道鈐印三聯單一紙各海口均應採買不遵前導職即派兵訪詢已將煙煤運至海口春雨棧堆積裝運查驗三連單內並未載有差派何人前往何處採買字樣再查前劄美國所派係夏蔭富之名今報林錫蕃姓名與前劄互異不符可否准其裝運之處職未敢擅便本衙門查洋商由通商口入內地買土貨應到出口海關之第一子口先赴出口海關報完半稅俟貨運至海關下船出口時再完出口之正稅如運往通商口岸再交復進口稅茲美國密領事派人往錦州買煤不由通商之牛莊海口進口出口乃僱用華船持執天津所發三聯報單欲由天橋廠裝運查天橋廠並非通商口岸在彼裝運則此項煤斤應完之內地子稅及出口正稅在於何處交納且密領事前請領報單時稱派夏蔭富前往現在持單赴卡之人又報稱林錫蕃姓名亦屬不符此案美國欲往錦州買煤領有報單若由牛莊裝運出口則應照洋商入內地買土貨之章飭令完交正子兩稅若僱用華船由天橋廠裝運則所買煤斤只可照華船買貨納稅及交納各稅規費之例辦理不得以領有報單即欲援洋商入內地買土貨之章照辦以免弊混同治十一年十一月咨北洋

洋商運洋貨入內地若無海關稅單沿途照章納稅抽釐
總理衙門咨同治十一年十一月二十八日據張家口監督呈報有布國商人林甫成來屆屆聲稱由通州地方起運洋貨六十六捆前往張家口情願在關按照內地稅則輸納一半稅銀等語旋於次日據本口

通橋稅司報稱本日布國商人馱駝斜文布等貨由局經通郵在天長院店內職當即派役查驗貨數與屆
庸關所報相符隨詢其貨運往何處據稱欲往張家口售賣復詰有無在口銷售貨物印信執照該商亦不
能交出可否准其在口售賣稅銀應如何征收呈請裁奪應如何辦理之處伏候批示等因嗣於十一月初
一日復准崇文門商稅事務衙門咨稱所屬東壩稅局於十一月初一日有洋布二十六馱駝由該處經過
據稱係布國商人林甫成由通州東關義成棧起運送往張家口當經該局查驗並無持有三聯單亦無印
花該局因其聲稱係洋人貨物當即放行惟查向來該處經過洋人貨物均以三聯單印花為憑此次布國
商人林甫成所運洋布並無三聯單印花等項執照相應移會查明此項洋布是否果係布國商人之貨並
嗣後遇有經過洋人貨物如無三聯單印花者應如何辦理希即逐款查復以憑辦理各等因前來本衙門
查洋商運洋貨入內地須由進口之海關發給稅單以憑查驗若無海關所發之稅單應照通商各口統共
章程第一款所載逢關納稅遇卡抽釐之例辦理茲該商林甫成所運雖係洋貨又無稅單自應按照通商
各口統共章程第一款查辦除由本衙門咨復崇文門商稅事務衙門並飭復張家口監督遵照外相應咨
行同治十一年十二月咨北洋

進口土貨逾限復運他口仍完正半兩稅

總理衙門咨前准咨據東海關詳英商滋大洋行有進口赤糖二百四十二包已完半稅現過一年期限因
不合銷售擬裝天津請發憑單並給存票等因當經本衙門查照丹比奧各國條約所載土貨復進口後復
欲運往他口以一年為期准給半稅存票不復更納正稅等語飭行總稅務司轉飭遵照期限辦理並咨復

在案嗣於四月十二日據赫總稅務司申請示復前來復經本衙門酌行仍照前辦等因去後茲於四月十八日據赫總稅務司申稱已飭該署稅務司遵照本衙門前辦等因相應鈔錄本衙門前後札文兩件並總稅務司申呈一件咨行轉飭查照同治十二年四月二十四日咨北洋

附錄給赫總稅務司劄文

為劄復事同治十二年四月十二日據赫總稅務司呈稱英商滋大行其糖貨正半兩稅既經清執有收據復行前往通商各口自勿庸再行納稅前據東海關班署稅務司請示前來業經明白示復現奉本衙門劄文於所復該署稅務司之意兩歧應如何辦理申請酌覆因查本衙門前次札文內所引丹比奧三國條約均載有通商各口載運土貨出口先納正稅復進他口再納半稅後復欲運他口以一年為期准給半稅存票不復更納正稅到改運之口再納半稅等語文內於不復更納正稅一語緊接上文一年為期而謂若過一年之限即須更納正稅更納即重納之謂亦即重征之稅若如總稅務司所稱限外者條約並無重征之稅則當時條約內於一年為期准給半稅存票之後即不應更費此不復更納正稅一語總稅務司向來辦理公事極為細心於一字一句無不推敲蓋致試將此條約文義略為體玩當自恍然至引各口通商章程五款查係咸豐十一年間所定丹比奧各國條約均係同治年間所定章程與條約既有不符自應以後定之條約為據況各國大臣於講及公事文內常有援引丹比奧各國條約者即如土貨復進口一事本非條約所准行嗣於咸豐十一年間續議章程准其復運進口不過中國格外體恤洋商之意此係約外之章原屬可行可止乃嘗議論及之竟有謂此事已經載入丹比奧各國條約即應一體均沾是土貨准令復進口方將執後

定之條約以爲據其土貨復進口應如何按照限期輪納稅銀之處卽應憑後定之條約以爲斷所有英商
滋大洋行糖貨復運出口一案自應仍照本衙門前劄辦理相應劄復總稅務司查照可也四月十七日

附錄赫總稅司申呈

爲申復事奉到同治十二年四月十七日劄文內開以英商滋大洋行糖貨復運出口一案自應仍照本衙
門前劄辦理相應劄復查照等因奉此查英商滋大洋行糖貨一案原係班署稅務司先經函詢請示前來
當經總稅務司僅就所見函復一切嗣奉到鈞劄始知貴衙門已以他意咨復迺商大臣是以總稅務司卽
將前復班署稅務司之意剖別申復請示酌奪非辯論也現奉前因除飭該署稅務司遵照前劄辦理並飭
各稅務司知悉以便歸於畫一外合行備文申請查照四月十八日

又咨同治十二年六月十五日准來咨以滋大洋行赤糖復出口一案經東海關道按照本衙門咨文將會
署稅司班謨將復出口赤糖令其完納正稅毋庸發給存票據該稅司函復該行抗不遵辦請照會英領事
飭繳卽據情照會英領事郁和據領事復稱該商等按總稅務司復函稱該貨進口時既完半稅此後無論
復出何口均毋須再納稅銀等語同日准貴大臣咨稱據東海關道詳據洋關委員稟稱有英商和記洋行
報赤糖復出口亦過一年限期班稅司發給存票准其出口等情當卽面詢稅司果有此事並據稅司函稱
准貴監督轉奉總理衙門行知並奉總稅司傳知遵卽諭令和記行照繳該行玩抗不遵請照會英領事追
繳等情經照會領事茲據照復據該商稟稱前報復出口赤糖係按照海關定章土貨出口並無一年期限
自應收回半稅存票等語均咨請查核示復前來查滋大洋行赤糖復出口一案前經本衙門以丹比奧三

國條約載明復進口已完半稅之土貨復運出口以一年爲限可見一年限內貨復出口准發存票不納正稅一年限外貨復出口不但不發存票並應再納正稅此案滋大洋行復出口之赤糖已過一年限期自應毋庸發給存票並令納出口正稅當咨行貴大臣轉飭遵辦並飭行總稅司轉飭東海關稅司遵照在案今該稅司既經奉到總稅司傳單反以該商抗不遵辦請照會領事爲詞領事又以該商等奉有總稅司復函空言搪塞似此任意推延置條約於不顧將來何所底止所以滋大洋行赤糖復出口一案應仍由貴大臣轉飭東海關查照本衙門前咨追回存票仍責令補交出出口正稅以清稅餉而儆效尤至該商等所稱咸豐十一年九月二十七日所定章程查咸豐十一年九月本衙門與英國卜公使議定長江暫行章程十二款又各口通商章程五款卽後來更正刊刻之長江通商統共章程七條與刊刻通商各口通共章程五條是也從前卜公使以英文繙譯出示曉諭英商雖次序不同文義稍減其大致與所定十二款五款無異今該商等所引章程內第三款內之第一第五兩款核與卜公使告示內第三款之一條五條文雖小異義則相同諒由英文繙出故有參差應以此項章程惟章程內雖無一年後必補交復出口正稅明文亦無一年後不必補交復出口正稅明文而丹比奧三國條約業將一年之限聲明確何得因章程而廢條約況章程第三款內之第二款於土貨運往外國尙有三箇月限期豈在本口復出口竟可漫無限制由該關道切實辨駁勿任狡展相應鈔錄咸豐十一年章程一分咨行轉飭該關道查照辦理同治十二年閏六月十三日咨北洋

又咨同治十三年六月十七日據總稅務司申稱同治十二年四月間奉劄以一年限外土貨復出口不但

不發存票並應再納正稅東海關滋大洋行復出口赤糖已過一年期限應毋庸發存票並令該商再納出口正稅方准改運別口俟到別口後再納復進口半稅方爲照約正辦查此事既滋大洋行一商應如是照辦各口亦應一體通行方昭畫一現據江海關稅務司申呈自奉總稅務司通行飭飭之後迄今南洋通商大臣未曾飭行本關監督呈請查明分晰咨行轉飭以便南北各口不致兩歧等因前來查前准貴大臣咨東海關洋商滋大洋行有進口赤糖已完半稅現過一年期限擬裝赴天津請給存票當經本衙門查丹比奧各國條約載明土貨復進口後復欲運他口以一年爲期准給半稅存票不納正稅等語飭行總稅務司轉飭遵照限期辦理並咨復在案嗣據總稅務司申稱並飭各口稅務司知悉以便歸於畫一等因復經本衙門鈔錄申呈咨行轉飭查照亦在案茲據總稅務司申請前因相應咨行轉飭各關監督嗣後遇有此等復出口已過一年期限土貨一律查照東海關滋大洋行一案辦理以符條約而免歧異並飭知總稅務司可也同治十三年六月二十三日咨北洋

復進口土貨按照出口原估稅單征收一半毋庸另估

總理衙門咨光緒元年十一月二十一日據赫總稅務司申稱案查咸豐十一年八月初三日劄開凡洋商運土貨出口不准再發免稅單復進他口再收一半稅餉等因當卽轉飭各口稅務司歷經遵辦在案查各色土貨有載入稅則者有未載入稅則者其載入稅則者於出口時按照稅則完納正稅由海關填發完稅憑據該貨於復進口時按照所開之稅數再行照完一半其未載入稅則者於出口時自應按估價值百抽五之例征收正稅填發完稅憑據惟各貨市價在原出之口與復進之口時有懸殊故各海關凡遇值百抽

五之貨現有按原出口價照單開數目征收一半者有按本口市價另行核估照收者各關所辦不同商人藉以饒舌總稅務司現經通飭各口稅務司以後凡復進口之貨均應按照原出口完稅之憑據所開正稅之數目再收一半以爲復進口稅毋庸另行核估如此辦理於稅餉並無大出入而於關務亦可歸於畫一理合呈請咨行轉飭遵照等因前來相應咨行光緒元年十一月二十九日咨各省

洋商入內地買土貨如無海關報單即照華商辦理

盛京將軍咨光緒二年四月初十日准錦州副都統咨開據錦州協領德音泰等呈稱本年三月二十六日有口外小船六隻抵口內有洋人克來的登岸僱車裝運煤炸並未報明職等聞知立即差派兵役攔阻訊其有無執照茲據該洋人聲稱伊于年前預先買妥客商吳錦堂炸子二十餘萬斤在海堆存現今請領英國執照前來裝運驗明照內僅稱條約第九款洋人行入內地游歷各地方官一體保衛毋得凌虐等語並未聲明買裝煤炸查前於同治十一年九月據天橋廠卡倫官稟稱進來衛船六隻隨有該船司事人林錫蕃赴卡持報單稱伊由天津僱船十二隻來錦州採買煙煤以備美國使用等情當經詳蒙接准總理衙門咨開查美國密領事派人往錦州買煤不由通商之牛莊海口進出仍僱用華船持執天津所發三聯報單欲由天橋廠裝運查天橋廠並非通商口岸惟領有報單若由牛莊裝運出口則應照洋商入內地買土貨之章飭令完交正子兩稅若僱用華船由天橋廠裝運則所買煤斤只可照華船買貨納稅及交納各項規費之例辦理不得以領有報單即欲援洋商入內地買土貨之章辦理以免弊混等因咨行飭遵在案今洋人克來的隨來小船六隻抵口登岸裝運煤炸查其僅有洋人行入內地游歷護照即行裝運其中難保非

內地船戶向結洋人違禁販運自應聽候核示辦理以符成約前來查前於同治十一年間准總理衙門咨通共章程第四款內載洋商入內地買土貨必須先向海關請領土貨之報單內註明該貨某日到某子口應運通商某口方與章程相符今來咨內稱據錦州協領呈報有洋人克來的乘小船六隻抵口登岸裝運煤炸索照查驗僅呈出游歷內地執照並非洋商入內地買土貨之報單核與條約不符應令將華商運土貨例完納稅項准其出口以符成約除咨復飭遵外相應咨會光緒二年四月咨北洋

洋商入內地置買土貨認真查驗單照暨津關准於入境首卡通融換給運照附報單運照式單式不敷總理衙門咨查土貨三聯報單按照定章本應在第一子口換給運照滬關則於洋商請單時行文置貨處所地方官俟貨物辦齊即於報單內加印驗放並將三聯報單截出一聯交該商收執以備沿途關卡查驗加戳放行更以一聯申送滬關更以一聯留縣存查並無由關發照請換運照之事與他口辦法有異既因從前髮捻竄擾無從將運照發內地州縣換給肅清後又相沿不改非一時所能更正應由該關察酌情形漸復運照規模以歸一律其津關所稱買貨回來之子口原不必定在路上總以何處買貨即在何處呈單換照為正辦惟北路各省洋商時時領單前往各州縣均無局卡洋商迄無換回運照之時日久相沿幾為成例將來由津關領單買回之貨祇可由天津鈔關入境首卡換給運照等情仍應由該關於洋商請領報單時行知該處地方官並抄發運照式樣飭令照章換給倘有未換者准其通融於到津首卡換給以杜重用其沿途關卡總以有無單照為憑有單照者雖華人承運亦不收釐無單照者雖洋人自運亦應收釐單貨不符照章查辦實為此事扼要關鍵至由關稽查出口貨數一節應由發單之關查其運到之貨與將來

出口之貨數目是否相符如運到者多出口者少應向請單之洋商追問除由本處飭行總稅務司轉飭各關稅務司一體遵照外仍應由貴大臣轉飭各關道認真稽查庶有裨益相應咨行光緒四年十一月咨北

洋
煙臺條款內核定華洋各商請領稅單附單式單式不重

北洋大臣劉銘傳呈奉南洋大臣劉峯准總理衙門來函洋貨稅單應照煙臺條款華洋商人均可請領轉飭各關查一辦理等因當飭各關遵照並飭該關將光緒三年開總理衙門所送稅單樣式移送各關刊刻至單上應加戳式已由本衙門復加酌改通行各關一律辦理等因奉此合將加戳單式呈送備查等情據此合行飭飭光緒六年十二月十四日劉津海等關

洋商運中國土貨離口入內地鎮江關課發洋貨稅單仍照完內地稅釐

金陵釐金局稟竊據灣頭釐局委員候補知縣羅令逢該等稟稱竊於本年六月二十六日有美商德和裝運白糖七十包計刺船二隻前赴徐州清江銷售手持鎮江關稅單護照到局呈驗查通商條約惟鎮江九江漢口三處由此口運至彼口無論洋貨土貨並無中途應納稅捐之條到口後如欲運入內地除洋貨驗有入內地稅單應免另征外其餘入內地之洋貨土貨不論華商洋商一經離口均應遵照納稅過卡抽釐等因通飭各局卡在案今美商德和所運白糖乃係福建所產係屬中國土貨不在洋貨之列似應查照通商條約過卡抽釐以免朦混惟念此起白糖既奉鎮江關給有稅單護照而又事關洋人未便將貨扣留此後如有洋人裝運土貨入內地售賣究應如何辦理之處理合檢查通商條約並現據呈驗稅單護照分別

照鈔清摺稟呈核明定章深爲公便等情卷查同治三年五月內准前監督鎮江關許道咨准前辦揚州糧
臺黃藩司及前辦江北釐局郭道會咨以寶順洋行行夥林傑齋兩次運赴口岸桐油皮油青藤花箋等貨
由廣昌棧代售抗不繳捐咨請核明通商章程凡過洋商貨物至江北各口者應否照離口販運例毋論洋
商華商逢關納稅遇卡抽釐之處見復核辦等因查長江通商惟鎮江九江漢口三處由此口運往彼口無
論洋土貨並無中途應納稅捐之條到口之後如欲運入內地除洋貨驗有內地稅單應免另征此外運
入內地之洋貨土貨不論華商洋商一經離口均應逢關納稅遇卡抽釐至由內地置買土貨運出如果呈
驗運照亦應免捐等因咨復通飭遵辦在案是洋商貨物到口之後如欲運入內地除洋貨驗有內地稅
單應免另征又洋商由內地置買土貨運出如有運照呈驗亦應免捐其餘入內地之洋貨土貨不論華商
洋商均應照通商條約所載一經離口逢關納稅遇卡抽釐辦理所有此次美商德和運往徐州清江銷售
之白糖七十包係中國土貨今由鎮江關蔡道給有稅單護照呈驗前來將來如遇洋商裝運土貨入內地
售賣究應如何抽收辦理之處本司等因事涉通商未敢遽爲臆斷理合照鈔清摺稟祈鑒核批示祇遵實
爲公便同治七年八月初六日稟南洋大臣奉批查洋商准入內地買賣天津條約第二十八款善後第七
款均有明條嗣於同治二年九月間准總理衙門來咨英國卜公使給洋商告示聲明凡洋商運洋貨進入
內地貿易或運土產前往海口下船准其或照內地例逢關納稅遇卡抽釐或照善後條約第七款所載洋
貨請有稅單土貨請有運照照約完一次子稅即正稅一半以上兩層各聽其便是洋商入內地買賣其不
領稅單運照以及三聯單者應行逢關納稅遇卡抽釐毫無疑義等因在案議論極爲明晰現在各處辦法

總以查驗有無前項單照為憑有單照可驗者俱不重征其無單照者即係自入內地買賣均應照收釐稅此外並無分別亦不論運貨之人是華是洋又凡內地買賣貨物到地之後一經繳銷稅單貨歸華商應照該處華商貨物例完納捐稅亦據江南海關咨覆有案惟此次美商德和裝運白糖在鎮江關請領稅單運入內地檢核稅則糖斤一項係屬出口貨物即屬中國土貨按照條約只宜運至海口下船而不能運入內地亦不得以洋貨稱之該鎮江關蔡道填給稅單准運清江徐州所引通商章程內載運入內地洋貨字樣而後開之貨乃是白糖引單與單貨不符究竟有無依據除飭蔡道查明申覆外仰將發來條約稅則各一本鈔案一件分晰核明轉飭該局卡妥細遵照辦理不另牽引別條致涉歧誤繳以上並鈔章分類輯要

光緒八年總理衙門 奏據署北洋通商大臣李鴻章奏歸化關稅項短絀擬請援案撥補等因一摺光緒八年十月初二日軍機大臣奉 旨該衙門詳奏欽此欽遵於十月初七日由內閣鈔出到部據原奏內稱准山西撫臣張之洞咨稱近因歸化關常年額稅征收短絀飭據歸綏道稟稱因洋商執持津海關三聯單赴歸探買土貨稅項均歸津關代征以致每年短征至五千餘兩之多前經咨請應由總理衙門核定飭遵現准覆通查洋商請領報單赴內地探買土貨應完內地半稅原約係在首經之子口輪交又查後條約第七款聲明由第一子口驗貨給照至最後子口先赴出口海關報完內地稅項若令於歸化一處專歸首經之子口完納辦理未免兩歧惟歸化關稅項因此短絀查光緒五年十月間四川總督丁寶楨曾同湖廣總督李瀚章奏請將慶關短征額稅按照宜昌江漢兩關每年所收出入川省子口半稅銀數准其劃抵經本衙門會同戶部核准有案行令會商北洋大臣奏明辦理咨請酌核會奏復經飭據津海關道周馥詳稱新關

征收子口稅銀向係隨同戶關一年期滿時分晰造報並於新關洋稅奏銷案內按三箇月一結聲明子口稅若干彙入各項六成洋稅內撥發天津海防支應局練兵月餉從前天津戶關張家口崇文門坐糧廳等關短征盈餘銀兩亦經戶部議奏將天津海關所收子稅酌中撥補但寶銀並未解部仍循案支放兵餉又同治四年戶部議奏張家口短收稅銀案內稱張家口短收盈餘稅爲數甚鉅津關子稅所收不敷撥補嗣後各關如有短收除本關所征洋商子稅准其照案撥補由部隨時酌核辦理外其餘概不准紛紛撥補以免分歧各等情查歸化關近因洋商領單採辦土貨以致稅項短絀自係實情既經總理衙門援引四川夔關核准撥補成案自應奏明變通辦理擬請自光緒八年四月十八日天津戶關關期爲始每屆一年期滿由津海關道將所收洋商採買歸化土貨子口半稅開單咨明山西核入歸化關奏銷案內辦理惟關期不同津關所收之數與歸關所免之數必有參差應如何酌中撥補之處仍應查照戶部奏准成案由部酌核辦理至此次擬撥歸化關子口稅銀亦應查照津海關歷辦撥補成案循舊撥發天津海防兵餉毋庸解部以符向章而濟要需等語臣等伏查歸化關每年應征正額銀一萬五千兩盈餘銀一千六百兩錢九千串又查同治四年議覆張家口短征摺內聲明嗣後各關如有短征者除本關所征洋商子稅准其援案撥補仍隨時酌核辦理外其餘概不准紛紛撥補以免紛歧等因奉 旨允准在案又查光緒五年十月間據四川總督丁寶楨奏變關洋票日多短征愈鉅請核實辦理一摺臣等以事關兩省稅項議令四川湖廣兩督臣據實會奏再行核辦嗣於光緒七年正月據李瀚章等會同奏請將變關短征額稅按照宜昌江漢兩關每年所收出入川省子口半稅銀數准其劃抵經總理衙門同戶部奏准亦在案今據北洋通商大臣李鴻

章奏稱歸化關稅項短絀近因洋商領單採買土貨稅項均歸津關代征以至短征至五千餘兩之多既經總理衙門援引四川夔關核准撥補成案擬請自光緒八年四月十八日天津戶關開辦期爲始每屆一年由津海關道將所收洋商採買歸化土貨子口半稅開單咨明山西核入歸化關奏銷辦理其開辦參差應如何酌中撥補之處仍應查照奏准成案由部酌核辦理等因戶部查歸化關稅項現據山西巡撫咨報至光緒七年十月十二日關期止歷年所征銀錢兩項均係照額征足並無虧短今據原奏內稱每年短征至五千餘兩之多戶部無從查核至洋商執持津單赴歸採買土貨查核通商條約行之已久從前該關征稅既皆足額則此後照舊實力稽征似可無慮虧短自應仍查照同治四年奏准成案概不准紛紛撥補以免紛歧其奏稱援引四川夔關核准撥補成案一節現查歸化關歷屆並無短征所請援引撥補之處應毋庸議應請 飭下山西巡撫轉飭該關道仍舊實力稽征足額毋得率行濫請撥補以裕稅課所有臣等遵議緣由理合恭摺具陳伏乞 聖鑒光緒八年十月 日奉 旨依議欽此 郵鈔

准洋商進口完稅後沿途賣貨繳單

總理衙門咨前於光緒二十三年十一月二十四等日准德國海使先後照稱洋商進口貨物准否沿途售賣爲中外通商關係甚重請飭各該口岸管內地稅務地方官進口貨物沿途售賣不得阻礙等語當經本衙門飭行總稅務司詳籌辦法茲於本年正月初三日據總稅務司申稱查通商章程善後條約第七款載明運入內地各貨該商應將該貨名目若干原裝何船擬往內地何處各緣由報關查驗確實照納內地關稅該關發給稅單該商應向沿途各子口呈驗蓋戳放行勿論遠近均不重征若進出有違此例者各貨均

罰入官倘有匿單報少等情將單內同類之貨全數入官等語條約既載有各貨須報明應往內地何處字樣可知海關所發之內地稅單既係自通商口岸至內地某處運貨之單沿途免其重征此單應在沿途各子口呈驗蓋戳放行其報運之處勿論遠近照章均不重征其章內又載若進出違例各貨均罰入官之語以上各節可見當時立約之員並未念及沿途售賣之事只係定立稅章發商執持隨其所運之貨由通商口岸至內地某處沿途免其重征而已條約章程如此凡進口貨物領有稅單者自通商口岸至內地某處准免重征俟抵單內所指之地此單即應撤銷該貨既繳稅單此後與無稅單之貨無異即應按內地章程辦理以上即約章之義意亦係稅關向來之辦法今奉鈞劄以德國海大臣照稱前因自應妥籌辦法擬請嗣後凡進口貨物執有稅單者自通商口岸運赴單內所指之處概免重征一到該處稅單即應繳銷若所運貨物在沿途售賣其全行賣盡者即將稅單在附近之子口繳銷倘未全賣其餘之貨經過第一子口該商應報明在何處售賣何貨若干由關卡在稅單上註明蓋戳放行凡有各口之第一子口即應嚴飭不得接收已由本卡蓋戳之稅單復用運貨過卡倘查有商人執持已經蓋戳之稅單呈驗者將單內所載之貨全行入官以上所擬之章似足以保重稅課且准沿途售貨亦可扶持商人之益等因前來本衙門查岸商所領三聯單運貨進口照章須到單內所指之地始准銷售今海大臣照請嗣後進口貨應准沿途售賣一節係為商務起見中國顧念邦交但使於商務有益而於釐捐無損自當斟酌辦理現據總稅務司所議章程尚屬可行除本衙門照復德海使並各國駐京大臣外相應咨行貴撫查照轉飭各該關道釐局嗣後如洋商運貨進口如在沿途銷售即將此次所定新章辦理以保釐課而維商務

總理衙門咨所有洋商進口貨准令沿途售賣一事前據總稅務司議定章程當經本衙門於本年正月三十日咨行貴撫查照辦理在案查文內所稱三聯單係指洋貨進口之半稅單而言與請領內地土貨三聯報單不相關涉恐有誤會特此聲明即希查照轉飭各關可也須至咨者光緒二十四年三月二十日咨各
省約章分類輯要

光緒二十四年閩浙總督許應駁奏前准總理衙門咨光緒二十四年三月初三日附奏各省內河行駛輪船擴充商務一片奉 硃批依議欽此鈔錄原奏並章程到閩當經轉行遵照嗣准咨據總稅務司續擬內港行輪章程九條內開凡輪船裝載洋貨入內地或領取子口稅單或沿途關納稅遇卡抽釐均聽商便又土貨欲運往外洋或照鎮江子口稅單章程領取三聯報單均聽華洋各商之便等語查釐金什一之徵大率重於子口半稅向章領有子口稅單者釐金即不再抽商人利析錙銖往往就輕避重無論洋貨土貨莫不領有子口稅單以免沿途釐金故子口稅日增則釐金日減雖經嚴定比較剔除中飽而釐卡收數仍復較前短缺彼盈此絀理有固然也惟閩省本屬瘠區歲入常供除錢糧鹽課而外一切京餉洋債以及防勇餉需緝捕經費皆恃釐金以為措拄從前輪船不准行駛內河釐金尙可照額徵收一旦輪船暢行則釐金悉爲子口稅所浸灌解支各款實屬無從措手雖商人同一完納而用款不無難易之殊查閩海關併徵洋藥稅釐每年籌撥銀四十萬兩歸還稅釐局支銷有案今所收內河輪船子口稅即係內地各卡應完之釐較之通商口岸所收洋稅大有區別實與併徵藥釐情事相同擬請嗣後閩海關徵收內河輪船子口稅銀兩款結報儘數撥歸稅釐局以應解支據署福建布政使余聯沅會同稅釐局司道具詳前來臣覆核無異

合 濟 係 護 地 取 口 瘠 注 亦 輪 在 查 釐 聖

通商各口統共章程第一款見海船通商章程門

通商各口統共章程第三款見海船通商章程門

通商各口統共章程第四款見海船通商章程門

長江改土貨出口限期

總理衙門咨照得長江通商章程第五條內載凡有江照之輪船裝載土貨須由該商在裝貨口先將正半兩稅一併完清方准裝貨俟該貨抵上海若在三箇月限內復出口前往外國應由該商赴江海關請領執照作為該貨已往外國之實據將執照呈交漢口九江鎮江關則可將該商所納復進口半稅發給存票以抵日後應完之稅等語本年三月間據美英俄國照會以給發復進口土貨存票必該貨在三箇月限內出口為期太促請改為一年等情本衙門現在給與照覆准將給發土貨復進口存票限期改為一年相應咨行一體遵照同治二年五月三十日咨各省互見海船通商運貨事例

輪船所用土煤免徵復進口稅限制

總理衙門咨同治三年八月三十日准咨據兼護江漢關道鍾謙鈞詳稱案奉總理衙門咨准咨稱輪船自漢至滬自用之煤與運別口銷售者有別請免徵復進口半稅一節此為體恤商情起見當准如所議辦理至輪船大者約用煤六七百石小者四五百石該道當照依此數明立規條示以限制倘所裝之煤浮於所用之數自必責令仍交復進口半稅等因行關奉此當經照會稅務司馬福臣妥議條規並照會各國領事官會議去後茲准該稅務司覆稱據寶順洋行等稟稱從前到漢往來大江之火輪船均係小船近日多係

大船自漢至滬須備用煤一千六七百石方免中途缺乏之虞等語敝司查現在船大前次船小卻係實情並深悉該火輪船由漢至滬願載雜貨斷無裝煤至上海銷售之理所有用煤一項自後請以船小者載用煤六七百石大者不過二千石為則只徵出口正稅准免復進口半稅並請照會鎮江海關如遇輪船自漢抵岸有煤出售請代江漢關再徵復進口半稅如此定章則該輪船不致以用煤太少恐中途有缺乏之虞及至抵岸有煤出售仍須完納復進口半稅無從影射似覺妥協等情查馬稅務司覆據各商稟稱前情自係實在情形復據定以限制而於上海有煤出售仍徵復進口半稅實已無從影射亦不令該商藉口有用煤太少之詞請咨總理事衙門俯准施行等因前來查輪船用煤一項本衙門前咨業已准其於自用之煤免徵復進口半稅惟所裝之煤不得浮於所用之數茲據稅務司馬福臣請以船小者載用煤六七百石船大者不得過二千石為則且請定以限制於輪船自漢抵岸有煤出售仍由鎮江海關代徵半稅等因既據該關查係實在情形應即准其照辦相應咨復同治三年九月初五日咨南洋

洋商採辦茶葉免交復進口半稅

總理衙門咨同治三年十月二十五日准咨據江海關道等詳稱准總理衙門咨漢九兩關出口茶葉洋商販運到滬後是否均係運回本國銷售此項半稅應否仍在漢九兩關預行完納如該商並無在中國各口販賣茶葉之事此項保結應否飭令該商於運茶到滬時在滬關呈具保結之處統帶督飭江海關道並承辦通商委員妥議章程迅即咨復本衙門以憑核辦等因合行抄單飭關即便確細查明妥議章程具復以憑咨報此遵經兩商稅務司狄安瑪復稱查此項茶葉均係運往外國之貨所有不復出口之茶葉係途

中或因水漲或有損壞之故查咸豐十一年由漢九兩關來滬茶葉十五萬六千三百一十一擔復出口往外國者十萬零九十二擔六十斤同治元年由漢九兩關來滬茶葉三十四萬七千一百六十三擔復出口往外國者三十四萬六千七百一十四擔同治二年由漢九兩關來滬茶葉四十二萬四千一百零四擔二十斤復出口往外國者四十三萬六千零五十四擔九十斤係轉運外國之數其咸豐十一年進口多而出口少而同治二年出口之數轉多於進口之數者皆因每年進口之茶不能定於當年全數復出口亦有年底進口之茶須至開年方能出口者至於半稅應否仍在漢九兩關預行完納查暫存半稅章程原為免商人所報復出口之貨在口私銷漏完半稅之弊是思章程原意係體查以上復出口實在情形此項茶葉暫存之稅實可不必徵收所有早已保結一節應於交存半稅之口呈具至於現在該茶已在漢九兩關完出口正稅應由該口發給出口正稅執照由商人帶至本關呈繳日後復出口時本關即發轉運外國執照回漢呈驗至由鎮江照之船或內地土船運來照現在章程係於原進之口完納暫存半稅據本稅務司所見此項鎮江照之船及內地土船運來茶葉將來到上海可不必徵收半稅亦令年具保結緣皆復出口茶葉應一律辦理免交暫存半稅各等語兩復前來伏查狄稅務司所議各層尚稱妥洽應請嗣後洋商在漢九等關由江照輪船裝運茶葉來滬既係運往外國之貨所有暫存半稅免其預經以順商情飭令仍在原口呈具保結發給出口正稅執照由商人帶至江海關呈繳日後復出上海口時本關驗明實係原包原貨並無拆動搖換情弊並查明該貨果在一年限內轉運出口即行發給轉運外國執照並於照內填明該貨前在某口某號出口正稅執照內撥出之貨該商持回原口呈驗請將所具保結註銷如該茶在長江各口呈具

保結之日起已逾一年限外並無江海關轉運外國執照呈驗印係未經復出口之貨仍令裝貨各關隨時查明保結飭令補半稅似此辦理所有逾限出口之茶葉在厘口既有稽考於稅餉亦不致隱漏核與向辦章程仍相符合至由鎮江照之船及內地土船運來茶葉到上海時亦免其徵收半稅飭令呈具保結以爲實一是否有當理合詳祈鑒核俯賜咨復總理衙門核示飭遵等情據此相應咨請查核見復等因本衙門查漢九兩關茶葉洋商販運出口既據貴大臣轉飭查明每年均係運往外國並無在口私行銷售偷漏等項情事請免其預交復進口半稅並明定章程使漢九兩關與江海關互相稽考所議尚屬周妥應准照辦除照會英法兩國駐京公使外相應咨覆轉飭江漢九江鎮江上海各該關道一體遵照辦理並就近知赫赫總稅務司查照同治三年十一月咨南洋核定茶末減稅章程

總理衙門咨案查同治七年十月初三日據赫總稅司將茶末減稅擬定簡明新章四條申送到本衙門當經本衙門於十月十四日鈔錄照會布俄英法美日各國駐京大臣先後照復允飭各口領事遵辦等因前來除知赫總稅司遵照外相應鈔錄各國照會五件赫總稅司新定章程四條咨行查照轉行各該關即將新定茶末減稅章程飭令遵照辦理同治七年十一月咨南洋

附錄赫總稅司申呈並章程四條

爲申復事奉到同治七年九月二十六日劄知以九江英商英茂茶末納稅一事因該領事李蔚海以每擔茶末值不出十兩外者運往通商各口完銀一兩二錢五分謂爲半稅於稅司康慶慶另征之復進口半稅

誤爲半稅之半稅司暫照茶號稅例取具半稅保單辦理等情經兩江總督咨請核覆並溯引土貨出口之例揭開半稅保單之所指及販買茶末之來由飭爲詳敘聲覆以便通照其阿化威茶末之事應分按詳明等語本總稅司詳閱劄文內開有已交過內地稅餉則在長江下貨時均不必在長江各口完稅之語按此語意乃咸豐十一年通共章程第五款之例是究查此案所引證者係據舊章而言現在長江辦理稅務則係照同治元年更訂長江通商通共章程辦理查同治元年訂章第五款內載凡有江照之輪船裝載土貨須由該商在裝貨之口先將出口正稅復進口半稅兩項稅餉一併完清且同治三年又有茶葉一項准暫時不納復進口半稅祇取半稅保單之章劄文內開何以茶葉一項只完出口正稅取具保單此半稅之保單係指何項半稅而言查茶葉一項係先行完納內地稅餉內地稅餉完清後卽行完納出口正稅取具保單是保單所指之半稅卽係指復進口半稅而言也至劄文內開此項茶末是否該洋商由內地自販之貨抑係在本江口所買之貨如係由內地自販應令按章在該關完一末後子口稅再交長江出口正稅方准出洋查保單內之半稅既係指復進口之半稅而言其內地稅餉卽係在未完出口正稅之先已經完納所飭查明之處自可無庸議矣咸豐年間定章除內地稅項外其出口正稅復進口半稅均俟進上海口時交納其同治元年更訂新章凡有江照之輪船土貨須在裝貨之口先將出口正稅復進口半稅兩稅一併完清而四年正月間於土貨中特將茶葉一項變通辦理因茶葉係出洋運往外國之貨除按章完出口正稅外祇需取具復進口半稅之保單所以如此變通者一免洋商日久空存現銀一免發給存票之累至茶末一項若係往外洋之貨自應照茶葉一律辦理若不往外洋者其值在十兩以內例准減半納收惟既非往

外洋之貨物

單似爲平允

一凡有茶末

一凡有茶末

者定正稅之

一凡有茶末

出口正稅銀

與各項土貨

一凡有茶末

稅銀六錢二

外洋時無論

意

以上所擬之

議現定出入

外者既准減

往外洋者並

茶末新章止議及出口稅減半納收並未言及內地稅銀如何辦理且復進口之後若洋商運入內地須照華商逢關納稅一體辦理則是以不出洋減半納稅之茶末即復進口後須照各項土貨完內地稅之例辦理因思在未到口岸未曾裝貨之先不如照茶葉例完納各項內地稅餉之為是此案英茂茶末之稅確係該領事並該商之誤會稅司暫照茶葉辦理之處與例甚合現奉前因合行申復節希查照可也以上並約章分類輯要

右長江子口稅

改訂中俄陸路通商章程第六條見海船通商章程門

改訂中俄陸路通商章程第七條見海船通商章程門

改訂中俄陸路通商章程第十一條見海船通商章程門

改訂中俄陸路通商章程第十二條見海船通商章程門 以上各國通商條約

英商在張家口租棧張掛招牌違約飭禁

總理衙門咨准察哈爾都統來文內稱英商利渣士洛詢在張家口租定棧房張掛招牌係屬違約呈請核定示覆前來本衙門當即知會英國駐京大臣嗣據覆稱英商欲在內地售貨無不遵行惟欲開設行棧僅可在通商各口不准在內地設立地方官示諭英商利渣照約之後倘敢仍不遵循本大臣查出必札行天津領事官嗣後該商請發執照概不聽發配送英文一分由本衙門轉行察哈爾都統持以曉諭英商等因在案查英商利渣違約在張家口開設行棧經英國駐京大臣此次設法切實辦理已經本衙門將英文

一分備文咨行察哈爾都統曉諭該商諒必不敢再違因思英國大臣向來辦事極爲公平此次照會所稱周詳妥善嗣後各處地方倘有洋商在內地城鎮設行皆宜一律做照辦理惟查天津條約第九款內載英國民人准准執照前往內地各處游歷通商等語是洋商入內地買賣貨物原爲條約所不禁但不准設立行棧各地方官務當謹守條約毋得因有不許設行之事遂誤認爲不許洋商入內地售貨概爲攔阻以致與條約不符相應粘抄來往照會及英國通飭各口領事札文底稿咨行同治元年五月初二日咨南洋附錄英國照會

爲照會事照得英商利渣將貨運赴張家口又欲開設行棧一案本大臣查條約所載英商在海口欲進內地先宜報關請發執照爲已納半稅之憑方能前往如未請執照之前私自運貨均罰入官此條約明文至於欲在內地售貨而條約無不准行惟欲開行設棧僅在通商各口不准在內地設立地方官示諭英商利渣之後倘敢仍不遵循經本大臣查出必札行天津領事官嗣後該商請發執照概不聽發爲此照會附錄給英國照會

爲照覆事接准照會內稱英商將貨運赴張家口又欲開設行棧一案查條約所載英商欲在內地賣貨條約無不准行惟欲開行設棧僅可在通商各口不准在內地設立地方官示諭英商利渣照約之後倘敢仍不遵循經本大臣查出必札行天津領事官嗣後該商請發執照概不聽發等因並配送英文一分照會前來本衙查前因安徽祁門縣江西吳城鎮有外國人開設行棧之事迭經照會貴大臣辦理在案並因英商利渣等在張家口開設降泰行故復查照舊案辦理昨接來文具見持論公平毫無偏倚尙勝忭慰本衙

現已將另送英文一分咨行察哈爾都統會同張家口監督派委委員以此英文持送該商等閱看諒必恪遵不敢再生異議並即通行各省俾中國地方官咸曉然于貴大臣辦理通商事件悉秉大公自必益加悅服謹守條約仍希通飭各口領事官一體照辦至通行文內已分別洋商入內地售貨不在禁止之例毋得含混概為攔阻相應照覆

附錄英國給通商各口領事官札文

為札行事照得天津條約第二十八款所載英商准將洋貨進入內地各處售賣一節近來在於各等處准否長住每生疑問本大臣詳查英商條約章程善後條約第七款之議凡有英商欲將洋貨或親自運往或擬派他人代運均必先納半稅請取運貨單方准運貨前往任便銷售此定約之意原因英商運進則在內地征納稅餉仍照內地各處子口章程辦理特恐隨時多生辯論訴屈之累為此設法以為防範辯論之計至在內地長住一節條約雖准進入內地賣貨仍不准其長住倘英商或欲租房開設行棧此為條約所不准行惟進入內地賣貨乃係條約明文該商或坐船艇或下客店或居華商行鋪俾得洋土貨物交相買賣此均准行為此札飭該口領事官轉行曉諭可也須至札者以上並通商章程成案彙編 互見海船通商

陸路商務門

右陸路子口稅

皇朝政典類纂卷一百八

征權二十六

津關稅則稅則 按英美法布丹比義奧日本各國皆有精附稅則餘國均於鈔中聲明與各國稅則一律

進口油蠟礬磺類

蠟日本

每百斤 六錢五分

蘇合油

每百斤 一兩

硝

按各國註云只准按章程稅賣
日本註云只准按章程進口

每百斤 五錢

黃蠟

每百斤 一兩

硫黃

按各國註云只准按章程稅賣
日本註云只准按章程進口

每百斤 二錢

進口香椒類

安息香

每百斤 六錢

安息油

每百斤 六錢

檀香

每百斤 四錢

白胡椒

每百斤 五錢

黑胡椒

每百斤 三錢六分

沉香

每百斤 二兩

降香 每百斤 一錢四分五釐

進口藥材類

阿魏 每百斤 六錢五分

上冰片 每斤 一兩三錢

下冰片 每斤 七錢二分

丁香 每百斤 五錢

母丁香 每百斤 一錢八分

牛黃印度 每斤 一兩五錢

兒茶 每百斤 一錢八分

檳榔膏 每百斤 一錢五分

檳榔 每百斤 一錢五分

參美國 每百斤 六兩

練輝參 每百斤 八兩

乳香 每百斤 四錢五分

沒藥 每百斤 四錢五分

薺薺花即肉果花 每百斤 一兩

肉果荳蔻	每百斤	二兩五錢
白荳蔻	每百斤	一兩
木香	每百斤	六錢
犀角	每百斤	二兩
水銀	每百斤	二兩
洋藥日本無	每百斤	三十兩
檳榔衣	每百斤	七分五釐
砂仁	每百斤	五錢
肉桂	每百斤	一兩五錢
虎骨	每百斤	一兩五錢五分
鹿角	每百斤	二錢五分
血竭	每百斤	四錢五分
大楓子	每百斤	三分五釐
進口雜貨類		
火石	每百斤	三分
雲母殼卽珠海殼	每百斤	二錢

皇明女其頁錄 卷一五八 征權二十六 洋關稅則

銅鈕釦

每十四粒五分五釐

漆器

每百斤 一兩

繩呂宋

每百斤 三錢五分

傘各樣

每柄 三分五釐

香柴

每百斤 四錢五分

煤 按各國註云外國日本註云日本

每噸 五分

火絨

每百斤 參錢五分

進口曬蠟海味類

上燕窩

每斤 五錢五分

中燕窩

每斤 四錢五分

下燕窩

每斤 一錢五分

黑海參

每百斤 一兩五錢

白海參

每百斤 三錢五分

白魚翅

每百斤 一兩五錢

黑魚翅

每百斤 五錢

柴類 由乾魚

每百斤 五錢

魚肚	每百斤	一兩
鱈魚	每百斤	一錢八分
魚皮	每百斤	二錢
海菜	每百斤	一錢五分
<small>按海菜一項俄國於同治六年議定將俄產海菜減為每百動一錢</small>		
牛鹿筋	每百斤	五錢五分
蝦米	每百斤	三錢六分
淡菜	每百斤	二錢
鱈魚皮	每百張	二兩
進口顏料膠漆紙劄類		
呀囉米	每百斤	五兩
大青	每百斤	一兩五錢
蘇木	每百斤	一錢
紫梗	每百斤	三錢
水龍	每百斤	一錢八分
魚膠	每百斤	六錢五分
皮膠	每百斤	一錢五分

藤

每百斤 一兩

栲皮

每百斤 三兩

進口竹木籐柳類

沙籐

每百斤 一錢五分

烏木

每百斤 一錢五分

梳重木

每根 四兩

梳重木

每根 六兩

梳重木

每根 十兩

梳重木

每根 二兩

梳重木

每根 四兩五錢

梳重木

每根 六兩五錢

梳重木

每根 一錢五分

梳重木

每百根 三兩五錢

梳重木

按英美丹比與日本各國長不過十六幅地寬十二因制厚三因制注布各各國長不過七寸寬等三十一乘的適當
理適當厚七十七密理適當又按國附註照正則本國文告作七十七密理適當正則本國文告作七十五密理適當

願照表估價之例
則照價百抽五收納

按英美丹比與日本各國長不過二十四幅地寬拾貳因制厚三因制注布各各國長
不過七寸寬等八百七十七密理適當寬三百零五密理適當厚七十七密理適當

按英美丹比與日本各國長不過二十六幅地四方不到十二因制注布各各國長不過七寸寬等九百八十五密理
三百零五密理適當又按國梁木一項於光緒元年議定圖得與方徑其以比例仍應按則每根銀一錢五分倘有

按英美丹比與日本各國長不過六十幅地法布義
各國長過十八適當零二百八十七密理適當

按英美丹比與日本各國長不過四十幅地法
各國長過十八適當零二百八十七密理適當

舊作七十大整理適當者法布二國均作七十七號
通當茲洋文雖小異仍作與法布二國一律辦理

每百片 二兩

板 各樣

按英美丹比奧日本各國每四方長闊十幅地法布各
國每四方長闊九十二碼當各八百二十七碼理適當

七錢

板 麻栗樹

長闊方圍 按英美丹比奧日本各國每幅地法布各
各國每三十碼均適當者四碼理適當

三分五釐

紅木

每百斤 一錢一分五釐

毛柿

每百片 三分

呀喇治木

按英美丹比奧日本各國長不過三十五幅地
寬一幅地八因制厚一輪地法布各各國無註

每根 八錢

進口鏡鐘表玩類

自鳴鐘

每值百兩抽稅五兩

時辰表

每對 一兩

珠邊時辰表

每對 四兩五錢

千里鏡雙眼千里鏡

鏡掛穿衣
鏡掛屏

每值百兩抽稅五兩

八音琴

每值百兩抽稅五兩

進口布疋花幔類

麻棉帆布

按英美丹比奧日本各國長不過五十碼法布各各國長不過四十三碼當各八十八碼的適當又按義國附註此麻棉帆布
正副本漢文長不過四十三碼當各八十八碼的適當新換洋文長不過四十五碼當各七十一碼的適當正副本洋文長不過
四十五碼當各七十二碼的適當查法布二國稅則均係長不過四十三
碼當各八十八碼的適當茲洋文雖小異仍當與法布二國一律辦理

每疋 四錢

棉花

每百斤 三錢五分

布 原色白色

按英美丹比奧日本各國寬過三十四因制長不過四十碼法布各
國寬過八十六染的過當長不過三十六碼當零五十七染的過當

每疋 八分

布 原色白色

按英美丹比奧日本各國寬過三十四因制長過四十碼法布各國寬過八十六染的過當長過三十六
碼花斜紋 過當零五十七染的過當又按英美丹比奧日本各國每十碼法布各國每九碼當零十四染的過當

每疋 二分

布 美國

原色白色 按英美丹比奧日本各國寬不過三十因制長不過四十碼法布各
國花斜紋 國寬不過七十六染的過當長不過二十六碼當零五十七染的過當

每疋 一錢

布 美國

原色白色 按英美丹比奧日本各國寬不過三十因制長不過三十碼法布各
國花斜紋 國寬不過七十六染的過當長不過二十七碼當零四十三染的過當

每疋 七分五釐

布 原色白色

按英美丹比奧日本各國寬不過三十四因制長不過四十八碼法布各
國花斜紋 各國寬不過八十六染的過當長不過四十三碼當零八十八染的過當

每疋 八分

布 原色白色

按英美丹比奧日本各國寬不過三十四因制長不過二十四碼法布各
國花斜紋 各國寬不過八十六染的過當長不過二十一碼當零九十四染的過當

每疋 四分

色布 有花

按英美丹比奧日本各國寬不過三十六因制長不過四十碼法布各
國寬不過九十一染的過當長不過三十六碼當零五十七染的過當

每疋 一錢五分

花布 白提布 白點布

按英美丹比奧日本各國寬不過三十六因制長不過四十碼法布各
國寬不過九十一染的過當長不過三十六碼當零五十七染的過當

每疋 一錢

印花布 按英美丹比奧日本各國寬不過三十一因制長不過三十碼法布義各國寬不過七十八碼的適當長不過二十七碼當等四十三碼的適當又按布國附註查印花布一項法國章程於咸豐十一年八月內議收每疋寬至八十大碼的適當長至四十五至五十五碼

當等例每疋共納
稅銀一錢二分

每疋 七分

製裝布 按英美丹比奧日本各國寬不過四十六因制長不過二十四碼法布義各國寬不過一適當零十六碼的適當長不過二十一適當零九十四碼的適當

每疋 七分

製裝布 同上惟二十四碼作十二碼二十一適當零九十四碼的適當

每疋 三分五釐

製裝布 按英美丹比奧日本各國寬不過四十六因制長不過二十四碼法布義各國寬不過一適當零十六碼的適當長不過二十一適當零九十四碼的適當

每疋 七分五釐

製裝布 即洋紗 按英美丹比奧日本各國寬不過四十六因制長不過十二碼法布義各國寬不過一適當零十六碼的適當長不過十五碼當零九十七碼的適當

每疋 三分五釐

緞布 按英美丹比奧日本各國寬不過三十六因制長不過四十碼法布義各國寬不過九十一碼的適當長不過三十六適當零五十七碼的適當

每疋 二錢

柳條布 按英美丹比奧日本各國寬不過四十因制長不過十二碼法布義各國寬不過一適當零一碼的適當長不過十適當零九十七碼的適當

每疋 六分五釐

毛布各色 按英美丹比奧日本各國寬不過二十八因制長不過三十碼法布義各國寬不過八十一碼的適當長不過二十七適當零四十三碼的適當

每疋 三分五釐

絨棉布各樣按英美丹比奧日本各國長不過三十一碼法布
義各國長不過二十八碼當零二十四碼的適當

每疋 二錢

棉綫

每百斤 七錢二分

棉紗

每百斤 七錢

麻布

按英美丹比奧日本各國長不過五十碼法布義
各國長不過四十三碼當零八十八碼的適當

每疋 五錢

麻布粗

即藤竹布 按英美丹比奧日本各國長不過五十碼法布義
棉絲布 各國長不過四十三碼當零八十八碼的適當

每疋 二錢

回絨

按英美丹比奧日本各國長不過三十
五碼法布義各國長不過三十二碼當

每疋 二錢

羽布

按英美丹比奧日本各國寬不過二十四因制長四十碼法布義各
國寬不過六十一碼的適當長三十六碼當零五十七碼的適當

每疋 二錢

進口綢緞絲絨類

手帕

按英美丹比奧日本各國四方長闊不過一碼法
布義各國四方長闊不過九百十五碼理適當

每十二塊二分五釐

金綫真

每斤 一兩六錢

金綫假

每斤 三分

銀綫真

每斤 一兩三錢

銀綫假

每斤 三分

膠呢

按英美丹比奧日本各國寬五十一因制至六十四因制法布義各國一碼當零二十九碼的適當至一碼當零六十二
十五碼理適當又按膠呢一項於同治十二年議定如寬過六十四因制即按照多出寬長若干新增銀文數征收稅銀

每丈 按英美丹比奧日本各國一百四十一寸為一丈法 一錢二分

嗶嘰 按英美丹比奧日本各國寬三十一寸
制法布與各國寬七十八釐的適當

每丈 四分五釐

羽紗 荷蘭
按英美丹比奧日本各國寬三十三寸
制法布與各國寬八十三釐的適當

每丈 一錢

羽紗 英國
按英美丹比奧日本各國寬三十一寸
制法布與各國寬七十八釐的適當

每丈 五分

羽綢 每丈 三分五釐

小呢番 每丈 四分

絨綫 每百斤 三兩

牀氈 每對 二錢

花羽絨 按英美丹比奧日本各國長不過三十四碼法布
與各國長不過三十一碼當零八十五釐的適當 每疋 一錢五分

羽綾 按英美丹比奧日本各國寬三十一寸
制法布與各國寬七十八釐的適當 每丈 五分

小羽絨 按英美丹比奧日本各國寬三十四寸
制法布與各國寬八十五釐的適當 每丈 三分五釐

下等絨 每丈 一錢

羈絨 按英美丹比奧日本各國長不過三十四碼法布
與各國長不過三十一碼當零八十五釐的適當 每疋 一錢八分

進口酒果食物類 每百斤 一錢八分

檫機 無論乾鮮 每百斤 七兩二錢

鼻煙外國 每百斤 七兩二錢

進口銅鐵

生銅如銅

熟銅如銅

生鐵如鐵

熟鐵如鐵

鉛塊

鋼

錫

馬口鐵

日本銅

鉛片

白鉛按各國日本註

黃銅釘黃

商船壓載

鐵絲

進口珍珠

珊瑚	每百塊	三錢
珊瑚珠	每百斤	七兩
玳瑁	每斤	二錢五分
玳瑁碎	每斤	七分二釐
玻璃片	每箱	一錢五分
<small>按英美丹比奧日本各國四方每百幅地法布 義各國四方每九寸當零二百八十四號理通當</small>		
珊瑚	每斤	一錢
進口纓皮牙角羽毛類		
牛角	每百斤	二錢五分
生牛皮	每百斤	五錢
熟牛皮	每百斤	四錢二分
海龍皮即海虎皮	每張	一兩五錢
大狐狸皮	每張	一錢五分
小狐狸皮	每張	七分五釐
虎皮豹皮	每張	一錢五分
貂皮	每張	一錢五分
獺皮	每百張	二兩

皇明文典類編卷一百八 律推二十六 洋關稅則

七

日本國產物類

貉獾皮

每百張 二兩

海驢皮

每百張 五兩

灰鼠皮銀鼠皮

每百張 五錢

海馬牙

每百斤 二兩

象牙不碎的

每百斤 四兩

象牙碎的

每百斤 三兩

兔皮麝皮

每百張 五錢

犀皮

每百張 四錢

翠毛孔雀毛等類

每百斤 四錢二分

以上進口貨物稅則

按各國註云均係外國出產日本註云由日本運入中國者

出口油蠟礬磺類

白礬

每百斤 四分五釐

青礬

每百斤 一錢

八角油

每百斤 五兩

桂皮油

每百斤 九兩

薄荷油

每百斤 三兩五錢

牛油

每百斤 二錢

柏油

每百斤 三錢

油芝蔴油 桐油 漆油 桐油 各等

每百斤 三錢

草藤油

每百斤 二錢

白蠟

每百斤 一兩五錢

出口香料椒茶類

茶

按各國無註日本註云中國又按茶葉內有一種形如榎木之葉我國於光緒七年間改訂新約議將此項茶稅減定計定為千兩一種每百斤征銀五錢百兩內之貢尖每百斤徵銀八錢百兩之天尖每百斤徵銀一兩百兩之京尖每百斤徵銀一兩二錢五分均以修如榎木并非正葉即種子者為該其各種故葉及茶末如有與以上名目相同者不在此列

每百斤 二兩五錢

八角

每百斤 五錢

麝香

每斤 九錢

八角渣

每百斤 二錢五分

時辰香

每百斤 二錢

出口藥材類

三奈

每百斤 三錢

樟腦

每百斤 七錢五分

信石

每百斤 四錢五分

桂皮 每百斤 六錢

桂子 每百斤 八錢

土茯苓 每百斤 一錢三分

澄茄 每百斤 一兩五錢

夏鼈 每百斤 一錢

石黃 每百斤 三錢五分

大黃 每百斤 一兩二錢五分

姜黃 每百斤 一錢

高麗日本參上等 每斤 五錢

高麗日本參下等 每斤 三錢五分

鹿茸嫩 每對 九錢

鹿茸老 每百斤 一兩三錢五分

牛黃中國 每斤 三錢六分

斑猫 每百斤 二兩

桂枝 每百斤 一錢五分

陳皮 每百斤 三錢

柚皮上等	每百斤	四錢五分
柚皮下等	每百斤	一錢五分
關東人參	每值百兩抽稅	五兩
薄荷葉	每百斤	一錢
甘草	每百斤	一錢三分五釐
石膏	每百斤	三分
五倍子	每百斤	五錢
蜂蜜	每百斤	九錢
出口雜貨類		
料手鐲即燒料鏡	每百斤	五錢
竹器	每百斤	七錢五分
假珊瑚	每百斤	三錢五分
各色爆竹	每百斤	五錢
羽扇	每百柄	七錢五分
料器	每百斤	五錢
各色料珠	每百斤	五錢

每月交息頁底 第一頁八 征權二十六 洋關稅則

雨遮 即紙傘 按日本作
雨傘註云即紙傘

每百柄 五錢

雲石

每百片 二錢

燕紙畫

每百張 一錢

紙扇

每百柄 四分五釐

珍珠假

每百斤 二兩

古玩

每值百兩抽稅五兩

葵扇粗

每千柄 三錢六分

葵扇細

每千柄 二錢

駱駝毛

每百斤 一兩

棉羊毛

每百斤 三錢五分

山羊毛

每百斤 一錢八分

氈碎

每百斤 一錢

紙花

每百斤 一兩五錢

土煤 按土煤一項德國於光緒七年
月續修條約定為正稅每噸三
錢如有某口前定不及三錢者
將來仍照不及三錢之數征收

每百斤 四分

出口顏料膠漆紙劑類

銅箔

每百斤 一兩五錢

紅丹	每百斤	三錢五分
錫箔	每百斤	一兩二錢五分
銀硃	每百斤	二兩五錢
油漆畫	每件	一錢
鉛粉	每百斤	三錢五分
黃丹	每百斤	三錢五分
硃砂	每百斤	七錢五分
紙上等	每百斤	七錢
紙次等	每百斤	四錢
油紙	每百斤	四錢五分
墨	每百斤	四兩
漆	每百斤	五錢
棧	每百斤	一錢
蘇	每百斤	三錢五分
燈草	每百斤	六錢
綠膠	每斤	八錢

紙上等 按出口書籍於同治十年申開仍照上等紙稅收稅

洋關稅則 征權二十六

十

索廣東

每百斤 一錢五分

索蘇州

每百斤 五錢

漆綠

每百斤 四錢五分

蠟殼

每百斤 九分

綠皮

每百斤 一兩八錢

土靛

每百斤 一兩

杭砂

每百斤 九分

出口器皿箱盒類

牛角器

每百斤 一兩五錢

磁器細

每百斤 九錢

磁器粗

每百斤 四錢五分

紫黃銅器

每百斤 一兩一錢五分

木器

每百斤 一兩一錢五分

象牙器

每斤 一錢五分

漆器

每百斤 一兩

雲母殼器

每斤 一錢

籐器各樣	每百斤	三錢
檀香器	每斤	一錢
金銀器	每百斤	十兩
玳瑁器	每斤	一錢
皮箱皮櫃	每百斤	一兩五錢
皮器	每百斤	一兩五錢
零貨	每百斤	五分
黃銅器	每百斤	一兩
銅鈕釦	每百斤	三兩
銅絲	每百斤	一兩一錢五分
生銅	每百斤	五錢
舊銅片	每百斤	五錢
出口竹木籐柳類		
各色竹竿	每千根	五錢
籐肉	每百斤	二錢五分
木椿梁舵柱	每根	三分

每月定稅... 在港二十六... 開關稅則

十一

出口衣帽靴鞋類

衣服布

每百斤 一兩五錢

衣服綢

每百斤 十兩

靴鞋皮緞各色

每百雙 三兩

草鞋

每百雙 一錢八分

綢帽

每百頂 九錢

氈帽

每百頂 一兩二錢五分

草帽緞

每百斤 七錢

出口布疋花幔類

夏布細

每百斤 二兩五錢

夏布粗

每百斤 七錢五分

土布各色

每百斤 一兩五錢

舊棉絮

每百斤 四分五釐

棉被胎

每百件 二兩七錢五分

棉花

每百斤 三錢五分

出口綢緞絲絨類

按各國無註日本註云
日本來貨稅同照辦

湖絲土絲各等絲經

每百斤 十兩

野蠶絲

每百斤 二兩五錢

絲帶欄杆桂帶絲綫各色

每百斤 十兩

綢緞絹縐紗綾羅翦絨絹貨等類

每百斤 十二兩

絲棉雜貨如絲毛之類

每百斤 五兩五錢

四川黃絲

每百斤 七兩

同功絲

每百斤 五兩

川綢山東蕪綢

每百斤 四兩五錢

繅綫

每百斤 十兩

各省絨

每百斤 十兩

絨廣東土產絲做成

每百斤 四兩三錢

蠶繭

每百斤 三兩

亂絲頭

每百斤 一兩

出口氈絨毯席類

席子各樣

每百張 二錢

地席

按英美丹比奧日本各國四十碼法布
各國三十六碼當者五十七碼的過當

每捲 二錢

明文及頁碼 卷一丁 征推二十六 洋關稅則

皮毯

每張 九分

氈毯

每百疋 三兩五錢

出口糖果食物類

蜜餞並各色糖果

每百斤 五錢

醬油

每百斤 四錢

白糖

每百斤 二錢

赤糖

每百斤 一錢二分

冰糖

每百斤 二錢五分

煙絲各樣如黃烟水烟之類

每百斤 四錢五分

煙葉各樣

每百斤 一錢五分

鼻煙中國

每百斤 八錢

大頭茶

每百斤 一錢八分

粉絲

每百斤 一錢八分

酒

每百斤 一錢五分

海菜

每百斤 一錢五分

火腿

每百斤 五錢五分

皮蛋	每千箇	三錢五分
欖仁	每百斤	三錢
杏仁	每百斤	四錢五分
香望	每百斤	一兩五錢
金針菜	每百斤	二錢七分
木耳	每百斤	六錢
桂圓	每百斤	二錢五分
桂圓肉	每百斤	三錢五分
荔枝	每百斤	二錢
蓮子	每百斤	五錢
芝麻	每百斤	一錢三分五釐
花生	每百斤	一錢
花生餅	每百斤	三分
瓜子	每百斤	一錢
豆餅	每百斤	六分
豆	每百斤	三分五釐

牛莊登州不准出口 按牛莊登州豆
石於國治八年議定准其運行出洋

豆餅牛莊登州不准出口

皇明文其寶錄 卷一百八 征權二十六 洋關稅則

米麥雜糧

每百斤 一錢

蒜頭

每百斤 三分五釐

粟子

每百斤 一錢

黑棗

每百斤 一錢五分

紅棗

每百斤 九分

以上出口貨物稅則

按各國註云均係中國出產日本註云由中國運往日本者

俄國續增稅則

布疋花幔類

布

原色白色如西哈料連麻耳等

照各國稅則第二種布

每十碼 二分

色布如青哈等

每丈 一分五釐

印花布

每丈 九釐四毫

回紬

每丈 二分三釐

雨過天晴布

每丈 三分八釐

碎花錦布

每丈 三分七釐

絨棉布

柯西亞特米立羅思

六色特價式耳納

每丈 二分七釐

綢緞類

哈喇寬不過七十因制	每丈	一錢三分二釐
哈喇寬不過六十四因制	每丈	一錢二分
大呢寬不過七十因制	每丈	一錢二分
哈喇大呢寬不過五十六因制	每丈	一錢
皮張類		
羊皮板	每百張	二兩七錢五分
色香羊皮	每百張	二兩二錢五分
香羊皮	每百張	二兩
牛皮	每十張	七錢五分
駱駝絨	每十張	一兩二錢五分
狼皮	每十張	三錢
香鼠皮 <small>照各國稅則 灰鼠皮則</small>	每百張	五錢
沙狐皮科爾薩其	每十張	二錢五分
太平貂皮	每十張	一兩二錢五分
貓皮	每百張	五錢
野貓皮	每百張	七錢五分

公運什狐皮	每十張	三錢
白狐皮別斯此	每十張	二錢五分
月兒熊皮	每十張	三錢
獐獬孫皮額里西	每十張	一兩五錢
灰粘絨羊皮	每十張	四錢
黑粘絨羊皮	每十張	二錢
白哈喇羊皮	每十張	一錢八分
白狐腿皮	每百對	五錢
黑狐腿皮	每百對	二錢五分
紅狐腿皮	每十對	三錢五分
海龍尾	每十對	七分五釐
生山羊皮	每箇	一錢二分
藥材類	每百張	六錢
羚羊角	每百斤	一兩
以上進口貨物		

油蠟類

黃油

每百斤 三錢

椒茶類

磚茶

別種茶磚另有稅則不得混照此例 碎磚茶一項係專指茶末茶梗圓或球形而置於同治六年內曾經申明凡別有細茶此即碎茶內茶又係安化茶並非球形不准混報 兼沸又按形如棍木之干兩茶及百兩內之買尖天尖京尖俄國議定減稅另註各國稅則茶類

項下與此無涉

每百斤 六錢

以上出口貨物

右所載碼因制丈尺斤兩均照各國稅則第四條款為準以上並約章分類輯要

光緒二十七年新訂稅則議定於光緒二十八年十月初二日開辦

第一款油蠟類

黃蠟

每百斤稅銀一兩六錢

白蠟

值百抽五

油蠟

每百斤稅銀五錢

日本蠟

每百斤稅銀六錢五分

每箱二十 重九兩稅銀七分五釐

外國蠟燭

五包每包 重十二兩者稅銀一錢

六枝 重十六兩者稅銀一錢三分三釐

又早裝外國蠟燭銀	每百斤稅銀七錢五分
滑物草蘇油	每百斤稅銀五錢一分
淨草蘇油	每百斤稅銀一兩
丁香油	每百斤稅銀一錢五分
椰油	每百斤稅銀四錢
菜子油	每加倫稅銀五分
土質滑物油	每加倫稅銀一分五釐
草質滑物油	每加倫稅銀二分五釐
薑油	每百斤稅銀六兩七錢五分
煤油	每木箱卽十加倫稅銀七分
船煤油	每十加倫稅銀五分
橄欖油	每加倫稅銀六分二釐
檀香油	每斤稅銀二錢四分
木油	每百斤稅銀五錢
蘇合油	每百斤稅銀一兩
石腦油	每十加倫稅銀一錢五分

硝	每百斤稅銀三錢二分五釐
硫磺	每百斤稅銀一錢五分
礬磺	每百斤稅銀二錢五分
礬強水	每百斤稅銀一錢八分七釐
火漆	值百抽五
礬砂	每百斤稅銀六錢一分
淨礬砂	每百斤稅銀一兩四錢六分
純碱	每百斤稅銀一錢五分
淨麩碱	每百斤稅銀一錢五分
燧碱	每百斤稅銀二錢二分五釐
晶碱	每百斤稅銀一錢二分
濃晶碱	每百斤稅銀一錢四分
第二款香料椒茶類	
上等八角	每百斤稅銀一兩
下等八角	每百斤稅銀四錢四分
安息香	每百斤稅銀六錢

安息油

值百抽五

沉香

每百斤稅銀六錢四分

麝香

每斤稅銀九兩

黑胡椒

每百斤稅銀七錢六分

白胡椒

每百斤稅銀一兩三錢三分

香水等物

值百抽五

沉香

每百斤稅銀十兩

降香

每百斤稅銀一錢二分五釐

檀香

每百斤稅銀四錢

第三款藥材類

阿魏

每百斤稅銀一兩

黃柏

每百斤稅銀八錢

乾檳榔衣

每百斤稅銀七分七釐

鮮檳榔衣

每百斤稅銀一分八釐

乾檳榔葉

每百斤稅銀四分五釐

檳榔

每百斤稅銀二錢二分五釐

鮮檳榔	每百斤稅銀一分八釐
檳榔膏	每百斤稅銀三錢
樟腦	每百斤稅銀一兩六錢五分
上冰片	每斤稅銀二兩四錢五分
下冰片	值百抽五
三奈	值百抽五
白荳蔻	每百斤稅銀十兩
砂仁	每百斤稅銀一兩
荳蔻砂仁殼	每百斤稅銀二錢五分
荳蔻花	值百抽五
桂子	每百斤稅銀七錢五分
桂皮	每百斤稅銀九錢二分
桂枝	每百斤稅銀一錢七分
茯苓	每百斤稅銀六錢五分
肉桂	每百斤稅銀四兩
木香	每百斤稅銀七錢一分五釐

皇朝文典頁集 卷一百八 征權二十六 洋關稅則

十七

乳香	每百斤稅銀四錢五分
丁香	每百斤稅銀六錢三分
母丁香	每百斤稅銀三錢六分
穿三甲片	每百斤稅銀二兩七錢二分五釐
印度牛黃	值百抽五
兒茶	每百斤稅銀三錢
夏薑	每百斤稅銀一錢七分
上等未揀參價過二兩	每斤稅銀二錢二分
次等未揀參價不過二兩者	每斤稅銀七分二釐
上等揀淨參價過十一兩者	每斤稅銀一兩一錢
次等揀淨參價過六兩不過十一兩者	每斤稅銀三錢七分五釐
三等揀淨參價過二兩不過六兩者	每斤稅銀二錢二分
四等揀淨參價不過二兩者	每百斤稅銀八分
血竭	每百斤稅銀四兩
沒藥	每百斤四錢六分五釐
石黃	每百斤稅銀四錢五分

甘草

每百斤稅銀五錢

犬欄子

每百斤稅銀三錢五分

莫啡鴉

莫平每兩稅銀三兩

五精子

每百斤稅銀八錢七分

肉藥豆蔻

每百斤稅銀一兩五錢

燈藥

進口正稅每百斤三十兩 釐金每百斤八十兩

大土皮

共計每百斤一百十兩
每斤稅銀六分二釐

陳皮

每百斤稅銀八分

薑黃

每百斤稅銀一錢八分五釐

虎骨

每百斤稅銀二兩五錢

疳積糖

每打巨稅銀三分五釐

犀角

每斤稅銀二兩四錢

鹿角

值百抽五

第四款雜貨類

料珠

值百抽五

香柴	值百抽五
香木	值百抽五
桶	值百抽五
料紐扣	每十二各羅斯稅銀一分
銅紐扣等	每各羅斯稅銀二分
書板	值百抽五
紙牌	值百抽五
亞洲煤	每噸稅銀二錢五分
他州煤	每噸稅銀六錢
亞洲煤磚	每墩稅銀五錢
亞洲焦炭	每墩稅銀五錢
他洲焦炭	每墩稅銀九錢
炭	每百斤稅銀三分
各色	值百抽五
粗契扇	每千柄稅銀二錢八分
細契扇	每千柄稅銀四錢五分

裝飾葵扇	每千柄稅銀一兩
紙扇布扇	每千柄稅銀一兩四錢
絹扇	值百抽五
五色自來火	每五十各羅斯稅銀一兩五錢
蠟自來火	每十各羅斯稅銀一兩六錢
大自來火	每五十各羅斯稅銀六錢三分
小自來火	每百各羅斯稅銀九錢二分
加大自來火	值百抽五
製自來火料	
玻璃粉	每百斤稅銀一錢一分
燐質	每百斤稅銀四兩一錢二分五釐
作根木條	每百斤稅銀八分八釐
作盒木花	每百斤稅銀一錢一分三釐
火石	每百斤稅銀四分
火絨	每百斤稅銀三錢五分
鐵柄洋傘	值百抽五

皇月... 征權二十六 羊羽稅四

棉洋傘

每柄稅銀二分

絨棉洋傘

每柄稅銀三釐

綢絲棉傘

每柄稅銀八分

傘骨

每打十二柄銀八分

雲母殼

每百斤稅銀七錢

他類殼

值百抽五

第五款醃臘海味類

海菜石花菜

每百斤稅銀三錢

黑海參

每百斤稅銀一兩六錢

白海參

每百斤稅銀七錢

上燕窩

每斤稅銀一兩四錢

中燕窩

每斤稅銀四錢五分

下燕窩

每斤稅銀一錢五分

鱉乾

每百斤稅銀五錢五分

乾蚶子

每百斤稅銀五錢

鮮蚶子

每百斤稅銀五分

鹽肉乾	每百斤稅銀六錢
魷魚墨魚	每百斤稅銀六錢六分七釐
干貝	每百斤稅銀二兩
乾魚節柴魚	每百斤稅銀三錢一分五釐
鮮魚	每百斤稅銀一錢三分七釐
魚肚	每百斤稅銀四兩二錢五分
鹹魚	每百斤稅銀一錢六分
魚皮	每百斤稅銀六錢
臘腸	每百斤稅銀八錢八釐
漆菜	每百斤稅銀四錢
蝦乾	每百斤稅銀一兩
碎海菜	每百斤稅銀一錢五分
海菜	每百斤稅銀一錢
淨海菜	每百斤稅銀一兩
黑魚翅	每百斤稅銀一兩六錢八釐
淨魚翅	每百斤稅銀六兩

白魚翅	每百斤稅銀四兩六錢
蝦米	每百斤稅銀六錢三分
牛筋	每百斤稅銀五錢五分
鹿筋	每百斤稅銀一兩五分
鱘魚皮	值百抽五
鮑魚	每百斤稅銀一兩五錢
第六款顏料膠漆紙劄類	
噶喇伯膠	每百斤稅銀一兩
猪皮	每百斤稅銀七分三釐
梅樹皮	每百斤稅銀一錢二分
黃栢皮	值百抽五
洋藍	每百斤稅銀一兩五錢
銅金粉	每百斤稅銀二兩二錢
漂白粉	每百斤稅銀三錢
珠砂	每百斤稅銀三兩七錢五分
呀囉色	值百抽五

皇朝政典(八三) 五

泥金色	值百抽五
藤黃	每百斤稅銀二兩七錢
松香膠	每百斤稅銀二兩五錢
漆綠	每百斤稅銀一兩
紅花	每百斤稅銀五錢二分五釐
乾靛	值百抽五
製成水靛	每百斤稅銀二兩二分五釐
生成水靛	每百斤稅銀二錢一分五釐
靛膏	每百斤稅銀二兩二分五釐
紅丹	每百斤稅銀四錢五分
鉛粉	每百斤稅銀四錢五分
黃丹	每百斤稅銀四錢五分
蘇木	每百斤稅銀一錢一分二釐
蘇木膏	每百斤稅銀六錢
赭色	每百斤稅銀六錢
大青	每百斤稅銀一兩六錢

皇明文其頁集 卷二十一 征稅二十六 洋關稅則

佛頭青

每百斤稅銀五錢

漆

值百抽五

銀硃

每百斤稅銀四兩

假銀硃

值百抽五

薑黃

每百斤稅銀一錢五分

魚膠

每百斤稅銀四兩

皮膠

每百斤稅銀八錢三分

錫箔

值百抽五

銅箔

每百斤稅銀一兩六錢七分五釐

紙烟紙

每十萬張稅銀一錢二分五釐

磨過印字紙

每百斤稅銀七錢

未磨印字紙

每百斤稅銀三錢

寫字紙

每百斤稅銀一兩二錢

他類紙

值百抽五

沙紙及寶沙紙

每四百八十張稅銀二錢五分

紙

值百抽五

亂藤頭

每百斤稅銀五錢

紫梗

每百斤稅銀七錢

松節油

每加倫稅銀三分六釐

松香

每百斤稅銀一錢八分七釐

黑松香

每百斤稅銀一錢二分五釐

生橡皮

每百斤稅銀三兩一錢四分

老碎橡皮

每百斤稅銀二錢五分

第七款器皿箱盒類

磁器

值百抽五

馬口鐵盆

每各羅斯稅銀二錢五分

法藍鐵器

不過九寸有花無花

每打臣稅銀五分

過九寸無花

每打臣稅銀九分

過九寸有金油花

每打臣稅銀一錢七分五釐

過九寸有清花

每打稅銀一錢二分五釐

他類法藍鐵器

值百抽五

橡皮器

值百抽五

漆器

值百抽五

奧國圓木椅

每打巨稅銀八錢

鐵鍋瓢等器

每百斤稅銀五錢

煤油箱罐

每二鐵罐稅銀五釐

新穀麻袋

每千個稅銀四兩二錢五分

舊穀麻袋

值百抽五

新麻袋

每千個稅銀四兩二錢五分

舊麻袋

值百抽五

草包

每千箇稅銀一兩二錢五分

蒲草包

每千箇稅銀一兩二錢五分

皮錢袋

每百羅斯稅銀五錢

第八款竹木籐柳類

值百抽五

香木

值百抽五

香柴

值百抽五

竹竿

每千杆稅銀四錢

棕杆

長一英尺者每百斤稅銀二錢

椽杆	長五英尺者每千杆稅銀三錢
重樑木	每幅地稅銀二分
輕樑木	每千幅地稅銀一兩一錢五分
藤架木樑	每幅地稅銀八分一釐
板條	每千塊稅銀二錢一分
重木梳	值百抽五
輕木梳	值百抽五
重木板	每千幅地稅銀一兩一錢五分
輕木板	每幅地稅銀二分
有榫縫輕板	每千幅地稅銀一兩一錢五分
藤架木板	值百抽五
藤架木	每幅地稅銀八分一釐
鐵路榜	每幅地稅銀八分一釐
藤心	值百抽五
藤皮	每百斤稅銀二錢二分五釐
	每百斤稅銀七錢五分

自卯亥典類書 卷一百八 征權二十六 洋關稅則

二十三

通商口岸通商章程 卷二十一

簾片 每百斤稅銀三錢二分五釐

沙簾 每百斤稅銀二錢二分五釐

毛柿 每百斤稅銀九分

烏木 每百斤稅銀二錢

呀喃治木 值百抽五

鐵木 值百抽五

啤囉木 每百斤稅銀七分五釐

紅木 每百斤稅銀二錢

花梨木 每百斤稅銀二錢

日本木絲 每百斤稅銀一兩

柴 每百斤稅銀一分

框 每千英尺稅銀一兩五分

第九款鏡鐘表玩類 值百抽五

自鳴鐘 值百抽五

千里鏡 值百抽五

各種面鏡 值百抽五

時辰表

值百抽五

八音琴

值百抽五

第十款衣帽靴鞋類

棉汗衫及汗褲

每打巨稅銀一錢二分五釐

上等棉襪

每十二雙稅銀七錢五分

下等棉襪

每十二雙稅銀三錢二分

橡皮靴

每雙稅銀八分

橡皮鞋

每雙稅銀二分

第十一款布疋花幔類

原色布 寬不過四十因制長不過四十碼

每疋重七磅稅銀五分

原色布 寬長同上

每疋重過七磅不過九磅稅銀八分

原色布 寬長同上

每疋重過九磅不過十一磅稅銀一錢一分

原色布 寬長同上

每疋重過十一磅稅銀一錢二分

日本充土布寬不過廿因制長不過二十碼

每疋重不過三磅稅銀二分七釐

日本充土布寬過二十因制

值百抽五

白色布白花布寬不過三十七因制長不過四十二碼

皇明改典 頁數 卷一百八 征維二十六 洋關稅則

卷二十四

白提布及白點布寬不過三十七因制長不過四十二碼

每疋稅銀一錢三分五釐

原色白布無花粗斜紋布寬不過三十一因制長不過四十碼

每疋稅銀一錢三分五釐

原色白色無花粗斜紋布寬不過三十一因制長不過四十碼

每疋重不過十二磅十二兩稅銀一錢

原色白色無花細斜紋布寬不過三十一因制長不過三十碼

每疋重過十二磅十二兩稅銀一錢二分五釐

原色白色無花細斜紋布寬不過三十一因制長不過四十碼

每疋稅銀九分

小原色白色布寬不過三十四因制長不過二十四碼

每疋稅銀一錢二分

小原色白色布寬過三十四因制長過二十四碼不過四十碼

每疋稅銀七分

小原色白色布寬不過三十四因制不過三十七因制長不過二十四碼

每疋稅銀一錢三分五釐

每疋稅銀八分

各樣縐布寬不過三十一因制長不過六碼 每疋稅銀二分七釐

各樣縐布寬不過三十因制長過六碼不過十碼 每疋稅銀三分五釐

各樣縐布寬不過三十因制長過十碼 每碼稅銀三釐五毫

白色稀裝布寬不過四十六因制長不過十二碼 每疋稅銀三分二釐

蚊帳紗寬不過九十因制 每碼稅銀一分

羅布寬不過三十一因制長不過三十碼 每疋稅銀九分

提羅布 值百抽五

印花裝布寬不過四十六因制長不過十二碼 每疋稅銀三分七釐

印花布 印花斜紋布 印花標布 寬不過廿因制 值百抽五

印花布 印花斜紋布 印花標布 寬過廿因制不過三十一因制長不過三十碼 每疋稅銀八分

印花布 印花斜紋布 印花標布 寬過廿因制不過三十一因制長不過三十碼 每疋稅銀九分

印花羅布寬不過三十一因制長過三十碼 每疋稅銀一錢八分五釐

印花粗布寬不過三十六因制長不過四十三碼 每疋稅銀一錢

印花紅布寬不過三十一因制長不過二十五碼 每疋稅銀一錢

洋關稅則

印花色布寬不過三十二因制長不過三十二碼 每疋稅銀二錢五分

雙面印花布 值百抽五

無花色布寬不過三十六因制長不過三十三碼 每疋稅銀二錢四分

有花色布寬不過三十六因制長不過三十三碼 每疋稅銀二錢五分

色斜紋布寬不過三十一因制長不過四十三碼 每疋稅銀一錢七分

色羅布寬不過三十一因制長不過三十碼 每疋稅銀九分

色提羅布 值百抽五

色袈裟布寬不過四十六因制長不過十二碼 每疋稅銀三分七釐

色粗布寬不過三十六因制長不過四十三碼 每疋稅銀二錢五分

香港染色布寬不過三十六因制長不過二十碼 每疋稅銀一錢

色短布寬不過三十六因制長不過五碼九因制 每疋稅銀二分二釐五毫

色標布紅布寬不過三十二因制長不過二十五碼每疋重不過三磅四兩稅銀六分

色標布紅布寬不過三十二因制長不過二十五碼每疋重過三磅四兩稅銀一錢

各色棉法蘭絨寬不過三十六因制長不過十五碼每疋稅銀六分五釐

各色棉法蘭絨寬不過三十六因制長不過十五碼每疋稅銀一錢三分

每疋稅銀一錢三分

各色棉小呢寬不過三十二因制長不過二十碼	每疋稅銀八分五釐
各色棉小呢寬過三十二因制不過六十四因制長不過二十碼	每疋稅銀一錢七分
短毛棉剪絨寬不過十八因制	每碼稅銀六釐
短毛棉剪絨寬過十八因制不過二十二因制	每碼稅銀七釐
短毛棉剪絨寬過二十二因制不過二十六因制	每碼稅銀八釐
長毛棉剪絨	每斤稅銀一錢一分
有花棉剪絨寬不過三十因制	每碼稅銀一分五釐
柳條棉剪絨寬不過三十因制	每碼稅銀一分五釐
尋常手巾不過方一碼	每打臣稅銀二分
面巾寬不過十八因制長不過四十因制	每打臣稅銀二分
面巾寬不過十八因制長不過五十因制	每打臣稅銀三分
他類棉布	值百抽五
棉花	每百斤稅銀六錢
棉線球	每百斤稅銀三兩
蠶繭棉線長五十碼	每各羅斯稅銀四分

羅絲棉線長一百碼

每各羅絲稅銀八分

羅絲棉線長二百碼

每各羅絲稅銀一錢六分

原色白色棉紗

每百斤稅銀九錢五分

色棉紗

值百抽五

製光紗

值百抽五

蘇棉帆布 寬不過三十六因制

每碼稅銀一分

蘇布

值百抽五

洋線袋布

每千碼稅銀二兩八錢五分

棉毯

每條稅銀三分

棉燈心

每百斤稅銀二兩

沖絲繩

每百斤稅銀三兩五錢

第十二款綢緞絲絨類

羽毛帶

每百斤稅銀五兩

綵質假金銀線

值百抽五

真金銀線

值百抽五

棉質假金線

每斤稅銀一錢二分五釐

棉質假銀線

每碼稅銀九分

毛棉法蘭絨寬不過三十三因制長不過三十二碼每碼稅銀一分五釐

花素毛羽綢即義大利絨寬不過三十三因制長不過三十二碼

每疋稅銀三錢七分二釐

斜文呢寬不過七十六因制

每碼稅銀三分

毛棉小呢寬不過六十四因制

每碼稅銀一分四釐

企頭呢寬不過七十六因制

每碼稅銀三分

毛棉羽紗

值百抽五

哆囉呢寬不過七十六因制

每碼稅銀四分七釐五毫

旗紗布寬不過廿四因制長不過四十碼

每疋稅銀二錢

荷蘭羽毛寬不過三十三因制長不過六十一碼

每疋稅銀一兩

英國羽毛寬不過三十一因制長不過六十一碼

每疋稅銀五錢

法蘭絨寬不過三十三因制

每碼稅銀一分五釐

花素羽絨寬不過三十一因制長不過三十二碼

每疋稅銀四錢五分

嗶嘰寬不過三十一因制長不過廿五碼

每疋稅銀二錢五分

大企呢寬不過七十六因制

每碼稅銀四分七釐五毫

哈喇呢寬不過七十六因制

每碼稅銀四分七釐五毫

他類絨布

值百抽五

絨線

每百斤稅銀五兩三錢

絨繩

每百斤稅銀四兩

絨毡老虎毯

每磅稅銀二分

小呢寬不過六十四因制

每碼稅銀二分一釐

機器棉質空花邊寬不過一因制

每十二碼稅銀五分

機器棉質空花邊寬過一因制不過二因制

每十二碼稅銀一錢

機器棉質空花邊寬過二因制不過三因制

每十二碼稅銀一錢六分六釐

機器棉質空花邊寬過三因制

每十二碼稅銀二錢一分六釐

機器空花邊其中惟無絲棉假金銀線等料

每斤稅銀五錢

手織空花邊其中惟無絲棉假金銀線等料

每斤稅銀二兩四錢

白色印花綢緞無織花

每斤稅銀三錢二分五釐

白色印花綢緞有織花

每斤稅銀七錢

絲兼雜質綢其中惟無真假金銀線料無織花

每斤稅銀二錢五分

絲兼雜質綢其中惟無真假金銀線料有織花

每斤稅銀五錢

檳榔辦帶	每斤稅銀五錢五分
絲質剪絨	每斤稅銀六錢五分
海虎絨棉底	每斤稅銀二錢
絲兼雜質剪絨	每斤稅銀一錢五分
第十三款絨毯蓆類	
棕毯	每打臣稅銀一兩
臺灣蓆	每百條稅銀五兩
蒲草蓆	每百條稅銀五錢
草蓆	每百條稅銀二錢二分五釐
日本蓆	每百條稅銀四兩五錢
棕地蓆寬三十六因制長一百碼	每捆稅銀二兩七錢五分
草地蓆寬三十六因制長四十碼	每捆稅銀二錢五分
第十四款糖酒菓食物類	
栗子	每百斤稅銀一錢八分
杏仁	每百斤稅銀九錢
外國麵粉	值百抽五

鹹猪肉及火腿

值百抽五

外國發酵粉或罐或餅每重四兩

每打臣稅銀八分三釐

外國發酵粉或罐或餅每重六兩

每打臣稅銀一錢一分

外國發酵粉或罐或餅每重八兩

每打臣稅銀一錢四分五釐

外國發酵粉或罐或餅每重十二兩

每打臣稅銀二錢二分六釐

外國發酵粉或罐或餅每重一磅

每打臣稅銀三錢三釐

外國發酵粉或罐或餅每重三磅

每打臣稅銀八錢一分

外國發酵粉或罐或餅每重五磅

每打臣稅銀一兩三錢五分

苡仁米

每百斤稅銀三錢

豆

值百抽五

罐頭果食

能食每罐重兩磅半

每十二罐稅銀六分五釐

製即食每罐重兩磅半

每十二罐稅銀五分七釐

各類果品

每百斤稅銀六錢五分

外國鮮蝦菜每筒重兩磅

每十二筒稅銀一錢一分八釐

外國玉米每筒重兩磅

每十二筒稅銀五分四釐

外國豌豆每筒重兩磅	每十二筒稅銀六分
外國豆角每筒重兩磅	每十一筒稅銀五分四釐
外國茄子每筒重兩磅半	每十二筒稅銀五分四釐
另裝各種洋菜	每百斤稅銀五錢二分五釐
茄醬麻姑醬小餅	每打臣稅銀五分四釐
茄醬麻姑醬大餅	每打臣稅銀八分七釐
糖果或筒或餅每重一磅	每打臣稅銀六分
糖果或筒或餅每重兩磅	每打臣稅銀一錢一分八釐
乾牛奶每筒重一磅	每箱四十八筒稅銀二錢五分
奶皮	每箱四十八筒稅銀二錢三分
奶皮	每箱二十四大筒稅二錢六分
筒頭食肉	
鹹肉及火腿每重半磅	每十二磁筒稅銀七分七釐
鹹肉及火腿每筒重一磅	每十二筒稅銀一錢四分四釐
牛肉每筒重一磅	每十二筒稅銀一錢四分四釐
碎肉每筒重一磅半	每十二筒稅銀一錢

碎肉每筒重三磅

每十二筒稅銀一錢八分一釐

碎肉

每百斤稅銀七錢二分九釐

猪肉連扁豆每筒重一磅

每十二筒稅銀四分

猪肉連扁豆每筒重兩磅

每十二筒稅銀七分五釐

猪肉連扁豆每筒重三磅

每十二筒稅銀八分五釐

肉脯每筒重四兩

每十二筒稅銀二分二釐

肉脯每筒重八兩

每十二筒稅銀四分二釐

雞肉脯每筒重四兩

每十二筒稅銀四分二釐

雞肉脯每筒重八兩

每十二筒稅銀七分二釐

肉湯每筒重二磅

每十二筒稅銀一錢一釐

肉湯每筒重六磅

每十二筒稅銀二錢四分四釐

雞雜碎每筒重半磅

每十二筒稅銀五分一釐

雞雜碎每筒重一磅

每十二筒稅銀八分

各類舌頭每筒重半磅

每十二筒稅銀九分八釐

各類舌頭每筒重一磅

每十二筒稅銀二錢四釐

各類舌頭每筒重二磅半

每十二筒稅銀二錢八分七釐

各類舌頭每筒重兩磅	每十二筒稅銀三錢三分三釐
各類舌頭每筒重兩磅半	每十二筒稅銀四錢四分五釐
各類舌頭每筒重三磅	每十二筒稅銀五錢一分五釐
各類舌頭每筒重三磅四兩	每十二筒內稅銀五錢四分五釐
另外各種筒頭肉每筒重半磅	每十二筒稅銀五分二釐
另外各種筒頭肉每筒重一磅	每十二筒稅銀六分三釐
另外各種筒頭肉每筒重兩磅	每十二筒稅銀一錢二分
另外各種筒頭肉每筒重四磅	每十二筒稅銀二錢一分
另外各種筒頭肉每筒重大磅	每十二筒稅銀三錢七分
另外各種筒頭肉每筒重十四磅	每十二筒稅銀八錢一分
奶油	每百斤稅銀二兩
假奶油	每百斤稅銀一兩四錢
奶酥	值百抽五
燒烤猪	每百斤稅銀五錢
渣古聿	每百斤稅銀三兩六錢
甜渣古聿	每磅稅銀一分二釐

加啡	每百斤稅銀一兩
木耳	每百斤稅銀一兩七錢一分五釐
白木耳	每斤稅銀二錢五分
花生	每百斤稅銀一錢五分
火腿	值百抽五
猪油	每百斤稅銀六錢
荔支乾	每百斤稅銀四錢五分
金針菜	每百斤稅銀三錢二分五釐
蓮子	每百斤稅銀一兩
蓮殼蓮子	每百斤稅銀四錢
桂圓肉	每百斤稅銀五錢五分
桂圓	每百斤稅銀四錢五分
粉絲	每百斤稅銀三錢二分五釐
大麥芽	每百斤稅銀三錢七分
鹹牛肉	每百斤稅銀三錢七分五釐
煎餅肉	每百斤稅銀四錢七分五釐

洋菜	每百斤稅銀一兩七錢五分
瓜子	每百斤稅銀二錢五分
香菌	每百斤稅銀一兩八錢
葡萄乾	每百斤稅銀五錢
雜糧雜糧粉	免稅
松子	每百斤稅銀二錢
芝麻子	每百斤稅銀二錢
醬油	每百斤稅銀二錢五分
赤糖	每百斤稅銀一錢九分
冰糖	每百斤稅銀三錢
白糖	每百斤稅銀二錢四分
橄欖	每百斤稅銀一錢八分
烟葉	每百斤稅銀八錢
烟絲	每百斤稅銀九錢五分
筒頭烟絲	值白抽五
烟捲	每千枝稅銀五錢

皇朝政典類纂 卷一百八 征權二十六 洋關稅則 三十一

上等紙煙	價過四兩五錢	每千枝稅銀五錢
下等紙煙	價不過四兩五錢	每千枝稅銀九分
鼻煙		值百抽五
乾菜		值百抽五
鹹菜		值百抽五
酸菜		值百抽五
汽水		每大餅十二小餅二十四稅銀五分
汽酒		每箱大餅十二小餅二十四稅銀六錢五分
紅白淡酒		每箱大餅十二小餅二十四稅銀三錢
紅白淡酒		每加倫稅銀二分五釐
紅白濃酒		每箱大餅十二小餅二十四稅銀五錢
紅白濃酒		每加倫稅銀一錢五分
葡萄芽酒		每箱大餅十二小餅二十四稅銀七錢
葡萄芽酒		每加倫稅銀一錢七分五釐
威士忌酒		每箱十二餅稅銀二錢五分
巴釐地及畏士忌酒		每加倫稅銀一錢二分五釐

巴爾地酒	每箱十二餅稅銀五錢
異士忌酒	每箱十二餅稅銀三錢五分
他類燒酒	每箱十二餅稅銀二錢
他類燒酒	每加倫稅銀九分
火酒	每加倫稅銀二分八釐
啤酒平果酒梨酒	每箱大餅十二小餅二十四稅銀八分五釐
啤酒平果酒梨酒	每加倫稅銀二分
黑啤酒	每箱大餅十二小餅二十四稅銀一錢
黑啤酒	每加倫稅銀二分五釐
米酒	值百抽五
日本酒	每百斤稅銀四錢
日本酒	每箱大餅十二小餅二十四稅銀一錢一分
蛇麻	值百抽五
十五銅鐵鉛錫類	
錫	每百斤稅銀七錢
黃銅	

皇明文世頁集 卷一百一十八 征權二十六 洋關稅則

黃銅條

每百斤稅銀一兩一錢五分

螺絲門套

每百斤稅銀一兩一錢五分

箔

每百斤稅銀一兩六錢七分五釐

釘

每百斤稅銀一兩一錢五分

螺絲釘

值百抽五

片錠

每百斤稅銀一兩一錢五分

管

每百斤稅銀一兩一錢五分

絲

每百斤稅銀一兩一錢五分

紫銅

條

每百斤稅銀一兩三錢

螺絲門套等

值百抽五

錠

每百斤稅銀一兩一錢七分五釐

釘

每百斤稅銀一兩三錢

片

每百斤稅銀一兩三錢

板

每百斤稅銀一兩一錢七分五釐

小釘

值百抽五

管	值百抽五
綵	每百斤稅銀一兩三錢
式紋片	每百斤稅銀二錢七分五釐
平片	每百斤稅銀二錢七分五釐
管	值百抽五
綵	每百斤稅銀二錢五分
廣捲絲段	每百斤稅銀一錢三分
舊鐵	每百斤稅銀九分
鉛塊	每百斤稅銀二錢八分五釐
鉛片	每百斤稅銀三錢三分
鉛管	每百斤稅銀三錢七分五釐
假銀	每百斤稅銀二兩六錢
水銀	每百斤稅銀四兩二錢八分
白鉛	每百斤稅銀三錢七分五釐
鋼柱	每百斤稅銀二錢五分
鋼條	每百斤稅銀二錢五分

鋼片	每百斤稅銀二錢五分
器具鋼料	每百斤稅銀七錢五分
鋼絲及鋼繩	每百斤稅銀七錢五分
鍍錫	值百抽五
錫箔	值百抽五
錫皮及錫管	每百斤稅銀一兩七錢二分五釐
馬口鐵板	每百斤稅銀一兩五錢
小鐵釘	每百斤稅銀四錢
有花馬口鐵板	每百斤稅銀三錢五分
無花馬口鐵板	每百斤稅銀二錢九分
白銅片	每百斤稅銀二兩二錢
白銅絲	每百斤稅銀一兩五錢
鑲鋼白鉛板	每百斤稅銀六錢
白鉛粉	每百斤稅銀四錢
白鉛片	每百斤稅銀五錢二分
第十六款珍珠寶石類	

琥珀	每斤稅銀三錢二分五釐
珊瑚	每斤稅銀一兩一錢一分
珊瑚珠	每斤稅銀七錢五分
次碎珊瑚	每斤稅銀五錢五分
瑪瑙珠	每百斤稅銀七兩
瑪瑙	每百塊稅銀三錢
玳瑁	每斤稅銀四錢五分
鍍水銀玻璃磚	每幅地卽四方一尺稅銀二分五釐
玻璃磚	值百抽五
車過玻璃片色玻璃片	每箱一百幅地稅銀三錢五分
玻璃片	每箱稅銀一錢七分
第十七款纓皮牙角羽毛類	
象牙齒及象牙床	每百斤稅銀三兩
象牙	每斤稅銀一錢七分
馬鬃	每百斤稅銀一兩四錢
馬尾	每百斤稅銀二兩五錢

皇月文典頁集 卷一百九 征推二十六 洋關稅則

牛角	每百斤稅銀三錢五分
鹿角	值百抽五
犀角	每百斤稅銀二兩四錢
水牛皮	每百斤稅銀七兩
生牛皮	每百斤稅銀八錢
色皮	每百斤稅銀七兩
牛皮	每百斤稅銀二兩五錢
駕馬皮	每百斤稅銀三兩
小羊皮	每百斤稅銀七兩
鞋底皮	每百斤稅銀二兩五錢
磨光皮	每百斤稅銀七兩
他類皮	值百抽五
海馬牙	值百抽五
畜蹄	每百斤稅銀一錢二分五釐
翠毛片	每百片稅銀二錢五分
全翠毛	每百副稅銀六錢

孔雀毛

值百抽五

皇明文獻通考 卷一百八 征榷二十六 洋關稅則

三十五

皇朝政典類纂卷一百九

征權二十七

洋關稅則稽罰 長江稽罰 陸路稽罰

俄約第四條見海泊通商條約門

英約第十四款見本門條約類

英約第二十五款見條約類

英約第三十二款見條約類

英約第三十三款見條約類

英約第三十六款見條約類

英約第三十七款見條約類

英約第三十八款見條約類

英約第三十九款見條約類

英約第四十款見條約類

英約第四十一款見條約類

英約第四十二款見條約類

英約第四十三款見條約類

英約第四十四款見條約類

英約第四十六款見條約類

英約第四十七款見條約類

英約第四十九款見條約類

煙臺會議條款第三端之三見條約類

煙臺會議條款第三端之四見條約類

續議煙臺條款之九見條約類

瑞典哪噠約第九條見條約類

瑞典哪噠約第十條見條約類

瑞典哪噠約第十一條見條約類

瑞典哪噠約第十三條見條約類

瑞典哪噠約第十四條見條約類

美約第十八款見條約類

美約第十九款見條約類

美約第二十款見條約類

美約第二十二款見條約類

美約第二十三款見條約類

法約第十六款見條約類

法約第十七款見條約類

法約第十九款見條約類

法約第二十款見條約類

法約第二十一款見條約類

法約第二十五款見條約類

布約第十二款見條約類

布約第十三款見條約類

布約第十四款見條約類

布約第十六款見條約類

布約第十七款見條約類

布約第十八款見條約類

布約第十九款見條約類

布約第二十一款見條約類

布約第二十二款見條約類

布約第二十五款見條約類

布約第二十六款見條約類

布約第二十七款見條約類

布約第二十九款見條約類

布約第三十一款見條約類

德續約第三款之一見條約類

德續約第四款之二見條約類

德續約第六款之一見條約類

德續約善後章程第一款見海泊通商條約門

德續約善後章程第三款見條約類

德續約善後章程第四款見條約類

德續約善後章程第五款見條約類

德續約善後章程第六款見條約類

德領約善後章程第八款見條約類

德領約善後章程第九款見條約類

丹約第十四款見條約類

丹約第二十四款見條約類

丹約第三十一款見條約類

丹約第三十二款見條約類

丹約第三十五款見條約類

丹約第三十六款見條約類

丹約第三十七款見條約類

丹約第三十八款見條約類

丹約第三十九款見條約類

丹約第四十款見條約類

丹約第四十一款見條約類

丹約第四十二款見條約類

丹約第四十三款見條約類

丹約第四十六款見條約類

丹約第四十七款見條約類

丹約第四十九款見條約類

荷蘭約第五款見條約類

荷蘭約第九款見條約類

荷蘭約第十款見條約類

荷蘭約第十一款見條約類

荷蘭約第十二款見條約類

日斯巴尼亞約第十一款見條約類

日斯巴尼亞約第二十二款見條約類

日斯巴尼亞約第二十九款見條約類

日斯巴尼亞約第三十二款見條約類

日斯巴尼亞約第三十三款見條約類

日斯巴尼亞約第三十四款見條約類

日斯巴尼亞約第三十五款見條約類

日斯巴尼亞約第三十六款見條約類

日斯巴尼亞約第三十七款見條約類

日斯巴尼亞約第三十八款見條約類

日斯巴尼亞約第三十九款見條約類

日斯巴尼亞約第四十款見條約類

日斯巴尼亞約第四十一款見條約類

日斯巴尼亞約第四十三款見條約類

日斯巴尼亞約第四十六款見條約類

比約第二十三款見條約類

比約第二十四款見條約類

比約第二十六款見條約類

比約第二十七款見條約類

比約第二十八款見條約類

比約第二十九款見條約類

比約第三十款見條約類

比約第三十一款見條約類

比約第三十七款見條約類

比約第三十九款見條約類

比約第四十款見條約類

比約第四十二款見條約類

義約第十四款見條約類

義約第二十五款見條約類

義約第三十二款見條約類

義約第三十五款見條約類

義約第三十六款見條約類

義約第三十七款見條約類

義約第三十八款見條約類

義約第三十九款見條約類

義約第四十款見條約類

義約第四十一款見條約類

義約第四十二款見條約類

義約第四十三款見條約類

義約第四十六款見條約類

義約第四十九款見條約類

奧約第十款見條約類

奧約第十五款見條約類

奧約第十六款見條約類

奧約第十七款見條約類

奧約第十八款見條約類

奧約第十九款見條約類

奧約第二十一款見條約類

奧約第二十二款見條約類

奧約第二十三款見條約類

奧約第二十五款見條約類

奧約第二十六款見條約類

奧約第二十九款見條約類

奧約第三十三款見條約類

葡約第十三款見條約類

葡約第二十六款見條約類

葡約第二十七款見條約類

葡約第二十八款見條約類

葡約第二十九款見條約類

葡約第三十款見條約類

葡約第三十一款見條約類

葡約第三十二款見條約類

葡約第三十三款見條約類

葡約第三十四款見條約類

葡約第三十六款見條約類

葡約第三十七款見條約類

葡約第四十款見條約類

葡約第四十二款見條約類

葡約第四十四款見條約類

中葡會議專條第一款之一見條約類

中葡會議專條第一款之二見條約類

中葡會議專條第一款之三見條約類

中葡會議專條第一款之四見條約類

中葡會議專條第一款之五見條約類

中葡會議專條第二款見條約類

日本行船通商條約第八款見海船通商條約門

日本行船通商條約第十六款見海船通商條約門

英通商章程第五款見海船通商章程門

英通商章程第六款見海船通商章程門

英通商章程第九款見海船通商章程門

英通商章程第十款見海船通商章程門

美通商章程第五款見海船通商章程門

美通商章程第六款見海船通商章程門

美通商章程第九款見海船通商章程門

美通商章程第十款見海船通商章程門

法通商章程第五款見海船通商章程門

法通商章程第六款見海船通商章程門

法通商章程第九款見海船通商章程門

法通商章程第十款見海船通商章程門

布通商章程第五款見海船通商章程門

布通商章程第六款見海船通商章程門

布通商章程第九款見海船通商章程門

布通商章程第十款見海船通商章程門

丹通商章程第五款見海船通商章程門

丹通商章程第六款見海船通商章程門

丹通商章程第九款見海船通商章程門

比通商章程第五款見海船通商章程門

比通商章程第六款見海船通商章程門

比通商章程第九款見海船通商章程門

義通商章程第五款見海船通商章程門

義通商章程第六款見海船通商章程門

義通商章程第九款見海船通商章程門

奧通商章程第五款見海船通商章程門

奧通商章程第六款見海船通商章程門

奧通商章程第九款見海船通商章程門

白雲朝政書(八三) 江

以上各國通商條約

隨結報明罰款銀兩見關章類

英商煤船進口不領關單擅行起卸照約罰辦

江海關詳竊查英國和約第三十八款載監督官接到領事官詳細照會後即發開船單倘船主未領開單擅行下貨即罰銀五百兩並將所下貨物全行入官茲有英商公道行船進口於上年九月二十一日由英領事報關該船全裝煤斤并未赴關領單遽將煤斤盡行起岸照章應罰銀五百兩當即照會英國領事飭罰去後旋准照復據該商稟稱應請免罰大致謂此項煤斤於未起岸之前輾轉出售公道行并不知煤歸於何人故起岸時未領關印單據乃屬歧誤等語復核該洋商所稟詞多矯飾殊非情理按照條約所載不但罰銀并應將所下貨物全數入官今僅請照數罰銀已屬格外從寬未便請免復經照會飭令將罰款追繳送道詎該領事復文仍不依允并云已將此案全卷錄詳本國駐京大臣查核批示等情前來伏查此案公道行船並未領單擅自起貨英領事不允照罰均屬有違條約理合照錄原案具文詳請轉咨總理衙門照會駐京英國公使會譯示遵 又詳案照英商公道行煤船進口不領關單擅自起卸照章應罰銀五百兩屢經照會飭罰詎英領事麥華陀堅不依允并云已錄詳該國駐京大臣查核批示等情當經錄案詳奉憲臺呈 總理衙門查核辦理并即遵批按照條約剖辯去後茲據英國領事官夏福利照復內稱查公道行煤船進口擅自起卸請飭遵罰一案現經本領事將此案情形反復揆度意難查辦飭繳罰款甚為公允當飭遵繳銀五百兩送請查收銷案至本領事公辦此案實欲各商遵守和約等情前來伏查此

案實由麥前領事羅敦己見致煩案牘茲夏領事秉公飭罰洵屬恪遵和約除將繳到銀兩入冊彙報外理
合具文詳請併賜存明 總理衙門銷案同治二年四月初九日詳 南洋大臣

美商遞假船口單暫照英約前辦

總理衙門咨前准上海通商大臣李 咨稱美國船主往往於進口時投遞假船口單應如何辦理等因當

經本衙門查美國條約第十四款內載走私漏稅應由中國自行辦理治罪照會美國公使查照據美國公

使照復未能結實又經本衙門照會該公使是否仍照美國條約第十四款治罪抑照英國三十七款罰銀

五百兩一律罰辦等因茲據美國全權大臣蒲 照覆內稱嗣後倘有美商作此弊者按照英國第三十七

款實行辦理等語相應咨行轉飭所轄各關監督嗣後如有美商投遞假船口單之案即照英國第三十七

款罰銀五百兩同治二年九月十四日咨各省通行

進口船斤分別中外貨物納稅章程見貨稅類

運糧進口船分別納稅鈔見貨稅類

洋船載運黃銅片稅分別征免

總理衙門咨前因上年七月初六日准英國照會內稱廈門船塢所需各物應否征稅請與廣州福州上海

畫一辦理等因經本衙門咨行將船塢黃銅片向來如何收稅查明暨復嗣於九月初六日准咨復內稱據

江甯海關道丁日昌詳稱兩據稅務司復查此項黃銅片進口時如實係本船修船所用或指明係口內

何船修船所用本關向由照舊後章程第二款船用雜物照例免稅如不能指明係何船所用以及船塢商

人運進備用者本關向均照稅則征稅等因前來查船塢即係船廠黃銅片等物江海關向例既係征稅惟本船修船所用以及指明口內何船修船所用皆免征稅江海關既辦有成例各口自應照辦除由本衙門札知新總稅務司轉飭各口做照上海一律辦理外相應咨行查照轉飭各關一體照辦同治四年正月二十九日咨南洋

核定出口土貨拆動改裝章程見改運類

剿貨小火輪船走私議罰

英國領事官孟 照會三月初四日接到照會內開三月初一日早間有小火輪船名大沽者帶領英國夾板船名噶福爾芝富至大沽關前並不停泊候驗相應明定章程以杜走私弊端經員稅司擬以小輪船既經剿貨自應在大沽局停泊候驗如有不遵每次或罰銀或將船入官等因查嚴防偷漏之法應由收稅官隨時設法以杜弊端無論中國外國船隻既作剿船者自應一律辦理今該小輪船既經剿貨自應在大沽局前一律停泊候驗如有不遵每次罰銀不過一百兩如故意走私將船入官爲此照會 貴大臣其是否允協之處希即照覆以便轉飭英國小輪船遵照至別國船隻應請照會各國領事官商辦同治五年三月初七日照會三口通商大臣

核定客船行李免稅貨物拖帶輪船三項章程見免稅類

細茶園餅臘報磚茶查出嚴行罰辦見貨稅類

議定船貨入官推廣會賦章程

總理衙門咨案查船貨入官會訊章程四條曾於同治六年十二月間咨行在案七年正月間復據英法兩國公使將會訊章程推廣作為七條照會本衙門通行各關照辦本衙門詳加酌核除內有舊章四條無庸更易其新章三條字句之間稍有未洽者業已改歸妥愜更於七條之外添列一條作為推廣會訊章程八條英法兩國公使深以為然除已照會各國通行各口領事官一體遵照外相應抄錄章程一分咨行通飭各關道監督等一律試行同治七年閏四月二十九日咨南學

會訊章程八條

一凡各口有干涉稅務案件領事官應先與稅務司彼此關照或面見會議或移文往來定案時仍照後開數條辦理

一凡有洋商或船或貨各在通商海口被關屬吏扣留立宜稟明監督監督聽稟以為罰辦合宜即委稅務司函致該商所犯何法是以扣留限自接函之時以五日為期准該商稟報領事官知悉倘至第六日午刻領事官尚未來文咨請公同查核該船該貨即可入官該商接函後於期內仍見自無犯法任便先向稅務司稟明轉報監督監督若以該商之言為是即行釋放船貨該商不願赴關具稟抑或先稟監督監督不以為然均准稟知領事官據其所稟轉咨監督請其定期公同查辦

一凡監督接到領事來文照覆定期何日到關當堂晤會領事官諭飭該商是日統帶見證各人等赴關是時領事官親身來關上堂監督請其同坐該稅務司亦當在坐相幫監督監督先令海關原籍船貨人役將如何扣留情節稟明監督監督按照情節隨時詢問設如該商尚有辯駁情節准其當堂稟明領事官領事

官即代為逐一詢問以期得實而杜偏累設若監督領事官欲不親赴海關亦可遣員代往所有辦法一律相同

一詢問之間所有關稅商證人等口供隨時抄錄監督領事各為書押蓋印時令全案人證退去監督面告領事官可否如何辦理或該船貨領事以為應放而監督不以為然即准該商任意上控其稟領事官行知監督均即各將案情抄錄蓋印申請 總理衙門與駐京大臣查核定奪倘監督不肯釋放船貨領事官亦以為然該商不准上控稟請轉詳再該貨或經海關當堂詢問或經兩國 總理衙門駐京大臣核定應行釋放均不能以原船貨被扣留請索賠償

一案情既各詳請大憲定斷准該商按估價出具日後情愿還斷繳案切結由領事官蓋印交存該關即由監督將該船貨先行發還俟大憲斷定後或罰銀多少或全數入官再行飭商遵照倘該商不肯具結即將船貨扣留無論大憲定准誰是誰非不准該商稟請賠補

一凡各口指謂商人犯章其所犯之條並非船貨入官係按約按章應罰銀兩者稅務司一面知照監督一面遣人在領事官署內立案由領事官定期訊斷定期後應先知照稅務司屆期傳集人證或稅司本人或委員即在坐指證如訊明該商實有應罰之處如條約章程內載有銀兩之數目即由領事官按銀數斷令交出或可從寬辦理則其權屬在該關即由監督會同稅司自定可也倘查明該商實無應罰之處稅司亦無異言如有船貨因此扣留滯者可一同開放仍將案情知照監督不得耽延時日致該商稍有費用該商不得索賠延擱貿易銀兩亦不得索賠一切水腳費用等項若稅司與領事官意見不合即行知會監督一

面抄錄全案各詳 總理衙門駐京大憲查核當尚未定案之時貨主亦應一律將擬罰銀數出具日後情愿
遵斷繳案切結送交領事官由領事官行文知照監督始准該商船貨先行開放

一如有監督領事官不能自定應徵應免之事均須援照本章程第五款所載亦令該商出具日後情愿遵
斷繳案切結由領事官蓋印送交監督存案即由監督先將該商貨物暫時免稅放行一面將此案情形各
詳 總理衙門駐京大憲倘日後斷定實係應免之稅該監督即將原結發還領事官查銷如斷定實係應

納若干項稅之物該領事官即飭該商赴關按數完稅銷結完案

一凡洋商或船或貨應入官者或船貨均應入官者監督與領事官意見未合案情既各詳 總理衙門駐

京大憲核斷當尚未定案之時該商應援照本章程第五款估價具結由領事官蓋印交存監督惟所估數
目恐多少不符即按該商自稱定價為準由該關酌核情形亦可按價收買倘經收買後日後斷定船貨實
應入官即飭該商將關上收買原銀如數呈繳銷結若斷定船貨實應釋放該關即將原結送還領事官發
商完案所有收買原銀即作為船貨實價該商不得再將收買原銀赴關取贖以昭核實

漏報報罰條

為聲明遵照罰條事查所立和好貿易船隻事宜和約章程第十三款內有不妥之處特為指明漏報報
等弊應照中國與各國所立和約內罰銀之數辦理彼時本大臣即將此事詳文本國會奉本國回文命本
大臣聲明所有北德意志公會暨不屬北德意志公會之德意志通商稅務公會各國皆准一概遵照中國
所擬罰條將漏報報之船主罰銀若干兩但須知每過此等事件必按其所犯之事輕重定其所罰之數

多寡惟所罰最重者亦不可過五百兩之數再者該商貨單內外錯之處如於一日內即外國二十四時之內改正者即不應罰至有漏報捏報之時應如何查明之處須該口海關所派委員與該口本國領事官所派委員當堂公同會訊確查如該一委員同意擬罰銀若干兩該商即應將銀兩按數交清此事即算完結倘該二委員意見不同即應將此事詳送駐京之總稅務司與管理北德意志公會事務大臣公同查核定奪可也為此聲明本大臣並親手畫押鈐蓋關防以昭信守同治七年七月十六日即西歷一千八百八十一年九月初二日

英商販運色點布捏報白點布罰辦

總理衙門咨同治六年十一月十六日准來咨以東海關道詳報滋大行商人發達生報卸白點布二十箱經稅務司扞子手查出係色點布一案查據江海關監督呈稱仁記行裝運色點布進口時填報白點布完稅雖稱筆誤於原貨出口時又不聲請更正補完稅銀實與條約有違應否將貨入官咨請查核前來查條約第四十八款內載英國商船查有涉走私該貨無論式樣價值全數查抄入官等語今仁記行在上海請領下貨單時既報明白點布出口復函致滋大行云係色點布其為有意捏報已有明證並非筆誤更難掩飾既經東海關查出以細報粗之情實屬有違條約應即飭知東海關將其貨物全數入官以為懲儆者或為此咨復同治六年十二月十一日

又咨前准 貴大臣咨報東海關監督查出滋大洋行將色點布捏報白點布一案經本衙門飭照條約將其貨物全數入官嗣復准咨稱東海關監督司懇請量為減少飭令該行交銀五百兩即將入官貨物發還

正在核辦間又據赫總稅司申稱該行色點布於始進上海口時實因筆誤錯報白點布請從寬辦理將相留之貨准該商照減價貨值二成之數贖回等語本衙門查滋大洋行捏報白點布一案既係一時筆誤自應從寬辦理該行捏報之色點布共二十箱若照所擬二成贖回應得實銀若干並前次納過稅銀若干應補稅銀若干札飭該總稅司查明彙復去後茲於八月二十三日據赫總稅司申復遵查色點布共計二十箱核值銀二千六百三十四兩二成贖回應得銀五百二十六兩八錢前次納過稅銀一百兩除贖銀外應補稅銀五十兩連應補之稅銀並二成贖回之銀合計該行應交出實銀五百七十六兩八錢申請核辦等因前來查該總稅司所會二成贖回銀數核與罰銀五百兩之數尚屬不甚懸殊相應咨行 貴大臣查照再行詳細核算如果銀數相當即照該總稅司所擬辦理同治七年八月二十八日咨三口

布國續定漏報捏報罰條

總理衙門咨案查布國條約第十三款內未將船主漏報捏報罰辦章程詳細載明本衙門曾於上年十二月間照會布國公使酌辦並咨行 貴大臣暨上海通商大臣及札知總稅務司各在案茲准布國李使照覆內稱 貴衙門所擬漏報捏報之船主應罰若干兩業經詳文本國請為按照所擬辦理茲已奉本國國文德憲志各國嗣後皆應按照所擬罰條辦理並將此作為章程今將德憲志文法郎西文漢文三分文底特送查閱等因前來除由本衙門咨行上海通商大臣並札知總稅務司一體照辦外相應抄錄布國照會一件並照會內漢文詞條文底一紙咨行查照轉飭各口遵照辦理可也同治七年九月初一日咨三口

附錄布國照會

溯查同治六年十二月二十九日日本大臣已將 貴王大臣所擬漏報捏報之船主應罰銀若干兩業經詳
文本國請為按照所擬辦理等因照覆在案茲本大臣已奉本國羅內稱此事係北德意志公會所應管者
是以本國令北德意志公會各該管官商議妥定今本國總管北德意志公會議事廳事務大臣璧斯瑪來
文行知本大臣令為聲明所有北德意志公會暨不屬北德意志公會之德意志通商稅務公會各國嗣後
皆應按照所擬罰條辦理並將此作為章程因此本大臣將德意志文法郎西文漢文三分文底特送 貴
衙門查閱本大臣諒 貴王大臣見此章程當亦知德意志各國凡遇 貴國循理之事端無不願遵行也
七月十六日

議定釐表減稅並嚴防偷漏章程見貨稅類

完稅出口貨物在口失事照章不准發還稅銀

總理衙門咨前於上年十二月間准北洋大臣咨據東海關道稟報大成棧商人運貨出口照納正稅後尙
未離口遭風貨燬請還稅一案經北洋大臣批示該商所運棉花在口遭風該船尙未離通商碼頭稅銀無
多自可格外原情酌量給還稅銀嗣後不准援為例案等因是於體恤之中仍寓限制之意當經本衙門查
同治五年間有九江關美商煤昌行由漢口裝運土貨完清稅餉後失火燬貨准還半稅之案咨復北洋大
臣轉飭該關道遵照辦理並令嗣後遇此等案件必須驗明輕重情形分別辦理至此案該商是否將殘貨
改裝出口仍赴理春有無夾帶影射情事等因去後嗣於十二月二十八日准赫總稅務司申稱據東海關
署稅務司好博遜申稱此案可否給還稅銀查潮州前有洋船裝貨未出口之先失火奉札毋庸發給稅銀

自應按照前札示知等語本衙門查同治八年五月間潮海關有布國商船科爾干裝載貨物在未領紅單出口之先船隻失火貨物被焚該商請還稅銀一案稅司康發達擬定辦法無論已買保險與不買保險均毋庸發給存票當經札行總稅務司查照在案是美商九江關失火還稅之案事在同治五年而布商潮海關失火不還稅之案事在同治八年此案大成棧船遭風請還稅銀自應查照後起潮海關一案辦理庶免各商遇有此等事件仍援從前九江關之案紛紛演請致多膠轕為此再行咨行同治十一年正月初六日咨北洋

英船進口按單先納全稅查明有中途拋棄貨物准還存票

總理衙門咨同治十一年十二月二十六日據赫總稅務司申稱英船進口內有中途拋棄貨物請還存票七百餘兩一案以總稅務司之意凡有此等遭風失事之案船商若先存全稅應准照辦等因查前案船未進口即先憑單完稅本衙門查與條約不符恐滋流弊是以札令總稅務司查復茲既據申復所辦與約不背嗣後應由船商按原裝之單先將全稅納存俟眼同查明尙存有何貨方得將船上未存之貨關上預存之稅發還等語本衙門查總稅務司所擬辦法係爲便於該船迅速罰貨出口起見與條約既不相背所有憑單先行完稅一節應准如所請行惟是各船進口時仍應照約眼同確查有無他項弊混以重權務而符定章應再由總稅務司一併飭知各關稅務司詳慎遵辦相應抄錄總稅務司申呈咨行同治十二年正月初七日咨北洋

照錄赫總稅務司申呈

為申復事奉到同治十一年四月十六日鈞札內開同治十一年四月初四日准署理南洋通商大臣岑毓英
據江海關沈道詳稱本年二月初四日秋稅司來函以英船進口內有中途拋棄貨物請還存票七百餘兩
該道以該商進口時並未請驗礙難照發該稅司以現請存票各貨實係未曾到口遭風拋失查驗毫無捏
報不致別船援請應照核准該道以既經驗無捏報姑准通融辦理嗣後凡貨物未經到口遭風失事應於
進口時呈報本關由道委員會勘確實查點未失之貨另行開單納稅因復該稅司立案等因並抄錄全案
咨請核復前來查上年十二月間本衙門札復總稅務司文內嗣後凡進出口貨物倘有意外之虞一切均
照潮海關科爾干船失火不還稅銀成案辦理存案並無准發存票明文今此船因未進口遭風失貨查委
無捏報是以准發存票此乃暫行通融辦法別船不得援以為例惟查英約內云進口貨於起載時納稅船
隻進口限一日將船牌艙口單交領事官次日通知監督查驗等語總稅司上年十二月間申報文內云所
謂起載時者以貨物何時離開運進口之原船為準各關收稅均係按此斷解辦理等因今此船並未進口
即先憑單完稅與約章不符設有捏報漏報從何得知其弊該稅司所云進口完稅就據該船結賬之期各
語第為便商起見是否與條約不背有無流弊此項船未進口即先照單收稅其辦法起自何時滬關一口
之外各口是否均係如此辦理此時倘照約改回是否與向章有礙相應抄案札行總稅務司詳察查明申
復等因奉此旋於十一年五月二十三日據江海關秋稅司申報內同前因總稅務司詳察該關往來函文
並奉札詢各節竊恐其中稍有誤會之處查洋船在外國裝滿貨物臨開船時為立各貨之艙口單當時船
貨兩主自知裝載何物及至從外國放艙船底滿載貨物噴水甚深中途遭風因恐沈船水手急將左右各

貨亂行拋棄於海船底較輕方得拯救人命當其情急倉猝之時僅知拋貨救船未知驗貨立單後於臨進口時自不能知未經棄水者尙有何貨存船而船既進口按約須將船口單呈驗若就延限日則有應罰之明文若船口單查有捏報漏報等情條約又載有應從重罰辦之明文此案該船進上海口既恐受虧不報之罰若報而漏報更恐受從重罰辦之累故該船商赴關將遭風拋貨之情形報明並請酌奪條理自係按照向例赴關稟稅務司報明亦係報明於稅務司稟請酌奪亦係稟請於稅務司稅務司乃辦稅務之官並非他官可比報明稅務司稟請酌奪與稟見關道請其酌辦無異據該商稱有原立之船口單可查方知原載何貨有原船到口可驗方知仍存何貨等情是此案並無意外之情即勿用函致監督特爲會商其事與向常之事無別即由稅務司自行酌辦並無不宜遵查此案則稅務司原有兩項辦法可用一係俟將拋亂遺存之貨起卸後各起分別歸清貨主各貨主先後分別按貨若干納稅若干此辦法與船商與貨商多有不便既有不便於商難免無損於關務一辦法係由船商按原裝之單先將全稅納存賬同查明尙存有何貨方得將船上未存之貨關上預存之稅發還並將所存之貨預存之稅入帳歸公其船商貨商一切帳目則彼等自行料理此法便於各商於關務絲毫無損此案秋稅務司係照此辦法即准船商按原單將全稅先行全存俟查明實在尙存若干貨方准發還若干稅其按驗單赴銀號納稅按存票發還與存稅現銀還稅現銀理同無異是此案情形與東海關潮海關貨物完稅過關下船後據報失火遭風丟失貨物稟請將已完入帳之稅發還兩案並不相同彼案所立之章不准將稅發還於此亦毫無干涉本無可援引惟條約所載特准受潮濕各貨減稅一條其所指之情事其所訂之辦法核與本案情形實爲可援之例秋稅務

司於此等辦法亦與此條之意相同緣受潮濕之貨商向照稅則先行完納全稅俟詳查明確如何潮濕後始請領存票以符減稅之例再此案並無商人取巧作弊之處却係商人願存全稅於關俟眼同查明何貨失存方請發還多納之稅在商人非必藉此有漏稅之端而該關反若多發還之稅也故詳查此案情形狀稅務司實爲正辦至奉札開今此船並未進口卽先憑單完稅辦理與約不符設有捏報漏報之處未經照單查驗從何得知其弊該稅司所云進口完稅就摺該船結帳之期各語第爲便商起見似此便商辦法是否與條約不背有無流弊此項船未進口卽先照單收稅其辦法起自何時滬關一口之外各口是否均係如此辦理此時倘照約改回是否與向章有碍等因查所辦與條約不背且並無流弊此辦法起自何時一層實有未易澈底查究者且所關繫不甚要緊至各口是否均係如此辦理一層若遇此等之案各口並無第三項辦法非先存全稅於關止可按貨到若干而完稅若干至照約改回是否與向章有碍一層查辦既與約不背卽無可照約改回之處緣條約所載進口貨於起載時納稅之例不過是預定海關向商收取其稅餉之期耳若商在未滿期時願行輸稅自與訂期之意無碍至日後辦法嗣後凡貨物未經到口遭風失事應於進口時呈報本關由道委員會勘確實查點未失之貨另行開單納稅等因查各稅自按件納稅無貨無稅有貨有稅其理顯然遭風失事之船於進口無論如何辦理止可按未失之貨開單納稅或由船商先存全稅由關後發還未到各貨之稅或由關先不征稅俟貨全寄入棧分給各貨主後再按件由貨主手亦收其稅兩項辦法或此或彼以該貨應納之稅而言實無出入不過船商與貨商有別蓋船商所關者但求其船速出口而貨商所關者遲完稅則可省利故船商情願先爲他人存貨稅者以其船之得速出口爲

要可知此等案件若謂得便於船商乃爲合於情理之辦法也總之以總稅務司之意凡有此等遺漏失事之案船商若先存全稅應准照辦者船商不願先存全稅則應按未失之貨對口若干納稅若干如此於關務商情兩得其平也即請查照核奪施行

由滬運往北洋三口洋藥分別給停免單

總理衙門咨同治十一年二月二十六日准咨據津海關詳稱英商沙遜洋行運津洋藥二十箱內有江海關免單十箱當以洋藥免單有總理衙門議停成案當即函致稅司嗣後再有免單務須發還該商帶回上海旋據該稅司函稱同治四年八月初十日總稅務司來札奉總理衙門議定上海洋藥運往北口停發免單之案作爲罷論等語茲查江海關洋藥免單自議停後並未改章請咨札總稅司查復是否有行知據關稅司議停江海關洋藥免單作爲罷論札文等因前來查免單一項前據三口大臣鑒以津關收稅短絀是因南洋免單過多所致奏請停給當經本衙門照會各國議自同治二年四月十五日將各口洋貨免單一律停止茲據法國柏大臣照會於法國商人有礙並據李泰國申請或領免單或領存票藥商之便咨行各口一律照辦去後三年六月間又據三口大臣崇函稱總稅務司過津論及洋藥運至上海向不進口落行赴棧均係屯積蘆船到時亦不上稅遇有改口時呈報該關照章納稅發給免單是上海收洋藥稅不收於進口之初而收於改口之時總稅務司擬到京商酌停止等因本衙門札據申復洋藥一項行文上海大臣凡有由上海蘆船擄洋藥裝往北方三口之船一概毋庸由江海關徵稅等語咨行該大臣並由總稅務司札行江海等關稅務司照辦八月間江蘇巡撫李 咨據關道丁日昌詳據秋稅務司稱此項免單即從三

年七月十四日起停止並由該關道照會各國領事四年四月間又准三口大臣崇咨請將粵海廈門等關洋藥免單一律停發本衙門復札據總稅務司申復閩粵各關與上海不同洋藥進口即時納稅日後改運別口應發免單一律停止必多礙礙本衙門於五月間又行知閩粵各關照辦各在案是洋藥免單一項除江海關有分別停發之辦法外兩岸各口仍一律發給緣從前議停江海關洋藥免單係專指由躉船改播未經上岸起棧而言若已上岸起棧江海關既收稅餉發給免單改運北岸自不能照躉船改播之洋藥一律辦理當時本衙門據總稅務司申呈行知雖未分晰詳說該關道自能領會今沙滬由滬運洋藥既已帶有江海關收過稅餉之免單津關自不能一貨重稅只應將此免單收受相應咨行飭令嗣後凡由滬運北岸三口之洋藥其由上棧以後改運者江海關既已收稅即予免單北岸三口即收免單毋庸復令完稅其由躉船改播之洋藥江海關但照撥貨之例發給准單准其撥貨並不收稅俟運到北岸三口令其完稅以免轉轄同治十一年三月初一日咨北洋

議定代客報關章程

總理衙門咨前據赫總稅司申呈以江海關秋稅司請照英美兩國之例凡海關代報貨物必將貨主或管貨之人行號姓名一併報出等因當經本衙門抄錄原申呈一件咨行查復去後茲於二月十四十八等日先後准南洋大臣及貴大臣咨復前來查赫總稅司前呈各節係為稽查報稅有無隱匿並責成報稅之人足見所稱或貨主親身赴關報貨或倩人持有貨主憑據代為赴關報貨其代報之人須查明貨主之行號姓名並將貨主所交之憑據呈出查驗若無貨主行號姓名以此報貨之人作為貨主一切惟報貨人

是關等情均於關務有益應如赫總稅司所議辦理至所稱各國章程凡有替人報關者須先赴關請領充代報之准單方准充爲代報之人又須由代報之人帶同保人出具有弊認罰甘結等情查商人運貨原應親身赴關報明其不親身赴關具報倘有倩人代報者亦係出自貨主各自情願並非必須託人代替若各關先有請領准單充爲代報之人反似商人運貨必須請託此人代報難保無把持情弊與其犯後罰辦不如免事更張至各關稽查稅務是其專責嗣後無論貨主自行赴關報貨抑或託人代報雖有所報行號姓名可憑總須由關認真稽查無論自報代報不得潦草過目卽云完事倘查驗稍有不符卽行照約罰辦總之海關所驗者係屬貨物但須論貨不必論人各關憑此辦理最爲確有把握除由本衙門札行赫總稅司轉飭各口稅司一體遵照外相應照錄札赫總稅司文一件咨行轉飭遵照辦理同治十二年三月三十日

咨北洋

照錄給赫總稅司札文

爲札復事前准總稅務司申稱向開各國之例凡遇運貨到關報貨者或貨主親身赴關報貨或倩人持有貨主憑據代爲赴關報貨其代報之人須呈明貨主之行號姓名並將貨主所交之憑據呈出查驗若無貨主行號姓名卽以此報貨人作爲貨主則一切惟此報貨之人是問如此辦理凡係真正商人倩人代報必囑帶報者聲明行號姓名其隱匿行號姓名有心作弊者因有惟此報貨人是問之例則代倩人自必不敢勾通作弊是以遇有犯章之事出卽有貨主之行號姓名可究故惟報貨人是問之例甚善又聞各國另行章程凡有替人赴關代報者須先赴關請另充代報之准單方准充爲代報之人先由關查明充代報貨之

人向來有無犯關章等事若並未犯章又須由代報之人帶同保人出有弊認罰幾千兩之甘結其代報之時須將貨主之姓名並貨主交付之憑據呈驗並可由該關隨時將所發給之准單撤回此各國之關章如是通商各關若能一體照此辦理於真正商人既毫無所損於關務亦不為無益應請通行各口凡有貨主均應親身赴關報貨倘非親身到關其所倩代報之人應將代報之憑據呈出查驗並將貨主之行號姓名報明由關查實某人係其貨主若代報之人並無代報之憑據亦未經聲明他人為貨主即應以此報貨人作為貨主一切惟其是問至於欲充代為報貨之人須先應帶同保人赴關出具倘有作弊等事情願認罰銀兩之甘結由關查明此人確係未經犯章妥實可靠之人方准其具結發給充代報之人准單收執俟代報時每貨該應聲明貨主之行號姓名並將貨主交付之憑據呈驗若領此准單之人日後訪有不可靠之處即由關將其准單追回撤銷若有作弊等事查確後即由關按其所具之甘結銀數罰辦並日後絕不准其再充代為報貨之人此外應否另有別項章程應請 貴衙門酌核訂妥等因前來查總稅務司所呈各節係為稽齊報稅有無隱匿並責成報稅之人起見所稱或貨主親身赴關報貨或倩人持有貨主憑據代為赴關報貨其代報之人須呈明貨主之行號姓名並將貨主所交之憑據呈出查驗若無貨主行號姓名即以此報貨人作為貨主一切惟報貨人是問等情均於關務有益應如總稅務司所議辦理至所稱各國章程凡有替人報關者須先赴關請領充代報之准單方准充為代報之人又須由代報之人帶同保人出具有弊認罰甘結等情本王大臣查商人運貨原應親身赴關報明其不親身赴關其報倘有倩人代報者亦係出自貨主各自情願並非必須託人代替若各關先有請領准單充為代報之人反似商人運貨必

須請託此人代報更難保無把持情弊與其犯後罰辦不如免事更張至各關稽查稅務是其專責嗣後無論貨主自行赴關報貨抑或託人代報雖有所報行號姓名可憑總須由關認真稽查無論自報代報不得濳草過目即云完事尙查驗稍有不符卽行照約罰辦總之海關所驗者係屬貨物但須論貨不必論人各關憑此辦理最爲確有把握相應札行總稅務司轉飭各口稅務司一體遵照可也

通商各口船貨於洋文總單之外另備漢文總單

總理衙門咨同治十二年八月二十七日據赫總稅司申呈以通商口岸來往船隻裝運貨物請將每船所領無數之免照等單易爲總單一件以歸簡易等因查洋商運貨由出口之關發給總單載在長江通商章程第七條總單原不能廢但不應將免照等單概易爲總單致敗稅務之弊惟所稱於洋文總單之外另備漢文總單一件由監督蓋印給發尙屬可行相應咨行同治十二年八月 日咨各省

又咨據總稅務司文稱接奉札開總稅務司請將每船所領無數免照等單易發總單一件以歸簡易一節應毋庸議惟於洋文總單之外另備漢文總單一件由監督蓋印給發更爲周密應如所請辦理等語總稅司均已閱悉現仍請咨行南北洋通商大臣轉飭各關監督於十一月十五日開辦以便各口同日通行遵照等因前來相應咨行札飭各關監督於十一月十五日爲始將此項漢文總單蓋印給發以昭畫一仍飭將舊用免照等單一體照舊給與漢文總單相輔而行毋或因此失彼爲此咨行同治十二年九月十九日咨各省

附錄給赫總稅司札文

爲札復事同治十二年八月二十七日據總稅務司申呈以通商口岸來往船隻裝運貨物飭將每船所領無數之免照等單易發總單一件以歸簡易稅務司所辦之洋文總單外另備漢文總單一件漢文總單內將該船所裝出口之貨物情形詳細註明由監督蓋印發紅單時並交該船主攜帶他口於進他口時呈關則所到各船不但稅司照內有出口之洋文總單可查卽各口監督亦有漢文之總單可證等因申請查奪示復前來總稅務司第爲辦理簡便起見惟查同治元年所訂長江通商第七條內開洋商運貨由出口之關給發總單至所過通商之口如起卸貨物由該船主將總單呈關查驗方準起貨此總單者所以爲總單貨物之用本非以爲分別稅課應征應免之用至洋貨進口已完正稅後改運他口則有該關所給存票免照爲憑土貨出口已完正稅後復進他口則有該關所給完稅憑據爲憑如進他口完半稅後一年期內復運他口則有該關所給半稅存票爲憑洋商運米穀等糧到通商別口則有該關所給監督印照爲憑各項票照等件載在條約各關憑貨如何收稅自應以出口之關有無票照等件爲憑不應僅以出口之關稅務司總單爲憑其進出口免稅之物各關自應以善後條約第二款內載明各物爲憑亦不應僅以出口之關稅務司總單爲憑總單之用各項票照有各項票照之用不得因有一件總單而置各項票照於不用也且此口之貨運到彼口貨物在船係船主之責貨物有無完稅自應分晰裝載以免走私罰辦之累不能謂呈繳票照等件爲多事而欲以一件總單了之貨物到關監督身任關務自應認真查驗以防夾帶影射之弊亦不能厭查點票照等件之煩瑣而欲以一件總單了之也況洋商照約應准免稅之物應於到口時查明應免始予准免若憑出口之關稅務司總單註有免稅字樣卽予免稅是他口可以免此口之稅恐

滋流弊亦與稅務司不得管理別口稅務章程未合該總稅務司所請將每船所領無數免照等單易發總單一件以歸簡易一節應毋庸議惟同治元年長江通商章程內所載總單並未分晰載明洋文總單漢文總單字樣今總稅務司請於洋文總單之外另備漢文總單一件由監督蓋印給發更爲周密應如所請辦理除由本衙門咨行南北洋大臣轉飭各關監督遵照辦理外相應札覆總稅務司卽飭各口稅務司一體查照同治十二年九月 日

津關變通填發漢文總單

總理衙門咨同治十二年九月二十九日准咨據津海關道詳稱洋商運貨出口各海關發給免單從前只有洋文並無漢文監督委員均無從稽查今於洋文總單外另備漢文總單一件立法甚爲周密惟天津由紫竹林新關至道署往返約七八里之遙各洋船將貨下齊始能照數填註總單若干此時送署蓋印往返需時恐於商情不便若預用空白委員收存庫發又不足以昭慎重可否將漢文總單責成新關委員於各洋船上貨時詳細查明隨將總單核對蓋用鈐記就近給發如洋文總單有錯惟稅務司是問如漢文總單有錯惟委員是問等情除批該道擬責成委員將漢文總單核對蓋用鈐記就近給發似屬可行等因咨請核復前來查該關道所擬將漢文總單責成新關委員蓋用鈐記就近給發一節係爲新關距道署稍遠恐致持單蓋印往返耽延有礙商情應如所請辦理相應咨行轉飭遵照同治十二年十月初五日咨北洋津關進口洋藥按斤征稅

總理衙門咨同治十三年二月十四日准咨據津海關詳稱洋藥進口按斤征稅一事本年正月間英國孟

領事前來晤商數次茲於二月初一日准孟領事照會以開驗洋藥之法如一行煙土或連次開驗或隔數次開驗悉聽關便至核算斤數須以三箱爲准俱照本單所開三箱勛數均分核算納稅大小土一律辦理並請海關凡所開之箱皆給一在關開驗之據實貼箱面以便商人售賣所有以前保單存條以作廢紙等因查此事從前天津稅務司漢南曾云多少須以五斤爲限總稅務司則云須以四斤爲限現與孟領事定議按勛征稅多則多征少則少征開驗之法悉聽關便正與當日所輪接勛不按箱本意相符亦與稅則洋藥論勛征稅明文相合其大小土一律開驗辦法尙屬公允至前立保單本未便准予撤銷惟當日會議多少以一勛爲限今兩年之久共多洋藥七千餘斤以十一十二兩年進口洋藥八千餘箱計之每箱尙不足一勛稅課亦無大虧損當經照復允准照辦除札飭新關委員並致函代理天津屠稅司外理合照錄清摺請轉咨 總理衙門札知總稅務司轉行天津新關稅司遵照辦理等情前來查津海關洋藥進口按勛征稅一事現經該關道與孟領事彼此議定辦法尙屬允協應如所議辦理除由本衙門照錄清摺札行總稅務司轉飭該洋稅務司遵照外相應咨行同治十三年二月二十一日咨北洋 以上並通商章程成案彙編

各關拿獲走漏貨物充公應分別辦理

總理衙門咨同治十三年六月十六日據總稅務司申稱各關罰辦充公銀兩除賞線人及賞獲私之人外提三成歸該關監督三成歸總理衙門其四成則由各該稅司總歸總稅務司處辦公歷經遵辦在案惟查各關拿獲走漏各案雖同出於緝私而情節各異其間有未能一律辦理者自不能無所區別之處竊維凡

私貨應以三項分之一平時出進各口按稅則納稅之貨物此係官民通用者易於變價即可賣於衆人一
係善後條約第五條內開奉有特准之明文不准進口之硝磺白鉛等物並第三款開之內地食鹽此非商
民所徑行敢買之件止准賣與奉明文之官商一係善後條約第三款所開軍器等類之違禁貨物此更非
商民買賣之物可比必須官爲之買方准進口若附近地方官無銷售處即轉行飭送香港地方變價緣此
銀兩爲獎賞急需必須趕緊變賣始於後來之公事有益此外另有一種器械近係淫褻畫圖在內者此種
物固中外例禁之件凡擊獲此等物件須先將原件提出送至總稅務司處查明如實係淫褻不堪之物風
化攸關自應焚燬爲是如僅止玩物欲住其間並無淫褻之處亦須候飭行擲還原商如此分別辦理似
爲允當現已經總稅務司通行轉飭各口稅務司一體照辦以符定章而歸畫一等因申請查照前來相應
據文咨行轉飭各屬監督一律查照同治十三年七月咨辦洋 按津關投獲違禁軍器係稟明送交軍械所
先行估價提賞已列違禁貨物門應行參看 約章分類輯要 互見關章類

官輪兵輪進口由委員查驗

總理衙門咨光緒六年十月二十三日准總稅務司所稱查驗兵輪官輪船要件五端茲特逐層擬辦法
咨請核辦前來本衙門正在核辦間接准北洋大臣咨稱奉查總稅務司所稱查驗兵輪官輪船難辦理由五
端本大臣查各國兵輪船入口向不准關役上船查驗中國兵船自應一律以崇體制但應由各督撫將帥
嚴申軍律不准夾帶貨物致干參咎至官輪船間有運送兵差或有大憲及奉使官員在內似未便因此稽
滯阻留致誤事機而礙國體亦應分別妥辦當經分飭關道妥議茲據津海關道詳稱查各國兵船進出

通商口岸向不准關役上船查驗中國兵船自應一律以崇體制至官輪船來往各口或運送餉項兵差或大憲因公乘坐招商局輪船原有區別總稅務司所陳第四端自屬實情至第五端所稱可否由稅務司分別放留獨斷辦理等語稅務司之權本不得徑行於兵輪官輪若許獨斷放留於體制似多窒礙查各國兵輪攜帶貨物按西法相應完稅但不准登船查驗又查同治年間蘇省兵船往來長江曾奉上海派員在吳淞口專司查驗約計年餘乃行停止擬請仍照往年蘇省辦法於各省江口海口擇定要緊之區派員駐紮遇有中國兵輪官輪往來進出由委員專司稽查無庸經新關洋人之手如有夾帶貨物及不遵停驗者據實稟請核辦庶於稽查之中仍存體制咨請查核前來本衙門查津海關道所詳不為無見且有同治年間蘇省成案可循應照議辦理除分別咨札查照外相應咨復查照該關道所議通飭各該關道凡有中國官輪兵輪到關自行派員認真查驗以專責成光緒六年十月 日咨北洋

英商未領開船單擅行卸貨照約罰辦

三口大臣照會本月十八日接據 貴領事來又內稱昨據副領事吉來又內稱有斯大以佛船船主未領開船單擅行卸貨下剝船有犯和約第三十八款照約應罰銀五百兩第看此船主未能諳熟條約章程所致非存走私之意而貨物又非違禁者比今副領事官擬罰其銀五百兩應請貴大臣體恤該船主非是常川來往者而船小年歲又老未諳海口章程量從未減為此照會貴大臣查核擬減數目迅即照復以便飭知該船主等因據此查該船違約卸貨理應按照第三十八款罰銀五百兩並將所起之貨全數入官以符定章茲據貴領事轉據吉副領事來文請量從未減本大臣姑念該船主初次犯約尚非意存走私暫為從

寬辦理現已知照威稅務司准減一半飭分罰銀二百五十兩以示格外體恤之意此後不得援以為例如將來再有違約私起貨物者均應照章罰銀五百兩並將所卸之貨全數入官決不寬貸至所扣剩船二隻一俟罰款交清即令放行為此照會希即傳知該船主遵照並通諭各船一體遵守和約毋得再有違背四月十九日照會英領事以上並通商章程成案彙編

右稽罰

修改長江通商章程第七款之三見海船通商章程門

修改長江通商章程第八款見海船通商章程門

修改長江通商章程第九款見海船通商章程門

英商離口私行開艙添貨照約究罰並將內地船主罰辦

江海關詳竊照英商怡和行鈞船名喀嘶由長江來滬過鎮江約去七八十里地方私自買賣係違天津條約第四十箱米十包營查長江通商章程內載商船自上海至鎮江一帶地方如有私自買賣係違天津條約第四十七款應照約罰辦等語先經照會英領事查辦旋據照復以此案現已詳明本國大臣查辦請准該船暫行貿易並令怡和行出具保單其單內註明日後本國大臣如已批定喀嘶船例應入官本行即將該船連貨一併送交領事衙門照辦等語查該喀嘶船在鎮江沿途私添貨物實屬有違定約自應照章罰辦以儆衆商海關未便發給紅牌惟念該領事一再諄懇姑准暫行貿易以俟兩國判斷除將保單備案外即經錄案詳咨 總理衙門照會英國公使轉飭照章辦理嗣奉轉准 總理衙門咨英商喀嘶船運約到不准

通商之處擅行下貨當經本衙門照會英國駐京公使據復以該船違約下貨本應議罰惟該船隨時進口業經二年之久該地方官久已知覺向無不准此次該船又係前往討取欠債所帶零星土物均已報明納稅且事犯在長江章程未定以前情尚可原是以姑允所請從權辦理抄錄來往照會咨行轉飭知照領事官飭令該商呈交銀五百元作為罰款撤結銷案至所稱地方官久已知覺向無不准此次送帶貨物原屬內地艇船亦應究辦並飭將送帶喫嘶船之內地艇主一併根究示罰等因轉行到關奉此當經先後照會該領事將該船罰款洋銀五百元如數清繳完案所具甘結當即移還撤銷並請確查該船內地艇主是何姓名現在何處詳細復呈以憑查拏一併究罰去後茲據英領事照會喫嘶釣船一案現奉本國欽差札文內云與本領事前經所斷情形大略相同茲據怡和行商呈到遊辦罰洋銀五百元請即移送即將前立保單撤銷等情照請查收迅將保單移銷並據該領事函復內地艇主姓名住址一層該船乃屬英商自置並無內地艇主無從查復各等情前來除將送到洋銀如數查收外合將英商怡和行喫嘶釣船違章照罰清款撤結銷案緣由具文詳咨同治元年三月初六日詳南洋大臣

總理衙門咨准來文內稱英商喫嘶船違約到不准通商之處擅行下貨一案已據該領事官飭令該商交洋銀五百元作為罰款撤結銷案惟內地艇主姓名住址一層據稱該船係英商自置並無內地艇主無從查復等因前來本衙門查前因英國駐京大臣文稱此等違約之案原有華民在內若不將該艇主示罰以後通同走私何能禁止持論甚為平允此次該領事所云並無內地艇主與所論迥不相符惟此案業經完結其中陳歧異之處姑置無論現已照會駐京大臣轉飭該領事官嗣後務須認真切實辦理不可稍有

應備庶中外商船皆不敢希冀倖免致有犯約之事相應粘抄給英國照會一件咨照轉飭該監督除此案不必深究外嗣後倘有洋商違約之案必將內地艇主一併從重罰辦以符前咨而免含混同治元年四月十八日咨南洋

附錄給英國照會

為照會事茲准辦理通商事務大臣薛 咨英商嗎嘶船違約到不准通商之處擅行下貨一案承准前咨已飭令江海關照會英國領事官將該船罰款洋銀五百元如數清繳並將所具甘結當即移還撤銷完案矣惟遵飭確查該內地艇主是何姓名現在何處以憑查拏究罰據該領事函復內地艇主姓名住址一層該船乃屬英商自置並無內地艇主無從查復等情前來本衙查去歲十一月二十九日准 貴大臣來文內稱此等違約之案原有華民在內 貴國若不究辦則外國人明知在不准通商處所私下貨物出到外國口岸無從稽查必至與內地民人通同走私何能禁止本大臣之見該艇主亦應示罰以為私載貨物來往者戒等語持論甚為平允當即查照轉行此次該領事函復竟稱該船係英商自置並無內地艇主前後迥不相符本衙因此案業經完結其中陳誌異之處姑置無論惟念此後領事官與監督遇事必須照此認真切實辦理方足以昭信守而免爭論即希轉飭該領事遇有稟知 貴大臣裁奪之事務宜據實直陳不可稍有隱飾庶中外商民不敢希冀倖免致有犯約為此照會
英艇單照不符且短少照內兵器入官變價

鎮江關稟准稅務司克士可士吉爾稱五月十四日本關巡船在儀徵之上擊獲英國刻船名的土地瓦

船上載有米石查其單照見有漢關給發前赴上海之稅單註明係載木植皮油黃糖木板等貨不見在船顯見已在南京或不准通商口岸銷售船上現裝米約五百擔並無單照應將船貨一併入官等因當經飭委將該船大砲軍械等件查點起儲核對執照計短少大砲二尊鳥槍二桿手槍六桿刀六把一面簽差會同稅司派人查提水舵等人以憑訊明砲械下落貨物米石究在何處銷售實據實稟辦嗣據該差以該船水舵前在儀徵均已逃散等情稟復又經照會英領事雅妥瑪提究英商至今未據照復伏查該的土地免船漢單所註木植等項既已不見在船可見已在不准通商口岸私銷船上槍砲少於執照載明之數均難保無運赴金陵濟匪情事且復裝米約五百擔之多並無單照種種違背章程應將船貨一併入官以昭懲戒所裝米石據克稅司面稱船身滲漏未便久儲已由稅司秤見確數五百九十六擔六十八觔先行變價合將英國划艇違章情由具稟仰祈示批以便將船變價同治二年七月稟南洋大臣李奉批此案照章辦理甚是仰將該划船一同變價入官具報以示儆戒仍移江漢關知照繳

英商辦艇船無江照牌照入官變價

江漢關稟准稅務司狄妥瑪函稱本年四月十四日英商兆豐行辦艇船一隻名也抵漢呈繳二月初十日江海關紅單一紙十二月初十日船鈔執照一紙英文貨單一紙註明空船無貨僅有鐵舳押載查驗相符惟該船並無鎮江護照及中國牌照亦未由領事官將進口日期報關詢據該行云稱該船在上海失去領事官船照會稟明上海領事官令作內地船前往漢口隨即行文鎮江關稅務司詢查情形接准復稱該船到鎮江之時因無船牌亦未據領事官請給護照該船在鎮停泊三十五日始駛上江未掛外國旗號等情

轉請照約查辦前來查長江通商章程第三款內載凡有船在鎮江以上若該船無鎮江護照並中國之牌照者由關查出即將該船入官等語今該七船既經稅務司查驗並無江照及中國牌照等項應將該船入官以符定約稟請查核批示以便將該船充公同治二年八月廣湖廣督院奉批查該船既據稅務司查驗並無江照及中國牌照等項自應照章罰辦以符定約除咨總理衙門查照外仰即遵照辦理

洋商買雇內地船隻運貨仍令呈具保單執照出口

總理衙門咨同治四年三月十九日准咨據江海關詳准法國達領事照稱查照長江總共章程第六款內載凡洋商雇用內地船隻運貨者除按與納稅外仍照暫定章程呈具保單請領執照該船到關仍照內地船例完納船鈔如單貨不符照保單內註明之數罰辦俟江面肅清即行停止等因茲查現今江面一律肅清嗣後法商買雇內地船隻運貨者自應照章勿用呈具保單照會查明是否照辦之處即希見復等因查洋商雇買土船上下長江須具保單聲明必將該貨送至某口逾限不繳照價示罰各關憑此以為稽查該商亦因有保單之故沿途不敢私下私起是立法之初固緣逆氣未靖亦因稅項攸關且江口與海口不同自漢口而下節節皆可走漏雖云出口仍是內地凡土船下駛漢關不征收半稅若無保單安能知其所往況近來長江輪船裝貨水脚較二年前低至五六倍似比土船脚價尤賤而安速乃土船尤復紛紛其意可見若併去保單必至恃無稽考而長江以內之盤以及華商生計必暗為銷蝕矣又況保單不過一紙之書在商人初非難辦之件現在長江肅清濟匪之防固可少弛而偷漏之禁不可不嚴查總共章程雖有江面肅清即行停止之語而章尾原註明日後如有滯礙難行之處應隨時核議以歸妥善又天津條約第四

十六款內載中國各口收稅官員凡有嚴防偷漏之法均准其相度機宜隨時便宜設法辦理各等語茲洋商僱用內地土船若竟免其保單實無以防偷漏之弊自應相機核辦以杜弊端相應詳請咨明 總理衙門查核照會各國駐京公使轉飭領事官曉諭各洋商嗣後洋人僱用內地船隻運貨仍令其照舊定章程辦理呈具保單請發執照至所往之關蓋印回銷倘有逾限不繳單貨不符各弊均照舊章示罰著爲定章永遠遵行竄於稅務稽查等事大有裨益等情相應咨明前來本衙門查法國善後章程第十款內載長江如何嚴防偷漏之處在憑中國設法籌辦等語茲據該關道以洋商僱用內地土船若竟免其保單實無以防偷漏之弊自應援照法國善後章程第十款由該關道先行照會法領事以此項保單執照即係嚴防偷漏之法仍應照約舉行復令照辦緣長江如何嚴防偷漏其權在中國本衙門亦不必照會各國公使即可定辦也相應咨復同治四年四月 日咨南洋湖廣

核定出口土貨拆動改裝章程見改運類

核定客船行李免稅貨物拖帶輪船三項章程見免稅類

洋商運中國土貨離口入內地鎮江關誤發洋貨稅單仍照完內地稅釐見子口稅

商船抵九鎮兩關乃照向章呈驗護照

總理衙門咨同治九年五月初十日據英使照會內稱據上海領事官麥詳稱同治元年所定長江通商章程第三四條內有商船抵九江鎮江或上江或下江須由船主將其護照呈關查驗各等語該領事以所定稍有窒礙詳請酌改等情本大臣查從前所定章程係權宜之計現在逆匪已蕩平無須照前防範所有英

商在九江漢口起貨船隻一經按約完清稅鈔各款即可任其出口放洋至下江時無庸將照呈關查驗本大臣擬卽行知麥領事並鎮江九江漢口各領事遵照辦理希卽咨會通商大臣轉飭各該監督遵辦以免兩歧各等因前來本衙門查長江通商章程以嚴防偷漏為主並非專爲江路未靖防範濟匪而設該使所請核與歷年通行章程未符本衙門已於本月十五日照復逐層辯駁相應抄錄照會咨行轉飭上海鎮江九江漢口各關道知照仍按向章辦理如有前項情事卽查照長江統共章程內第三四兩條定章查辦仍將如何查辦之處隨時咨復本衙門以憑核辦同治九年六月 日咨南洋

照錄給英國照會

爲照復事同治九年五月初十日據 貴大臣照會內稱據上海領事官麥詳稱同治元年所定長江通商章程第三四兩條內有商船抵九江鎮江或上江或下江須由船主將其護照呈關查驗各等語該領事以所定似稍有窒礙詳請可否酌改等情前來溯查從前所定章程原係暫時從權之計蓋因髮逆占踞金陵並下江等處漢口九江二口通商事宜酌定章程以杜弊端原勢所必需現在逆匪已平無須照前防範凡有英商在九江漢口起貨船隻一經按約完清稅鈔即可任其徑行出口放洋至下江時無庸將照呈關查驗擬卽行知麥領事並鎮江九江漢口各領事官遵照辦理希卽知會通商大臣轉飭各該監督遵辦以免兩歧等因前來本衙查長江通商章程第三四兩款一爲鎮江護照一爲輪船江照各船主呈交船牌後方領此項執照俟將此照赴關繳銷方能領回船牌並有派差押送等事原爲防各商繞漏起見其時金陵尙爲賊踞是以章程內有帶用兵器等字樣然並非因江路未靖專以繳照爲防範濟匪之計南省平靖數年

以來此項章程各關遵守奉行並經籌辦難行之處所有章程內第三四兩款 貴大臣固不能照麥領事一稟即行照准更改本爵亦不能將數年前奏定之案率爾更張即行轉飭南省通商大臣照辦又此通共章程 貴大臣從前在參贊任內曾經會同商酌赫總稅務司亦係原議之人如有應行酌改之處須先由本爵咨商南洋通商大臣暨沿江各督撫察看情形定見後再與原議 貴大臣及總稅務司妥商倘與地方情形及關稅有碍本爵亦得難曲從所請但無論將來章程酌改與否而鎮江護照輪船江照兩項為長江通商章程內緊要樞紐如不將照呈關查驗稅課實漫稽考章程亦幾同虛設也五月十五日

鎮江關會辦稅單船搭載客貨並洋藥分運附載章程

一洋貨運入內地定章由洋商領單分運沿途概不重征倘有匿單少報夾帶攪雜一經查出即應將同類之貨一併入官惟近來洋商領單報運無不以華人為行夥雇坐內地船隻既難免華人附載以及船戶水手隨帶私貨情事若統照洋商船隻辦理未免無所區分今定專章凡稅單運貨之內地船隻另有搭載無論洋土各貨物均須逢關納稅遇卡抽盤墮不報明但經查出即將搭載之貨全數充公稅單洋貨免其置議惟必須有附搭情形或貨裝各包或容分數起方能照此辦法否則仍將單內外貨物依約論罰以杜臨時裝點影射之弊

一洋藥一項本有專條除在海口外即屬中國貨物洋商不得販運護送禁約至為嚴密洋單運貨之行夥即屬洋商該船附載洋藥情形與護送相同未便通融滋流弊可否申明定章凡洋藥一經離口領有分運單果欲搭載取便祇能附趁華民船隻不准與洋單洋貨同載倘有違犯比照護送之例酌核發落即

將單內洋藥罰半充公以示懲儆其並無驗單即屬私販以及實有外國人護送者仍照定章全數充公庶
辦理較有區別

一華商分運洋藥請有驗單經過皖北局卡能否免捐一節查鎮江洋藥分局始於同治三年上海洋藥總
局陳編修會商許前署道議擬開辦章程內有沿江各口岸一律照驗放行等語呈明前督撫憲李 核准
刊入驗單給商領運沿江二字所包甚廣是否專指本省抑凡屬沿江大省局卡均准照驗並無明文同治
七年蔡前道在內曾准皖南釐局咨據蕪湖卡員稟有清記棧商裝運洋藥赴九江銷售經過該卡持有鎮
江分局驗單不肯完釐移詢到關即經蔡道抄錄前定沿江照驗章程移復嗣後該省如何辦理未能得悉
惟洋藥一項祇准在通商海口本府所屬免其重徵一出本府交界即由地方官設法辦理復查上海洋藥
局所發分運單經過松府各卡照驗免捐其運至隔府隔省仍當照章報納鎮江分局事同一律擬請明定
章程嗣後華商領單分運經過本府沿江局卡准其照驗放行一經出境無論分運何處均應遵照各該地
方向章聽候查報不在驗照免徵之例並請將此條添註單內以杜影射誤會之弊同治九年 月鎮江關
道裕源釐局會詳 南洋大臣李 奉批准通飭試辦

南洋大臣札行案照洋商領有單照雇用華船進入內地買賣如有華客搭載貨物並洋藥一項既在一船
華洋多有纏繞經過內地釐卡如何分別辦理飭據裕源釐捐總局司道及鎮江關道會議罰辦章程當經
札行蘇江安三省牙釐茶捐各總局通飭所屬各局卡一體遵照並因此項罰款總以歸公數目多於給賞
之數飭取各局向定充賞章程錄送核奪在案茲據各總局將充賞章程先後申復前來查核各局所收罰

款向定充營成數未盡劃一內惟蘇省松滬牙釐兩局係定以二成給賞八成充公辦法最妥嗣後內地各局卡查有前項船貨並洋藥一項滋生弊端按照章程應收罰款即以二成給賞八成充公所有充公之數無論銀錢均隨正款報解不得挪移別用仍於起解時開明數目另文具報本通商衙門備查此係專為洋商請領單照雇用華船進入內地買賣經各該釐卡查有華客搭載貨物匿不報明並同在一船之洋藥滋弊而設務須妥細查辦其各局卡茶釐百貨應收罰款仍照向章辦理無庸牽涉除分別札飭知外合行通飭札到該總局即便轉行所屬各局卡一體遵照同治九年十二月二十六日札釐捐總局

美商土船裝運煤炭石膏匿單少報照約罰辦

江海關詳竊照同治十一年四月初八日據武穴總卡委員試用同知成性存稟稱美商公泰滿江紅船由漢過卡該船呈出照單內開煤一千三百二十擔石膏三百九十擔隨巖訊押船人邵富德船戶胡德元供詞支吾並不將艙口貨單呈出當即眼同邵富德等逐一過秤計多出煤炭一千零八十擔石膏多出七十擔即將單外之煤炭石膏全數起卡稟請核辦並據稅務司馬福臣來函以武穴查獲該船多出之煤炭石膏應行充公各等情前來當經飭據該卡委員即將邵富德胡德元押解來關訊據邵富德供稱因接上海公正洋行來信囑買煤炭一千三百二十擔石膏三百九十擔運赴上海均美商公泰行出具保單報關完稅所有多出煤炭石膏實係伊自匿漏報之貨只有買過這一次求恩從輕罰辦等供伏查總共章程第六款內載凡有洋商雇用內地船隻運貨令其呈具保單如貨單不符照報單內註明之銀數罰辦又善後條約第七款如有匿單少報等情將單內同類之貨全數入官等語是公泰洋行土船多裝煤炭石膏既據該

卡查驗屬實且提訊邵富德供認私帶不諱殊屬違約匿稅以一船而少報一千百餘擔之多實係有心偷漏即應照約查辦將同類之貨全數充公以示懲儆惟所雇之滿江紅船隻吊驗寫船交單有頗正有船棧戳記提訊屬實非公正自己之船且研訊船戶胡德元尙無知情夥帶情事交保以省拖累一面札飭武穴總卡委員將同類之貨全數起卡聽候變價充公並照復馬稅司照辦去後嗣據稅司函稱有商人金德貴願將充公之煤炭石膏如數買運議定洋例銀四百五十兩合庫平銀四百十三兩七錢九分七釐報裝海甯船出口仍遵武穴查驗煤炭二千三百八十擔石膏四百六十擔完清正稅轉運上海其稅項價銀當據交清函請轉飭武穴總卡委員一俟海甯船到卡即將前項煤炭石膏一併發交領運等因經飭據該卡委員稟報遵將充公之煤炭石膏如數發交海甯船領運取具該商金德貴領狀並將滿江紅船土船所領單照呈齊前來除將押船之邵富德交保開釋並將煤炭石膏變價銀兩充公造報外相應具文詳請查核

同治十一年六月二十三日詳湖廣督院

洋商運洋貨入內地無海關稅單照納內地稅釐見子口稅 以上並通商章程成案彙編

右長江稽罰

改訂中俄陸路通商章程第八款見海船通商章程門

改訂中俄陸路通商章程第十七款見海船通商章程門

續議通商條款第九條之一見海船通商章程門

會議越南邊界通商章程第十條見海船通商章程門 以上各國通商條約

頒行發給陸路俄商三聯單章程見啟運類

俄陸路通商詳辦章程十二條

一俄國陸路通商章程自第一款至第八款皆指運洋貨入內地而言是以註明以上進口事例字樣自第九款至第十五款皆指買土貨回國而言是以註明以上出口事例字樣洋貨土貨辦理不得牽混進口出口分晰務宜清楚

一凡物係外國所產皆名曰洋貨係內地所產皆名曰土貨陸路通商章程進口事例所謂進口者係指進恰克圖口也係指洋運而言出口事例所謂出口者係指出恰克圖口也係指土貨而言若買土貨運出海口及運土貨入內地銷售即與陸路章程無涉即應照各國總例及各口通共章程辦理

一俄商運洋貨前往天津路經張家口務須於該貨甫到口未入店之先照第三款迅速點數抽查驗照蓋擬以防該商入店後暗地更換貨物其在口酌留十分之二須照第四款認真奉行驗發准單方准其銷售

一俄商在張家口買土貨回國須按照陸路章程第十二款在張家口交一子稅但此款係專指在張家口買土貨由恰克圖運行回國而言其由張家口買土貨運出海口則應照各國總例辦理與陸路章程無涉

一俄商在張家口買土貨運出天津海口並非由恰克圖回國則應照各國總例於未買貨之先預由天津海關請領報單運照外各口運費式樣各一紙各口通共章程一件可詳查閱至於如何查驗運貨之處可查各口通共章程第四款辦理如無報單運照應照通關納稅之例照內地華商一律辦理亦不准其在未出天津海口之先即在內地販買凡在內地買土貨只准出海口或由恰克圖回國不准在內地轉

買各國糖例如此非復進口之土貨可比也如有海關報單運照則在張家口買貨地方係第一子口不應收稅只准照單驗貨於運照內註明貨色名目件數並運往某海口不准在內地銷售字樣沿途查驗蓋戳放行均不得發給新定三聯執照緣新定三聯執照專為俄商在張家口買土貨由恰克圖陸路回國而設該商既係運出天津海口則自應照通共章程在天津領取報單運照各按各例不得牽混

一俄商由南洋各口買土貨運津從陸路回國凡在天津交過復進口半稅領有免重徵報單路經張家口務須照陸路章程第十款實力稽查倘有沿途銷買及繞越行走等弊貨色件數與執照不符應將該商貨物全行入官其弊端係何處查出其貨物即歸何處入官充實查出之人若該商到恰克圖查有在張家口私賣情弊而張家口未經查出即惟張家口是問

一俄商由南洋各口買土貨復進天津海口運入內地銷售則天津關即不應發給新定三聯執照既無三聯執照則應照土貨離口販賣之例逢關納稅過卡抽釐其抽收釐稅之法儘可照內地華商一律辦理不必因係俄商稍涉寬縱

一俄商在張家口賣土貨運出各口後復由各口運回天津入內地銷售如前次牛皮之類並無三聯執照亦應照離口販賣之例逢關納稅過卡抽釐

一只准洋商在內地買土貨運出海口不准其未出海口即在內地轉賣者實恐奪華商生計也其土貨既出口復進口即准其照逢關納稅之例入內地銷售者因其置貨時已在最後子口交一子稅出口時已交過正稅復進口時又交過半稅層層稅課而又於入內地轉賣時令其逢關納稅過卡抽釐與華商納稅事

圖一律不礙華商生計

一俄商運洋貨由恰克圖進口路經東壩通州須按照陸路通商章程內進口事例第三款認真查驗蓋關放行倘有拆動之處務於照內註明以憑查核不得因東壩通州無稅可收遂視爲具文僅以鈐蓋戳記爲了事倘不認真稽查到天津時有拆動情形而照內並未註明若詢係在東壩通州地方拆動即惟東壩通州是問

一俄商在通州買土貨由陸路運恰克圖回國應按照陸路通商章程內出口事例第十三款預先報明東壩由東壩收一正稅發給新定三聯執照

一俄商在張家口買土貨運出海口路經東壩通州查無報單運照應照逢關納稅之例照內地華商一律辦理倘有沿途銷賣情事應即罰辦如有報單執照則查驗放行概不收稅以上並通商章程成續彙錄

右陸路稽罰

皇朝政典類纂卷一百九終

皇朝政典類纂卷一百九終

皇朝政典類纂卷一百十

征權二十八

洋關稅則改運 長江改運 陸路改運

英約第四十五款見條約類

煙臺會議條約第三端之五見條約類

續護煙臺條款之三見條約類

喘喚哪喊約第二十條見條約類

美約第二十一款見條約類

法約第二十四款見條約類

布約第二十六款見條約類

丹約第四十四款見條約類

丹約第四十五款見條約類

荷蘭約第十款見條約類

日斯巴尼亞約第四十一款見條約類

日斯巴尼亞約第四十四款見條約類

比約第三十四款見條約類

比約第三十五款見條約類

義約第四十四款見條約類

義約第四十五款見條約類

奧約第三十款見條約類

奧約第三十一款見條約類

葡約第三十五款見條約類

日本行船通商條約第十款見海船通商條約門

日本行船通商條約第十三款見海船通商條約門

中法會議越南邊界通商章程第八款見海船通商章程門

改運貨物務須單貨相符當時呈驗執照

總理衙門咨茲准咨呈近日各國商人載運貨物來津其有免單者往往照與貨相離無從查驗等因又准咨呈粵海各關所發英商免單內有華國華商字樣各等因前來除免單內華國華商字樣實屬錯誤已飭該監督查明更正外其由別口運來貨物查條約四十五款載英國人運貨進口既經納清稅課者凡遇改運別口售賣須稟明領事官轉報監督官委員驗明實係原包原貨查與底簿相符並未拆動抽換卽照數填入牌照收執俟進口時查驗符合卽准開驗出售免其重納稅課如查有影射夾帶情事罰貨入官等語近日各國貨船進口並不將執照當時報明呈驗甚至遲至數月方將執照呈繳以至數月無從查核且單貨數目亦有不符之處易啟影射偷漏之弊並與條約不符相應咨行查照務須與署總稅司赫德費士來悉心商酌設法稽查該署總稅務司向來辦事可靠自不致稍存偏護遇事推諉倘查有照貨不符及免單後到者卽應按照條約罰貨入官以杜諸弊所有原呈執照仍行發回以憑辦理可也咸豐十一年六月十一日咨三口

洋商運土貨復進他口征收復進口半稅并復進口後如運入內地津關紙稅遇卡抽釐見子口稅

復進口土貨半稅均應於所進海口呈交不准於所出之口預納見子口稅

遺失稅單仍徵正半稅見子口稅

改運單貨相離照貨收稅發給收據他關所完之稅仍給存票

總理衙門咨茲准咨稱三月二十一日有公易行商人改運洋標布五十包並密安士行由嗎達安末釐道故庇難那一船載來貨物均係單貨相離本關已飭照貨納稅發給收稅執照令本商向原口請換存票並

希轉咨江海關嗣後遇有改口貨物查驗相符即日發給免單以符定制等因前來本衙門查洋商改口貨物必須單貨相隨方能稽查周密若單與貨離自應照貨收稅以示限制除照咨辦理通商大臣薛轉飭遵照外相應咨覆同治元年四月二十三日咨三口

又咨同治元年九月初三日准署總稅司赫呈稱查春間英國駐紮天津孟領事出示飭令各商遵照以凡有貨物進口若進口時未帶有免稅等單則須完納稅餉若據該商赴關稟報其進口稅已在彼口完清即由津關除令其再行納稅外另發給收稅單一件該商收執以便日後向彼口之關取回前次所交之銀兩等情去後查疊有已在彼口完清進口稅之貨到天津而未帶有免單即由津關令其納稅並發給收稅單以憑取回銀兩惟彼口因無總理衙門明文至今不肯發還所收之銀兩以致各該商喫虧理合呈請由總理衙門行文通商大臣薛轉行飭令各該關凡有各商如執津關所發此等收稅單向關稟請領回銀兩即由該關立刻發給存單以抵日後應完之稅實為公便等因前來本衙門查天津關進口洋貨及復進口土貨若進口時該商未曾帶有別口完稅實據該關自應分別征收進口稅銀如實係上海等處改運之貨而免單到在該貨進口之後津關業已收其進口稅銀自應發給收稅執照飭令該商將原領免單帶回原口請換存票茲據該署總稅司呈請行文薛大臣轉飭各該關凡洋貨執持津關所發之此項收稅單向關稟請領回已發免單銀兩即由該關立刻換給存票以抵日後應完之稅所請自應准行應由薛大臣轉飭所轄各關一律查照辦理相應咨行同治元年九月初六日咨三口

完復進口半稅土貨限內出口准給存票不現銀

總衙門咨查土貨復進口半稅咸豐十一年本衙門所定通共章程第五款內開洋商由長江口岸運土貨回上海若係洋商由內地自販之貨已在長江完一子稅卽有過卡實據可憑如在本江口所買之貨卽係已由他人交過各內地稅則在長江下貨時均不必在長江各口完稅俟到上海進口時交長江出口之正稅並先將一半稅存在銀號如在三箇月限內出口運往外國確係原包原貨並無拆動抽換情形卽將所存之銀交還如在上海銷賣或逾限未出口卽將所存一半稅入帳作爲復進口之稅或限內出口有拆動抽換情形除將一半稅入帳外仍另納出口之正稅等語又同治元年本衙門更定長江通商統共章程第五條內開凡有江照之輪船裝載土貨須由該商在裝貨口先將正半兩稅一併完清方准裝貨俟該貨抵上海若在三箇月限內復出口前往外國應由該商赴江海關請領執照作爲該貨已往外國之實據執照呈交江漢九江鎮江關則可將該商所納復進口半稅發給存票以抵日後應完之稅但欲往外國之貨抵上海之時亦應報明等語是長江章程既經更定所有復進口土貨半稅如該貨實在限內出洋應行發給存票不應再遺現銀況現在復進口土貨出洋限期業已改爲一年如在一年限內出口經該關查驗實係原包原貨並未拆動抽換其件數斤兩俱與原報之數相符應將所完半稅查照長江統共章程填發存票給該商收領以抵本關後稅無論何口均應一律辦理除飭行各總稅務司轉飭各口稅務司查照外相應咨行轉飭各關自奉文之日起所有收過洋商復進口土貨半稅如在一年限內出口均應一律填給存票不得再遺現銀同治二年六月初四日咨南洋

進口土貨逾限復運他口仍完正半兩稅見子口稅

復進口土貨按照出口原估稅單征收一半毋庸另估見子口稅

議定租界洋貨免釐及存票改限各開辦日期

總理衙門咨光緒二十二年十一月二十九日據赫總稅司申稱奉到開辦現與德國巴大租界內免其抽釐及發給存票准以三十六箇月爲限各國開辦日期並存票換銀當押等因前來除由本衙門照會各國駐京大臣外相應鈔錄赫總稅務司申復咨行卽年十二月咨_北洋

附錄赫總稅務司申呈

爲申復事奉到本年十月二十七日鈞劄內開本衙門現與德國巴大臣面議洋商出內免其抽釐及發給存票准其以三十六箇月爲限各開辦日期准巴大臣面稱曾經應將開辦日期開列於後

一上海租界內不再抽釐

查新舊各口岸除尙未定有各國租界應俟會商書定再行將洋貨免釐一事定期開定有洋商租界凡有洋商進口真正洋貨無論賣與華商洋商自光緒三年正月初一

再抽收釐金

二存票定限
查凡有真正洋貨已完進口正稅後如欲運往外國實係原包原貨並無拆動抽換自

日起核計該貨進口之日到該貨出口下船之日在三十六箇月限內准其請領存票或將存票換取現銀
聽商自便其光緒三年正月初一日以前發給存票不扣限期准抵稅銀不換現銀

以上兩條除由本衙門照會各國大臣並通行南北洋大臣飭屬遵照辦理外相應飭行查照辦理等因奉
此當經由總稅務司通飭各口稅務司遵照並以存票准換現銀一節於小本商人不無裨益惟恐或有藉
此舞弊致於已收之稅銀易有虧損應由各關稅務司與本關稅務司議定凡有交存票換現銀應由該商先
行呈請稅務司驗明蓋印畫押後方准執赴銀號取銀一面由稅務司在存票冊內註明並按日開單封送
銀號備查此項存票既由稅務司印押後只准取換現銀不准抵完他稅以免參差至如何確驗印押無誤
之處應由稅務司會同銀號商訂又以天津牛莊兩口現值冬令船隻暫停往來該二口倘有洋貨運往外
國而其進口時已逾三十六箇月限外者應准由該商於光緒三年正月初一日以前報關俟開河後從頭
船到時核計若該貨在十五天限內下船出口即可發給存票各等語行各口一體遵照均合備文申請
並請照會各國駐京大臣爲要

江海關界洋貨免釐及存票改限辦理情形

江海關界奉天樺大臣劉准總理衙門咨本衙門具奏上海租界免釐及存票定限開辦日期一摺光緒二
年十月二十八日具奏本日奉 旨依議欽此抄奏咨行遵辦並奉抄奏內開光緒三年正月初一日爲始
在上海租界內洋商售賣洋貨不再抽收釐金洋貨進口已完正稅在三十六箇月限內仍往外國准其請
領存票並准其以存票換取現銀其光緒三年正月初一日以前發給存票不扣限期准抵稅銀但不准換

取現銀等因奉經移行遵照並將辦理情形節次稟報在案所有上海租界洋貨免釐一事洋藥不在免釐之內與土貨釐金均仍照常抽收當由松滙釐局與海關出示曉諭其洋貨入內地無關完納子口半稅者由新關及南北兩卡驗貨委員認真查驗實係真正洋貨始准填給稅單起運以杜夾帶抽換之弊倘各口運入內地之貨照此稽查除洋貨已完半稅領有稅單者沿途免釐外其餘土貨及未完半稅之洋貨一切釐捐尚應照常抽收向來上海洋貨運入內地稅單由道署填給此次改派委員分駐新關及南北兩卡隨時驗貨核實填發凡各商報關完半稅後先由新關稅務司函致道署核對進口船號貨數相符照填赴卡換單之票送交司稅給商持往南北兩卡呈候委員驗明票貨相符換填稅單給發該商運往內地銷售倘商人有將運入內地之洋貨載赴新關碼頭請驗者即由司稅派撥扞手隨同委員查驗相符再由司稅函致道署照填稅單送關給商執運並於稅單之後照填驗單一紙由首經第一釐卡查驗截留繳道以便比對單根而免弊混至洋貨進口完稅後復往外國准領存票換銀一事當即函致稅司自光緒三年正月初一日起進口洋貨有在三十六箇月限內運回外國者將進口稅銀給還存票准換現銀其三年正月初一日以前進口洋貨運往外國者所給存票不換現銀此等出口洋貨必須由委員查驗實係原包原貨並無拆動抽換方准填給存票旋接稅司吉羅福覆稱洋貨改運外國不論何時進口自三年正月初一日起報關出口原貨核計進口日期在三十六箇月限內者准發存票換取現銀各商有以存票領現銀者由司稅加押蓋印知照銀號給領等因嗣奉行准總理衙門抄發赫總稅務司申覆存票准換現銀一節應由司稅蓋印書押後方准赴銀號取銀核與吉司稅所言相同伏請總理衙門照會各國公使稿內敘明真正洋

貨完進口正稅後如往外國實係原包原貨自光緒三年正月初一日起核計該貨進口之日到該貨出口上船之日在三十六箇月限內准領存票或換現銀等因是換銀存票並未專指三年正月初一日起進口之貨吉司稅讓洋貨改運外國不論何時進口但從三年正月初一日起報關出口洋貨如核計進口日期在三十六箇月限內運往外國准給存票換銀倘可照辦惟存票既准換取現銀則原貨出口之時必須確切查驗方免影射滋弊是以由道專派委員駐關遇有洋貨報運外國由稅務司知照委員帶同扞手人等前往查驗確係原包原貨並無拆動等弊方准將前完稅銀給還存票換取現銀倘有情願抵完別稅者亦准作抵商自便一面將存票另刊新板註明准換現銀字樣給商收執並於票後加刊銀號諭單交號稽核以示區別所有存票換給現銀數目按結截算彙總開報即在現收正稅內扣除俾昭核實合將稅單諭票及存票諭單各式彙送仰祈察核示遵并請咨明總理衙門查照實為公便再吉司稅示稿照錄附呈光緒三年正月稟北洋大臣洋貨存票式已列單照類

洋煤進口稅銀請給存票

總理衙門咨案查洋煤進口稅銀請給存票一事本年五月間准咨據江海關稟報各情本衙門以此事未據該總稅司申呈並未核准有案先行咨復並劄令總稅務司查明聲復據稱凡已完正稅之洋煤復行下船不問白用出售一概發給存票等因本衙門旋即轉行貴大臣飭查核復現准復稱據江海關稟向來洋貨進口完稅後復將該貨運往外國准將前完進口稅銀給還存票其改運中國通商別口者或請免照或以請存票聽商自便倘未請免照之貨運抵通商他口則須在他口照則完納則此口請領存票者他口仍行

稅查船用煤向准免稅各洋煤進口完稅後復於限內裝船出口運往外國則前完進口稅銀請給存票倘運往通商別口未在進口之關請領免照則別關亦必照則收稅是出售之煤無虞漏稅滋弊赫總稅司所議不問自用出售一經裝船轉運概准給還存票尙與稅課無虧似可照議辦理惟須飭令總稅務司通飭各口稅務司如遇洋煤到口起岸並無中國通商各關收稅免照早驗者一律收稅以昭核實等因本衙門查核江海關道所稱係照約章辦理尙爲周到除飭行赫總稅司轉飭遵辦外相應咨行轉飭各關查照辦理光緒三年十二月咨^北洋以上並約章分類輯要

右改運

通商各口通共章程第五款

洋商由長江口岸運止貨回上海若係洋商由內地自販之貨已在江口完納一子稅卽有過卡實據可憑如在本江口所賣之貨卽係已由內地人交過各內地稅則在長江下貨時均不必在長江各口完稅俟到上海進口時交長江出口之正稅並先將一半稅存在銀號如在三箇月限內出口運往外國確係原包原貨並無拆動抽換情形卽將所存之銀交還如在上海銷賣或逾限未出口卽將所存一半稅入帳作爲復進口之稅或限內出口有拆動抽換情形除將一半稅入帳外另納出口之正稅各國條約

長江改土貨出口限期見子口稅

核定出口土貨拆動改裝章程

總理衙門咨前准上海大臣將江海關道應寶時與新關稅務司日意格參酌新總稅務司所議土貨改裝

章程四條並單式等件咨請核辦當經本衙門劉亥赫總稅司詳細核覆去後茲於同治四年十一月三十日據該總稅務司申稱遵查所議章程四條及准改單式詳細周妥均屬可行惟既有罰貨入官之條款應請行文各國大臣轉飭該口各領事遵辦等因申覆前來除由本衙門照會各國大臣外相應抄錄章程四條並單式一紙咨行同治四年十二月十二日

一洋商凡有土貨於復進口時先由該商報明係日後復出口之貨給單起卸倘因包箱式樣不合必須改裝者該商赴關報明派人眼同查驗所請改裝者如實係本關進口原貨並無情弊方准給發准單擬撥杆子手赴行監視拆改若在一年限內復出口時該商檢同改裝准單赴關報明係某日由某處進口某日請單改裝之貨如原來二包改作一包者即以原驗二包之斤重為準如原來一箱改作數箱者即以原驗一箱之斤重為準斤重相符准作為原貨出口毋庸再納出口正稅並將暫存半稅照章給還存票或給執照飭回原口計銷保結所有給票給照總在原定原貨出口一年限內給發倘該商報明出口時改裝之貨斤重比前溢出即非進口原貨除所完半稅不准給還並保結不准註銷外仍令照完出口正稅以昭核實而杜影射

一凡有商人將復進口土貨並未稟明本關給發准單私自拆包改裝一經查出除將所存半稅入帳俟日後復出口仍令另完一出口正稅

一凡商人私自拆改包件內載他物或已請准單於改裝時抽換別貨混以原貨出口報關請下船准單時被關戶驗查出立將所報復出口之貨全行入官

一領有改裝准單之貨將來出口時如係全數運出本關即將原單收回於給發長江半稅執照內將該貨改裝件數原係若干件一併註明如未全數運出即將現在運出改裝若干件原係若干件批明單內仍還該商收執本關於給發執照內亦將現運出之改裝若干件係在原數某某件內若干件之所改註明以備原口稽查所有該商繳還改裝准單由關按月送署計銷

又咨前據赫總稅務司申稱遵查所議土貨改裝章程四條及准改單式詳細周妥均屬可行惟既有罰貨入官之條應請行文各國大臣轉飭該口領事遵辦方無掣肘等因當經本衙門於同治四年十二月內照會各國公使並知照貴大臣在案茲准英法俄美布五國公使均以章程可行已飭知各國領事官曉諭各商一體遵照等因照覆前來相應咨行轉飭各關口一體遵照同治五年正月十一日咨南洋以上並約章分類輯要 互見海船通商運貨事例

右長江改運

改訂中俄陸路通商章程第六條見海船通商章程門

改訂中俄陸路通商章程第十條見海船通商章程門

頒行發給陸路俄商三聯單章程

總理衙門咨本衙門查俄國陸路通商章程俄商由恰克圖販洋貨赴津須有俄國邊界官及恰克圖部員蓋印之兩國文字執照限六箇月到天津繳銷由天津販土貨回國須有領事官及天津關蓋印之兩國文字執照由張家口通州買土貨販運回國須有張家口東壩兩處蓋印執照均限六箇月到恰克圖繳銷立

法本極周密現在各關雖已照章辦理惟收發均不由本衙門經理偶遇各關所報稅數有彼此不符之處本衙門即無從稽查因思本衙門為洋稅總匯之所豈可聽其漫無考核現在再三斟酌議定三聯執照辦法以為各關互相箝制之具不但以後各關所報稅數可期不致參差並洋商如有繞越偷漏等弊亦可一覽而知無煩詰問本衙門現已與俄國駐京公使議定將此項三聯執照刊刻刷印編定字號按照俄商陸路所經各關分別發交各關收到後即於同治三年二月初一日起一律照辦除照會俄國公使轉飭該俄商遵辦外相應發去新刊三聯執照咨行轉交該關委員查明號數收領以備應用其如何填寫稅數以及蓋印加印並截留彙送本衙門各章程均已詳載此項執照之內務飭各該員悉心閱看明晰方不致有錯誤其照內不能備詳之處另開清單九條粘附文後亦希轉飭各該員細加閱看以便照辦同治三年正月咨三口

一此項執照係過一關截下一聯如到此關而前關未經將應裁之聯截下或已截下而無前關騎縫印信即係該商繞越務即扣留照章罰辦該商無可狡執各關亦不可含糊

一照根及各關應行截留之聯務須從其字第幾號字樣中間裁截使號數等字前後聯各留一半以備本衙門湊合比對不可整字裁去轉致無從稽核

一此項執照與邊界官領事官原照粘連之處須將三聯照內所載某字第幾號字樣騎縫填明並加蓋印信一顆以防更換如執照由津關發給即由津關加印如執照由恰克圖發給即由恰克圖加印不可遺漏一照內所填寫稅數須與邊界及領事等官原照一律不可稍有參差如原照所填只係貨物總數此照

內仍應查明細數分晰開載但總數不可不與原照相合

一此項執照除張家口東壩俱無邊界領事等官原照可徑行發給外其天津恰克圖均係粘於邊界官領事官所發原照之右其粘連處務須設法使之堅固緣俄國照紙明滑恐粘連不固該商長途攜帶日久或致脫落轉滋意外之弊

一嗣後各關領取此項執照只須備文請領本衙門由驛發遞不致遲誤一切使費俱無各關亦不必專差赴領以省盤費

一各關監督滿任交卸之時必須將任內經手所領三聯執照若干張用過若干張存剩未用若干張造具清冊移交後任一面申報本衙門查核後任按數接收亦即申報本衙門查核

一查陸路章程第三款內載各關查驗執照不得過一箇時辰等語所有俄商經過各關務須嚴飭查驗員役人等不得刻離該卡務須隨到隨查不得有意刁難遷延時刻致令該商藉口其應蓋印信亦須速為蓋用如無印信之處即將所用戳記加蓋亦可不必拘泥

一執照內年月日期凡發照之關均就發照日期填寫某月某日某處發其經過各關日期即於發照日期之下接寫某月某日經過某處字樣以備查對以上並約章分類輯要 互見海船通商陸路商務門

右陸路改運

皇朝政典類纂卷一百十一

征權二十九

洋關稅則免稅

續議印藏條款第四款見條約類

德續約第七款之一見條約類

德續約善後章程第八款見條約類

改訂中俄陸路通商章程第十四條見海船通商章程門

改訂中俄陸路通商章程第十五條見海船通商章程門

英通商章程第一款見海船通商章程門

美通商章程第一款見海船通商章程門

法通商章程第二款見海船通商章程門

會議越南邊界通商章程第十三款見海船通商章程門

布通商章程第一款見海船通商章程門

丹通商章程第一款見海船通商章程門

比通商章程第二款見海船通商章程門

義通商章程第一款見海船通商章程門

奧通商章程第二款見海船通商章程門

洋船載運黃銅片稅分別征免見稽罰類

核定客船行李免稅貨物拖帶輪船三項章程

總衙門咨案查同治五年正月間據赫總稅司申呈
台口有各應辦之事於中外均有裨益開具章

程四條請爲核辦前來內載引水一款經本衙門與赫總稅司議定章程十五條照會各國駐京公使均無異議業於本年五月初三日照錄一分並抄各國照覆咨行轉飭各口照辦在案此外章程三條復經本衙門照會各國駐京公使亦無異詞相應抄錄五國照覆各一件並章程三條咨行通飭各口及各國領事官一體遵辦同治六年六月初四日咨各省

一凡有商船進口搭船之人客應俟杆子手上船方准將行李起岸倘有未遵應將該船艙工議罰以專責成若杆子手所起行李內有違禁漏稅物件該客人如願自行打開備查如不願查卽由杆子手將該件扣留送該關稅務司限該客三日內赴關眼同開看如逾限不到請由關上開驗倘查有或違禁或漏稅之物除將扣留之件全行入官另將該客議罰

一凡有船進口除客人行李外倘裝有善後章程第二款所載免稅各物須俟該關發給開艙准單方准起出倘有未領准單之先自行起卸或已入駁船或已起上岸一經查出除將所起之件入官外另照條約明文罰該船艙工銀五百兩至各省免稅物件該船艙口單均須註明貨主亦須照納稅物件章程先請起下貨各准單並將該貨赴關邊驗方准分別入棧下船

一通商各口凡有拖帶船隻之輪船應將船牌存領事官署內由領事行文報明係拖帶之輪船並無裝貨來往等事由該關將船名登簿該船平常拖帶進出毋庸赴關稟明亦毋庸請稟出口紅單倘欲赴通商別口仍須照條約定章赴關請領紅單赴領事官署內取回船牌若有此等拖帶輪船私赴別口未在原口領有紅單應將該船罰銀五百兩該船每四箇月完納船鈔一次如有私帶貨物或偷漏稅餉一經查出除將

貨物入官外應由關於拖帶簿內將其船名刪除嗣後須照條約明定洋船之例時行報關請領紅單辦理
布商織貨免稅并附辯證洋漢文

總理衙門咨同治六年七月二十九日據布國公使照會內稱上海泰安洋行去歲以一項繡貨進口海關
使其按值百抽五之例納稅上海本國總領事官因此等繡貨按布國條約通商章程第二款內載作爲免
稅請飭海關使該繡貨卽係阿的戈得大必司里免稅進口等因當經本衙門咨交赫總稅務司查明聲覆
並照復布國公使在案茲據赫總稅司復稱查明阿的戈得大必司里委係約內載明應免稅之貨並請咨
知各關除英約第二款內載應免稅貨物外其布約另載有應免稅之貨阿的戈得大必司里卽係繡貨凡
遇此等繡貨進出口均應一體免稅等因申覆前來本衙門查此案既經該總稅司查明阿的戈得大必
司里實屬約內載明應免稅之貨自應將所征稅銀還發該商收領至布國照會內稱利銀一節應毋庸置
議除由本衙門知照上海通商大臣照會布國公使並咨知總稅司一體查照外相應鈔錄申陳咨行轉飭
各口遵照同治六年十二月十六日咨三口

附錄赫總稅司申呈

爲申呈事布商泰安洋行繡貨一事日前由貴衙門將布大臣十月初九日之照會函送到本司業經詳閱
竊查該江海關誤以布國善後條約第二款法文所載阿的戈得大必司里字樣與漢文所載之藍字其物
似屬一類是以飭泰安洋行將運進口之繡貨照值百抽五之例報稅現據該商向該駐京大臣稟稱阿的
戈得大必司里與繡貨一類應歸免稅之例請將所完之稅銀連本帶利一併發還等情按法國所定字典

大必司里之意係以針穿絨線或絲線金線在紗中上下針穿繡物有以手持紗而繡者亦有以木架將紗繡緊而繡者等語既以該字典講義爲憑則江海關此次誤收繡貨之稅自與條約所載以上各物進出口皆准免稅之例不合自應將誤收之稅由該關發還飭交該商領取惟所請連本帶利發還一節查條約內載凡有辯論之處自應照條約第五款以法文爲證而第五款載明有至於現定和約章程用中國文字並德意志字樣合寫兩國公同較對無訛數語江海關當以洋文之阿的戈得大必司里字樣與漢文之氈字實屬一類是憑條約之合寫無訛辦理豈得謂有違悖條約處耶蓋既屬兩國大臣商定其洋文漢文定已同歸於無訛該關以一屬員豈能另出已見致違兩國大臣已訂之約耶江海關以爲若氈字與大必司里字樣實屬一類則繡貨既非氈貨其非條約所指應免稅之大必司里可知也且英美兩國前數年所定條約均載有氈字而英文美文所譯之加巴丁之樣實屬氈類並非大必司里是以江海關更以該商之繡貨未便照免稅氈貨辦理飭照值百抽五例納稅一面請駐滬總領事將辯論之處詳駐京大臣再爲商訂查江海關所辦各節實爲正辦且既照章辦理並恐猶有不合之處復請總領事詳駐京大臣再行商定亦屬公便況既經詳明駐京大臣繡貨卽大必司里之類應行免稅則漢文之氈字卽英文應譯爲加巴丁之貨名而加巴丁與大必司里實屬兩類其氈字則不能譯作法文之阿的戈得大必司里之用以致條約之駁訂無訛一語爲非而易生誤會江海關起初之不肯免繡貨稅者其誤實出於該條約洋漢文較對無訛之故也至該商因本失利而喫虧一節試問其利用中國賠平伏思當時原係布國來至中國請訂條約一則其在事傳話之人均係布國所派之人中國並無一官約內洋文中國無人可識三則中國商訂修約之大

臣並無另有他議皆照前所訂約相同因此倘該約內有另行立異之處自係出自布國商訂大臣之意四則中國未設繙譯之官並無識洋文之人條約雖有公同較對字樣然詳核字字均符並亦無訛其責重專宜在布大臣繙譯身上以上四節中國官照約內漢文辦理施行倘遇略有誤會之處則布國似不必急切卽如以氈字當大必司里作用布商順約貿易而喫虧其喫虧處似難以向中國是問然則應何國賠補乎實係布國而無疑也再布國與中國所訂之約第一因欲立定友睦之誼且條約之大意係遇有不洽之事應竭力勸慰汀海關本執有繙貨不准免稅之原委復仍請駐京大臣商訂其所辦則卽勸息之意若如該商請本利俱還豈知征稅者原係因條約有載明無訛而始收其稅而其中既猶有存訛之處則帶利發還似覺有見責之意茲繙貨已查明係大必司里所納之稅自應發還惟論條約商定之情形並所載較對無訛之明文及漢文用氈字作爲大必司里之錯處各節則利息應在布國發給倘必須中國發還則似謂中國有故違定章並有失約責罰之意也總之江海關既係將應免之貨物征稅則應照數發還惟帶利發還一節實有不合之處礙難照行專此備申卽請查奪十一月十七日以上並約章分類輯要

洋碱進口免稅

總理衙門咨同治十二年三月二十八日准咨據江海關稟稱西洋國商人通源報有洋碱一百件進口免稅轉運蘇州完納半稅請填內地稅單轉給等因當查善後條約第二款所載免稅各物係指洋商自用者而言今通源行洋碱有一百件之多運入內地係屬售賣自應補完進口稅銀卽經援案兩復去後該商因須補完進口正稅並未運蘇旋將已完半稅請給存票事遂中止茲據狄稅司來函接赫總稅務司核覆通

源行洋碱係列名免稅之貨無論運進多少賣與何人皆不能征其進口稅銀等因究竟應否補征職道未
敢擅便理合稟祈咨請 總理衙門核覆飭遵前來本衙門查前因英商飛龍行德國世昌行運有奶油手
套等物進天津海口請發存票經本衙門札交總稅務司查明應征應免據實申復嗣據復稱免稅各物通
商章程第二款載有明文其中諸物可歸免稅之類者共有三說一謂分件之物二謂例類之物三謂統括
之物此次商人所運奶油即章程內牛油之屬所運手套小鞋即章程內外國衣服之屬所運玻璃蠟臺即
章程內玻璃之屬是此兩案均係應准免稅之物又稱現在通商各口均係免本家本船用物之稅而於分
售與人之物除第二款內註明應免者外其餘雜物若非稅則載明納稅之物又非在免稅之例者均照值
百抽五之例辦理等語當經本衙門以該兩案既係與各口現在通辦之法相符自應一律辦理方可使商
人無可置喙已經咨行北洋大臣轉飭津海關道遵照並札復總稅務司在案茲西洋國通源行洋碱進口
一案查洋碱亦係章程內註明免稅之物與前次飛龍世昌兩行之案事同一律應照前案辦理惟西洋國
係未經換約之國祇准在海口通商不准將貨物運入內地以示限制相應抄錄總稅務司申呈一件咨行
查照同治十二年四月咨南洋

照錄赫總稅務司申呈

為申復事奉到同治十一年正月初八日札文內開同治十年十二月十八日二十三等日迭據威大臣照
會以天津英商飛龍行有奶油手套小鞋等物進口被關征稅一案請為繳還等因查英國善後條約第二
款內載外國家用雜物船用雜物等項進口通商各口皆准免稅等語所謂家用船用原指物係自用並非

售賣與人而言飛龍行手套小鞋等物查津海關接天津稅司函報均係售賣之物其非自用之物可知溯查同治三年廈門收黃銅片稅銀一案威大臣照稱係船塢用物請與免稅之上海各口劃一辦理當經本衙門查據上海大臣李復據狄稅司函稱此銅片指明係本船修船所用向照善後章程第二款船用雜物免稅如不指明何船所用以及船廠商人運進者向均征稅等語本衙門因札知總稅務司轉飭各口仿照上海一律辦理在案又同治六年間據布國李大臣照稱上海泰安洋行有掛簾進口係家用雜物按值百抽五之例征稅領事向關討銀一案總稅務司申復向辦之法凡某家某船運物進口係本家某船用物均應免稅倘係該商分售與衆人之物除第二款註明之物應免稅外其餘各樣雜物均應照值百抽五之例征稅如此實爲公平等語本衙門以此項掛簾既係進口銷售並非自行家用自應納稅照復布大臣亦在案且查上年十二月間南洋大臣迭送總稅務司請發各起存票清冊內開美公司代公司鞋子一件四十雙同治八年八月二十九日進口九年九月十九日出口運往東洋請還存票銀一兩二錢是鞋子一項上海進口收稅已有成案此案飛龍行進口奶油各物本係家用雜物之類而據報均係出售核與從前辦過黃銅片各成案情形相同此項稅銀究應如何辦理不致與從前辦過各案兩歧並以後遇有此等案件亦不致有窒礙之處相應札行總稅務司查核申復等因奉此溯查同治六年七月十九日上海布國商人泰安洋行掛簾一案經總稅務司申復文內稱向來辦法凡有某家某船運物進口係本家本船用物均應免稅倘係該商分售與衆人之物除第二款註明之物應免稅外其餘各樣雜物均照值百抽五之例征稅如此辦理實爲公平至泰安洋行掛簾之物據江海關費稅司申稱實係進口銷售之物並非自用之物是以合

其納稅並稱倘准此等雜物均行免稅則與稅課實無出入等語至應否令掛籬之物納稅當議訂條款之時本司實未在场未知條款中用意之所在惟布國條款查係費衙門大臣崇辦兩位大臣自係細心斟酌所訂應請由貴衙門將家用雜物船用雜物二語分別聲明方能定泰安洋行之案及免後來牽合之誤等語又查同治六年八月十一日泰安洋行緝貨一案經總稅務司申復內稱條約免稅章程本意凡係通商各口之洋人自用之件均應免稅則洋商運物進口雖係銷售若祇係賣與洋人即屬洋人自用之物既應免稅亦應禁止轉售於華民若係賣與華民似應另行納稅倘條約本意係按費衙門所解但分是用是實數語之意則泰安洋行之緝貨係進口售賣於人自應照值百抽五之例納稅善後條約第二款所載免稅章程原不明晰以致辯論嗣於同治八年修英國續約之時始將免稅章程改作兩款擬將家用雜物船用雜物分別開明以免牽混後因新議之條約尚未互換故所議未經辦就以致現在天津又有布國世昌洋行運手套玻璃蠟臺進口又有英國飛龍洋行運奶油手套小鞋等物進口被關征稅各商不服之兩案至札諭鞋子一項上海進口收稅已有成案一層總稅務司並未據該關稅務司將此案情形詳細聲報其所以然總稅務司無從知之若云因上海曾有鞋子完過稅銀亦飭將天津之奶油納稅如此立論似難服人自未便援引作為成案即以鞋子一項而論章程內載外國衣服進出各口皆准免稅等語若衣服二字包有鞋子在內則鞋子進口亦應按章免稅若云衣服為衣服鞋子為鞋子章程內並無鞋子字樣則鞋子進口均應納稅惟奶油與鞋子不同查免稅章程內載牛油進出各口皆准免稅等語則無論多寡無論自用或賣與人既經章內指明免稅是牛油一項應否免稅固無可辯論自應免稅其難云此次之奶油

照上次之鞋子辦理至免稅章程現在應如何辦理與以後應如何辦理兩層竊思現在應如何辦理一層查通商章程第一款內載凡有金銀外國各等銀錢麪粟米粉穀米麪餅熟肉熟菜牛奶酥牛油蜜饌外國衣服金銀首飾攪銀器香水磁炭柴薪外國蠟燭外國煙絲煙葉外國酒家用雜物船用雜物行李紙張筆墨麪鐵刀利器外國自用藥料玻璃器皿以上各物進出口通商各口皆准免稅等語若將此條款細核可知諸物之有一定可歸為免稅之物者若有三說可憑分爲三樣名目一所謂分件之物即牛奶油係已成物之專名二所謂例類之物如襪衫襪番通以衣服名之三所謂統括之物如糞以家用雜物而名之款內云以上各物皆准免稅若以第一樣分件而言是免稅之章固無難解之處此等物進出口無論件數多寡無論是否自用按章辦理似易指明爲應免稅之物如此而論飛龍洋行運進口之奶油確係章內分件指明之物自應免稅至第二樣以例類而言核之免稅之章亦不難解止應以已成用物者免稅不准以材料免稅是前在上海之鞋子倘係衣服例類既係成物之件自應免稅此次到天津之玻璃蠟臺手套小鞋均係例類內成物之件亦應免稅若以第三統括而論則家用雜物四字其名目不但免稅章程所指明之物在內即稅則內應納稅之物大平均可稱爲家用雜物是應否免稅不能因是否成件是否材料而訂凡有物件進口若該商以爲係家用雜物請免稅該關即應查明此物是否爲免稅章程內載之名目若載有其名則應免稅若其名未載於免稅章程內即應查明稅則內應納稅之物有此名目否若稅則有此名目此物進口即應納稅若此物並非免稅章程內載明免稅之物又非稅則內載明納稅之物該關即應查明是否自用之物或係賣與衆人之物若係自用者可按通商章程第二款免稅若係賣與衆人之物

照通商章程第一款云倘有貨物名目進出口稅則均未辦理至世昌行手套玻璃蠟臺一案 貴衙門之十年十二日家用雜物而論惟各該商請免稅者並非因其物爲家用雜稅章程載明之物而請免運手套小鞋進口係憑免稅章程係憑免稅章程內載玻璃器皿之類而請免遇有條約章內應詢及是否自用之物或可飭令納稅亦未可定惟世昌飛分件名目則自用與否該關卽無須詢及而令其納稅則不能凡有某家某船運物進口係本家本船之用物均應免稅倘免稅者外其餘各樣雜物均照值百抽五之例征稅或有商可准免之稅而征之此亦事所難免但各口總章皆應照以理一層總稅務司止有仍請 貴衙門會同駐京各大臣將卽應憑一律例將貨物名目開列凡有免稅之物無論何商人均應免稅凡有各項雜物若非稅則載明納稅之物又不然此次世昌飛龍各洋行運進口之牛奶油手套玻璃蠟臺小片掛簾兩案有別彼征此免各得其宜不致有兩歧之說各言之卽所謂分件之物例類之物統括之物而免征合行申

玻璃器皿進出口均准免稅

總理衙門咨光緒二年五月二十三日准德國巴公使照會稱本國信達行運玻璃器皿進口津海關道令其交納稅銀請飭將此項貨物免稅放行二十四日又准北洋大臣咨據津海關道詳稱准德國領事函開信達行進口玻璃球按善後章程免稅惟前有此物進口久經商辦未聞議妥將該行甘結送收暫時免稅放行並將來往信函錄送各等因當經本衙門抄錄各件札行總稅務司查核申覆茲准申陳內稱德國巴大臣文稱條約法文內載明玻璃器皿係免稅之物等語復為詳閱條約法文自用二字係專指藥料而言與玻璃器皿四字斷而不連按照德約法文而論雖係售賣與人之物而仍係免稅之物再善後條約內註明凡有玻璃器皿進出口皆准免稅而進口稅則又註有玻璃片千里鏡照面鏡各應完稅銀若干出口稅則又註有各色料器料珠每百斤完稅銀若干之文是玻璃一類除中國料器料珠應照出口稅則納稅並外國玻璃片千里鏡照面鏡應照進口稅則納稅外其餘各玻璃器皿進出口皆准免稅等因前來本衙門復查玻璃器皿免稅計與稅項大數尙無出入應即照准除照復德國巴公使並札復總稅務司外相應咨行光緒二年閏五月十八日咨北洋

鐵刀利器免稅

總理衙門咨光緒二年八月十六日准德國巴公使函稱本國上海領事官詳據科咭行稟稱該行以鐵刀利器進口新關欲徵稅銀查德國善後條約內載鐵刀利器等物進出口通商各口皆准免稅請札飭各口新關嗣後鐵刀利器均應照約免稅放行等因當經本衙門札行總稅務司查明聲覆在案茲據總稅務司

申稱查德國通商章程善後條約第二款內載凡有鐵刀利器各物進口出口通商各口皆准免稅等語因有是條約故遇有鐵刀利器等物毋論為自用為售賣於人以及其物為數若干必皆准免稅方為與條約原文字樣相符此案科時行運進口之物均屬鐵刀利器之類江海關稅務司以各等物係售賣與華人並非自用之物因思不免稅似與條約之意尚無不符已於八月初六日申報到總稅務司以該稅務司如此講解條約亦有是說然實因無明文可憑祇可按照條約免稅辦理等因前來本衙門覆查無異除函復德國公使外相應咨行光緒二年十月初七日咨南洋以上並通商章程成案彙編

核定德商船廠免稅各物章程並甘結執照各式單式不載

總理衙門咨開查德國續約第七款內開德商船廠應用雜物准其免稅由總稅務司頒發清冊曉諭等語前由本衙門劄行總稅務司將德商船廠應行免稅進口各物名目造具清冊以憑核辦去後閏七月初二日准總稅務司申稱德商船廠應行免稅各物會將各口稅務司所具清冊轉行造冊處稅務司彙造總冊轉送上海理船廳詳細核查等情茲於二十三日又准申稱造冊處稅務司尚未將理船廳復行改訂之清冊轉呈前來惟換約在即現將該稅務司自行擬開之清冊並各口稅務司所擬章程綜集核奪另擬數條開具一冊照此辦理即不致蒙混偷漏等語應將所繕漢洋合璧清冊二分附送前來除由本衙門轉送德國大臣查照外相應抄錄漢文清冊一分咨行轉飭各關道監督等按冊內所開應行免稅各物名目查照辦理可也光緒七年八月初九日咨北洋

一凡有德商開船廠修船者其廠內實用修船之物件均應按照新約條款免稅辦理

一凡德商開廠者須赴該關稅務司處請領空白甘結後赴領事官署填明書押由領事官蓋印後呈交該關存案此項甘結內有兩項要端一本商承當凡有免稅物件進廠不得私賣於他人亦不得私作他用一該關如已查出有私賣於他人私作他用者本商即認罰銀五百兩

一凡德商開廠者除進口時照章赴關報明請領放行單外廠內須立修船免稅物件之冊簿凡有免稅物件進廠均須詳細按日按類註記並須將其如何使用修理何船按日按類登記註銷

一凡德商開廠者其免稅物件進廠後倘擬將其物件做爲他用該商須先行赴關報明一切請領船廠補稅驗單完納進口稅方准起其物件出廠一面一律登記註銷

一凡德商開廠者須准由該關任便派人入廠親視工作並其冊簿等件亦可隨時察看倘有攔阻不許親視工作與不給冊簿閱看以及不將免稅之物按日登記註銷等事該關即將所存之甘結註銷移交該領事官發還一面不准該廠物件此後免稅

以上各章係試辦之章應俟照辦兩年之後或增或減或改或留再行會同核訂以期歸於至當可也
計開德商船廠修船免稅各物

金類

黃銅 紅銅 鐵 鍍錫鐵 鉛 鋼 錫 鋅

各項

三角 棍 樑 螺絲釘 鑄成各件 箍 鑿節 筒 管 板 條 軌軸 片皮 磚絲 八片幾

銅 白蠟并錫 釘料 合葉 搭鈎 銷釘 打泡釘 螺絲餅 鍊轉環 螺絲釘 花頭釘 釘
氈小釘 開口環 水錫上水機具 水錫筒 龍頭并開 水汽各表 傳令鐘 鞍墊 吹汽鐘

木類

雜類
櫟 糖餅 板 肋骨機段 鑿節 槌 木棍釘

雜類

灰泥 繩纜 入漆使乾料 氈 火磚 火泥 玻璃 水筒 象皮 噴水機皮 柘纜皮 油散麻
各色漆 擦漆 黑松香 噴水機 油灰 松香 砂紙 牛油 煤油 匠用各家伙 漆 餅套
面盆架

一切未能預言實用修船各物

又咨光緒八年正月十三日准赫總稅務司呈稱查德商續修條約內載船廠雜物免稅一節前經遵照
文將應行免稅各物並各口擬辦之章程開具清冊申復在案查冊內章程第二條內載凡德商開廠者須
赴該關稅務司處請領空白甘結後赴領事官處填明書押由領事官蓋印呈交該關存案等語當經江海
關稅務司代擬一空白甘結並換發之准單式現據該關稅務司將此結單兩式擬就均尙妥協除通行各
關稅務司一律遵照外合行備呈各單三分送請查照分咨駐洋大臣各一分備查並將結單各式附送前
來查德商船廠免稅各物去年由總稅務司繕就漢洋合璧清冊二分申送本衙門當於八月初七日鈔錄

漢文清册一分咨行轉飭各關查照在案茲又准總稅務司申送甘結執照各式前來除將原件一分存留備查外相應分咨轉飭各關查照光緒八年正月咨^{北洋}約章分類輯要

輪船裝運免稅油斤限制並須請領准單

總理衙門咨查山海關營口地方油斤係爲出口大宗近來各國輪船多有在彼載運出口者准查通商章程船用雜物皆准免稅以致各輪船載油出口雖多至千數百斤皆以自用爲名不肯納稅甚有不請准單即將油斤下船等事亟應明定章程以防流弊經本衙門札准總稅務司申稱查此項油斤各輪船用以擦抹機器大船與小船無甚差別程途雖有遠近然各船備此項油斤係計日而備雖停而不駛亦需此油擦抹機器故不便因船隻大小程途遠近定油斤之類數惟前日山海關稅務司曾申請應裝油斤若干免稅當覆以一千之數爲額緣自華往英無論船隻大小千斤之油足敷程途之用以來往通商各口岸之船而論其數亦足敷兩三月之用且千斤之油所免稅銀不過三兩之數與稅項大數無甚出入但裝此免稅之油斤船商必須照章將其油赴關候驗請領下貨准單方准放行等語申覆前來本衙門查核總稅務司所稱輪船自用油斤以一千斤爲定額與稅項無甚出入並須赴關請領准單等語辦理尙屬允協相應咨行通飭各關卽照總稅務司所擬辦理以歸一律光緒九年四月初十日咨北洋^{通商}章程成案彙編

光緒二十二年湖廣總督張之洞奏竊查海關定章各省官物應照章奏明免稅以示限制昨接四川督臣來咨川省購運開礦鑄造銀元制錢等機奏明免稅已蒙 俞允現鄂省槍礮廠添購製造新式快礮各機及槍礮機所需鋼板模樣等件實爲自強至計有關軍實較之川省開礦鑄銀錢等機尤爲緊要自應援照川

案 奏明免稅以符定章除咨南洋大臣轉飭經過各關卡俟前項槍礮各機運到照章驗明免稅放行外
理合附片陳明張宮保啟

征權三十

洋關稅則條約 與海船通商章程條約兩門參看

中俄改訂條約第十二條

俄國人民准在中國蒙古地方貿易照舊不納稅其蒙古各處及各盟設官與未設官之處均准貿易亦照舊不納稅惟俄民在伊犁塔爾巴哈臺喀什噶爾烏魯木齊及關外之天山南北兩路各城貿易暫不納稅俟將來商務興旺由兩國議定稅則即將免稅之例廢棄以上所載中國各處准俄民出入販運各國貨物其買賣貨物或用現錢或以貨相易俱可並准俄民以各種貨物抵賬

中俄改訂條約第十六條

將來俄國陸路通商興旺如出入中國貨物必須另定稅則較現在稅則更為合宜者應由兩國商定凡進口出口之稅均按值百抽五之例定擬於未定稅則以前應將現照上等茶納稅之各種下等茶出口之稅先行分別酌減至各種茶稅應由中國總理衙門會同俄國駐京大臣自換約後一年內會商酌定以上通商各國條約

東省訂立鐵路公司合同第五款

俄國可在濟東半島租地內自行酌定稅則中國可在交界征收貨物從該租地運入或運往該租地之稅此事中國政府可商允俄國國家將稅關設在大連灣自該口開埠通商之日為始所有開辦及經理之事

委派東省鐵路公司作爲中國戶部代辦人代爲征收此關專歸北京政府管轄該代辦人將所辦之事按時呈報另派中國文官爲駐紮該處稅關委員凡搭客行李及貨物由俄境車站運經該路至遼東半島租與俄國之地段內或由此租地運赴俄境概免關稅及內地稅釐貨物經鐵路從中國內地運往租地或從租地運入內地應照中國海關稅則分別完納進口出口稅釐無減通行

英約第二十四款

一英商起卸貨物納稅俱照稅則爲額總不能較他國有彼免此輸之別以昭平允而免偏枯

英約第二十六款

一前在江甯立約第十條內定進出口各貨稅彼時欲綜算稅餉多寡均以價值爲率每價百兩征稅五兩大概核計以爲公當旋因條內載列各貨種式多有價值漸減而稅餉定額不改以致原定公平稅則今已較重擬將舊則重修允定此次立約加有印信之後奏明請派戶部大員卽日前赴上海會同英員迅速商奪俾俟本約奏到 硃批卽可按照新章迅行措辦

英約第二十七款見外交訂約門

續議煙臺條款之二

煙臺條約第三端第三節所擬洋藥辦法今議定改爲洋藥運入中國者應山海關驗明封存海關准設具有保結之棧房或封存具有保結之躉船內必俟按照每百斤箱向海關完納正稅二十兩並納釐金不過八十兩之後方許搬出

續議煙臺條款之四

現在議定給發憑單章程各口一律其憑單式樣開列於後載運洋藥憑單

為發給憑單事照得單內所開用記號碼號之洋藥遵照每百斤箱應納正稅釐金章程業經納銀共

兩按照憑單背面附刊 上諭批准一千八百八十五年七月十八日在倫敦所定一千八百七十六

年九月十三日煙臺條約之續增專條凡照此憑單載運之洋藥無論在於何處祇查行包未開海關印封

記號碼號均未擦損私改則一切稅捐等項均免輸納

記號

碼號

第

何處進口

發單日期

海關稅務司簽名

續議煙臺條款之五

中國 國家應許此等貨包在行銷洋藥地方開拆者如有應納稅捐等項或當時所徵或日後所設或由

明收或由暗取均不得較土煙所納稅捐等項格外加增亦不得別立稅課如此等稅捐係照貨價計課即

應將洋藥與土煙價值相較均算其較算之法應於洋藥之市價內扣除進口時所納釐金

續議藏印條款第五款

各項貨物到亞東關時無論印度貨物藏內貨物立當赴關申報請查開單註明何項貨物多少及分量若

于價價若干

續議緬甸稅務條款第八條

征稅三十 洋關稅則

一英國極欲振興中緬陸路商務答允自條約批准之日起以六年為期中國所出之貨及製造之物由旱道運入緬甸除鹽之外概不收稅英國製造之物及緬甸土產運出緬甸由旱道赴中國除米之外概不收稅其餘悉照第十條第十一條辦理以上鹽米之稅不得多於出入口所收之稅

續議滇緬商務條款第九條

一凡貨由緬甸入中國或由中國赴緬甸過邊界之處准其由蠻允諸西兩路行走俟將來貿易興旺可以設立別處邊關時再當酌量添設中國欲令中緬商務興旺答允自批准條約後以六年為期凡貨經以上所開之路運入中國者完稅照海關稅則減十分之三若貨由中國過此路運往緬甸者完稅照海關稅則減十分之四凡有陸路出入口貨物應給發三聯單即子口稅單照通商口岸章程一律辦理

續議滇緬商務條款第十二條

一英國欲令兩國邊界商務興旺並使雲南及約內中國新得各地之礦務一律興旺答允中國運貨及運礦產之船隻由中國來或往中國去任意在厄勒瓦諦汀即大金沙江行走英國待中國之船如稅鈔及一切章程均與待英國船一律以上通商各國條約

中英訂定商約第一款

向來發給存票曾有延擱推原其故係因此等存票由監督經理而監督又與海關相隔遙遠現議定從今以後所有存票悉歸海關發給自商人稟請之日起如查係應領者於二十一日之內發給此等存票可用以抵入口貨稅惟不得用以抵納子口半稅至洋貨出口後三年之內再運出外洋其存票可由該貨入口

納稅之海關銀號領取現銀不得減扣倘請發存票之人欲圖混騙一經海關查出須罰銀照其所圖騙之數不得逾五倍或將其貨入官

中英訂定商約第一款

中國允願設法立定國家一律之國幣卽以此定爲合例之國幣將來中英兩國人民應在中國境內遵用以完納各項稅課及付一切用款

中英訂定商約第二款

中國允許凡民船載貨由香港往來廣東省內各通商口岸所納之稅連釐金合算不得少於海關徵收輪船所載相同貨物之稅數

中英訂定商約第八款

中國認悉在出產處於轉運時及在運到處紛紛征抽貨釐以及別項貨捐難免阻礙貨物不能流通勢必傷害貿易之利是以允照除第八節所載之銷場稅外盡裁此項籌餉之法英國允許英商運進之洋貨及運出之土貨除照當時稅則應納正稅外加完一稅以爲補償

中英兩國彼此訂明所有釐卡及征抽行貨他捐各關卡局所裁撤後不得改名以藉詞將此項關卡復行設立進口洋貨所加抽之稅不得過於中國與各國光緒二十七年七月二十五日即西曆一千九百零一年九月七號簽押之和議條約所定之進口正稅一倍半之數此項進口正稅及添加之稅一經完清其洋貨無論在華人之手或在洋商之手亦無論原件或分裝均得全免重征各項稅捐以及查驗或留難情事

至出口土貨所納稅之總數不得逾值百抽七五之數

中英兩國心存以上所言之宗旨故允願辦法如下

第一節 中國允將十八省及東三省陸路鐵路及水道向設各釐卡及抽類似釐捐之關卡概予裁撤於

約款照行之時不得復設惟在沿江沿海通商口岸并內地之水道陸路或邊界現有各常關不在此列

第二節 英國允願俾貨於進口時除按光緒二十七年所訂和約內載進口貨稅增至切實值百抽五外

再加一額外稅照和約所定之稅加一倍半之數以抵裁撤釐金子口稅及洋貨各項稅捐并酬此款所載

各項整頓之事惟不得有礙第三節常關第五節土藥第六節鹽筋第八節各項土貨抽收銷場稅之權

凡經陸路邊界運入中國十八省及東三省之貨與從海道運入中國之貨一律徵收此項加稅

第三節 現在所有之常關無論在通商口岸沿海沿江及內地水道陸路與邊界凡載在戶部工部則例

大清會典者均可仍舊存留惟須開列清單註明地址照送存查其有海關而無常關及沿海沿邊非通

商口岸之各處均可添設常關將來如新開通商口岸應設海關者常關亦可一併安設至內地舊有各常

關地址或有應由某處移至某處以合貿易情形可隨時酌改照會英國國家更正清單但不得逾舊有額

數

凡民帆各船出入通商口岸裝載之貨所納稅項不得少於輪船裝載同類之貨所納進口正稅以及加稅

之總數土貨在於內地由此處運往彼處自產處起運到內地第一常關應照海關稅則徵收第七節所載之

出口加稅給予憑單載明貨色件數筋兩及指運之處并所征稅數自完納加稅之日起限期至少一年持

此單據無論經內地何關均不得再征稅項及查驗留難阻滯該土貨若運至通商口岸租界以外之處銷售即應納第八節所載之銷場稅如運至通商口岸轉販出口該口稅關應將單據驗明准抵應加之出口稅

凡民船民艇及車輛除應抽公道輕捐定爲每年若干按時征收外不再另有抽捐惟現在所抽船鈔船料不在此列

第七節 中國可以將現在出口稅則從新修改以值百切實抽五之例爲準凡能改者即當定爲各該貨按色應完稅銀幾何惟如欲加抽須先六個月預行通知方可現行稅則有逾估價值百抽五之數者亦須裁減無逾又因裁撤釐金及各項貨捐之故所有土貨販運出洋或由通商此口轉運通商彼口除出口正稅外可於出口時加抽出口正稅之一半以爲抵補至於絲斤一項無論手織或機器織所徵出口正稅之總數不得逾估價按色值百抽五之數此稅并可在絲斤所過之第一內地常關徵抽一半惟須按照第三節所載辦法給以單據該單據即可抵納出口正稅一半之數若繭繭經過常關則須免抽各項之稅其在中國內銷不出洋之絲筋仍按第八節須納銷場稅

第八節 中國既裁撤釐捐以及向有內地徵抽洋貨及出洋土貨別項貨捐實於進款大有所失今進口洋貨出洋土貨及由此口至彼口往來土貨所加之稅莫可酌補惟內地土貨釐金海款之所失仍須設法籌補是以彼此訂明中國可任便向不出洋之土貨徵抽一銷場稅但止可於銷售之處徵抽不得於貨物轉運之時徵抽中國承認徵抽此項銷場稅之辦法不得稍於運來之洋貨或運往外洋之土貨有所妨礙

凡貨物既屬洋貨一經海關驗放之後即須免一切稅課及留難阻滯之事凡洋貨與土貨相類者完納進口正稅及所加之稅後該口海關若據貨主請領即應逐包發給該貨已經完清各該稅項之憑單免致在內地有爭執之虞凡民船運至通商口岸之土貨將在本地銷售者無論貨主是何國之人祇應報明常關以便徵抽銷場稅此項銷場稅數之多寡可在由中國自定視貨物種類酌即視該貨若係民生日用所必需者則可減抽若非民生日用所必需及僅止富貴家所用貴重之物則可加抽惟同類之貨無論民船帆船或輪船裝載者均須一律徵收但此項銷場稅應案照第三節所載不得在租界內徵收

第九節 凡洋商在中國通商口岸或華商在中國各處用機器紡成之棉紗及製成之棉布須完一出廠稅其數係倍於光緒二十七年議和條約所載之進口正稅惟各該機器廠所用之棉花若係外洋運來者應將已完進口正稅全數及進口加稅三分之一發還所用者若係土產棉花須將已徵之各稅及銷場稅全數一併發還凡以上所指華洋各商在中國用機器紡織之紗布既完出廠稅後所有出口正稅出口加稅復進口半稅以及銷場稅概行豁免此項出廠稅須由海關徵收凡別項貨物與洋貨相同者若洋商在通商口岸或華商在中國各處用機器造成者亦須案照以上章程辦法辦理惟湖北之漢陽大冶鐵廠及中國國家現有免稅各廠以及嗣後設立之製造局船澳等廠所出之物件不在此款所言出廠稅之列

第十節 由每省督撫自行在海關人員中選定一人或數人商明總稅務司由該督撫派充每省監察常關銷場稅應務土藥徵收事宜該員等須實力監察如有不合例之需案留難一經監察之員稟報該省督撫即行將弊端除去以上通行

瑞典那威約第二條

一瑞典國那威國等來中國貿易之民人所納出口入口貨物之稅餉俱照現定例冊不得多於各國一切規費全行革除如有海關胥役需索中國照例治罪倘中國日後欲將稅例更變須與瑞典國那威國等領事等官議允如另有利益及於各國瑞典國那威國等民人應一體均沾用昭平允

美約第十五款

一大合眾國民人在各港貿易者除中國例禁不准攜帶進口出口之貨外其餘各項貨物俱准任意販運往來買賣所納稅餉惟照粘附在望廈所立條約例册除是別國按條約有何更改即應一體均同因大合眾國人所納之稅必須照與中華友好之國一律辦理

美續約另附第三款

中國允美國船隻在中國通商各口無論該船載美國貨物與別國貨物其進口出口及由此口進彼口之稅與其所納之鈔均照中國船隻及各國船隻一律徵納並不額外加徵亦不另徵他項稅鈔美國允中國船隻或由中國通商口及他國各口進美國各海口或出美國各口前往他國各口及回中國通商各口無論載中國貨物與別國貨物均照美國船隻及各別國於美國船隻不額外加稅鈔之國一律徵納進口之稅與其應納之鈔並不額外加徵亦不另徵他項稅鈔

法約第九款

凡中國與各有立章程之國會議整頓或現或後議定稅則關口稅噸稅過關稅出入口貨稅一經施行辦

理大法國商人均沾用昭平允

法約第二十七款

大法國人在通商各口貿易凡入口出口均照兩國 欽差大臣所定印押而附章程之規則輸納鈔餉但
因兩國貨物或土產或工藝一時不同而價值有低昂之殊其稅則有增減之別每七年較訂一次以資允
協七年之內已定稅銀將來並不得加增亦不得有別項規費大法國人凡有鈔餉輸納其貨物經此次書
押載在則例並非禁止並無限制者不拘從本國及別國帶進及無論帶往何國均聽其便中國不得於例
載各貨物別增禁止限制之條如將來改變則例應與大法國會通議允後方可酌改至稅則與章程現定
與將來所定者大法國商民每處每時悉照遵行一如厚愛之國無異

中法會訂越南新約第六款

一北圻與中國之雲南廣西廣東各省陸路通商章程應於此約畫押後三箇月內兩國派員會議另定條
款附在本約之後所運貨物進出雲南廣西邊界應納各稅照現在通商稅則較減惟由陸路運過北圻及
廣東邊界者不得照此減輕稅則納稅其減輕稅則亦與現在通商各口無涉其販運槍砲軍械軍糧出火
等應各照兩國界內所行之章程辦理至洋藥進口出口一事應於通商章程內定一專條其中越海路通
商應議定專條此條未定之先仍照現章辦理

布約第十五款

布國暨德意志通商稅務公會和約各國商民在通商各口凡有進出口貨物皆按後附稅則上稅定稅

之外更不得加增別項規費和約章程後所附通商稅則必視同和約章程無異兩國務必信守

德續約第四款之一

一中國允凡德國商人裝運中國土煤出通商各口者應完出口正稅銀兩定爲每噸三錢並允如有某口前定不及三錢者將來仍照不及三錢之數徵收

德續約第六款之一

一中國允凡德國損壞船隻有在中國通商各口內拆賣該船各料者准其不另徵進口稅銀惟起岸時仍須照各貨一律赴關請領起貨准單爲憑

德續約善後章程第八款

一德商船廠應用雜物實係修理船隻者方准免稅進通商口岸一面由關派員進廠將其如何使用各物之處眼同查看如係製造新船其進出口稅則內所載之貨照稅則辦理其未載明之物均照值百抽五例徵稅令該商赴關補納至開船廠者必須赴關領照此照並無關費并具保結結內所註明各節悉由該關妥議酌辦

丹約第二十三款與下義約第二十四款略同至以示均平止

丹約第二十五款

一丹國商民出入各貨應納稅課均照本約後附稅則爲例

丹約第二十六款見外交訂約門

荷蘭約另款見外交訂約門

日斯巴尼亞約第二十一款 與英約第二十四款略同首句作日斯巴尼亞國商人稅則上多咸豐八年各國
六字

日斯巴尼亞約第二十三款見外交訂約門

比約第三十款

比國商民起卸貨物輸納稅餉約准均照本約後附稅則爲例總不能較諸他國或有此免彼輸之弊以示
均平 比國出入各貨如係值百抽五之貨儻海關驗貨丁役偶與該商各存己見不能定價約准各邀客
商二三人前來驗貨該客商內有出最高之價者即以爲該貨之價式免致收稅不公 凡輸稅餉以淨貨
爲率所有貨物應除去皮毛儻比國人與海關不能定各貨皮毛輕重就將爭執各件連皮過秤先定多寡
約數再復除淨皮毛秤其斤重以所秤通計類推當查驗貨物之時如有意見不合比國商人立請領事
官前來該領事官亦即知會海關從中盡力作合均限一日之內通報否則不爲准理於議論未定之先海
關不得將互爭數目姑寫册上恐後難於覈定 比商貨物或因潮溼等由損壞致價低減該關應行按價
減稅儻該商與關吏理論價值未定則照值百抽五之貨同法定辦

義約第二十四款

美國商民起卸貨物輸納稅餉約准俱照稅則爲額總不能較諸他國或有此免彼輸之弊以示均平和約
章程後所附通商章程必視同和約章程無異兩國務必信守

奧約第二十款

奧 斯馬加國商民起卸貨物

未至修約之年中國與無

照至和約後附通商章程

奧約第二十九款與葡約

凡奧斯馬加國船主一進

口卸賣者其稅銀亦在別

奧約第四十四款見外交

祕約第九款

中國商人在祕國通商各

商各口起卸貨物輸納稅

巴約第六款

兩國商人商船凡在此國

亦不能較相待最優之國

葡約第十二款與日斯巴

葡約第二十一款

一輪稅期候進口貨於起載時出口貨於落貨時各行按納

葡約第三十八款

一大西洋國貨物在通商不論何口既已按例輸納進口正稅倘欲自入內地販運者應照各國現定章程辦理其在內地買土貨販運出口或前赴長江各口或欲運往外國亦俱照各國現定章程辦理 大清國各關書役人等如有不遵條例詐取規費者由 大清國照例究治倘有多收稅餉查明實係誤收者由 大清國隨時酌辦以上通商各國條約

日本馬關新約第六款之三

日本臣民在中國內地購買工作貨件若自生之物或將進口商貨運往內地之時欲暫行在棧除弗庸輸納稅鈔並徵一切諸費外得暫租棧房存貨

日本行船通商條約第九款 見海船通商條約門

日本行船通商條約第十一款 見海船通商條約門

朝鮮商約第三款

中國商民並其商船前往韓國通商口岸貿易應完貨稅船鈔亦悉照韓國海關章程與徵收相待最優之國商民稅鈔無異韓國商民並其商船前往中國通商口岸貿易凡應完貨稅船鈔等項悉照中國海關章程與徵收相待最優之國商民稅鈔相同凡兩國已開口岸均准彼此商民前往貿易其通商詳細章程及進出口貨物稅則請後再行議訂

中墨通商條約第八款

中國土產及製造各物運入墨國或墨國土產及製造各物運入中國彼此征進口稅不得較相待最優之國之同樣物產現在或將來所征之稅稍有區別或有加增各物出口征稅亦照此辦理兩國彼此通商若非通商各別國一律照辦無論進口出口貨物不得稍有禁止或立限制惟國中遇有辦理人畜疫禁或提防損害豐收或為軍務起見則不在此例以上約章通行

中墨通商條約第九款見外交實際備文門

右貨稅條約

英約第二十九款

一英國商船應納鈔課一百五十噸以上每噸納鈔銀四錢一百五十噸正及一百五十噸以下每噸納鈔銀一錢凡船售出口欲往通商他口並香港地方該船主稟明海關監督發給專照自是日起以四箇月為期如係前赴通商各口俱無庸另納船鈔以免重輸

英約第三十款

一英國貨船進口並未開船欲行他往者限二日之內出口即不征收船鈔倘逾二日之限即須全數輸納此外船隻出進口時並無應交費項

英約第三十一款

一英商在各口自用艇隻運帶客人行李書信食物及例不納稅之物毋庸完鈔倘帶例應完稅之貨則每

四箇月一次納鈔每噸一錢

瑞典那威約第六條

一凡瑞典國那威國等船隻赴五港口貿易者均由領事等官查驗船牌報明海關按所載噸數輸納船鈔計所載貨物在一百五十噸以上者每噸納鈔銀五錢不及一百五十噸者每噸納鈔銀一錢所有以前丈量及各項規費全數裁革或有船隻進口已在本港海關納完鈔銀因貨未全銷復載往別口轉售者領事等官報明海關於該船出口時將鈔已完納之處在紅牌內註明並行文別口海關查照俟該船進別口時止納貨稅不輸船鈔以免重徵 同治九年改章一百五十噸上每噸四錢

瑞典那威約第七款

一凡瑞典國那威國等民人在各港口以本國三板等船附搭客商運帶行李書信及例不納稅之零星貨物者其船隻均不須輸納船鈔外若載有貨物即應按不及一百五十噸之數每噸納銀一錢若僱用內地艇隻不在按噸納鈔之例

瑞典那威約第十條

一瑞典國那威國等商船進口或船主或貨主或代辦商人限二日之內將船牌貨單等件呈遞本國領事等官存貯該領事即將船名人名及所載噸數貨色詳細開明照會海關方准領取牌照開船起貨儻有未領牌照之先擅行起貨者即罰洋銀五百大圓並將擅行卸運之貨一概歸中國入官或有船商進口止起一分貨物者按其所起一分之貨輸納稅餉未起之貨均准其載往別口售賣倘有進口並未開船即欲他

往者限二日內即行出口不得停留亦不徵收稅餉船鈔均俟到別口發售時再行照例輸納倘進口貨船已逾二日之限即須輸納船鈔仍由海關填發紅牌知照別口以免重徵

美約第十六款

一大合眾國船隻進通商各港口時必將船牌等件呈交領事官轉報海關即據牌上所載噸數輸納船鈔每噸以方停四十官尺為准凡在一百五十噸以上者每噸納銀四錢不及一百五十噸者每噸納銀一錢凡船隻曾在本港納鈔因貨未全銷復載往別口出售或因無回貨須將空船或未滿載之船駛赴別港覽載者領事官報明海關將鈔已完納之處在紅牌上註明並行文別口海關查照俟該船進別口時止納貨稅不輸船鈔以免重徵設立浮樺亮船建造塔表亮樓由通商各海口地方官會同領事官酌量辦理

美續約另附第三款見上貨稅類

法續約第十款

戊午年所定之和約第二十二款內有錯載之字樣即係凡船在一百五十噸以上者每噸鈔銀五錢現在議定凡船在一百五十噸以上者每噸鈔銀四錢不及一百五十噸者每噸納銀一錢嗣後大法國船隻進口俱按現在議定之數輸納

廣州海租約第五款

中國商輪船隻在新租界灣內如在中國通商各口一律優待辦理其新租界各地灣內水面均歸法國管轄法國可立定章程並征收烟船各鈔以為修鑿橋各項工程之費此係專指廣州灣內水面而言至廣東

水面已在第二款內聲明

布約第二十款與英約第二十款略同即不征收船鈔作不必輪納船餉倘遇上有無應交費項六字至全數輪納止

布約第二十三款

布國及德意志通商稅務公會和約各國商船應納鈔課各按船牌所載若干噸而納一百五十噸以上每噸納鈔銀四錢一百五十噸正及一百五十噸以下每噸納鈔銀一錢既納鈔後監督官給發執照開明船鈔完納倘該船駛往別口即於進口時將照送驗遂按照第二十一款自領執照之日起以及四箇月止無庸再輪船鈔以免重複布國及德意志通商稅務公會各國屬民在各口用艇隻運帶客人行行李書信食物及例不納稅之物毋庸完鈔倘該小船一併載運例應完稅之貨物即按照一百五十噸以下之例每噸納鈔一錢

德續約第二款之一

一中國允德國船隻已在中國完納船鈔者如往中國通商各口或往各國口岸在四箇月限內均不重征再德國夾板在中國口岸停泊十四日以外者自第十五日起即於應交正數船鈔減半

德續約第五款之一

一中國允凡德國船隻或在通商各口內口外受損應行修理者准由該口海關查明日期扣算該船應完之鈔項

德續約後章程第四款

一德國船隻或在中國通商各口內外受損應行修理者其修理日期扣算在免鈔期內准中國官前往查明辦理如查係節詞偷漏者即照該船免噸鈔之數加倍議罰

丹約第二十八款與英約第二十九款略同重輪下層至丹國船隻船兩以拉四噠爲準約定一拉四噠爲兩噸以示均平等語

丹約第二十九款與英約第三十款略同一日作二十四時

丹約第三十款與英約第三十一款同

荷蘭約第八款

一和國商船應納噸鈔八十六拉四以上當作英國一百五十噸以上每噸納鈔銀四錢八十六拉四正及八十六拉四以下每噸納鈔銀一錢凡船隻結清船鈔由監督官發給執照開明船鈔完納倘該船欲往他處自領照日起在四箇月期內前赴通商各口毋庸另納噸鈔和船初進口並未開艙欲往他處限兩日內出口前免征收噸鈔倘逾二日之限雖不開艙亦須全數輸納此外並無他項雜費若犯風打壞船隻入口修理不在此例免其完納噸鈔如係通商之口起貨販賣仍應完納稅鈔和商在各口自用艇隻帶運客人行李書信以及例不納稅等物毋庸完鈔如駁運例用完稅貨物每四箇月納鈔一次每噸納鈔銀一錢

日斯巴尼亞約第二十款

一日斯巴尼亞國商船應納鈔課各按船牌所載若干噸而納凡一百五十噸以上每噸納鈔銀四錢一百

五十噸正及一百五十噸以下者每噸納鈔銀一錢既納鈔後監督官發給執照開明船鈔完納所有噸數照依英國噸數計算

日斯巴尼亞約第二十五款

一日斯巴尼亞國船隻出口欲往通商他口並香港及澳門地方該船主應稟明海關監督發給專照自是日起以四箇月為期如係前赴通商各口俱毋庸納船鈔以免重輸

日斯巴尼亞約第二十六款 與英約三十款略同惟約末多凡船進口一到之時即應報明以備查核如二日時刻內漏報照例罰辦

日斯巴尼亞約第二十七款 與英約第三十一款同

比約第二十五款 與英約三十款略同即不征收船鈔作不必輸納船餉倘遇上有並無應交費項六字至全數輸納止

比約第三十二款 與布約第二十三款略同二十一作三十一

義約第二十八款 與英約第二十九款相同

義約第二十九款 與英約第三十款略同二日作二十四時

義約第三十款 與英約第三十一款同

奧約第二十四款 與英約第三十款略同二日作二十四時

奧約第二十七款 與布約第二十三款略同二十一作二十五約末多所有噸數照英國噸數計算二句

葡約第二十款

一大西洋國商船應納鈔課各按船牌所載若干噸而納一百五十噸以上每噸納鈔銀四錢一百五十噸正及一百五十噸以下每噸納鈔銀一錢既納鈔後監督官給發執照開明船鈔完納

葡約第二十三款

一大西洋國貨船進口並未開艙欲行他往者限二日之內出口即不征收船鈔倘逾二日之限即須全數輸納此外船隻出進口時並無應交費項凡船進口一到之時即應報明以備查核如於二日時刻內漏報照例罰辦

葡約第二十四款

一大西洋國商人在各口自用艇隻運帶客人行行李書信食物及例不納稅之物毋庸完鈔倘帶例應完稅之貨則每四箇月一次完鈔每噸一錢

葡約第四十三款

一凡船隻由通商各口前往別口並澳門地方該船主稟明海關監督給發執照自是日起以四箇月為期毋庸輸納船鈔以上通商各國條約

日本行船通商條約第十五款見海船通商條約門

日本行船通商條約第十七款見海船通商條約門

朝鮮商約第三款見上貨稅類

右船鈔條約

英約第二十八款

一前據江甯定約第十條內載各貨納稅後即准由中國商人徧運天下而路所經過稅關不得加重稅則
只可按估價則例若干每兩加稅不過 分等語在案迄今子口課稅實爲若干未得確數英商每稱貨物
或自某內地赴某口或自某口進某內地不等或子口恆設新章任其徵稅名爲抽課實於貿易有損現定
立約之後或在現通商各口或在日後新開口岸限四箇月爲期各領事官備文移各關監督務以路所經
處應納稅銀實數明晰照覆彼此出示曉布漢英商民均得通悉惟有英商已在內地買貨欲運赴口下載
或在口有洋貨欲進售內地倘願一次納稅免各子口徵收紛繁則准照行此一次之課其內地貨則在路
上首經之子口輸交洋貨則在海口完納給票爲他子口毫不另徵之據所徵若干綜算貨價爲率每百兩
徵銀二兩五錢俟在上海彼此派員商酌重修稅則時亦可將各貨分別種式應納之數議定此僅免各子
口零星抽課之法海口關稅仍照例完納兩例並無交礙

煙臺會議條款第三端之四

一洋貨運入內地請領半稅單照各國條約內原已訂明自當遵辦嗣後各關發給單照應由總理衙門核
定畫一款式不分華洋商人均可請領並無參差洋商將土貨由內地運往口岸上船條約內亦有定章英
商完納子口正稅請領單照即可運往海口若非英商自置土貨該貨若非實在運往海關出口不得援照
辦理所有應定章程免致滋生弊端之處咸大臣即願會同總理衙門設法商辦至通商善後章程第七款

載明洋貨運入內地及內地置買土貨等語係指沿海沿江沿河及陸路各處不通商口岸皆屬內地應由中國自行設法防弊

布約第二十四款

布國及德意志通商稅務公會和約各國貨物在通商無論何口既已按例輸稅倘欲轉販內地者經過各關只照現定通商則例輸稅不得另有加增凡在內地買貨欲運赴口下載或在口有洋貨欲進傳內地倘願一次納稅免各子口徵收紛繁應查照各國通商稅則辦理中國海關書役人等不守例款詐取規費或多收稅餉者照中國例究治

丹約第二十七款與後奧約第二十八款略同首句作丹國至如數完繳止

丹約第四十四款見下改運類

丹約第四十五款見下改運類

日斯巴尼亞約第二十四款與後奧約第二十八款略同准照下多各國二字至如數完繳止

日斯巴尼亞約第四十四款見下改運類

比約第三十三款與後奧約第二十八款略同至如數完繳止

比約第三十四款見下改運類

比約第三十五款見下改運類

義約第二十七款與前比約第三十三款同

續約第四十四款見下改運類

續約第四十五款見下改運類

奧約第二十八款

一奧斯馬加國商民販賣土貨運口出洋或將洋貨運入內地銷售應納內地稅餉或於過卡隨時分數報完或在海關一次全行完納均准聽便輸交一次完納之例准照續定稅則章程第七款所載除有第二款指明每值百兩完稅二兩五錢外其餘各貨總以出入稅則照納一半為準其該貨應納正稅仍宜於卡稅半稅完納外如數完繳倘日後出入貨正子各稅或增或減並如何交納之處中國與無論何國議有定章一經通行奧斯馬加國亦一體遵照以上通商各國條約

奧約第三十款見下改運類

奧約第三十一款見下改運類

日本行船通商條約第十二款見海船通商條約門

日本行船通商條約第十三款見海船通商條約門

右子口稅條約

俄約第四條見海船通商條約門

英約第十四款

一游行往來卸貨下貨任從英商自僱小船刺運不論各項貨物價銀兩若干聽英商自便自費不必

官爲經理亦不得限定船數並河船攬載及挑夫包攬運送倘有走私漏稅情弊查出該犯自應照例懲辦

英約第二十五款

一輪稅期候進口貨於起載時出口貨於落貨時各行按納

英約第三十三款

一稅課銀兩由英商交官設銀號或紋銀或洋錢按照道光二十三年在廣東所定各樣成色交納

英約第三十六款

一英國船隻甫臨近口監督官派委員弁丁役看守或在英船或在本艇隨便居住其需用經費由關支發

惟於船主並該管船商處不得私受毫釐儻有收受查出分別所取之數多寡懲治

英約第三十七款

一英國船隻進口限一日該船主將船牌艙口單各件交領事官卽於次日通知監督官並將船名及押載

噸數裝何貨物之處照會監督官以憑查驗如過限期該船主並未報明領事官每日罰銀五十兩惟所罰

之數總不能逾二百兩以外至其艙口單內須將所載貨物詳細開明如有漏報捏報者船主應罰銀五百

兩儻係筆誤卽在遞貨單之日改正者可不罰銀

英約第三十八款

一監督官接到領事官詳細照會後卽發開艙單倘船主未領開艙單擅行下貨卽罰銀五百兩並將所下

貨物全行入官

英約第三十九款

一英商上貨下貨總須先領監督官准單如違即將貨物一併入官

英約第四十款

一各船不准私行撥貨如有互相撥貨者必須先由監督官處發給准單方准動撥違者即將該貨全行入官

英約第四十一款

一各船完清稅餉之後方准發給紅單領事官接到紅單始行發回船牌等件准其出口

英約第四十二款

一至稅則所載按價若干抽稅若干倘海關驗貨人役與英商不能平定其價即須各邀客商二三人前來驗貨客商內有願出價銀若干買此貨者即以所出最高之價爲此貨之價式免致收稅不公

英約第四十三款

一凡納稅實按斤兩秤計先除皮包粉飾等料以淨貨輕重爲準至有連皮過秤除皮核算之貨即若茶葉一項倘海關人役與英商意見不同即於每百箱內聽關役揀出若干箱英商亦揀出若干箱先以一箱連皮過秤得若干斤再秤其皮得若干斤除皮算之即可得每箱實在斤數其餘貨物凡係有包皮者均可准此類推倘再理論不明英商赴領事官報知情節由領事官通知監督官商議酌辦惟必於此日稟報遲則不爲辦理此項尙未論定之貨監督官暫緩填單免致後難更易須俟秉公核斷明晰再爲登填

英約第四十四款

一英國貨物如因受潮濕以致價低減者應行按價減稅倘英商與關吏理論價值未定則照按價抽稅條內之法備辦

英約第四十六款

一中國各口收稅官員凡有嚴防偷漏之法均准其相度機宜隨時便宜設法辦理以杜弊端

英約第四十七款

一英商船隻獨在約內准開通商各口貿易如到別處沿海地方私做買賣即將船貨一併入官

英約第四十九款

一約內所指英民罰款及船貨入官皆應歸中國收辦

英約第四十八款

一英國商船查有涉走私該貨無論式類價值全數查抄入官外俟該商船賬目算清後亦可嚴行處逐不准在口貿易

煙臺會議條款第三編之三

一煙藥一宗威大臣議請本國准為另定辦法與他項洋貨有別令英商於販運洋藥入口時由新關派人稽查封存棧房或躉船俟售賣時洋商照則完稅並令買客一併在新關輪納釐稅以免偷漏其應抽收釐稅若干由各省察勘情形酌辦

煙臺會議條款第三端之四

續議煙臺條款之九

煙臺條約第三端第七節所載派員查禁香港至中國偷漏之事應即作速派員

中英訂定商約第一款見上貨稅類

瑞典那威約第九條

一瑞典國那威國等貿易船隻到口一經引水帶進即由海關酌派妥役隨船管押該役或搭坐商船或自雇艇隻隨同行走均聽其便其所需食用由海關按日給銀不得需索商船絲毫規費違者計贓科罪

瑞典那威約第十條見上船鈔類

瑞典那威約第十一條

一瑞典國那威國等商船販貨進口出口均將起貨下貨日期呈報領事等官由領事等官轉報海關屆期派委官役偕同該船主貨主或代辦商人等秉公將貨物驗明以便按例徵稅若內有估價定稅之貨或因議價高下不等除皮多寡不齊致有辯論不能了結者限該商於即日內稟報領事官俾得通知海關會商酌奪若稟報稽遲即不為准理

瑞典那威約第十三條

一瑞典國那威國等商船進口後於領牌起貨時應即將船鈔交清其進口貨物於起貨時完稅出口貨物於下貨時完稅統俟稅鈔全完海關給發紅單由領事官驗明再行發還船牌准該商船出口回國其完納

稅銀由中國官設銀號代納或以紋銀納餉或以洋銀折交均照現定章程辦理其進口貨物由中國商人轉販內地者經過各關均照舊例納稅不得另有加增

瑞典那威約第十四條

一瑞典國那威國等商船停泊口內不准互相剝貨倘有必須剝過別船者由該商呈報領事官報明海關委員查驗明確方准剝運倘不稟明候驗輒行剝運者即將其剝運之貨一併歸中國入官

美約第十八款見外交交涉案件門

美約第十九款

一大合眾國商船進口或船主或貨主或代辦商人限二日之內將船牌貨單等件呈遞本國領事等官收存該領事官將船名人數及所載噸數貨色詳細開明照會海關方准領取牌照開艙起貨倘有未領牌照之先擅行起貨者即罰洋銀五百大圓並將擅行卸運之貨一概歸中國入官或有商船進口止起一分貨物者按其所起一分貨物輸納稅餉未起之貨均准其載往別口售賣倘有進口並未開艙即欲他往者限二日之內即行出口不得停留亦不徵收稅餉船鈔均俟到別口發售再行照例輸納倘進口貨船已逾二日之限即須輸納船鈔遇有領事等官不在港內應准大合眾國船主商人託友國領事代為料理否則逕赴海關呈明設法妥辦

美約第二十款與瑞典那威約第十一條略同眼同作與

美約第二十二款

一大合眾國船隻進口後方納船鈔進口貨物於起貨時完稅出口貨物於下貨時完稅稅俟稅鈔全完由海關發給紅牌然後領事官方給還船牌等件所有稅銀由中國官設銀號代納或以紋銀或以洋銀按時價折交均無不可倘有未經完稅領事官先行發還船牌者所欠稅鈔當惟領事官是問

美約第二十三款

一大合眾國船隻停泊口內如有貨物必須剝過別船者應先呈明領事官轉報海關委員查驗確當方准搬運倘不稟明候驗批准輒行搬運者即將所剝之貨歸中國入官

法約第十六款

凡大法國船一經引水帶進口內即由海關酌派妥役一、二名隨船管押稽查偷漏該役或搭坐商船或自僱艇隻均聽其便所需工食由海關給發不得向船主及代辦商人等需索倘有違例即按所索多寡照例科罪並照數追償

法約第十七款

凡大法國船進口在一日之內並無阻礙其船主或貨主或代辦商人即將船牌貨單等件繳送領事官該領事官於接到船牌貨單後一日內即將船名人名及所載噸數貨色詳細開明照會海關倘船主怠慢於船進口後經二日之內不將船牌貨單呈交領事官每逾一日罰銀五十圓入中國官但所罰之數不得過二百圓迨領事官照會海關後海關即發牌照准其開艙倘船主未領牌照擅自開艙卸貨罰銀五百圓所卸之貨一併入官

法約第十九款

凡大法國商人每卸貨下貨應先開明貨單呈送領事官即著通事通報海關便准其卸貨下貨當即查驗其各貨妥當彼此均無受虧大法國商人不欲自行計議稅餉另情熟悉之人代為計議完稅亦聽其便如有事後異言俱不准聽至估價定稅之數若商人與華人意見不合應彼此曉集二三人驗明貨物以出價高者定為估價凡輪稅餉以淨貨為率所有貨物應除去皮毛倘大法國人與海關不能定各貨皮毛輕重應將爭執各件連皮過秤先定多寡約數再復除淨皮毛秤其筋重即以所秤通計類推當查驗貨物之時如有意見不合大法國商人立請領事官前來該領事官亦即知會海關從中盡力作合均限一日之內通報否則不准准理於議論未定之先海關不得將互爭數目姑寫冊上為後據於核定進口貨物遇有損壞應補償照估價之例秉公辦理

法約第二十款

凡船進口倘未領有牌照卸貨即與第十九款所載在二日之內可出口往別口去在此不必輸納鈔餉仍在賣貨之口完納鈔餉

法約第二十一款

議定大法國船主或商人卸貨完稅則例俱逐次按數輸納至出口下貨亦然凡大法國船所有鈔餉一經全完海關即給與實收呈送領事官驗明即將船牌交還准令開行海關酌定銀號若干可以代中國收大法國應輸餉項該銀號所給實收一如中國官所給無異所輸之銀或紋銀或洋銀海關與領事官核其市

價情形將銀比數較銀應補水若干照數補足

法約第二十五款

凡製貨若非奉官特准及必須製運之處不得將貨輒行製運遇有免不得製貨之處該商應報明領事官給與執照海關查驗執照准其製貨該海關可以常備胥役監視倘有不奉准而製貨者除遇有意外危險不及等候外所有私製之貨全行入官

布約第十二款

凡議准通商各口每遇布國暨德意志通商稅務公會和約各國商船到口監督官即派妥役一二名看守稽查偷漏該役或搭坐自雇之船或在德船均聽其便所需工食等費皆由中國海關支給惟不得於船主或管船之人需索銀錢倘有違例即按所索之多寡按例科罪貽數追還按此款內續有釐定無主漏稅報關條已列後案

布約第十三款

布國暨德意志通商稅務公會和約各國船隻進口一日後毫無阻滯之處其船主或貨主或管船商人即將船牌貨物清單繳送領事官領事官於接到船牌貨單後一日內即將船名人名及所載噸數貨色詳細開明照會海關以憑查驗倘船主怠慢於船進口後二日內不將船牌等件呈繳領事官每逾一日可罰銀五十元但所罰之數不得逾二百元之外監督官接到領事官詳細照會後即准該船開離倘船主未領牌照自行開離卸貨可罰銀五百元所卸貨物一併入官

布約第十四款

布國暨德意志通商稅務公會和約各國商人

將貨物入官

布約第十六款

望稅則所載撥價若干抽稅若干如商人與華
貨商客購買出價高者定為估價照此抽稅

布約第十七款

凡輸稅項以淨貨為率所有貨物應除去包皮
役不能定者貨包皮輕重就將爭執各件包皮
計類推

布約第十八款

當查驗貨物之時如有意見不合布國及德意志
官將情知照海關從中儘力作合惟應於一日
數目姑寫冊上茲復難於核定

布約第十九款

進口貨物遇有損壞應核損壞多寡按價減稅

價抽稅之例辦理

布約第二十一款

進口和郵貨時完納出口稅下貨時完納所有稅鈔一經全完監督官即准發給紅單呈送領事官驗明即將船牌交還准令開行

布約第二十二款

監督官設定銀號若干可以代監督官收布國及德意志通商稅務公會和約各國應輸稅項該銀號所給收單一如監督官所給無異所輸之銀或紋銀或洋銀監督官與領事官核其市價情形將洋銀比較紋銀應補水若干照數補足

布約第二十五款

凡布國及德意志通商稅務公會和約各國船主一進通商各口欲將貨物在該口但卸幾分即將所卸之數納稅其餘貨物欲帶往別口卸賣者其稅銀亦在別口輸納

布約第二十六款見下條運類

布約第二十七款

凡船貨若非奉監督官特准不得將貨自行搬運如運除意外危險不及等候外所有私辦之貨全行入官

布約第二十九款

凡有商人違約與後附通商稅則致有罰銀抄貨入官之處應歸中國收辦

布約第三十一款

布國及德意志通商稅務公會和約各國商船遇有破爛及別緣故急須進口躲避者無論何口均可進去不用完納船鈔船內貨物如爲修船之故而須上岸者亦不納稅惟將該貨留在監督官照顧以免影射情弊如該船在中國近岸地方損壞擱淺收口地方官聞知立即設法妥爲拯救商船保存船隻以及打撈貨物不使損壞所救水手人等務必妥爲照料設法護送就近領事官查收以昭睦誼

德續約第三款之二

一德國允德國船隻進中國通商各口其貨物清單須將貨色件數開明內有舛錯處准於十二時限內改正禮拜節期不計倘有漏報捏報之事除將該貨物允公外仍應罰該船主惟所罰之數不得過五百兩

德續約第四款之二

一德國允凡無照冒充各項船隻引水者應該罰惟所罰之數每次不得過一百兩并允妥速會定約束水手章程

德續約第六款之一見上貨稅類

德續約善後章程第一款見海船通商條約門

德續約善後章程第三款

一凡德國船隻有應領海關准單者准起下之貨物而清單未開明者無論船主有無書押收據在先均爲

漏報

德續約善後章程第四款見上船鈔類

德續約善後章程第五款

一中國人等自備各項船隻不准張掛德國旗號如有可疑之跡中國該管官知照德國領事官查明實係不應掛德國旗號之船當將該船及船上華商之貨卸行解交中國地方官辦理倘有德國人等知情通同舞弊即將船內所有該德國人貨物全行入官仍將其人按例懲辦德國船隻如掛中國旗號即將其事由中國地方官查明如實係不應掛中國旗號之船當將其船并船上德商貨物卸行解交德國領事官辦理并將舞弊之人由領事官照例懲辦倘查明有德國貨主人等知情通同舞弊即將其人船上貨物交中國全行入官其船上華人貨物可由中國地方官卸行入官

德續約善後章程第六款

一凡德國損壞船隻有在中國通商各口內折賣該船各料者如有將船內裝運各項貨物影射偷漏者除將漏報貨物入官外仍照應完進口稅銀加倍懲罰

德續約善後章程第八款見上貨稅類

德續約善後章程第九款

一所有續修條約內各罰款仍照咸豐十一年七月二十八日所定條約第二十九款辦理

丹約第十四款

一丹國民人凡欲游行卸貨下貨各等事務約准自雇小船搬運不論何項船艇雇價銀兩若干均聽丹民

與船主自議不必官爲經理該船不得限定額數並船戶僱載挑夫攬運一切情弊俱不准行惟是該艇等涉走私漏稅情弊查出該犯自應照例懲辦

丹約第二十四款

一丹國商民輸稅期候約准進貨之稅於起載時輸納出貨之稅於落貨時繳納以示限制

丹約第三十二款

一丹國商民輸納稅課銀兩應交官設銀號或以紋銀或以洋銀其應何色銀兩與各國商人一律以免此重彼輕

丹約第三十五款

一丹國船隻甫臨近口約准該關監督任意派委員弁丁役看守或在該船或在本艇隨便居住其需用經費由關支發惟該員役不得向船主船面私取毫釐倘敢收受查出分別所受之數多寡由該關監督按例酌量輕重懲治其罪

丹約第三十六款

一丹國商船進口之後約准以十二時爲限該船主必將船牌艙口單各件交領事官卽於此日通知海關並將船名及押載噸數裝何貨物之處照會監督以憑查驗船主如過限期並未報明領事官每日罰銀五十兩惟所罰之數總不能逾二百兩至其艙口單內須將所載貨物詳細開明如有漏報投報者船主應罰銀五百兩倘單入關後該商自查筆誤尙准卽赴關改正惟仍以十二時爲限可不罰銀

丹約第三十七款

一丹國商船進口經該關監督接到領事官接約詳細知照後即發開艙單倘該船主未領開艙單擅行卸貨罰銀五百兩並將各該貨物全行入官

丹約第三十八款 與英約第三十九款略同起句作丹國商人

丹約第三十九款 與英約第四十款略同起句作丹國商船

丹約第四十款

一丹國商人完清稅餉之後該關監督發給紅單為出口之據

丹約第四十一款

一丹國出入各貨如係值百抽五之貨倘海關驗貨丁役偶與該商各存己見不能定價約准各邀客商三人前來驗貨該客商內有出最高之價者即以爲該貨之價式免致收稅不公

丹約第四十二款

一丹國商民輸納稅餉實按斤兩秤計先除皮包粉飾等料以淨貨輕重為準至有連皮過秤除皮核算之貨倘若茶葉一項倘海關丁役偶與丹商意見不同即於每百箱內聽役揀出若干箱丹商亦揀出若干箱先以一箱連皮過秤得若干斤再秤其皮得若干斤除皮算之即可得每箱實在斤數其餘貨物凡係有包皮者均可准此類推倘再理論不明丹商赴領事官報知情節由領事官通知監督會議酌辦惟必於此日稟報遲則不准稟聞此項未定斤數之貨監督暫緩填單免致後難更易須俟秉公核斷明晰再行登填

丹約第四十二款

一丹商貨物或因潮濕等由損壞致價低減該關應行按價減稅倘該商與關吏理論價值未定則照第四十一款所載值百抽五之貨同法定辦

丹約第四十六款 與英約第四十六款略同各口下少收稅二字

丹約第四十七款

一丹國商船獨在條約內列通商各口准其貿易如到別處沿海地方私做買賣船貨一併入官

丹約第四十九款

一條約所載丹民罰款以及船貨入官各項皆歸中國收辦以充公用

荷蘭約第五款

一和民任便竟致諸色華庶勒執分內工藝中國官毫無限制禁阻游行往來卸貨下貨任從和商自雇小船刺運不論各項艇隻雇價銀兩若干聽和商與船戶自議不必官爲經理亦不得限定船數並何船攬載及挑夫包攬運送倘有走私漏稅情弊查出該犯自應照例懲辦

荷蘭約第九款

一和國船隻進口限一日內該船主即將船牌船口單等件檢交領事官領事官即於次日將船名及運載噸數裝何貨物等情照會監督官以便查驗倘過限期該船主並未報明領事官每日罰銀五十兩所罰之數總不能逾二百兩其船口單內須將所載貨物詳細開明如有漏報捏報等項船主罰銀五百兩若係誤

筆連於遞單之日改正可以不罰俟監督官接到領事官照會發給開船單方准起貨倘船主未領開船單擅行起貨亦罰銀五百兩並將所現起之貨物全行入官至於欲出口之時必待完清噸鈔稅餉後方准發給紅單領事官接閱紅單始行發回船牌船口單等件准其出口若領事官或署領事官不在該處則將船牌船口單等件檢交監督官辦理

荷蘭約第十款

一和商起落貨物及經過內地稅關納稅俱照稅則爲准總不能較他國有多寡不均之數輸稅之期進口貨於起貨之時出口貨於落貨之時過內地關洋貨於給票之時各行接納各商船隻不准擅行搬貨如欲搬貨必先由監督官給領准單方准動搬違者將所現搬之貨入官和船上貨下貨亦須先領監督官准單如運亦將貨物一併入官和商販運外國貨物進口已經納清課稅仍欲將貨轉運別口售賣須稟明監督官委員檢驗果係原包原貨與納稅底簿相符並無拆動抽換情弊則該商可向監督官請領存票一紙內註明所完稅銀若干他日不論本關進口出口之貨均可將此存票當作完納稅項之用其轉運之貨抵他口時再行納稅若查有影射假冒夾帶等情將貨亦罰入官或欲仍將該貨運出外國若經完稅亦當一體聲明稟監督官驗明發給存票一紙他日不論進口出口之貨均可將此存票當作完納稅項之用至於外國所產糧食和船裝載進口全未經起卸准其復運出口如已經起卸轉運中國別口仍照稅則統稅章程辦理

荷蘭約第十一款

一凡緝稅以斤兩計者務必先除皮包粉飾等料以淨貨輕重爲準倘稅關人役與和商意見不合自當兩造同往驗貨若目力不能瞭察之貨再有理論不明和商於一日內赴領事官稟知情由領事官會同監督官商量酌辦惟此未論定之先監督官暫緩膠簿至稅則所載按價若干抽稅若干倘海關人役與和商不能平定其價即須各邀客商二三人前來驗貨客商內有願出價銀若干買此貨者即以所出最高之價爲此貨之價式與貨物因受潮濕以致價值低減者應行按價減稅倘和商與關吏理論價值未定即照按價抽稅之法辦理

荷蘭約第十二款

一中國各口收稅官員凡有嚴防偷漏之法均准其相度機宜隨時便宜設法辦理以杜弊端和商船隻惟在約內准通商各口貿易如到沿海沿江別處地方私作買賣船貨一併入官倘船隻遭風犯險避入者不在此例該處官長自當設法照料俟諸務允妥令其出口起程不准在彼私行買賣如有私行起貨販貨者仍將船貨入官若和國商船在通商各口查有走私該貨無論式類價值全數查抄入官外仍可將該船驅逐不准在各口通商凡約內所有和商罰款船貨入官皆歸中國收用

日斯巴尼亞約第十一款 與英約第十四款略同英商作日斯巴尼亞國商人

日斯巴尼亞約第二十二款 與英約第二十五款同

日斯巴尼亞約第二十九款

一稅課銀兩由日斯巴尼亞國商人交中國官設銀號或紋銀或洋錢其應何色銀兩與各國商人一律以

就此重彼輕

日斯巴尼亞約第三十二款 與英約第三十六款同

日斯巴尼亞約第三十三款 與英約第三十七款略同 通知監督下少一官字末句作可免罰銀

日斯巴尼亞約第三十四款 與英約第三十八款略同 監督官上多日斯巴尼亞國商船進口該口十二字

日斯巴尼亞約第三十五款 與英約第三十九款同

日斯巴尼亞約第三十六款 與丹約第二十九款同

日斯巴尼亞約第三十七款 與英約第四十一款略同 各船作日國船隻

日斯巴尼亞約第三十八款 與英約第四十二款同

日斯巴尼亞約第三十九款 與英約第四十三款同

日斯巴尼亞約第四十款 與英約第四十四款同 則照下作第三十八款所載值百抽五之貨同法定辦

日斯巴尼亞約第四十二款 與英約第四十六款同

日斯巴尼亞約第四十三款 與英約第四十七款同

日斯巴尼亞約第四十五款 與英約第四十八款同 英國商船作日斯巴尼亞商船

日斯巴尼亞約第四十六款 與英約第四十九款同

比約第二十三款 與丹約第十二款略同 約後少註

比約第二十四款 與法約第十七款略同 起句作比國商船

比約第二十六款與布約第二十五款略同船主作船隻

比約第二十七款與布約第二十七款同

比約第二十八款與英約第二十九款同

比約第二十九款與英約第十四款略同

比約第三十款見上貨稅類

比約第三十一款與布約第二十一款同

比約第三十七款與布約第二十二款同

比約第三十九款與布約第二十六款同

比約第四十款與英約第四十九款略同入官下多各項二字末句多以充公用四字

比約第四十二款與布約第三十一款略同不用作毋庸修船作修理

義約第十四款

義國民人凡遇游行卸貨下貨各等事務約準自雇小船刺運不論何項艇隻雇價銀兩若干均聽義民與船主自議不必官為經理若有該船艇匪騙走失地方官亦不賠償義國所僱之船不得限定額數該船戶攬或挑夫攬運一切情弊俱不准行惟是該船干涉走私漏稅情弊查出該犯自應照例懲辦

義約第二十五款與丹約第二十四款同

義約第三十二款與丹約第三十二款同

義約第三十五款 與丹約第三十五款略同未多並將所索多寡照數追償

義約第三十六款 與丹約第三十六款同

義約第三十七款 與丹約第三十七款同

義約第三十八款 與英約第三十九款同

義約第三十九款 與丹約第三十九款同

義約第四十款 與丹約第四十款同

義約第四十一款 與丹約第四十一款同

義約第四十二款 與丹約第四十二款同

義約第四十三款 與丹約第四十三款同

義約第四十六款 與丹約第四十六款同

義約第四十八款 與英約第四十八款同英國商船作義國商船

義約第四十九款 與比約第四十款同

奧約第十款

奧斯馬加國商船准在條約內列通商各口往來運貨貿易如到別處沿海地方私作買賣船貨一併入官但中國地方官查擊此等船隻貨物於未定入官之先宜速知會附近駐口之奧斯馬加國領事其入官各項皆歸中國收用中國各省地方設有賊匪奧斯馬加國商民不得請照前往游歷出入尤不得私自往來

接濟軍火糧食如查有違犯者將船貨全行入官其違例之人交就近領事官辦理奧斯馬加國商船查有涉走私情弊該貨無論式類價值全數查抄入官外押令該商船算清賬目刻即嚴行驅逐不准在各口貿易備有冒奧斯馬加國旗號者奧斯馬加國設法禁止

奧約第十五款與丹約第三十五款略同至私取毫釐止

奧約第十六款與英約第三十七款接第三十八款同

奧約第十七款與英約第三十九款同

奧約第十八款與英約第四十款同

奧約第十九款與丹約第十四款同

奧約第二十一款與丹約第四十一款同

奧約第二十二款與丹約第四十二款同

奧約第二十三款與丹約第四十三款同

奧約第二十五款

奧斯馬加國商民輸納期候約准進貨之稅於起載時輸納出貨之稅於落貨時繳餉以示限制各船完清稅餉之後方准發給紅單領事官接到紅單始行發回船牌等件准其出口其未經完稅領事官斷不可發還船牌

奧約第二十六款與丹約第三十二款同

奧約第二十九款 與布約第二十五款同

奧約第三十三款

條約所載奧斯馬加國商民罰款以及船貨入官各項皆歸中國收用中國各口收稅官員凡有嚴防偷漏之法均准其相度機宜隨時便宜設法辦理以杜弊端

葡約第十三款

一游行往來卸貨下貨任從大西洋國商人自僱小船剝運不論各項艇隻僱價銀兩若干聽大西洋國商人與船戶自議不必官爲經理亦不得限定船數其船及挑夫人等亦不准人包攬運送倘有走私漏稅情弊查出該犯自應照例懲辦

葡約第二十六款

一大西洋國船隻甫臨近口監督官派委員弁丁役看守或在西洋船或在本艇隨便居住其需用經費由關支發惟於船主並該管船商處不得私受毫釐倘有收受查出分別所取之數多寡懲治

葡約第二十七款 與英約第三十七款略同英國作大西洋限一日下多內字

葡約第二十八款 與英約第三十八款同

葡約第二十九款 與英約第三十九款同

葡約第三十款 與英約第四十款同

葡約第三十一款 與英約第四十一款同

葡約第三十二款 與英約第四十二款同

葡約第三十三款 與英約第四十三款同

葡約第三十四款 與英約第四十四款同

葡約第三十六款 與英約第四十六款同

葡約第三十七款

一凡約內載明大西洋國商民何者當罰何者充公入官等項均係歸於 大清國充公與別國無涉

葡約第四十款

一和課銀兩由大西洋國商人交官設銀號或紋銀或洋錢按照道光二十三年在廣東所定各樣成色交

納

葡約第四十二款

一大西洋國船隻只准在通商各口處所出入貿易除第十九款所議未能防範之事外如有在別處沿海

地方入口或私行買賣者即將船貨一併入官

葡約第四十四款

一大西洋國商船如查有涉走私情弊即將該走私之貨無論何項何價全數查抄入官仍俟該商船賬目

清楚後嚴行驅逐不准在港口貿易

中葡會議專條第一款之一

除洋藥裝滿箱之外其餘零星碎件不准運入澳門

中葡會議專條第一款之二

大西洋國應簡派官員一員在澳門以爲督理查緝出口入口之洋藥所有載運洋藥入口一經到澳須立卽報知督理官衙門

中葡會議專條第一款之三

所有運入澳門之洋藥如欲由此船搬過彼船或由船而起上岸抑或運入棧房或由此棧而搬至彼棧又或將該洋藥轉運出口均須先到督理官衙門領取准照方准搬運

中葡會議專條第一款之四

所有澳門出口入口洋藥之商人應有登記簿而該簿之格式係由官酌定發給其所有運入口之洋藥應照依官給予之格式將該洋藥賣出若干箱或賣與何人抑或運往何處以及在舖內存有若干箱均須據實逐一註明簿內

中葡會議專條第一款之五

除承充澳門洋藥之商人及領牌照售賣零星洋藥之人外無論何人均不准收存不足一箱之生洋藥

中葡會議專條第二款

所有澳門出口前往中國各海口之洋藥必須到督理洋藥衙門領取准照一面由該衙門官員立將轉運出口之准照轉致拱北關稅務司辦理以上通商各國條約

日本行船通商條約第八款見海船通商條約門

日本行船通商條約第十八款見海船通商條約門

右稽罰條約

英約第四十五款

一英國民人運貨進口既經納清稅課者凡遇改運別口售賣須稟明領事官轉報監督官委員驗明實係原包原貨查與底簿相符並未拆動抽換卽照數填入牌照發給該商收執一面行文別口海關查照仍俟該船進口查驗符合卽准開艙出售免其重納稅課如查有影射夾帶情事貨罰入官至或欲將該貨運出外國亦應一律聲稟海關監督驗明發給存票一紙他日不論進口出口之貨均可持作已納稅餉之據至於外國所產糧食英船裝載進口未經起卸仍欲運赴他處概無禁阻

煙臺會議條款第三端之五

一咸豐八年所定條約第四十五款內載英商若將已經完納稅項洋貨復運外國稟明海關監督發給存票他日均可持作已納稅餉之據等語原約並未定有年限今訂明三年爲期限滿不得將此項存票持作完納稅課之據

續議煙臺條款之三

現在議定凡照上節所載正稅釐金兩項完納之後該貨主卽可在具有保結之封存處所眼同海關將洋藥拆改包裝其貨包各種式樣尺寸應由海關官員會同該口領事官預先酌定聽貨主擇用如貨主於此

時請領運貨憑單海關印當照給不取分文其所請憑單或每包一張或數包一張悉聽貨主之便凡有此等運貨憑單之洋藥運往內地之際如貨包未經拆開暨包上之海關印封記號碼數均未擦損私改即無須再完稅捐等項此等運貨憑單只准華民持用而洋人牟利於此項洋藥者不許持用憑單運寄洋藥不許押送洋藥同入內地

瑞典那威約第二十條與下美約第二十一款略同至罰貨入官止

美約第二十一款

一大合眾國民人運貨進口既經納清稅課倘有欲將已卸之貨運往別口售賣者稟明領事官轉報海關檢查貨稅底簿相符委員驗明實係原包原貨並無拆動抽換情弊即將某貨若干摺已完稅若干之處填入牌照發該商收執一面行文別口海關查照俟該船進口查驗符合即准開艙出售免其重納稅餉若有影射夾帶情事經海關查出罰貨入官如大合眾國船隻運載外洋穀米進各港口者若並未起卸亦准其復運出口

法約第二十四款

凡大法國船進通商各口如將貨在此卸去多寡即照所卸之數輸納其餘貨物欲帶往別口卸賣者其餉銀亦在別口輸納遇有大法國人在此口已將貨餉輸納轉欲載往別口售賣者報明領事官照會海關將貨驗明果係原封不動給與牌照註明該貨曾在某口輸餉俟該商進別口時將牌照呈送領事官轉送海關查驗免稅即給與牌照一切規費俱免惟查出有夾帶匪騙等弊即將該貨廢拿入官

布約第二十六款

布國及德意志通商稅務公會和約各國商人在通商一口已將進口貨物納稅後轉欲載往別口售賣者即報明監督官將貨驗明果係原封不動載往通商別口時監督官給與牌照註明該貨曾在某口輸稅此口監督官驗過牌照即准卸貨不收餉稅一切規費俱無惟查出有影射夾帶情弊該貨嚴拿入官如欲將貨運出外國海關監督官發給存票一紙言明運貨出口之商人業已多納稅課若干待他日有貨上稅不論進口出口均可持票作已納稅餉之據照數除算

丹約第四十四款

一丹國商民沿海議定通商各口載運土貨約准出口先納正稅復進他口再納半稅後欲復運他口以一年為期准向該關取給半稅存票不復更納正稅嗣到改運之口再行照納半稅

丹約第四十五款

一丹國商民洋貨進口納清稅課後欲改運他國抑或通商別口准稟明領事官轉報監督委員驗明實係原包原貨查與底簿相符並未拆動抽換即當按照該貨經納正稅之數發給存票至於土貨自通商各口運入他口按例納完半稅後該商再欲運往外國以一年為期期內亦准一律發給半稅存票該票無論何商呈驗均准專抵該關進出貨稅不准持赴別關抵課儻於委員查驗之間查有捏報各等情弊全貨俱罰入官至於外國所產糧食丹船裝載進口未經起卸仍欲出洋概無禁阻

荷蘭約第十款見上稽罰類

日斯巴尼亞約第四十一款 與丹約第四十五款同

日斯巴尼亞約第四十四款 與丹約第四十四款略同 商民作商船復運作復改運

比約第三十四款 與丹約第四十四款略同 欲復作復欲

比約第三十五款 與丹約第四十五款略同 進出下有一口字

義約第四十四款 與丹約第四十四款同

義約第四十五款

義國商民洋貨進口納清稅課後欲改運他國抑或通商別口約准稟明領事官轉報監督委員驗明實係原包原貨查與底簿相符並未拆動抽換即當按照該貨經納正稅之數發給存票至於土貨自通商各口運入他口按例納完半稅後該商再欲運往外國以一年為期內亦准一律發給半稅存票該票無論何商呈驗均准專抵該關進出貨稅不准持赴別關抵課倘若該商欲將已納稅之貨載往別口售賣海關應給免稅單俟該商進別口再將此單呈送海關查驗後即給卸貨牌照一切規費俱毋庸再納至於外國所產糧食穀船裝載進口未經起卸仍欲出洋概無禁阻

奧約第三十款 與丹約第四十四款同

奧約第三十一款 與比約第三十五款略同 文後增入嗣後中國與無論何國定立給發存票限期一經通行奧斯馬加國亦一體遵照

葡約第三十五款

一大西洋國商人運洋貨進口既經納清稅課者凡欲改運別口售賣須稟明領事官轉報監督官委員驗明實係原包原貨查與底簿相符並未拆動抽換即照數填入牌照發給該商收執一面行文別口海關查照仍俟該船進口查驗符合即准開艙出售免其重納稅課如查有影射夾帶情事貨罰入官至或欲將該貨運出別國亦應一律稟稟海關監督驗明發給存票一紙他日不論進口出口之貨均可持作已納稅餉之據至於外國所產糧食大西洋國船裝載進口未經起卸仍欲運赴他處概無禁阻以上通商各國條約

日本行船通商條約第十款見海船通商條約門

日本行船通商條約第十三款見海船通商條約門

右改運條約

英約第三十四款

一秤碼丈尺均按照粵海關部頒定式由各監督在各口送交領事官以昭畫一

瑞典那威約第十二條

一瑞典國那威國等各口領事官處應由中國海關發給丈尺秤碼各一副以備丈量長短權衡輕重之用即照粵海關部頒之式蓋戳鑄字五口一律以免參差滋弊

法約第二十六款

凡通商各口海關均有部頒秤碼丈尺等項應照造一分比較準確送與領事官署收存輕重長短一與粵海關無異每件鑄戳粵海關字樣有鈔餉各銀輪納中國者俱依此秤碼兌交如有秤丈貨物爭執即以此

式爲准

布約第二十八款

凡通商各口海關監督官須有部頒秤碼丈尺等項一副送與領事官署存留其輕重長短一與粵海關無異所有鈔稅各銀輸納中國者俱依此秤碼兌交如有秤丈貨物爭執卽以此式爲准

丹約第三十三款

一秤碼丈尺約准均按照粵海關部頒定式由各監督送交各口領事官收用又准該秤碼等項其分量均照續定通商章程第四款爲例

日斯巴尼亞約第三十款與英約第三十四款同

比約第三十六款與布約第二十八款同

義約第三十三款與丹約第三十三款同

奧約第三十二款

秤碼丈尺約准按照粵海關部頒定式由各監督送交各口領事官收用所有鈔稅各銀輸納中國者俱依此秤碼兌交如有秤丈貨物爭執卽以此式爲准並秤碼等項其分量均照續定通商章程第四款爲例以免歧異以上通商各國條約

葡約第四十一款與英約第三十四款同

右權度條約

續議印藏條款第四款

除第三款所開應禁貨物外其餘各貨由印度進藏或由藏進印度經過藏哲邊界者無論何處出產自開關之日起皆准以五年為限概行免納進出口稅俟五年限滿查看情形或由兩國國家酌定稅則照章納進出口稅至印茶一項規議開辦時不即運藏貿易俟百貨免稅五年限滿方可入藏銷售應納之稅不得過華茶入英納稅之數

德續約第七款之一

一中國允凡德商船廠應用雜物准其免稅由總稅務司將應行免稅進口各物名目頒發清冊臚論以上

通商各國條約

右免稅條約

